

釋宗金書



禪宗全書

雜集部十七

(100)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



一、北磻集

八、真心直說

二、一滴草

九、高麗國普照禪師修心訣

三、中興佛教寄禪安和尚傳

十、圓頓成佛論

四、八指頭陀詩集

十一、看話決疑論

五、八指頭陀詩續集

十二、太古和尚語錄

六、禪家龜鑑

七、禪門寶藏錄



目次

壹、北磻集	一
原書目次	三
提要	一
序	一二
卷一：石賦——弔駐春賦	一四
卷二：止止閣辭——華亭白蓮寺記	二四
卷三：大雄寺記——長興獄記	三八
卷四：澄心寺華嚴閣記——華亭南橋明行院記	五二
卷五：惠華嚴傳——石樓序	六七
卷六：玉泓銘——書楊慈湖帖	八二
卷七：跋陸永仲題江貫道寒林圖——跋證覺長懺觀堂舍田檀越名氏碑	一〇四
卷八：四月初八疏——請慧愚極住華亭北禪疏	一二一

卷九：育王席煖簾疏——謝州府啓	一四四
卷十：酒仙祠銘——智門能禪師哀辭	一六五
貳、一滴草	一八七
原書目次	一八九
序	一九五
卷一：詩偈	一九六
卷二：詩偈	二〇八
卷三：詩偈	二一八
卷四：序	二二九
記	二三〇
跋	二三四
書問	二三六
啓	二三八
祭文	二三九
傳	二四〇
銘	二四一
贊	二四三
叁、中興佛教寄禪安和尚傳	二四五

肆、八指頭陀詩集

第一章	集起	二四七
第二章	來歷	二四八
第三章	道基	二四九
第四章	行解	二五〇
第五章	師學	二五二
第六章	詩文	二五二
第七章	法輪	二五三
第八章	愛國	二五四
第九章	衛教	二五五
第十章	圓寂	二五七
第十一章	友嗣	二六〇
第十二章	撫遺	二六一
原書目次		二六五
序		二六七
卷一		二七三
卷二		二七七
卷三		二八四
卷三		二九〇

卷四	二九七
卷五	三〇三
卷六	三〇九
卷七	三一六
卷八	三二三
卷九	三三〇
卷十	三三五
影印八指頭陀詩集序	三四五
八指頭陀傳略	三四六
伍、八指頭陀詩續集	三四七
原書目次	三四九
卷一	三五五
卷二	三六三
卷三	三六八
卷四	三七八
卷五	三八六
卷六	三九五
卷七	四〇七

卷八	四二七
陸、禪家龜鑑	四四三
柒、禪門寶藏錄	四六三
序	四六五
卷上	四六五
卷中	四七一
卷下	四七七
捌、真心直說	四八五
序	四八七
跋	五〇一
玖、高麗國普照禪師修心訣	五〇三
拾、圓頓成佛論	五一三
拾壹、看話決疑論	五二五
拾貳、太古和尚語錄	五三三
序	五三五
原書目次	五三六
卷上	五三七
卷下	五五一

北 磻 集

宋・居簡
撰

北磻集詳目

提要

原序

卷一

石賦 水仙十客賦 死灰賦
薤室賦 食力賦 問景賦
香魚賦 夢賦
幽情賦 種竹賦
梅屏賦 令待詔院圖進
糴賦
糴賦
竹齋賦 碧幢賦
弔駐春賦
卷二
止止閣辭 紫芝詞
姚山僧舍怪梅詞
杭州鹽官縣開福寺圓滿閣記
承天寺僧堂記
承天水陸堂記 釋鑑巖記
檢詳劉大監祠堂記
戒珠寺重修卧佛殿記
普照寺重修西方前殿記
應夢泗洲大士記代人
九功寺記

卷三

三過堂記 寶林寺普賢堂記
湖州寶雲彬文仲淨業記
華亭西寺無盡燈記
瑞巖開田然無盡燈記
平江南翔懺院記
南翔僧堂記
南翔寺九品觀堂記
南翔寺大殿碑陰
澱山會靈廟記
華亭白蓮寺記
大雄寺記 假菴記
常熟縣大慈寺鐘樓記
彰教法堂記
泉州金粟洞天三教藏記
書東禪浴室壁 四無室記
千佛院記
樂境記 福昌院記
資壽寺盧舍那閣記
資壽寺永豐莊記
九龍山重修普澤寺記
妙湛延壽堂記 慶寧僧堂記
崇聖院記 興聖寺大悲閣記
超果寺懺院記
九里法喜院佛殿記
喜祥樓記 澄心院藏記

卷四

鶴記 長興獄記
澄心寺華嚴閣記
長興筭溪樓記
善拳圓通閣記
大軍倉廳壁記 大軍倉庫記
植齋記
碧雲藏殿記 密印寺記
江東延慶院經藏記
陳致政施田度僧記
通泉廣福院記
禪龕院毗盧殿記
江西後城觀記
寂照院記 明真宮記
西亭蘭若記
雲安德英藏記 欽山禪院記
鹽亭藏經記
褒能寺記
證覺懺院記
普照寺千僧堂記
華亭南橋明行院記
卷五
喜華嚴傳 菩提簡宗師傳
無名子傳
兩窮傳
重刻永明壽禪師物外集序

仁王護國般若疏後序

注心經序 集注圓覺經序

送張少良序

送一上人持盃序 清白堂紋

送夢書記序

送上天竺月光遠歸四明序

送高九萬菊圃游吳門序

頑石序

送四明賜越州源珪往華亭序

字三子序 送陳原父詩序

送紫生謁東嘉呂守序

無極序 潯溪驛倡序

贈儒賢聞人晦叔序

元谷禪師語錄序

五洩留題集敘

禮書記歸葬弟序

月巖序 開先性語錄序

月潭序 鏡潭序

送鍾賢良序 送永嘉黃上舍

易紅丸子爲神奇丸序

靈叟序 信翁序

溪翁掠海塗序

送觀書記序 無外序

石樓序

卷六

玉泓銘 泉禪師高原銘

彰教石雲板銘 張公井銘

慈感寺蚌珠羅漢銘

明無礙銘 幻菴銘

福聖曇禪師通菴銘

臨川王正叔隱隱銘 舊隙銘

陸熬銘 白牛銘

佛手巖善住禪院鐘銘

濁港東禪寺鐘銘 布衾銘

叩竹杖銘 端研銘 歛研銘

界尺銘 小菴銘

肖巖銘 紙筆銘 竺源銘

勝叟銘 物初銘

無盡銘 紫巖銘 彝齋銘

舊扇銘 晦巖銘 石門銘

仲舉銘

晦巖銘 檀木白衣相贊

慈感圭老請贊無量壽像

不動居士馮濟川畫像贊

永明壽禪師畫像贊

天樂趙紫芝畫像贊

竹巖龔翁錢德載畫像贊

東坡畫像贊 二桃殺三士贊

三教贊 孤雲畫像贊

下竺印畫像贊

明教禪師五種不壞贊并引

賢者國師贊

強齋高使君金書諸經贊

兩螭贊并引

荷屋常不輕畫像贊

義鑑堂畫像贊

高麗指堂講師畫像贊

妙湛禪師月巖舍利贊并引

下天竺古鏡法師畫像贊

陶司戶畫像 自題頂相

王梁山畫像贊

台宗傑首座畫像贊 野月贊

姚別駕命作四箴

堅窮壯老二箴并引

高秘閣金書心經頌并引

謝林元之議命

王鍊師問道之在天下猶川谷

之與江海

戒鼠 戒頻伽

水制 不爲善

吳江性上人擬濠上游 寫神

贈醫卜風水方生

管城子 撲滿子 末屏

鼎缺 芙蓉楷禪師辯

道法師逸事

答疎寮高處州論激字

釋言

外物 贈輝書記 贈刀鐻工

贈立上人 贈陳生

挂履 言歸

示照藏主 杜祁公病婢帖

祁公子美帖

跋頂山珂兄刺血寫蓮經

書楊補之梅 書楊慈湖帖

卷七

跋陸永仲題江貫道寒林圖

跋穎德秀書文賦後

跋穎大師書韓愈師說

跋智廣字 跋五公帖

跋小米畫 跋六代傳衣圖

讀陽坡許昌朝墓誌銘

跋虞仲房隸字

跋雪竇老融牛軸

跋橫浦帖

跋沈大卿德和修淨覺塔記

書橘洲跋育王僧圖後

跋貝多葉二

跋大參樓攻愧論征僞帖

題或侍者牧牛圖

跋嶼山葛魏二詩

跋嚴太常帖

跋嚴太常編傳燈

跋後谿劉西清贈良傳二帖

跋龍門元侍者血書華嚴八十

一卷作八卷

跋九峯了應為山警策後

跋山谷綠茹贊真蹟

跋查菴懷淨土齋倡集并馮給

事歸去來詞

跋平江寧上人孔子廟堂碑

跋青羅山翁示子帖

跋鄭宗聖博古考義

跋清真亮老所得勾獻可孟藏

春詩

題皎如晦行書後山五詩

題惠崇柳塘春水

跋東坡海外三帖

書壁書記詩卷

跋諸尊宿帖 跋陸放翁帖

跋圓悟真跡 跋圓悟書

跋老融散聖畫軸 跋禪會圖

跋杜濠州詩稿

跋譚浚明所藏山谷巖下放言

真蹟

跋誠齋為譚氏作一經堂記

跋卮菴法語

跋後谿敬堂詩卷

四明至淳上座寫華嚴經施開

元寺跋

書坦禪師塔石 書尼刺

跋歐陽率更九成宮醴泉銘

跋涪州圓上人母氏遺書

跋趙正字士舞帖

跋秀紫芝帖

跋常熟長錢竹巖詩集

跋錢彭參吟仙傳

跋汪龍溪彥章殖齋記

跋孫晉陵帖 跋蓮社圖

書元次山惡圓惡曲後

書劉蛻文塚銘後

書米老書高麗稱孔子佛

題瀟湘八景 題廬山圖

跋瑣師所作飲中八仙圖

跋方別駕味道記黃叔向機舟

圖

跋西嶽降靈圖

書泉南珍書記行卷

書鏡潭照藏主水墨草蟲

題水墨狸奴 題龍眠控馬圖

跋甜畫 跋卧雲樓詩

跋朴翁詩 跋陸放翁帖

跋陶山帖

跋甘露滅記韓徐語

跋四明何道友寫華嚴

跋荆溪教藏記

跋證覺長懺觀堂舍田檀越名

卷八

氏碑

四月初八疏 臘月初八日疏
二月十五日佛涅槃疏
天台忌辰疏 遠法師忌辰疏
承天造水陸堂榜
泗州生日疏
普照水陸閣成設冥一月榜
當湖建觀音殿念佛道場榜
鹽官慧力寺幹期懺堂榜
慶寧鐘樓榜 廣照建藏殿榜
高麗造華嚴觀堂榜
道場建千僧行道閣榜
寶梵崇壽建閣榜
育王請雲退谷湯榜
超山建慈氏閣下作方丈榜
圓明結夏光明經會榜
白蓮花寺翻蓋法堂榜
請印鐵牛住靈隱茶湯榜
靈隱修前後兩殿榜
妙湛月岩中茶湯榜
淨光江月閣榜 龍井法堂榜
報恩重修鐘樓榜
梅屏茶湯榜
西菩寺建五鳳樓榜
鄉講榜

錢塘江上寂照寺幹佛殿藏殿

僧堂浴室鐘樓兩廊榜

韜光庵修造榜

下竺九品觀修造榜

仙林火後建舍那佛閣下作戒

壇于中殿榜

普照寺修西方佛閣展殿軒榜

超果教寺長牆長造橋砌路榜

井亭橋華嚴院重修榜

神林寶雲誦蓮經會榜

中竺造佛殿榜

憲聖太后大行開散道場疏

華亭超果幹田疏

靈隱翻蓋僧堂疏

覺海鑄鐘疏

化閭美人冷淘供疏

建三門且過浴室疏

化煎笋疏 靈鷲修造疏

天竺靈山寺九品觀堂成修法

華期懺疏

智鑑求僧疏

眞如山門檀越二號

印可堂住廣福山門諸山兩疏

代延慶山門蓮社兩疏請奎梅

峯

赤城山門檀越兩疏

一菴忌疏

代錢氏請超果主人山門檀越

兩疏

智詮畫觀音求僧疏

刺血書經求僧疏 買屋疏

法花寺建鐘樓藏殿疏

盧溪盧行者求僧號

趙智才求僧疏 雙峯捺田疏

石佛金地寺塑佛并廊屋疏

大浮山建寺疏

四祖建傳衣閣于中宮疏

小江寺懺堂疏

師子吼寺修造疏

菩提寺砌撒骨池疏

城北寶嚴建佛殿疏

韓菴顯侍者刺血書法華榜嚴

華嚴諸經幹緣盧舍那佛并

龕座疏

慧光菴慧明求僧疏

馬要寺建浴院寺

勸請明因金維那住傳法疏

圓老骨歸殿山塔疏

夏港龍祠疏

修慈受開山塔疏

老壽庵湯妙應求僧疏

長興元保光砌路疏

南高峯修塔疏 祈晴疏
梵天建藏殿并藏疏
如意院幹塗田疏
虎丘重修池上施食亭疏
德清集雲建西方殿疏
天台螺溪再造疏
楞嚴院念佛會疏
楞嚴幹長堂疏
蘭溪密山寺建佛殿浴室翻蓋
廊宇疏
憲聖香火寺修造于中殿疏
新涇淨土寺修造疏
白蓮寺建千佛羅漢閣疏
南高峯建五通殿疏
華亭南禪展三門藏殿鐘閣疏
請寶幢維那疏
開元改三門爲殿并塑佛號
建康天寧脩佛殿疏
四安梵慧院普賢閣疏
廣教水旱後化齋糧并修造疏
淨慈請明晦翁山門諸山兩疏
臨平佛日請度老疏
矮道智辯砌路疏
行者求僧疏 開散楞嚴會疏
海上白峯山慈濟寺三身中柱
普賢疏

卷九

嚴少瞻住其兄杜仲喬菴疏
五峯請愿毒果疏
一老住紫籙院疏
川行者求僧疏
請慧愚極住華亭北禪疏
育王席暖簾疏
宣石橋開雪豆語疏
佛迹山幹田疏
修兄淮南持盃疏
臨海尼如奉求僧疏
化席簾疏
宇文樞密精嚴請涓公疏
鍊牛住靈隱疏三首
眞相火後建法堂疏 化菜疏
百官渡惟一建藏殿疏
講合疏僧疏
義烏縣東江接待疏
離相請光老疏
蒙養正建僧堂疏
臺州請宜老住瑞嚴疏
黃嚴慶善修塔頂疏
錢昭文直香火道人求僧疏
諸暨牌頭建藏幹田接待疏
謝孔目舍緣作道士疏
慧峰建僧堂疏

湧金門外砌路疏
下竺智仁求僧疏 炭頭疏
請梅屏疏
蘄州東禪幹鐘樓疏
蘄州東禪幹僧堂疏
西菩造五鳳樓挂鐘於西偏建
藏于其下疏
城東楊相橋再造并修五里塘
仁和縣尉爲首求疏
南翔遠老幹麥豆莊疏
淨土移寺造觀堂疏
智盧求僧見李知省疏
開夏講疏
普光教院山門檀越兩疏
代人持盃買屋疏
梨洲化主疏
日者陳氏命子作道士疏
諸山爲李臨海昌宗保安眼疾
於千眼大悲殿疏
黃槩湛愛堂造房舍疏
大雄寺白龍殿幹直廊疏
杜寺普光幹柴蕩疏
造鐘樓疏
普照寺修西方閣展殿軒疏
超果無礙浴院幹前軒疏
華亭證覺觀堂教院檀越山門

兩疏

延慶觀堂翻蓋疏
陳寺修圓通閣疏
淨慈冬節疏
智門能老開堂疏
昭慶淨土池疏
妙湛月岩中開堂疏
寄居疏 碧雲建藏疏
正海爭徽廟道場不應作貢院
遭別駕之暴使求僧以償其
勞

心老住道場疏
淨覺法師齋忌疏
下竺修造疏
拜郊臺天眞院移普賢塑佛疏
小白花橋疏
請亭老住報恩疏
婁公瀆中與接待疏
常熟道友培經得舍利無數榜
烏青鎮廣福火後修造榜
長安明兄修造榜
南翔修造化糧榜
龍華寺火後修造榜
侃都寺重開大慧語錄疏
祥後堂住天童疏
印老住天童州府山門諸山三

疏

修造疏
蘇公堤南屏寺修造疏
四眾塔疏
西谿接待建華嚴閣疏
東陽雙魚接待疏
延慶修造未辦疏
致道觀副觀化朝眞法服疏
吳江聖壽修造疏
華亭普照置柴蕩浴疏
證覺買地建延壽堂疏
梅里勝法起三門修造疏
崇德普寧接待疏
慧日僧堂疏
彰教法堂上梁文
大梅護聖僧堂上梁文
育王姚氏子裹鉢奉母主僧宋
印墟其廬利州定製金新之
上梁文
華亭楊木浦朱寺法堂上梁文
碧雲藏殿上梁文
下天竺造僧堂上梁文
丘運使後堂上梁文
慧日僧堂上梁文 謝州府啓
卷十
酒仙祠銘 梵蓬居塔銘

金山蓬山聰禪師塔銘

天童山息菴禪師塔銘

夷禪師碑陰

禪鑒法師塔銘

護國元此菴碑陰

圓明寺慧通大師塔銘

雁蕩飛泉寺豁菴講師塔銘

湖隱方圓叟舍利銘

圓訓二大師塔銘

慧日宗元谷目齒兩種不壞之
塔銘

塔銘

御史銀青米公復神道銘

道場山北海禪師塔銘

趙野雲墓誌銘 祭佛照禪師

祭佛照禪師圓鑑之塔

代佛照祭淵清叟 祭錢竹巖

祭虞稅院 祭于君實宮講

祭齊國趙夫人 祭趙寺丞

祭上元長官趙紫芝

祭盧玉堂直院

祭神林慧元發

祭覺無象以淵清叟配

祭蘿湖雲卧菴主瑩仲溫雲居

老宿聰首座

代鄉人祭璉瓊祠 祭葛無懷

祭紹維邦 代佛照祭雲莊主

祭源上人 代佛照祭瑤監寺
祭昭文錢公 代人祭何康叔
祭錢妙明居士
山門祭吳寺達
山門祭振監寺
代信新戒祭悟侍者
代下竺印祭上竺珪
代祭興上座 代人祭印元實
代祭前人
代祭達首座鄉老人
祭秀州簡上人湖州選上人
達首座索生祭文
祭杲無外講師 祭超老宿
祭勤淨頭 祭圭侍者
祭雪溪皐老 祭魏鶴山
空聖予哀辭并引
下竺印哀辭并引
吊池陽郡博盧蒲江喪耦與女
招魂并引
智門能禪師哀辭并引

北
磧
集

景清四庫全書鈔本

欽定四庫全書

集部四

北磧集

別集類三宋

提要

臣等謹北磧集十卷宋釋居簡撰居簡字敬叟潼川王氏子嘉熙中勅住淨慈光孝寺因寓北磧日久故以名集其集詩文各為一編此則皆其所作雜文也張誠子序稱讀其文與宗密未知伯仲誦其詩合參寥覺範為一

欽定四庫全書

北磧集

人不能當也宗密即圭峯禪師裴休為書傳法碑者其文集唐志不著錄今亦未見傳本無從較其工拙第以宋代釋子而論則九僧以下大抵有詩而無文其集中兼有詩文者惟契嵩與惠洪最著契嵩鐸津集好力與儒者爭是非其文博而辨惠洪石門文字禪多宣佛理兼抒文談其文輕而秀居簡此集不撫拾宗門語錄而格意清拔自無蔬筍之氣

位置于二人之間亦未遽為蜂腰矣乾隆四

十三年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

北磻集
提要

北磻集原序

慶元初予始入太學於時偽學之禁嚴臺官胡紘司業高文虎表裏為爪牙搏噬無虛日學校諸生語言小異輒坐偽罪不以聽予浮沉其間日以短氣遇休沐率一游南北山得士於北磻相羊林泉吟弄風月足以消遣世慮然予學乎泗水北磻學乎靈山予固不以及彼彼亦不予及也居數年北磻出天台為導師而予更憂患歷兵間自荆楚浮江漢以歸至東海上則南北山無復

欽定四庫全書

北磻集
原序

相誰何矣予時以特薦補官不受擢第太常萬輩較下北磻以赤書相勞苦寄新詩啟予出語益峻偉予既歸江西與盱江刺史言北磻於今為偉士刺史走書邀北磻以唐僧紹隆所開山處之北磻高卧不肯起既而江東部使者以東林雲居力致之亦復不肯起今年予歸自崩表北磻游華亭知予入長安駕小舟看予於清河坊客舍握手道契闊十有三年如一日也讀其文宗密未知其伯仲誦其詩合參寥覺範為一人不能當也雖

然北礪無學之宗也文於何有見之文者似焉而已矣
北礪於人不苟合合亦不苟睭取舍去就之際潔如也
其名居簡其字敬叟其生潼川寓北礪之日久故人不
名字之稱北礪云嘉定丁丑十月望日盱江張自明誠
子叙

欽定四庫全書

北磻集卷一

宋 釋居簡 撰

石賦 蘇軾天竺講徒聚石作供為之賦

石奇而怪兮有惜不惜石貶人兮猶人貶石夫二三子悠然會心攀高陟遐隱搜細尋捫蘿鳥輕繭雲景沉俯聞嶽巖側行岑峯磅礪巖阿裴回礪陰洗濯雨蝕摩沙鮮侵歎駭始踴鸞回欲升介如其質銷乎其音如考琮

欽定四庫全書

北磻集卷一

璜如憂球琳如獲大貝如致南金室通兮其何能及石遠兮輦無傭直屹如林兮若拱而揖百夫睨兮無用其力若夫坡陀兮盤峭峙兮桓王佐才可就而不可致權奇兮巧玲瓏兮小市塵隱可致而不可弔俯踈簷而巍裊挂綺䟽而環植立中不倚稟姿淡如却步欲前偃懷反趨匪卑媒尊匪親簡䟽匪璞貴雕匪瘠貴腴蔭之以綠蕉密葉之涼友之以青琅方寸之虛澤之以金莖沉澹之清鏘之以石鼓斷缺之餘堅不可鏘頑可澤輿將

為魯叟之堅乎抑為瞽叟之頑乎或曰是石也皆有飛來之一體始焉飛來終將飛去固蕩誕漫詒兮不可復據夜半有力者負之而起吾恐昧者不知兮防之不預因作而言曰小子識之庶乎一得兮有補于慮

水仙十客賦

子墨遇毛穎於玄泓謂凌波仙子曰穎也情與幻俱思與化侔爾能壞色衣乎瑤叢瓊壑意象倔奇玉臺金甌精爽發輝既寫真以寵而乃觸類而友之丹兮馬加鉛

欽定四庫全書

北磻集卷一

今焉施山黛弗掃額黃奚為妙衆態於一縑革殊轍而同歸感意足於色盡歎朝榮而夕萎仙曰既聞命矣凡物之生豈不曰友有杖之杜亦孔之醜梅兄在前馨弟居后蠟英騰馥兄黨之秀寄林處羣無人自芳並驅爭先瑞香國香是皆臭味之偶較等夷於兩忘我有橫榻縣之北窗楚英不來餘烏足當起而共之曰花中隱者兮與秋澄霽故家東籬兮剪金繁碎宿莽兮必分蒼苔兮拔乎萃雖卧樓百尺可也豈特上下床之間哉英避席

而作曰走不佞請言志簞之揚之秕糠是懲為天下先
曩書諸紳海棠豔春山茶駐春桃源霞蒸李溪夜明珠
大衆富草木知名其可為吾下乎仙憮然曰吾非不願
交也以色媚人寡德也英曰子何見之晚也可以攻玉
它山之石也不賢則人將拒我若之何而拒人也仙乃
曰唯莫敢不承延之上座死母敗盟相索於形骸之外
兮相忘於寂寞之濱

死灰賦

欽定四庫全書

北磬集
卷一

三

已矣夫斯其已焉矣積之何益宿之何閤擁之弗煖仕
之則已撥之則尚何俟既掩之息棄之則孰有是無用
之地始或病其燎原終敢忘於祀帝星之沉螢之翳却
燧人謝司燬非石中擊非鏡中起非海中光非木中燧
雖千炬之連綿與一龕之明偉眇不得其所從又安知
其所止初疑陳編斷而發是殘照又疑疎襟虛而聚此
冷蕊肇自一傳煥乎百世惟取之者深則用之者秘豈
顯晦之不常固行藏之所係必遺魄而潛影則輝天而

鑑地翳妄興於復然粵西京之內史雖再振於餘美已
見溺於獄吏逮辱極而榮來亦背芒而穎泚矧漆園之
老仙傲楚聘而高眈槁形骸與方寸投綸竿於濮水寧
惡富而賀貧寧去此而就彼將貪得而徇財抑舍生而
取義將豐穰之衣繡抑靈龜之曳尾孰若博扶搖跨鵬
背翱翔乎九萬里拾齊物之餘論續齋心之微旨寫鬼
穎於遠思作蠅頭之細字搜精爽於空濛使飛廉而馳
寄興而歌之曰盍歸乎來兮吾其為逍遙之遊自無何
有兮奮於廣漠之野而烏有之林立

欽定四庫全書

北磬集
卷一

四

齏室賦

向斯塞戶斯堦甫容膝僅休影雖晴而陰不夜而暝進
則面牆退則坐井柱忽不支壁忽就殞豁然而虛漠然
而同如蒙之擊如震而警識天地之大全見造物之遐
隱盡草木之態度極川原之畦畛萬緒紛紜一瞬而領
沙平露背山層透頂高木呈枿孤塔出穎風煙慘舒化
變俄頃如無盡藏如大明鏡前山送青若壯士之排闥

後山回闕擬良工之御駿撫鵝鵠而晚眺入冥冥而遠
引笑雲煙之輕去漫悠悠而無定駐落日於西崦延初
蟾於東嶺皆是中所得也於是因陋而飾就隘而整力
不足侈志不足騁儉適茅茨靜愜幽屏自抱窮獨自負
不敏信吾樂吾樂也或曰蕩蕩四海茫茫九區結客締
交春生吹噓木李木瓜利蕙芑豈志之所之稱其所如
今也跼促如轅下駒所樂只爾將胡為乎吾為子不取
也則語之曰履仁正途蹈義廣居仁義而已安知其餘
欽定四庫全書

北窗集

卷一

五

惟正則廣安知其拘一簞之陋同躬稼之審哲千駟之
富媿米薇之瘠癯我則謹終執之如初我則守約執之
如愚客則貌敬其心揶揄反復之而不聽則謂之曰子
去矣子非吾徒

食力賦

或訝余游兮廣居大輿墮兮豐饗華裾殆不知吾不素
食也宏吾說而反諸凡吾有兮四民樂輸入吾籍兮縣
官索租不耕則荒不植則蕪不則蠶食且獵且漁屢空

不顧生觀其通路而後已不其晚乎今也反是安知其
餘勞心治人勞力自劬墾闢田萊罅漏補苴先事者鋪
急則剗除僅支兮目前旁搜兮古初無愧兮自求屬饜
兮自愉大人先生可扳援兮奇字是啗窮老惇獨相煦
濡兮閒情是娛粟吾粟兮瓦孟樂吾樂兮道腴苟不吾
以兮縱其所如亂曰力可強而有也智不可斷兮既盡瘁
也我心適兮雖百紛兮我心匪石兮

問景賦

欽定四庫全書

北窗集

六

謬我晝與衆作夜獨短檠顧景而問焉景乎何闖闖於
此其久也止同廬行同途偃同俯伸同舒不減吾戚不
愉吾愉不巧吾拙不智吾愚不殫吾頑不充吾虛豈所
謂危而不持顛而不扶而累人者邪景曰爾何見之晚
也我生之初豈父母且爾之未生我何有乎我非累人
爾誠累余反以我為累也如之何而勿思爾特立兮示
爾至正俾爾正焉是守爾不倚兮示以大中俾爾中焉
是居爾競爾躁我固自若爾靜爾勝我方澹如將極玄

嘗兮我必爾俱抑臨崇臺兮我亦爾俱顛沛造次未始
不爾俱也胡喋喋而問歟言既而寐夢游濮水授我息
陰楚漆園吏寤而反思爰得其旨極景所如罔知攸止

香魚賦

海賈得水沉之木於絕嶠巨口細鱗厥狀惟肖矯首欲
躍揚鬣欲掉腹背逾尺首尾倍尋渾然天成不刊不錕
將市於通都大邑則燔灼剝剔秘而藏諸則匹夫懷璧
與其市而藏之孰若寘諸八吉祥六殊勝枕玉几供佛

欽定四庫全書

北窗集
卷一

七

頂此念既作鯨波砥平天風飽帆悠然至鄞嗟物之生
豈不願才腫腫自全不鳴者灾才不才亦各繫其達也
方其窮髮之北落落盤踞排震風傲凌雨不知其幾十
百年婆娑垂陰終其天賦蠹根反初槁榦連腐所不為
連腐之位者嶄然鱗鱗郁然圍圉一過賞鑑遂奮於遐
陬窮荒卒臻禮樂文物之土向也不過曷以至此雖然
鍤鑠銀鐺鱗鱗振迅殆與獄戶之劒雷澤之梭跨騰風
雷變化而去

夢賦

曉世以夢謂其頃刻變滅了不足恃邯鄲一炊槐官半
世栩栩魴魴冀所妄冀鳥跡空雲既寤猶寐然則至人
曷常無夢與其夢也舒舒其覺也蓬蓬得傳說游華胥
錫九齡真兩楹所存者誠所兆者神惟道人銛夢尋幽
潛上東山上瘞老龍象出數百言辯如湧泉覺而繹思
了無子遺致書於予曰吾夢為東山瘞骨語覺而眈之
宛然畫像譜子盡為我辯之使反命曰子真夢為東山

欽定四庫全書

北窗集
卷一

八

瘞骨語覺而為之譜豈緣名失實以夢為覺與語真是
譜而得之於瘞骨豈責實於名以覺為夢與抑兩忘夢
覺而適意與將一致名實而忘言與詎知子之夢為東
山而東山之夢為子與不然說此夢者不知為誰而原
此夢者亦復不知其為誰與昔人夢鹿鄭相輒疑曰無
黃帝與孔仲尼苟能辨之果辨者誰殆不足以語此理
之所在十日麗天物無遜形人自眈然論以日明竟沒
沒焉彼有目者不言而喻蓋不待黃帝孔子而能辨作

夢賦

幽情賦

和于
君實

隱約兮窮執德兮洪苞奮在經水早在躬揮毫落紙兮
十吏敏供滑稽怪奇兮解嘲送窮思遠兮雲莫掉鞅兮
誰馭貂裘兮塵侵大笑兮出門去付萬言於杯水蛻豈
虞於讀誤勇一歸於半生問征夫以前路駕言入郭官
舡載書出無者車長鬚者奴委羽黎明中津日晡稚子
牽裾野人挽鬚方寒溫兮未既倒囊錦兮畜儲弔冰玉
欽定四庫全書
北窗集
卷一
九

種竹賦

二姓爭竹山竭產不肯已仙居丞王君懌來囑
余諷之作賦示二姓而訟止

自余耕稼於委羽之西頗復精於藝樹塞瘦竹之雲仍

著清聽於窓戶叟過余而問曰子習吾土竹才不才豈

願聞之與鰻尾之細貓頭之巨桃絲下考江南別緒石

如早晚之筌篴異青黃之苦磅礪萬山之麓綿亘千溪

之許大則乘桴浮海小則惟筐及筥驅水則頃刻百畦

挂椽則裴回百堵橫濤瀾而為扈代垣墻而樊圃既制

戕而紉布復為薪而充炬雖刀斧之不赦豐貨資於善

賈凡子所植咸出其下或斑而跼或紫而偃從然而橫

欽定四庫全書

北窗集
卷一

十一

直然而堅持價不售待用無取既蕃而滋於事何補余
曰叟之所陳匪利矣務嗜利者矯虔於隣里爭畔者陸
梁於道路養睚眦以成俗觸憲章而垂度吾與之淡交
者也天下之竹皆樂為吾疏煩而滌慮一日無之萬鍾
不顧未嘗擇而居焉蓋不謀而同也若夫濟深涉相窵
步騰荒陂釣煙渚未嘗不與之俱也濯炎燭忍寒苦留
天風伴月露未嘗不與之處也睡足巡簷踈莖玉立莫
不仰夷齊於首陽拔千丈之俗針起息陰密影金碎又

若輩游夏於泗濱踵多儒之武倚哀殘冀其生抱節之
孫撫幼稚欲其肖遺清之祖利動貪夫慙夷畢舉地忽
異姓俯仰百主膾雞肋者何限得蠅頭之幾許抑千畝
之就荒將九芑之失據始竭澤而不戒終反裘而未喻
繫叟之感滋甚與吾之言齟齬載嗜嗜而往復愈僂僂
而嘗督耶抗手而語之曰我勅欲眠叟姑且去

梅屏賦

北山鮑家田尼菴梅屏傾京都高宗燕殊宮嘗

欽定四庫全書

北山集
卷一

十一

令侍詔院圖進

屏梅於閒暇之際固足以當一面之託況夫花時不數
孔雀之金塞門之樹兮城南悠然蓓蕾露零剪腴酥乾
玉顏可扶雪妍可編又若堵立十丈於蓬萊十仞之巔
北枝奔而不殿南枝徐而不先孰不顧斜入屋簷橫蘸
清漣殆將小抑高韻兮從其權也雖屈折而拂性終秀
整而全天蓋智巧所自出愈奇兮麗澤平芳鮮豈
吳宮小隊艷冶於長蛇偃月兮與之比肩哉雖然物貴

守常失常則舛反常合道何患乎反牛可貫而任重馬

可絡而致遠水沛然而東之決之西而弗轉又何以異
夫結婆婆而亭亭直遽廬之南榮淪乳雲之甘兮駕清
風於玉川倚紈素之潔兮障順風之庾塵使浪蕊浮花
知夫大邦維翰兮公侯干城吾將取古今騷人墨客盡
疏錄其姓名首之以石心鐵腸繼之以孤山逸民俾登
是選者不啻拔山之與籟雲寄風雅於晚生發先覺之
典型廣平之詔兮不可復續暗香浮動兮尚堪擷英是
舉也得非東家捧心兮效顰於西家者耶

欽定四庫全書

北山集
卷一

十二

糴賦

黃巖之西竹樹之利埒禾稼富民積倉不競縣

南新陳相望據庫增直要突不黔者不仁哉富

賈也作糴賦

北澗遣介問糴於接壤之多稼者夕陽在山徒手而歸
惄然如瘡長喙而歛撫而勞之曰吾遲若之歸也與若
解腰而共飯何遲遲其來乎介佛然曰東方既明草露

未晞請命於邁往扣富兒自卯及申便不及闔守者瞋目眦不見治懷魯將軍指廩若遺嗟今之人彼何人斯計其耕也幾敵鯁之扶犁幾桔槔之灌畦其穫也回江湖之駿奔卷天雲之暮低其飲也渺然基晉之山條然橫浦之坻其入也豈斗筭之足算汗牛馬之載馳介也淺中卒駭且疑乃歌而喻之曰起予者誰兮必斯人者考古驗今兮吁嗟里社長日難西兮生民不暇甦什麥羹兮大田如楮粟方堅壁攻之不下阿瞞小斛洛陽高賈秦漢不威唐虞不化文具之文牆書壁挂若夫貪夫徇財烈士徇名矯矯虎臣藐萬虎育魯英周豪目擊道存既慷慨而內交豈瑣屑之足論漢鼎未分髯孫高眠周不引類而東鄉誰及帝王之畧荊州倒屣孔明借助魯不交言而逆擊誰空赤壁之戰生有斷金之利死有絕絃之嘆鴻鵠之志非燕雀之知虎豹之文豈犬羊之變繫橡栗之四三擬樗蒲之百萬世愈下而愈紛鼓之者誰兮吾得之於黃菊鮑背之所云謂龍斷之賤夫每朝

隣而莫登幸飢歲之相仍偶新穀之未升乘顏氏之屢空肆盜蹠之不仁弗思殆辱奮其并吞睨未曉交家如土崩可以懲矣然猶不肯悟載脂其車言秣其馬於覆轍中星言夙駕雖爭馳而並驅可拱立而俟也

糴賦

予既作糴賦鄰氏之好義者曰某廩直以沮某氏增直之告復作糴賦而申之

謀富而忍其惟糴乎糴亦吾之義也不義而富果為祥乎富亦我所欲也儋石無儲大田未稼食難圖續鄰不可借帖敢忘於乞米色幸憐於欲炙眼或謀於移粟均豈殊於牢社如涸鱗之垂盡遇西江之沛瀉昧者反是悠然待賈控臨嶮塞暴殘鰥寡扼其吭而拊背頰其元而出勝鉅橋紅陳獨夫叱咤割惟雋永眠若土苴凡啼飢號凍者皆起死以歸仁而執銳披堅者咸賈餘於更化或開八百之基或貽萬世之罵吾於是乎知粟愚商幸也奪其飽兮以恢遠圖民不附兮吾誰與鋪錨銖聚歛

兮縱操持殊豈在周則智兮在商則愚秦皇極奢漢武窮侈漢亦幾殆秦訖二世至道之本起於貧富之相支一閔之市必立之平八口之家可以無飢方今盛明革秦漢非爾吐云胡曹若不知蓄而能輸是謂善積虜方守錢雖積奚益器滿則覆獸窮則迫彼乃疾眈我方燕佚恐季孫之憂不在顯吏則舟中之人盡為敵國自遠楚人之炬不戒匹夫之璧惟賢者而後樂此庶幾乎不俟終日

欽定四庫全書

北朝集
卷一

五

竹齋賦

君富於蜀漢中拔萃洋川之瀟霧擁煙蔽滄灣嵌竇殘沙睹水平原萬井沃野千里其類實繁既昌而熾胸中千畝坡戲之耳斷黃之產伯仲叔季陶瓦是代不才者棄竹棲文章簡古新麗湘江雨餘篠龍養雅為筏為桴可稼可蔬船步漁梁雁戶水居汲湘然枯歎乃清婉於柳柳州一唱三嘆乃今勸游委羽買隣荒岡倚倚崇山嶙嶙蒼蒼含煙矗矗連雲農事方隙揮斧運斤萬山答響

欽定四庫全書

北朝集
卷二

六

千筏銜尾蔽溪入江送江入海巨賈萬艘運入諸國蓋不知其幾也惜無品題以配三子乃今賦之刷此君恥嗟嗟竹齋植無寸地盆盎之間蓬蒿而已鮮風徐來大火熾金流石鎔背汗綢袍望屠門嚼乃雞肋爾繫子所樂固余所鄙竹齋主人驟然而作曰吾聞外物者容膝之隘甚於廣宇不則寬曠擬動輒拘尺土寸金中都吾廬一屈一信倏榮倏枯稟姿虛心歲寒燕如吾稍止簷清則厭餘彼筍當道屢干剪屠縱懷是中馳神物初心交也親迹求也踈鄉子所陳各天一隅今子所有不傍子居豈不爾思子居所無吾於是泯而默喟而嚅四顧而躊躇豈夔夔蛇蛇伶風而不自反與吾其風乎吾其風乎

碧幢賦

祇樹函丈之制肖臨卽之四壁藐然容膝之餘地眇一鉏之隙簷楹菑翳竹篠蒙晷境垣四繞盧橘孤實非廬而穹非蓋而仄可以休影可以息迹團團然童童然命

之曰碧幢直曠欲牖旁虛欲窗颺颺怒號屋頭秋江弔楠

樹之既摧嗟杖杜之不雙霽收宿梅溽散初日締枝小

秦箋勲試策吟酣而嘯喧止而寂益者四友坐者五石

四友之外自撫其一方其風甌自銜霧蟾自呵閒雲自

留好鳥自歌古恨如海古愁翻波萬化可搜萬象可羅

余則散生蕉衿搔短髮顛愁然如瘖冷然欲仙乃命丈

人鈎玄既磨既研楮生不約卷舒在前生不事邊幅展

盡底蘊潔而直方靜以俟穎穎探玄津分命馳騁聲吾

欽定四庫全書

北窗集

十七

胸中所無者欲其清露漙漙欲其古玉軫玲瓏富麗

則金谷始繁豪壯則秋潮未平語其雄健則駭耳不調

鯨鵬勇鬬語其冲澹則南山種豆柳州種柳至於典雅

奇逸軒豁鎮密精贍深秀平漫湍激正而葩腴而瘠千

景萬狀各稱其挑剔微四友輔相裁成也庸須更其間

哉於是斟碧茗之波采北山之薇些而落之又從而歌

之歌曰幢兮杙杞菴兮枕柳惟穀與滅俱亡其羊又何

以異夫迹相踈心相忘者耶

弔駐春賦

山茶雪中著花萎於首夏取張右史老紅駐春

粧名之曰駐春作弔駐春云

余自孤山南巖止宣之丁山春用李琯月行霄團茶形

而葩倚檻可扳低回欲言羞澁靦顏殷肌兮淒黯丹臉

兮消滅密幄兮紛披羽葆兮摧斬有蕩者都言米其英

有游者姝言寒其榮壓帽簷厭鬢唇舞天香點文茵殆

不免夫豪虐之手畫痒而不得制也方其猩染玲瓏屏

欽定四庫全書

北窗集

十八

剪龍蔥酣酣絳明童童綠濃謫仙不來況復謝公荒落

落兮空濛疇孰予兮為容翳封植兮眇林自陶寓兮華

風欲鉏其色式遂厥性愛莫助之不曰同姓爛石寸芽

詩人薦嘉屑薜礪茶碎圭破觚味與諫嚴甘與薺蕪方

物兮職貢寐曉兮痒瘰高制作兮品評昌蔡錄兮陸經

配萬錢兮析醒雖百紛兮曷輒嗟艷冶兮是矜若青黃

之自述將苦醲以迎人抑擁腫而引齡矧匪德兮翹晶

焉所如兮全生

欽定四庫全書

北碕集
卷一

十九

北碕集卷一

欽定四庫全書

北磻集卷二

宋 釋居簡 撰

止止閣辭

歛其羊角海立兮山錯愕寂然土囊鏡淨兮一漚弗作
方寸兮淵淵不風兮自湍溺馬兮殺人襄陵兮懷山息
風兮水如砥息機兮心如水歌吉祥兮安時夷猶彷徨
兮奚以為

欽定四庫全書

北磻集
卷二

紫芝詞

并引

安僖諸孫希祇卜母宅兆得芝四莖叶其吉其
友北磻某為之詞

石兮瓊木兮椿飛兮鳳走兮麟草兮芝配是四靈絕類
兮離倫拔萃兮茁英不時兮自解不植兮自萌軟濕兮
紫潤麗澤兮芳新食秀兮春滋挹粹兮露零太和兮藹
藹至潔兮津津山雲兮溶溶溪水兮泠泠華風兮致祥
霽月兮薦清馬鬣未封兮玄堂未扁發之者天兮感之

者人

姚山僧舍怪梅詞

有楚者梅根於墻陰寒梢過墻當池之心池水不渾比
梅德尊維德之清請與水論水謂梅兄既清且奇亦復
怪古歲寒不移古則背俗怪則違眾彼眾與俗邈不汝
共兄曰不然賦形大鈞有萬不齊粵維鈞成伊予所賦
絕不諧俗俗晚盡白以白自淑水泣訴兄兄謹勿言我
維連漪乃行潦怨盡同箋天俾遂厥性反爾怪古及我
登堂兄謝連漪爾母蔓辭天匪汝諧遂及我私

欽定四庫全書

北磻集
卷二

杭州鹽官縣開福寺圓滿閣記

淳熙十五年十一月二十九日杭之鹽官開福寺圓滿
閣成橫陳半空俯瞰百尺莊嚴像設如紫金山廣博宏
麗如白銀闕檐楹飛動闌楯衝直意匠出巧如經所說
嘉定庚午冬予再至是樓閣門開入已還閉見所未見
恍如夢居內宮聆四辯之音又若池涌浮圖瞻滿月之
好莫不心死意消平生狹陋之地蕩然無復畦畛更上

一層洞開八窓霜天澄明一目千里平蕪盡處海門駕
潮沙鷗風颿滅沒浩蕩方是時也將憑虛而遐征浩乎
其忘歸也民於農隙爰來止茲禱禳屢豐求福不回心
與境冥善念油然而作潛恥隱慙不訐而露各於衆前
密求自新盟於生生不蹈往轍更相警飭舉為善人僉
曰淨慧阿闍黎修已是閭之作也陰贊潛翊不既多乎
或曰翼翼飛薨厦屋渠渠費以萬計盡自我出蠹我孰
甚夫何益哉已聞而喟然曰是不足以語此也吾謀之

欽定四庫全書

北窗集
卷二

三

於喜捨度其有餘而取之否則去而之他不較疾遲志
其成而已以吾善幻之巧起其本心之所固有與人為
善何蠹乎不聞苛政之誅求乎錙銖不充筆楚立至民
賦有常其實無底娛耳目泰口體苞苴利子孫沒沒弗
顧使人狗蛇虎僥斯須之生以苟釋重斂與夫樂施孰
愈豈不足追議哉置而勿論也而說偈言報化非真佛
依真立報化法身亦非真真佛安在哉一月在空虛皎
皎千江同演渤與蹄涔圓缺隨所印影與光為二二俱

從月生若謂一即二未免墮諸數重門開樓閣所見與
心會如一蹄涔中具此圓滿輪作如是觀已反觀即忘
我我以忘我故不壞世間相世間成壞相亦與報化等
離相而求真與真長相違

承天寺僧堂記

嘉定八年予與常熟長竹巖錢德載自西湖來姑蘇借
榻承天問藥於可文文新成僧堂可容三千指曰是堂
也九年之功耳微夫子孰能為我記之是夕篝燈對壘

欽定四庫全書

北窗集
卷二

四

筆敏風雨俄頃而成大抵取韓愈送暢師之說抑揚商
評之袞袞數百言頗瑰偉主僧元韶不知講明謂其佐
韓而肆詆居無何而文蛻竹巖亦死記不知所在愛堂
既至尋訪無有閱其家集亦復遺逸哀其落落不諧俗
腫腫明月棄置不售因吟而申之曰僧堂非古也霜花
枯木象骨留香雖為老病設已見笑於塚間樹下雖然
在則人亡則書孰謂古已不復見拂其蹟疏其源求吾
所以無愧於古斯可矣或曰四大吾堂也五蘊吾室也

十二處吾床坐也十八界吾應量器也然則此堂可即
也可離也則又為之說曰堂之成成既難三條椽七尺
單粥則粥饘則饘坐則坐眠則眠母求妙母求玄母談
道母參禪母將心求人安母將法求人傳實自實權自
權頃自頃圓自圓夫如是黃金為瓦白玉為壁汝尚堪
任善乎無盡居士之為言反是粒米寸絲便須具角尾
僧宿負則翠巖遺訓康乎在前不自勉旃其誰勉焉

承天水陸堂記

欽定四庫全書

北窗集
卷三

五

梁武夢神僧得齋之標目閱藏於法雲殿而齋儀成宋
推官潼川楊諤則增廣之東坡上下八位讚則附楊後
金山初筵山北寺再振自是哀冥福單法施舍是則奚
適姑蘇承天能仁革律而禪閣住持者莫知其幾湛愛
堂之來也凡廣大壯麗之興建咸落成於其手嘉定八
年秋余謝丹丘報恩光孝事隱居飛來之陰愛堂遣侍
僧志福持疏來言曰設宴無堂何以侍檀施子為我著
一語付化人淨球使扣檀度後六年而成畫梁飛虹璇

題垂雲花欄種玉風櫺吐月廣袤嚴好甲三吳聞者悅
見者喜問其故曰球始語人人以為難至崑山過大施
者許某與其室人嚴氏捐負郭二頃歛歲入基厥功堂
成則以田贍衆日走市廛不務速務其成而已亦既就
緒復求紀歲月乃謂球曰事不避難衲子智勇也受不
辭衲子等平也叢詬負謗衲子忍力也具是三者綫
溜穿崑崙之石不然強弩之末弗穿曾縞子誠知此是
以成此大役而不見其難遂為四方無盡福田俾後之

欽定四庫全書

北窗集
卷二

六

有事於振墜起廢知舍是三者無獲焉

釋籤巖記

天台法華三昧之所流出與修多羅若合符即如破竹
如建瓴非心思意度識識而指陳也今之三十卷九牛
一毛耳宏遠微密淺聞單見往往不能句讀天寶間荆
谿然公避寇春此窮獨惕然而作曰易演於爻里春秋
作於歷聘不過合之後吾以儒冠換伽黎敢忘吾兩聖
人所事哉巖栖礪槃糝不逮藜夜龕雲屋拾葉記事不

數年抱成書而出名曰釋籤妙玄之道於是大明它日妙樂輔行則又釋止觀文句天台以來駕其說於文字作者鮮儂嘉定二年春余陟華頂度石梁訪國清憩佛隴宜獨蒙養正速余登赤城絕頂浣腸井胥浚之則甘泉源源有乳色瞰書記巖臨焚葉池憩釋籤巖周覽江山徘徊不忍去感昔人難難殄瘁之所成就而光明卓偉如此佳山人晉應請紀其事以俟僧史大手筆若流通大節融攝宏度則有唐補闕梁肅之言云

欽定四庫全書

北閣集

七

檢詳劉大監祠堂記

俗莫下於訐訐俗一成禍有不勝言者嘉定四年西余大覺蘭若罹此酷寺既籍千指星散檢詳大監劉公以尚書倪公語詰郡將楊公之言曰諸部使者復還舊物後十年余來茲聞諸故老感其事闢山靈堂西位公祠以伊蒲塞俾後來知排難解紛於吾山林無告者東坡記宸奎閣於阿育王山妙喜祠之惠也公活此山余祠之功也崇德報功禮也公騎箕尾而上八年矣所不死

者與此山俱傳故些之以詞而頌遺烈公名靖之字思恭蜀之三池人後谿翁仲子辭曰蜀山兮我岷蜀仙兮摘英冉冉兮吳雲望蜀天兮冥冥稷兮非馨德兮惟明綿世世兮安靈

戒珠寺重修卧佛殿記

嚴山擅會稽之勝勾踐昔遊右軍舊處一水一石尚可仿像唐大厯十三年定先葬後石裂龕涌一再不已聞空中聲索肖涅槃像奉以遂宇則既安既固於是用其說

欽定四庫全書

北閣集

八

舉此役落成於開成五年逮會昌之變乃壞大中初再振於寺僧齊翰里人謝乾嘉定五年真淨則顯感楊賓夢像求浴六十年矣又欲承通義師師覺先志盡發所有而新之卧脇吉祥飛慶邃巖曲盡其巧有加於舊或曰佛者覺也示滅有諸曰有生非滅與生滅世間相也瞿曇不壞世間相於生滅法中直指所謂不生不滅者天地不先塵墨不後雖有聖智莫盡其際區區淺聞狹見管闡蠡勺尺澤方北溟疲精竭思妄加揣量只益自

苦盡嘗觀夫日乎大明麗天無所不晝瞑入於地無所
不夜不有西崦之沉則咸池之浴何自而入無咸池之
浴則扶桑之照何自而升故曰常在靈鷲山及餘諸住
處是以信蛇凡胎聖之報雪顧不知所以孺慕也醅勝
幢覺樹之依大權不知所以悲仰也外侮怡然不知所
以適其適也厥類躍然不知所以樂其樂也雖愛惡之
不齊揆之於理皆妄也愛惡在己則內制於私外蔽於
物淪於生滅也克諸己不生不滅者出焉辭曰皇覺不

欽定四庫全書

北磬集
卷二

九

作作必有則修無所修得無所得惟一真實不一不二
何以明之入生出死生報盡矣趣裝前途倏然去留傳
舍賈胡春之方中鳥啼花笑我則示之漏盡鐘曉背時
之宜解其愛縛援溺拯迷舍是妄藥幻出空聲像亦幻
出以幻修幻而踏其踏戴山崇崇可磨可罄天辭刻山
與山始終

普照寺重修西方前殿記

華亭具體蘭若莫如普照其間莊嚴壯麗莫如無量壽

殿殿之殊特莫如孟春之月會千萬人繫惟心自性之
念事理冥契人境兩忘淞江以西邈然寥廓複道橫陳
以翼邃嚴曲盡其巧以盡巧故反見室隘蓮坐高廣僅
覲其趾眉毫宛轉鮮克彷彿遂徹其舊別敞修楹軒豁
前禁八窓玲瓏佛與四衆咸得相見如明鏡中見其面
像又若帝網交光相羅如擊其蒙如發其鄙費倍萬計
談笑而集真懿大師忠信崇教大師祖祥善巧誘倡徒
屬各致其力作於嘉定九年正月落成十二年之四月

欽定四庫全書

北磬集
卷二

十

北磬起於座而告之曰鄉也室隘而不見佛不見之
見初不加損今無室隘而得見佛所見之見初不加益
見見之時雖佛亦物見不能及非物非佛或曰佛固自
若也吾見固自若也有見不見也何故則曰固克在念
狂聖由是即見離見徒問傍觀書以授真懿使喻入社
之淨信者俾知室隘宏敞未始二焉

應夢泗洲大士記

代人

某年月日余之官福之長溪度牛皮嶺憩道傍小菴菴

中僧伽塑像與二侍者皆塵埃晦昧使住菴人拂滌而致敬施金造龕障嵐昏霾蝕之惠某年月日自丞長洲次修門夢僧縑雲碎零示可憐之態謂余曰牛皮嶺別後無定居茲寓姑蘇城外二侍欲偕來盡瘁不得起子幸顧我言既而寤是秋大有郡檄和糴糴場在齊門外破寺中寺曰無量壽東廂僧伽像丹碧剝落二侍骨立與夢中語無二寺既廢像雖復嚴好將何以容乃徙置北禪完理而奉安於爽塏吁亦異矣姑蘇號樂施之國欽定四庫全書

北闕集

卷二

十二

九功寺記

南齊建元末會稽刺史榮穎文頊施第建寺於餘姚之西薦冥福於其子秘書正字給事中京兆尹休秘書正字太子舍人光梁天監初錫休光為額吳越時武肅王

目青寺僧惠清精禱有瘳改曰光明忠懿嗣興振隆起廢者九仿九功惟敘作今額俾清住持清清源人參見雪峯逮神爽常顯則以波羅提目義律衆自是曰明日交曰真遙迭而出開禧初學衡台者曰道源文圭訪余於飛來隱居時法堂權輿於住山妙璉而策勲於其徒思齊辟支舍利塔則餘姚令杜高舊所造重修於敬復者久復壞矣大殿乃了聰與其徒勤苦諸行再造於方臘其餘壯麗與堂稱司農丞李端明記與新昌長靈似良書在焉吾聞會稽之地左鑑右剡帶明矜台佛仙所廬輒擅幽勝象耕鳥耘未必皆有虞之田也而農勤以孳浚井完廩未必皆有虞之居也而子孝以友故家遺俗猶有存者一水一石尚想見王謝釣游處源與圭能為余言之源已矣後來如源者未見也而說偈言齊梁之間竺墳孔章梁不永祚曰吾亡梁陳隋之亡吾固在茲試問諸野亡如何其矧二三君踰矩越度不曰匡扶伊臣惟具好爵厚廩吾何與焉危吾不持吾重吾顛倚歟

欽定四庫全書

北闕集

十三

崇公愛不忘子求福其真易第作寺錢氏有國像設日
嚴冉冉縑雲淵珠出潛絕繩連今方軌聯躅崇公願輪
康莊轉轂咨爾來學是計是論冀此勝幢不窳不崩

三過堂記

或謂東坡因鄉里道舊故若逃虛喜楚然為文公游本
覺是豈知公也哉公以熙寧五年攝開封府推官乞外
通守杭州之明年有事於潤道過橋李尋訪焉而我眉
翠掃形於聲詩抑見文固有以致公者後六年自徐移

欽定四庫全書

北窗集
卷二

十三

湖再過焉文病且老又十年自翰林學士累章請郡除
龍圖閣學士知杭州又過焉文死矣所謂三過門間老
病死於以見其致意於文也深慶元初蜀僧本覺來住
山得公第三詩於禮部尚書楊公汝明遂集帖字同前
二詩登諸貞石尚書西歸題字於賢良鄧公諫從之左
至今樵豎牧兒能指點託行路人曰東坡三過此賦詩
而去公以剛明勁正之氣與姦邪並進與拔不可干若
千崖高秋松桂精神草木凜栗助寡忘眾直行徑前危

機冥施命亦幾殆煙江瘴海至輒忘反地鄉虎落縱浪
吟嘯不知死生患難為何物然則頡頏翔鳴物莫我撓
不足為之禁羈窮窘局動與禍觸不足為之辱泛乎水盈
科浩乎雲無心至今望之邈在天上住山元澄作堂曰
三過補山中缺文而以致其思是紀刻舟之跡而語人
曰劍在此余又為之記與尋劍何異哉

寶林寺普賢堂記

欽定四庫全書

北窗集
卷二

十四

普賢堂之作也為登大我參禮普賢大士者化城禪榻
長連拓鉢食經行之地若枯木留鄰之制中奉大士代
陳如尊者幢幢雲水爰憇爰止咸曰大我大士所都庸
知夫銀色提封玉象步武果在是乎吾聞普賢行願境
界大無外小無間虛可塵析溟可滴數惟此境界不可
盡際端然大我萬仞凌空虛上出雲雨磅礴數百里其
間生植飛走與夫此山孰非是中一塵一沙而此大士
身量壽量亦復若是游觀之人信種善本及本所願亦
於是中不即不離日用不知昧夫心求務以目覩反謂

大士與我異致宿春糧索糗張或三月儲跂山涉江披
蒙茸攀嶮巖幸而至其上壯視肅瞻澄慮歛紛極其所
見野鹿遠導靈鳥逸響晨霏夕嵐萬變陰晴或矚光相
或光攝身天燈暝升天鐘曉撞見聞會心則喜而加信
不則謗且怒其不信自心不見自心見量所造而以喜
怒為用滔滔者皆是也顛山夏水廩不可留勿勿言歸
薦來至茲主是堂者猶妄冀其曹溪一宿驚山半夜俾
知夫大士無乎不在非此山非他山非近而易企非遠
而難致塵塵爾剎剎爾曾不遠人人遠之爾然則某人
圖成嗣先振始普光肯堂某人施地區區之心有在乎
是是不可以不紀

湖州寶雲彬文仲淨業記

公名了彬字文仲湖州烏程縣計氏子寶雲寺清湛則
受業師也十五能誦妙法蓮花經二十七則發明古方書
之秘遇新雨露服伽黎受具畢瀝指端血書所誦之經
為衆工發蒙消埃之報將尋訪而求度生死法鄭禹功

回止之縛茆於雙槐堂之東俾州里疾疫者有甚於水
火之託蕭千岩陸靜州相挽尤力勉為諸公留愈危療
急不勝數旋徙瑤山所療不啻雙槐之東五十而修淨
業即寶雲舊環堵建繫念之所結構象設體製大備十
友會盟一志無移日課有常風雨不渝尅期董修則北
峯印為之主南翔遠日本蒞為之伴綴輯藏乘則諸子
稽其費諸孫相其役凡根椽片瓦皆公為之倡七十八
而綃用成居無何厭世之念作夢三僧雲間來覺而笑

曰此其兆矣使連印印至則為著解疑一章其徒是後
夢有與公同者又復一日見二僧持畫佛公曰大丈夫
行當即真安事假為言訖不見索紙書四句偈曰七八
終壽祿淨業一生篤目覩阿彌陀平生功行足巍坐肅
聽熙怡含笑見佛說法無量衆圍繞於卧內如淨名
室不迫不隘諸徒誦經不置至若七日一心不亂處寂
然如入禪定嘉定六年十一月十九日壽七十八臘五
十一度德稠德藏二弟子藏先公死稠嗣其表兩孫懷

就師慧公始以剗砭之技進於道或以為可鄙吾未見其可鄙也昔范文正公嘗願達則為賢相窮則為良醫窮達者士之常而博施濟衆易地則皆然公以是道游播紳入草澤鍼膏肓起廢疾累行以密衆德務陰不撓世相而相淨業長揖三界翩然而西醫果負公也耶正法醜甚賢聖隱伏膺浮圖厥類惟錯貨殖成俗千礎萬指尸素且不揆一息不來雌雄立判方將十百為伍大書持書刊其謬悠狂怪之言愚吾氓而罔市利聞淨土之說則輒大笑不則攘臂而排之皇皇一生颯然白首日暮途遠穀穿雀飛方是時也淨土豈遠人哉人遠之矣因作而言曰淨業策勲之速求如公者晉東土諸賢已降歷歷可考余游東林企懷古昔山空無人水流花開雖不逮事雁門二難而相周旋於遺民次宗反而求之一社儼然於戲適圓通康莊必自補陀大士尋淨土捷徑必自雁門二難舍是而他之如航一葦於絕潢斷港欲至八德之池難矣哉

華亭西寺無盡燈記

作光明供供養中窺獵人之箭洞犀貫革塵龕佛燈耿耿欲熄箭以剔燈天眼證通况夫南晦膏腴基一蘭若無盡光明吳氏子某有田一頃強半耕而獲之數十口可以無飢不以養數十口之家而以為一燈之施者獨何如蓋其疇曩有事于補陀大士如谷答響如水涵月苟其芬慮難想隱隱潛恥不盡漂雪而欲造夫純誠之地何以感格玄覺如此其著施所難施不為難者殆非偶然咨爾妙朴盡思其難謹終如初俾冥者明明終不晝日月薄蝕此燈長照風雨如晦此燈不夜蒙斯光明若微蒙覆若披雲霧作此施者心華發明照十方刹爾時妙朴從座而起稽首北磬請說是法北磬默然遣化菩薩其名曰穎於四衆前作如是言田而耕續光嗣明乘月之虧持月之盈耕而稼智燭弗熄轉空為晝破冥於夜稼而獲是諏是度以綿以延母止母作獲而塵歌豐慶稔受者無心施者真枕時化菩薩作是說已舉以

授朴既授朴已作禮而去

瑞巖開田然無盡燈記

淨名大士既授萬二千天女無盡燈法門從而諭之曰
冥者皆明明終不盡伊尹所謂以先覺覺後覺也後世
焚膏繼晷號無盡燈非淨名心也日夜相代為明者日
月也大厦既夕風雨如晦瞭然者將眊然待燈而見燈
亦豈無待焉惟有侍故運行於人日月則運行於天運
之之殊不息則一也瑞巖丹丘勝處燈失常運貨殖取

欽定四庫全書

北窗集

卷九

贏使此燈不夜莫知幾興廢住山道全謀諸衆曰貨殖
取贏乎墾土收穫乎智紹曰是或一道也顧主之何如
主之有常則皆永傳不然則勺海為膏伐山為炬徒爾
為也貪曰善紹則請命出山旋測絕淮積鎬累鉢閱四
年而歸僦工闢荒眠歲入為無盡光明茁霜蕭蕭芟影
婆娑焦心勞思恐蹈貨殖取贏之轍求余記其成為將
來之勸

平江南翔儀院記

南翔儀院成會其費緡錢以數萬稽某謀於檀越顧君

某捐金振庠權輿於某年月日和而施者響如谷聲落
成於某年月日高廣宏敞極一時壯麗正修之地幻普
賢懺悔主如雜花法華所說燕寂之所則闢禪觀攝散
亂如留香枯木之制設施於閤則以脩盤礴解衣注湯
於室則以戒宣明妙觸課日用於薰沐則以振其怠裕
歲修於阡陌則以致其久整整翼翼倫次攸敘淞江以
西輪奐鮮儷於戲虛空無邊故世界無邊世界無邊故

欽定四庫全書

北窗集

卷三

衆生無邊普賢則悟夫無邊衆生所同者始一善至無
量善卒踐等覺妙覺以覺後覺衆生反是始一惡至無
量惡卒踐鬼畜苦輪輪轉不息苟悟夫與普賢同者歸
六用根息諸妄初如陷如穿如賊如冤克此一念如彈
指頃則銀色界應念昭徹六用諸妄皆助道法昔所作
業雲點太清雲散夢掃即一切空今所懺摩如湯銷冰
無別有水即一切假斷空假邊一前後際不動本際即
一切中一心鏡空三觀鼎峙法萬其緒即三而知離三

而知即名邪說不即邪說是謂正因正因精明是真懺悔空界衆生可知其際此懺無邊不可究盡昧者昧此脂三毒車策四倒乘蹈八邪轍掉百非鞅疾驅於六塵之墟聚族而謀曰是可罔下愚知者不道也則詰之曰過而不改是謂過矣不知也知者改過乎曰改過然則改過與懺摩有以異乎曰無以異也胡為乎知者不道也仲虺之美成湯曰改過不吝傳說戒高宗曰無恥過作非孔子曰丘也幸苟有過人必知之詎知此懺未出

欽定四庫全書

北窗集

卷二

竺西二三聖賢已行之於此土矣故表而出之俾從事於斯者知夫所謂罔下愚者下愚也

南翔僧堂記

連長榻專廣座容數千指開單盂必撈梁棟選柱石然後可以幷懽震風陵雨雖然非古也古之人一生打徹於塚間樹下古已往矣若今食息於塚樹鮮不瀕洞觀聽曰怪曰誕曰姦偷鬼物歎族呼類水洒徒逐使不在吾境乃已而姦偷之徒往往託以沮吾法元祐間端師

子所勸辯才所拒之妖回頭慶元間趙京兆所點之風道隆咸其類也此堂之建於以見前輩慮後世者若是作五觀法俾食於堂者作如是觀吾嘗謂五觀具四端猶四體也請論其目一曰計功多少量彼來處無惻隱之心則勤不知耕勞不知坎享非正命漫不加省二曰忖己德行全缺應供無羞惡之心則酣嗜終日無所用心盤樂怠傲蕩而不反三曰防心離過貪等為宗無辭讓之心則餐豐潔饗珍美却疏糲縱口體而極其所嗜

欽定四庫全書

北窗集

卷二

四曰正事良藥為療形枯無是非之心則舍靈龜觀朵啗道不腴日以羸氣餒而不支五曰為成道業故應受此食無是四端者何以深造而自得之自得之雖層水我我精瓊而靡列鼎萬鍾不素餐兮是故縉紳五觀黃太史作而象其因南翔寺僧某求紀其師某年月日雲堂之落成也為具載其設施使知某振蕩垂索不徒其為

南翔寺九品觀堂記

蓮社作於東林般舟之道至是鼓行於晉宋由晉逮今
衣冠縹緲菩薩行人策勲淨業載諸紙上語者不勝數
嘉定四年仲春之季昭文錢公象祖易簣之際吾猶及
見之佛聲未斷怡然垂訣天香天樂隱隱戶牖其聲其
臭皆非常聞是時諸孤擗踊號慟荒迷懺愧不暇知聞
予時承丹立報恩之乏與三峰大長老蒙宜獨在焉蒙
憎凡子以吾浮圖為誕哢使予勿言前所謂紙上語信
不可誣按經中說有佛取土曰清泰國無地問津心能

欽定四庫全書

北窗集

卷三

知津不皇不王太古自若不令不申至神自化七情不
鑿九品成列塵剎幢蓋樹林水鳥法音宣流佛願力故
極惡重障報相現時溺於九死一念知反力不暇給過
人教令憶佛念佛十念成就宿負俱泯即生於此雖下
下品皆不退轉上善種性觀法精密想念純至一念相
應斷前後際不動本際正遍知海皆從想生如指標月
月因指見見境想滅得月指忘月與境冥忘性亦滅滅
無可滅所滅亦空見彼導師與二大士及彼四眾交臂

如故悟惟心上非中非邊此觀與堂亦非中外文奇勸
發罄竭而助修印振始不徒其為從節承終亦既其力
嘉定三禩爰舉是役丙子之秋遂落其成刊諸琬琰昭
示來學俾敏厥修毋怠乃訓

南翔寺大殿碑陰

南翔大殿成於某年月日而後造像亦既久矣古野與
殿不胥稱頹圯不可治後某年月日寺僧文果改作如
七金山炫耀赫奕佛像慈而威恭而安給侍菩薩則威
而慈天神則威以恭其不敢安則一也巧麗尊特所謂
皆有聖人之一體佛則集大成也即佛之大成而得吾
心之廣大恣脩即吾心而指衆人之心心佛衆生三無
差別文景辦心李某辦力工之薦巧亦心佛衆生之所
同者殿有記茲不重出

澱山會靈廟記

祀天下之大典也德不被物功不及民者不在是典蟄
所以報歲功也凡水旱疫癘蝗螟則黜其方之神然則

欽定四庫全書

北窗集

卷四

在是典者庸尸素哉羸秦時邢氏三女子死而有靈能役鬼工各開湖汭渚亂流以弭水患澱湖之靈其季也網罟之利舟楫之益民歌屢豐苗害不生一方之氓均飫其惠嘉定七年孟夏大旱奔走羣望有禱輒爽知縣事李伯壽命主簿陸庠躬至巖扃檀木始然水立晝昏濺沫飛濤沮洳冠裳傍睨辟易陸固自若不倚若有相者得魚得蛙連雨之徵必冀所求不獲不已潛魚既躍蛙亦隨至需雨雩注三日足用歲大有秋申聞朝廷錫號會靈揭榜之辰陸乃肅齋齋奉其行以侈君賜以答神耽觀者如堵震動山谷水天一碧幽顯咸若黃黿鮑背相瞰而作曰神未止茲福我茲土千有餘歲不知幾縣吏之禱於斯也一朝潛惠徹覆於吾賢父母之手久矣吾神恒其德而勇其惠也褒封之後凡所以惠我者亦豈有加於疇曩而貳其心哉獨嘉吾賢父母能講明政之所先務使朝廷恩渥不及尸素之鬼足以風勵素食息事俾敏厥修予聞而嘉之遂櫟括其言而文

之俾修歲時之祀者歌之歌曰湖山兮蒼蒼湖底兮天泱泱樓觀兮凌空虛突兀兮金銀鑄舳艫兮轉輸秬稌兮繞湖不知幾千萬兮寄豐凶兮慘舒煙冥冥兮雲淡風蕭蕭兮葭莩目闕兮曩之富物不疵癘兮民不顧顛隳兮榜題雨露兮新滋神之靈兮聽之

華亭白蓮寺記

熙寧元年歲薦饑溝洫間老羸枕藉邦人吳世榮相景德寺僧宗喜收歛而火於此蓋不知其幾也法林嗣興律部謹嚴道俗向化土木金碧咸極其巧藏以度經堂以容衆憧憧水雲挂益息肩大殿鼎新則思度受其成幻佛與天則思坦恣其力閱二十一寒暑得今額度既老謂戒空曰力不逮志日暮途遠然則奈何空憤悱而作曰將九母者虧一晉繫我父祖創業未既了此緒後非我而誰乃益自奮厲搏節於寒苦寂寞中不疾不徐度度爰畝化夷塏於重淵封沮洳為茂林向背衡直各得其所俾於農隙報功植福物不疵癘民胥適悅歷年

四十策勲於戒空之手則又屬諸妙惠增其所未至惠
偏求紀述莫予為宜予謂惠曰若知夫是利之成資喜
與空久而彌芳者乎異乎吾所聞於今之貨殖於營繕
而務速以駭愚驚俗者遠矣苟利其速必不以誠格人
而以倖劫也至於然頂然臂鍊指灑血凡所以鼓吹閭
閻傾動觀聽者鮮不勇為治其荒唐謬悠之言聾瞽匹
夫匹婦而致其心使妄冀夫所不當得皇皇規毛髮之
利汲汲濟其所欲施如結漁者亟縱亟釣而求好生不

欽定四庫全書

北磻集

二十七

殺之益小不如意則籲天疾呼曰施果不足恃而善果
不足為不幾於龍斷與益亦觀夫古之建幢樹剎過千
百年更廢迭興苟冒其地輒愆於厥躬以逮其後人吾
不知胡為乎而然耶揆以吾法則必以為誕詭落落不
偶俗故吾罕言以俟忘言者辭曰澱湖北隣機山以西
喜來相攸開此招提乃振溝洫燎幣燔歲不知幾何動
以萬計一再有傳至於法林林學南山右規左巖像設
有嚴以相鐘鼓建大寶輪以授思度度拜稽首謂旦與

空權輿非難難惟厥終繼自乃今罔敢或墜念茲在茲
事乃克濟我觀白蓮澄淨不垢名是蘭若亦曰弗苟咨
爾來學當如是觀毋求安心求心所安



欽定四庫全書

北磻集

二十八

北磻集卷二

欽定四庫全書

北磧集卷三

宋 釋居簡 撰

大雄寺記

行在所直北四十里寺曰大雄舊曰上保安後晉開運四年鄧氏作缺時建治平二年賜今額地接良渚峰嶺秀野水通安溪沃壤綿亘山無潭湫蜿蜒湧靈嘉定八年夏大旱港斷潢絕者數月羣望不孚此山出雲雨近畿有

欽定四庫全書

北磧集

卷三

秋朝廷寵嘉封爵建祠錫賚鼎至始郡祥符寺僧覺定偕方外友慶端相攸居之經始之志克艱克勤壯規宏模儼然在目三門兩廡再造於建中靖國元年則子殊有方起廢於風淩雨震之餘懺堂之作於崇寧三年則子純悉力於時和歲豐之後高敞堅好州里鮮儷肖無量壽像作懺悔主為衆庶澡過雪非宅心純想之方子欽晚出才具絕人喟然歎曰是利之作也亦既久矣殿者所以舍佛表出尊特其可缺乎度才僦工遍扣檀施

祁寒隆暑不小休卒有成於政和三年越四年使有常

有感造佛菩薩天龍給侍如七金山與殿胥稱至是凡

所宜有不可以加矣先是有常結界以落之以禦諸非

律儀其法曰天可陟吾界不可入地可陷吾疆不可犯

應不吉祥不俟禁呵勇自退舍於廣漠之野而無何有

之鄉此常之心也若夫三灾彌綸心為本根弗鋤其根

圖蔓難既乃於是中自焚自溺窮盡未來庸有了時母

使吾常徒用其力故併書之以授愛堂俾告來者愛堂

欽定四庫全書

北磧集

卷三

雅善予如湛其名嘗主黃檗十二祖大道場云其辭曰幢刹之興存乎其人其人伊何駕大願輪南渡以米寺滿山谷願輪不馳器滿則覆惟我大雄一燈相尋百禩策勲逮于雲初厥惟艱哉如此其久豈不務速務以不朽龍蟄于山寶寄豐凶緊爾正直相吾鼓鐘

假菴記

淄川王識之束髮自立汲汲為善掉鞅塵表強安四隅榜曰假菴宅心以仁遵路以義滿洒茆茨剖破藩籬洞

然八窓眇然一枝借書東家分照西隣優哉悠哉聊以
卒歲假於人者若是其假人者豈止是而已古已往矣
書則古人之糟粕舖糟餽醕浸漬沉酣歸澹泊寂寥之
根發胸中至味之蘊殘膏沐新騰馥騰遠有英可擷有
豔可摘藻澤萬彙沾溉百世將假無言之言而強記之
忘言也假無聞之聞而強聽之絕聞也譬夫水飲豈
傍睨者知夫寒暖之節則必萌異同之說異同之說不
息則安知吾之所謂假

欽定四庫全書

北窗集

三

常熟縣大慈寺鐘樓記

千鈞之鑄不梁百尺之高而莫虞之則停輪息苦警昏
導迷何所安冀寒山夜半聲到客舫非衲子明心即詩
人得句昧者往往以是為迂濶不切不知美教化移風
俗王者先務而心華發明照十方刹亦豈細事大慈為
福山望刹創梁天監中長江橫陳五峯擁環古木夾道
童童如幢寺背中微木亦就槁及其再振木則重茂大
鐘橫撞僅在平地厥聲弗鉉不足以發深省文遠欲造

樓未幾而寂其徒如瑤了此緒緒不日而成嘉定九年
三月既望也輦飛半天遐眺無際寺與樓稱鐘又稱之
費幾萬緡始遠欲市田為山家經常計幡然而作曰市
田非比丘法則又反諸檀施施者不受願聽所欲為至
是舉以權輿其事餘出於其父母昆弟飛錫來北碕謁
紀歲月余語之曰昔昭默大士云身為比丘不尊父母
於佛法中謂之不孝是役也予以繼先志又豁父母昆
弟施心一舉而兩得雖然曩見子擔簦負笈問天台之
旨於諸老之門今復見冠冕多眾於古靈山晉進不已
至於厭飫心初而流通所學以壽佛祖夫如是又豈特
孝於其父母哉萬緡之樓土木之事耳吾所紀者在彼
而不在此

彰教法堂記

土必腐木必蠹堂則有成與虧法存諸其人未始有成
庸虧耶彰教法堂五間第十七代法中建歲月莫可考
寺無耆宿與夫識載也貌床屏陰題云元豐七年十二

欽定四庫全書

北窗集

四

月二十五日住持修穆造屏植于堂堂必先豈七年前所造耶隆興元年九月十三第二十七代師寂龕蓋則見於梁題逮寶慶二年弊而不可為矣鼎新之權輿於十一月十五成於三年三月初七柱踏舊礎崇增二尺三寸敞小閣支寢堂之上楹挾以兩祠宇則鄉所未有惟堅固惟侈惟壯固惟麗雕刻文藻皆勿用取材於家山取飯於家田取財於施者不足則貸相是役者豫章西山碧雲菴四明如潔落成之日四衆聳瞻謂余為能欽定四庫全書

北窗集
卷三

五

殆不知余方將謝不能也噫美輪美奐今固非余心初所由志危而不持顛而不扶盍亦求余所謂法存諸其人無成與虧也何故

泉州金粟洞天三教藏記

黃老於漢佛於晉宋二氏之書滿寰宇聚則充棟載則汗牛何其多耶問其數各五千餘卷與秘府牙籤相上下巾幕嚴秘往往過之金粟洞天在泉南勝處住山人凝雲黃去華總三家之書于山中真諸大輪藏所

謂藏也者藏也涵藏之謂也藏諸名山古也或病其以二氏之書亂秘府妄意求合孔氏噫合其可求乎求而合不勝其不合也苟不可合雖孟賁烏獲之勇之力不可牽糾而使之合不可離也雖強分之視勇力烏乎施然則離合有常理不在歟齒舌間也天地間大物莫如海百谷東輸未始見其盈尾閭泄之未始見其虧而與百谷同一味曷嘗求合於百谷既至於海矣海則曰爾江耳河耳淮濟耳盍各安爾甲乙之序涇也渭也亦正爾清濁之分然後去貪取廉旌芳潔驅污濁俾各從其類雖蹄涔之陋罔不蕩夫海失長百谷之道強為是區區之別不可得也夫如是庸詎知吾求合於外耶善乎荆國王丈公答曾子固之為言也善學者讀其書惟理之求有合乎吾心樵牧之言不廢苟不合諸理周孔吾不從吾嘗紬繹斯言而志夫學隱然得之於中東海有聖人出焉此言合也此理合也西海有聖人出焉此言合也此理合也故萃天下之書使天下善學者博觀

欽定四庫全書

北窗集
卷三

六

約取離乎其所離合乎其所合也

書東禪浴室壁

僧園四事外所當有莫先浴室大火三伏金石流土山焦汗浹浹如雨執熱不濯必鬱懣蒸燥憊憊如醒冲和之微幾何而弗傷傷則病病則欲為毫末之善了不可得東禪浴室新於紹定五年冬起數十年廢於寺僧惟一之手一之為也亦難矣萃鉢哀錨基此役未嘗開口語人有施輒受受輒適義所受既義人樂其施束薪如

欽定四庫全書

北窗集

七

桂得三十畝負郭於章氏女為樵采之直費緡逾萬弗務速弗侈靡弗規圖以豐索囊弗勤衆以淫土木區區求紀載為錯貴振勢之具有正因衲子調度乃策其勲勞識諸室之壁為是數者之勸越明年季秋既望潼川北窗云

四無室記

問宣子以內三術為主立性具之體以外三術為之張發身器之用迨榻擬古曰無生室窠裏碧縷曰無聲

漏爝火不息然無盡燈落日懸鼓觀無量壽不越尋丈扁曰四無於四無中問清泰津或謂余曰燈即佛身鏡

即佛界於此界中復有溟渤彌廬原隰丘陵草木鳥獸人及非人俱從佛生得佛法分云胡西壙設象注想不務內觀區區外馳則語之曰見月執指執與忘指忘指執月與執指同燈即佛身鏡即佛界子知之矣不知鏡即月也而佛與燈不一不二子識藥矣未識藥忌藥忌反毒益癰病蒂望吾四無適越而北轅日驚日遠只益背馳因作而歌曰鏡非月燈非佛了了見竟何物雲無蒂天無畛風景西顧然髮無隱

欽定四庫全書

北窗集

八

千佛院記

距余故廬未遠一舍縣曰東關縣之西岡阜秀整龍矯鳳闔一峯橫溪陰作怒倪狀矗石飛峙其上層出千佛莫知幾何年巖間有刻漫不可讀里社禱水旱禳疵癘如響答慶厯二年彭氏造殿舍佛號壽聖院某年月日改廣福子原者張氏子蚤穎異走南方叩省宿執侍天

童宏智覺禪師爰得其旨沉潛燕默以悔其所有余四五歲時大父行輩指以示余曰是有道者也創大閣於淳熙丙戌擬內院以奉慈氏垂成而死法會實終之慶元庚申敞新閣以貯舊殿之千二百應真輪奐與原所創儼居無何而會亡紹圓舉緒後然後大脩兩閣翼然煙霏間與溪山相領畧補空缺而采粹爽部勒一丘壑鍾英毓華豈獨發為人文抑又以境攝人起其所固有之善油然而於心初善益善惡罔敢不悛此原之志而會欽定四庫全書

北窗集
卷三

二

與圓之善巧會之徒了因訪孤山南巖隱居言其詳而請紀述故書之余老矣浩然有登樓之思尚須杖策倚檻遐眺幽尋援毫而賦賦罷而歌以此原與會而與圓相勞苦

樂境記

湖州

余既憒樂境之榻主人與余倚檻喚魚憶濠上游作濠上吟倚檻而歌曰適今居樂今魚所忘者余又安知夫魚夫魚與余怡怡兮愉愉主人莞爾而作曰異乎吾所

聞吾師西之酣酣上池車軸九花一花自題故吾狀所樂之境而致其思冀凡我同盟之人既盟之後言歸于好信夫子之樂夫樂吾為子不取余於是原其樂窮其自亂之以曲終之雅而系其辭曰胎蓮命慧之提封地之嚴淨俗之粹美退嗟窮空樂苑四禪載諸契經雜諸傳記無有若相它土鮮儼豈數畝之宮窮土木幻培塿瀦清漣種芳鮮以蹄涔擬虎眼凝瀟所同日語雖然我知之矣惟心惟國惟性惟覺玉芬陀利泥滓芳擢五濁不垢一埃弗著是樂也可以斷百非之鞅可以釋九類之縛昧者昧此而小夫樂

欽定四庫全書

北窗集
卷三

十

福昌院記

餘姚

游源溪塢間當重山之陽寺擅其勝建於唐長慶四年逮會昌五年廢錢吳越時號永壽大中祥符元年賜今額後一百九十二年結九夏制方會食於堂則自顯詮始杭之普濟師鑑者發蒙於此晚歸自方外與清涼行仔圖振厥緒先輪藏而鐘閣法堂兩廊次第皆輪奐而

田三百畝歲入七百餘斛可給千指刷數百年已廢之
羞嘻亦勤矣然廢興有數也長慶之興也莫不欲子孫
世世壽域中一善之成會昌之廢也莫不欲父祖世
壽域中一善之敗成則長慶成敗則會昌敗福昌固自
若也然則再造於吳越策勲於鉅宋豈偶然哉咨爾鑑
洎爾源與仔爾維一乃心毋維罔予聽守成之難難於
圖成燕安之毒毒於艱勤謹終如初率人以誠扶此勝
幢勿欹勿傾勿負節衣輟食以為施者是謂報吾君以
及吾親

欽定四庫全書

北閣集
卷三

十三

資壽寺盧舍那閣記 平江

崇閣華觀祇樹之制相望皆有太莊嚴藏之一體苟以
土木之役瀕動觀聽則不耕不桑何自逃祖宗之誅蓋
依經所說以境攝心起其所固有之善油然作於外物
輟輟之際俗日益下相陵相競日益勝方其忿時莫知
自懲亡其身及其親不暇顧雖嚴刑峻罰不足威過塔
廟必稽顙舉手是孰使之然耶隱然於中者不自泯也

資壽之閣嘉定三年住持善通作寶慶三年無聚智湧
登閣而喟然曰美輪美奐昧者未必弗以為游觀為燕
晦夫創建厥旨遂實以琅函玉軸五千餘卷一一牙籤
標其目中設盧舍那補陀大士壯麗與閣稱凡厥間見
莫不善湧之為咸謂其無忝厥祖無忝大士故家遺俗
而成就者如此以倡贊曰報身圓滿輪補陀小白花琅
函五千軸一一懸牙籤光耀日月明復道出雲雨洒乃
如幻人幻此如幻境欲度如幻衆成就如幻事是事實

欽定四庫全書

北閣集
卷三

十三

資壽寺永豐莊記

市田非比立法馬祖百丈以十方共住為叢林則塚間
樹下者有所歸宿自是資生儲蓄寢成俗建幢樹剎施
宅上營厦屋立常產大如甲第小若編戶有業則賦興
衆多則用繁必經紀於其能集事者掌會稽謹出內

制盈縮不足則持盂四方此姑蘇資壽禪寺永豐莊之所由作慶元三年常之無錫淨慧禪寺僧妙瓊妙祖倡二十人以次袞金洎衆施營膏腴一千八百五十四畝縣官拆而復園者半田舍農器稱是可裕數千指洗鉢之急資壽有田自瓊與祖始方其心初發時此田已具微勇往精奮忍寒苦甘淡泊確乎不可拔百罹弗怨順處逆境尚何以集一事若毛髮比况千五百畝有畸之田哉咨爾衆欲登加行地必先資糧適百里者宿春糧適千里者三月聚糧佛道長遠久受勤苦乃可得成佛語也百里千里之不啻上上種性則一超直入鄉者大城我所化作為止息耳則法華具載所詣之地果安在而中下之流亦復小憩所謂資糧豈專在黍稷種桂與夫禾麻菽麥倘受此施終日飮一米未始嚼着或不動口已咬著沙則瓊與祖畢命為期盡瘁於是所成就者憂憂乎其難也何憾焉故樂書其事而紀其歲月又系之以辭曰飢兮寒粥兮饘饘粥之餘既磨既研志斯堅石

斯穿終之以得免忘蹄兮得魚忘筌

九龍山重修普澤寺記

梓邑十山川俱秀整發為人文蓋有所自来唐盛時文章顯者有之智術顯者有之迄今未已也鄒甲九邑饒沃壤美風俗煮海之富供縣官一水一石半在少陵品題中九龍亦佳處普澤寺踞山之陽故老相傳作於唐歲月莫可考考於圖經無聞殿最古記不及創始淳熙癸卯祖輝新華構擬天台方廣舍半千尊者丙午復造重閣煥麗擬內院以奉慈氏兩朵巖然會二十八祖於其下不十年策成績至是盡瘁九年之功也了相嗣厥志不墜振始吁亦勤矣方其權輿之初無一錢直費輒數萬計莫非求人求人之難難於梯天不知幾推挫幾頓抑譏呵哂誚斥辱困折之不顧乃克就此種種莊嚴使杏駟封蔽者一歷耳一屬目蕩無吟哇本有之善油然而起善種芽甲惡習殄殞夫豈徒殫財力瀕觀聽事土木丹碧炫耀浮俗然後為得也嘉定甲申季秋既望

輝諸孫宗印為余言其詳余方堅卧小朵之陰鄉夢日
栩栩想念存注歷歷冥現如登春臺心空目明萬象掀
露了無遁形又若翩然適華胥氏不皇不王淳古粹美
作是觀已兩忘去來如睡夢覺如蓮華開呼印比丘執
東校事毫忽不遺悉書以記

妙湛延壽堂記 平江

疾病相扶持無憾於養生送死以明王道之本佛世寢
古建幢剎棲冷灰槁林臘穹德茂者却塚間桑下嵐容

欽定四庫全書

北湖集
卷三

七

露蝕之患又為省行堂以別不老不病欲其循省日用
事若學之正偏業之勤荒行之缺全思之沉悼好惡之
失中喜怒之或私利養是崇進修是怠應病授藥法惟
一味以治其內劑砭鍼艾以攻其外正命小康幻體亦
寧或又謂之延壽堂延壽云者延此者也壽此者也非
人間世短修延促之謂也今者反是樂便安者巧圖其
居耽燕佚者曲求其處先之以貨賂申之以強援弗知
廉與遜為何物盡巧致曲時知志於道者袖手旁觀此

顧芒背忍死不為也一念之思傲睨黃髮觀齒累然困
踣於其外祖宗成憲遂為具文往往大叢林亦如之今
妙湛鼎新斯堂故書近世叢林墜典以告覆車在前冀
革斯轍雖然水沫芭蕉匪石匪金燕安鴟毒少壯勿恃
美疾惡石老病無忽作如是觀以度生死則住山月巖
某之宰制者舊執事某之裁割勤勞百艱不徒其為是
役也作於紹定三年仲夏晦落之於冬書雲

慶寧僧堂記 華亭

欽定四庫全書

北湖集
卷三

七

慶寧自某年月日智圓創建若干年殿宇廚庫容眾之
具凡所當有次第而集者其徒師訓之力居多又若干
年而僧堂之役未舉緇白之有力者未嘗過而問焉今
成於圓公之孫訓公之子古鏡文果祖作之父述之子
成之君子曰善繼志也僧堂之作非古人意古無招提
況堂耶自枯木留香後天下較奇策勝翬飛炫耀床榻
窓几惟恐不壯麗蒼蒼疾疾無霧靈風雨暴露之慘既
適既寧精勵勝進當倍徙異時塚間樹下不三宿者何

反無聞焉方其滑雇疏橋一單三椽正因者莫不廩然
反觀惕然內求絕意死生榮辱外形骸於死灰槁木志
節獨苦於塚樹間不相下充其所學饒其心初不慙先
聖決定明訓然後以其所覺而覺他人答此信施昧者
反是苟安宅形冥冥焉為念念臭腐生馳於庸鄙誇難
今夕何夕颯然白首入生死輪出沒異類靡所底麗展
轉酬酢無有窮已於戲釋籤巖巖迴燕坐石冷赤城華頂
萬八千丈我念昔者峻躋巍陟日死魅墮草腥地落百
欽定四庫全書
北
卷三
十七

崇聖院記 江陰

常距江陰逾百里無招提衲子暮夜投逆旅與商賈雜
秋潦冬冰宿再或信實戾三尺而百丈所呵尤不小貸
剝樹於此中流一壺也丹丘智觀早出於外見閭閻習

惕然不啻飢溺歸白父母願得所當予之產之直父母
予之卷而來茲既營葺髮蓋自剝苔哀鐫銖積分毫相
攸夾壇挿草成梵剝凡所當有者次第而集作於紹定
元年白禮部給臨安府錢塘縣崇聖院廢額甲乙焚修
以待雲水訪北礪隱居倫次其事乞紀歲月則謂之曰
天地間寧久爾把茆也今夫人之子子曰伊吾上口必
曰釋氏熾王澤熄王澤熄則害中國蠹四民又何汲汲
此役嗾其喙哉觀曰子何見之晚也六駢渡江扈而至
者叟起為侯伯戚里內侍賜寺恩寵厥父祖金碧照耀
西湖南北操塹入其門一世閱幾興廢消煙冷燈盡之
不嗣與夫豪力盜據而不復振者何恨我之所作拾其
殘棄之餘移寘荒寒寂絕之地俾緇白不相紊避三尺
百丈之禁孰曰不可子獨不聞荆國王文公云方今亂
俗不在佛乃在學士大夫沉沒利欲歐陽氏則曰修仁
義以勝之仁義勝吾死無憾余不憚其言不能敘也

興聖寺大悲閣記 華亭

具千手眼若兩目兩臂而不自多登地已前未易議運
兩目兩臂若干手眼而不自少等覺妙覺則多多益辨
過此以往則佛地無量聖身歷塵沙劫作所難作辦所
難辦從聞思修入三摩地獲二殊勝始一目二目而千
萬目乃至八萬四千爍迦羅目一臂二臂而千萬臂乃
至八萬四千母陀羅臂目自鑒覺而不知鑑覺手自執
捉而與執捉忘各安所安不相違礙手眼可盡其應無
窮如風行空吹萬不同或不鳴條濤山撞春及其止也

欽定四庫全書

北磬集
卷三

七

土囊孰封如月初上清涵萬水影分無數月豈有二及
其入也銀闕罔閉如春在花如意在弦意兮不傳春兮
不言倥侗小智斟酌聖量如囊流螢擬熾燎原又如敲
空欲諧金石不知人人圓具此妙借燈玉座初非高廣
大莊嚴藏本無闕鑰紹興九年十月華亭興聖寺火十
手眼大士歸然瓦礫中命婦衛氏載之以歸居無何夢
好女子謂之曰盍送我還覺而異之燒香拜像前憶夢
中女子惟肖涓吉護其入冥諸僧堂乾道初議整綴殘

缺大參政錢公某寔為之倡寺僧互相其事像復完好
光燭霄漢行恭惠輝者蹟光所自得之於蓮趺右趾聚
族而謀曰洪覺著靈陰翊孝治宜崇閣以尊事若雲淨
藏如瑩躍然相和未幾恭與雲邂逅而逝瑩曰逝者如
斯志未嘗往也願借一臂力以畢余志自淳熙初訖嘉
定癸酉嘉平策勤茹苦三十年乃克承奉大士於中楨
道上安三世佛藻祝燦霞丹楹煥日翼然橫陳出雲雨
上諸莊嚴事莫不偉特宜考績而嘉成功故系之以辭

欽定四庫全書

北磬集
卷三

三

曰泠泠兮載熹炎炎兮廩而山移兮數莫移玉石兮俱
焚玉兮溫其錢之信由衛而敬信既孚所敬者盡載節
兮載完光奮夜兮斗寒碧瓦兮層輦複道兮雲齊納月
兮璇題煥金碧兮陸離同盟兮安之俟如瑩兮一變

超果寺懺院記

華亭

懺不在堂在乎本心至到懇惻循省往謬自愧自悔一
洗滌已永斷相續纔萌輒夷母使滋蔓以事法顯事融
理偏是則名為真懺悔處功用雖至己第二月佛言世

二健兒一不作一能懺不作則自至於規矩準繩視聽言動焉往而非中焉往而非正能懺則發露發露則克己已私既盡白圭青銅一經磨拂永謝塵垢雖然未若不作之為愈也懺摩改過也改過不吝聖賢所贊過而能改善莫大焉皆健者也健生勇大勇也義理之勇非血氣方剛好勇鬪狠之勇也不然疇能一鉏永盡餘蒂如焦穀芽如石女兒華亭起果寺火後獨懺院未復比丘道元視祖居舊址久矣菑翳乃斬蓬藿剪榛棘因其

欽定四庫全書

北齊書
卷三

三二

姐氏易箚時餘粧在奩結奩付元琅琅遺言務成此段奇了了不及其私慨慷奇男子生死之際不是過元感其誠益聲其長洎猶子某氏之施市材選良呼集梓人作於紹定四年二月二十八丁丁斧斤不日成之高廣雄壯輪奐鮮麗懺室嚴密禪觀邃飯食經行解衣礪礪各得其所然後檀施市田各為行人了一日入期費綿綿瓜瓞與此懺利它自利相終始因作而言曰萬生擾擾均為目前之謀一息惶惶誰作身後之計若元之

姐氏者目前身後俱無懺微元又孰使承其託

九里法喜院佛殿記 吳江

塔廟之制晉魏所嚴尚矣斥像及殿德山也既而復其故何前倨後恭也耶吾嘗究其說矣別傳之妙在直指即吾心見佛性天真萬惠無相萬間皆吾性具見量方其柄此能事壁立千仞設教函之固乃以兩雄不俱立為之說使大乘器一起直入輩玄覺向上人遂有岩頭雪峯勃然作興鼓行而南昭昭揭日月方是時也斥斯振仆斯起是謂不壞世間相而操縱自若也佛者覺也竺云佛譯云覺或曰能仁以仁覺人曰大覺中雖屢述不啻秦火力排痛詆於雄辯之口而不加損極崇盡敬於不世出之主而不加益口舌信信愛憎紛紛只益自勞匪戾吾正法喜大殿之再造也偉特壯麗冠冕衆刹爰有檀度葉為著姓富而知教楷式里閑寺之文顯戒詮素以質實格人卒賴其族風動信施五六比丘從而和之作於紹定戊子某月越二年二月而成然後惠曰

欽定四庫全書

北齊書
卷三

三三

師永造佛及侍衛如七金山十八開士序列左右使見聞者若天台旋陀羅尼於法華見靈山儼然未散既識其實而系厥辭辭曰空王嗣芳遺像有嚴世出世間戴仰戴瞻踞芬陀花若聆其音即而扣之寂寂若瘡謂其果瘡則為誇佛曰其有聲厥聽斯感有無兩忘其聲琅琅石湍激風舌相廣長徧覆大千說塵沙偈偈無數字字無數義泐字尋義入海算沙得一實義如空中花空花無蒂義眇朕兆歸根反初十目並照雲欽義天洞然八荒巍巍絕言海印發光

欽定四庫全書

北湖集

卷三

喜祥樓記 通泉

事神如事親神則享薄親而厚神神則羞然則安神非孝也聰明正直者弗享或曰敬鬼神而遠之既聞命矣未聞孝則謂之曰孔子稱禹曰吾無間然矣菲飲食而致孝乎鬼神未有孝乎鬼神而薄其親者此蘇悅之之拓地遷廟於爽塏麗正黼之倡衆飛樓於空碧遂獲男子之祥而昌其後盖得事神如事親之道作於嘉定丙子九

月十四日越兩年而成輪奐不減白崖白崖今日玉屏隔江有唐拾遺陳子昂廟余少時往來廟下望玉屏如削樓觀神嵌岩如化出某年月日厄於火新廟未見也少陵杜工部過射洪作詩五篇至今山川為之晶明拾遺讀書堂在金華山并故宅則擅其一二語不及神至今黯然有遺恨抑重文德名節為風俗勸略諸奇偉壯麗之觀耶辭以補其闕俾修歲時之祀者歌之辭曰雲生兮洲西樓迴兮雲低練繞兮屏開橫翔兮水中坻翼翼

欽定四庫全書

北湖集

卷四

載醲

澄心院藏記 通泉

佛所說經一味之雨三草二木所澤各異根差性殊豈雨之咎車軸之滴匪海莫容大心溟渤乃克堪受涵攝其義曰藏運行其說曰輪舍藏無以蘊其奧非輪無以發其用第二義門特出巧思制成八軀八窓玲瓏面面

層室以貯琅函以絢金碧以擬觀史大莊嚴藏樞正殿
中以靜以應一機潛發飄風疾旋若翻地軸使海水立
盪胸決背條爾如砥曰此權道會心以境嘉定五年三
月初十通泉澄心蘭若殿以真藏十二大士瑠璃光熾
盛光幻出環堵岩石間儼然大光明藏各質所疑又疑
東方塵刹神力斷取聞輒意消況見者耶此祖意覺證
善巧所自出法堯先造大部四合八百四十卷祖意覺
證又足以五十四十八卷是役也動以萬計倒橐不留
一簣直餘出諸施者落之於嘉定十五年七月二十三日
十年間關亦勤矣噫經來白馬寺止四十二章先覺諸
賢華竺接武所致者半滿未具取一闡提生公受摘再
譯法華什師蒙恥壁觀沙門則有楞伽四卷新州樵者
止聞金剛半偈小龍湫破句讀於海眼任灌家未終軸
於圓覺藏乘之備莫盛於斯宜極玄臻奧冥心契初昧
前日相倍蓰曷反寥窅無聞焉雖然舜何人也予何人
也有為者亦若是余喜澄心龍藏無缺文也亦作是說

鶴記

常州天慶觀

鶴可狎乎九臯晏然不可狎也曩常乘軒條然而來也
何故回初度學回者畢至鶴也胎仙庸知夫弗與回寡
騰下上於瑤瑟三疊而婆娑焉或曰誕或又曰百獸率
舞於擊石拊石樂之和也與天地旁宣人和發於天地
間而胎仙格又奚誕若夫玄裳迅飛縞衣翔鳴步虛古
壇寥陽廣庭瞭斯靚聰斯聆是日也歛陰縱晴聳瞻萬
人

長興獄記

代人

天下之至平莫如天子之法側持則敬古今之常道莫
如聖人之經不通則泥囹圄則盡其情偽而後付諸法
引經以參證俾不失其當于廷尉時天下無冤民用是
道也後世獄市若龍斷豪壓則鬻豪巧誘則鬻巧利啗
則鬻利禍休則鬻禍苟可以利己害人者靡不為也死於華
楚死於桎梏死於凍餒死於疾疫堂堂之生遂為瘡痍無所
申愬之死天子之法適足以黻散其私余試茲邑諸老

先生懼余不足任此繁劇則謂之曰昔為此邑者亦人耳前政之善吾師之不善不由也苟擇其易將難者誰屬乎既至視板帳琴如絲會稽之籍爛如糜訂之所聞則老姦猾胥支辭蔓說靜而求之而不得其朕眇而索之慘淡意象差一二相應既而軒豁呈露盡得其要俗雖悍不鄙夷之訟雖囂不淹回之信稍孚凡所以固陋者一日必葺獄最圯岌岌欲壓囚繫在其下輒慄慄遂痛自搏節而一新之俾不幸而至是者得其所示以字民者加惠於此一本於誠以吾之誠格其所固有之善相警飭於一家由家而井由井而鄉由鄉而邑仁不勝用矣然則悍俗之與囂訟抑有廖焉是役也作於某年月日逮月日而落其成

欽定四庫全書

北磻集卷四

宋 釋居簡 撰

澄心寺華嚴閣記 通泉

佛富貴具諸雜花雜花富貴備諸大莊嚴藏不得其門則重重帝網歷歷鏡像無邊刹境何自而覩閣名華嚴作而象之然則行布圓融理事徧圓融行布事與理融理事一如事事無礙而土木金碧較奇篇巧曲盡人

欽定四庫全書

北磻集卷四

為豈能仿佛是故童子欽念六扉洞開於慈氏彈指聲中及其既入六扉還闔譬如壯士屈伸臂頃果圓瞻却

不覺不知身徧諸樓閣中一一樓閣皆有彌勒從初心至究竟處處種種事得妙法門與諸前聞如海一味得此味已無量差別無量蘊奧翻瀾之問二百建瓴之答二千於此味中染指可了是謂童子一生成佛淳熙十五年澄心院比丘覺如建大閣造善才南詢百一十城與所詢知識於其上繪二十五圓通於其下則師照智

演為之微三比丘願力所成就何以格檀度樂施而懋厥功也耶越幾年落其成而系之以辭辭曰陽精升雲岑樓先明演渤潮生眈澮後盈月印萬水罔間渭淫風鼓衆竅颺颺同聲法霆始震蟄戶撤扃意大乘器即觀厥成如日之升如海之渟如月皎皎如風冷冷矧乃中下其智孚瓶既自滿假又臧厥貞各銜其照燭火腐螢竭未會中瞽視瞽聽遂使巨鑄噓於寸筵是閣之作惟儀惟利盡於是中破塵出經

欽定四庫全書

北磻集卷四

長興箬溪樓記

代人

舊亭枕谿因谿得名某年月日某建縣有重客館穀必於是閱歲滋久屋老弗治流為旗亭躡跡不禁寢地寢斥祿差枵脫藩垣安頓吏困簿書期會加以悍俗囂訟汲汲剖決日不暇給及瓜者欲去未行逆旅狹隘回翔意緒庸免悠然獨酌栩栩丰炊之嘆於是喟然口與心語曰萬室之邑舟車要衝因仍固陋若是其至也乃紆厥思規撫於胸中未以語人一夕風雨仆亭若相厥志

豈天地間物乘除於數而存諸其人耶抑山川之靈思
革其舊而新夫清淑之氣以振厲文物耶於是準直市
材俾其樂輸鳩工於豫不絕其時撤亭而蜚樓若干楹
於亭址作於某年月日逮某年月日而成畧其巧堅以
圖其久去其麗壯以圖其固學官再新相與面勢練澄
漪漪半樓夕霏鴛鋪翼翼崇簷曉碧市聲遠耳萬竅風
止卞雲露青雙瞳電明部勒山川氣象成一都會可以
拊長筵展清流策休暇餘景婆娑吟嘯商評得失求無

欽定四庫全書

北窗集
卷四

三

屬於民以告夫志尚與我同而登斯樓者如護吾廬嗣
而振之俾勿壞因作而歌曰安得大裘長萬丈與君都
蓋洛陽城再歌曰安得廣廈千萬間大庇天下寒士俱
歡顏某也魯敢用前聞以俟來哲

善奉圖通閣記

宜興
代人

徵心心忘執忘自戕辨見見泯執泯亦爾瞿曇所以寂
初開示如來密因為新學修證之本策勲密因安住大
乘勵大乘器擇圖通機應圖通根以救阿難及諸四衆

文殊承旨領此妙選二十有五登地亞聖各陳昔因補
陀大士青錢萬中餘雖審諦弗當其根是故大士獨任
斯託眼既聞聞耳亦見見六用互舉非證不識此方教
體其惟音聞聞性精明所入常寂風旣偃溪磔抵庭竹
若合符節如空涵空自昔至今得此門者其數無量終
盡未來巧歷莫數閣名圓通蓋取諸此俾圓通根從此
中入爾時北礪從座而起駕言出遊步向上層式瞻輪
奘倚楹晚眺賀燕未乳求友鶯老悠然一聲啼破幽寂

欽定四庫全書

北窗集
卷四

四

方是時也普門不鑰洞開六扉八窓澄鮮昭晰萬象塵
刹幢蓋巍巍原隰窈窕澗壑嵌嵌谷邃膏山雲溪月莫非
大士小白花岩自它受用境界種種殊勝種種如莊
嚴藏宏博壯麗不勞彈指如大圓鏡物來斯照如帝
網珠交光相羅影見重重無在不在則是閣之作也直
顯勝妙家風革人險隘邪偽同歸廣大之正惡習日霄
善日穎楮更相漸磨丕變風俗帶牛佩犢知所深恥是
道也佛四智中成所作作智之所成就予佳佳山某闕此

妙而發明之故申之曰透山兮冷冷蜿蜒兮沕沕璇題
今宿雲呵護兮山之靈

大軍倉廳壁記

鎮江代人

倉敖基兩漢餉道不絕也淮東一道貔貅萬竈所仰給
厥任重非錯綜精練之佐分掌出內會稽雖有應變宏
才偉畧終勤於獨振倉實今使長總侍某官發軔之地
毫忽利病罔不備悉每以獨振惟艱白諸朝乞去甲仗
庫官別增監倉一員依舊銜止添魚監甲仗庫五字俾

欽定四庫全書

北湖集卷四

五

事集力裕若已蒞事時等而上之逮今使節駁駁黃閣
黻禁而惠被四表自某官至某官歷三任壁記未始建
恐改作之自久而不聞遂疏凡居是官者在官之日與
夫爵里名氏悉書於其下庶夫往績歷歷可考

大軍倉庫記

鎮江代人

罅必補漏必苴風雨飄搖之必支挈挈惟恐緩家居者
之為期與子孫相終始圮西則就東圮東則就西移敝
居完居安辟危往往棟欲墜梁欲折乃去而憮他屋官

居者之為滔滔者皆是君子則不然居日必葺園日必

涉急公於私操心慮患泮然有以異是大軍倉庫屋老

矣脊頽厲風趾摧潢流某官不遑寧白使長某官朝聞

夕報鼎新於多事之秋不日而成比舊益壯麗于以見

使長孚於其屬恢乎有容不靳也若此因作而言曰魚

川泳而鳥雲蜚豈獨專美於唐三百年之名流也耶

定年卯四月
旦兩記同日

植齋記

欽定四庫全書

北湖集卷四

六

山居玉立萬竹當疾雷破山羣蟄斯奮時稚子戢戢見
頭角不決月駁駁拂雲亭在深處日婆娑其下客有傳
氏某適至拊竹而作曰能自植者也余以植名齋盍借
竹以識余所植則謂之曰植立也致力於植則必有所
立確乎不搖若頽瀾砥柱行富貴行患難綽綽見於事
修身齊家虛心勁節皆事也身修矣有類乎猗猗介特
不衡不倚不言而信不令而行曰齊家林林而羣蟲蟲
不亂正家而天下定矣虛心若可以受道道集虛虛者

心齋也勁節則寒暑不移有常操也安節之亨承上道也具是四德也王馬曹拔庶類而君之指以謂人曰何可一日無此君矣夫見不倚不撓於晚節末路不自免庶類俱靡者善乎詩人之為言也不羞老圃秋容澹且看寒花晚節香當與孔子所謂戒之在得同一關紐微此君孰與論夫植

碧雲藏殿記 宜興

欽定四庫全書

北湖集
卷四

余賦碧雲崇明篆旬有七日會諸耆老及久於其事者商畧一家之政宜所後先咸以經藏為缺典不覺喟然曰經佛言也言心聲也在則人亡則書不尊所聞何以見佛心非藏何以度經非殿何以舍藏矧事不避難勞人自逸非是是役也繫我職取材之待用者振之不足則市之雖樸橄弗棄斧斤一施輪奐在目作於某年月日越明年九月日落其成然後屈衆力於藏雕磨涂棟付擅時精巧者八觚校校玲瓏八窓實以琅函玉軸承

厥終於戲梵釋之居殿止有嚴堂止有容廩出內庀春炊剪糞衆法會稽庶務止於所司賓客檀施奔走給侍止殿攸處貴堅好不貴侈靡與其過制孰若適中樓層閣崇戢戢璇題涼觀月榭炫耀浮俗得非聚人而役之何以聚人曰財財豈天雨鬼輸必首之不可必有之怪說申之以不可妄冀之甘言盪莽忽荒詭誑謗吾不知古龍象屍林塚樹間逆旅天地遽廬千古又何謂也

密印寺記 湖州

欽定四庫全書

北湖集
卷四

或謂梁武帝崇佛不永祚昭明造塔廟不永年佞佛以祈益何益耶秦并六國欲帝萬世竟弗再傳扶蘇胡亥壽考安在不聞佞佛過秦第云仁義不施攻守之勢異也密印昭明所造考訂舊聞索斷碑殘碣無所得埃塈埋古刻卧廡下洗刷而起之彷彿少師米公友仁小楷西南大長老華嚴公祖覺序寺僧行昭範銅為萬二千斤之鐘所由鑄大學馮公櫟為之銘宏偉典瞻言太子施園造寺今祠於東廂為護法主掌寺事者云舊有記聞

諸故老罔知誰為碎於廣明之盜墜典未克舉蓋嗣華嚴公大手筆俾二大士翰墨文采照耀於蕭寺寺檀越常選文章貽後世非暗投也敢請於是受東而作曰此大道場肇自天監二年文孝皇帝居東宮時用祇陀太子故事以園為施時富名流江惣沈約在帝側豈兩公文字乎石泐於會昌例廢時抑夷於張雄倡獫狝時或廣明盜所壞皆莫得而知也樓殿崇崇冠冕衆刹跨龍庭面構李翼車谿枕青墩梁曰報恩唐曰咸通悟空吳越

欽定四庫全書

北齊書
卷四

九

時曰吳興皆禪居我宋錫今額會昌之禁解鹽官安國師嗣子如縱昌厥由緒克觀厥成土木金碧壯麗於前日既老而寂無着嗣子德會守成規惟謹張雄肆虐罵賊而死白乳湧數尺行欽與其屬三四輩整而完之至是三學比丘未始乏為天台賢首之學者相半晨聞清裕者神異卓絕里社所嚴神異吾所不道由梁逮今逾八百載成虧有常數武宗之廢武宗之愚也張雄肆虐張雄之虐也揆之廣明亦莫不然固已雲散夢掃吾密

印自密印主之者存焉耳辭曰嘗聞蕭梁以弱為仁仁吾不知弱是用評景臨天威顧不及仰惟其能然夫豈弱喪文孝夙慧衡鑒古制英蒐奇獵珠貫瓊綴手開僧園如祇樹林呵禁不祥池湯城金棄德作威身殞威逝德明惟明芳流世世曰縱與會真奇男子縱舉百廢會罵賊死握拳透爪嚼齒穿齧易地皆然不忝厥生爾德爾心洎爾四眾高躅曷承企會與縱

江東延慶院經藏記

欽定四庫全書

北齊書
卷四

十

教有半滿藏無小大般若寶積華嚴涅槃合八百四十一卷自五千四十八卷出近世蜀之昌州不動居士大學馮公以無量壽願施五千四十八卷凡四十八藏八百四十一卷亦滿厥數往往梯此有大小藏之目非古也藏也者藏也涵容融攝為義琅函玉軸則有海宮龍伯之所嚴秘密意玄義則存諸其人爰有大智破塵出經會於一乘如海一味一盃香積飽均四眾貧女寸焰不遺遐隱師子手足一金也江河支別一水也諦審機

器利鈍隨應玉象徹底偃鼠滿腹各稱其量乘此大乘
至究竟地豈丹雘金碧雕礱塗棟幻出龍鬼扶持凌空
虛之所能彷彿時有比丘名曰智日聞如是言矍然而
作曰我之所居康廬送青彭蠡闔戶賜號延慶巧當勝
處嘉定壬午作此佛事明年落成實惟妙演書四部經
則有智玉矧二化士厥惟艱哉鐘鼓殷床梵放薄雲妙
高四朶夜摩諸天如風忽旋如海忽翻樞應無窮莫盡
其極一機休復海湛天碧八窓玲瓏塵消鏡空萬目仰

欽定四庫全書

北朝書
卷四

十二

瞻風負惡習不鉏而拔信萌善穎油然發生審如所言
則徒取檀施靡金粟勤人勞衆從事於不急之務哉則
語之曰吾所陳理法界彼所為者事也實際理地彌滿
清淨云何是中更容他物事法界中或一其缺單輪弗
馳隻翼弗飛理隨事徧則逢原左右事得理融則千差
一照理事無礙事事渾融則藏與經非一非兩及破塵
者三無差別

陳致政施田度僧記

施僧欲其四事具足一意參扣餉僧俾正命充滿邪解
弗作舍僧解風雨飄搖之憂浴僧拂妙觸宣明之跡至
於度僧則如上種種盡在於是教必尊僧蓋佛祖所自
出度僧度佛祖也責佳實於良苗非雨露之所滋耘耔
之及時必稿於烈日萎於雪霜又何所妄冀區區舍家
林林服勤稍穎異者皆良苗非恩霈自天則一伽黎亦
何所妄冀故叢林有賢勞之澤等而上之逾一二十寒
暑乃能得就令得之必四五十筋骸盡瘁欲求如佛

欽定四庫全書

北朝書
卷四

十二

祖因地勤苦精敏時所為心至力殫何以至大究竟為
大福田發生富貴壽考報効檀施毫髮反常如經所云
可怖可懼爰有信善致政陳公洞見此理捐膏腴三百
畝歲度一僧芳聯世世自一至多傳無有盡推此願力
亦無有邊天竺巍巍靈山未散此廣大心與山俱高蜚
閣廣堂助增壯麗光明懺摩屢歲隨喜是不可不書也
噫塵勞之傳各知資生財知其豐勢知其崇業知其廣
位知其穹孰非為子孫計若蝸蟻踣而起不知積而能

輸輸而得所歸於佛隴教觀家與佛隴之傳相終始獲善應於斯文如公者鮮矣故吾表而出之為區區若蝸蟻之戒

通泉廣福院記

廣福皇覺院制度小而最古翠屏諸峯皆歸彈壓輪藏鐘閣普門內院複道翼翼歸然門闥立數級之上煥燦照耀靡不華好古殿再新諸莊嚴事如開眉目如被錦繡又如李郭一交旗幟十倍精明紹崇倡於前祖因法

欽定四庫全書

北窗集
卷四

十三

一紹梁惠燈各致其力相與應和成此殊勝法深宗鑑遠歸自南層砌重門兩盡其巧跨鼉以東幢剎鮮儷典午渡江時異僧來此鋤荒榛斬蓬藿草衣木食而大有為十數傳後稍施鄰邑惠門蘭若思靜再振於唐之中葉迨今鐘梵薄雲天當一方宅心純想進善悔過之地吾廬距此僅一舍淪棄江海足跡未始至端平改元秋鄉州某寺某僧移書訪問生死屬予紀歲月噫幾千年矣世界有千年之國乎歷年之多莫如三代夏商之歷

莫如周周之季建空名惴惴立於地大衆富強有力諸侯之上年不加少豈能盡八百之厯哉揆之操壘巧者之言則百年之家亦復無有然則樹一利於深山邃谷更歷如此其久獨何如由吾師淑諸徒以戒定慧為主慈恩精進為之張正心誠意發其用以游人間世利己利物以成厥志後世雖未必盡聞盡明間者不自棄自棄者虐也明者不矜銜矜銜者賊也故能通神明行靈貊久於其道而綿世守若夫焚蕩於强暴毀斥於雄罵如風吹花如刀截風持危扶顛以大此宗以承厥終

欽定四庫全書

北窗集
卷四

十四

禪龕院毗廬殿記

禪龕為聞剎自唐僧文公文公道振自杜少陵由唐而宋其道益明自漢中師古修信師因麟菴悟開繪公像律者法印請紀其事刻諸石悟超者出凡土木金碧壯麗皆其所成就晚乃作毗廬殿幻華藏世界海莫不備志權輿於淳熙辛丑越九年始訖事實麟菴秉其勤乃大作佛事施百物於同衣而落之芝出龕趾嘉應荐臻

不可以一二數人以吾宗人喜言誕庵故不錄超質而不文游人間世惟一真實以真實故感人也深苟不合諸心必言其所不合者侃侃不小下雖負固好勝固不服故集事先難後獲不計疾遲忘其成而已殿之成也榜曰毗盧遮那云者竺梵之稱中國譯曰遍一切處語其遍則無乎不在其在也無所不適大而無際小而無間雜花所謂三際悉在無有餘作而象之理亦左矣雖然盍觀夫遍與在乎一滴一消具十香海一塵一沙彌

欽定四庫全書

北齊書

十五

盧咸在十虛混濛而莫見其餘毫忽微渺而莫知其欠一椽一瓦尺丹寸碧孰非莊嚴藏大樓閣得其門者雖宗廟之美百官之富何以加諸不則疏不云乎積行善薩曝腮鱗於龍門上德聲聞杜視聽於嘉會故系之以辭辭曰覺雄富貴載諸雜花帝網重重幢刹振華天人鬼龍肅而不詳一音震潮洗空萬差爰及後世模倣百為雲母水晶琥珀琉璃匪雕匪塗匪巧弗施美與美輪雲繞璇題惟道人起身如椰子云胡成茲大功德聚惟

其有忍屹若砥柱百阻不移以願力故一殿之作曰惟艱哉載曾餘勇衆善克諧民之秉彝本自固有攝以善境日勉日懋

江西後城觀記

旌陽許敬之斬妖劍血未洗江西一道被其惠奠枕者幾何年矣昔嘗至處莫不華觀闢嚴醮事以系其思某觀則唐魏鄭公讀書處故基曾此築壇場拜北斗前臺後城山如髻鬟水早必祈札瘥必禳子息必禱禱輒響

欽定四庫全書

北齊書

十六

答唐某年賜額為觀住持者曰李大業胡濬哲則為之副居無何遞迭而逝表潘文又繼之振墜起廢殫力不懈胡紹宗則結萬善人聚施者興土木營春炊棲道侶擇其善者分掌出納既罹兵火堂宇復整整稍刷鄉來狹陋之恥松蓋竹箭幽草怪石迥與人間世遠邈年七十七則畦芳浚碧曲水泛竿養恬育和泊然頽然遊於造物之表壺中有天以佚其老吾嘗聞旌陽在時言其身後當出八百地行仙尋師豫章江沙過井口則妖

存孽人吾必再出觀夫棲居列仙在天地間無別營獨排患難殄災異安生人為己任滿足功行為釣天廣樂之歸昧者昧此方疾其奉安之侈不知崇德報功不如是弗足以揭虔安靈辭曰道固在人人則遠之人不即仙惟仙即之猗歟列仙不與世絕志存生人隱顯殊轍巨妖既血發部撤蒙行不厭高功不棄豐劍飛上天龍光敎日迄今繹思尋刻舟蹟風清玉虛月滿瑤壇絳節霓旌泠然往還

欽定四庫全書

北闕集
卷四

十七

寂照院記

幢剎盛於典午大備於蕭梁佛圖澄天台顓所造幾百尺椽片瓦皆有深重願力不計百艱而後成祇長安富貴人崇先香火非不壯麗勢穹力巨氣雄焰熾咄嗟可辦畫簷繡棟絢粲山谷一再過之已有間矣又過之則圯弗治甚者逐其徒而家焉更甚則撤椽招挑鋸甃無所不至勢力之與願力遼邈如此寂照院之作惠通師因其先富儲蓄基造寺之役君子謂其不負所託遠近

響應百堵皆作殿以舍佛閣安千優曇藏載三乘堂庫廊廡容衆四事凡所當有靡不具權輿於嘉定七年八月越十三年而落之淞江橫陳潮聲與梵放相答吳山萬井越樹如髮風帆沙鳥倏聚忽散漁樵響沈可禪可燕車馬喧止可誦可讀延騷吟可以寫壯觀待雲水可以暫磅礴一香一燈皆壽聖人福兆庶及其親族檀施之存亡不留一簪直使後人三常不足驕吝不萌於胸中却步反求以為道母貨殖為扳貴錯勢之具毋誥誑

欽定四庫全書

北闕集
卷四

十八

為王化之地惠通師嘉興徐氏子為鳳鳴惠雲院清作弟子坐幾臘年七十三辭曰橐宜充耶或宜枵耶不朽其充豈真出家猗歟所先豐乃儲蓄我則捐之樹剎結屋相厥攸處大江之許匪侈惟壯帡幪風雨有來水雲悠然憧憧解腰千鉢投棲晚鐘七尺單前疊足觀生月滿璇題孰與分破振策舍衛肅容正觀美見宗廟富窺百官戎作是說應無所住拍枕潮聲是真實語

明真宮記

寧國明真宮成雖非真收開山而本起之因自真收寧國之達雖自真收而其有以自致者易災為祥屢格於中壺變陰為晴晨見於郊祀密贊慈明靈異外著未易一二數錫號不名于以示尊禮革菴為宮于以昭寵數特旨蠲免于以防誅求親灑宸翰榜其宮而雲漢昭回予以旌其法裕以倉廩聚其徒而學徒萃止于以致其久非神存樓居跼在宮掖持心純一與道冥契何以得此經樓華閣左右翼翼方丈齋堂各有攸序簷簷棲鐘

欽定四庫全書

北齊書

卷四

耒耜在田星冠我我象簡雍容日洗齋鉢逾半千指至於九宮撥南畝之賜飽學其道者數百掃建炎殘局之燼則武當紫霄一新佑聖上昇之地長森萬歲武昌太平九江壽聖是三若者不特土木金碧之助抑奏錫奎畫以鎮之疇一明真哉蓋其量大而志平緣勝而事從蕩弗偏泥是非利害之吟齋物我於各適其適之地法宜識載以侈千載一時之遇俾居是宮為是道清淨齊潔於無窮贊坤寧聖人成開睢之義而母儀天下如漢

孝景皇帝竇太后喜黃老言卒收修文偃武之效不然何以仙游之日於明真猶拳拳不能忘寧國勸酬應上告老之請以住持事授其徒通妙大師俞守一明真大師趙守正則副之井井有條理如寧國無恙時寧國真人王其姓宗成其名於真收為第二世瓜瓞綿綿當有大其家者

西亭蘭若記

誠禪師號船子蜀東武信人在藥山三十年盡藥山之

欽定四庫全書

北齊書

卷四

道連其散席浮一葉往來華亭未涇上下百餘里林塘佳處意所適則維舟汀煙渚蒲間詠歌道妙其言與誌公玄覺諸老脫畧筆墨畦畛處若合符節識者味其滿船載月未嘗不歎其汲汲於得人以為不負祖宗計夫山去後覆舟而歸乃知佛祖在人間世斷無他事西亭三詠照耀天地雖乳兒窻婦能歌之即其言觀其行廩廩所不死者不與凡輩共盡自是松澤山水益明秀至今稱水國名勝一經品題千古改觀妙賢企遺烈結節

於詠歌處曰西亭蘭若樊圃樹藝一竹一石皆有次序
菱芡浮實蘋蓼交映落帆半夜荷笠亭午開扉相延抵
掌嘯詠冀遇如船子者求一言之益而拔俗於千仞之
上使其徒若圭問予所以相遇之道則謂之曰船子之
昭昭如日麗天爾之拳拳如水在地彼以不息照臨爾
以不息流注均具不息之道故曰天行健君子以自強
不息又何俟一語之益然後為得哉書以授圭使歸以
告賢

欽定四庫全書

北窗集
卷四

三十一

雲安德英藏記

佛菩薩語無乎不在窮山邃谷曠寬遼闊靜勝林野諸
漏永斷者所住處靡不有龍猛一嗅八十卷則於龍伯
宮茫茫禹跡一幢一刹未始不具純陀供後則曰鹿苑
初轉鶴樹終譚從始自終不說一字結集為經又復為
律昭昭揭日月後之論著更相發明合而言之總曰三
藏琅函玉軸煥粲心目其不說者了無餘欠雙林大士
特出新意忉利夜摩及與四眾龍天鬼物扶持凌空虛

載之以輪發之以機樞正厥中其應無盡自梁至今說
無有終有大施者是謂吳桂住夢子國聞此真說既聞
是已宿習開爽不謀不諏欲顯此妙擲金如泥鳩工如
雲入林選材作而象之藏以度經殿以舍藏幻五十三
大士於其間諸莊嚴具一一稱是自己酉春逮庚寅秋
厥功告成會建龍華以落之衲子出三峽罔不挂鉢問
舟能言此段奇想象輪奐莫不冥見德英比丘訪予於
飛來隱居述經始之勤信紀歲月之請以侈吳君之施

欽定四庫全書

北窗集
卷四

三十二

為之辭辭曰兩崖束江萬馬駿奔艷滴豪傑一消不渾
遡流以西江樓對飛碧瓦參差子規夜啼翼然招提薄
雲梵放籟虛不鳴山杳酬響龍藏斯作爰載梵文使聖
人壽轉如是輪如轉金輪王四天下物物化成賢聲遺
野幻小白花與彌勒龕俾一生佛參五十三此華藏海
莊嚴殊特攝散亂心以殄姦慝峽山真真巖蜀江流玉此
輪載旋何千萬年

欽山禪院記

建炎末荆湖南北列剝夷於賊環千里為盜區澧之欽山在唐咸通為大蘭若寂先罹此酷時人命如葉州郡閉關自固坐視剽掠焚蕩方迂辨曲談聊忍須臾一馬渡江再造區宇遺墟掃礫剪榛棘圖厥修復當紹興初楚安方來初僧堂藏殿厨庫大殿法堂則枯木誠作於乾道丁亥紹熙改元宗譯建三門鐘閣逮嘉定辛未善應又營諸天閣五百阿羅漢殿至是稍復咸通之舊閱數傳歷百艱摧折於奔馳挂抑於留難莫知其幾也僅

欽定四庫全書

北湖集

卷四

克成之其他力弱寡助遂為強有力豪據而湮沒者何限先是枯木鑿池渚水溉田使穀不槁種藕禁採捕示人以好生之德清心亭古溪橋則憩遊觀者發奇勝於觴詠吟嘯土木之役至是不可以加矣昔欽山負邁往之氣死於德山甦於洞上昧者以為躍冶於德山殆不知其從容駕兩雄之時反脫直前微巖頭孰能柔其剛挫其銳雪峯逶迤曲折養其胸中所未發終至大究竟後世仰之如華山三峰峭峙半天上清風冷然可望不

可及故書之使講古尊德之士知師友淵源之正因作而言曰三峯青中雄酋三人焉德可侔是謂欽山雪峰之與巖頭白日西顏黃河北流天地所不能老兮廩乎千巖之秋

鹽亭藏經記

欽定四庫全書

北湖集

卷四

鹽亭雲溪洲渚間黑月夕如畫溪民惶惑聞有司使即光所自發而觀焉纔一尋許得經一龕貯般若華嚴寶積涅槃合八百四十卷屬李友賢安奉於家粘綴完輯歸於圓覺精舍道隆比丘造殿建藏護持維謹幻十六應真環四壁千手眼大士居其中蜿蜒金虬繚繞朱柱慶元二年三月十二日樹嘉泰三年九月十四落其成予先人散廬距此兩舍許淪棄江海未始見此殊勝莊嚴隣里人來中朝能詳其說適契某人之請為之記系

之以辭辭曰什公翻經於秦樊公載經歸唐竺錫振華
華竺相參分布海寓雖三家市把茅鐘梵之地靡不具
較之五竺十不二三樊公之西心傳賢公賢以七象載
貝葉華其歸旒伽遇風淪于河譯於貞觀者般若楞嚴
心經諸部而已太宗文皇帝序般若房相國融筆授楞
嚴今茲水滸所出般若六百卷在焉豈偶然也哉言心
聲也瞿曇太宗之心卓然獨存於天地間天地可壞此
心自若也豈一塵一沙所能錮終使之潛照而不耀於
世耶揆之以魯壁及冢非人力所能也

欽定四庫全書

北齊書

卷四

褒能寺記

昔雲間雖最爾招提輒擅林塘之勝褒能通南林梵放
市聲相喧寂慶元二年僧彥康白禮部請今額於故宋
少師恭敏公香火寺首建法堂庫院未幾而彥康寂自
是殿宇室廬翼翼修廊廡庑庑庑遍垣墉四周棲衆之具
罔不有復敞華閣擬天台方廣為半千開士分身應真
之地如佛世比丘日赴四天下供作勝福聚後先歲月

則載諸梁題較千礎萬指大叢林則具體而微而一日
必葺之戒庸敢或墜寸椽抔土皆自普明出嘗語予曰
始予徒手來自鹽官而僧於此痛康之緒緒弗嗣遂然
五指繼以一目誓續先志志大力弱曰惟艱哉如蜂采
芳醞釀為蜜不務多昌厥餘裕晨露夕霏沾曝寒燠日
計不足月計有餘旦旦勞苦弗憚也遲其成割而藏諸
以足吾用蓋嘗聞諸故老云錢如蜜一滴也甜吾則曰

欽定四庫全書

北齊書

卷四

蜜如錢一錢不浪費盡以作此土木金碧光明殊特大
幢刹吁三十年矣九年之功精盡於此矣予以拓壽域
塑福田俾當獵之叢一色一香稱法界性隨其心初應
所知量根莖枝葉華果敷實與此山相終始若夫掠功
以美己銜能以僥譽規利以豐索肆誕以詭俗皆非吾
所謂道明雖不敏不忍為也為我記之俾後之有此居
者知厦屋之為憚憚微懼修省為佛之所以為佛者以
當施者之心思普明之經營結構之難也如此

證覺懺院記 華亭

佛世淳俗如結繩過則許懺一經懺摩永不復作再則
擯斥不入衆數佛滅度後人無所依乃詣上座或詣佛
菩薩洎諸天像作佛在想收攝散亂肅莊六根發過夫
因絲髮無隱祈哀請命洗濯刮磨不由往轍生則自列
死屬後人掃清積瑕不留宿蒂絕輪回根涸生死流浙
江東西此法特嚴長期短期各有常軌於戲擾擾萬生
逐順而往順輒弗常必以逆濟理逆則舛於是輾轉成就

欽定四庫全書

北明集
卷四

三

黑業初於消埃久而穹深翻五欲瀾增九仍魏愚公漫
移精衛曷填一跌一溺沉墜罔測於是有菩薩僧作長
生懺摩愍此淪沒晝夜六時誓于生生此錢公某許公
某長生觀堂所由倡普照寺紹隆比丘所由和偏扣諸
檀希六殊勝經營結構起已廢之刹於闌闔是難能也
隆滅度而修定作殿堂廊廡廚庫凡所當有者悉具然
後啟華閣舍無量壽環以住世應真樹千手眼大士與
閻稱稼有田樵有蕩微錢許振其始隆何以奏厥功微

隆成兩檀越之志定何以承厥終舊寺曰無礙浴院太
平興國二年施徐可得舍宅建大中祥符賜今額今為
長懺觀堂一法也匪濯熱午氣必喝不浣垢膚腠必瘡
何自而知妙觸宣明成佛子住懺淨心垢悔滌熱惱穢
濁盡除入清淨覺莫非今昔正信願力冥契而宿緣所
追再振法緒扶此勝幢惟此勝幢如日之暉如月之腫
與國無休與天無極施者受者亦復如是

普照寺千僧堂記

欽定四庫全書

北明集
卷四

三

堂容萬指燼於某年之寇亦既久矣遠人偉其名至是
務先覩為快今也漠然人以其名在而實亡也乃與柳
柳州鐵爐步志同按崇教大師祖祥寺之楨榦媿此缺
典聚族而謀曰有志者勇有為樂施者不吝嗇吾僧於
此逾四紀凡所興建根椽片瓦罔弗與舍我事罔集且
吾生平不妄受受則必辨禮義而不及私信稍乎將有
以相吾志誓鼎新以終吾老市材僦工正信響答輸貨
惟恐後權輿於嘉定庚寅春仲輪奐於辛卯季秋越明

年而崇教寂又明年雪脊界天璇題闔簷翼前崇設
坐備物靡不具嗣孫智淵能繼其志而復其舊成不惑
期美不踰制惟壯惟固弗事侈靡窓牖洞啓床榻衡直
匪雕匪琢隨宜加飾華鯨吼月鉅鏞橫撞船背在前犀
顧出霜旃檀無雜簷蔔有序本無位次如法而住十刹
五觀敢忘講明以福君親以康兆民謂吾素食吾食固
素於昌明時密贊潛輔

華亭南橋明行院記

欽定四庫全書

北朝集
卷四

三九

華亭圖牒載春秋時夫差三女子墓田曰三女堙聲詩
則播諸唐令尹詢宋荆公王介甫都官梅聖俞通環之
剎曰安和石晉天福五年蔣漢城環堵中芬陲剎花懼
於陸聚族而謀曰是八吉祥六殊勝處盡施諸釋梵家
遂基此役植榦於是者曰本立病潮啗岸址白漢城議
徙於此改曰明行用錢中令歸朝所請之額堂宇樓殿
金碧煥采雲棲駕領月行璇題具如經說凡所當有固
不具藏乘二十餘卷棗栢大士華嚴合論在焉鍾梵壓

萬籟為一方宅心純想之地遷善遠罪者咸知嚮方一
燈長明四檀委輸規矩準繩有條而不紊五季方中水
立晝昏真人應期民登衽席聖聖授受逾二百年未聞
識載固自若也云胡慧日求紀述為日曰故國喬木其
大蔽牛其高垂雲可無封植日冀懋長風雷之鼓盪雨
露之膏沐而至此也一剎百堵容數千指功倍封植惠
戒剪伐人天之所瞻龍象之所懷不啻故國喬木罔知
創業之艱難則將怠乃訓盡講明以詔後世不亦可乎

欽定四庫全書

北朝集
卷四

三十一

因其說系之以辭辭曰五季中民迭遭沸如糜號無天
中令君吳越錢奮一旅圖萬全玉節勁金城堅王海國
遮中原振義聲開福田空寂崇經象傳幢剎建泉貨捐
為旂幟持危顛誓子孫銘肺肝摘錦繡邑山川歸有德
同水走帶如河礪如山與竺乾無黨偏

北朝集卷四

欽定四庫全書

北磧集卷五

宋 釋居簡 撰

嘉華嚴傳

釋善意震澤沈氏子字無愠頤菴其號年十五白父母曰願聽我出家去盡澤應天寺一牛鳴地素崇佛莫奪其志十六受度以有明為受業師法真師會則稟嗣師訖成品飄然振超方之錫時法真駕圓頓之旨於三吳負

欽定四庫全書

北磧集
卷五

大機器之士憧憧自遠惟恐後公以妙年方軌老成雋秀染指法味窮日夜之力旁剔遐搜疑必問難必通纖毫不礙膚乃已日用疏鈔研墨外無長大布不華一飯不肯衆不過午五講大經楞嚴圓覺則十數徧撮八十一卷之要則述法界觀搜英記序臺說圖合三卷以發其奧指圓覺類雜花而言約則述會不會篇續教章復古記三卷以統其離金剛辨非注金剛纂要記同教問答合五卷則以定五教之分齊破會三歸一破三宗說蘭盆辨正

明

評連珠合五卷則以一異宗之紛紜皆法真師晚年

所欲為而噬臍於鐘鳴漏盡應緣之地則平江之寶幢閱十四載嘉興常樂三年臨安南山慧因十一年皆西湖勝處故得益者衆皆斬斬有所立壽七十八臘六十嘉泰四年正月初二無疾而蛻於慧因方丈留十日閤維舌不壞骨石舍利入香嚴寺衆塔遵遺戒也

贊曰五竺特葬大浮圖尊法也大法漸醜此土妄一衲子忝厥生巧飾其亡悉力假援鑿幽邃擅形勝以掩其朽酪腐蔽神陰陽家荒唐謬悠妄冀夫所不當得欲利其後可哀也已公之所成就雖板竺西大浮圖何歎焉而決定明訓廓然在茲於戲賢哉

菩提簡宗師傳

戒定慧三學必先戒越戒而學定慧邪說也菩提宗師師簡由戒而求定慧遂昌厥昆尼字仲廉號止堂嚴之建德任氏子少好讀書少長學舉子業暇日遊景德寺聞應堂惟定講蘭盆經若有所感遂超俗於杭之法

欽定四庫全書

北磧集
卷五

顯寺事景瑤為比丘受具畢即往不空學於法海師一
蓋亭午終日淡如非勝已不友非衆法不出本宗文字
沉潛反覆雖前輩未發之蘊必了了乃已一時宗匠盛
稱賞普救寺首座元印師號精律學諸師畏敬解后相
遇以資持會正同異卒然相詰難隨語剖析不少矻思
聞者悅服後見宗芬宗晏於永嘉芬器之留三年至是
總別持犯雙單止作之疑無復礙膺已而歸杭依論宗
大法主智曇師學唯識百法華嚴台衡則次第與其宗
欽定四庫全書
北朝集
卷五
三
之翹楚者抑揚商略無相宗印師稔其籍甚虛第一座
以俟出世於演法寺其次不空兩記並行取舍適中臨
壇歸然有南山家法晚居菩提九年而寂嘉定元年十
二月十二日也度弟子紹聞行依孫曰文秀得其傳而
潛符密証者梵威首選垂寂之頃謂行依曰平生苦心
以律自嚴不空了然師知之深舍是莫可囑身後言既
而逝端莊如生壽七十一臘四十七龕留一七日而闍
維骨石舍利歸普同塔

贊曰經律論三一戒定慧昧夫擊小彈偏以頓歸漸者
罔不流於諍論簡以律部自任而博約諸宗之所同異
故其成就者如此

無名子傳

無名人與造物游於夢水之上生無名子商周時應采
詩之求不知其幾世鄭衛淫戰國雅頌不作采詩官廢
會摩騰竺法蘭西來與烏有生歸焉或曰子名且有不
實將安在烏有生病馬子曰象教中微人心潛急主文
諂諛上則二雅旁法九歌下雜謠言託吾虛名駕其說
而正其失謂余無名妄也無實妄也汝病之吾辯之亦
妄也生踊躍曰然則子罔象之流亞與子怫然而作曰
罔象生罔兩厥類惟錯冒吾法為奇貨飾佞士廣厥類
愚無識知卒莫逃君子之誅汝何從比余於罔象乎雖
子異姓而特蕃衍散諸四方挺挺有祖風烈隱德不耀
可無傳焉北碕曰無名子與烏有生名實之辯辯矣名
且無烏乎實所以諷者微而婉又何俟借風雅託名氏

然後為得哉

兩窮傳

樸翁銛文穎惡凡子如仇反譏余涇渭太分則語之曰方將以是告子則把手一笑而忘其病此反以告人也他日婆婆冷泉鵬舌嘲晰譁而侮之遂過天竺逮還故棲天竺之人依依有去思以僂語為謝其略曰獲依虎臥之浮圖政類鶴鳴於華表間吟古句青山豈礙白雲飛却憶先師老步只堪平地去屬余賦解嘲所謂不能

欽定四庫全書

北明集
卷五

五

助桀逆至吠堯一窺豹斑五窮鼠技含怒蓄怨於彼其久也覆巢墮卵於吾何有哉嘉定甲子冬尸玉几者祖冷泉故智將不利於我正論橫制厥類安尾樸翁述其事寓狸不執鼠寄四明地主李雍之云堪笑主人偏愛惜容他籠裏咬鸚哥則又囑余曰兩窮併述為佳傳留與叢林作笑談昔老坡南遷遇歐晦夫於合浦誦梅都官贈詩云吾家無梧桐安得久留鳳坡亦自誦送老泉云歲月不知老家有雛鳳鳳謂歐曰梅二丈目為鳳者

例窮如此嘻鸚鵡也窮且余矧為鳳尚何加焉北磧曰小人道長莫如六宗六宗不除禍天下後世何時而已哉東西壤斷不啻十萬里風殊俗異小人滋蔓而難圖若合符節彼蒼者天盍亦殄此羣醜庶乎畏天之威于時保之

重刻永明壽禪師物外集序

能使所居山大於天下鼎望禪苑永明與達觀盧公之於雪竇也空寂蘊奧公尤為先知出人間世為龍象任

欽定四庫全書

北明集
卷五

六

祖宗九鼎之寄宜矣開禧初余登會稽探禹穴陟華頂度石橋閱曇猷逸蹟雁宕攬勝訪客兒蠟屐揚颿處回乳竇觀千丈飛雪住山石橋宣無言與余登中峰公昔著書地老頭陀出公肖象碧眸廣額氣凜凜如生屬宣整飾書余贊其上曰客吟燈殘猿啼月落衲被蒙頭千巖萬壑起破凡夫為等覺妙覺齊大小乘於錢索井索縱大辯於談笑寄虛懷於冥漠所謂百軸宗鏡之文如太山之一毫芒巍巍堂堂煒煒煌煌非心亦非佛破鏡不

重光茲又得此集附益於毫芒然則公非用力於騷雅者亦不在多少間獨喜某人講明舊話重刻以壽古宿為書於僧統寧公序後

仁王護國般若疏後序

仁王護國般若疏天台之極言言心聲也天台之心在焉循聲而得心忘心而得法庶乎小酬百禱顯晦淪於遐陬海隅復歸中州也見而不誦誦而不通通而不說說而擇授均得罪於此書嵩山晁騎尉序之為詳北磧欽定四庫全書
北磧集
卷五
七

注心經序

蕩相明宗者大般若經之極致而司南沉空滯寂也凡六百卷卷凡幾偈偈無量故字亦無量字無量故義則巨量如是展轉各無量數欲彰其目必提其綱欲窮其量必執其度不則塵沙要奧廣大玄闊雖巧歷莫能悉

數心經之譯二百六十字苟得其要如上所陳若指諸掌推而廣之不知六百卷浩乎其博也斂而藏之不知二百六十字貌然其約也提綱執度舍是而無所準的也然則此經般若之靈扁也心之所之法之所由也心之所止法之所歸也天地之大萬物之富一稊在庾也若夫不知復不足以見天地之心隘此心不足以語此經之方迷此經不足以知此心之妙即一而三即三而一三智大觀於是乎在孤山造疏數千言揭此經大明淨覺則肅徒振旅全師而攻之百年宗徒未卜孰詣宗印師作哂乃末流無所適正異其所異而同其所同將締其言而一之貴志而死元粹嗣其志旁羅契經冥搜玄文參諸往哲斷以已意句析章分會殊而同理貫義條反違而從孤山之說必明淨覺之難必通夫今而後自本然衆相見無相空即蕩然大空識真空相因指得月得月忘指月與指俱忘也不忘者忘乎哉

集注圓覺經序

覺而不圓者有矣夫未有覺而不圓者也圓而不覺者有矣夫未有圓而不覺者也昭昭日用之間而不知也一性圓具不知故不覺也性之所具曰圓圓也者凡愚不虧聖神不盈自本自根與生俱生圓同太虛而無欠餘太虛同受而與之俱良由習與性離情與智違背大明即大闇悠悠長瞑不了此覺縱復亦了覺而不圓惟其不圓其証亦爾遂有修証之目為三根利鈍所以別也所修者何修此者也所証者何証此者也所修不同

欽定四庫全書

北明集
卷五

九

所証則一也故曰一切衆生皆証圓覺非覺之以妙覺則止於其所覺非圓之以至圓則止於其所圓自四十一地以前皆止於其所止而不知夫所由止不修何以達其證不證何以明其修亡證而亡修而妄冀夫所謂圓覺者是今日適越而北轅也修而後能證證而後能忘則十二大士未始有聞也十萬大衆未始有聞也六塵不濯而清淨四病不藥而瘳也靜幻寂非一而非三單複圓無前無後也如是乃至圓裹三世清淨平等皆

光明藏也圭峰發明此經造疏教萬言反約於廣博浩繁之中畧為別本由唐至今廣畧並行西南學徒家有其書江淮荆蠻稍若不競天台再造於五季亂離之際鼓行吳越間作者輩出嶄然見頭角由是二家之言肝膽楚越彼所宗尚我得排斥我所宣演彼得指議異己之卓識與共環堵必羣咻之務其說之不售同己之固陋遠在萬里必羣嗾之欲其喙之必信使二家之道不淪於必爭之口者幾希古雲元粹師所以憤慨懷集

欽定四庫全書

北明集
卷五

十

注此經而示其同也以本宗之義發他宗之言以他宗之奧揭本宗之玄本諸其理不本諸其宗參諸其心不參諸其人黨非其同伐非其異平持其衡婉立其言俾滯於一曲者知夫師子手足一金也江河淮濟一水也母求異於圭峰亦母以求同也異其所異而同其所同非一人之私所能也

送張少良序

文章不學而能乎曰唐柳子厚始以童子有奇名李長

吉七歲長短之制動京師今也有諸曰括蒼張少良十五六時從父學稼方春耕破霧漫不分畦畛輟耕而歌曰似雨元非雨如雲不是雲翻疑天與地渾沌未曾分鄉先生常秘丞建聞而奇之內諸塾已而冥諸庠今為名諸生富春秋將偉其衣冠嘉定二年春相遇於丹丘巾峰之陽樸茂沉黙直亮簡正鄉不遇常亦豈遂自棄於耕稼之伍吾不佳張之遇常而佳其不忘常又不佳常之得張而佳其始卒於張異夫相驕相詔彌縫為市道也遠矣其去也書以識相遇之歲月以為贈

欽定四庫全書

北湖集
卷五

十二

送一上人持益序

平地登雲南北一舍強半黎洲瞰杖錫為平野遠如之峻陟則倍蓰在昔單丁今有衆一踵門而言曰育王太白衲子古洙泗北以萬錢汰舊學萬錢何從得哉黎洲門不暇啟有來轍容我則持益出山高原使來相勞苦余聞而笑曰黎洲失之矣歲荐饑妄一夫據把節足以傲睨高蹈以振其賈鼎望且學其為黎洲胡不為與雖

然我知之矣智海云僧者佛祖所自出拒僧拒佛祖也芙蓉則曰可粥則粥可飯則飯若去與留在彼而不在此高原之心有是夫一曰然然則不可以不書以振梨洲學古之志云

清白堂叙

歲荐饑所至散席靈隱印萬指厭餘而百堵皆作忽中飛語會稽之籍毫析厘剖無參差宮講大監劉公靖之曰請自今以清白稱播于聲詩和者不約而同噫魏文示樂羊滿篋謗書燕惠遣騎劫代樂毅士無賢不肖入朝見嫉山林奚為哉是諸君子昌之以言隱然有不得其平者書之為清白堂倡齋叙

送夢書記序

詩人于君實問予識天台夢乎予曰天台舊遊夢想常在于曰吾問夢書記予曰書記今備數非夢也于怫然而作曰浮圖曰夢掌天台宗徒之記子何愚甚蔽甚耶則應之曰吾非不曉子問也古無書記自積翠老南領

欽定四庫全書

北湖集
卷五

十二

徒行腳叢林稱之後世嗣其遺響僅得積翠之一體餘則百步半百也吾嘗其名屢矣未嘗不惴惴自憐也吾車覆矣蹈吾轍者趨楚乎容止誇大乎語言行行若出積翠上不待兩端則黔之驢人以其不足道而去之猶喋喋不已使同類謂彼不已若故去故謬以應孰謂子攻我至此極也豈毋望於洗空凡羣張吾軍哉子曰審若子言豈特此已儒吾之宗釋汝之氏仁義本根禪教源委彼以其真我以其偽姑且置之萬事勿理夢則固異乎如此尊師友

欽定四庫全書

北湖集
卷五

十三

識禮義孜孜問學進而未已他日與夢語乃以子言為是私自謂人亞夫之營視棘門灞上如兒戲爾因語之曰鄉所望於空羣者子其勉之夢起避席頓首曰唯

送上天竺月光遠歸四明序

四而喜三而怒衆狙也加之以非常之寵而不喜臨之以無故之辱而不怒斯人耳吾於月之東還也以是二者酌其淺深則曰曩來自東今還自西造化也昔當其舒今當其慘喜怒哀與中山之拔謗書已盈篋其子可

信方纖而投抒事久論定真毀譽者出甚矣才為妬媒能為忌國彼以我為才能不奪不饜媒國是徇若幸顧我何戚乎容是豈知我浩乎中也則謂之曰我將駐若之轍於兩竺間俾志衡台問奇字刁刀魚魯母母育盲相承月曰噫勿崇吾咎含沙搖毒中而未已虛舟飄瓦悠然不知彼有畢弋又倚城社萋兮分貝錦以成文章詩人嫉之投畀豺虎豺虎不食其嫉彌甚造化寬假以華其歸城南吾廬有琴有書自父自懲自卷自舒飛光須臾

欽定四庫全書

北湖集
卷五

十四

送高九萬菊磻游吳門序

少陵得三百篇之旨歸鼓吹漢魏六朝之作遂集大成離騷大雅鏗然盈耳晚唐聲益宏和益衆復還正始厥後為之彈壓未見氣力宏厚如此駸駸末流着工夫於風烟草木爭妍取奇自負能事盡矣所謂厚人倫美教化移風俗果安在哉山陰菊磻高九萬得句法於雪巢林景思於後山為第五世嘗出唐律數十篇活法天機

往往擅時名者並驅爭先加以數年沉潛反復樹離騷大雅之根長漢魏六朝之幹發少陵勁正之柯垂晚唐婆娑之陰擷百氏餘芳成溜雨四十圍俾困頓於風烟草木者息陰休影方有事於吳門吳號多士趙靜齋子野盧蒲江申之柄此能事第往必以吾言為然

頑石序

欲叢林復古必綜核名實名實正而叢林不振則正因可毀大乘可焚修飭諸其內而畧諸其外抱道懷義特

欽定四庫全書

北湖集
卷五

十五

立不撓譽不喜毀不怒不曰有常不曰君子實將焉處將有人焉肅威儀懷佞壬正辭氣事容悅不曰鄉原不曰穿窬實將焉居故君子務實實振名名不振實也審矣咨爾頑石是微是戒庶乎粹蘊奮乎頑質實而若虛也實若虛此余所無媿也

送四明賜越州源珪往華亭序

若知驪龍之領有明月夜光也夫非逶迤曲折巧運其智極九淵之下與之相周旋終莫得所欲不然齏粉之

不暇敢妄冀徑寸哉寐而得之非得也道非九淵之下甚邇而不逮非驪龍之領甚易而不難苟無其方則遠近難易或相千萬二三子來自東也東州師友尋訪殆盡復將問津於華亭是行也須其寤而探焉

字三子序

開禧丙寅仲春既望予自鄮還西湖解后三子於冷泉之上扣其所從來乃知其為天台者也幾月而後去其去也請更字予予子曰字所以代名師友命之爾更之背師友非

欽定四庫全書

北湖集
卷五

十五

是苟循子又安知他日不復更於他人而反吾言耶三子相視而笑曰子何見之晚也天下之所同者理也理之所在則終身踐之苟未至必至而後已子烏乎辭遂命珪曰瑩中俾鑒諸內而畧諸其外命源曰叔進俾不舍晝夜而朝宗于海命賜曰無言孔子曰賜也不幸言而中是使賜之多言也賜也於是觀焉珪也源也舍是而無所繩準三子有得焉則予不幸言而中也言而中是使予之多言也

送陳原父詩序

士申季秋永嘉陳原父侍仲氏解四明定海少府之組
借榻於北窗數月束書外無長物蕭然如僧奮然有志當
世日與此邦之彦遊歸輒三鼓余未嘗不遲其歸原父
歸亦未嘗不至予臥內言是日所與游與所為所見而
後寢自首及末風雨不渝且未嘗見其評論人議已者
不問予游四方得見有常者蓋寡若原父非有常者耶
男兒有志事竟成非有志者耶其往也素齋領客載酒
賦詩餞之於江許盧氏小圃予亦賦諸公訝余獨醒以

欽定四庫全書

北窗集
卷五

序代罰

送柴生謁東嘉呂守序

慶元丙辰予在鷺之小嶺有偉衣冠來謁者曰我漢太
尉棘蒲侯裔也越明年復見於鄞山欲繼其衣求益於
余余顧何有哉去年秋七月用岑太華悼佛智大士故
事作詩弔余不以示他人而輒見投憐其暗投也則慙
然竟去謁宜獨將因宜獨以見呂東嘉是舉也適足以
濟前日求益暗投於余之兩失也既得所依歸而不志

所求吾恐其失倍於前既無以昌其行又無以濟其需
命之曰子之謁東嘉郡侯侯固好義郡文學吳越錢竹
岩天下士也與侯道同氣合子無意於六義之旨則已
苟急於此舍是無獲焉

無極序

或謂太極無極之辯起於無極圖豈濂溪務為後世爭
端耶昔游康山臥龍菴見劉淳叟擘窠大書亭柱曰是
日與朱南康論太極無極吾謂太極無極非古人意裴

欽定四庫全書

北窗集
卷五

回四顧恨不見劉子而畢其說有以無極自號余使之
坐而問焉曰若知無極之極乎蓋以我告有以我告則知有
極也如其不知則知爾將北面質若之不暇何暇為若
說若歸而得之得則忘之則太極無極是古人意非古
人意不俟問人而判然胸中矣

淨溪齋倡序

經子史傳記皆序下至雜錄小說亦莫不然序棋序飲
序画未易一一數然則於倡齋為尤宜畏齋何智夫遲

次家食容與三益笑塵間二三友更倡迭和以相勉使書其後序所以申道志義詩者志之所之發於言而義在茲尚何序

贈儒豎聞人晦叔序

觀中朝名勝贈儒豎聞人晦叔之作因作而言曰儒與豎二而一一而二豎之誤一人耳儒之誤誤天下後世獨能兼之諸公所以至稱亟揚之余病愚懶如根盤錯古野發其用工如林乃不一售嘗試其技觀無之之妙又欽定四庫全書北湖集卷五從而申之曰儒則儒豎則豎果能一之大章者夢惠輒毒已圖蔓莫冀萬金試良請從隗始

元谷禪師語錄序

急日目齒兩種不壞之藏既銘之矣越二日復見此錄此老臧心不施心苗發生以無作有脫間漏架如猩猩屐如刃上蜜又如深窅文錦蒙羃其曾中毒故能中人以毒曾落窅故能陷人以窅吾於是泄其密機使觀者知需水蠱室毋飲涓滴破絮敗繒勿行榛棘康逵八達

平等超越

五洩留題集叙

佳山水如王佐才可就不可致天秘未審隱德弗耀非胸中丘壑捫蘿陟險履巖蹈嶽極幽邃窮遐隱何以發奇怪之蘊豎陽五洩越絕佳處相攸者默唐僧也編茨拾橡不啻大厦廣居食前方丈洞山諸老嶄然見頭角自是始有五洩之名喧傳浙東西由唐而宋名勝接武把麾而至者自集賢校理刁約始所謂近模雁宕形容小遠較廬山氣勢高乃其詩也持節而至者自尚書主客楊傑始則曰堪笑興公游未到都將佳語賦天台自是枵巖虛竇嵌石倒磴奇詠芳什翰墨相照映往往蝕苔蘚著薛荔日遠日益漫某人萃而哀之欲鋟諸梓示游觀者使其新思油然而作然後闕五洩問兩源濯縣水躡飛磴襲諸賢逸蹟釘兩公舊題援毫而賦賦罷而歌勺泉以酌此山之靈而勒回俗駕或未已也

禮書記歸葬弟序

欽定四庫全書

北湖集卷五

志學而貧益崇玉其成也貧而成初何傷付用舍於行藏捉衿肘見弦歌在床貧也非病也賜也逡巡而返也視其高車駟馬不啻桎梏古潛禮從余學貧而青於藍昆弟之喪俟其舉憂憂乎其難哉噫死喪之威兄弟孔懷歸而勉之當有相者

月巖序

一喜怒汰念慮風絲萬緒何自有發不中節損中害和澄湛之體果安在將有大勇却步反顧內則見我外不違物方是時也巖前月升縱其所如漫不復理蕩而弗反靡所底麗方是時也巖前月沉方其升時天籟自鳴逮其沉矣天籟自瘖巖中禪心冰枯雪深

開先性語錄序

圓悟等閑道出四個字道言如枯柴道盡陳尊宿近時據曲录木牀三日五夜努得箇上堂四句偈以顛為倒以逆為順因邪打正必曰因正打邪指鹿為馬必曰指馬為鹿反是謂之順朱噫不知朱順耳此弊僅四五十

欽定四庫全書

北磬集
卷五

三

年餘波末流渺不可遏開先老子提倡一編度火金虞其或變度海囊虞其或滲反覆指撝了不可得異時商榷一言半句言猶在耳今非吳下蒙也兵車會同請辟三舍

月潭序

一漚不作際天一碧磅礴地維天為其底鑑萬象而不有其照涵十虛而不有其廣霜蟾駭駭玉輪碾空空澄水寒景在萬水崇山嵌巖石壁土囊釣獲其明而不分景云何能然以非水故因作而言曰月在潭景自天形弔景光連連潭以虛為任月以虛為睽惟其然物以虛應道集虛兮物莫我違既堅凝兮爾其咎誰

鏡潭序

鏡鏡空潭涵虛空虛無睽鏡潭無滓鏡忽塵拂之則明潭忽雲豁之則清可以觀德可以鑑止人知鑑夫止水而莫知其鑑夫所由止惟止能止衆止止之為義大矣哉絲蠻黃鳥止于丘隅知其所止也知夫所謂止雖雜

欽定四庫全書

北磬集
卷五

三

然前陳縱然旁午弗俟制而止矣於是觀德德亦大矣
惟鏡與潭如空合空與吾寸淵洞照無外噫曰鏡曰潭
矣又曰心何區區之名數其多乎則又曰體同也量同
也雖名數千萬何患乎

送鍾賢良序

漢西京取士設非常之科待非常之才如縱綆千尋縣
五十牯不在鱮魛鯉鯢瑣屑滅裂故人才輩出內則為
卿相外則使異國窮河源答單于斬樓蘭六駢渡江中

欽定四庫全書

北湖集
卷五

三

原戴舊德而歸我者曰王宣子未幾登甲科賀者及門
則感頌而作曰吾僅費數百金買麻沙一沓紙故而至
此也何以賀為或謂其輕朝廷非知言也輕場屋耳永
嘉鍾君少負不羈少長作舉子業壯而恥與瑣屑滅裂
者伍十年閉關夜燈曉窗博觀約取習大科業成而不
試遊大搢紳間不小低簪落落寡合無餘貲有兩佳子
天其或者俾責償於斯乎老我山林無用於世惜有用
者不為世用豈拙於用大者獨惠子之與漆園吏也耶

送永嘉黃上舍

軍食瓢飲不改其樂其樂也全華冠繼履能安其貧雖
貧不病彼結騎聯駟朝燕暮趙奮三尺喙馳聲譽利富
貴沈痼於游說何其遼哉百世之下言聖門者兒童能
判賢不石崇入太學見顏淵像謂王敦曰人生當使身
心俱泰敦曰子貢去卿不遠吾嘗謂崇之禍自身心俱
泰始永嘉黃上舍貧遊江湖非好遊也將交四方賢雋
以自廣牛腰行卷含雁蕩花木香眉宇清整帶龍湫烟

欽定四庫全書

北湖集
卷五

三

霞秀嘉定初予居丹丘巾子山下寺臨海長曰某者其
諸父也表表卓絕政尚簡入寺行散輒忘返智父似之
知其為永嘉文章家代有偉人積學而厚蓄約守而靳
出若農之望歲則大有之穫可量也哉天其負耕吾不
信也

易紅丸子為神奇丸序

市井所謂紅丸子雖策寬膈消積之勲特時暫耳今此
則異於是羶膩凝停壅隔翻逆血滯氣積效驗立至售

雖廣於士大夫未孚衆易名曰神奇取楚漆園吏神奇
化臭腐老坡聖散子之類庶幾新見聞而利及人也遠
譬夫水並流孰不善渭而惡涇泉分酌孰不賤貪而貴
廉豈特水哉釣渭之叟志除暴亂安生人於釣絲謂之
釣則不可歇後鄭五喜滑稽玩人物於流俗謂之相亦
不可由是觀之名不能美物物能美名名不能美人人
能美名也審矣藥更是名也吾恐其混穀廉貪渭涇賢
不肖無別而失其濟危急之實

欽定四庫全書

北湖集
卷五

二五

靈叟序

古靈提撕古佛堂藥廠受業師之沈痼謂其不識症則
不可至於劑砭則非瞑眩謂其識藥則亦不可且靈光
洞耀其身光景中矣將使同在其中者超絕景蹟豁
然青天白日難矣哉古也號靈叟抑有取於靈乎天下
孰無受業受業豈無師者苟取於靈當取其未發足南
方已前不然吾恐刻鵠不成反類鶩也

信翁序

海具八德吾取潮不失時為海上人別稱曰信翁祖云
佛法大溟渤非信莫能入不入則安知夫傍無邊深無
底廣大涵育之量百谷東注不加益虛受也尾閭泄之
不加損持盈也學者知此則揚子雲所謂終至於海也
不然溝瀆皆盈而不知其陋曰吾海也倏然而涸始悟
夫不信不學以至夫噬臍故吾嘗以信與學告夫相從
者茲又以告吾海儻未喻厥旨盍觀柳柳州東海若反
復尋繹與吾言同異何如

欽定四庫全書

北湖集
卷五

二六

溪翁捺海塗序

過剡必先問戴公廬指點阿猷回樞處賢不肖然也軒
清飲渌濯濯濯足賢益賢不肖亦有瘳則溪山人物遞
發奇蘊或以縱適自賢登名士之目視天下治忽若風
馬牛不相及以有為為不足為卒至於不可為吁何時
哉溪居緇褐某翁者訪余來礪陰扣其所存曰將不以
事物經意自賢邪抑山樵溪叟爭席專此勝邪是二者
皆非吾之所謂道翁曰子何見之晚也不畊不桑殆不

知吾用吾力甚於耕桑之難也不工不賈殆不知吾用
吾智甚於工賈之勞也閱古高僧史得開田說大義服
膺焉殘山可隄剝水可陸駟海若活餓殍當不啻千萬
什一以供吾千指洗盥於以泚食前方丈尸素怠事之
顙子何置我於碌碌無用因人成事之域哉吾聞其言
若先得我心之所同然者申其志道其義策其勤為是
說

送觀書記序

欽定四庫全書

北明集
卷五

二十一

合而離從而違苟不愆於義離合從違皆中也閭閻不
為從侃侃不為違夷險百艱適於義交道之正也反是
必強笑語諛媚以相悅飾偽貌佞士以相下進則詭隨
退則揣摩苟合詐從伺隙俟間起而乘之以相賣聞一
善言見一善行冀其協贊以澤人利物難矣哉晚得吾
觀物初從容於大中尊所聞強記覽未見其止睡再鼾
吾伊聲猶在人耳偕來虎巖當安庸爭奪甫定掉頭舍
我而他之吳越家林深眇一枝可以憇勸爾去不俟留

還不俟速懼其去而忘還也則謂之曰琴川苕溪一葦
可航日損日新勿謂蜚廉慵而不我告嘉熙戊戌春下
潯北碕序物初而與之別

無外序

閩州遠
書記

盡已以盡物物斯應物應則虛受已則沖然漠然游於
孰已孰物洞表裏一邊幅之地振大方之轡允蹈於其
間胸中天地無復畛畦而備於我者眇中邊背鄉之殊
蓋道之所在而已因作而言曰反觀匪內返眺匪外而
我與物等此大塊嘉熙戊戌北碕書

欽定四庫全書

北明集
卷五

二十二

石樓序

一炷清香滿石樓大覺焚龍香應量器後乞還山林進
頌詩於慶歷天子末後句幾二百年潼川普明比丘摘
石樓二字以見志石樓得非岑樓之謂歟仙好樓居抑
有慕焉則莞爾而作曰攬谷成陰去作金鑾上客黃太
史序忠國師也不知風葉擁趺同叅先識豈巖間半芋
付深夜讀書十年宰相可同日語圓通却萬乘詔遣弟

子行或以為尊法有體未若一舉萬里勿以累大覺之
為愈也當寧虛心方外將蒐巖剔野可無蘊經濟甘隱
約者出其治豈四十二年而已哉石樓自名蓋惜圓通
不知出此而大覺歸山林之晚書其言使後世知石樓
之自



欽定四庫全書

北磻集
卷五

二十一

北磻集卷五

欽定四庫全書

北磧集卷六

宋 釋居簡 撰

玉泓銘

碧雲菴在洪崖西雲峰東近唐處士陳陶故廬址多石
堅而難攻嘉定十一年李秋九日四明僧如潔落菴之
成得泉於堅址中翰林直院留公元剛適來自匡廬名
之曰玉泓方不遠尋深半之旱澇無盈縮甘可飲淨可

欽定四庫全書

北磧集
卷六

鏡於茶為尤宜莫原其自或曰人與泉感聞者輒笑噫是
誠可笑也卓錫而得泉久矣為誕拜井而水湧久矣為
信信與誕相尋於無窮而莫之或辨豈忘言者所以不
言有待於知言者耶銘曰堅方方碧漪漪雲生隅目剪
規鑿而得之或稽或疑然則是泉也固在茲固不在茲
泉禪師高原銘

或謂水出高原曰高原則萬斛泉源不擇地而出又何
謂也或曰高原陸地不生蓮花此彈偏擊小之辨皆非

吾之所謂道為之銘銘曰峻極兮層稜歸不可登吾非
雲顛迥間兮坎窞杳不可瞰吾非九淵雖然彼習夫崇
深曷嘗舍稱兮不板不援弦直兮砥平哀今兮匪中而
邊正因兮急難思鶴鵠兮在原

彰教石雲板銘

兩朵雲峙中可貫考之清越而渾圜刻詩五十六字曰
莫翁題不書姓名寺無耆宿可訪訪諸野曰建炎初雲
居隆藏主來住此山過湖口得於民或曰徐氏舊物二

欽定四庫全書

北磧集
卷六

說未知孰是寺蓋李氏有國時徐魏惠王墓田王溫第
六子名知證字義明距寺七里有江南翰林學士常夢
錫所撰碑太廟令王崧所書屹立驛路傍元祐元年龍
圖學士蔣之奇制置江淮荆湖時所作碑陰則在寺物
之隱顯固有數嘉其瘠而復震銘曰切堅兮采英剪雲
兮賦形在縣兮審厥聲聲聞於人人惟聞聞寂寥兮歸
根塵消兮不痕

張公井銘

由彰教而東一百三十九弓曰張公井公不知何代人當時奚為者缺甃甃不古疑其去今未甚遠深不及丈列而甘宿不滓宜茶宜墨宜釀歲大旱十里仰給病者投一錢煮藥輒瘡舊有亭樵牧踰蹂既弊不復理丙戌仲夏望住山人北礪淘井勺泉而銘之銘曰泉瘡疾人以泉信信必孚相與為命余病愚泉不瘡曰余弗信泉弗余予漱而淪以樂其樂

慈感寺蚌珠羅漢銘

欽定四庫全書

北朝集卷六

三

某年月日茗溪渙者剖蚌得珠而側視左袒應真肖象契神僧兆夢之徵也臨流忽墜淵涸珠明水齧簷趾嵌空嶽嶽岌岌欲壓示人以顛濟之急也傳記雋永聲詩清越皆南渡第一流珠璧照耀俾嗜割烹養口體起惻隱之仁知大德曰生也為之銘銘曰精洞太陰是孕厥靈靈應不虛現如是身涎液不濡長揖鼎俎雲沉方廣弗入衆數彼漁伊何冀裹在漁先獲援手夢仍合符黃誇漫流腫朦印蟾汨汨自渾稜稜弗潛澄瀾渺瀾碧甃

空洞半肩伽黎萬目神竦

明無礙銘

明無礙吾孤雲權之子以諸父事余與樸翁兄銛樸翁稱之曰無礙屬余着語後十九年始克為之銘銘曰毫忽不透物則礙膺泮然物消伏膺以懲惟其拳拳此病始大夫何能然礙蒂獨在畦空畛虛欲萬賴瘡只益自勞直寸枉尋地窄天道拘窘跋躑必也逢源此外無地

幻菴銘

欽定四庫全書

北朝集卷六

四

達上人曰幻菴文昌喬公行簡為書之請銘於潼川北礪某銘曰有覺有幻的生箭集諸幻消亡覺尚焉立八窗玲瓏十虛內充惟一精明復何所容以無所容故無所却知幻即離自急其縛我說有覺與無覺對是則名為如幻三昧

福聖曇禪師通菴銘

法門行諸父

通之為道常不在君子或曰人衆者勝天天定而後勝人余則曰天不可勝而未嘗不定作通銘銘曰君子固

窮故通小人反是通而終窮是故君子守道而謹終

臨川王正叔嘯隱銘

懷壯圖嘯長舒自樂遽廬中之天地豈特以天地為遽廬學道兮自娛飲水兮飯蔬是謂立天下之正位兮居天下之廣居

簷隙銘

顧余最古屋老不支塗垠地剝簷隙度器用者數板下設小榻開數櫺納月疏風作於斯息於斯非醅酢事物於外亦必於斯銘曰適斯陋陋吾愉愉安斯隘隘吾舒舒善斯獨非吾所謂道正斯立昌吾居乎

瘞贅銘 般若作

某之仲氏有贅贅文名贅贅而警不以善吠為良夜聲先羣晝食後衆仲用恕體柔贅化之季之狸虎文曰斑以輕翺捷疾嬖季畜之經年校穴洗空挾寵以暴非其類他贅磔之血濺贅首季勇復讐擊贅首而斃之仲趣援贅噬臍矣徹食終日瘞以弊帷蓋過余道所以然曰

欽定四庫全書

北窗集
卷六

五

吾傷焉吾傷者三斑化暴死暴也斑死暴益季暴也贅

化吾怒益死於怒乎予曰何傷乎吾敢賀而不以弔也怒本仁一物不得其所若已推而納諸溝中閔焉閔深則愈怒廣而充之仁不勝吾用暴虐之慘甚於燎原雖自己有所不暇顧於贅何有贅死怒得死所矣仲氏矍然而作曰然則不可以不銘銘曰贅與斑化其主暴死暴怒死怒有光暴自取繫襟裾不遘死

白牛銘 思谿作

欽定四庫全書
北窗集
卷六
六
施力養人惟牛為能負力於牛惟人寡恩故君子不忍殺鰥以小易大飲以清冷遠洗耳處比及後世王澤寢息淫祀肆作椎擊屠割享非其鬼盞觴嶺海蕩汨中土靡然成俗蚩蚩之氓老羸易少壯堂堂馳驅使就鋒刃壯者既羸亦復若是當其貿易之時其死已兆不見舊主惶惶欲訴苦不能語謂其不語是自欺耳視大白之塚巋然榛棘中抑有感焉某年月日圓覺寺造僧伽方塔十一級以尺計者頂踵拔地三百六十埽甃土木之

運緣半天微大白孰能舉之塔成而覽嘻殆於此矣某年月日也寺之陰不越大界相得爽塏營其葬而策勲焉後若干年某來住山聞諸故老為之銘銘曰舍爾畊勞爾生弗踐青金地行年然鳴中黃鍾頽然臥蟠玉虹忘其勞食其力成浮圖十一級身溘然功歸然與浮圖相永年

佛手巖善住禪院鐘銘

般若
講封

扣無盡應無竭持寸筵致其噎惟洪其撞厥聞乃鉉聲

欽定四庫全書

北磬集
卷六

七

沉響消反聽絕聞聞性斯泯聽亦超瑩是故此鐘寂而

常震

濁港東禪寺鐘銘

大扣大鳴吼鯨震霆弗考弗擊云胡弗聞聞性常住湛水不痕由一精明見六用根淮山崇崇谷虛有神於昏曉間互應迭陳繁爾大器晚而後成獨山范金使北磬銘

布衾銘

衾而布儉而易營或曰詐不得已而去於斯二者何先曰詐儉也者吾師也左袒公孫右袒司馬

叩竹杖銘

叩端歛尺為竹巖
先生錢常熟作

心貴虛受節貴不露爾室而露君子所惡維其持危相與却步無黨無偏遵王之路

端研銘

非華池不竭非干將虞缺璞少文玉方切

歛研銘

欽定四庫全書

北磬集
卷六

八

沉玄雲升玄津穎也策勲如新發硎

界尺銘

惡圓曲尚方正直而剛重以鎮

小菴銘

菴以小名志其大也大而不可容故小之小之為用大矣至大至剛浩然之氣也充塞天地而莫測其際寓諸尋常而莫得其朕養之至也不然渙散乎其大必乖離爭犯詭譎顛倒而無所不撓膠轕乎其小則促縮拘局

室凝窘束而無所不觸亂小大之宜而失諸尋常之中何自而知夫小而得夫用哉故曰小之為用大矣為之銘授佳菴人使由吾言而志其大銘曰泉濺濺火始然或浮天或燎原匪微兮曷著焉

肖巖銘

竹巖
長子

清明在躬羣妄停擾幹旋一氣颼颼衆竅事存萬變理絕雙兆削平畛畦強名曰肖

紙筆銘

欽定四庫全書

北湖集
卷六

九二

流金燎天其酷無敵於天下勁節廩姿獨當柄用百其身如縷不慙楮生夾輔盡綿薄為犄角雖未即殄其炎炎奉揚仁風亦足以慰彼黎庶

竺源銘

墨藏
主

一滴曹溪發於中天迤邐於江西一十八灘餘波瀾瀾襄陵懷山室何有於濫觴障何有於頽瀾雲何心乎故岑水何心乎舊囿九河奔湍渺然毛端吾故曰統之有宗兮會之有元

勝叟銘

潼川
定

目定曰勝取人衆勝天之勝為之張本則謂之曰蒼蒼而穹者天也無聲無臭品彙以亨四時以成享之以誠應如谷神總總蚩蚩其類實繁汨序亂常天紀妄干朝春析秋嘈雜喧啾咏息弗停擬萬竅號氣草候變金行既肅族類竄匿愬然皆瘖跡絕景消泯默至死天籟常鳴無從聞聞於戲天乎不戰而勝凡所以賀戰勝者冠蓋相望雖愚夫愚婦知必之天而不必之人吾故曰天不可

欽定四庫全書

北湖集
卷六

十一

勝而未嘗不定則入詮諸其衆曰天何言哉

物初銘

四明觀
書記

寸田鏡空蕩然十虛雲沈翳消其應無外道之所在而已夫道未始有物物亦惡乎有夫道道之所載惟物之靈神而明之存乎其人萬生紛綸汨乎吾前莫不了厥端緒於毫忽未兆弗祈先物而物莫我先吾固曰道之所在而已銘以訂其說銘曰混且殽紛以綸曰無蒂何從生生無從去冥際動中滅靜中起微退思與却顧當

云何洞化母全者天天地先觀物初如是觀

無盡銘

潼川藏知客

典吾賓者曰藏號無盡為之銘銘曰此靈覺性太空同受十虛無垠均量齊壽凡厥有生天地共盡先天後地獨存者性外取風月用雖不竭盡蛇著足既著復則身椰子許曰小天地求諸吾身是謂直指

紫巖銘

日首座

芝生於巖巖以芝得名曰芝巖芝澤而紫又得名於色

欽定四庫全書

北磬集卷六

十二

善毗尼者日取紫巖扁其居且託其宗著其學修其別稱何擾擾其名之多乎或曰一法千古應緣立號子本家兵法何自畔而作是說擾亂我邊陲俾我巖間風烟雲物不得寧將不戰而屈之申之以誓吾旅云峭者巖紫者芝芝名巖巖不知日之隱此巖下音婁斯名振厥孀名匪實孀亦空如何其貴德充德日新巖益高德不修芝如蒿伊紫巖式芳武懋厥功永終譽

彞齋銘

龔某曰彞齋有取於民之秉彞好是懿德問彞於予為之銘銘曰彞民之天民之秉彞天常卓然惟帝降衷於此下民兩忘黨偏守之以正謹而不移其歸則賢習與正違遂遵別岐小人之歸千里之失始於毫釐豈不爾思思而來復不移一絲夫何遠而

舊扇銘

時震早三伏港弗漸物不滋爾宣風而暘者醒炎炎今如昨圖任舊惟爾諧思濯清泠者具爾瞻嗣乃績長使

欽定四庫全書

北磬集卷六

十二

奉揚之柄在掌握

晦巖銘

局知客

振耀而九烏斃潛伏而九淵照息陰以居洞窺煥若日中疾歸懷恍杳邈是故君子用晦而守約

石門銘

智上座

垠垣勿踰匪穹即嵌循垣得門惟石巖巖罔闢其嚴孰快斯覩憤悱在余發機轉樞

仲舉銘

德侍者

德輶如毛民鮮克舉孰能舉之惟仲山甫古往可復仲也豈無晞顏之人亦顏之徒

晦巖銘

為衡台之學者曰慧明強記覽知名於衆號晦巖為之銘銘曰智燭也燭諸理遐隱無或遺善用智者罔不若是智其智弗時其用過則罔不殆離妻子所以弗若罔象之為愈也

檀木白衣相贊

欽定四庫全書

北湖集卷六

十一

嘉定十三年正月人日瞻禮白衣大士像於永嘉楚上人嵌空玲瓏水鳥翔集絲栗眉目芒穎爪指袿佩冠纓諸莊嚴具靡不稱是眇而眦之了了可數補陀風烟悠然在前反是則無邊身爍迦羅母陀羅亦莫不然乃知蚊睫餘地可拓掌中世界可擲是道也存諸其人作贊以授楚云

斤斯運壘斯斲鼻不傷立自若臻極之技與物不二惟

其不然一理萬致我觀此像殆非人為就能為之技不宅微矧此匠氏應以此機應以此身化巧幻竒曰余眊然兩眼如鏡弗能審觀獨以耳聽反聽絕朕對此殊勝小白花山下瞰巨浸

慈感圭老請贊無量壽像

十四章第四句

十方取土曰清泰城又曰極樂與苦濁鄰厭苦知樂不毫忽間一念勇往即念而憫惟憶惟念匪疾匪遲憶而不忘念茲在茲如求亡子如喪考妣如疚需石如渴需水以如是故曾何遠人人人亡羊入生死輪法法惟心亦非心鄭衛嘈雜水鳥樹林悠悠漸修頌頌闡提同攝罔遺妙在不疑疑則疑城日劫倍徙東隅既失桑榆可冀粵若二仲達圓頓機路壅般舟手自剪夷池栽芬陀社結名勝一十有八是修是証天台嗣響的傳自衡和者如雲調高倡宏六朝逮今衣冠縉褐愚夫愚婦爰同此筏晒乃二瓠載沉載浮即室即海善柳柳州見月因標執指成咎含有相佛觀無量壽

欽定四庫全書

北湖集卷六

十一

不動居士馮濟川畫像贊天竺印所藏

乘本願輪游諸世間留泰空寂以致其實桎梏冠冕而行其權在宗廟朝廷則和而不同於以見大臣之節位方伯連率則威而不猛於以見刺史之天鄉居則讀鄉黨篇而無媿家齊則揆家人卦而罔愆若夫大小藏之施也則各以無量壽願王為之數筌忘在魚蹄忘在兔魚兔兩忘忘亦忘所乃知施者未嘗施而受者未嘗受至於五千四十八卷初無一語

欽定四庫全書

北湖集卷六

十五

永明壽禪師畫像贊

客吟燈殘猿啼月落衲帔蒙頭千巖萬壑指破凡夫為等覺妙覺齊大小乘於錢索井索縱大辯於談笑寄虛懷於冥莫所謂百軸宗鏡之文如太山之一毫芒巍巍堂堂煒煒煌煌非心亦非佛破鏡不重光

天樂趙紫芝畫像贊

一點虛明八窗玲瓏萬波不渾百川自東殆見其灑然乎外孰知其淵乎其中謂其襄陽漫仕曰吾不為南宮

謂其江湖散人曰吾不為龜蒙烏在乎儀刑先進而丹青太空

竹巖嬾翁錢德載畫像贊

凜乎吞八面之敵清哉拔千仞之俗盤錯不足以試鉅利霹靂不足以示淵默若夫佩鐙鐙冠巍巍臨深濯纓憑高振衣豈非雜夫塵滓乏市而遊乎方之外者耶

東坡畫像贊竹巖家藏

帝哀先生為天下忌速反其轅卒不慙遺遂騎箕尾而

欽定四庫全書

北湖集卷六

十六

分天章雲漢昭回衣被八荒載駢六丁收拾文字神京遐陬旁羅曲致落人間者太山毫芒寒者綺紈饒者稻粱取彼諧人投畀豺虎既梁其餼而紉其袴褌以人爵俾敏厥修息公之諧承天之休

二桃殺三士贊竹巖家藏

大匠不棄櫟社之木良醫不遺烏喙之毒務急吾用不一而足苟適其時雖棄必錄方其用時有正有奇顛兮吾扶危兮吾持相道巍巍二氏似之哂乃齊相曾不爾

思夫三子者謬以力勝勝力以德孰敢不敬徒喪厥德以致其命一念之忍桃乃其甯欲濟緩急圖任媿嬰爪牙不銛其如之何盍觀相如伸泰屈頗隱然長城無庸干戈

三教贊

此三勝流一笑聚頭其道不同曷相為謀至哉儒先問禮於李李從竺乾逮真實際商隱於李白眉最良曰師師師其來自唐車適大方萬里一轍差之毫釐肝膽楚

欽定四庫全書

北磻集
卷六

越

蔣山冲癡絕寄初祖達摩并馬大師畫像索贊

穿耳耳未嘗穴缺齒齒未嘗折北度一葦可航西歸隻履自挈或謂之空却已前中流砥柱或謂之拈花已後金口木舌又曰正宗別調又曰直指曲說皆非吾之所謂道也若夫求大乘器走十萬里俟人作興器豈大乘夙負先覺禮聞來學學而知之既遠且邈負是四者吾恐五竺之鐵不足鑄此錯也

金雞毒一粒粟未踏殺人已先跌足一十八灘兮障回死水八十四人兮淹沒弗死洪都兮泐潭宗風兮肆凌厲一波動兮萬波起派兮支兮滔滔者皆是更無一箇識玄旨只有歸宗較些子檢點將來玄沙道底

孤雲畫像贊

閒如雲寄寥邈帖水不痕行空無脚笑從上掃跡生跡嗟後來以縛解縛於其中間卷舒自若釘釘却懸挂却老倒南陽猶欠一着

欽定四庫全書

北磻集
卷六

下竺印畫像贊

寧然短衣嶄然挿屨歲晚寂寞莫奮此一菱膠名相求之則萬言不直杯水外形骸索之則半芋美於紫泥憲章左谿鼓吹荆谿使人復見古道顏色舍斯人其誰歸

明教禪師五種不壞贊

并引

劫灰之說大三災之一也天地所不能免况天地間物哉明教禪師闍維不壞者吾曰頂曰耳曰舌曰童真曰數珠萬行成就三災彌綸自若也

作五種不壞贊用公書遠公影堂故事云

頂骨嶢然隱若伏犀於烈火中淒其凜而古鐵錚錚
餘不熱擊石拊石迭中音節舍利團綴素魄罔如湛湛
凝露累累貫珠豈無他人欲見其頂月行太空蛙沉坎
井

去室而聰去塞而通於無數聲齊萬竅風風止聲消音
響寂絕谷神不死聽火焰說說無所說聞無所聞烟滅
灰飛所亡者存以是耳根示爾四衆厚德宏功千二百

欽定四庫全書

北明集
卷六

十九

種

宣明心聲若出金石洶湧辯河不滲涓滴書獻天子天
顏屢改一笑歸來此舌猶在韓吾不非吾奚以為壅吾
不夷吾奚以馳一生事了有死無憾身隨劫燒紅開齒
菖

童真出家死於童真出沒卷舒一堅密身嗟多欲人曲
為欲說於其根中出火自熇猗歟哲人哂乃覆轍以古
為鑑以身代舌火炎昆岡玉石俱焚石付百粉玉兮溫

溫

的的紫綈茸茸素絲自幼至老念茲在茲譬夫一龕繞
以十鏡此燈長明一印印定則離念反而自求於無
求中以敏厥修物初有終法無有盡是故此珠橫絕煨
盡

賢者國師贊

高麗指
堂指作

心部根本身嚴雜華赤象青牛跨竺越華半滿字則五
其等差殊聲響則一其紛拏使登門之魚駕際天之濤

欽定四庫全書

北明集
卷六

二十一

陋潢汙行潦而觀海若之谿訝瑣屑滅裂又安知鯢鯢
之與鰭魛

強齋高使君金書諸經贊

澱藍蘸楮屑金作字去字與楮經果何似曰此諸經即
楮與金續父厥志寫佛語心准佛語心粵如父志一點
畫中具無量義字可悉數義則無量欲了其源冥去來
相強齋大士年八十餘目如心明作蠅頭書於一蠅頭
分可為二塵毛太華弗巨弗細佛神力故初不作難是

故北礪作如是觀

兩螞蟥御前梁楷畫
并引

一螞逐螞一螞攫飛不及而擲於地

攫而擲翹而舉之二蟲請以戰喻翹母忘於射鉤攫母忘於在莒

蟻戰酣螞襲其後非大嚼盡反相反夢好忽同歸一麾何足疑

荷屋常不輕畫像贊

欽定四庫全書

北湖集
卷六

三

芟荷為屋芙蓉為裳芳莖紉佩落英貯瓶熏以石林書傳之香淪以太華玉井之涼濯人間烟火氣母干吾丘壑安泊夫錦心之與綉腸發世菴之韜畧示我武之維揚適妙喜國拓吾故疆安在乎廣莫之野而無何有之鄉

義鑑堂畫像贊

魁梧軒昂耿介孤潔大珠縞夜輕雲拂月作成潑天問端來前只似釘頭難于敲折東山發源雙峰卷衣把大

蘇狂瀾障而東之微此老孫子已而已而

高麗指堂講師畫像贊

巖巖指堂破塵出經惟其能然曰聰慧人隄圓頓之類瀾會中下於通津橫說豎說匪虧匪盈全提半提匪壞匪成夫是之謂全體之用兮全體之真

妙湛禪師月巖舍利贊并引

無盡居士銘雲居三塔其畧云腐蔽朽骸匪我罔是宅萬行熏蒸骨如玉如金金玉舍利也妙

欽定四庫全書

北湖集
卷六

三

湛中公火後舍利如此為之贊

及笄洗粧一花一香舍父求度回度厥父子學空機先有鋒父死開法鑊鉚出匣歸奉其母孤山之許示生有滅笑與母訣火後舍利聚如繁星如金之晶如玉之明堂堂月巖如空行何庸留此自暴醜拙

下天竺古鏡法師畫像贊

伽黎擁肩不舍夜旦草履跣足炎熇不跣迹邇世相而不動不退心惟玄奧則唯止唯觀四辯湧兮瀾翻四筵

擁分冰泮特旨佳山靈山禾散洗舊講榻姜花新換至
於戒香逆風騰播林野吾嘗比之波利質多羅天樹花
此之謂也

陶司戶畫像

宅塵滓拔千丈之俗倚梅竹託三友之交稠人廣座則
惟靜惟默涼天佳月則或推或敲問津榮途姑欲行志
於志得時反求諸已

自題頂相

欽定四庫全書
北明集
卷六
二五
謂有為吾奚為謂無為吾奚不為待悟而勇為絕學而
無為於戲盡之矣非吾為

王梁山畫像贊

從事毛錐壯夫不為置書學劍弓號馬嘶不新樓蘭天
何自欺堂堂梁山襟利帶凌帝軫遐方詳延瑰琦良馬
素絲組以五之維賢作牧任以撫綏撫綏伊何恩斯勤
斯豈惟懷恩亦復畏威庶靖氛埃以偃鼓聲昔人可師
感夜半雞哂乃阿瞞橫槊賦詩

台宗傑首座畫像贊

性具染指鼎味咸在容膝歸休日用三昧不動口不饒
舌人無聞聞吾無說說翻嗟普眼弗見普賢為渠去却
眼中金屑複道行空白銀為闕

野月贊

廣寒殿洪崖井輪有悔朔景無畦畛悠然隨所寓婆娑
弄清影莫羨江樓清江樓塵汙人

姚別駕命作四歲屋

欽定四庫全書
北明集
卷六
二五
吏悍民怯其途則殊等而眠之氓疲不甦清明在躬執
中以居御民如兒御吏如奴謂吾寡恩我不姑息謂吾
道直我不自得畏則如虎敬則如母擴而充之天下刑

措石庵

以寂止喧八窗闌然寂而忘喧珠澄濁淵不住喧寂而
逢其原其靜有餘其樂也全山林市朝不見畦畛失之
毫釐大小異軫惟全乎天意行則往心遠地偏非一非

兩石館

身體髮膚賤傷貴全多慾自戕傷孰甚焉彼美聲色或謂如鴛必其胸中所樂者勝古夏后氏娶於塗山樂不在娶隨山濬川禹何人也予何人也晞顏之人晞驥之

馬

右養生也寡慾

古者網罟以魚以畋後世粒食網罟可捐一鱗之沉一羽之縱推吾此心仁不勝用方寸之淵較縮與盈悠然翻濤溺馬殺人好生之端志其大者大德曰生默運元化右好生也不殺

欽定四庫全書

北湖集卷六

三

堅窮壯老二箴 并引

余至宣城之清流丁山窮老日益甚因范曄書有取於馬援丈夫為志窮當益堅老當益壯作堅窮壯老以自箴

何以御窮曰益堅不則濫是故君子固窮出輒途窮途窮則返居輒技窮技窮則思辯輒語窮語窮則默謀輒智窮智窮則止窮諸理盡性而已

右堅窮箴

益壯以俟老壯色日零新新代謝曰不在是在所養者

物莫我嬰物莫我化善乎楚丘之為言也使我當諸侯出正辭吾始壯矣不則死矣尚追車而赴馬嗚呼近之矣猶未也

右壯老箴

高祕閣金書心經頌 并引

東禪明覺院比丘妙信創華閣舍補陀大士判府祕閣高公年八十九飛步登閣早年夢像若今所造施玻瓈瓶承以白金藕花其餘佛事一隨喜金書心經欲真大士心中而身相已具

欽定四庫全書

北湖集卷六

三

罔契心初全暮懇切寶脊若然獲本妙心十目驚嗟嘆此創見蜀人北礪居簡比丘謬振頌聲一十一章章四句嘉熙元年二月初九日

大般若心即天地心區區冥求滄溟索針爰有大智金書作供欲充佛身妙發機用佛塵沙身無乎不在作如是觀墮世間解離世間解復何所求於東招提一瞬協謀塵沙佛身初湧出海小白花開物物三昧願以所書印厥心地此念始藥玄覽斯契寶脊若然虛鬲以俟若

合符節如龜從筮微此大智孰考其朕惟神而明函蓋相稱我觀此經非金非字而此寶脊未始啟閉繫正法明曰觀世音澄五濁瀾如一月臨臨茲大智淨徹無垢介以景福介以眉壽

謝林元之議命

不知命君子奚為未知生夫子不忽義命所安之地死生自樂之天庭葉報秋記山中之寒暑嶺雲分暝變戶外之陰晴適此間情成君奇術

欽定四庫全書

北湖集
卷六

三

王鍊師問道之在天下猶川谷之與江海

域中四大王與道居其二吾一之一之何如曰王以道尊道以王行道失所以行則梯稗瓦礫也王不以道御天下寡助也獨夫紂爾苟以道則皇極建百度新綱常振遐陬寧雖然豈獨王哉一身小天下苟昧是晝罔不冥瞭罔不盲履嶮不寤臨窅不却所謂無黨無偏何自而知若夫富貴利達貧賤患難皆身之川谷江海流行停淤而道之樞機戶牖旋斡權變故曰川谷江海在天

下相道之在人則天下同百姓日用而不知故君子之道鮮矣

戒鼠

北碯足跡半天下習爾情狀尤得桀黠之情故為爾忌而未嘗忌爾所謂幾辟網罟固所不忍為孰謂爾以吾為可欺晝跳梁夜穿窬飲食服玩皆爾傷殘之餘凡在吾室之君子謂吾信不孚不能格爾暴則將舍我而他之彼既舍我而他之吾亦豈能安吾居爾之遠君子近小人孰甚焉甚矣永某氏之禍商監不遠勿謂吾不爾

欽定四庫全書

北湖集
卷六

三

告

戒頻伽

頻伽踐木偶抑無知乎將踐鷹鷂木偶君子也君子虛與道冥入鳥不亂行人獸不亂羣怒而加誅不啻黃帝絕梟獍之類汝毋陵善而駸駸梟獍之樊庶幾逭君子之誅其果不悛木偶之禦侮畢弋從事覆巢破卵可立而待

水利

以穀橫谿構軸於岸比竹於輻發機而旋非深湍無所
事後重而前輕俯仰如人意并可以施其巧此車棹所
以別也水梭窾如上架而縻之當畎澮之衝溢則出涸
則納三者用於蜀吳車曰龍骨方槽而橫軸板盈尺之
半納諸槽側而貫之鈎鎖連環與槽稱參差釘木於軸
曰後首蹠以運其機澗溪沿汜無往不利獨不分功於
棹棹拔一人之力龍骨則一人至數人車則任力於湍
欽定四庫全書

不為善

雖鳴而起舜跖之辨縣判於所為為善而放利舜之徒
可為跖非吾徒也吾善且不為為利乎或曰不為利斯
可矣不為善非跖乎曰吾固有者善也焉往而非善無
為也非不為也孜孜為善油然幾微於有為何以異於
為利欲其為之務隱也故曰吾善且不為為利乎

吳江性上人擬濠上游

鯪鰠躍清池郝參軍所賦南蠻謂魚曰鯪鰠桓大將軍
云作詩安用蠻語郝云千里投公得一蠻參軍當不用
蠻語耶吾愛其躍字風致以訂楚漆園吏濠上酬辯賦
濠上游云非鯪鰠夫何疑子非我吾何知惟其不知故
不疑而全夫天倪潛而躍悠然兮樂夫樂

寫神

使人偉衣冠肅瞻眄巍坐屏息仰而視俯而起草毫髮
不差若鏡中寫影未必不木偶也着眼於顛沛造次應
對進退顰頰適悅舒急倨敬之頃熟想而默識一得佳
思亟運筆墨兔起鶻落則氣王而神完矣少陵云褒公
鄂公毛髮動英姿颯爽來酣戰所以美曹將軍也張橫
浦則曰孔門弟子能奇怪畫出當年活聖人所以詠子
溫而厲威而不猛恭而安人鮮克知此妙故重為商評
之

贈醫卜風水方生

池州

病有醫死有歸卜而息疑負是三者而游人間世人舍我而安之夫如是三鍾十束異乎支離踈之素尸

管城子

或謂管城子銳而天非知言也文場掉鞅詞林秦技舍子則誰與子則沾溉餘潤點發新奇卒成其志功其懋哉故知有用於世者一日為壽不則百年為天也審矣余鈍而無用視子則有媿

撲滿子

欽定四庫全書
北湖集
卷六
三十二
吾與孔方兄絕交久矣至於貿易所須則又未能與之忘情貯以小罌遲其盈將示以持滿之道往往未盈而輒出之其出也又貯夫制作近古者一二以求其類論之曰二老者天下之大老也其父歸之其子焉往惟其然是以不匱始悟絕交之非賦招隱

床屏

以方正之質受屏翰之寄使樗風野馬不得涉吾境隱若敵國功懋而不言雖然必有存焉者耳仄冷弗然木

槁弗腴則屏翰在此而不在彼鏡虛忽塵水止忽瀾外禦其侮竟何所事譬夫指鹿之既不長城而在望夷伐國之憂不在顓臾而在蕭牆之內也

鼎缺

陶之精者曰秘色有鼎焉立不倚介而特宏其中虛以容膚滑弗塵質古弗華童子置缶兀而鼎缺則曰剛禦剛矣夫如是則大者缺小者折精者折麤者缺故鼎缺而缶完余聞而悲之悲夫剛不以柔濟鮮不若茲鼎干將鏌鉞剛不可犯虞缺耳書諸紳為不善用剛者戒

芙蓉楷禪師辭

或謂芙蓉禪師剛介失中號服是拒隸名刑書甘楮其衣遂使林靈素逢彼之怒乘間而入德士之說易於建瓴意齊東之言也天子方銳意神仙方士儀秦之辯良平之智不足折其妄燕趙之豔晉楚之富不足變其好衰天下之至珍集天下之大美不足變其嗜前疑後承豈無股肱之臣可諫矣枘鑿齟齬也左輔右弼豈無心

腹之任可諍矣。氷炭背馳，也是時靈素願指如意，衡從惟命。豈俟逢怒，乘間然後進德士之說哉？公居淨因，惡夫末流，冒辱倖榮，行險鬻貨，禪講號服，錄正鑒義，裾方頂圓，附城麗社，不啻囊探，更誇迭矜，謂之內降，商直擁賈，不關朝省，貽玷盛明，罪在不敬，真賜逮已。我則固辭孤衷，自許不與衆共死，生患難，又皇暇恤淄川之濱，弗類人境，翩翩風帽，練練縞衣，丹霞鹿門，首為之發，橫翔捷出，以大其家，榮然麗天，耿耿霽月，洞上厥緒，茲焉中興鄉也。與俗滔滔，不振不厲，即患難之途，徙瘴癘之地，非失其本心，倒行逆施者，不為公為之乎？公之光明盛大，寂音傳在焉，茲不重出，是作也。一以刷公之謗，一以補傳載之畧。

道法師逸事

大丈夫者，富貴不能淫，貧賤不能移，威武不能屈。公寄命螻蟻，試身雷霆，不奉明詔，以改德士威武，能屈乎？黥而流之，為道州徒，九死之濱，過午不食，詠歌至化，若出

欽定四庫全書

北明集
卷六

三十三

欽定四庫全書

北明集
卷六

三十四

金石貧賤，能移乎？削名刑籍，復還舊物，賜官分祿，簡在帝心。曰：往欽哉！去汝黥涅，公念先帝不敢毀除，帝曰：此翁至老，倔強富貴，能淫乎？方林靈素，假道士服，旣基播遷，易緇於黃，天下從之，不則竊負而逃，槁死林壑，公獨緇衣立，俟斧鑕視身如葉，護法如城，聖恩寬大，不即誅戮，非至誠其孰能與於此哉？蒙後公而生，觀公所成就，奇偉峭絕，真大丈夫事。再拜右繞，辭而弔之，辭曰：黥可息乎？身據鼎耳，分息之則殞黥，可去乎？恩如春風，兮去之不忍，一念之忍，迄於蒙塵，秦離闕廷，塗炭生靈，髡天下僧，又安足云？邈哉道州，隻影問津，一笑生還，天清地寧，衆蠖斯屈，老臂獨信，隱若敵國，賢於長城，蠢爾靈素，不正典刑，雖百粉兮痛癢，以平九里清陰，蛇髴是舍，草枯自春，光奮不夜，後世何知婆婆，其下其顙，有泚兮其容，則赭油然興起兮，如聞伯夷之風者。

答陳寮高處州論激字

陳寮論選詩用激字，江淹曲樞激鮮，飈石室有幽響，待

下句然後精神已襲魏文帝流颺激櫓軒未若陸雲通
波激枉渚一句中激字便警策盧諶中原屬迅颺厲字
有感寓之思曹植清池激長流殆不若劉楨曲池揚素
波則揚字有風致潘岳白水過庭激又在青山外矣余
取陸雲激字盧諶厲字劉楨揚字

釋言

丁巳良月十四宣州太守倏然去余賦詩以餞郡博士
高公炎晦未語余曰子犯清議君子不予予乃拱而俟

欽定四庫全書

北湖集
卷六

三五

則曰守去子譏之余曰流言止於智者今之所謂太守
者古諸侯也制千里之命而屏翰王室譏之則速咎非
風狂失心不為矧若子之言五袴一錢父母二天皆譏
也或曰子以其決場圃之訟失分守之正則去此趙必
表貨殖以誤守於守何有守以詩挽子子不次韻乃以
尾未大時猶可掉瀾於頽處益難隄之語謝而實譏余
曰分守在天下主之者存焉正不正在彼不在此烏乎
憾不次韻尊之也謝而陳情則言之者無罪聞之者足

以戒故明斥枉直循私以誤守者惜清明之玷也余詩
凡八十字序凡四十九字請隻字洗刷譏評遁逃隱伏
處使余言當其實中也溢美過也遺美則不及過與不
及失中也曰譏則不可序曰遽聞決去此二疏淵明事
也莫不起孤風峻節之慕勇不自制遂賦古調末章輒
致雙壽堂中玉顏難老之禱躡等而忘其僭詩則曰懷
哉小隱侯如水秋練練又若廉泉廉練江颺言面謂練
江澄潔廉則過之也一介不取人振滯亦賑貧則不妄

欽定四庫全書

北湖集
卷六

三五

取子振拔淹滯賑恤鰥寡也東粵不可冠有實無虛名
則惠人以實出於天稟而得名不虛也我欲借寇君九
虎限天海欲借留無路也茫茫穹壤間誰是寇君代重
詠借留之思也行行拜新渥新紉紫荷索守以亞卿歸
自藩屏必簪筆持橐也何以為雙壽揚州一雙鶴祝其
壽富康寧頤頽雲霄也所謂一錢太守雙鶴揚州乃閩
巷歌謠吾詩何與哉欲對此君仍大嚼世間那有揚州
鶴有客知碑來薦福無人騎鶴上揚州老坡一再拈出

也祖述前聞古也曰譏何譏爾吾固曰流言止於智者

外物

商盤卽鼎古帖舊畫至於珍怪百物無益於寒饑當其為用樂寒饑之功往往稻粱毳褐不相下君子學以志其道必專心致志屏去紛雜制之一正朝於斯夕於斯專則勤志則恪勤與恪有時而勤則沈昏困頓潛蘖於其間是以游焉息焉雜然前陳醒心耀目講明其制作

品第其真贗榮粹和整冲漠調暢其筋骸張日新緝熙

欽定四庫全書

北窗集
卷六

三

光明之本然後與之相忘於無窮罔留情於毫忽物自物我自我物我俱適也物與我俱適則指染寒具鐵擊珊瑚而佳思何從而沮哉

贈輝書記

天台輝書記來自徑山談會中銜袖新句多警策就余求益不知益我實多而無以益之也麟角鳳嘴子有之矣非剪膠無以見其妙如不然吾言試續既斷之弦知余言之不爾罔嘉定癸未秋

贈刀鐻工

天台刀鐻工初來杭余髮方壯鬚矗矗如蟬試其技瑟瑟如蠶食葉若無刀焉余則賞其輕聲聞兩山間至今彈壓同技余間闕四方歸湖上鬚髮俱槁復試之其心手兩忘運轉挑剔畧不經意則又賞其巧噫工之技昔輕而今巧余之鬚髮昔壯而今槁壯槁者誰北磻遺老贈立上人

東陽立上人以書抵余衮衮數百語鋪陳志義援引古

欽定四庫全書

北窗集
卷六

三

昔責我以警策後生是以年大為先進而空疎如木偶者為有道則謂之曰子言是也信之於我則過矣子學教矣是欲以語言文字而達夫道今又習禪則必忘夫言忘言之言豈讀誦云乎哉且又以他人之言為警策猶惡影畏跡而疾驚亟馳不知息陰處靜之為愈也況余空疎如木偶何以酬子之辯而求以稱子則所以益我者至矣反其言而忘之則所以益我者益大

贈陳生

寫字與刻字孰難曰寫字難畫被忘穿臨池忘繼專心致志僅彷彿古人用筆意公孫氏劍舞觀者得草聖之妙彼順朱耳或曰鑿為筆鋌代腕欲顏則顏欲柳則柳勁鐵瘦蔓出筆墨畦畛與夫游刃肯綮若然中桑林之舞十九年若新發於硎何以異故曰刻字難往復競辯侃侃不相下欲解其紛而未能也則謂之曰昔人夢鹿子知之矣敢用是而中分之曰二難丁亥九月幾望丁山法堂紀歲月郡刻工陳文頗臻妙策其勲弔其貧書以為贈

欽定四庫全書

北磻集

卷六

挂屨

余明年七十大夫致其仕而挂冠時也昔為比丘裂冠矣乃挂屨或曰挂屨何所據曰木平師挂屨於江南後主之榻休影息迹不復至榻前觀清涼大法眼賦牡丹諷諫矣今年六十九六十九年之非多遽伯玉二十載而無伯玉之知視屨則有媿因作而言曰一生幾兩遐想阮生之高兩鳬對飛恐入齊諧之誌吾屨之陋蒲疎

而涼匪仁弗履懼迷其方匪義弗蹈懼實其良允履允蹈粵惟考祥寧跣而視俾勿傷寧坐而忘俾勿僵寧策其勲永矢勿忘息而筋骸分遂而行藏挂之墻隅分戒余面墻

言歸

或病余不用隨時之義而落落也不顧人之是非擬古浮圖文字駕說犯其忌子之徒怨汝詈汝謂其詈之妄也前日之仰睇子今睇下將其業成進子而子不進乃欽定四庫全書

北磻集
卷六

嗾夫詈也則牧兒嬰婦知其碌碌徒貨殖麗城社飾諂以慕非其類吾非木鐸也詎排鑠金以明子志哉盍歸耕以頤所謂浩然者則謂之曰甚矣子之誤我也人各有夫志志古的也曩明教大士鐸津公著書數萬言輔吾教抱成書獻於嘉祐天子願浮圖版類惟錯犄角而攻之方開闢延敵輒循墻而遁怨詈尚何足云且貨殖驕人憲貧也非病附麗以傲物象傲也不悌孰逃君子之誅於吾何有故園一鉏地道阻且長朝夕以思九折羊

賜陸誰余梁川誰余航止誰余舍行誰余振使我轡簡
雲追飄風乎乘飛車兮遡瀧使我飭供頓邁逆旅乎孰
先饋之五漿肇聆子言如鍼膏肓靜而索之莽乎忽荒
盍歸乎來兮無外大方

示照藏主 普州

半山老人讀游俠傳謂全萬卷云將此身心學佛菩提
何難之有殆不知學佛菩提之與游俠易地皆然槩而
言之則可據實理論則適越而北轅除是生而知之方
欽定四庫全書 北湖集 卷六 四十二
有少分相應自無憂樹下周行七步目顧四方已是學
而知之鏡潭藏主語別令舉似諸方納粟將仕校尉禪
師且道它學什麼人

杜祁公病婢帖

奢膏肓儉瞑眩瘳之祁公瘳其子之奢天下化之功成
名遂既壽且康窮居盛行儉德金石反覆丁寧發於婢
子防其子之駸駸習侈靡墮家法欲策勲於瞑眩也

祁公子美帖

婦翁鈞畫道勁於冰過清甥館行草掀舉比玉尤潤晉
東土以東林坦腹蕭洒為名談恐不足語於吾慶歷之
盛

跋頂山珂兄刺血寫蓮經

能生不能教親也教必從師師以德親以恩知報則知
道舍是吾何觀刺十指寫三周七喻以為報匪報也盍
思瞿曇未說毛穎未血文采未發經在何處若三七日
思而得之無絲毫別夫如是則七世父母師長同見靈
欽定四庫全書 北湖集 卷六 四十三
山未散非汝欺也書經後二十三日慧日北湖書


書楊補之梅

寓素於玄質成烏有責芳於影夢酣黑甜展卷臨窗色
香俱在柄此能事屬諸逃禪詠姑射真須春風手先驅
醉穎珠玉在側後振采毫覺我形穢

書楊慈湖帖

秦院崔公為定海之政慈湖楊公之弟之甥之壻在邑
學其致書定海以夫三子也而曰簡之所以不得已上

浼記曹者胡不得已哉或曰公不輕下語蓋遺夫言叅
其意可也嘉定君相一德舜禹臯陶所不逮公猶有薦
相疏方是時也莫不謂其得已而不已是豈知公哉或
者之言余有所未達書於公貽定海帖左俟達者



欽定四庫全書

北磬集
卷六

四三

北磬集卷六

欽定四庫全書

北磻集卷七

宋 釋居簡 撰

跋陸永仲題江貫道寒林圖

陸永仲題江貫道寒林一幅梵蓮居藏護惟謹貧約奉
母貿易斗升終母之生百紙殆盡年八十八始以此軸遺
圓方外自題曰方外佳友也非暗投矣余讀至此嘆其辦
技水紆顙頰白眼奇蹟鑿方枘圓但知愛親不知愛畫

欽定四庫全書

北磻集
卷七

顏平原粥盡乞米後世有乞米帖梵蓮居以畫市米當時
謂之市米畫顏貧于忠梵置于孝法當配顏傳諸無窮若
永仲云結囊勿浪出寒具梁凡指方外其從事斯言

跋穎德秀書文賦後

異時觀老坡與參寥一帖云見穎上人數紙不覺驚喜
雖猊奮鬣已過老彪及觀穎書柳鬼傳道婉而勁文賦
尤老成穎書此賦母慮十數本罵於文也第未見其文
余不解書喜蓄前輩逸蹟每得一帖則必曰奇技也豈

彼能我獨不能奇玩也豈彼有我獨不有夜以繼日思
竭吾力兼而有之然終不能有或曰我安用是為治人
者勞心治於人者勞力人將勞吾力矣外物則德全玩
物則德喪物將喪吾德矣所有不玩多乎余敬受教

跋穎大師書韓愈師說

柳柳州謂韓退之抗俗作師說而自避師名有取孟子
子歸而求之有餘師穎德秀書師說其亟於就有道而
求正亦若為老坡書文賦志於文也

欽定四庫全書

北磻集
卷七

跋智廣字

負唯識百法之學者曰智廣字大用廣大矣用宜稱是
少長而名長而字禮也又從而為之說何曼馬帶為變
所憐無足也畫者足之反使之不成帶寢其說忘其字
與名而反諸其身反身而誠樂莫大焉夫如是然後可
與論用大

跋五公帖

或謂前輩貶米南宮字如仲由未見孔子時吾未見其

貶也秦淮海飄飄凌雲之氣見於觚牘參寥謹嚴而踈蕩稱其為人無為子辯才師字雖不工率意信手拔俗千丈西菩僧舍故紙中得此五公豁然眼明

跋小米畫

毫素傳衣蕭然名家彷彿樹杪溟濛水涯吾不知雲藏山耶山藏雲耶

跋六代傳衣圖

自老胡至老盧一金襴一瓦盂莫不可滋蔓滋難圖遂

欽定四庫全書

北明集
卷七

三

使芽孽千差萬殊曰法曰心自相牴牾矧乃繪事唐捐工夫加以語言毀譽太虛繁影載馳捕風載驅一之謂甚其可再乎

讀陽坡許昌朝墓誌銘

劉淳史舅氏
嚴太伯銘

六經之尊如天自得之妙如日以自得之妙發明六經則日麗天而纖毫無隱以六經含融自得之妙則天行日而周流無迹陽坡居士用力於此收日損之益及其登阨菴之門如漚滅全潮而同乎渺瀰蒼顏皓髯語高

領寡不得與民由之有子為不死也可以慰夫九原之思

跋虞仲房隸字

丹丘林詠道出虞兵部書杜工部李潮八分小篆王宰山水圖兩篇隸法壞自公始然亦自成一家搏搦騫騰鯨鵬撮摩天矯容與烟雲卷舒數十年間豐功厚德之所載識借公為重不專在翰墨也不知公者獨以隸古稱豈知公哉昔歐公以墨君稱文湖州而其篆真草隸

欽定四庫全書

北明集
卷七

四

皆入神道德文采光明照人荆公誦其詠驚歐云與可拾得耳好賢莫如歐公而以墨君失之文湖州後世慎無以隸古稱公而蹈墨君稱湖州之轍也

跋雪竇老融牛軸

畫牛至戴嵩能事畢矣雪竇老融則又出於規矩準繩之外晴春自牧如超方之士得友得師心平氣定有日新之功露地而眠則飽道足學片石深雲燕晦自若不動聲氣物來斯應新生之特不受控勒方其解衣盤礴

想像乎尋牛訪跡其既成也庶幾乎人牛兩忘已而不復自惜與好事者共之不見筆墨畦畛則又何以異夫轉位回機聖凡所不能測或者以秀闢西讓龍眠之說繩之不直老子一笑

跋橫浦帖

橫浦不喜東坡晚自嶺外歸始誠服焉手書其韓愈廟碑讀孟郊詩送琴聰序無慮十數舊在閩中見於韶石諸孫紙尾有大慧題字云橫浦喜書此使韶藏護惟謹欽定四庫全書
北湖集 卷七 五

今復見此叙字差小於鄉所見橫浦小字不易得尺牘之類亦且大把玩不忍置雖無玉蕤薔薇冷泉芳栢可熏可濯耳

跋沈大卿德和修淨覺塔記

某年月日大卿沈公德和重修淨覺岳公塔紀歲月詔後世岳師四明禮公而輒難禮反復數千萬言弗務勝務歸於是而已四明倘未死未知鹿死誰手東坡謂莊子盜跖等篇真若詆孔子實陽擠而陰為之助適與楚

公子之僕相類以為弗愛公子則不可以為事公子之法亦不可吾於淨覺四明亦若是說綿綿新學疊疊譏議覃及孤山曰山外宗獨未見如兩公者出忽觀沈記油然而起余屬學四明者刻諸石噫安得淨覺孤山九原可作與之商評山家山外之所同異云

書橘洲跋育王僧圖後

雪竇弗作晦堂灰冷遺質而耆文滔滔者皆是蓋常笑橘洲跋育王僧圖云佛世比丘皆龍虎變化後世皆黃茆白葦抑有所激而云爾始圓上人欲走江西學佛照鄉語時益語之曰少林嘗走竺西乎必曰未也則入語之曰子過少林遠矣使後世謂吾不解禪顧不偉歎欽定四庫全書
北湖集 卷七 六

跋貝多葉二

嘗觀此葉於焦山行行老而西歸死於綿之雲蓋寺以遺漢嘉鄧秀烈鄧墓未拱矣復見於升上座因作而言曰譯場不作竺錫不至鶴峙蛇驚愕聽眩眊一葉之書與無數葉葉葉之義字字融攝盡觀其義而遺其言所

觀既亡其亡亦然古之至文鳥跡科斗今不復古竟亦何有惟道人升好古癡絕焉從得此於鄧香烈華竺二

文一之者人孰為此言北磻隱淪

右為升維那贊

像存乎氎教存乎葉爾雲載馳止於建鄴樊鬼遺文以十象馱龍伯取將半淪殆如今之所存皆其零落殘圭斷壁此經自若經無攸全義有攸往維義與經非一非兩吾不了義又不識書乃於字外洞明心初

右為舟老贊

跋太參樓攻媿論征僑帖

欽定四庫全書

北磻集
卷七

七一

餘姚龍泉寺喚仙閣舊題有征僑二字客屬普滿珣公問於文昌樓公公答之之帖云云又云終未見二字所出吁公胸中多書若十數世豪貴家畜藏珍奇固有會稽所掌既富且夥豈寡人子日生所讐目閱手數旦旦知出納之地哉蓋嘗見於大人賦廝征伯僑而役羨門兮詔岐伯使尚方甘泉賦雖方征僑與偃佺兮猶彷彿其若夢顏師古曰方並行也征姓北僑其名仙人也伯與北聲訛耳豈公未見相如子雲賦乎吾固曰公胸中

多書豈寡人子日生所讐目閱手數旦旦知出納盈縮之地哉開禧元年季秋旦北磻某書於鄧山三錫堂

題或侍者牧牛圖

牧牛看牛嬾安大仰無所用吾力也佛印四牛畫蛇也梁山十牛蛇足也自得六牛足屨也按圖索牛猶索馬也嬾安大仰逸嚮遺韻掃土矣舉圖而捐之不見金牛而頭角全露至於人牛兩忘入廩垂手皆此牛也昧夫在御而他求何獲焉

欽定四庫全書

北磻集
卷七

七一

跋嶼山葛魏二詩

嶼山非聞寺近海不數里餘姚在其左一舍強半宣和間待制葛公次仲丞相魏公南夫尉餘姚時留句壁間寺因有聞而後生益懋勉吾不識兩君子徒誦其詩得其心其功在太常事在太史文章在天下後世不以富貴稱而稱其文章不與富貴磨滅如流俗臭腐而與此山俱傳也如此

跋嚴太常帖

潞國公及里門則步謂父兄行輩不敢不敬其年德俱邵而與鄉人齒也若此及觀太常嚴江陰家居尺牘十餘幅親故往來詳緩周密莫不曲盡十八擢第七十而致仕僅有先人之廬而祿止一傳善人報施何嗇哉四世孫為釋子曰法傳出以示予書而歸之

跋嚴太常編傳燈

節傳燈非儒者急務能急於斯非達性命外印組不滯一曲者其孰為之或謂蚤年登科為不幸以其仕則不學矣太常丞嚴公十八登科官居餘暇取傳燈千七百則佛祖機緣言句之切於日用者蒐英獵華手抄巨編老不釋此書易簣時說四句偈遺子孫一語不及家事所成就者可知已

跋後谿劉西清贈艮傳二帖

艮傳嗣講行脚皆後谿西清劉侍郎德修指南傳歷百城自初友從別峯來至慈氏樓閣門開所見幾人所得何法若謂有得負吾後谿果無得耶亦復若此至於無

欽定四庫全書

北磬集
卷七

九

得之得亦莫不然夫如是則後谿所不死者與童壽紫金色臂同一闕紐

跋龍門元侍者血書華嚴八十一卷作八卷

龍門佛眼侍者天竺覺元上人血指細書華嚴八十一卷為八卷外看經人名氏一卷錢塘薛大資昂作記并跋圓悟大士馮大學濟川皆隨喜贊歎後一二莫非名勝衲子不知講明續紙嗣書無翳先進庸言俗畫駁駁不已雖圓融行布無所不容然魚目驪珠必先分辨遂別作一卷首書薛公記跋繼以圓悟馮公一二名勝其真蹟則存諸經後余則題諸卷末虛左以俟如薛馮者一以致尚友古人之心一以旌忘軀報母之孝一以遵勿輕末學之戒

跋九峯了應為山警策後

彭門九峯了應比丘使山陰正受比丘作歐陽率更楷法書為山警策欲鏡石以示人俾人於端楷心畫中識古人懇切語如食瞑眩而起沉痾曩余客吳興見名相

欽定四庫全書

北磬集
卷七

十一

之學者讀此書置書而作曰鄙野逕庭不足取也則語之曰吾尤病其文采爛然也揚雄之文信屈聱牙終有俟於後世子雲若為山之鄙野逕庭亦俟後世為山矣

跋山谷綠如贊真蹟

山谷草聖不下顛張醉素行楷弗逮也然皆自成一家法如王謝子弟不冠不襪雖流俗人盛服振衿不如也右綠如贊疑其宜州腕力潛微時作不然何以綽約柔緩也如此

欽定四庫全書

北朝集卷七

跋查菴懷淨土齋倡集并馮給事歸去來詞

般舟三昧心法也生人固有之善一為習所移則貪殘其俗險狠其聚磨蟻旋復莫究端緒習具濟勝責獲稱習出乎爾反乎爾也善苟不移也瑤砌幢剎瓊沼泝岸胎齒菑聽樹林即塵蛻塵心想純熟生死由是楞嚴所謂心存聖境時復冥現先覺曲示方畧授繫念之要於上上種性雖殃積禍稔垂訣之際苦相在目教以十念惡習立轉夫習與正人居之不能毋正猶生長於齊不

能不齊言也習與不正人居之不能毋不正猶生長於楚不能不楚言也賈生之言得之矣正不正在習而九花五濁遂風馬牛不相及

跋平江寧上人孔子廟堂碑

書學廢識書者益渺韓愈稱羲之俗書吾所以望後世者益狹虞書孔子廟堂碑唐人駁駁晉人者南北壤斷廢跡實繁此本蓋亦未易得嘗自其殘缺處而求其全沈潛往復而遺其全然後殘缺之大全了了在目雖有智巧不得而形容於語言之間也

欽定四庫全書

北朝集卷七

跋青羅山翁示子帖

右數語所以開示子孫者至矣思其所示而求諸將見子死然家有哲匠而馳驟於外吾恐家雞野鶩之誚復見於此熏曰吾祖死矣則謂之曰亦思其所示乎曰思之則又謂之曰爾祖未始死

跋鄭宗聖傳古考義

用器求古器有真贋古人意安在然則古意終不可求

歎古之盤盂几杖有銘循銘辨器觸類求之屬與真了
了吾目中譬水飲者不俟傍睨知冷暖之節鄭宗聖東
髮好古資盡於器搜經史探傳記旁羅曲采於圖書款
式又質之於博雅前輩悠然得之於心作博古考義數
十卷一名一物皆有本據沉潛反覆老而益勇盛世苦
心之士絕無而僅有所謂呂榮之辨以呂氏榮昌為發
宜重加詳而我告

跋清真亮老所得勾獻可孟藏春詩

欽定四庫全書

北湖集
卷七

十三

蓄奇玩衲子所深戒懼喪志也然寓意不留意何傷乎
亮清真得小米雲樹半幅桃源太守勾獻可久假而不
歸留詩以為謝江東部使者孟藏春次韻補其虛索舍
畫而得詩與嗜畫何異哉雖然殆不足與暢法師白玉
麈尾同日語

題皎如晦行書後山五詩

皎如晦寫陳後山送寶講主云暫息三枝論恐枝字不
當從木支姓也天下博知莫如三支諫亮識也從木有

據乎抑筆誤耶下云重叅二老禪指趙州臨濟也二老
曹人寶亦曹人公在曹歸徐時也皎作二祖非是蓋初
祖至六祖自有名三支對二老最切半山老人每以方
語對方語梵語對梵語後山用是道也

題惠崇柳塘春水

鴛鴦容與於老柳煖烟春漲中便覺瀟水湘波回塘曲
渚欸乃一聲悠然到耳而忘其為畫也

跋東坡海外三帖

欽定四庫全書

北湖集
卷七

十四

一帖喜五仙雲構落成一帖市雲母煮膏見公衛生有
經謂其求長生恐不見後一帖樓攻媿跋此帖云坡彭祖廟詩云空餐雲母連山盡不見蟠桃着子時今有十斤之需何耶

書壁書記詩卷

余未識永嘉壁交游中多有詩贈之乙酉春仲壁自吳
門過余於西湖南宕客舍是日新晴破陰欲與孤山泉
石相勞苦攜壁與數友步兩堤掃天樂趙紫芝梅棘於
湖陰拂竹巖錢德載舊題於江湖偉觀喚船絕湖尋寒

泉趙叔迂瞑歸賦唐律貽璧囑其藏諸公草名勝珠玉使我覺形穢

跋諸尊宿帖

翰墨不足論諸老然皆可觀若曇與訥固擅書名佛智老禪又自得筆外意韓子蒼評大慧書如古錦囊師子非老於研墨者未易語此

跋陸放翁帖

鏡湖一曲皆翁吟嘯提封翁所自有非若賀秘監請而

欽定四庫全書

北湖集
卷七

十五

有也遂與山僧巷友爭漁樵席翰墨淋漓人爭得之是

三帖遂為勤上人所藏

跋圓悟真跡

示惠悟宜人語在建炎初元仲夏老子間關江淮烟塵時也一言一語務開晦昧正人心揭正眼曾無纖毫自為安適計蓋佛祖在人間世別無他事惟此事耳自此歸雲居尋歸少城婆娑大隱得人雖不若全盛時潛符密契若惠悟者未易一二數攬此舊墨使人拳拳

跋圓悟書

圓悟老人自雲居還蜀瑄無玷侍香覺華嚴掌記元徽菴首衆於以見三朝人天龍象駢駕豪雋而與鄉人處曲折詳盡如此一再讀之恍然鄉黨篇中見孔子

跋老融散聖畫軸

自普化金華至蛭子凡十輩意緒情態皆不失傳記所載非高懷逸想經營盤礴不見筆墨畦畛若老融自成一家者未易模寫曩留四明最久間得之好事者輒取

欽定四庫全書

北湖集
卷七

十六

去今僅存敝簾一紙識者以其微茫淡墨不足以永久遂目之曰罔兩畫行輩中壽此山一時名德作詩尚奇澁時號梵語詩良金華玉市有定價浮俗不知也因書融卷後解嘲壽云

跋禪會圖

經史無禪字往往時君世主樂從方外人訪此字義則必據問為說問其字輒不識其故何也字蹟也義宜也遺蹟而宜義洞然心初未畫之文爛爛經史中絲髮不

隱使自見之聖益聖賢益賢執而泥抑將瘳焉善畫者
狀意以顯義自唐肅宣文後唐少主潮朗刺史老龐翁
姬兒女難疑答問之情能意緒了了在目終之以靈照
昆弟坐亡立蛻或謂了此義者止於坐亡立蛻也耶夏
蟲不可語於冰夫是之謂

跋杜濠州詩卷

權風烟柄月露判董猶一宣寂彈壓今古駢駕萬象寓
思於嵌谷還實邊雲墟霧嚴高鑄而司其驚騰踏震耀

欽定四庫全書

北湖集
卷七

十三

拙信變故觸物遇事字驗推之矩而為之發鏘子玲然
於天地間八音相表裏良金華玉豈龍斷塵滓市人能
定其價世興伯仲以文章鳴文固不相下詩則清深秀
整不為斬絕刻削澄渟涵蓄馳驟作者間與人謂白眉
最良間闕戎馬間悲歌慷慨一昌於吟嶄然行軍中落
落不諧俗腫腫雲錦莫知其幾一班反管庸盡金鈞徒
識相遇之歲月於其後命之曰讀世興杜子忻吟草

跋譚浚明所藏山谷藏下放言真蹟

放言於規矩準繩之外而不失規矩準繩然字亦放
若孔子從心時不踰矩矣往往不識此等氣象故有軟
語之譏公自黔涪起廢舟泊灩澦鄰橋二客乘月吟嘯
曰今代無詩人魯直軟語定不能寫此奇偉之觀蓋聯
句賦此其一曰千古城西灩澦堆其次曰上陵下浸碧
崔嵬酒數行悲嘶不已而苦澁不續公朗吟云曉濤激
噴萬大雪夜浪急回千里雷二客詰姓字公曰軟語魯
直客媿謝移擢右五篇字字有法度為公非家藏今為
譚浚明所珍寶慶二年清明北湖盟鳳泉展玩於介亭
之陰

欽定四庫全書

北湖集
卷七

跋誠齋為譚氏作一經堂記

名去疾字更
生一字浚明

致力於工成於工師者庸工也必得之於規矩之外致
力於書成於經師者俗儒也必得之於文字之表工則
良工儒則名儒譚氏世儒名門良齋謝公書其一經堂
云為家之甘棠自是名談誠齋楊公則曰不家於藏而
身於藏則幾矣余舊賦張氏萬卷堂詩客云萬卷堂中

浩如海胸次洞然無芥蒂矐矐初日上關干坦腹便便
日中晒敢妄意誠齋同哉蓋其與人同者如此

跋卮菴法語

右三百餘字孰非故紙中千百年死語死語活弄十倍
精明信不與當時將死雀就地彈者相碌碌況今碌碌
者耶時為之語曰妙喜長書佛眼普說卮菴法語天下
三絕

跋後谿敬堂詩卷

欽定四庫全書

北磬集
卷七

十九

後谿不學般若任運與修多羅合其用敬堂韻贈照有
金篦刮膜之語又云少陵令人回向心地初耳北磬遺
老書其後云後谿不可推過

四明至淳上座寫華嚴經施開元寺跋

根本部畧則四種廣則無盡無盡中復無邊乃至不可
說轉回入四種行布圓融各安本位各離本處不同不
殊無壞無雜不動本際平等無碍八十一卷一嗅無遺
百一十城不移寸步逐字寫過未嘗動筆尊者童子至

淳上人是則名為三無差別

書坦禪師塔石

育王塔廟作於晉草律於我宋再傳而禪林始具體而
微公來而大備宏畧兼善不遺秋毫尤究心老病孤弱
豐功懋德與此山俱傳既息幻影瘞於鄮之西麓歲清
明日羞蘋藻作供於戲塔不逾尋老屋打頭風松筌鑪
雲蘿屠蘇泉清石潔流芳不歇退居違古壽藏欺世妄
庸成俗各自為計一朝寢疾凡所以給侍奔走已若不

欽定四庫全書

北磬集
卷七

二十一

相識目未瞑索分罔均攫拏起爭端臭腐與狐兔俱故
吾申之為不自量者戒公之名章傑句在方冊蓋出上
方岳之門而內交於雪竇顯尤警拔可紀者半山老人
詩在焉

書尼刺

比丘釋子通稱也尼別男女也七佛前無尼創於耶輸
陀羅得度於釋迦文法華稱耶輸陀羅比丘尼傳燈載
尼總持本山尼了然妙喜書中有尼無着妙總皆尼之

奇傑者了比丘事比丘所甚難尼尤難也佛祖寢古簣
浮屠為亂階嫵態媚辭以欽師所謂出家乃大丈夫事
非將相之所為使尼均稱比丘昧者靡然從之名稱不
正胡往而非不正祖云男女有別草木無傷孔子曰必
也正名乎正名天下之大分也別男女天下之大倫也
於戲三學寂寥律部尤甚波羅提木叉遂成具文而波
逸提突吉羅未易議然則奈何曰請以梵法治之冀其
自化終不反也然後請命於波羅提木叉而從事於波
逸提突吉羅不然何以制外道梵志尼捷子等之所譏
議云

欽定四庫全書

北齊書
卷七

三十一

跋歐陽率更九成宮醴泉銘

貞觀初歐虞褚薛以王佐才弄翰追配二王謹嚴瘦勁
歐陽絕出流落天壤間者何限獨化度寺記醴泉銘最
為珍玩習之者往往失其韻致但貴端莊如木偶死於
活處鮮不為吏牘之歸質刻誤人人亦罕識真忽見此
本殆未易得反復數日書以歸之

跋涪州圓上人母氏遺書

哀哀母蒼蒼天子失母渡失船有生不歸有蒲可編咨
爾涪州圓二者宜擇焉二者一得一亦捐千古萬古廩
在前不獨見母求母憐祖塔深鎖空山烟塔中四辯蜚
濤瀾與萬象說常熾然

跋趙正字士彝帖

山谷貶宜州全臺攻蘇黃門元祐籍中子弟在官者黜
數百人正字趙士彝報參寥書中語噫前輩論小人以

欽定四庫全書

北齊書
卷七

三十二

國子人必空國無君子非鈎黨不可陵遲至靖康縣官
蒙塵國家再造往往姦血尚澤遺類抑君子之珍小人
其難也如此

跋秀紫芝帖

參寥諸孫尹公嘗從秀紫芝游秀掌吾大慧祖記屢與
橫浦諸名流談往往隨其烟霧中異時張魏公駐師利
閬用其雜耕渭上之策緩諸道餉饋有用之才也谷尹
帖中語皆非參寥覺範所能道偶見之於涪上人喜為

之書

跋常熟長錢竹巖詩集

竹巖嬾翁錢德載問余曰子於詩以前輩誰為準的余曰以自己為準的竹巖笑曰子何言之誕也余曰事與境觸情與物感發之於言惟志之所之不至學孫吳顧方畧何如耳竹巖曰審若子之言陶謝其猶病諸雖然陶謝亦人耳少陵號稱詩史又曰集大成老坡比之太史遷學峴體者目之村夫子或又謂文章至李義山特一厄學郊島則工於一二新巧字謂之字面已見笑於高周庸人小夫余用力陶謝博約少陵十數年所得於風濤塵土中古律相半益為我觀之欲觀子嗜好與我何如時括蒼太守安僖諸孫希明欲刊諸郡齋於是擇其警拔者得三之二合二百五十餘名曰竹巖拾葉嘉定紀元重陽後五日北礪某書於丹丘般若精舍

跋錢彭寥吟僊傳

天地間奇詭莫若吟吟果何事哉蕃藹約豐課有責空

欽定四庫全書

北湖集
卷七

三三

鬼攪情狀挑剔萬象學詩學僊功成蛻蟬紛紛後生競浮靡文淺率欲謝晦黠乘滉漭而友倏忽聞吾彭寥傳載弗望洋向若吾不信也因作而言曰聲成文文成音逸響兮沉沉悠悠兮我心

跋汪龍溪彥章殯齋記

周知丞
宗聖祖

吾取諸老跋周氏殯齋記一語云殯之時義大矣哉惜哉龍溪寓以耕也遂以其子聯翩擢第為殯之效回也好學其志恐不及此此漢儒所謂經明則取青紫如拾

欽定四庫全書

北湖集
卷七

三四

地芥安得殆庶作於九原與之論夫學士辰閏月二十夜漏下數十刻北礪某書於殯齋諸孫季舒景魏甫家

跋孫晉陵帖

晉陵無恙時索詩索字應接不暇不獨展獨笑一限展笑一限帖
中語也六一翁送詩與梅都官和家人云好時好節送詩去擾人是不知太守之樂其樂也

跋蓮社圖

此圖之作始於龍眠李伯時余則喟然而作曰理亂不

關懷利害不入耳迭評遞品為佳士不揀覆亡身隨幾辱不為也非不能也遂使此一十八人放於匡山之陽鑿池種藕授詩諱易為般舟之學身土俱厭冀西向之歸吁茲何時哉

書元次山惡圓惡曲後

阿即墨皆齊邑阿譽日以聞王使人視之其政厯亨阿大夫及其左右所嘗售譽於阿而致譽於王者圓轉曲從既阿以及其身即墨政美而無譽王使人視之乃受

欽定四庫全書

北湖集
卷七

五

賞圓詭隨也曲亦爾詩曰無縱詭隨方正者所惡如惡惡臭元子作惡圓又惡曲曲與圓一耳何兩哉未有能圓轉不能曲從而能小人也惡圓曰寧方為皂不圓為卿寧方為污辱不圓為顯榮吾以望夷之事訂之然後知秦空國無方正之君子有則寧方為鹿不圓為馬寧方為死不圓為賊賊臣雖暴猛豈不折堂堂哉逆之胆而自喪其魄哉姦邪凶惡其圖乎於戲不有君子其能國乎

書劉蛻文塚銘後

天下文明涸為華川姜為春妍時危則鄭衛日淫風雅日瘠蓋聲音文物為禮樂之容禮樂興衰闕時政觀風者不敢忽劉蛻文塚銘歸然於梓之兜率寺距吾廬不數舍觀者莫不慨其所為嘉其志一而氣老遠迤多態言盡而意有餘十五年得二千一百八十紙當時不加采用至今四百餘載遂為人代之羞貞元元和間詞人咳唾珠玉若蛻之英體逸調世果盡知與不也耶其自

欽定四庫全書

北湖集
卷七

五

序曰然自振無力終知者甚稀豈非不獲人助乎穀梁子曰心志既通而名譽不聞友之過也何必聚而封之由此觀之則其中晷魄不平待天下後世有餘憤安知來者遂無類已者出發而明之噫三都未成人已欲覆翫法言未振俟後世子雲不知不愠君子之事也豈未聞君子之道乎或曰魯壁汲冢龜從筮貞不華厥躬或華於人探吾破囊襲古芳塵將用晦而大明閱何病於幽局

書米老書高麗稱孔子佛

余為佛者有為黃老者出此索余著語於是偏閱題跋皆中朝富貴人莫不知尊其師而以佛為諱見於行事則往往相戾吾欲尊吾師吾師弗俟吾尊而尊也曩尼宣之彰教造法堂上梁其畧云人其人廬其廬矧愈之強為辨也爾為爾我為我於患也初何傷焉茲於斯亦作是說

題瀟湘八景

欽定四庫全書

北湖集
卷七

三

少時誦宋音尊者瀟湘八景詩詩雖未必盡八景佳處然可想而知其似也忽展橫幅於飛來濃翠間詠少陵所謂湖南清絕地便覺精爽飛越

題廬山圖

曾見廬山是謂不負眼識其面目弗俟步屨烟霏臨眺寒翠出奇品評取巧圖寫舍是未必不若毛延壽之於歸州女兒偶閱此卷殆庶乎萬一

跋瑱師所作飲中八仙圖

飲中趣詩人歌之詩中畫畫者臨之可以止矣題跋者

方爭妍取奇角其力於八仙酣適之地若非耽其所嗜若路逢麴車則必欲坐詩窮於作歌者之間闌浣花溪西突不黑而後已北礪不敏請避三舍

跋方別駕味道記黃叔向樣舟圖

樣舟有待也記之者能道其意中事從而發其蘊者稱是半淮吹腥豐豕嘯類餘波末流無所不至纜可以解矣運一耳目均諸同舟風怒雲黑水立晝暝不約而同

欽定四庫全書

北湖集
卷七

二

若左右手飛廉海若無用夫勇則於吳起掉舌魏文恃險果虛語哉

跋西嶽降靈圖

降靈筆墨自龍眠此圖之工綴開卷即知為龍眠老手布置人物雜以鬼怪洎妙麗乘跨皆不失幼長貴賤之序進退向背之宜雲中卷舒出沒非全完而全完出人意外至於毫芒瑣屑出奇策勝疑其為老劉或其徒劉朝圭所能蓋嘗見諸白玉樓畫於臨川陸伯敬伯敬象

山之子自言得之於荆門而毫芒瑣屑出奇策勝與此無有二可珍也已紙絹之壽千年半千不足計不幸落浮俗富貴家藏以什襲肆羽魚宅於中與塵壒俱盡豈若遇名流時一鑒賞之為愈譬夫朝聞夕死豈不佳於什襲一千半千載壽於羽魚宅哉

書泉南珍書記行卷

學陶謝不及則失之放學李杜不及則失之巧學晚唐不及則失之俗泉南珍藏叟學晚唐吾未見其失亦未

欽定四庫全書

北湖集
卷七

三

見其止駸駸不已庸不與姚賈方軌薄霽遮西日歸離帶北雲題金山也永嘉詩人劉荆山抵掌而作曰應是我輩語暇日裴回孤山南北宕弔天樂墓田憩叅寥泉論鍊意與鍊句鍊字之別噫適然得之者意何鍊為書曰爾有嘉謀嘉猷則入告爾后于內爾乃順之于外曰斯謀斯猷惟我后之德凡二十九言詩則曰訐謏定命遠猷辰告八言盡厥旨詩之嚴句與字均若渾鋼百煉書以遺珍識是日博約

書鏡潭照藏主水墨草蟲

鏡潭照草蟲水墨出奇便覺蘭陵畫手風斯在下當如伯樂相馬取其神駿遺其牝牡玄黃

題水墨狸奴

鼠不仁執之尤不仁寫生者增其猙獰益重吾之好生

題龍眠控馬圖

錢詵趣錢蹄踣行如雲立如玉誰寫神駿一空冀北矧乃御者非賤工也

欽定四庫全書

北湖集
卷七

三

跋甜畫

寫生最難形容其難更難題跋亦難不問工拙又難順情胡寫又更難胡寫了欲人不笑倍復難於前數難思其所以難而却其請而求免見訝難矣哉

跋臥雲樓詩

晚唐之作武畫美矣李杜韓柳際天濤瀾注於五字七字不滲涓滴鏗鉤畏佳畫掩衆作或曰晚唐日新唐風日不競莫不誦而咏之淳熙初四明張武子續遺響數

十年間相應酬者較奇薦麗眠昔無愧今出新篇逾百
客窓夜檠昏花為之落蒂清警特殊絕其尤者吾不得
而形容退之招楊之果云之果南山來文字得我驚今
得新篇不覺毛髮噤瘁

跋朴翁詩

葛天民

朴翁詩偈一十五詩帶莊騷偈婉玄妙非無玄妙也如
古畫工投膠於丹碧求痕於膠空雲鳥蹟雖離婁子莫
得其朕緇時一斂髻後十四緇時非不佳終不若斂髻
後衡從恣橫弗可加以準繩而不失準繩信手方圓毛
髮無遺恨好事者徒得其蹟於平時其蘭亭真蹟獨吾
與烏有生相眠而笑於其泊然之頃當與知者道

跋陸放翁帖

予束髮就外傳時先生長者言蜀帥范石湖陸放翁賓
主筆墨劼敵片言隻字人皆珍惜壯而游吳越始克識
之因其與吾蜀別峯橋洲諸大老臭味之偶故屢聞聲
歎帖中所謂正法龍華皆別峯在蜀開法處與翁蹠蹠

欽定四庫全書

北湖集
卷七

三

勅宰抵掌嘯詠之地若李長知幾亦蜀之大名勝翁於
數公尤壽考晚年使子孫選陶謝警策語於雪壁狂叩
州九節竹東西而觀之拳拳於蜀雖竹策不相舍貴其
有節而重蜀產若與帖中諸老游焉

跋陶山帖

陶山謂荆公素不好習書不欲蹈人腳蹟不特書爾至
於問學不喜觀左丘明肯踏他人蹟哉得時行道凡所
建明衆所不與此其特立獨行者如此右一帖筆勢掀
舉而穩重雖不習書吾必謂之習矣陶山東萊書其後
吾欲分其一又恐天下奇物不可離其偶屬祇護持以
傳世後見我必出此作供

跋甘露滅記韓徐語

了翁不喜寂音尊者稱甘露滅自是叢林以字稱妙喜
聞後生稱覺範輒斥之曰甘露滅乃真淨嫡嗣奈何以
字稱了翁妙喜豈相反者耶送僧序懋尸素而傲睨高
躅針衲子之膏肓記韓徐語示古宿之緒餘所謂雪後

欽定四庫全書

北湖集
卷七

三

見西湖諸峯則不勝踈爽今於西湖踈爽中書其後望
燼餘雪後諸峯不啻於寂音勤止之思

跋四明何道友寫華嚴

五十三人一縷穿小兒雖小胆如天百城烟水無重數
買得歸來不費錢或曰書經佛子何道友請跋手書華
嚴乃贊南詢童子何哉則謂之曰八十一卷菩薩說十
之七八教主輒出光明以表示之非無說也至於雲興
瓶注問答繁作一生事畢童子一人而已塵中消息屬
之誰與乃知教主放光菩薩問答童子南詢三無差別
佛子書之不加一點北磻饒舌不入衆數

跋荆溪教藏記

然尊者生荆溪鼓吹佛壠之道譬如為山始一簣而九
仞後世登絕頂小天下自四明天竺孤山淨覺後欲覩
其趾或躋其麓亦未嘗乏求如淨覺孤山未之見往往
讀四教儀未徹而行舛字訛未見山家一斑輒交口指
為山外宗噫安得兩公復起與之論山家山外之所同

異

跋證覺長懺觀堂舍田檀越名氏碑

輟遺子孫之田作長懺觀堂菩薩行人加行之資糧培
植祖宗冥福於既往與買書教子掃榻延師同出一轍
非知夫賢而多財則損其志愚而多財則益其過隳祖
宗之業者何以及此其名氏謹刻諸石俾後之飯于斯
粥于斯觀行圓滿于斯者知所自

欽定四庫全書

北磻集
卷七

北磻集卷七

欽定四庫全書

北磻集卷八

宋 釋居簡 撰

四月初八疏

優曇一花五濁離垢景緯孤朗八紘無雲藐衆散王受命之符恢覺皇子聯芳之應駕紫金畢逋之馭夢兆殊常滿白玉蟾蜍之輪相無不足蜚颺風于八葉龍翻水于九淵祥應初分潔表新沐負克長克君之岐嶷豈載

欽定四庫全書

北磻集
卷八

二

生載育之勛勞嗟珍御之枯身弃金輪于脫屣逆旅絳闕故家雪山揚鞭逾城拔劍斬髮苦形四相雲泥堅密之身樂止一生杳鑿妙嚴之福閱六年于彈指集萬善而匪躬方掉鞅于三空遂捐軀于半偈非真精進即大闡提與其徐行後長者于慈氏如來速如實際曷若善價而沽諸于城東老姥忒老婆心巨測巨量是則是倣伏願愍末運迷津者衆以盡為期俾未來補處之尊仰咸而已

臘月初八日疏

六年而成所成者何事一日復出既出而無名以星明處為疑則河清時妄冀玉樓春透金鑲玄通謂有得耶弗授然燈之記以無為也迥超彌勒之先初喻日出則高山先明終知根殊則覆盆速照不齊物之情也行健天何言哉惟利鈍之參差故偏圓之別異利說熾然說無說無聞大空勝義空不空不有話頭瞥轉衆目斯張拈花則微笑隨之乞乳則深識至矣設吾權變適宜之巧順逆漁資徇爾顛倒所欲之私衡從相濟半字滿字別傳正傳莫非塵沙法門具有智慧德相泉蒙始達既三轉于法輪雷迅不驚遂一開于蟄戶深心奉塵刹諸佛如虛空誓在捐軀式資援手伏願祇夜瀾翻珠璧倘可忘筌渾儀光轉璇璣式慙尋劍

二月十五日佛涅槃疏

傳燈無白日開長不夜之光明分暝作黃昏見本不常之代謝與其法固應爾曷若身先徇之故于花笑鶯啼示以鐘殘漏盡輪希再轉曾聞吾轉輪耶道記當成既

欽定四庫全書

北磻集
卷八

三

見子行道矣重摩萬字雙舉輻文審諦觀于垂盡之時
印後至于忘言之頃紫金岌岌一丈六尺烟滅灰飛明
月瞳瞳八斛四斗珠回玉轉登地以前則嬰兒失乳預
流以往則逋客迷家含識以還不言而喻據涅槃岸既
云始從鹿苑終至跋提河于法華經又曰常在鷲峯及
餘諸住處擬之則失證而乃知尚堪薦供效野人之芹
譬夫存羊告宗廟之朔啜臍可媿揆禮為宜本師釋迦
如來伏願慈信相思壽量之弗遐室中宣演卷優填幻
旃檀之惟肖天上來歸等越僧祇長如佛世

欽定四庫全書

北湖集
卷八

天台忌辰疏

古塔開扉半座平分風月靈山在目三周俱付筌蹄摧
我慢自高之幢示吾今親證之地陳隋應運靈獅同文
小根小莖毋望洋向若而嘆大枝大葉皆拔茅連茹而
征衆丘統司命遜其高寒諸子駕安車鞭其駭棘生民
以來未有愈高太山北斗之具瞻此舟過后更無益重
浮木育龜之難值玄珠休景智鑑沉光攪酥酥酪之既

成收卷波瀾而遐舉象武方絕塵于無何有鄭聲將亂
雅于侏離淫允賴正音洗空邪說謬記刻舟之蹟輒營
諱日之齋擷芳于沼沚之毛式資明信展敬于涓埃之
効允荅洪休法空寶覺智者大禪師伏願有伴即來招
手勿忘于金地如月初上分身豈問于潢流再振玄猷
庶昌厥後

遠法師忌辰疏

無處繫心憶江蓮之白羽買鄰有地食羅菊之黃金豹
闔心鏡之九流蟲酌影堂之六事大書特書屢書書之
不盡盡則重書惟止能止衆止止則旁流流而莫止十
七人下風北面八百年白雪陽春易明未畫則直指三
聖之同詩授既刪則曲盡四家之異示共學則懿揚雄
百川學海論不敬則符孟軻莫我敬王山北山南野花
啼鳥佛前佛後慧日慈雲用則行舍則藏波羅提開遮
自若瞻在前忽在後芬陀利孕育芳鮮肯投明月于潢
濤必反斷航于清泰爰憑海木式存谿蘋白蓮社主正

欽定四庫全書

北湖集
卷八

覺辯覺圓悟大法師廬山尊者伏願一刹一塵即五老
舊遊之風月難兄難弟揭兩雄分座之儀刑車不司南
品希直上

承天造水陸堂榜

小峨眉普賢住止界開白銀大精舍慧感護持功蓋繼
籍種德有地設冥無堂豈因而不為亦講明之未至
要見聖凡融會必先輪奐莊嚴袈裟裏草鞋道者非修
造手須彌納芥子使君結綵勝緣庶補缺文以嘉成績

欽定四庫全書

北湖集
卷八

五

惟心淨土荃蹄九類之苔源焦面蓬頭條帽萬間之蔭
榭

泗州生日疏

既是泗州却在揚州出現苟非列聖盡為散聖之歸蟾
規圓印千江羊角清號萬竅香花吳蜀自其小者觀之
雨露塵沙是謂大成者也孰不曰萬靈之本豈止于一
國之師默贊盛明顯揚湛寂橫空三百尺障龜山既倒
之瀾踞地十三成貌驚嶺平分之榻矧茲三輔稱此獨

尊冰雪炎煇稻梁饑饉時大恩于誕慶同詠春沂哀小
善于微茫復祈秋稼

普照水陸閣成設冥一月榜

于一毫端出現莊嚴藏樓閣超三際外豁開險惡道津
梁金山風月平分谷水門庭肇造半空橫亘美輪美奐
之洋洋萬目聳觀如岡如陵之岌岌思兼二利法運四
檀後天先祝于大年淨供敢忘于幾月機雲故宅鼓鐘
禮樂如平時華梵舊章裒褐稻梁于長夜

欽定四庫全書

北湖集
卷八

六

當湖建觀音殿念佛道場榜

白衣幻月輪之相在佛左邊黃金開車軸之花題名萼
上盡是昇經所說又于方冊重書欲分海岸風烟來壯
湖山棟宇化千二百五十之衆施亦如之想十二萬九
千之餘見而後已擬超濁劫合辦西資應以此身現此
身而說法示諸淨土于淨土以求生看飛檐橫不度之
雲對懸鼓狀欲殘之日自憶而念同上九蓮臺從聞而
思共入三摩地

鹽官慧力寺幹期懺堂榜

唐張巡許遠宋張九戎皆鹽官人

過迷真懺處堂亦奚以為中悟假名在我固如是已別
一身之易集嗟四衆之難盟須風雨大廈之併懺作釋
梵隨身之觀闕人天交接事法融通長短期安用他圖
前後佛皆從此出波翻五欲滔滔誰障狂瀾塵淨寸田
蕤蕤自滋芳稼鈞天密邇金地淒涼盡補袂文庶幾具
體忠肝義胆格雙廟之虎臣誠意正心符百年之龍首
慶寧鐘樓榜

欽定四庫全書

北朝集卷八

七

平地一聲欲震驚于天表重簷百尺方經畫于胸中冀
先柱石之求副以棟梁之用未任獨力盡扣四檀陳箕
簋于重楹着教穩審夢檀離于五曉喚起懵騰周匝闌
干吐吞雲月部勒山川氣象足成刹土莊嚴鐘到客船
半夜何妨得句潮生浦口遠明尤快觀瀾壽與樓高慶
隨基壯

廣照建藏殿榜

百萬買隣依桐山之正直十三聳級對瑤駭之稜層橫

陳湖山這邊政在烟雨佳處度經之藏琅函玉笈俱收
旋軸之樞福海壽山齊運諸緣易就此殿難成大力量
大富貴拈起話頭阿練若阿闍黎敢忘恩紀神龍湧出
行看八面玲瓏賀無歸來坐待一門超越

高麗造華嚴觀堂榜

此分三觀靜于幻寂居先根具三期長視下中為次是
謂真懺悔處孰非諸勝善人盡大千刹土之提封着百
億彌盧之日月期須有制觀可無堂敢忘經始之勤終

欽定四庫全書

北朝集卷八

八

冀落成之喜蒼苔梅檀曉露側布黃金桃花流水春風
本開翠玉鏡燈十界車軸九蓮姓名題在花鬢福報收
歸果位

道場建千僧行道閣榜

幽谷徹青霄雲雨沈沈大厦清池照瑤席鶯鶯翼翼層
簷四垂橫檻危闌兩以行空複道象龍蹴踏燕雀棲遲
老玉堂仙愛此山看不足昔金園客謝諸侯弗為高是
真六和合身心盡住千莊嚴樓閣泉甘一勺澹尋君子

之交德懋寸田願廣善人之施

寶梵崇壽建閣榜

院是京師舊制內侍相攸額懋武肅新題宗藩請命欲
建妙莊嚴閣以容上尊勝王啓翼闡複道之烟霏拓尺
土寸金之田地童子欽念睡夢覺蓮花開頭陀擎拳所
作辨梵行立自片瓦根椽之始承千秋萬歲之終穀走
香塵通八荒之壽域檐樞翠霧渺一旦之仁天既託幃
幪敢忘報効

欽定四庫全書

北湖集
卷八

育王請雲退谷湯榜

直前橫床示尊事名勝之禮午後需密忍死檢毗尼之
文起泉石之膏肓同芝蘭之臭味恭惟某品黑石窰中
邊皆甜祖花木瓜根性特異一點都無菜氣百花具有
天香苦為誰甜甜分衆妙小酬沆瀣是中惟一味醍醐
畧講叢林于斯見三代禮樂

起山建慈氏閣下作方丈榜

開山祖師與
宏智同行

一錫勸游相攸得雲山之勝六傳有託榮勲擅蘭若之

雄根椽片瓦皆願力中來繡棟蜚夢如畫圖中出欲借

雲霄之便須開樓閣之門上以容百城徧歷之方下以
闢二士共談之地重重無盡光寒帝網之珠綽綽有餘
量廣玉燈之座作塵刹妙嚴之事答乾坤浩蕩之春旁
通教外之傳仰贊域中之大

圓明結夏光明經會榜

常轉如是經盡在筌蹄之外不省遮箇意徒膠文字之
繁要結千人萬人豈但一卷兩卷桃花三級看喝喝羽

欽定四庫全書

北湖集
卷八

化之魚金鼓一聲笑栩栩夢回之蝶

白蓮花寺翻蓋法堂榜

寺在風篁嶺下華法師誦
經于此蓮生陸地此央亦

能誦

一闌提皆具信根羽禽何與修多羅如標月指龍藏咸
詮高原陸地不生蓮花水鳥樹林皆念佛法境如清泰
後夜此堂空月明挑似玄都前度劉郎在何處壁疎屋
漏雨震風陵持危扶顛因陋就簡菩薩居四依之次姑
待重來死央蜚百尺之簷行看先賀

請印鐵牛住靈隱茶湯榜

王虎何知先動山中消息雲龍早貢首膺天上平章價
雖重于連城產獨珍于雙壁恭惟某寵光五葉一杯分
萬象之甘彈壓羣英數水劣諸方之勝方圓制度清白
華滋笑滿源春夢不到池塘春老圓秋容尤高節操煩
牙騰腹四河衮衮無邊襟袖生涼兩腋颺颺未已

洞庭君子封下邳箕裘不墜洛誦孫父事副墨文采難
藏試從師友淵源欲起烟霞沉痾恭惟某攪雜毒海設

欽定四庫全書

北湖集
卷八

七

醴羹為開甘露門飲河而止直指單傳其來有自俱收
並蓄待用無遺存醍醐一味之醇擷芝朮衆芳之助行
精進定是上藥草起一生成佛于膏肓見善知識如優
曇花慰千載得賢于季孟

靈隱修前後兩殿榜

入雲表剎化成南度莊嚴倒景浮圖彈壓北高巍峭桂
子從廣寒飄下蓮峯自西竺飛來一龕長放光明誰名
彌勒孰是彌勒兩地平分風月有是文殊即非文殊欲

榮勲輪奐之餘恐袖手顛危之際扶持得起同享太山
磐石之安蓋覆將來遂有淩雨震風之託

妙湛月岩中茶湯榜

枝槁不春此外如何采摘樹空無影是中特地婆娑小
園破新錫之珍方諸勺初修之月恭惟某圓頃培壅山
林品題正其味于森嚴舌湏具眼回餘甘于苦澀既已
翻雲要驗同盟更無別味肆辯河之衮衮疏淪道腴藁
正派之滔滔洗空禪病

欽定四庫全書

北湖集
卷八

七

者婆死而百草皆泣世豈無醫良遂徹而諸人不知禪
寧負教不須染指只貴點頭恭惟某會獵玄中笑守株
而自苦獨漁言外如課蜜以分甘可無一施具有衆毒
飲者若諳此味瞑眩膏肓學人未達其源肝胆楚越

淨光江月閣榜
一宿覺
道場

傑閣凌虛頗稱松風題榜小軒總勝未舒江月襟懷不
湏杜老千間要架元龍百尺陰晴態度看江上數峯青
騷雅平章補天邊一鳥下盡除舊翳都著闌干歌夢生

春草之詩快速送飛鴻之目造鳳樓之手段秦豈無人
視井幹之規櫺風斯在下

龍井法堂榜

二士共談必說妙法際元豐元祐昌明之時三人同行
必有我師駕難弟難兄賢良之選蜀仙去後吳僧寂寞
華表歸來塵世淒涼要見一堂冷澹千古分明還他百
世楷模六種成就法空爲座可無高廣之床道直如弦
亦有恢洪之地青眼皆逢北阮未稱全提一辯竟爲南

欽定四庫全書

北湖集
卷八

十三

豐休尋別調

報恩重修鐘樓榜

冀蕨不虛任大扣大鳴之責簷楹幾墜思既安既固之
圖休論阜地無錐須信擎天有柱就中獨步更上一層
半江月在前峯兩幘雲橫絕頂五鳳造樓手梓人榮相
道之勲踈鐘到客船衲子合詩人之轍

梅屏茶湯榜

挽春小摘不孤培塿工夫亭午新烹要驗平章手段歛

破一規玄壁如珍萬選青錢長恐暗投直湏明破恭惟

某饒鹽汲曉露冷銀床杵臼榮勲香浮鐵磨與萬象平
分秋色提折鐺自煮松聲腋涼生可御之風湯老却未
佳之客被渠搜攪五千卷何以當之喚爾懣懣二三子
何濡滯也

鼯鼠飲河弗信醍醐海闊黃蜂分釀放教姜杏杯深尋
他海上同盟燕我山中餘瀝恭惟某是上藥草雨露惟
新眠小根莖雲泥有異紙鼎快昇騰而去折肱湏諳鍊

欽定四庫全書

北湖集
卷八

十四

而知笑諸方五味不療人饒試三昧單傳反攻他毒非
時不食或送客或拒客法固如斯入手便能殺人能
活人吾無別味

西菩寺建五鳳樓榜

佛奚爲哉妄自崇樓傑閣法如是故從它善境冥心人
間旅泊葺一日之居桑下禪棲遵信宿之戒雜花尊貴
宗廟百官之美何以加諸圓覺密嚴天地萬物之情盡
在是矣欲舉此役豈圖偉觀橫陳五朵如鳳凰來儀洞

開六扉看龍象蹴踏蒲牢吼五更之月留取危層玉函
載三藏之文却于平地三千世界徧莊嚴綽綽有餘十
二闌干普光明重重無盡

鄉講榜

大宅只一門出門便了簪珠不兩箇得箇方休居寂乘
尤自索車投夜光徒勞按劍于斯三者但說一乘彈偏
擊小示性具光明顯實開權揭山家要典歌太平于無
象物共熙熙嘉豐樂于有年民生皞皞吹去菱花更雨

欽定四庫全書

卷八

七

新者答乾坤浩蕩之春安住神通轉不退輪結香火團
圓之社

錢塘江上寂照寺幹佛殿藏殿僧堂浴室鐘樓兩

廊榜

黃金田地斬新舍衛祇園紫陌塵埃依舊長安古路層
雲渺虛徐梵放一頭低彈壓春潮欲觀螺髻橫秋光辨
璇題納月更借琅函出海却看機軸旋風高架宏幢直
須百尺衡眠倒卧各要三椽祖師有意傳衣莫書牆壁

居士本來無垢設袁葛微咨爾衆檀成茲六度挿草梵
剎竟揮戈恙日西顧隔岸越山多縱目大江東去

韶光庵修造榜

喚韶光歸舊隱安用草北山之移思白傳詠甘棠尚可
明南國之教花偈曾煩招隱白鷗終不寒盟排闥送青
來知何日了問春從此去更幾時回宜速加鞭未堪勒
駕把茆欲墜隻力奚為萬間倘遂併隊一盃盞歌藜藿
鉅援臺畔起四三橡栗之翁布地園中須百萬揆補之
手

欽定四庫全書

卷八

七

下三九品觀修造榜

持遠與人同學恐不師其蹟劉雷不世出希顏亦聖之
徒無初禪天上劫壞三灾有秦華拳頭花開十丈雲橫
小嶺洞鑠香林慈力同心齊肯室肯堂之可否較奇荐
巧嘉美輪美奐之莊嚴浮圖合尖公案便了擬議則疑
城在目可容錯過了黃面瞿曇承當則淨土唯心終待
重來之黑王相國

仙林火後建舍那佛閣下作戒壇于中殿榜

梵天雲靜式瞻舜日晶明佛閣門開要見法身充滿梵
宇雄雄稱仙遊林苑奎文爛爛旌律部毗尼却灰新掃
之餘天道好還之日橫翔百尺巍然複道之登平步三
層凜若齋壇之拜塵刹無非輪奐京都盡是莊嚴
刀斧不痕衣孟有託曲闌衡檻風雲會處扶持片瓦根
椽仁壽域中成就

普照寺修西方佛閣展殿軒榜

真懿大
師請作

欽定四庫全書

北湖集
卷八

觀無量壽開仁壽以同躋從善導師知宗師之可數矧
機雲之故宅懷持遠之高風燕唐棣之偏反種芬陀之
芳潔霜鐘敲月發萬家深省之初性海澄秋笑二瓢獨
醒之晚璇題露暗歌側飛甍雪砌苔封淒涼老屋古寺
無錐卓地未免求人華亭有柱擎天何妨借力幻層軒
之翼翼觀重閣之渠渠蒼乾坤浩蕩之春聽幢樹從衡
之說

起果教寺展牆展岸造橋砌路榜

岸趾深移侵魚鳥忘情之地墻腰縵繞拓象龍禦侮之
方雲垂野渡陰陰路透長安蕩蕩何妨鑑水苕橋流水
不流弗用占烏省人好烏亦好庶幾前人無不了公案
抑見起果皆可種福田檀度樂然吾事濟矣

井亭橋華嚴院重修榜

向來八十一院等華嚴八十一卷之文只今千百億人
受菩薩千百億身之託故址淪于八九後生習以尋常
晉宋而來典刑不墜一日必葺先資起廢之緣三椽是
圖未遂守成之計風雨飄搖既久塵埃湮沒居多耘它
五福之田作我萬間之庇井冽寒泉食似楊枝偏洒之
初珠從合浦還正舊物重收之後

神林寶雲誦蓮經會榜

結香火團圓之社是謂正修蒼乾坤浩蕩之春可容虛
度六萬言之花偈數百衆之鄉扮入三昧門皆一乘法
靈山未散如天台親見之時矣丘正然笑諸子爭馳之
際

欽定四庫全書

北湖集
卷八

中竺造佛殿榜

以大圓覺為伽藍豈有方隅建立將此深心奉塵刹可
無位次安排不須實際理上提撕且就事相門中商略
坤寧見在佛會分祇樹之金天寧應化身未託祀茹之
地看他伎倆果我兒孫俟黃河三十年優曇未謝多彭
祖二百歲寶掌重來如南極現則主福昌效華封祝則
聖人壽

憲聖太后大行開散道場疏

欽定四庫全書

北朝集
卷八

元

贊列聖之休光虞墳易老動曾孫之終慕周母難忘爰
啓梵筵上嚴仙馭大行憲聖太后伏願藏海三千刹式
資汗漫之遊神山十二樓長燕逍遙之地

二南基王化之源丕承前懿五福叙彝倫之本克享天
全美鍾厥躬哀動率土大行憲聖太皇太后恭願大珠
欺月湛本體之精明飛佩凌空奉在天之睿哲

華亭超果幹田疏

開山打十方水雲易集負郭無二頃鐘鼓難停且看秧

馬追風不致泥牛入海合耦相助斯近古之可書一飽
忘饑繼自今而無媿犯人苗稼非我儕流結千年常住
之緣享五福康寧之報

靈隱翻蓋僧堂疏

未除滲漏可容一日安居既已揭翻豈怕七間閒却倘
有忻懽之託遂無風雨之虞行住坐卧在其中哀君五
福造次顛沛必于是還我三椽

覺海鑄鐘疏

林浦在錢
塘江上

欽定四庫全書

北朝集
卷八

三

收拾六州之鍊盡入洪爐範圍十斛之規方成大器仰
而為鼎鳴則驚人作興禮樂于山林號令人天子夜旦
羣峯蒼響不妨境與心空兩岸皆聞喚得潮隨月上

化閭美人冷淘供疏

明月團團鑒刀細縷素絲縱縱雪浪輕浮典刑見高槐
葉之詩功業擅溫淘君之傳開單萬指培他五福之基
飽爾百饑自我一餐之惠

建三門旦過浴室疏

薄暮投栖已有客舍并州之夢黎明徑去豈無鼇山雪
夜之人不惟妙觸宣明抑見此門廣大弗勞斤斧涅槃
三德圓常重振規橈契經六種成就

化煎笋疏

江漢春曉抽簪滿林簪簪夕曛噴飯滿案歲晚屢形歌
詠春風又長雲仍直節虛心敢辭鼎鑊太虛有口也共
盤飧

靈鷲修造疏

欽定四庫全書
卷八
三
千年算表得人則成住一日鐘鼓失度則壞空擬抗衡
三三之雄翼復還兩晉之僭補苴躋漏首法堂翼兩廊
扶持顛危襟蓮峯帶雙磎便便惟謹爾誓將以就緒為
期憂憂其難哉豈敢言信緣而已

天竺靈山寺九品觀堂成修法華期懺疏

五欲翻濤過懷山襄陵之患諸子出戶免焦頭爛額之
虞欲問津於碧覽涼池先曲窵于炎丘火宅四生路滑蟻
何啻于循環九品觀成燕敢忘于賀慶偕法華三昧之

力辨此身心看靈山一會之人無復技業

智鑑求僧疏

觸事無心弗從它覓明宗有偈不倩人題身欲等于象
龍盟敢寒于鷗鷺橫眸看梵宇荅未了之恩休露頂洒
松風見本來之面目

真如山門檀越二疏

倚門牆則麾之風生荷索出思議之表也春透梅梢剗
脫穎之難藏繫敗屨之當去恭惟某心如古竈內史灰
然足謝黃塵將軍手汚友古人于既往振末緒于將零
洗充棟汗牛之書草滯殼迷封之契市驂騶之骨來千
里之權奇彈師子之筋斷衆弦之嘈雜

學到空宗謝歸墨歸揚之嘆民歌至化尊即心即佛之
聞至於白叟黃童盡在春風和氣恭惟某茶如語苦薺
豈非甘境與人佳蔗何妨倒無補而食前方丈吾不忍
乞墻之羞知權而度外直尋彼安知軼轍之騁尚堪布
地一笑如給孤園已解趨隅再拜執弟子禮

印可堂住廣福山門諸山兩疏

珠豈和合浦之渾去而忘反璧安俟連城而重金亦何
難既虛載月之舟當順回淵之水恭惟某人落落既俗
兢兢履冰雖捐軀為法詎敢辭勞至踐青折萌未始少
忽振故山于將廢必然肯來為此道而扶顛何所不可
眷玄學葵傾之敬慰紫荷持橐之靈尚堪一行敢忘三
請山門

因頻入圓江漢朝宗于海彈偏擊小丘陵不至于山續

欽定四庫全書

北湖集
卷八

三三

半千問世之燈燭百萬買隣之願恭惟某人惟一真實攝
諸律儀統有宗會有元辯說無礙進以禮退以義去留
適宜方欲事玄龜六藏豈謂中青銅萬選車路正令全
提又見重新貧女短檠分照何妨遙夜諸山

代延慶山門蓮社兩疏請奎梅峯

平生所得辦香敵負南豐流俗無根別調俄從下里一
變足矣衆楚咻之欲超絕于諸方草謬悠于雙稟某人
犀眸不瞬象胆妄為匪素定而不移抑貿遷而失據太

原乎上座笑雪峯畢竟鄉情清涼觀國師與荆谿向背
宗旨懸知口授莫若心傳殆將務勿勝而勝焉以俟弗
期然而然者

旋掃却灰百堵皆作別開表刹一塵不生橫陳並水樓臺
合致住山龍象某人戒檢鴟白心源砥平振雪曲于夜
弦換菱花于曉砌春茲淨社咸我同盟授樓煩之詩景
英游于千載之下種濂溪之藕題芳宇于一花之中賜
以惠然諒其勤止

右景迂強梅峯為
嗣子作疏開之

欽定四庫全書

北湖集
卷八

三四

赤城山門檀越兩疏

戶外都無俗駕雲闔赤城壺中別有春風京扁白玉雅
宜振起亦可接遶恭惟某人飽五合陳醉三大部辛勤
十年讀自弦自歌淒涼一把茆且耕且戰幼則學矣長
而行之釋籤流傳盡得江山之助孫賦典麗式增泉石
之光偉茲兩奇伸此三請

祖師傳衣任豈不重侯國勸駕禮為最崇還它的的流
通副此區區推挽恭惟某人不佳學地欲闢性天魚忘

蒼兔忘蹄得何所得劍在床詩在手鳴果誰鳴自伶出
岫之雲何與點頭之石諸賢淵數請為西晉社之將二
瓢浮沉願駕東海若之說

一卷忌疏

四明中微嗟欲斷之縷五世再振回既倒之瀾遂令糟
粕之餘即反醍醐之正洗空名相爰立師宗潛符雖應
于心絃絃授莫逃于已子如愚不肖實類難齊揮斤長
想于當時記劍敢忘于諱日式資後供允荅先期某人
欽定四庫全書

北明集
卷八

五

代錢氏請超果主人山門檀越兩疏

太虛群講經源流袞袞信相徒思壽瓜殊綿綿須善聽
于無情處永延于正命某人中青銅之選青衿影從檀
白雲之場白衣首肯賡載歌于伐木藐六震于飛花尚
口數窮于心無媿客帆風送葉試參水檻之詩王孫夜
簞錢拈却法身邊事

先君子再振超果印實相之方丈室久虛繩床梓筵來
者起此廢契之劇付茲流通之長恭惟某人樂在心傳
如適華胥氏之國攻于性具欲裁清泰土之花自二威
絨授之餘至諸老縱談之後悠悠半榻忍負初機落落
全提消歸自己孫又生子長開六勝地之門谷可為陵
無忘七聖財之益

智詮畫觀音求僧疏

幻白衣相欲圖白足之歸遇青眼人妄冀青銅之中到
此無非選佛旣塵便是酬恩于一毫端普示圓通境界
仰叢霄上霑沾雨露恩光發稿枝春看大士面

刺血書經求僧疏

七軸玄文兩回刺血十年苦志一等關心不假修持是
真精進築芬陀利點發何難求爵多羅拈來便了

買屋疏

代人

木上座歇脚院小無可容之單孔方兄點頭隣高有可
買之屋庇士之心易廣告人之口難開翼瓦侵天既荷

欽定四庫全書

北明集
卷八

五

色涵之量面牆隙地願承展拓之恩

法花寺建鐘樓藏殿疏

尼槐持塔工
雙蓮花開處

法花名字源流于玄學比丘尼塔石莓苔冠冕于清苔
阿練若別傳器重直指才難周雖有婦人焉魯豈無君
子者芳騰蘭菡宏開百堵之宮舌粲芬陀密贊萬年之
慶即今隣刹疇曩附庸待扣蒲牢久稜層一百尺欲栖
海藏分突凡千萬間借擣蒲一擲之零洗膚髮一毛之
靳有餘補不足登門如變化之魚益寡以衆多賀厦待

欽定四庫全書

北湖集
卷八

歸來之燕

盧溪廬行者求僧疏

投剡草機國家舉子挂非臺鏡田野樵夫既為禪衲清
規又屬盧溪故事不如同姓扣諸父之門牆不如待時
趁九天之雨露

趙智才求僧疏

慕西印古竺乾去依空寂自東嘉古洙泗來覓伽黎囊
無丰錢鉢有五綴付諸身外奈此心初成佛還一闌提

人殊恩當報出家乃大丈夫事小知何堪承九天雨露
之餘赴一日風雲之會

雙峯捺田疏

門戶雁宕從雙峯來喉舌龍湫聽萬象說相傳既久閱
名流其幾何所收不多飯遊客者過半漲塗可捺綿力
奚為遂游舍衛城中借援善財童子自無心得還如罔
象求珠便赴春畊莫遣泥牛入海

石佛金地寺塑佛并廊屋疏

欽定四庫全書

北湖集
卷八

定起時月滿回廊空聞梵放香銷處苔生古殿不見瞿
曇直須土木經營然後丹鉛像設寺砌明如鏡何妨路
入塵中山房冷似冰小貯春生天上

大浮山建寺疏

蜃樓幻出岑樓初非實事石鼓夢符金鼓豈是虛聲如
靈山未散時發造物無盡藏驅龍蛇斬蓬蘽行且破荒
履曉屐披蒙茸何妨尋勝點頭便了挿草當成殿閣參
差同回開大圓鏡風烟彈壓巍巍著小浮圖福我邦家

及爾黎庶

四祖建傳衣閣于中宮疏

濁港相逢得周氏處女之子深岩示寂載龍眠居士之
銘佩中印最上乘為震旦第四祖陰翊王度集萬善于
淮西直指人心揭單傳于天下子生孫又生子南陽盟官
唐為帝者師今視昔後視今佛海拙菴宋致天子問拈
起話頭雖云記劍欲開重閣名曰傳衣兩朵輦飛一門
超出野僧如慙皮袋持盃入鄆母儀在率陀宮肯首領

欽定四庫全書

北齊集
卷八

三十九

話纖塵不立萬壽無疆

小江寺懺堂疏

寺近烏廟

小江輔竝惟天福古金園列刹相望似永和脩竹寺墜
緒嗟懺堂之廢扶顛非一木之支欲乾五濁濤瀾更息
三禪風火盡在是矣豈有他哉幻世塵勞者華嚴知佛
貴行宮香火觀河洛思禹功誰膏此音我作是說

師子吼寺修造疏

葛丞相
宋邊

此寺最古曾聞師子嘯呻它刹弗如佇省象龍蹴踏昔

受靈山付囑今蒙大造鈞陶可無頌禱輪奐以承終抑
亦扶持顛危而振始叢林改觀式昌衮繡之鄉人物增
華願借舛幪之託

菩提寺砌撒骨池疏

漾漾涵空安用黃金作底方方裁碧却湏白玉為堤平
分一曲湖光閣着九蓮池水看我湘南塔樣指出分明
比他城外饅頭相去多少

城北寶嚴建佛殿疏

欽定四庫全書

北齊集
卷八

三十九

佛可師也邁先覺之天氏人皆仰之魏後成之靈運嚴
事或虧輪奐淒涼恐吊摧頽喚回諸上善人共入普光
明殿豐達大有歲歲宜秋旅進同人家家無事當此閒
暇之際舉茲遺缺之文哀一錢至億千萬錢若初地至
四十一地郊闕之外徹鐘梵于叢霄帷幄之中混車書
于四海

步帥司
在側

韓菴顯侍者刺血書法華楞嚴華嚴諸經幹綠盧

舍那佛并龕座疏

選盡衆生幻舍那千花之相憑乾十指書華嚴諸部之
文非外馳求是真精進函盛百軸血滴滴苦口丁寧光
透一龕月腫腫明毫宛轉

慧光菴慧明求僧疏

五十求僧魯叟絕韋之始八旬行脚渭濱入夢之初事
豈嫌遲時安可失心空一舉便如登第之人身貴兩全
即是承恩之地

馬要寺建浴院疏

欽定四庫全書

北明集
卷八

澡身浴惠始聽滄浪之歌就室更衣要湏盤礴之地土
未之事必作苔雪之清可軒取材于山務選掄于梁棟
畫宮于堵畫工巧于準繩豈惟沾沐恩波亦乃栖遲仁
宅舞雩聲裡詠歸三月和風無垢人前着得一勺惡水

勸請明因全維那住傳法疏

黃岩
尼寺

淵靜無滓珠明直透沙渾爐深欲冰豆爆弗知灰冷借
諸天一臂之力雨四種錯花之香法固如斯衣傳罔既
某人一駒應識萬馬皆瘡衆目斯張六宗俱墮要打劉

鐵磨孰知流水之音只見漚麻池甘屈黃金之膝離倫
絕類轉位回機明月落誰家待尋盟于北道涼風起天
未如致爽于西山

圓老骨歸潑山塔疏

到處死到處埋聊復爾耳或在彼或在此亦豈徒然化
緣易盡于劍津熱處難忘于湖上欲問三姑儼地作小
浮圖却教諸子施工于大檀施

夏港龍祠疏

欽定四庫全書

北明集
卷八

菩薩龍依佛而住獨砥橫波清河公御風而行一帆到
岸遂輟襄陽之俸來興梵釋之居尚餘龍祠未愜公意
揭虔弗稱坐視何堪敢辭載馳驅行頌美輪奐美真濤
瀾帖帖錫多惠于舟航土木區區集成功于檀度

修慈受開山塔疏

詔頒三命開壯觀之叢林莽僅百年嘆摧頽之塔戶感
行嗟于道路忍坐視而盤食只有求人別無出着起雲
門一夔足矣孰不知歸擬寒山千偈琅然法當嚴事自

伶赤手誰豁青眸欲光奮于前修冀復還于舊貫

老壽庵湯妙應求僧疏

庵標老壽借慧日之大名姓嗣湯休誦碧雲之新句以
二師為準的仰百世愈芬芳要先雨露旁沾然後衣盂
密付一燈續晝發明本地風光五福開田回施當家檀
度

長興元保光砌路疏

道非牆外何須泣歧車出門前便應合轍此外別無款

欽定四庫全書

北明集
卷八

三三三

反是它自作藉難方將行險之時已昧扶顛之步磨稜
合縫經營確實工夫以石代甃成就平生履踐

南高峰修塔疏

江分東浙仰西浙之光華塔在南高俯北高之培塿尺
五去叢霄之上百尋居壽域之中若非梵釋莊嚴何以
人天交接自晉東土逮宋行都奉古德涅槃後身作長
安几案間物人人瞻仰增修未有梯媒面面飄零坐視
可無慚愧倘記靈山密付遂依葦刹中興集事弗難合

安便了待肅宗皇帝請師塔樣留與人看如善財童子
發足機緣即成佛去

祈晴疏

八家力田田則既粒六府重穀穀惟其艱漘欲淨而雨
霽秋已高而天怒倘賜宥過敢忘祈哀伏願轉凶為豐
退狂瀾于三舍飲陰而霽升晴日于叢霄式資洪休允
賴終惠

梵天建藏殿并藏疏

欽定四庫全書

北明集
卷八

三四

半宇滿宇筌蹄三部之文美與美輪頌禱萬年之壽殿
有旂幟之德藏開容攝之功樞運轉而莫窮經流通而
無盡大福田于斯為盛無盡燈舍此何之根大部宗本
自龍宮喚得修多羅教爰從任灌知歸悟海眼于靈岩
一期破讀證法華于南嶽三昧見前橫迷津洲豎濁世
眼誰非施者自辨肯心梵天華觀何許飛來竺土貫花
是中拈出

如意院幹塗田疏

泥牛入海瘠田有力誰耕秧馬絡頭熟稼無風自下欲
嗣鼓鐘之響盡充庖廩之虛孰非可白之人自笑不黔
之突文深蘭若舊無市產之章水淺蓬萊新有捺塗之
利藉資糧而加行成定慧以謀身退海若三舍之餘借
善財一臂之力厥土燥剛之日八福開田黃雲襪極之
秋十方同會

虎丘重修池上施食亭疏

冷浸雲根寒碧剗
泐龍光煖浮樹杪晴融亭垂虹影巖

欽定四庫全書

北湖集
卷八

三

嗽橫開有地輓轡自轉無聲老屋凌虛脩梁架險損七
財之餘力我欲扶顛開八福之良田君其種德

德清集雲建西方殿疏

大後精廬喜瑞雲之再集光中化佛思古殿之重新缺
文欲奮前修成事須乘樂歲觀無量壽度有緣人非惟
徑路之求攝心以境是謂不言之化與物為春一博一
覽皆願力中來美奐美輪豈福田外覓溪浮紅藕酣酣
九品之花路入青雲步步四檀之報

天台螺溪再造疏

十五州之地小錢寺惟崇三千歲而河清螺溪再振拏
頽綱于台嶺會新學于狼烟懸孫枝于天竺四明狂瀾
既倒傾祖室于震風凌雨一木難支賴惻隱之片言試
權與于百廢美輪美奐皆從願力中來同德同心何必
宗徒外覓

楞嚴院念佛會疏

佛名無量壽初度將臨人生有限身末稍何託必欲脫

欽定四庫全書

北湖集
卷八

三

疑五濁當先題名九花武東林入社之芳塵為西土問
津之捷徑平日間休云易得便合歸來千年調却是難
為莫教蹉過

楞嚴幹長堂疏

擬辦長堂輒陳短疏上郡無別語堂中儘有同衣須
是寒灰槁木道者無心管取華屋未門諸天打供清磬
是非外數聲又送斜陽生涯鉢盂中一飯不憂明日

蘭溪密山寺建佛殿浴室翻蓋廊宇疏

寺虧殿宇網未提綱殿欠佛天矜猶缺領欲頌它時輪
真試看今日權輿無心便脫根塵拊令反顧有酒先洗
柱石囑使毋傾紫金山一一橫陳白銀闕巍巍化出雙
鷗棟脊乘時直亘層雲千幅輪文指日重光偉迹

憲聖香火寺修造于中殿疏

憲聖在天之靈福康後聖天台傳心之教光贊上天顧
香火之蕭條避簷楹之歇側玄穹后土隨覆載以為春
凌雨震風惟悵悵之可託

欽定四庫全書

北朝集
卷八

新涇淨土寺修造疏

新涇淨土開天台教觀之坊舊日矣丘幻水鳥樹林之
地既擅此方之勝又居列刹之先闕見室家牆虧數仞
入見宗廟戶欠重闕屋老欲支湖堙將浚然後樂所求
之道身貧道不貧却來瞻爰止之烏人好烏亦好

白蓮寺建千佛羅漢閣疏

白牛

大比丘僧一片瓦皆成佛事芬陀利寺千花臺雅稱樓
居未見勝光明幢已住大莊嚴藏周遭闌楯透徹根源

倘知是中無地高卧元龍須信向上有詩不題黃鶴方
廣馴玄虎莫非阿羅漢神通華亭近白牛盡是王老師
檀越

南高峰建五通殿疏

篤寶輝光之德聰明正直之神欲大顯于南高暫小休
于北塔可無環堵雖百堵未足為多只有五通那一通
何曾欠少

華亭南禪展三門藏殿鐘閣疏

欽定四庫全書

北朝集
卷八

展拓三門寬着廣庭明月接連兩廡平吞大廈清風東
開貝葉之輪西架蒲牢之閣舉行衆役式賴四檀福皆
可種之田心等無偏之施鶴鄉蕃衍佇觀華表之歸雁
塔標題追復慈恩之盛

請寶幢維那疏

雜花繁于圓覺義在約觀圭峯默契清凉印叨真似試
筌蹄于諸部歸橐籥于斯文恭惟某人千偈濤瀾未酬
初志十年燈火擬榮新功八十卷一嗅無遺未盡善也

百十城徧參便了反太速乎屬茲緣遇風雲政爾果薌
霜露圓融行布發明言外之文講貫流通仰贊域中之
大

開元改三門為殿并塑佛疏

佛者覺也蓋開先覺之權天何言哉當示不言之化幻
跏趺千幅相如光明七金山即自舊之門可無餘地揭
維新之榜別有奇觀風動銀鐺聲沈萬籟春生枯朽歡
沸層城分輝月滿千江據令草深一丈浮圖挿筆清茗
寫盡陰晴梵教薄雲大施增成富貴

建康天寧脩佛殿疏

佛者覺也出乎其類神而明之存乎其人殿宇有嚴人
境無別古殿欲壓此心故安須大力量大富貴來振顛
危則小招提小比丘均蒙休庇霧沈丰壘盡觀用晦之
時潮打空城試聽翻瀾之辯

四安梵慧院普賢閣疏

開白銀界莫非功德莊嚴截紅塵區盡是旃檀樓閣吾

薩分身之地信心種福之田須輪囷捐日之材飛突兀
切雲之觀欲識普賢住處何必它求試看童子來時端
從此入

廣教水旱後化齋糧并修造疏

相國師斷際備無求斷際之徒祖師推六宗來不拒六
宗之黨石混俱焚之王沙藏未汰之金惟反已而怨人
聊抗塵而走俗損餘補不足蓋惻隱之常心持危扶其
顛在東吳之懿德領言前意須箇中人歌有道之朝廷
九年水七年旱笑不靈之佛法二生受三生究試聽八
十歲老僧之言來下百千劫信根之種

淨慈請明晦翁山門諸山兩疏

鼎湖龍去追嚴敢怠于黃昏印土花開分布已周于華
夏須空王入室之子奉先帝在天之靈恭惟新命某人轉
位回機別行一路息陰休影不羨羣飛弗打諸方葛藤
是謂邁往自有一種風度孰非蛻塵九河翻四辯之瀾
一髮引千鈞之寄盡觀反擲毋藏奮迅之威所向無前

更試崢嶸之步

禪教並作魚鳶自樂天淵劍佩相譏肝胆徒分楚越小

低高韻以慰同盟恭惟某人志在聯燈明集聯燈三十卷氣吞

列祖語無遺恨知我罪我惟春秋道不虛行以指喻指

齊天地鈴鏈妙密鐘鼓鏗鉤老圃澹秋容更持晚節鄰

嬾分餘照矧望強宗試眼親手辨之機免唇亡齒寒之

歎

臨平佛日請度老疏

欽定四庫全書

北湖集

卷八

啟門著書曾千萬乘提藍撼盡已落諸方翻身巨闢重

闢拭目橫飛一鷄恭惟某人了行脚債是到家人披龍

藏而徧探過屠門而大嚼水遠臨平有路舟橫野渡無

人紅藕香中數聲柔櫓蒼茫外碧雲句裡一箇閒人天

地間九馬羣空法輪三轉

矮道智辯砌路疏

道者少機關得路塞路矮人多計較要平不平辨心自

我笑談間得力在他行履處磨稜合縫踏着便解通方

就下平高踉過休言不道

行者求僧疏

教必尊僧乃佛祖所自出人能弘道非將相所獨為將

探道之根源豈竊僧之形服望禮部牒如蟾枝入手之

榮揮長者金過驪領得珠之喜

開散楞嚴會疏

具足圓覺住持圓覺金屑猶存示等虛空證得虛空蠟

人何與那如在定佛頂旁宣衆口同音諸天聳聽伏願

欽定四庫全書

北湖集

卷八

六殊勝地展升平磅礴之基一闡提人同盛大光明之

選

三月安居圓覺伽藍具足一音宣演普門風月平分當

盡反于聞聞豈獨忘于見見伏願光明佛頂燭蔽天寂

勝之幢久遠僧祇歷磐石無疆之祚

海上白峯山慈濟寺三身中粧普賢疏

高宗曾到

合水和泥三大士曾同出現縷金間碧獨普賢不受塗

糊深藏比段光明曲為今時開發寒潮震海激二千酬

瓶瀉之機滿月無塵壯億萬歲龍游之地

歲少瞻佳其兄杜仲喬菴疏

伯氏吹埙仲氏吹篴靜聞逸響楊氏為我墨氏兼受橫
制頽瀾把節寄罔極之思一枝託勸飛之翼恭惟某人
曾分半座略露一斑將軍狀虎而不侯聲名益振諸子
索車而出戶童穉何知遲遲去父母之邦落落掃箕裘
之業平生嫌佛不做袖手藏鋒行止非人所能隨機應
變

欽定四庫全書

北湖集
卷八

四三

五峯請愿毒果疏

鳳兮德之衰嗟光明幢之將仆虎哉角而翼知霹靂手
之難藏無心借重于王公據令折衝于佛祖恭惟某人
金雞識粟鐵舌翻瀾尋臭味于芝蘭略玄黃于騏驥深
涵厚養半生有口慵閑捷出橫飛一笑與時俱奮拔乎
其萃鳴則驚人試尋海上英靈來看關西雋傑

一老住紫箬院疏

高卧白雲花雨從渠狼藉不題黃葉姓名何自知聞雞

蟠縱壑之鱗孰掩騰芳之蔚恭惟某人三池養駿如渥
注千里駒四辯翻瀾是曹源一滴水方其學也譬如農
夫足穠是菴語其證也圓同太虛無欠無餘白石十載
鴻祐三年親曾小試冀北一空青銅萬選矧看金提密
贊弦歌斬新鐘鼓

川行者求僧疏

不耕不耨所難出耕桑之右忘寢忘食所急在寢食之
先誓委質于六和敢負恩于四重是真法器可無位次

欽定四庫全書

北湖集
卷八

四四

安排雖百伽黎亦有龍天辯集

請慧愚極住華亭北禪疏

奪得驪珠光照夜不枉登靈鷲一峯自有鷲膠續斷絃
試聽取華亭一曲當仁不讓快便罕逢恭惟新命某人
杖外別傳機先三應經歸藏禪歸海向來已屬平章翼
有鳳足有麟到此豈容隱晦太守從公決擇大衆咸願
諦觀由西溪而來三級浪高魚尾俊向北禪而去九霄
雲靜鶴程遙設最險關談無義語要于火冷灰寒處喚

醒馬耆更待風定月明時
招回船子



欽定四庫全書

北磬集
卷八

四十五

北磬集卷八

欽定四庫全書

北磧集卷九

宋 釋居簡 撰

育王席煖簾疏

零亂收來全身入草見成拈出八面當風休論做處工夫領取卷時消息玉樓起粟春歸雲會堂中金鑠開關誰在夜明簾外

宣石橋開雪豆語疏

欽定四庫全書

北磧集卷九

二

龍藏不能容攝是謂重玄乳峯曾未流通斯為缺典禪士本儒林之秀副墨乃洛誦之孫文采難藏印板打就

佛迹山幹田疏

掉草建精廬徒襲瞿曇氏之迹開田說大義抑觀先百丈之心丘園隨分經營道德敢忘耕獵異苗翻茂因中果惟我能知別甑炊香飢裡沙知誰咬着

修兄淮南持盃疏

諸方曲木床邊葛藤弗少箇裏死柴頭上火種無多且

續光明不須狼藉等心分衛何妨直入長淮卒歲忘憂佇看香炊別甌

臨海尼如奉求僧疏

覺無家族人

毗耶室內橫機在家菩薩婆竭宮中奮辯學佛威儀是真出家決定成佛四十年此心如鏡猶在半途剎那間一簣成功不妨全節

化席簾疏

本自玲瓏却作無邊障礙放教周匝打開自己光明雖然枯木霜花自是春風和氣機機相付還它日用工夫面面皆同要見歲寒門戶

宇文樞密精嚴請涓公疏

肅愍公跨虹霓去衣鉢親傳稜道者從象骨來典刑不墜義膽忠肝輝天鑑地深禪密行續燭聯芳委寄得人承當無媿恭惟某人淮山夢斷又移茅舍入深居笠澤春歸只有湖水無行路松瘦鶴立雲疎月寒霹靂手藏袖間軒昂氣蟠胸次丹衷貫日結皇天后土之知表刹

欽定四庫全書

北磧集卷九

三

摩霄付孝子順孫之託

錢牛住霽隱疏三首

石橋住淨
慈同法嗣

道北道南自是同工異曲難兄難弟孰非跨電衝樓四

蜀兩翁一門雙駿恭惟某人建瓴不竭側管徒闕如雲

無心等一身於土木尊法有體重九鼎于山林長蘆起

却灰之前小朶在屋簷之下袖中有東海豈錦衣不榮

故鄉屋裡販揚州携紙被便歸方丈

時在本寺西
堂右山門

見謝公不住大瀉神交方外識荊州不願萬戶道契環

欽定四庫全書

北彌集
卷九

三

中判將車子橫推不碍機頭番着恭惟某人忘懷于衆

無媿於心要潑除臨濟一宗風清下載未拈著正因二

字草没前除如當來彌勒下生時有不待周文而興者

豈無它人不如同姓久俟來歸若論此事眨上眉毛早

已蹉過

石州
府

弗會佛法得黃梅衣益求之與抑與之與指陰涼樹為

黃藥兒孫不為也非不能也要明宗于度外須領話于

機先恭惟某人不重已靈匪從人得一千五百善知識

邪法難扶四七二三諸祖師死灰欲燭近龍床角踞驚

峯頭八千歲以為春嵩呼祝帝九萬風斯在下鵬化為

鵬

真相火後建法堂疏

禮凡
文業

甲乙傳家砌草深逾一丈丙丁失職却燒幾至三禪豈

遂無雨花新好之吹尚堪聽瓦礫從衡之說白雲為蓋

可無位次安排頑石點頭自有虛空證據控此情于大

施依舊經營揮老淚于遺墟斬新建立

欽定四庫全書

北彌集
卷九

四

化策疏

栽培不得到海方知撈攬將來望洋而嘆萬錢無下筋

處八珍有絕交書入五緞孟同一鹽味春浮波面夜潮

載月明歸驗在舌頭午益隨香積去

百官渡惟一建藏殿疏

毘盧藏海面面莊嚴大士家風人人具足枕回廊之寂

寂開厦屋之渠渠展茲壯圖補此闕典舜井作推輪之

響

舜井在寺首井中
聲如雷半年餘

已有先徵走郎詠伐木之詩式觀

後効

講合疏僧疏

藏海莊嚴染指莫非圓頓法源浩渺濫觴終至滄溟以
心為宗回頭是岸恭惟某因標見月得兔忘蹄三大部
談笑無遺何濡滯也百十城剎那便了反太速乎眷此
賴綱煩公老手文字語言之外盡力提持難疑答問之間
全機獨脫

義烏縣東江接待疏

東道姑賣
田創建

欽定四庫全書

北湖集
卷九

無休歇地寧免奔馳賣藥石田以創接待從它下榻噉
眠解腰共飯然後擔簦取友負笈尋師大厦終成便是
營巢之燕一餐必報何殊反哺之烏

離相請光老疏

舍弟子
入道

錯自南來悔鑄六州之鉄又隨流去洗空萬馬之羣不
甘涇渭同流何苦草木俱腐某機迅飛電身如槁株笑
領言前選佛得甲科何可當也陸沈衆底有朋來遠方
不亦樂乎一念萬年全身半偈力追逸駕又移茆舍深

居自撥寒灰暫向人間借路

蒙養正建僧堂疏

梓人畫堵巍然相道之尊圻者操鋌徒爾揚朱之善願
施空大以振摧頽湏知百念灰時不守三條棧下盤根
錯節咸歸剪伐之餘凌雨震風盡在幃幙之內

臺州請宣老住瑞巖疏

惺惺人去萬牛回首難追莫機橫千偈翻瀾未已儀
刑龍象眼目人天恭惟某二仲名高百念灰冷抔紫泥
而去方快橫翔眷赤城而歸尤知靜勝為法來當酬居
士買山住應笑丈夫看明月憶義眉毋復詠謫仙之句
下喬木入幽谷不妨歌伐木之詩

黃巖慶善修塔頂疏

再經回祿萬牛難挽如山獨御蜚塵五鹿易摧其角三
百尺規樞之壯八百年輪奐之虧遠目未瞻寸心先折
八脈著地是中發多寶光明一舉冲天向上寫四檀名
氏

欽定四庫全書

北湖集
卷九

六

錢昭文直香火道人求僧疏

現童女身聽宰官身說法居環堵室來方丈室飛花欲
為白足之歸未就青銅之選雲霄有路穩騎鶴上揚州
雨露無私亟看魚翻禹浪

諸暨牌頭建藏幹田接待疏

八面玲瓏不動中間樹子三乘半滿撥開向上機關發
明自己霽光來吃家田米鉢立錫無地運斤成風儘教
聖凡雲水倒卧橫眠坐看龍天鬼神左出右沒

欽定四庫全書

北磬集
卷九

謝孔目舍緣作道士疏

刀不利筆不銛弗與蕭曹異道突不黔席不煖未應孔
墨殊途欲託黃冠以干青眼蛻九衢之塵土已覺灰心
與一粒之刀圭重看換骨

慧峰建僧堂疏

坐對聖僧折足牀無安著處卧看水牯走頭石有轉移
時莫言一宿桑間不似三條椽下選佛青銅萬个驗在
堂中賞音青眼雙明春生筆下

湧金門外砌路疏

樓吞山阜賦疎影於橫斜路逸牆陰詠甘棠于蔽芾積
雨秋淫潰潑康莊日困輪蹄平高就下可以扶顛厯塊
過都咸資履坦等心持地布髮掩泥此段難能誰人笑
領前者呼後者應時行時止於王蠻朝而往暮而歸無
黨無偏於周道

下竺智仁求僧疏

拙直較遲禮部牒不期而至踈跼務速福田衣得亦奚
為與其僥倖圖成爭似難難耐久我作是說殊非詭嚇
閭閻汝勿他求直下相逢特達

炭頭疏

燒梢拙柴單丁何媿無賓主話萬象同參欲知槁木春
回試待寒灰豆爆出爐黃獨旋收冷涕垂頤炙手朱門
一任諸人進步

請梅屏疏

姓名住持問此心有媿無媿口耳授受揣自己曾明未

欽定四庫全書

北磬集
卷九

明直饒六反軒騰更俟四花紛委阿師領話老子忘言
恭惟某人水可投針囊非藏穎不立文字孔方兄有絕
交書深入山林張乖厓要捩鼻木是真精進豈錯承當
水國秋高難駐橫空虎錫海山雲靜來登踞地貌床少
慰同盟全提正令

蕪州東禪幹鐘樓疏

禮獨山出世
時求此二疏

高著簷楹為我橫陳翼簷重開闢從它平接風烟試
從複道危層直眺岑樓高處客愁千緒斷魂白叟洪撞

欽定四庫全書

北編卷九

何許一聲開眼黃梁未熟

蕪州東禪幹僧堂疏

東禪乃盧祖傳衣之
地墜腰石尚在此

觀水觀山一鉢之恩易報聽風聽雨三椽之地難圖終
看凡馬空羣始對聖僧無媿丁寧北秀自今莫惹塵埃
問訊木平誰道不勞斤斧

西菩造五鳳樓挂鐘於西偏建藏于其下疏

辨才
朱家

受業
寺

自昔山川已屬兩公彈壓只今樓觀要看五鳳翔翔幻

成京樣規撫收復潛川氣象嵐昏翠掃烟斂霏閣下容
龍藏橫陳上有華鯨待扣俗子標于門外倚則麾之何
人合住其中與之進也

城東楊相橋再造并修五里塘仁和縣尉為首求

疏

橋名楊相扣子產濟人之心事屬梅仙試相如題柱之
手春至甘棠夾道秋來潢潦無根咫尺長安淹回半路
欲展扶顛之力平步青雲要知架險之功橫陳砥柱

欽定四庫全書

北編卷九

南翔遠老幹麥豆莊疏

南山苴稀又見歸田之作崆峒麥熟難忘憂國之心勿
從有麵處提撕須向未芽時薦取一罇不受二者何先
斷大千維摩詰神通還它願力盡大地王老師檀越歸
我福田自在發生徒勞助長

淨土移寺造觀堂疏

避溺于一溪雲外遷後盤庚求友于九品蓮中夢超清
恭願劫波之可畏金樂國以馬蹄作而象之誓將去矣

惟心攝境就絕墨之權輿聞性見前聽樹林之宣演

智盧求僧見李知省疏

人惟求舊水必朝宗豈遂忘選僧未了之羞亦自負嫌
佛不為之勇龍門無宿客懸知速化何難驪頭有玄珠
勿謂弗求而得

開夏講疏

師者人之模範厥任非輕學者世之津梁所繫至重德
先務學吾豈無師某人蠢簡潛心十年燈火白蘋滿櫂

欽定四庫全書

北磻集
卷九

十一

幾度風烟直須六萬餘言隻字三嚙然後五千餘卷味
途同歸會看名相俱忘始信虛空解講南薰入奏無絃
不是無聲上士見幾為法元非為座

普光教院山門檀越兩疏

杜氏
香大

芳池生葑笑陶靖節顰眉別甌炊香聽夫離疏攘臂佛
法元非奇貨金湯可是虛文與君大方同歸為我一絮
而已恭惟某人擅跨竈衝樓之烏掃同經異傳之譏欲
解背時之嘲一窮自判弗瘳稽古之癖此樂渠央黼黻

新功筌蹄舊學如虎不用則鼠凡馬皆空入戶闥其無
人先師猶在

射虎秋深飲羽方知是石囊螢夜老披沙盡汰非金破
讀從它全提自我恭惟某人鷺鳥之鶚大章者夢裏事
先師一仲父二仲父今皆北面猶昔人非昔人直饒良
遂總知正是玄沙未徹城南諸杜被尺五昭回之光天
下三支奮九萬控搏之舉

代人持盃買屋疏

欽定四庫全書

北磻集
卷九

十二

地上錢流方掩鼻過崔烈句中眼活盍沽酒飲陶潛敢
辭辛勤三十年有此廬安得突兀千萬間見此屋寸金
寸土西子西湖各開竝水樓臺誰念滿城風雨一枝足
矣歌歸來出無車數竹蕭然賦可使食無肉

梨洲化主疏

諸方羅籠得住肯上梨洲一盤苜蓿無餘更分香積倘
可儀刑七佛何妨教化衆生與其令逐客于陪堂錢則
吾豈敢昌若登壇斷而罔市利于汝安乎我固丹心誰

開青眼

日者陳氏命子作道士疏

入王屋山無錢粥牒隱成都市信口談天顧豐財有道
拙不如人雖異傳同經猶懷紙牘相逢求售直欲圖成
老子五千言普忘筌於紙上令威一千歲期化鶴於遼
東識破話頭何妨注脚

諸山為李臨海昌宗保安眼疾於千眼大悲殿疏

禱爾神祇感通久矣為民父母休戚以之惟杲日之行
欽定四庫全書

北湖集
卷九

空掃昏花之無蒂借千眼司明之助罄乃先心策三年
治劇之勞俾其終患伏願金篴刮膜增罔罔於雙瞳蓮
掌舒光副拳拳之興頌

黃藥湛愛堂造房舍疏

大雄

黃藥歸來滿船載月青山不改半榻眠雲玉川破屋難
支金地高風欲喪桑榆遲暮風雨飄搖古人之戒三宿
無留君子之居一日必葺真箇蕭條四壁未免求人假
饒突兀萬間莫非報德

大雄寺白龍殿幹直廊疏

去年早魃膠斷港之舟航傍寺蜿蜒需隨車之雨澤洵
轍見重甍之喜槁苗起九死之餘吏答恩私遺像有嚴
于輪奐神非尸素安靈無媿于陰晴欠回廊三十間盤
飛磴一千尺密雲不雨既孚京尹之求三日為霖敢復
傅岩之助

杜寺普光幹柴蕩疏

足食足兵京兆曾稱武庫無柴無水家風渾似疎山鼓
鐘自可忘憂然采猶當珍慮欲茲葺葺草直從白鳥明邊

北湖集
卷九

不礙釣船橫截碧蘆深處宜獨烹飪以奉祭祀亦可樊
圃以代垣墻何患日生便為歲計

造鐘樓疏

大雄
請作

振此洪撞百尺橫陳壯覺舉斯重寄數尋直上青冥不
曰才難孰云器小閤浮以聲為佛事必有因緣斧斤以
時入山林可無梁棟財當配法福自開基

普照寺修西方閣展殿軒疏

寶閣橫陳樂哉如佛淨土却灰屢掃歸然如魯靈光支大厦之將頽須真才之起廢爰諏匠石以扣檀門自四十八萬至四十八錢滿法藏比丘之本願由千百億化接千百億衆式雁門伯仲之芳塵要見異時花內標題便是今日疏中名氏

超果無礙浴院幹前軒疏

無碍浴院前榮未舉脩梁巨量福基後効須還大施要爾同起濁土為渠辦取涼池尺土寸金千金易得一湯

欽定四庫全書

北明集
卷九

十五

二水滴水難消雖無位次安排只貴寒溫得所成佛子住行者妙觸宣明舞雩詠歸不在春風洙泗

華亭證覺觀堂教院檀越山門兩疏

末流所至濁涇清渭何當分齊人所知管仲晏子而已矣渠方合耦而助吾欲同途殊歸有可平章毋忘推挽恭惟某淨覺梅花樹下十載掩關永和修竹寺邊一枝容膝自打諸天交道儘教諸子揶揄似不能言扣之則應九花開觀作興清泰宗風一步到家來問華亭船子

相羣炙手陸梁井底奚為何補承家醉飽墻間未已自守臺衡計拙放教燕雀風高真箇流通何妨冷落恭惟某寸田可稼丈室曾開負循循善誘之宜扣止止不譚之要柯橋水逆笑射升之逢蒙谷水秋深豈鳩人之叔子買山且置擇地徒勞判一生硬兩腳根跨諸方出幾頭地

延慶觀堂翻葺疏

直明生死欲空冀北之羣橫絕婆婆大勝終南之逕惟

欽定四庫全書

北明集
卷九

十六

此觀堂之設示人淨土之津一花題名五濁離垢矧却火洞然而不壞恐梅霖霖需霖而難支滲漏不除幘幘何託鴛鴦翼翼可無望於同盟之人荷芡酣酣結有緣于未歸之客

陳寺修圓通閣疏

處處普門迷隔弱水三萬里巍巍重閣何必崑臺十二層是雖土木之成寧免陰靈之蠢蠢須再振成則中興豈敢擅千金獨創之榮要當致萬福攸同之助三熏海

木式嚴檀施之家百囀官鶯同入圓通之境

淨慈冬節疏

兜率荔枝中老素三種毒瀉昌橘子欠韋郎一夜霜驗
人只這些兒笑我知它幾許冬年解結自非舍富從貧
南北東西誰解生心受施

智門能老開堂疏

表海大邦杳杳蓬瀛有路住山本色明明刀斧無痕陽
春不是無聲霽月豈曾諧俗恭惟某人名晞盧老墨盆
堯衲猶存脚跨智門荷葉蓮花便用先師意旨未夢見
在諸佛法印可得聞乎試露鋒銑要知源委蒿呼祝帝
八千歲以為春鵬舉摩天九萬里斯在下

昭慶淨土池疏

載笙歌去門喧北宕之船聽樹林談花託西池之藕斷
尋常之擾擾開丈六之巍巍即俗明真事則有成有立
惟心自性人皆無欠無餘欲謝炎丘必尋涼甃由初願
至四十八願佛不虛言捐一錢至百千萬錢君其樂施

欽定四庫全書

北磬集
卷九

十七

妙湛月岩中開堂疏

向來擊小彈偏揭單傳第一義譬夫尊王賤伯尚六藝
黜百家永懷先物之難要見續弦之斷恭惟某人諸天
響合羣衲影從明明百草頭邊會其有極落落九淵之
下亦與之俱學妙屠龍機深陷虎偶虛蕙帳不須賦北
山移休打葛藤佇看行摩詰令

寄居疏

太虛無口誰翻四辯之淵頑石何心自領重玄之旨至
若牆壁瓦礫洞然見聞覺知凡我簪纓式此龍象恭惟
某人家有哲匠心冥正傳會於聞處知歸肯向說中取
辦務到不疑方酬半偈雖曾小試未稱全提雷欲驚春
潮仍吼月非男女等相不須問境中人碎佛祖玄關便
豁開頂門眼

碧雲建藏疏

達摩耶藏要着八面玲瓏娑竭龍宮未見層簷峭峙事
竟成于有志珠固得於無心坐令海嶽旋時盡在機輪

欽定四庫全書

北磬集
卷九

十八

活處日暮碧雲合
鉏雲耨種德之田
雨來修竹鳴題竹
俟登龍之客

正海爭微廟道場不應作貢院
遭別駕之暴使求僧以償其勞

奉先帝在天之靈伏節死義惟空王入室之子荷法忘身
珠中業影分明柱後惠文寬大燭不勝月嗟盆覆而不遭
魚漏吞舟雖網疎而弗漏甚矣割支之慘徒斬春風懷哉
圓頂之逢霈沾德澤

欽定四庫全書

北齊書
卷九

十九

心老住道場疏

叢林止黃葉之啼一變有托廊廟中青錢之選十目無私
泥登堦埴之盤翼駕扶搖之御重增九鼎喜抃三山恭惟
某從道場來成佛子住家鼓聲前不死塗毒休過泥洹
震徹無聞知音猶在盡掃百廢方屬半提督轉一機何妨
全壁西湖乘興有如雪堂居士留石塔師北磬揮毫大似
太原上座勘石門句

淨覺法師齋忌疏

淨覺與其師四明法智辯論不合遂歸天竺慈雲
毘主後人目之曰山外宗

異傳同經等述一王之法家雖野鷺咸歸八法之書雖
統有宗會有元始可流通必青於藍寒于水方堪付託
受斤有質投針不疑毫釐少差腹背大敵金石玄中逆
響登蹄紙上陳言脫顙難藏當仁不遜智齊范樞則師減
半德技經肯綮則目無金牛仰事激揚俯從振厲以咒以
詛散辭既出斯門載馳載驅未知鹿死誰手具位伏願山

欽定四庫全書

北齊書
卷九

二十

無外界勝幡樹十丈之紅水有四淵孤擢反九池之碧

下竺修造疏

殿古雲深一會靈山面勢闔蜚天迥九花芳沼為隣此
外皆椽差栢脫之餘於是乎雨震風凌之基礎難勝任
未聞澆柱之箴梁昧持危有待架虹之手行將壓矣坐
眠愁然思剏建不曰惟艱顧因循尚安敢肆三檀應無
住相兩碣不盡恩波矧王舍城乃古佛國春風著力齊
吹入此門來梵剎重新何莫由斯道也

拜郊臺天真院移普賢塑佛疏

玉象回顧在法界中古殿重脩出人意表鮮明如爛銀
闕象設如七金山江月洗空不見塵翳之蹟樓鐘遶響
時聞梵放之聲城南尺五雲霄花藏三千幢刹大功德
海大富貴人只有皈依更無擬議生心受施敢貽居士
之譏住相生天莫負如來之記

小白花橋疏

雄跨中流玉局老仙曾度大書魏柱綉衣使者重來陋
漆洧之東興快雲霄之得路北石如櫛擬芻屋銀浦之
高寒飛梁繞雲為儀鳳甘棠之伯仲此費實重小才罔
功振百年皇祐之規撫增一曲蘋洲之壯麗看卧波之
峭峙未雲何龍若遵路之坦夷其直如矢

請亨老住報恩疏

睡虎眼開聽它搏噬孤鷺影動還自回旋是誠彰教兒
孫孰掩丹山文采某冠冕萬指筌蹄百非等將淵奧根
源付與緒餘土苴有口挂壁早嫌葛藤無心出山已成

欽定四庫全書

北湖集
卷九

三三

途轍來作鄺中佛事式慰同盟撥開度外塵機掃空邪
說

婁公瀆中興接待疏

古婁公瀆舊化城基藏雖八面玲瓏缺殘衆相地乃千
年常住緣募三檀畢命為期亟圖接續餘生未泯便欲
圓成祇陀太子開給孤獨園却却為前佛後佛舍妙眼
善女虔修破損像世世生天人王家試聽八九十老僧
之言必享百二十長年之壽

欽定四庫全書

北湖集
卷九

三三

常熟道友焙經得舍利無數榜

靈不在魚在執紙上語者焙非待火待忘言外詮時本
自清涼何曾熱惱珠回玉轉單聯複貫無遺霧濕嵐昏
一暴十寒殊甚歸諸藏藏白不能說藏諸身身在則有
餘第二義門恢五福聚佛法不怕爛却死灰不復然乎
弗於鼻觀上聞經安能火燭裏說法牆壁有耳分明於
此知歸舍利無根畢竟從何流出

烏青鎮廣福火後修造榜

炎炎三毒競起無明落千間遂成烏有可惜千年常
住適遭兩木相因罌壯罌明不激不發厄會驚喧兩鎮
奴燒幾至三禪玉石俱焚鬼神弗救掃殘瓦礫重布準
繩宜憚辛勤有此廬行看突兀見此屋工師得大木莫
非佛剎重光太子布黃金便是法輪再轉

長安明兄修造榜

逃虛空時倏喜足音之響過長安市遙知日馭之高弗
超火宅炎丘誰識涼池芳麓殿古將仆閣今欲蜚懷哉

欽定四庫全書

北嶠集
卷九

三

一木難支偶爾四緣俱順幻出九花幢剎宏開百尺簷
楹榭道行空落日懸鼓佛無高下莊嚴萬德皆同土有
西南淨穢兩途相遠長玩壺中日月盡收却外風烟更
上一層不移寸步高閣大第毋求住相生天林樹水禽
等是無情說法

南翔修造化糧榜

鶴南翔去幾時華表重還錫北飛來指日祇園側布寺
占蕭梁之地浦停博望之槎風嫻經幢連開品觀六萬

字誦分隨偈半千僧同梵音聲未策歲功先了日課開
梵天之壽域為王者之福田佛放光明瞻之在前忽然
在後法城峻峙壞者既妄護者亦空徒欲捕風還如繫
影盡大地是王老師檀越庇託萬間取上方皆維摩詰
神通香酬萬指虛空有盡一鉢長歌實際無私百堵皆
作

龍華寺火後修造榜

雲蟾樓觀天開三會風烟水鳥樹林地接九花池沼錢

欽定四庫全書

北嶠集
卷九

三

氏五王舊德皇家萬祺丕圖毳衲星居瀟灑半千之衆
鑑堂塔在流通四十餘年司烜氏玉石俱焚古寺基乾
坤獨露殿宇衆法次第重修嗟撞鐘伐鼓之時欠展鉢
開單之地要見百世楷模六種成就還它一堂冷澹千
古分明大富貴人盡是王老師檀越小聲聞衆願觀維
摩詰神通天道好還老胡有望

侃都寺重開大慈語錄疏

濤湧濶翻尚想衡陽瘴面雲開天霽式符江漢歸心掀

指一十有七年信口八萬四千偈人天龍象在則人亡
則書草木芝蘭出乎類拔乎萃奎文寵錫海藏珍收雖
非魯壁之藏甚于秦火之酷欲哀衆施盡與重刊掃古
今螢爚之微還皎潔蟾蜍之照遺音猶在妙賞須逢如
金聲玉振無遺免邪說暴行又作

祥後堂住天童疏

東晉高風想見蘭亭勝踐後人表剎遂成蓮社清游典
刑懷古衣冠氣象壓今叢席與選掄者皆奇偉人某人

欽定四庫全書

北磬集
卷九

三十五

峭峻全提淹回半座雖云借路是亦明宗便當捷出橫
蜚未有長行不住佛法扶頭之際春秋責備之時水迷
涇渭之分如何著眼烏貌雌雄之辨只合忘言莫論三
種住持要見一門超出

印老住天童州府山門諸山三疏

有法付國王大臣金湯惟固無法付空王真子衣鉢親
傳斯文欲並皇明王度敢忘陰翊某人身藏北斗口吸
西江滕公三代後跨竈衡樓肯堂一著先摩頂放踵康

莊失步指陳自已珍奇死水觀瀾又屬它家風月與其
輦數冒若山林指碧巖石玲瓏達四聰于丹辰觀黃河
水清淺導萬派於銀潢

右州府疏

會佛法人何啻稻麻竹葦無陰陽地不關水旱豐凶幾
箇知歸其誰踏著某人浮華消盡真實獨存一點無私
十年起廢春去桃花片片綠繞庭除夜開月觀沈沈翠
磨星漢孰謂平常是道安知坐死平常自憐計較俱非
不解巧生計較出乎其類少慙同盟豈無它人願觀盛

欽定四庫全書

北磬集
卷九

三十六

作

右諸山疏

名徹前朝得松巖之奎畫道叅中貴服稻畛之金襴道
人分上安用多般明眼人前不直一笑某人勅住天竺
勅歸天童靜退于演迺菴機尤峭峻遭逢如清道者寵
更光華櫛谷成陰睦州擔板佛燈珣後佛燈印又聯芳事
法界中事法門當再振

右山門疏

修造疏

住處不支嗟前修之尸素傍觀者晒見後進之因循適

當承乏之秋妄冀中興之業門庭大敞囊橐無留想翼
翼之修廊悲涼故老眷沈沈之古殿懷仰空王闕典猶
多成功尚遠需側布黃金之手於豁開青眼之時意在
釣頭春生筆下

蘇公堤南屏寺修造疏

臻公寺老門掩斜陽西子湖春堤橫綠水楊柳芙蓉富
貴梅檀蘆筍淒涼屋既摧頽僧尤寂寞因陋何妨就簡
惟新豈易圖成瓴甌再翻幘幪可冀柱石重振棟梁欲

欽定四庫全書

北湖集
卷九

五

堅大福德人修大福德人受用明因果者壽明因果者
承當此話纔行施心便廣

四衆塔疏

湘南潭北層落影團團天上人間峭巍巍孤迥迥雖
示兩碓分座何如四衆同歸一路涅槃千年矩範腐歲
朽骼有菴中不死人華屋朱門賞絃外無聲意留十方
常住之地駐一原不老之春壽君壽親利彼利此

西路接待建華嚴閣疏

天上雲開兜率靡不涵容門前路透長安可無接待庫
院修廊未建廣堂傑閣方營不知法界無邊豈信雲霄
有路朝往西天莫歸東土何日到家南詢諸友北謁文
殊一生成佛盡是華嚴富貴孰非藏海莊嚴法法圓成
人人具足

東陽雙魚接待疏

騷人著語好風千里吹來劉禹錫在京
師作詩來山鬼挑燈清曉
一時逃匿天巧無從自獻地靈遇物斯彰起乾沒之峭

欽定四庫全書

北湖集
卷九

五

巍如雙信平聲之雋傑佛宮儒館鐘鼓絃歌試看止息化
城孰若詠歸沂水創物惟智聚人曰財堂扁生秋掃大
暑去酷吏山有飛瀑如白雪停陰岡絕唱雖高同聲必
應

延慶修造未辦疏

四明道場蕩而復振一乘法味流而不窮自寸椽尺瓦
重新幻傑閣崇樓如舊菴虧藏六義欠函三缺典猶多
全功未既上方有世界化菩薩無路搏香殿土惟塗泥

東海若隨潮退舍先資糧次加行始一簣終成山扣富
貴人看鄉里面

致道觀副觀化朝真法服疏

明信在躬治止蘋藻可薦蓬心飾外文章黼黻奚為欲
振殊儀先崇內照不脫走塵之屣難覲家陽未更漬汗
之裳敢延真馭必辦盛服其如空囊只有求人別無出
著舍風疊雪輟侯家舊賜之餘垂佩采香昌桂窟巍攀
之報

欽定四庫全書

北齊書
卷九

三十九

吳江聖壽脩造疏

三江既入松江如畫圖中萬壽無疆聖壽絕竄塵外起
於石晉側布金園劫灰再掃無遺天道好還可俟堂無
周屋欠翼翼之駕蜚鐘未上樓喧鉦鉦之鯨吼其它罇
漏以次補苴善人樂捐有餘君子自求多福人惟尋舊
事不避難祝大哉克南極春秋翊壯哉縣太丘風化

華亭普照置柴蕩浴疏

鼎容百斛注不竭之滄浪衆浴千僧盡將來之垢濁未

建瓴于溫室已脫體於汗膚楚言刈于錯新賈特高于

丹桂獨無樵曠會有檀家直從芳草連天遠至平蕪盡
處壽拓八荒之域妙觸宣明福開萬頃之田諸塵清淨

證覺買地建延壽堂疏

狎十方為老病老病未安厥居歌一鉢飽齋微齋未
實其腹旋欲經營餘地永為種植良圖顧朝蘿莫鹽之
缺如恨尺土寸金之難致革東鄉笙簫之地掃去腥膻
騰西方菡萏之芳同歸清淨

欽定四庫全書

北齊書
卷九

三十九

梅里勝法起三門修造疏

皇皇四達春風吹散天香翼翼層簷夜月隨行道影梅
里一方勝利檀林四衆禪栖風雨飄搖梁柱頽圯欲振
尊卑次序別開壯觀門庭如正人心以致其敬凡淒涼
之老屋擬輪奐于新規淮海貴人既受靈山之囑粉榆
野衲遂扶小刹之顛

崇德普寧接待疏

官塘暑晷喝思待扇之人水驛雪時寒軫欲回之樞不斷

商胡衮衣方來雲錫憧憧熱須漱滌清冷息免淹回叢
雜菴宜竝路亭可臨津開千年鐘梵家作九夏茶并供
渴者易為飲涼于滴滴醍醐通者不忘歸笑彼區區逆
旅不勞三宿擬報一時昔賢有志酬恩今日其誰負德

慧日僧堂疏

摧頽老屋何以安單欹側櫺窗若為掛鉢一木巍撐不
得千金改作猶難要見一堂冷澹千古分明還它百世
規樞六種殊殊勝觀出著只合求人豈無王常侍與臨

欽定四庫全書

北磬集
卷九

三

濟同遊亦有張無盡為永安撰記

彰教法堂上梁文

法道隆替存乎其人土木壞成繫之于類顧行藏之由
是在營建以何如細為楠大為未取其長而已矣斤者
斷刀者削審厥技而庸之庶逃盡力之訶抑免弃才之
謬此礪老子錐也無卓犖猶可歌信開百福之田壽拓
八荒之域不求侈靡以取譏嘲人其人廬其廬晒愈之
強為辯也爾為爾我為我於惠也初何傷乎願聞堂下

之言以悟雪中之立劍須高挂慰徐君九地之知梁欲

橫飛相匠氏一時之巧

缺

兒郎偉拋梁東疎雲薄露鎖

空濛霜鐘馭月回僧定人在烟蘿第幾重拋梁南稚松

孫竹間梗楠沾沐九天新雨露參差濃翠影交參拋梁

西雲從黃鶴度雙谿千載子安呼不起來依蔥帳隱淪

栢拋梁北北阜深雲鉏不得長刀短笠斬荆榛留取梅

花伴蒼筤拋梁上雪卷水晶雲母幌自是丁山壓衆峰

一泉一石皆宏放拋梁下泓碧濺濺生石罅張公名字

欽定四庫全書

北磬集
卷九

三

至今存清清不改消炎夏

缺

上梁之後伏願人安里社

米熟家田恢釋梵而鼓行贊唐虞而陰翊衣傳止六代

已分北秀南能我獨有二天得依龔遂黃霸

大梅護聖僧堂上梁文

絕頂有天穴與壺中不別深居無說誤從紙上虛傳衆
含蒼筤之芬衣傲芰荷之制榮公長老來踞此座不負
大梅住山無刀斧痕談玄有虛空口斷輪自若血指紛
然掄材而為棟梁挂椽以庇風雨一堂冷澹道南派別

清流千尺婆娑濟北涼生大樹賀厦燕雀展單象龍彈
指暈飛何必指將軍之廩聽渠豆爆不須然內史之灰
欲相脩梁爰歌善頌缺兒郎偉拋梁東瞳瞳海日上空
濛晴卷烟霏橫獨秀光挂寒碧沕羣龍山有潭
秋極窮拋梁
南俯瞰諸峯鎖翠嵐秋攪千林吹桂子影高羣木綻優
曇拋梁西一牛鳴地兩招提山噓曉聲鐘斷續烟消晚
翠玉參差拋梁北風滿天香浮毳緇佳士能來似有期
俗駕自回安用勒拋梁上鳴鶴在陰飛逸響盡簷低與
暮雲平觀史夜摩無此樣拋梁下整整斜斜排萬瓦要
知身是太平僧善頌不妨歌至化缺上梁之後伏願雲
歸雙嶺門掩孤岑松花有餘聽松風此山老梅子當熟
問梅仙何日歸搵百衲于三椽選一麟于衆角

哀金新之上梁文

育王姚氏子裏鉢奉母主僧宗印墟其廬利州定
仇餉既讎貪殘自斃嗟來可食禮義誰明某愚魯有餘
困窮無告執觚可曾知味頽羹妄冀封侯變從顏子墨

埃駝逮杜陵茆屋墮卵覆巢之酷震駭鄰人牽衣頓足
之哀怨詔行旅青山不老感桑麻燕雀生成黃粟難賒
嗟兄弟妻子離散眼空環堵心折分羹經之營之不日
成之衆警易舉至矣盡矣不可加矣此恨難平方自貽
草創之羞笑渠墮苟安之計先事後食從今忍渴于盃
泉傑閣重樓自古閱人如傳舍缺兒郎偉拋梁東剪剪
茆茨枕鄮峰卧燕歸來尋古壘鉢牛歌罷撫長松拋梁
南一眼平蕪接大沕霧雨漲空無處見曉來依舊色如
藍拋梁西家家茆舍擁疎籬淺深野草空綠砌寂寞間
花自滿枝拋梁北松奮老髯空翠滴不隨堯李嫁春風
可自春風無氣力拋梁上咫尺浮圖涵萬象為問劉郎
安在哉一聲清磬深雲響拋梁下小小數椽如大厦為
誰革故為誰新山中千古成佳話缺上梁之後伏願春
回玉帳光透金墀駟虎豹于山林致鳳麟于郊藪洛陽
都益正須綾襖橫陳寒士俱歡不管吾廬獨破

華亭楊木浦朱寺法堂上梁文

楊木陰陰人在輞川圖上浦雲冉冉僧歸清泰城中發
露天藏幻成雲構檀越某人孤韻絕俗半生如僧願輪
拂盡鉢衣結習洗空紈袴只勞精舍不築菟裘豁開重
閣大講堂招延三觀法檀度聽經之浮圖是中湧出隨
身之宮殿何許飛來刀斧無痕林泉增氣蕙帳空兮夜
鶴怨賞機雲二仲之音潦水盡而寒潭清印持遠千江
之月一堂冷澹萬象證明潮聲雜善頌洋洋行看賀履
劍氣與遙穹蕩蕩盡屬鈎簾華觀欲成修梁爰舉錄兒

欽定四庫全書

北湖集
卷九

三

郎偉拋梁東江流萬折繞吳松長憶法華新道者冥冥
千仞沒孤鴻拋梁南南翔老遠是同龕此堂後夜有明
月更復與誰相對譚新道者乃開基之人死矣南翔遠勸請造寺拋梁西陰
陰翠樾鎖烟霏風急蜃樓高突兀烟消鴛瓦碧參差拋
梁北莊嚴面面皆殊特若非胸次有規模此段風光總
乾沒拋梁上雲垂平野開屏障諸天無路花不飛梵放
有聲山答響拋梁下桃李無言時自化衆角雖多貴一
麟驥子驕騰空萬馬缺上梁之後伏願步武龍象筌蹄

鬼魚白石點頭黃金布地梅熟許同朱老吃覺林泉四
事之饒山高豈礙白雲飛看賓主一時之盛

碧雲藏殿上梁文

殿舍藏藏度經擬海伯宮之輪奐樞發機機運軸尋山
檣樹之根源震聞十二部所詮指歸遂得八十卷重玄
喚出記所見者作而象之以境攝心與人為善北磻孫
叟貧也非病剛而用柔浚智井而罔功墾廢畦而弗穫
寸才如玉斲小貽工師之羞尺堵畫宮用大笑夫子之

欽定四庫全書

北湖集
卷九

三

拙所住之刹斗大所臻之雲鼎來茹苦分甘共作同息
幻成四朵跨出叢霄月車日馭東湧西沉牛鬼蛇神左
出右沒晒乃閣蜚樓迥燕雀風高卷茲地轉天旋鷗鷺
路濶三轉法輪如舊萬年玉厯惟新舉爾修梁聽吾善
頌缺兒郎偉拋梁東碧雲峯對紫雲峰冉冉碧雲歌日
暮紫雲峰下聽疎鐘拋梁南種杉僧老雪毵毵却憶闔
山生處樂驚援空守綠蘿龕拋梁西淹田秋稼與雲齊
未必侏儒皆飽死只令臣朔一人饑拋梁北平地獨山

無草木上名天生境確不中樵如何容得牛羊牧拋梁
上雲際何年埋石像舉頭雲欽建招提祇陀太子金園
樣拋梁下禁跣珠離隨俗化自是陽春調絕攀可但只
今人和寡缺上梁之後伏願帶經成俗佩犢愛風鵲鴒
在原視弟有愛兄之道虎豹遠跡耻人懷食子之心繫
崇佛乘陰翊王度式全父愛陋袁彥道之呼盧庶答母
慈嘉賴封人之錫類

下天竺造僧堂上梁文

欽定四庫全書

北齊書
卷九

三

靈隱前天竺後三千剎外風烟西湖上畫圖中尺五天
邊雨露旁聞仁壽幻出莊嚴性具為宗法門有議兩雄
孰先孰後聽法華經二瓢載沉載浮寓東海若住山某
人行輪碾露戒香逆風萬指影從四花雨集追惟故事
半座穆如清風來歸舊山一會儼然靈鷲既滿戶外之
屢頗隘堂中之單欲旃檀蔭藹成林以枯木留香為式
旁搜柱石出深山大澤之奇髦聊布準繩付盡壘斷輪
之妙密缺拋梁東一川風物在壺中砌下水明深湛染

樹頭雲濕小玲瓏拋梁南上中下竺寺分三四山如畫
開屏翠中有青青小蔚藍拋梁西山高孤塔與雲齊層
層落落琉璃殿咫尺散霄路可梯拋梁北一奩寒碧潄
明玉放開三板雪虹飛疑是飛廉翻地軸拋梁上觀史
夜摩無此樣萬竅無風賴寂虛隱隱薄雲間梵放拋梁
下陰陰壽木藤蘿挂近寺時聞鐘磬聲莫隨風雨飛遙
夜缺上梁之後伏願一單如倚岡陵百祿長于寶異崇
功報德嘯月眠雲得覺道成同結內官之社使聖人壽
祝如華封之人

欽定四庫全書

北齊書
卷九

三

丘運使後堂上梁文

昌黎獨步辛勤三十年有此廬浣花何時突兀千萬間
見此屋曷若本支餘慶共承先緒幽光整頓立園團藥
長幼某官心涵江月髯老淮雲三徑就荒夢想歸來之
詠四郊多壘敢忘蜚輓之勞揀盡寒枝莫如喬木龜筮
叶吉祖宗妥靈凡曰同盟之人共存諸父之國安昌未
老尚堪弟子趨隅太傅欲歸又見君王前席缺拋梁東

梓匠輪輿欲奏功故侯新築生和氣稚菴喧呼賀燕同
拋梁南湖光雲影兩相參六月涼生清晝荷花落日
正紅酣拋梁西門開深窈止輪蹄古藤細柳成行列時
有子規來上啼拋梁北催詩急雨油雲黑壁碎珠零在
筆端四座喧譁翻醉墨拋梁上鷲尾掃除雲物障八面
玲瓏一鏡中主人曾次同昭曠拋梁下莫論少室山人
價百家姓裡聖人名無道桓文之事者欽伏願上梁
之後紅塵擾擾明月瞳瞳始知弓未嘗亡益信珠元不
去舊巢燕子喜歸從百姓家初日寒烏弗須占丈人屋

慧日僧堂上梁文

門如市心如水喧寂惟人山有玉淵有珠秀整超俗此
太蘭若如小祇園自跨虎野哉僧來相攸壯哉縣一堂
歌側十載經營今茲策勛老當袖手北磬老子閱世欲
搞與雲俱遲絕憐買沃洲山大似捷終南徑究此生無
生學畢命為期絕諸方孔方交于吾何有至若土木興
建與夫金碧莊嚴力非不能智弗可強誦永安僧堂記

為平生座右銘當爾後人遊予明訓式陳善以相
修梁欽兒郎佳拋梁東扶桑初日上龍蔥霞明高下
叢霄碧光透東西兩鏡紅拋梁南童子南詢五十三
一從去後無消息懶聽行人說徧叅拋梁西水通清
泰九花池宗雷靜社人心別告戒丁寧不變移拋梁
北舊井依稀言子宅千古弦歌在武城鄉邑至今為
軌格拋梁上太平無象天垂象捷書夜報甘泉宮江
東諸葛猶宏放拋梁下閣扁景言誰並駕小戴經從
大戴傳不察不苛民自化欽上梁之後伏願利兼百衲
德懋四檀食于斯息于斯勿云當得迷于是悟于是
切莫它求如是則廣居正位汝尚堪任不然則夙負
昔因人誰與代

謝州府啟

多種藕花邀瀾明飲肅瞻卿月與阿戎談良既友于白
眉很失防於假象清分淫濁穢雜蘭薰遠未直于麻中
枳已蕃于江北罔遵粗有瓜葛之訓勇證據羊不識拋

示鵲鵠之書動輒紉臂是至親者况他人哉生知本地
之風死媿延陵之鬼勸之或不足道沮之亦奚以為樞
得環中環去樞轉車在門外門開車亡假為深夜之談
真成正晝之攫私表盜面公服趨堦鏡虛而妍醜分勢
迫而情偽見本心自喪昧江有汜之過勞家醜外揚謂
牆有茨之可掃謬將槁木死灰之士誣以曉風殘月之
嘲自貽帷薄之差甘出閭閻之下茲益伏過某官雲開
月霽水止沙明照姦無毫髮之遺律貪有氷霜之厲三
躋祗席視前日為何如雲冷狴牢嗟鄉來未始見昭用
儒之速効盡得士之歡心至於山林采若葑菲某日老
一日時非曩時抱湘瑟倚齊門則已死矣聽先生歌梁
甫尚復悠然冀長在春風和氣中當不啻錦里烟塵外
知雖有素託千指之帡幪惠豈無終安一枝之風雨

欽定四庫全書

北磻集卷十

宋 釋居簡 撰

酒仙祠銘

竺仙氏家法嚴于行師善世守者全鋒不足攻也酒亂德謹為之防縱敗禮因為之閑踰防閑有律智者過則改眎覆轍甚焚溺等而上之成佛子住反是蟲臂鼠肝聽其所如吳僧遇賢則異是曰酒亂德吾所以樹德曰

欽定四庫全書

北磻集
卷十

縱敗禮吾所以成禮縱是適酒是耆雖酣醑有常度始人惡之少則疑終則敬既而稱酒仙飲之必旨且多諧謔風生鮮克嬰其鋒或謂東方曼倩不是過信脚行信口道左規右矩旬鍛月鍊者未必然也喜淨業不喜清泰問其故曰無酒年八十八笑譚與衆訣于所居之明覺了了生死之際祥符五年正月十五日也歌詩滿三吳稚子抵掌歌之謂非酒仙不能作仙姓林生姑蘇之長洲幼失水至嘉興遂從郡之永安可依為比丘五十

九臘嗣杭之龍冊球公後二百有三載余始識仙象訪遺事于寺僧惟一得皇祐六年濟陽丁偃記淮西張任則重述于淳熙九年一以為未也需余銘拒者四三辭婉而氣益和為之銘銘曰綉佛前醉逃禪人中英飲中仙仙上天第幾禪誰同盟林酒仙蘇我冠林童顛蹟殊歸心同然德可歌言可傳谷可變陵可遷蘇不崩林不騫

梵蓬居塔銘

釋慧梵字竺卿縛弟奉母扁曰蓬一時稱蓬居生嘉興

欽定四庫全書

北磻集
卷十

府崇德縣之石門顧氏家父母以其無適俗韻事高陽澄寂院僧守先三年習經懺十三剃落具足受毗尼畢生持守有嚴坐七十六臘壽八十九為子孝臨事敬謹身節用脫略世故君子謂其壽考無媿學性具宗旨于天竺如虎子學詩于處士陸永仲特東越律師之秀曰廬曰持伯仲也廬口不輟佛名少暇對人語持有詩名左藏張雪窻云惡淚別僧持者也于卿異姓兄弟徒皆先逝孫空覺奉卿如卿奉母死塋蓬中後十七年師謹

橐御詩藁來謁銘乃亡友上方朴翁義銘編次文昌疏齋李公沐則為之序以其先大參政有雅故謂其詩似唐諸王孫李長吉讀其詩者當不言而與又嘗演唱于湖之開元智者應侍郎曾文清逮選銘曰壽冠五福卿八十九孝先百行御使母壽母子俱壽天其與之雪月風烟一昌于詩儻東西隣樹梅水仙自食芳鮮自寫幽妍歡娛母慈而送其死母死不忘以具有子我不識卿聞卿于銘遺事可銘幽光發潛

欽定四庫全書

北湖集
卷十

三

金山蓬山聰禪師塔銘

寶慶元年三月十四金山龍游禪寺住山人亡龕留五日奉全身葬于洪信松山菴名永聰字自聞蓬山其號紹興辛巳七月十八生于杭之於潛徐氏八歲剃髮受具服紫伽黎為縣東資聖寺僧行居後還家塾授五經十五從父游徑山別峯機辯警拔白父曰人天龍象也願學焉別峯器之至育王天童當拙菴密菴全盛時婆娑兩翁間或五六年或四三年既壯掌肯堂之記于苕

嚴後游閩越江東西湖南北凡緇白名流反復博約雖好拳務勝惡聲相加必雍容婉辭盡底蘊乃已嘗語人曰佛祖正印厥任重今也奇貨龜龜如蜩辯而失宗醒而披醒汎而多岐眊而指津豈無望於捷馳橫驚者掎角而要其種落耕稼于台之淨慧開法于光孝一香供別峯記初友也徙建康保寧蔣山南徐金山在保寧時制府諱守禦甚急師與幕府諸公議論具有本末異時敵入濠滁略斬黃悉如所料劉潛夫贈詩有聰老才堪

欽定四庫全書

北湖集
卷十

四

將之句往往質浮圖以識字議已輒笑曰固犯是不避死無長物年六十五臘五十九度弟子四十餘銘曰語而明默而冥語而忽冥然而忽明語默之不知昭昭乎無適形樊然葛藤我獨不能超然如瘡我獨苦心疲精竭志我愚益肆偽飾外修我則反求或聚族而謀曰佞壬擁腫愴恍詆詭罔人欺世千礎萬指有一于此聯臂引類及是則痛誣力非康乎人可罔耶世果可欺曰罔曰欺墻間餒而蓬山寂寥思死不為是故北礪銘而載

之

天童山息菴禪師塔銘

公名達觀號息菴夢之義烏趙氏子高曾皆衣冠年十二喜佛書勇舍世俗家父母成其志受業于縣之法惠寺僧正覺欲超大方凡鼎望利養非本色衲子住處往往過門輒掉頭若正因保社窮鄉遐徼越嶺海犯霜露跣足糗糧尋訪不憚遠參應菴于天童見無菴于道場後于天封水菴室中明得二老垂手處辨香為水菴有

欽定四庫全書

北齊書
卷十

五

自也水菴在閩橫機峻峭為衲子一闕徑往扣之一語不浪下破的而後反用覺圓撫育王席端氣蓋諸方有從上爪牙宿學所嚴公分板首一語一義反復博約必盡底蘊侃侃不相下堅于長城從容佛照一語不契即去至龍翔栢堂虛第一座以俟識者偉栢堂知人開法嚴之靈岩閱四五刹晚自金山被旨靈隱坐四夏用大覺故事上告老之請歸天童又六夏而蛻嘉定五年七月二十七日也臘五十壽七十五龕留七日奉全身塔

于玲瓏岩下得其傳者守中從禮度九十七人永澄永隆猶子也隆先逝大事實澄當之機用播叢林具眼者因言得人而印心泮然一言而忘其所為言則此罕堵波可以銘可以不銘銘曰佛智冢嗣圓悟靈機後之跨竈水菴崛奇不則不足與有為水菴勝幢隻手可支鼎力在腕危而不持不則不足與無為無為之為中下罔知然則鉢描之盃翻墨之衣孰重孰輕孰是孰非

夷禪師碑陰

靈隱

欽定四庫全書

北齊書
卷十

六

石鼓既得銘于秘書侍右郎官高公似孫重逸抱銘泣于余曰先師貶剝諸方不小貸所嚴者子一人耳盍一言為之發先師闕繫此山者甚至子所見也敢再拜而申之開禧末蝗蔽天赤地連阡陌列剎謝遣客比丘主者心印佛衆自用不推消息盈虛搏節而權其變撞鐘伐鼓延接方來如平居無事時寺亦幾殆為倚城社者師齊敎而有之是時高峯之鬼能禍福人人嘉神休莫敢不至寺則頓裕晏安易溺前日之匱邈如未始見深

禪正修滂不復理以蟻蟲飽道為龍象踐踏本色衲子
掩鼻而過之居無何厭足心生去而之它先師果自乳
竇喟然曰昔問道于是佛海佛照故家遺俗猶有存者
今掃土矣遂收餘衆因陋就簡仆者走漏者宜尤無良
者則去諸尊者父禮賢又寬苛細謹程度懷同志之士
稍削前日因仍之耻而舊貫漸復則又曰僧者佛祖所
自出今也貨殖賢不肖無禁乃博訪檀施爰諏爰度選
能誦法華楞嚴圓覺洎馬鳴肇師言者謂之合格而得
欽定四庫全書

北
朝
書
卷十

七

度與昌厥善類然則日暮途遠盡瘁而止矣銘則缺書
余聞而哀之繫之以三字八章章四句辭曰網有綱萬
目張法依人建勝幢人壞法人自壞法常住竟安在譬
諸谷谷有神彼不呼胡能聲聲既沈響斯絕鎮長靈廣
長舌矧石鼓章厥號曰希夷洞玄奧入玄昭昭然謂
不見誰樊垣生曷勞死奚息所不死靡有極草芊芊泉
濺濺天在水月在天

禪鑒法師塔銘

禪鑒法師名思義月室具別稱也杭之監官馮氏子生
有吉夢母奇之甫十有三依縣之開福寺僧宗顯刺血
書心經與經籍年既加長扣天台性具之旨一時宗工
若覺庵言卓谿榮雪川規空相秀慧光訥皆有徵詰言
句獨于慧光針水無疑闡法于阜陵淑妃陳氏寧親蘭
若為十方傳天台宗第一代二十餘載凡三却三就卒
蛻于此山壽六十六臘五十三度僧二十餘嘉定九年
六月初七是月二十有二廣如廣脩卜慈雲迺遷梯嶺
之原葵馬吾嘗謂三學諸師均稱嗣祖其名曰祖行解
相應解不逮行大車無軌行盈解虧小車無軌無軌無
軌其何能行維禪鑒師壯則學解以昌其說晚乃不言
以著其行一行三昧常坐不行佛立三昧常行不坐于
斯二者既三期修半坐半行非行非坐始終次第收效
桑榆豈但小智鬼瀕觀聽蓋亦自謂能事畢矣是宜得
銘銘曰台衡正傳可默可說默固難窮說亦不竭二威
之際緘授而已左谿荆谿千偈翻水後世競辯異夫所

欽定四庫全書

北
朝
書
卷十

八

同以其異同倒立自改繫爾禪鑒以身代舌四種三昧寂而非滅既滅幻影非幻者生爰淑諸徒繩繩以行慈雲以西梯嶺之下一燈長然罔此塔戶

護國元此菴碑陰

此菴大導師正三峯之席分座提唱屬之於應菴大士示寂時二三子方畏知聞未露文采故應菴受以死託凡火化穴藏之役舉無遺力或謂葬禮因仍簡陋不足以圖永久應菴從而語之曰竺西莫大浮圖自有制度

欽定四庫全書

北湖集
卷十

九

示尊法也又何以侈麗為哉此菴光明盛大之傳有子若孫嗣而葺之谷可為陵塔固無恙嘉定紀元孟夏既望大丞相止菴致師第三世宜獨禪師于五峯雙磎之濱復正三峯之席未幾師之藏已一新于宜獨之手亦既完好議者以應菴為知言師於應菴行諸父也商今評古潛鞭密鍊不啻已子其警拔可紀者大參政松牕已為之發茲獨以宜獨增修之歲月書于碑陰

圓明寺慧通大師塔銘

建炎四年圓明厄于火未幾門闥皇皇廊廡翼翼樓觀瑩飛堂宇靖深有像有經有師有徒復還舊物者慧通師師默與佛光師景韶之力也公杭之鹽官郁氏子十五出家二十得度于清捷捷以大父事景韶公于景韶為第四世幼而穎悟超然有四方志韶方銳意起廢固尼其行既從事土木而顛沛造次不忘叢林自經始至落成未嘗苟取于檀施蒞事臨衆凜然秋霜平居閒暇藹然春風韶亦嚴憚之凡所欲為必從之稽疑而後行

欽定四庫全書

北湖集
卷十

十

韶無恙時已嘉成績既而大備嘉定二年正月初八日使諸徒環立付以末後事語訖而蛻龕留三日奉全身於寺之東狀其行來謁銘于北山之東碣銘曰才難之嘆尚矣有才具者昧于因果明因果者不曉世緣善乎鄭禹功之為言猗歟慧通不墮兩邊不昧正因而與世相周旋即瓦礫煨燼而開觀史夜摩之天既息幻景西歸翩然有宰堵波深鎖雲烟樹此新鐫庶乎岸邊谷變今尚有考焉

雁蕩飛泉寺豁菴講師塔銘

天台教觀鉅行吳越間假之以鳴者卓然有稱獨未聞
稱豁菴乃今得之于嘗聞道于公者使其九原可作駕
其說于諸子詎知夫把絳幡東鄉而立者非公也耶公
名淨悟字機先東嘉樂清李氏子幼超俗于雁蕩之飛
泉十九受具足戒以圓覺為受業師定菴法統則傳法
師初訪天台教觀于定菴後見休菴可舟舟曰定菴何
以示人公曰演索車義章舟曰寂光土索車否公不領

欽定四庫全書

北湖集
卷十

十一

預覺礙膺不遑寢食舟拊之曰疑端發露矣寶所近也
居無何果然識于雙磎寂寞之濱本宗疑難迎刃而解
吳越講席高眺縱觀排闥而入因作而言曰此心無媿
折鐺煮餅偕大空口對萬象說吾事濟矣所學不充因
人成事孰數行紙上語聚千百雖道人大厦廣居食前
方丈甚于乞墻吾弗忌也應緣之地若雁宕之東安飛
泉天台之淨土皆一新于百廢之餘指陳要奧穎脫乎
言象之表吟詠情性蟬蛻乎塵埃之外綜羣書而擷英

黼黻乎藏通別圓御新學如養駿登蹄乎牝牡玄黃由

其言與之俱化而不知熏陶於春風和氣中晚歸故山
屬疾大書示徒曰吾將默觀其變問藥尋醫挽吾化也
明日巍坐而蛻閱禧丁卯季秋二十有六年五十九膺
四十一具徒文虎衮衣孟之長以奉閤維耳齒儼然于
煨燼之末後三七日樹塔于飛泉之西麓而瘞焉銘曰
是為豁菴聽說總持兩種不壞之藏言為虎山行為龍
岡夫惟言行之不寫不萌兮愈于左右龍虎之騰驤而

欽定四庫全書

北湖集
卷十

十二

宅夫教觀之玄堂雖微吾言其所以自著者隱而彌章
久而彌芳不然由吾言以探其微異世而同心者將墮
淚于雁山之陽

湖隱方圓叟舍利銘

潘頤

舍利凡一善有常者咸有焉不用闍維法者故未之見
都人以湖隱方圓叟舍利晶瑩而聳觀聽未之知也叟
天台臨海李都尉文和遠孫受辭于靈隱佛海禪師狂
而疎介而潔著語不刊削要未盡合準繩往往超詣有

晉宋名縉逸韻信脚半天下落魄四十年天台雁宕康
廬潛皖題墨尤雋永暑寒無完衣予之尋付酒家保
食無定勇為老病僧辦藥石游族姓家無故強之不住
與蜀僧祖覺大略相類覺尤詆諧它日覺死叟求予文
祭之曰於戲吾法以了生死之際驗所學故曰生死事
大大達大觀為去來為夜旦顛沛造次無非定死而亂
耶譬諸逆旅宿食事畢翩然于邁豈復滯留公也不羈
諧譔峻機不循常度輒不踰矩白足孤征蕭然蛻塵化

欽定四庫全書

北湖集
卷十

三

門既數一日千古迥超塵寰于譚笑間昧者昧此即法
徇利逃空虛遠城市委千柱歷萬指是澆漾無朕為正
傳非決定明訓為戲言坐脫立亡斥如斥羊欲張廣浮
圖之本也相與聚俗而謀曰此非吾之所謂道靈之邁
往將得罪于斯人不得罪于斯人不足以為靈所謂道
也叟曰嘻亦可以祭我逮其往也果不下覺舉此以祭
之踐言也叟名道濟曰湖隱曰方圓契晉時人稱之嘉
定二年五月十四死于淨慈邦人分舍利藏于雙巖之

下銘曰璧不碎孰委擲疏星繁星爛如日蛟不泣誰汎
瀾大珠小珠俱走盤

圓訓二大師塔銘

修證大師法圓姑蘇崑山縣之江灣談氏子年十二禮
青龍隆福寺僧妙義為受業師二十二祝髮受具足戒
陳君清浩見而奇之過之若子弟圓亦折節父事陳歸
南踰從容而作曰吾欲造寺舍子不足與計事相攸間
曠築室廬市田疇凡所宜有者畢備圓力居多至是水

欽定四庫全書

北湖集
卷十

古

雲憧憧無逆旅况味香火社遂冠一方晚節精修愈力
長期六年壽七十七臘五十五嘉定十三年十月二十
五跏趺說偈與衆訣龕留七日而閻維弟子師訓同里
周氏子九歲來侍巾錫十七為比丘能大其家而竟其
緒業學天台宗旨于北禪榮度弟子七人曰文秀文質
文果文達文拱文煥文蔚秀達拱煥不克奉大事而蛻
質與蔚承其終果號古鏡得性具之要講貫淵源操履
潔修學者稱之孫如松等二十餘嘉定三年九月二十

將示寂慷慨長嘆諸徒屏息以俟則曰風霜龜手暑雨
黧面盡瘁創建所以一多衆革葺居今也反是是吾憂
也言訖合掌而逝先圓十有一年嘉定十五年十二月
二十二昧爽前峙雙石于西廂偕修證遺骨藏焉銘而
列其石銘曰窮佛祖心持佛祖權權衡在茲而傳其傳
降斯以還建幢樹剎于有為功不棄毫髮去此二者曰
冒吾氏食前方丈素食尸位猗歟修證手開慶寧訓也
猗角遂銖厥成吳松以南原隰疑疑悠然梵放遙夜天

欽定四庫全書

北湖集
卷十

七

際善築日滋暴俗改習王度卓然默相潛翊

慧日宗元谷目齒兩種不壞之塔銘

劫盡時火乃扇灾自九地逮初禪皆夷餘信夫火之為
力也大矣竺西閣維法曰火浴灰百骸四支所存者舍
利見諸傳記余舊贊五種不壞者鐔津明教大士頂耳
舌童真數珠近又贊薦福璉舌銘湖隱濟舍利與傳記
合宗元谷信州周氏子受業于月品新興寺僧守忠得
吾佛照末後句慧日啟門歸隱萬壽之西堂遂蛻于此

年六十六臘四十二越二日依西竺法閣維火聚蜚辯
失一隻眼齒三十六丙丁童子憑陵奮虐死眼頓活齒
銘沒跟反睨童子灰飛烟滅明毫屬天旁屬彭教住山
上人了此瑞事不起于座銘銘以告衆銘曰眼如月齒
如雪火烈烈瑩而徹定業難逃自暴醜拙

御史銀青米公復神道銘

襄陽米氏祖墓距鐵龜城西南三里黃鶴山之陽六駢
度江擾攘甫奠軍遊奕迫墓垣營絕神道無復元禁淳
熙間曾孫吉州刺史某請于戎帥者五十餘反武夫勁
卒不知講明漫不理寶慶初玄孫太平州蕪湖長某舊
出今邦伯趙公某之門雪涕於公曰公來南徐重藩宣
節制而崇教化厚風俗率嘗先之某與先兄省倉下界
某弟太平州蕪湖丞某抱先世五十年不信之恨頗闕
風教益為我振之公使盡吐所由恨則油然而作曰王
道之本起于養生送死而無憾况一代耆德歲時奉烝
嘗掃松楸有愧其子若孫吾不忍也未決旬復其故造

欽定四庫全書

北湖集
卷十

七

亭大書而扁之曰有宋御史銀青米公神道雲山增華
草木津津銀青泊少儀少師奉直祔窆之靈廩然在茲
孰不揖算翼以為主人壽俾子孫千億洞洞屬屬如見
如慕思所以報公者當何如嘗聞銀青無恙時喜讀書
作詩琴瑟日在御射御書數餘事也至於護劍閣守葭
萌皆雍容著偉績有田二千畝佃者盜賣族子聞有司
逮繫幾百人則惻然曰微此吾飽自若也折券而釋其
縛痛人命困于庸工之手則精究方脉著書三十卷遺
欽定四庫全書

北湖集
卷十

後世活千人者封何啻千人哉是以生少儀少師父子
受知思陵家聲震江漢文章翰墨照耀一世雲山淡濃
盡掩衆作殆今旦評為文德稱首銘曰比德如玉玉無
德輝積玉可毀德無磷緇嗟今棄德如棄泥

道場山北海禪師塔銘

淳熙初保福住持證公度弟子四曰真心圓明上字同
曰悟在少城之東大聖慈寺中九十六招提最勝處四
五禪刹外皆鐘梵花雨三學講演一日四比丘屏息侍

證曰咨爾真與心爾母滯名相家盍徧參乎爾圓爾明
則掌余藥石服御翌日歸白父母其母鮮于氏賢謂曰
自我歸爾楊氏家禱于白衣大士願得佳子俾學佛爾
生喪明禱而復明爾其念哉行矣母踟躕乃束包下三
硤尋訪本色宗工見松源岳于報慈扣無用全于天童
遂識無用之用而悟岳之不已欺分座于雙徑石橋宣
之席端開法于四明天王寺通海衲子不稱心而稱北
海聲獵獵叢林中瑞巖大同全以金山薦諸廟堂希夷

欽定四庫全書

北湖集
卷十

如淨在南北山掎角沮勝已者止秀之本覺老坡昔三
過此所謂三過門間老病死一彈指頃去來今為鄉老
人文公發舊有堂曰三過余為之記居無何夷淨之沮
不行移湖之道場凡若干年振墜起廢一新土木金碧
九年之功也忽瞑倚禪板謂衆曰轉息隔生勿虛度日
書四句偈而寂某年月日昧爽前龕留一七日全身瘞
寺西岡壽六十一臘四十四度弟子若干人大觀從余
游久惟余言是信懼人飾虛譽美厥師而誕後世直致

其事求余銘銘曰既生而眇母禱而瞭粵如所禱俾皇
覺紹及見報慈其瞭復眇皆厥常明發以內照遐香聞
迥重昏而曉用晦藏晶扣玄體要日漸月摩靡不炫燿
嗟嗟末流以竊以剽自罹顛蒙瞑視盲眊其蔽可撤其
室可窺其愚可唁其昧可弔反睨高蹈訕謗嘲誚鵲安
卑枝鷃止蓬藿爬搔餘粒族類相嘯視九萬里控地淺
料大方無外不直一笑幻緣盡矣一瞬而了了無可了
月湧寒嶠

欽定四庫全書

北磻集
卷十

趙野雲墓誌銘

宋諸王孫趙希炳字寅父野雲其自謂也常州無錫人
弱冠受命補承信郎轉保義郎今天子龍飛揆從事郎權
衢州酤衢盜竊發攝事有方略改臨安府排岸俸給公
家餘則盡付酒家保落魄孤山南北蕩幽尋窅索深探
遐眺點陳為新作不經人道語弗警拔清麗弗出也非
樵山漁澤牧兒竈婦一見扳掌能歌之弗出也談謔嘯
詠傾坐人解后朋酒罔不致不至不適也凡給侍奔走

過不加垂楚長安市為貴游數一跡不印其門前地零
圭斷壁不自愛流落山翁溪叟間好事者方搜訪次第
編而哀之鏗錡其身後慰其九原沉酣之靈年七十二
嘉熙元年九月二十三日終于官舍是歲十二月十九
日葬于嘉興府嘉興縣胥山懽喜樹之原女歸曹武惠
諸孫逾惇然扶護盡瘁辦寔安或譏其有女無子吾子
是乎引古以銘之銘曰忌子啜羹沒身扣闥有子無子
烏乎論

欽定四庫全書

北磻集
卷十

祭佛照禪師

代同參

嘉泰三年三月二十八四川兩瀾二廣七閩江淮東西
荆湖南北參學比丘某與諸比丘衆注香煮茶奉微供
于鄧之東菴佛照禪師拙菴大和尚之靈於戲師之所
自立亦難矣哉方其升應菴之堂則登東山而小魯晚
入雙徑之室然後登泰山而小天下妄庸醜正歎羣困
折不可奈何而後已卒能橫翔捷出縛虎兇鞭龍象搏
扶搖跨閭闔阜陵英主也曰兢兢業業當如禪師之言

史真隱帝者師也謂其氣雄萬夫陸放翁山陰耆舊也
贊其話行四海非有大過人一聖二賢曷以若此它日
行輩鼎立更迭而逝師則歸然獨殿諸老紛紛晚進競
春爭妍秋新露零一掃而盡于是時也方擘毗之木蘭
洲之宿莽凌霜厲雪以自怡收卷波瀾一菴至樂忍死
不敢寧居逸體今亡矣夫昧者謂其果亡矣有法門名
無盡燈冥者皆明明終不盡則師長在而不忘尚何悲
焉

欽定四庫全書

北窗集
卷十

祭佛照禪師圓鑑之塔 代秀巖

嗚呼師乎虛舟悠悠不知斯文壽命所託疾雷殷殷不
知蟄戶管籥所繫浩乎心與理冥智與神遇不知人
間世所謂榮枯得喪果何物耶指後學之心則皇天后
土昭乎其鑑孚大信于物則海東日本不約而至恢拓
象未邈然寡儔顧不肖似敢稱先德以黼黻太空而與
世諦流布哉靜惟始終逾二十年潛鞭密鍊倒行逆施
雪霜憑陵陽春煦嫗恩積丘垤報未涓塵故山來歸靈

肯未冷慚非跨竈誠謂續貂無聲之哀非薄之莫哀慕
之至靈其鑒之

代佛照祭淵清哭

清吏未登足時商周三百篇漢魏六朝下逮唐宋沉潛
反覆得其指歸慨然舍諸亟來相從鄉所蘊藉登龍門
而洗空禪悅法喜益自得之亦復棄之放浪形骸之外
高眠塵表若將終焉諸天儼臨無路推轂仁者必壽古
聖格言于胡不然我心則折嗚呼清哭其如命何

欽定四庫全書

北窗集
卷十

祭錢竹巖

於戲竹巖其死欲期謬我不敏乃今始知嗟嗟諸孤不
我告為豈不念我休戚以之彼不知者謂之何其匪謗
則讒匪諧則擠匪誕則謾匪畏則欺竹巖曰嘻恣若所
為恢乎有容空洞十圍吾游四方交天下奇惟古所是
惟今所非廩姿孤標其殆庶幾乃于度外悠然不疑前
年之官流金欲西約我必偕我病不支蚤料及此雖病
輒隨殮不及貽奠不我期雖不我期悠悠我思於戲竹

巖昭昭在茲

祭虞稅院

冠卿會稽名士

靜而樂其樂也全志也敬而誠自誠而明性也晉其壽中壽而死命也百骸潰矣疇知夫不病不死者固然而笑我未能免俗也

祭于君實宮講

異時丹丘有顯者謂于公曰詩騷何益興亡治亂

兩巖風高半江澄秋三柱鼎立而吞潢流維三伊何公與蕙翁我輒龍斷並駢兩雄倡焉是疇必反而和花陰

欽定四庫全書

北嶠集卷十

晝遲竹榭月墮琅然而歌若出金石山城無人使萬籟

寂風雅道大與天同休豈無聖人雜刪並收或曰此道不闕亂治四夷交侵自小雅廢公則掉頭背俗子論笑訕譏嘲怒如不聞者此而生者此而死易簣之際笑命其子使具大白而次第酌捷出機鋒抵掌諧謔酒盡雙玉玉山不顧揮手整衿槁木冷灰死亦大變了了若此德宜生芻莫奇男子

祭齊國趙夫人

景獻之母

洪範五福錫厥庶民懿淑具并厥庶莫倫丹心日星短

在蒲柳弗變弗遷孰不曰壽金貝珠璧匪飾匪御為善寂樂善日以富壽富而康既清以寧天其靳斯勿輕畀人惡石吾師甘言吾賊舉非吾好所好在德識真擬杜教子擬孟手種手獲而考終命命則有終匪終者存昭昭在茲曷云不聞

祭趙寺丞

公去蘋渚琳館容與我託蔭樾三慶初度芳墨猶濕忽

欽定四庫全書

北嶠集卷十

得函訃一聞此聲如市有虎迄于再三實淚如雨我淚非雨悲豈兒女云胡能然滴滴心膺湖氓蚩蚩念公如父嚴而不苛威而能恕亦復念公如子憶母或楚或讓爰煦爰嫗昧者不知百喙黃鼓事久論定表表益著日俟公起倏爾仙去經春貧病弔不及赴酒不注觴餚不登俎椀翻素花鼎蔓碧縷接武生芻一慟千古

祭上元長官趙紫芝

西陵苕菴之人遙遙西陵瀾瀾之人不歸之人何其雪

調冰度豈無它人盟獨鷗鷺官不稱德德榮其身榮不
療貧假文以鳴不曰種瓜居無一鄧不曰種豆耕無寸
田未就刀圭莫起君死天孫錦裳夜付其子君死不作
我恨弗掩昭昭在茲鑒此匪諂

祭盧玉堂直院

噫蒲江公蚤蜚雋譽頡頑雲霄粵與仲俱翻水文詞九
河倒輸拍肩過秦長揖子虛駿騰渥注翠峙碧梧訪孤
山春濯西子湖起我摧頽偕尋物初一笑分携九華絳

欽定四庫全書

北湖集
卷十

三

惻仲則先之釣天帝居鷗盟在公雁足枉書契濶十年
鵝行峻除復來澗陰策我故吾蓬萊道山夜巖漏徐種
稿賦詩雪枝糝糊黎明繡鞍入承明廬潤色誥盤章明
典謨演雅簡繁命騷有餘用不及大澤不及敷志不及
行蘊不及攄百身莫贖嗚呼天乎

祭神林慧元發

非吾子親非吾子師以警以飭子不我違子質固渾胡
俟我為將子藏怒氣平色怡日俟子成以慰遠期子雖

未成大畧近之子親子師喜動睫眉足以培壅壽焉再
耆前冬沉綿或謂不支亟往視子子起不疑兩年西湖
好音日馳日俟子來竟不我之我去江東子死淞西契
闊死生悠悠我思泣子莫聞酹子莫知念昔語子萬化
指歸了觀化元月印萬池將子無與廩然在茲

祭覺無象以淵清叟配

南北山三天竺禪講之秀
者聞覺無象計音哀金作

供祭之于冷泉之上請余
文以告之令朴翁讀祭文

驚峯全盛之日衲子一世龍門方是時也渥注汗血豈

欽定四庫全書

北湖集
卷十

三

少哉兩公已負駿聲于九方臯之廐矣方佛海佛照對
揚天子之休命則懲風葉擁趺而自求其志諸方葛藤
滋蔓則卷舌冥懷而制乎末流典刑半座冠冕羣英則
不矜不伐以為勵志勉力之方羣飛刺天尋即墜地則
無適無莫而自高歲寒不彫之操固兩公之所同也若
夫奔軼絕塵超途軼轍黜智為愚寓巧于拙豈無象優
于清叟遊戲翰墨藻飾萬象法度謹嚴詞章宏放豈清
叟優于無象于以潤色祖業要未足以盡兩公之蘊百

未一施遽止于斯願力所覃重光叔世則後之建窠勝
幢者舍兩公則誰與

祭羅湖雲卧菴主瑩仲溫雲居老宿聰首座

瑩適
妙喜

悅衆于衡梅馳
侍雪堂于龜峯

淵有珠山有玉華草木媚川谷清明在躬玉韞珠匱矧
二大士並峙芳躅歐阜千仞羅湖一曲影不出山塵不
浣足逾四十年條于轉囑低侯國命高雲漢目漁樵爭
席蘭茝騰謏著書自樂卷舌自默衡陽瘴面雲山短服
眼底江山胸中杼軸物初幽尋象外趣逐遜必自肥謙
必自收長不自有善不自淑妙喜密付雪堂正續尸素
塞路蠡聚螺族典刑在茲不戰而衄

代鄉人祭璉瓊衲

大江以南狂瀾日肆問其津涯罔知攸濟障而東之聊
資一戲時之所慕已則甚恥時之所棄已則為美者五
合陳容千山翠夫何道人相尋于五乳峯前萬杉雲際
開古叢林益侈乎昭陵之賜不動聲色咸自化于顓沛

欽定四庫全書

北湖集
卷十

三

造次酣熙淋漓沛然飽滿不知師者為誰誰為弟子存
乎中形乎外者真實而已薰陶發生春風和氣翩然西
歸此道未墜匡廬之陽兮萬竅畏佳番陽之東兮月透
清泚無乎不在與化終始

祭葛無懷

朴翁

才也不羈命也數奇賦之者天厄之者時騷雅風賦淡
泊是師機警詆譏迅捷倔奇素患難則一眦險夷外形
骸則兩忘是非冠兮裁魏佩兮陸離柳下繫船鷗邊忘
機非蟬蛻于塵埃之表而相索于形骸之外者未之或
知

祭韶維邦

天台擊蒙少林直指染指教外具鼎中味方其學教江
漢淮濟會歸于禪萬殊一揆行天下見尊宿興盡東歸
婆娑天育咫尺故廬不一舉足厥疾弗瘳一笑瞑目死
無可愧生豈不足惟鐵錚錚惟石碌碌

代佛照祭雲莊主

欽定四庫全書

北湖集
卷十

三

變之大莫大乎生死達生死莫大乎空寂學而至空寂則死生之際蛻若露蟬靈學空寂兩忘寂喧即喧而靜心遠地偏方尋訪之南宗北祖擔簦負笈翩然竟去其歸休也東阡西陌嘯月吟風若將終焉折脚鐺中人或罕識鑽頭邊事吾固忘言不負所學高風凜然悠悠我思雲深水寒

祭源上人 鄉人

大江以西支分派別至于東山四分五裂一鼓猓絃衆

欽定四庫全書

北湖集
卷十

三

絃斯絕賞此音者蜀有俊傑蜀哭盡矣遺響頓歇豈無它人奮迅像末為人中龍為星中月倚歟後來不媿前哲弗患不學患不勇決靈則不然油然奮發力挽千乘革此覆轍加以數年拭目超越一日千古我心則折冷泉芳甘蘋蘩豐潔些作楚音慰此永訣

代佛照祭瑤監寺 潮陽人

我念往昔水旱仍歲此大道場洗鉢萬指虛倉枵廩罔知攸濟豈無它人及以近事坐困無策飽飫安睡子則

奮然慨懷陳誼分衛四方鉢歌其綴一葦杭海深入瘴地錫振千門粟移萬里憂凶為豐易歌于砥道者知歸等者蹶起編蒲興動復振歸袂日俟擘音計音鼎至月沉鰥渚雲寒玉几永懷相從南望賈涕

祭昭文錢公 臨終見佛

嗚呼我公歸兮公將焉歸清泰之國在天一涯八德甘芳泠然綠漪瑤肪甃池金沙湧坻水鳥和鳴樹林陸離芬陀利花長鮮不萎一人繫心花開一枝公于是中託

欽定四庫全書

北湖集
卷十

三

上上栖非公等倫姓名弗題芳既騰矣既芳以滋襯步承趾如其所之夷猶徜徉樂且有儀復均此樂將昏拯迷北鬱之南人自嶮巖罔念作狂愈不可醫斷港絕潢知津者誰又將于公先覺是依公其勿忘為大導師

代人祭何康叔

嗟哉蒼蒼主司生人胡不均耶胡不使吾康叔壽而康耶某少寡助內交于兄志合氣同弗啻昆弟博約之益于我何多去年之春掉鞅場屋載賈餘勇一鳴驚人國

子先生擢上上考俊傑如堵爭先快瞻視兄奮亨喜若
已得同歸里閨條以病聞老我家居往訊所苦歸甫閱
月遂以訃聞一再聞之愴恍投杼逮至三四果如初傳頓
足失聲我心則折嗟哉蒼蒼獨靳壽康于斯人也何其
酷耶

祭錢妙明居士

惟靈之生惟一真實一真實外孰非長物本之以朴守
之以質確乎其心可卷非席凜乎其志可轉非石乃于

欽定四庫全書

北湖集
卷十

三

鄉評無意無必而于宗黨非矯非激又于子孫衆多如
一獨于空寂投膠于漆昧者不知謂其佞佛佛不受佞
福豈妄得悠然獨見判然剖析寺起百廢橋飛千尺路
險持平歲凶加恤有餘是損不足是益起以勤勞享以
燕佚白圭之智陶朱之術暗合孫吳不師其跡我萬里
客一笑莫逆胡不百年交臂如失酌此一觴為鄉黨惜
英靈不死爰昭爰格

山門祭吳寺達

十萬買隣古人所願井泉分脉垣隙借光遂令東家不
愧南阮弗起于座安若泰山不揮案示徒而講學肅如
非通難對機而檀施起敬豈雨花動地白石點頭不足
干其思慮而駒駒栩栩無用其心哉夫香積國以香鉢
作佛事益用香積故事也萬事有窮一死無欠我作是
說靈其謂何

山門祭振監寺

惟靈跡羣塵囂心清秋濤興盡月輪名氏自逃盍歸乎
來愈晦愈彰絕聽反聞聲沉響銷于日用中應念頓起
我堂曰願均賢供勞靈栖其間飛來爭高歲寒一枝霜
茁二毛入甘露門自肆老饕萬緣俱休四山次寥逝者
如斯有些可招

代信新戒祭悟侍者

同登師門同尊所聞法惟一味相為弟昆臭味草木博
約禮文道義講明深禪細論十年歲寒晝牕夜燈梅檀
叢林均雨露恩悠悠光陰惜寸及分竭來侍傍席未及

欽定四庫全書

北湖集
卷十

三

溫疾急莫支甚于採焚如可贖今百身可捐不可贖也
遂初反元百骸固亡所亡者存

代下竺印祭上竺珪

靈胡為乎三綱摠持逾二十年厥問四馳又胡為乎老
而不衰擁半千徒風從影隨天台慧命廩乎一絲乃登
雋髦乃振表儀分半榻雲舉以授之有典有則彼將安
歸日就月將冀挺倬奇俾盤石安易累卵危謬我不敏
亦與品題竭來為隣隙光借輝條又去我曾不我知克
繼克承魚網鴻離人亡人得又焉楚為靈胡為乎其來
鑒茲

代祭興上座 鄉人

太白勸遊欲觀凌霄乃于化城一念頓超昔者萬里一
簞一瓢欲就有道洗襟釋意急如救焚喜如聞韶其心
則降其意也消惜哉妙齡條如槁苗秀而不實惟蒼翹
翹念此永別鄉心寂寥孰知此心靈焉孔昭

代人祭印元實 吳寺

先師避席歸休上賞有薦賢之譽老子被命補處成規
如畫一之歌連璧之明罔罔在目斷金之利悠悠同心
杲也晚生日敬執友靈乎崇篤時分隙光方懷好音忽
得凶訃我心則折泣然而永歎曰霽月兮頌團桂零兮
露乾靈一去兮不還猿鳥淒涼兮寥寥空山

代祭前人

於戲靈乎尸乎此山也春江白鷗兮自然相宜洪川之
西烟霏霏雲依依向蒙蒙兮今誰撤之抑山靈得以自

欽定四庫全書

北湖集
卷十

五

私將物各有數兮姑待時錫駐不飛油然發揮勃率兮
伽黎古野兮丰姿巨鏞橫撞兮萬指景隨瀾翻四辯兮
四河渺瀰不起于座兮金碧光陸離茲特緒餘耳終將
觀其大有為胡不期頤兮朝露晞一燈不夜兮懷哉一
變

代祭達首座鄉老人

畢生辦死以至于死了了死生乃不負此此誠何如不
亡不存其去無蒂其來無根公活于此坐而待祭十虛

配食萬象依位風切蘋渚月批雲蘿昨猶可分盃猶可
歌風止月沉四山寂寥罔然心初珠明塵消

祭秀州簡上人湖州選上人

觴有沉豆有蒿些爾簡嘯爾選延與余望促與余展執
御兮忘遠軸折兮輪弗碾焚爾瓚瘞爾璣璣實子有聞兮
又何怨

達首座索生祭文

嘉定十二良月十六靈隱達老宿致雪竇老融所作穀

欽定四庫全書

北湖集
卷十

五

鰥索生祭乃具函牛之鼎奏庖丁之技然東溪之菜煮
北澗之水肆其大嚼盡身前懽慰別後思贄疣其生可
嗤歸根其亡誕詒膠擾乎合離又奚以為是道也謂公
不知謂余不知嗚呼其誰知

祭杲無外講師

下竺元粹直友

友我以正遇我以謹爰及我私以振以警孝其所孝敬
其所敬旦評稱其義友道以其信寧死去食有生必殞
大信既孚風雨不渝損友者三偽飾諂諛鵲鷦畫冥自

盲自愚靈欲正之瞑眩取疎畧弄文綉馬牛衿裾永懷
高標一龍一豬

祭起老宿

富陽人

諸方說禪靈獨種田諸方角逐靈事退縮人皆逸豫靈
不尸素八十有三雲間一龕幢幢水雲自北自南揭厲
玄旨密機飽語昨非旋除老夢更酣萬籟號風孤蟾印
潭了了生死以酬罷參采采澗蘋擷芳薦甘

祭勤淨頭

通泉

欽定四庫全書

北湖集
卷十

五

惟靈欲步大方以稅其駕太白之陽萬機休罷彼上人
者或怒或罵直行徑前縱奪陵跨忘言而領與之俱化
嫉者或衆識者蓋寡寓以持淨而正用舍臨機專對如
遠侍者如顯淨頭寓北山下移錫冷泉閱秋徂夏了本
無生分瞑為夜我思古人悠悠並駕

祭圭侍者

圭羅漢通泉

沉然而方剛專靜而明偉似不能言言輒可紀初友萬
杉借一鉏地雙劍五乳相高寒翠主賓道同密契針水

由吳遙越閱兩暑寒培塿賈山問津冷泉一疾弗支條
如蛻蟬於戲圓悟不作凡菴已矣晤堂別峯化門既啟
餘波未流無所不至秋池之蛙遂當兩部鼓吹靈其再
來任此重寄

祭雪溪臯老

直節介持如竹不倚與猶俱生不與俱死雖霜不著擬
停紫鸞翔蜚啾啾鬧叢薄間遂將此耳往雪溪洗亦復
小住牛刀初試鷄肋之微全力弗棄別峯故廬蒲田可

欽定四庫全書

北磻集
卷十

三

鉏舊榻解懸滿榻梵書翳我頽墮身外慵課不扶不携
使爾叢脞燕雀風高陸繞須臾風乎不來婁棄路隅人
曰爾已我謂未已凌霄巍巍瞰暮山紫

祭魏鶴山

天之降才生民所繫以其所餘為用于世公生人間鳳
凰匪瑞况復芝草明月火齊品有定價不足酬貴峨岷
之秀河嶽之氣蚤蜚華問震天下士聞輒意消見輒心
死校書天祿咸問奇字西蜀旌旄令負弩矢逮于更化

表表愈偉簪不小低望蓋峻峙絳灌斗筭交口讒詛不
獨不用抑又棄置清流之賴潛涕交泚諸老日零僕東
山起如魯靈光此若不倚騎箕而上天弗勲遺官隨身
殞不殞名氏青史芬芳終古不墜

空聖子哀辭

并引

新安空聖子個儻有大志喜勝已者雖年小事
之謹老叢林有從上爪牙先佛照愛之重之橘
洲中飛語故舊匿影公毅然奔走借援于大綱

欽定四庫全書

北磻集
卷十

三

紳諸老避之余亦避之辭曰

可忘者年不可忘者言可勝者人不可勝者天交以此
道匪自棄焉我方耕于委羽寬閒之野兄則峙兩化城
于阿蒙宿兵之地而丹明堊鮮單食豆羹酣嘻沛然不
作不食彛訓在前寧即鬼羣耻加素餐視貨殖而傲岸
嗟幾何非乞墻志尚與我同兮防愈決而愈堅兄死行
殯彼生骨殘贖可百身吾身可捐不可贖兮淚交泫潜
我哀不聲兄聽不遷

下竺印哀辭 并引

盛世苦心如公者或寡矣貧而游學隙光席地
汗牛充棟反覆沉潜肯綮素然吾方發硎不則
如求亡子如喪考妣百花成蜜味中邊甜豈獨
忘言亦復忘意通宗極九難則疾風敗葦虛堂
得不前席感般若寂寥則奔川渴驥解空得不
奠枕起廢住山召動九重以境攝心觀開九品
無生可樂有死無憾哀勝幢之將仆系之以辭

欽定四庫全書

北湖集
卷十

辭曰

旦講兮花飛暝講兮雨新換菱一去兮弗言歸優曇間
寥兮芬陀淒其天台正續如一髮引千鈞未即斷者幾
何措之于泰山盤石兮具誰振之豈無他人未若靈之
簡繁撮要兮單拈徑提於戲噫嘻靈山儼然絲毫不移
詎知夫塔中兩雄與諸分身僉曰是真精進是真真法
供養如來者舍靈其誰

吊池陽郡博盧蒲江喪耦與女

池陽郡博蒲江盧申之室人與女之喪也或以韓愈用
魚子細腰鵠象蜺蛇已孟東野失子之戚而已蒲江之
悲韓愈之說行吾怨赤子不得養于其父母矣雖然能
不悲乎悲而不知止非中也要歸其中而已作而吊之
曰謂生可一兮生則萬殊謂其萬殊兮死同一趙胡壽
天之不齊兮夫人所以籲天長號而疾呼彭不貸殤鶴
不續鳧吁其來也久矣將安悲乎

招魂 并引

欽定四庫全書

北湖集
卷十

四十一

招魂楚俗也天長右統軍吳從龍陷賊賊偉其
勇釋縛而使喻泰降至則囑泰堅壁而死于賊
吳之中表韓應祥慷慨三招其魂使余為之辭
辭曰

扁鵲兮失常鋒鏑兮濫觴遜入兮驚翔跨青齊兮距張
拊海泗兮扼吭既反噬而陸梁恩懷柔而需雲冀小寤
具醒狂厥類愈其大唐陽貢琛而偃蹇陰欲徇于真陽
狼烽直兮地近鐵城橫兮天長真將軍兮貌視控三面

兮獨當榮華冠之素蘊雖六奇而可稍嗟眾寡之不競
聯逸響于解陽死雖死而弗亡盍歸來兮故鄉

海陵兮重圍街故兮疾馳令兮吾誰違死有所兮得之
忠以義持援不我支弦開空卷馬蹄不飛忍死兮詭隨
登樓車兮反詞大勇兮死弗移彼不乏與數奇洎鼃
兮乳羝斫頭便斫頭兮何怒為齧穿爪透兮氣廩而將
軍兮孰分等夷魂兮安之歆余招兮來歸

天險兮濤山高一衣帶兮百虎牢湔湔兮東之孰漸兮

欽定四庫全書

北湖集
卷十

四十一

腥臊積骸兮山白醺血兮原赤鬼餒兮暗暗人眩兮岑
岑鬼兮無人祀人瘡兮詈鬼野迥兮不耕望秋兮無穗
盍歸乎來兮古登陸之大邦潮打城兮流瀧雪漱澗兮三
江雲帽岑兮蒿草石玲瓏兮四窻海物貢兮品夥海塗
穰兮歲康鄰用情兮浹洽俗好古兮厚龐故廬兮在其
下音葉落花開兮朝暮

智門能禪師哀辭

并引

公與松原岳公同參密菴而嗣岳或以大瀉之

于翠巖已菴之于大悲為之說公輒掩耳出世
後提倡十非分座時吾哀之為之辭辭曰

發足兮銅梁觀方兮不知方觀方兮知方跨九州兮不
越乎銅梁飄零匆匆半生轉蓬可友者親可媿者攻視
百世之上百世之下佛祖心之所同兮理之所同劍池
兮驚山頂萬象兮清涵兩鏡造詣兮深穩碧落碑兮無
假本心兮密傳意兮在弦條兮冷然覺後覺兮孰為乎
先雲蜚兮水回淵蕙悵淒涼兮嗟援

欽定四庫全書

北湖集
卷十

四十二



北碕集卷十

一滴草

明・高泉
撰

一滴草詳目

卷一

詩偈

再過山菴 山行遇梅道士
酬人贈竹杖 秋夜吟
謝人惠硯 虎谿三笑圖
贈律師 雨夜集仁兄山房
贈李道士 石鼓道中
玉笏石 春夜會諸禪客
雨中梅花 題畫竹 出遊
懷衍師兄 題畫梅
江上閒吟和熙公韻
弘上人回江西省親 畫松
月下試茗 狀元榕
重過松嶺問松 題宜獨臺
江頭坐夜
龍江夜泛 重至青山巖
十四夜月
瞻相國葉文忠公銅像
贈人卓菴 懷東湖吳詩伯
石門菴 贈幻道人
浙上人回山 白鷺
八哥立枯木上
住菴寄王秀才 瓶蘭

竹雀 畫屏 翠竹菴
梅花菴 問上人還鄉次韻
希夷睡圖
永夫人持法華 冬至
山居 觀感 讀道德經
題畫卷送友歸晦翁巖
題雪江圖 畫梅 畫竹
龍虎二首 瑞品禮石彌勒
游紫薇菴 水仙花
題竹菴 梅月 獅子
四景圖二首 出獵圖
題黃氏別業 獅巖石壁榕
古松林 九日聞鶯 鹿
畫梅 周子讀書山樓
題釣魚圖 九日有懷
燈花 臨江樓 送僧省師
贈看病僧 題石孟
野步少憩梅花下 十春吟
贈人隱居 聞花香
春夜聽雨
如初侍者還夕陽山
讀天童寺志 讀普陀山志
懷友
讀中峰國師廣錄二首
暮春 花竹 有感
雨後聞鶯 琉璃燈

畫彌猴 題畫魚
燈下讀白雲詩
炭二首 灰 靈照
次韻江太守見寄 虎
警世 平灘曉望
和檢書得乾蝴蝶
送僧省親
秋夜懷紫雲舊友
衡舍人讀書西院
對竹 偶書 畫馬 風蘭
風竹 白牡丹 石竹山
龍峰巖八月梅花
次韻山行 蘭石
玉融阻雨 槩山偶詠
喜即非和尚至自雪峰
爲蓮花菴募供
夢遊喝水岩 重過湖心寺
山行歸憩水月菴
同照和尚巖房夜話
次韻雨餘聞笛 泛艇
漫興 示重上人
示徒道式
喜惟易姪至自西來
月下小溪問梅 題遠天居
國歡萬壽寺 竹鷄 竹菴
贈人誦法華 獅岩文殊院

卷二

詩偈

登遼天居 梅鵲 獅子
題松泉圖 題畫瓜 夜坐
補山全繼師聽雨 題畫瀑
贈釣叟

黃檗山 題畫蘭

客窗寒夜聞笛

悼月窗僧者

水月菴 早梅 答客 夜話

一源 暮春 和十春吟

月夜訪友 題竹菴

吸江菴 題西川詩卷

竹筧 花缸 松床

葵扇 題鼓山涌泉寺

訪古看法兄於香城

如意 問雲 過龍江

千僧井 獨桑鼓

送僧禮觀音 書所見

清聽軒

十五夜坐月懷清法兄

聞桂

戒點燈 示客 詠桂

漢董奉 羅真人

冬至夜得日本衍師兄書

靈峰寺病中 四皓圖

瀟湘圖 衲衣 蒲鞋

訪林秀才於梅花菴次韻

清斯兄再參黃檗

江郎石 示徒 題山菴

示僧寫經 贈黃石浦舍人

林公讀書梅菴賦贈

寄日東諸兄 瑞應吟

慰人失子 次韻 題畫

寒夜得友書 山謠

送人游九鯉湖

登仙邑金剛山

青山巖絕頂 擬寒山

閑詠次韻 示元桂夫人

戒殺 靈芝如意 小桃源

指月堂與淵公夜話

贈生公關主

蘭窗夫人薦偈 題畫屏

白警五首 指月 募僧糧

化龍燈 庭松

送僧住菴 鼓山絕頂 示客

宿鏡菴次蓮峰和尚韻

題起雲軒

獅子菴值雨刻韻

蓮華峰作 觀音竹

天柱峰 贈醫者

王大允兄弟過訪 題畫蓮

墨菊 方丈盆菊

寄贈安南范贊公七十壽

答清斯兄見寄

讀韋應物詠夜詩因倚韻和

之

和檢書得乾蝴蝶

王夫人修淨業 一線天

登鼓山岩前峯

題林長公書舍

寄懷繼禪師

僧失袈裟書示

流花徑 送僧住官寺

贈某律師 野步

羽士 尋僧不遇 弔某仙

題畫 白菊

客中送潛公省親

遊獅子菴 寄李道士

題山寺

次韻秋日晚眺

酬仁法兄贈主文 暑雨

次韻題山菴 寒夜

卷三

詩偈

梅 客中寄天峰姪

次韻謝人送硯 謝人惠墨

再題流花徑 木屋 飛魚

留別諸同參 虎溪三笑

臨行示徒 觀庭梅

閑中寫懷 偶作

江頭晚望懷師兼寄可達諸

子

懷吳詩伯 貧僧

月下王仲步書至

熊舍人歸涇陽

中元日即大師薦佛父母併

予考妣於聖壽山謝以詩

雨中賜紫岫長老見過

二十二義士塚

送林茂才還鄉

漁樵問答圖 栽葡萄

曉起 題人幽居

奉祝老和尚七十次韻

示鏡禪人 贈政翁太守

遊清水寺次韻 老僧

春日道中 自嘲

娛老堂弔茂處士

送本禪友回里省母 慈烏

客中寄友

遊分紫山房贈謙師

贈無瑕禪友血書千佛名經

贈龍長老 偶題

訪友不遇 次韻偶成

九日同諸兄登妙高峰

中秋步韻 山中答輝兄

謝千和尚惠茶

秋日觀紫薇花 偶詠

贈石禪人 悼三義士

似勇品居士 雪彌勒

對雪 送無上兄入塔

得摩耶山書卻寄

贈石典賓 贈無心兄

寄炤姪病中 與諸兄話舊

友至 花朝坐雨

送客阻雨 賀龍長老受囑

月夜亭中步老和尚韻

有感寄林和尚

示放禪人 示白上人

有感 贈空大師 紀夢

東福寺禮無準和尚像

詠菊次木和尚韻

鶴禪客至

閨老空印大居士捨黃金千

顆

寄黃文學

和人樓頭夜坐

贈景公堂主 偶成

上元日上旨請老和尚開堂

坐雨次韻

東輿菴訪拙公遇雪

贈亮飯頭 示室禪人

贈瑞兄侍雪峰和尚

贈林居士

寄贈陳山人七十壽

梅神童呈詩賦示 夜話

贈馬道人

弟子輩以西城木造老和尚

法像竣工于仲冬大誕之

辰刻韻

老和尚壽藏次木師韻

詠竹中桂

哭徑山費老和尚

五畿道中

送龍禪師之江陵

洛陽道中 雪中晚望

除夕立春 元旦

新正木和尚至次韻

燈宵坐雨

次韻贈栢品禪師

雷洲子血書金剛經薦文壽

母

先嚴慈諱日書懷

桑名曉發

歲暮酬岳和尚惠茶餅 賑貧

悼林月樵居士

卷四

示徒石峰血書法華報親

與孤月居士 心公奔母喪

月夜憶吳詩伯 題人書室

德岩居士乞偈 贈谷上人

贈林梅庵 雪中即景

爲風丞相題龍虎圖

同諸兄夜話

纓餘集自序

觀音大士三十二應圖序

松泉集序

遊呂洞記 舍利記

遊桃花坪記 遊獅子巖記

遊釣龍臺記

紀夢 鳥外軒記

黃檗受業師時默和尚宓公行

業記

跋遺教經

跋徑山費老和尚遺墨

跋血書金剛經

跋天峰姪詩集後

張卽之金剛經跋

跋松泉詩集 跋蘭亭詩卷

與吳龍浦居士書

與友書 與劔文禪友書

與良明法兄書

復衍師兄書

與獨往子書 與幢峰隱公書

與天峰姪書 復清法兄書

候佛日和尙書

候卽非和尚啓

侯古門和尚啓

夏鰲江諸護法啓

請雲崖禪師住西來啓

祭師文 祭時學和尚文

華嚴道人傳

知闍梨傳

明三山陳孝女傳 座右銘

鐘銘 硯銘 拂子銘

同心石銘 主丈銘 紫石銘

玉硯銘 水雲石銘

木根如意銘 長明庵銘并序

古硯銘并序

某公蓄白石硯一枚狀若蟾蜍

來謁銘銘曰

笛銘 地藏菩薩讚

半身達磨讚 臨濟大師讚

智者大師讚 化身慈氏讚

楚石琦和尚眞讚

布衲雍禪師讚

跋

貞享丁卯宋季燦

新刊一滴卮

雒陽書肆文華軒藏版



一滴艸敘

鳩毒一滴。斷人命根。醍醐一滴。活人性命。倘遇非器。而不善用。縱上味亦能誤人。可不慎歟。高泉禪師乃黃檗慧和尚之嗣。童真入道。負清淨器。貯曹谿一滴。于妙齡之年。他日霈之爲

一滴艸敘

一

霖爲雨。益未可量也。禪暇喜作詩偈。不覺盈帙。自鳴其集曰。一滴意。謂文字之於吾道。猶一滴投于巨海。視彼河伯。自多於水。不復知有百谷王者。爲何如哉。辛丑夏。不憚涉萬里鯨濤。省觀師翁。道由崎嶇。首謁余于聖壽

山中。闊別十載。相見如隔生。意外雲合。道聚月餘。將別。太出是集。請益丐一言爲證。余因是而讀之。其言澹而旨遠。如激川逶迤。而無怒奔之狀。非涵養之功。烏能至是。雖未盡其餘。然嘗潮一滴。味具百川。舌頭具眼者。必

一滴艸敘

一

有取焉。是爲敘

雪峰頭陀一卽非書于聖壽山

方丈



一滴冊目錄

卷首序

卷第一

詩偈

卷第二

詩偈

卷第三

詩偈

卷第四

序

記

跋

書

啓

祭文 傳 銘 贊

高泉禪師一滴冊卷第一

門弟子 衛行 編錄

詩偈

再過山菴

道人措置多清素竹作禪齋松作戶久不拔雲來款

關鮮花綠徧門前路

山行遇梅道士

谿山隨處開登遊喜值黃冠談緩頰羽童愛客事烹

煎忙把霜筠埽松鬚

酬人贈竹枝

高泉禪師一滴冊卷第一

一

夜出叩山稱妙絕通身猶抱煙霜節只宜敲雪挂梅

花猶可挑雲撥禹穴

秋夜吟

室掩簾帷窗漏月紙龕未寢坐兀兀蛩聲和露到天

明熾說無生無間歇

謝人惠硯

有客方外來惠我佳山石端然體自方不假刀斧開

潔比道人心堅可同金鑿毛生與墨卿從此樂晨夕

虎谿三笑圖

送客過谿橋嗚然同拊掌曉知好事人圖入霜縑上

贈律師

萬空三籍精律學慧刀發劖露鋒鏑想見登壇講說
皆仁拈麈尾雙峰落

雨夜集仁兄山房

燒燈者名集芝室雨過猶聞簷溜滴夜半吟成沒字
詩不煩別駕潛題壁

贈李道士

羽客自何來蓬頭衣薜荔抱琴石上彈忘卻人間世
石鼓道中

偶欲訪名山歌笠踏花太僧問山之巔指點雲飛處

玉笏石

卓然石一枚誰與名玉笏鎮日付雲囊不把朝金闕

春夜會諸禪客

山中夜靜會玄侶雲腳半瓢和月煮說法戲然知不
知東風滿院花無語

雨中梅花

久待梅不開開則臨風雨往往大賢人不遇亦如此
題畫竹

誰寫碧琅玕瑩然無瑕翳看看尺許高卻有千丈勢
出遊

懷衍師兄

病骨下階輕呼節今日好山童門外來報道饒藥師

題畫梅

山遠與君別空留雲外色在對春山時便以愁相憶
每從花下留不本為愛梅花無與語屏上何人圖一
株瘦如唐島清吟處

江上閒吟和熙公韻

遠公無意下廬阜偶向江頭宿神堂十一分閒消不
盡咲看稚子戲滄浪

弘上人回江西省親

別省親暉不敢畱遲君歸策在新秋慨余無物堪相
贈聊借春風送太舟

畫松

數株懸屋裏屋裏即山林偃蹇此形瘦影淡色淡
枝低疑可折風弄欲成音何異真松樹唯無托宿禽

月下試茗

玉蟾飛影上雲東肯把幽香試晚風胸次不知寬幾
許等閑吸卻廣寒宮

狀元榕並序

曩予少時嘗遊仙邑之龍華寺寺之左有

榕長自隋朝大可數十圍高不及百尺其腹
杳然中包一樟樹枝葉繁茂陰數畝地號狀
元榕以先朝時曾經殿試首選天子召對問
姓名卿貫答以姓章名榕家在仙鄉龍李及
報捷竟不獲其人報者至此忽綵絳自飛上
樹眾誅久之乃知其樹靈也夫樹靈者何益
一等讀書士子不得志而死特附此以顯其
才耳

煙霞飽歷多年霜雪難凋初志心空才大文奇應得
狀元及第

差彼讀書士子磨穿鐵硯無休一段英雄不化形
獨占鰲頭

重過松嶺問松

松嶺曾過已十秋今來還再嶺頭遊經過樹下人多
少認得山僧一杖不

題宜獨臺

踞斷谿山空有我更名宜獨意如何時於臺上聊容
膝頰首偏嫌一影多

江頭坐夜

浪花萬頃吼如雷竹戶寥寥鎖夜開幾度坐放更欲

盡打漁船向月中來

龍江夜泛

龍江萬頃風清夜水面無痕一鑑開時向江心閒載
月那知身世是蓬萊

重至青山巖

客林缺處見茅亭二逕橫斜繞石屏春不世情留客
暖山其有骨待余青

十四夜月

銀漢無雲涌玉盤風簷坐久覺衣寒真堪此句
缺正好凭欄子細看

瞻相國葉文忠公銅像

公是裴休第二身不忌黃鸞舊報辛卻將護國扶僧
力化作銅軀鐵骨人能使家邦儒者立直教祖席煥
然新兩肩儒佛全擔荷豈比尋常一个臣

贈人臬菴

道人智力深發用異當今本是荊榛地翻爲蒼筤
雲橫開面牒水動奏瑤琴況在群峰頂安禪足賞心
懷東湖吳詩伯

我邑有高士姓名人少識如陶侃獨飲詩愛陶標
詩債富不欠書淫病亦貪幾回還遇我名姓痛交談

石門菴

新葺茅菴趣不同到門危徑俗溪通春牕鳥說千般
話夜寂松號萬竅風絕頂有天空我問下方無路在
雲封人間秦楚何須論今古都成一夢中

贈幻道人

短髮蒲鞋意氣多天生道骨臥煙蘿寬虛自有松筠
在性逸何妨麋鹿過何石看雲頻嘯傲臨流擁膝且
行歌由來身世皆虛幻遮莫溪山爛斧柯

浙上人回山

要學單傳直指禪分明只在脚跟邊擬心便向腳邊

夏元鼎師一清州卷第一

六

竟又隔程途萬八千

白鷺

青艸綠荷水淺深雙雙屬玉似閑心衝開碧沼分明
見蜚入蘆花無處尋

八哥立枯木上

不同群鳥鈍無知舌乃心聰語亦奇慎勿隨風輕鼓
翼千年喬木好栖遲

住菴寄王秀才

茅廬依樹穩清致報君聞愛月刪新竹隣山掃白雲

擬蘭

秀葉胸中發幽花筆底開一壺春不盡持供活如來

竹雀

何來雙小鳥無語似知音不遂鶯花去長栖君子林

画屏

寒光雙眼碧人戶亦林丘山色非于雨花容不減秋

翠竹菴

輕風款款度淇園邀月空塔靜與論徑窈何妨梧客
到枝高暫且爲雲吞一塵不動音生揚萬籟無聲影
在門緬想七賢雖去遠尚餘清氣滿乾坤

梅花菴

夏元鼎師一清州卷第一

二

槿籬久葺紫雲端人世從教歲月閑林靜時聞翻墜
葉潭空登磴落層瀉每經夜雪冬溪後喜見梅花骨
不寒有客扣門聲剝啄錯疑歸鶴啄琅玕

問上人還鄉次韻

子去家山上誰爲伴夜參香溫浮石鼎雲薄護花龕
遠嶂清雷碧牕川淺帶藍此時無限意白紙好封三

希夷睡圖 有序

先生出亳州真源陳氏名傳字圖南號扶耜
子常開門臥累月不起有一異人聽其息聲
以黑筆記之滿紙糊塗莫辨客怪而問之其

人曰此先生華胥調混沌諸也一日乘驢遊
華陰聞宋太祖登極拍掌大笑曰天下自此
定矣太宗賜號希夷先生年一百一十八歲
好事者圖其狀來覓詩作此

天地爲衾枕軒軒展足眠華胥調混沌未易諧中傳
先生非好睡無事可懷疑一笑定天下華陰驢背

永夫人持法華

佛本雖無盡歸源總不差此心如不染大地是蓮華

冬至

永消斷岸日添線梅破寒梢鳥囀聲不是山中風景

換昨宵地底一陽生

山居

雲林深處到人稀不盡襟懷許孰依徑竹有聲風力
健嶺梅無色雪花微紙窗夢破侵斜月庭樹猶疑樹
落暉閑了床頭經數帙坐淡忘卻掩荆扉

觀感

觀物誠能感我中使人蠹惑定難容女羅將謂柔無
力縛殺蒼蒼百尺松

讀道德經

曾聞至道體冲虛才涉名言與道疎但見五千無一

宇日譚四庫亦如如

題畫卷送友歸海翁巖

曉霽江皋野色濃閒移野艇信回風迎入孤塔來波
樹出鳥高亭立遠峰幾日遊情應自識滿懷歸興許
誰通何當亦得乘舟去共向岩頭手海翁

題雪江圖

朔風一夜凍泉聲曉起蒼波寂不驚岸遠板橋人跡
斷天低艸嶼雪痕平幾株老木三冬意萬頃江獨
釣情回望長坡空渺渺短亭無路待誰行

畫梅

庚嶺舊花魁別從筆底開竟年春不改宜供肉如來

回竹

與來樵斧寫出此君真有節干雲漢無心入世塵

龍虎二首

頭角崢嶸久風雲正會從好爲霖雨去休臥水晶宮
肉醉多時也翻身出窟行鼓牙時一嘯凜凜烈風生

瑞崑禮石彌勒

邑中林侍御有天然色相四字

鳥吟初日露花圓隱隱招提入樹煙忽見林邊鏡瑞
氣仰瞻色相信天然布囊倚倦留雲跡屢穿殘上
薛錢卽此便成梵率界優游坐臥不知年

游紫薇菴

竹屋波開，簇紫薇夜牖，牛斗一牕。圖長雷碧，卅鹿來慣，不種繁花。蝶到稀興發，每攜履自往。倦來偏喚，鶴公歸隔林何處，微風動滿路，秋香點客衣。

水仙花

清風皓月滿滄浪，欣見冰肌弄雪香。半點塵埃渾不染，水中應得作仙王。

題竹菴

一群躑躅石於菴上，有梅花照雪廬。此外交參更何物，萬身尊者甚清癯。

梅月

月到梅花上，梅橫月影間。通仙如得見，不復戀孤山。

獅子

妖狐得志日，野干亂鳴時。幸有青猊在，聞風嚇殺伊。

四景圖二首

燒痕初轉綠，寒谷喜春暉。野客遊未已，薰風送馬歸。月明孤枕畔，方聽雁鶩音。不覺開蓬戶，庭前雪許深。

出獵圖

大丈夫兒氣，似焚林兮飛騎。類從軍若從馬，程菴前過一箭放，射一群。

題黃氏別業

別業新開，倚北垞曲欄十二，客初經夜牖。浣月雙池碧，曉露梳雲萬樹青。春老空墀，留鶴跡煙輕。疎柳引鶯，翩幽光四壁明。如許能使遊人耳目醒。

獅巖石壁榕

百年孤挺間，爲誰曲曲盤根。壓石危曉起，濤飛天一嘯。夜牖雲斂，月千枝卻憐岩靜。含春冷猶訝林陰障日遲。今古峰頭客，不改應知多見太平時。

古松林

寒濤百畝響，時時赤日行天。午不知濟祖當年親手。

種至今千古陰無遺。

九日聞鶯

池荷落盡菊花鮮，客裡逢君憶往年。忽聽鶯聲林外轉，卻疑猶是孟春天。

鹿

斑毛脩角慣開眠，飢即食草渴飲泉。壽至千羊長不老，故應人號獸中仙。

畫梅

誰握華光筆，描來玉骨新。枝頭寒旭上，併作一壺春。同子讀書山樓。

閉門應自識，况復謝時情。暢以文章美，兼之禮節清。
奇方因病檢，苦茗帶雲烹。片念秋同濤，何妨世態更。

題釣魚圖

一艇汎滄浪，扶節步岸傍。笑看垂釣者，想是謝三郎。

九日有懷

翩翩雁影逐風斜，誰把幽情到菊花。卻喜登山攜酒
展何須戴酒，問陶家峰前落葉傾。秋露橋畔丹楓醉，
曉霞詩瑟那堪傷。此日弟兄千里思，無涯。

燈花

別藏春色銀缸裏，獨倚寒窗向夜開。幻帶何曾法雨，

言長軍市二首中次第一

一二

露芳能自不假栽培，香空豈入狂蜂想。影發潭無礙，
蝶來有約昨宵人。未到佳期每欲指，君猜。

臨江樓

過橋山色分青隔，岸漁家隱樹長。半回閣臨江竟日，
行人爭渡。

送僧省師

客路幾經勞碌，家山依舊長。盡古佛放光，同願那肯
休道無靈。

贈看病僧

藥銚風爐用，不猜諾迦佳。久轉生慈福田，八種能。

晉可是後身悟國師。

題石孟

一口誰擎，置此山當羊。應使未曾還，夜來休向潭中
洗。恐動蒼龍夢，不聞。

野步少憩梅花下

偶向花邊倚石牀，煙消日暖午風涼。枝頭吹落梅花
片，着我禪袍片片香。

十春吟

才聞春去，又春來。試把春詩行細數，一刻春宵應
惜十分春。色會成灰，春無厚薄均。而徧春，每陰晴掩。

言長軍市二首中次第一

一二

復開，獨許春雲春睡穩。不過春岫落塵埃。

贈人隱居

利名忙殺聰明士，若箇如君隱。卿廬不坐，枯禪不讀
史。獨消天樂獨，閑居松風溪月賣。無價野蕺山泉，
有餘苔色未容展齒破。誰傳門外有陶潛。

聞花香

花雲無數結奇光，釀作如來知見香。散入林間通鼻
觀，拈檀薈蔔價難償。

春夜聽雨

一宵窗外和風至，就畔聲聲聽。不遺憶昔少年貪睡。

美盆傾夜雨罕曾知

如初侍者還夕陽山

駕隻藤條當鐵船梢頭急把莫遲延更須別具頂門眼許見夕陽鼻半邊

讀天童寺志

太白名山余未到肇興西晉願嘗聞至今七十餘宗匠代爲蒼生布法雲

讀普陀山志

數聲鐘磬出琳宮百岫松杉動午風時把補陀山志讀身心都在寶巖中

懷友

松窗竹几每同居一別經今十載餘家話滿懷將告訴恨無黃耳可傳書

讀中峰國師廣錄二首

春靜禪餘茶吸罷茶披廣錄消清暇有如身展羯羅宮縱目所觀皆無價

一國之師眞父母千言萬語開聲聲此書入入在人間吾保宗風未掃土

暮春

拂拂暄風度柳堤亂山凝碧日沉西野禽似怨春歸

去飛入花間口管啼

花竹

幾竿脩竹連雲綠一樹新花映日紅個是蓬萊春不老是誰移到畫圖中

有感

今時佛法寂堪憐碎破簷前龜亦說禪更過二三十載後老胡無處哭蒼天

雨後聞鶯

兩兩商庚喚柳陰聲聲宛轉欲誰聽夜來一雨無高下染徧郊原一樣青

琉璃燈

紺宇沈沈漏正長誰懸二盞上雕梁渾無熾焰分塵世獨有丹心對古皇圓若摩尼含夜月紅於國蔭映初陽由來表裏皆瑩徹不點蘭膏亦有光

回欄猴

若箇寫王孫幽姿妙莫言身栖喬木上心在六花村

題画魚

無邊水國蓄此金鱗阿香一震破浪騰身

燈下讀白雲詩

我愛白雲詩詩中意趣奇長宵無事處孤枕未眠時

展卷玩無已，挑燈讀不疲。簷前雲解曉，聽盡月痕移。

炭二首

通身銷落黑，如漆知汝。曾經煅煉來，若向山僧爐下過，更教方寸亦成灰。

莫言英氣息如灰，正是叢林不朽材。煉得餘餘成鐵，概任人持去煉群才。

灰

已向紅爐驗一回，且隨平白地中堆。傍人指點休嫌冷，冷處原從熱處來。

靈照

漏籃無底貯，盡虛空。若人不薦問取，鹿公。

次韻江太守見寄

紫芝眉宇雖難覩，早有聲華布大邦。才德兩優時第一，詩文兼善世無雙。幾番各句操毛穎，何日值談坐竹窻。幸有桂章煩寄我，信知胸次蘊千江。

虎

肉醉齒阿睡正醺，殘雲宿霧掩全文。忽然出窟嘯裂石，嚇殺平原狸兔群。

警世

富貴功名水上漚，人生逐逐欲奚求。未滿頭白髮猶忘。

返直到黃泉，尚未休。心裏生心心不死，安中轉安安。還悠請看多少，腰金玉終入荒郊土一杯。

平難曉望

何來野鳥喚初暾，遙聽聲聲過海門。驚風波心白一點，山橫天末綠成痕。長雲歷亂風來往，遠島存忘水吐吞。自咲孤蓬身不繫，逍遙隨處是乾坤。

和檢書得乾蝴蝶

栩栩翩翩頗自怡，繡裙霓袖忽殘時。許多春意歸何處，一點芳心冷可知。花下有身曾作夢，人間無地可容疑。暫埋翰墨林中去，免墜尋常花柳枝。

送僧省親

爲省雙親乞假，買舟載月歸鄉。料想家山深處依然松竹青蒼。

秋夜懷紫雲舊友

最影林泉久，人情倦應酬。只緣思益友，因以詠新秋。夜寂蛩鳴砌，詩成雨滿樓。那能閒理象，共入紫雲遊。

衡舍人讀書西院

欲逃醉夢鶯花態，負笈從師借艸菴。每將今古論垂頭，細與聖賢譚夜經。寂寞君奚獨，月與文章友。共三几，破直教如願，長風九萬定爲南。

對竹

蕭蕭雙徑竹清致絕難忘不止醫人俗兼能助暑涼
拂雲支既秀憂玉韻猶長料想成林日應多集鳳皇

偶書

居家忤逆爹娘出俗毀譽師友一朝死見閻君背後
倒拖掃帚

画馬

誰師韓幹作此飛黃儼如渥水天降星房

風蘭

幽谷冷相依芳香獨秘時春風不珍重逗漏與人知

五言長律一首第六卷一

一八

風竹

尊者骨清癯骨癯清有餘天風來借問隨意說真如

白牡丹

花中自昔品爲王不辭屠繭色似霜妃子當時能顧
盼更何魏紫與姚黃

石竹山

日裏搜奇趣不窮岩崖怪石碧玲瓏只言靈境居塵
外誰問蓬萊與世空斷碣猶餘千古字空花冷笑四
時紅微茫仙閣飛雲表俯看大千一芥中

龍峰巖八月梅花

洞壑無人鎖綠苔奇葩異木滿臺曾云天不私於

物底事秋能偏到梅瑟瑟一時方剝落剛剛八月恣
頻開爲予寄語林逋輩何待冬淡始看來

次韻山行

停杖遙看雁陣隔橋細聽松風路徧谿頭谿尾探殘
山北山東

黏屐常多蒼蘚襲衣宜有香風崖畔蓓花歷落谷中
流水丁東

蘭石

寫蘭兼寫石董意亦何長石比道人骨蘭稱王者香

五言長律一首第六卷一

一八

玉融阻雨

敢云以雨翻成勝身靜何如在萬峯檐外梅殘難索
咲塔前雲落不知重自應隨處堪吟賞誰曰遊情亦
淡濃最喜王人能款客瓦爐煮雪漫燎松

樂山偶詠

琅玕倒握掃晴嵐風定天光萬象函玉削好峰毒六
六鏡磨沈水碧三三時長松下聊閒坐有老鶴來伴
笑談細想古今塵世事人心莫探竟如潭

喜即非和尚至自雪峰

蓮華菴作
携得千竿雪蓮花頂上分將何爲法供崑崙石與松雲

爲蓮花菴募供

上方香積冷如灰，願望維摩滿盃回。盆子無心須托出，蓮花頂供活如來。

夢遊喝水岩分序

石鼓喝水巖，晏國師常坐禪于此。因一喝爲之倒流，竊雅慕焉，未能遊也。一夜夢遊其間，層層錯落，拂拂飛動，四無人聲，口與心語，既覺索筆亟追所思。

少小曾聞此地名，無端游興夢中生。師初坐處神能寂，我未看來水自清。水不亂禪，何用喝禪無礙水。豈

妨嗎只因歸，混羣流去直對岩頭發一聲。

重過湖心寺

昔年載筆過湖濱，此日重來愈可人。宜雨宜晴波上艇，似溪似淺客中春。當窗柳色含煙淨，隔岸山容到闌新。因憶華亭當日事，水居偏得自怡神。

山行歸憩水月菴

春遊展倦踏晴霞，歸望山菴入路賒。一片香雲白不散，到門認得是梨花。

同照和尚巖房夜話

弟兄相聚豈尋常，一朵青燈一竹床。話到理窮言盡

處，蕭蕭簷雨滴堪長。

幾樹庭花夜雨濃，數聲烟磬動微風。自非忘寵忘名者，誰肯相求寂寞中。

次韻雨餘聞笛

樹林嵐光雨乍晴，落梅誰奏韻輕清。整僧祖意由來寂，不礙淒淒宛轉聲。

泛艇

長村風急鳥聲寒，時向江頭問碧灘。月不礙船隨意載，山無辭客盡情看。

漫興

知己近來多過遊，文情詩債積難酬。幾回漫把松雲汁，潑盡千山惟石頭。

示重上人

箇事洞然，單只緣人自沉迷。何用七玄八妙在心歌，卽菩提。

示徒道式

欲報圓極深恩，矢志修持第一好。看尊者目連，永作人間儀式。

喜惟易姪至自西來

蒼松惟石護巖臺，白雪吹花觀古梅。願得此中無限

意只緣親自到西來

月下小溪問梅

寒梅溪畔泉聲遠
月下閑人踏雪來
溪水未能留月
在梅花何意向人開

題遼天居

閣敞誰知天路通
登臨半在鳥聲中
苔封危逕春流
活日咽前谿野色融
坐久忽聞千嶂聲
塵輕揮動一天風
紅塵十丈飛難到
獨許閒雲日夜同

國歡萬壽寺

誰言至道欲無傳
妙應綱宗尚燁然
一國合歡呼萬

五言古詩一首

三二

壽千秋毓秀產雙蓮
水留鴛鴦影朝凝雪
風吼松梢夜落泉
卻咲杖藜多莽鹵
不知何計續前賢

竹籬

君子之林厥身可杜
弋者慕焉慎勿闕閤

竹菴

倚石坐忘情寒雲衣上生
秋風吹入竹疑是煮茶聲

贈人誦法華

火宅無安豈可誇
化城權現亦非家
更須努力奮經綸
策寶所路頭已不賒

獅岩文殊院

精舍依獅窟居然一化城
溪長難盡曲樹古不知名
問月寂無語聽雲靜有聲
巖頭閒坐處無限野情生

登遼天居

簾卷天河近蒼茫何處有
室虛千嶂合路險萬松盤
短榻依雲穩危簷碍月寒
到來如羽化狂咲落層瀾

梅鵲

香種水姿性不同
花開全不借春功
長容喜鵲閒栖止
那管樓頭一笛風

獅子

日月雙毬拋擲久
翻身出窟爪牙成
恐驚百獸腦門

五言古詩一首

三二

裂不敢臨崖發吼聲

題松泉圖

蒼松非色流水非聲
眼聞耳視斯道方明

題画瓜

不屬東陵種亦非
永谷生藤蔓遺母後
千古尚流名

夜坐

一室一燈一几無塵無事
無憂坐到更闌月上
嘎然

雁過簷頭

夜寂了無三事
心空尚有何憂
默自焚香燕坐不知

月轉雲頭

補山全繼師聽雨

仙臺久矣抱幽溪新雨蕭蕭客梵音共曉五季山上
磬頓傾十日客中心簾餘半覺寒雲落燈在何妨夜
月沉卻愛如妝晴後色玄鞋何處穩相尋

題画瀑

分明無半滴瀉下勢千尋當陽休側耳眼聽許知音

贈釣叟

兩鬢髮髭白結衣一竿一笠坐苔磯只應江畔弄雲
月莫向人間惹是非

高泉禪師一滴艸卷第一終

高泉禪師一滴艸卷第二

門弟子 衛行 編錄

詩偈

黃檗山有引

山以產黃檗得名有九潭十二峰始爲斷際
運和尚脫白處後行道江表不忘所自在在
以黃檗名之故有天下黃檗之稱明神宗顯
皇帝勅賜萬福禪寺額邑檀越相國葉文忠
公田是煥然重新焉

千年黃檗甚奇哉七字題名天上來潭約三三食玉

鏡峰高六六綻蓮胎道堪鎮國推希運地再鋪金有
葉臺自晉名監稱第一千枝萬朵至今開

題畫蘭

此花芳本異九畹豈能栽葉薄風難動香空蝶不來

客窗寒夜聞笛

一朵青燈一穗香攤衾清夜據胡牀何人弄笛飛楊
柳嫋嫋餘音雲外長

悼月窗衛者

金風剪剪梧桐落夢醒窗間月正斜識破身心同鳥
角來來太公路無差

水月菴

衆岫頻添僧眼青，談玄卻引老龍聽。
水流瘦石蒲根冷，月透疎林桂子馨。
岩下迷猴狂不歇，松頭癡鶴夢初醒。
禪餘團坐平分石，閒看游魚咽綠萍。

早梅

莫訝羅浮裏，先春破曉枝。
冰魂應有意，不與衆花知。

答客

窓上十分月，林梢百疊泉。
分明都說破，何用更談禪。

夜話

野寺新秋夜，娟娟月一臺。
談深忘索寞，影瘦喜徘徊。

高泉禪師一清詩卷第二

二

一源

壺裏茶香溢，松間鶴夢回。
悅心清不寐，彷彿曙林開。

千江萬派勢滔滔，作人間陸地。
濤究竟本源無有，二了知無二見方高。

暮春

蘿窗寂寂柳風輕，春盡山家詩景清。
池上青羅看有色，花間紅雨聽無聲。

和十春吟

獨坐春林靜不言，吟研春茗煮春源。
不偏春色知誰少，有限春光莫浪奔。
短榻春寒長擁毳，小茅春盡尚

扃門幾回夢覺春林曉，一任春風春鳥喧。

月夜訪友

訪友春晴夜，無人影自攜。
愛他林下月，伴我過前溪。

題竹庵

簷前山雨歇，幽竹一菴深。
忽覺無香起，花開自隔林。

吸江菴

門開八字對長江，默坐忘言憶老龐。
一口吸乾潭小事，馬師機用世無雙。

題西川詩卷

西川予未面，忽見寄詩筒。
細閱篇中語，深知趣不同。

高泉禪師一清詩卷第二

三

竹筴

清吟追邵子，高節效陶公。
卻怪無徐氏，疇能識卧龍。
何必轆轤忙，曉夜和雲捉。
取稚川龍頂門，猛與一錘去。
管取重重節目通。

花餅

通身瑩淨冷含光，不愧長年對古皇。
半點未曾輕漏泄，攢花旗錦又何妨。

松床

高設閒房坐臥時，紙衾雲幙恰相宜。
緬懷古德樹間宿，安用珊瑚玳瑁爲。

葵扇

雲樣輕便月樣新時緣未至且藏身衆生熱惱當難耐待爾時來始布仁

題鼓山涌泉寺

我聞斯地饒形勝一到方知景澹濃泉水時時鳴玉珮峰巒面面削芙蓉山門白瞰一江月石逕濤翻十里松偶向山前時燕坐梵音清散數聲鐘

訪古脊汰兄於香城

入山尚恐未高深落落無羈道者襟爲訪同流棲遁處招攜直上薜蘿陰閑看古院藏脩竹靜聽寒溪操

高泉祖師一蒲柳卷第一

四

古琴話到下春遲出谷暮雲幾片白前林

如意

天然奇骨格不假斲人工每向維摩室拈來話祖風

問雲

瘦鶴離山久山雲冷淡不昨宵松月白飛影伴誰遊

過龍江

翡翠山千朵瑠璃水一江我來攜鉢過不是欲龍降

千僧井

誰穿溪窾與潮通禹指均需亦可供縱是舌頭三十丈百川吸盡此無窮

獨桑鼓

天產大材應大用製成大器架千春等閒一擊如霆震驚醒無邊夢裡人

送僧禮觀音

皮袋自拖自苦辛沿途走太見觀音觀音見了渾無事臥聽天風撼竹林

畫所見

秋雨秋風收拾時秋花秋柳轉芳菲碧天萬里淨如洗一片白雲自在飛

清聽軒

高泉祖師一蒲柳卷第一

五

澗水泠泠珮玉鳴搖憲脩竹弄枝輕露飄曉嶂猿初下風墜空堦葉欲平蟲簾時爲鼓吹發松濤忽作煮茶聲鏗然聞到無聞處剩得空山片月明

十五夜坐月懷清法兄

以道相親即弟兄也知緣熟自三生別無宿宿思偏切坐到通宵夢未成逕竹風傳千古韻蘿窻月照十分明欲和半偈憑誰說漫把山茶獨自傾

聞桂

偶移倦足到西廊小立簷前百慮忘漏泄西來祖師意秋風滿院桂花香

戒點燈

無德堪消檀施財夜闕真浪來燈臺試看滴滴臺中物多少工夫逼授來

示客

說黃道白口吧吧節外生枝又一丁賣盡從前閃巧偽丸柴頭上不開花

詠桂

異種曾從月殿分紺園新種帶朝雲泉中獨爾瓊枝嫩萬斛天香大地聞

漢董奉

高果齋師一滴卿卷第一

六

羅真人

咒水療人病由來道術深年高人真識但見杏成林
天產出塵材修真到鳳臺丹成龍負太遊戲入蓬萊
冬至夜得日本衍師兄書

律管昨宵始動灰山溪漸覺凍雲開忽傳瑤島音書至
總喜南枝春信回無限陽光從此得幾年幽思向誰裁
殷勤燈下頻披閱不覺天花拂檻來

靈峰寺病中

蟲鳴四壁夜何如紙帳風清月到初幾曲溪聲彈遠
近半窗松影落扶疎支寒賴有殘爐火遣病寧無滿

楊書僧問廚中禪悅味雨餘香動一園蔬

四皓圖

蕭湘圖

經綸藏滿腹不仕志何清商嶺高千丈難方四老名
何人遙想寄毫芒點染山川玩不忌多謝主人能愛
客扁舟坐我在瀟湘

衲衣

迦葉頭陀定價時七零八落已難持看看不直分文
處龍衣貂裘不換伊

蒲鞋

高果齋師一滴卿卷第二

七

傲古何人巧織蒲拈來輕快勝雙鳬令人憶著陳尊
宿一度經行一嘆吁

訪林秀才於梅花菴次韻

中夜無聲月在潭高人猶自坐茅庵囊琴不爲時流
操展卷惟同古聖談半日周旋嗤我懶一般意味讓
君甘聽鶻花下攜筇出遙指晴峰淺帶藍

清斯兄再索黃蘗

當時曾入獅王座今日重登獅子堂剗得風雲猶在
管養全羽翼信非常仙谿再汎天兼碧藥味深嘗齒
亦香敢謂山溪多大本春晴又扳一枝芳

江郎石 次韻

若個三仲昆卓然同立地山河任變遷不改撥天志
示徒

題山庵

真正出家子始終志不違有如金在冶百鍊轉光輝
何故頭陀好避庵庵居境界世難同洗開翡翠曉天
雨撼碎琅玕午日風

示僧寫經

斐几藤墩茅牖下排梢滴露研玄香掃除馬事兼
事獨自披衣寫梵章

高泉禪師一滴軒卷第一

八

贈黃石浦舍人

花到盛開終被折衣如太潔還遭涅十分智巧難容
身不若長存幾分拙

林公讀書梅菴賦贈

山間儕輩罕相尋幾度攤箋自在吟避地非圖高尚
志閑門應養讀書心青燈夜靜分禪火玉磬煙寒雜
鳥音從此知君悟淨理應遲慧遠話東林

寄日東諸兄

弟兄心緒最相關況隔西東杳昧還君寄八千餘里
地我居一十五年山世情謝太覺身貴尺素書成笑

筆怪遙識向來三島外有懷多在月明間

瑞應吟 有引

觀世音菩薩誕日予誦普門畢宴坐室中忽
有慈烏銜楊枝一朵落于庭心侍者見而取
之噫亦奇矣彼禽鳥也亦靈知如此所謂一
切衆生皆有佛性豈欺人哉

經罷忘言獨據牀驚看窗外鳥銜楊枝衆生佛性初無
別也識今朝有吉祥

慰人失子

民胞物與誠高論四海弟兄亦哲言體得太悲心不

高泉禪師一滴軒卷第一

九

二等觀沙界總兒孫

次韻

山院幽閑俗事稀寧書細讀篆香飛或時飯客無兼
味呼雜穿雲採石衣

雨過池塘景物稀尋思得句興如飛柳絲垂碧搖波
面花露凝香溼蝶衣

空山岑寂到人稀但見窗前雲鶴飛日永老僧禪未
起任他乳鵲集畦衣

題西

水落山空路欲冰瘦行無伴抱青藤橫岡側嶺峯將

福寺在寒雲第幾層

寒夜得友書用波仙韻

百八霜鐘隔塢撞魚封讀罷對銀缸欣然得句題書
背月送梅簪上紙窗

山謠

理亂無關隱薜蘿竟年羸作散頭陀遊昔卻笑詩成
癖靜裡任他睡作魔

送人游九經湖

知子由來飽水山獨攜杖策出雲灘到時須具惺惺
眼莫被東湖九子瞞

高泉隱師一清齋卷第一

登仙邑金剛山

踏盡秋光到此巔杖頭卓越界三千半規明月鉤眉
上遙望仙溪一線牽

青山巖絕頂

舉頭四面空無際下視諸峰袖帶間莫笑寒雲飛不
上只緣身在最高山

擬寒山

春風年少女嬌態現千般玉笛臨風奏瑤葉對月彈
酒乘花下飲髻向鏡中盤不覺韶光外空餘在殿寒
閑詠次韻

聲色初無染何勞避見聞山風傳竹珮爐火起香雲
眼澗疑天小身閑許鶴群每吟寒拾偈樹下遺斜暎

示元桂夫人

戒殺

休聞空裡響真認鏡中花識得形山害堪責億萬家
衆生皆目亦皆人愁爲沈迷換卻身遭執遭鞭償夙
業擎頭擎角受艱辛圖生念切曾無異畏於心堅可
不親何事一時甘口腹令伊特地怨無用
但欲子孫延福壽切宜勿害衆生冬茫茫泉下誰爲
本蕩蕩人間德是寡他爲有德命在我我寧無故罪

高泉隱師一清齋卷第一

臨他不須直待冥司判自揣於心看若何

我爲天地最靈物何必傷渠至賤身剝出皮毛驚戰
戰分來骨肉血津津但知此日爲他憐安識當時非
我親寄語生生能斷殺皇天斷斷不虧人

靈芝如意

靈芝如意梅檀柄優鉢之香世所稱手裏或時揮指
處人天龍象悉瞻依

小桃源

此中天地非人世秦晉陰晴莫與論流水桃花溪且
遠何妨便作武陵源

指月堂與淵公夜話

比來客思積難刪，指月堂虛似萬山。多謝故人饒雅誼，宵宵秉燭伴餘閒。
宵宵秉燭伴餘閒，如許高情豈易刪。論到言窮燈盡後，數聲石磬發禪關。
數聲石磬發禪關，縷檀雲繞拂鬟門。外從來無俗駕，此中疑有萬重山。
贈生公關王
把住牢關鎖卻蹤，綿綿密密絕鍼鋒。分明要且非他處，千眼大悲觀不通。

蘭窗夫人薦偈

題畫屏

處世誠危殆，始生天亦險。途直登安養，國方好是良圖。
野鶴來何處，超然志不同。有心摩赤日，無夢戀孤松。
鹿獨肯堪，偕芝甘食，可供縑山家。萬里養靈符，高風自警五首。
比丘淨戒重，須彌嚴護。須還出世見，若不披心親。頂戴焉能斷得，一生癡。
茫茫苦海杳無津，逐浪隨波古到今。管爾前身尚已晚，何堪踟躕任浮沉。

師友思深實可潛，雲房高座任偷閒。不成衛業癡爲長，空把黃金鑄厚顏。

生如發瘡未曾醫，寒熱頻年早與遲。歷盡煎熬渾不覺，霍然霜雪上鬚眉。

髮髮纔髮又作絲，紅輪如箭急容遲。泥于生死猶風燭，安可忙忙向外馳。

指月

雲飲天心月到，肯團圓。千古意無虧，分明炤破溪山面。何必又從指上疑。

募僧糧代

五百頭陀聚法筵，都盧屠豕對金仙。誰人能下金剛種，般若花開無漏田。

化龍燈

逐逐誰能別，假真寸心不息在。興神依倫錦浪中，擎爪彷彿電光裡。化身但見爲龍騰，碧漢更無點雨落。紅塵試詢得意處，禹門後何似濠梁樂更親。
瞞人景物幻中生，若箇當機解息情。堪笑鱗龍徒擾攘，輒隨羣隊費經營。長門煒燁高如許，大夜忙忙跳不平。直到天明如夢醒，洪濤巨浪一崑崙。

庭松

誰移澗底蒼虬種和雨和雲植此庭厲雪嚴霜終不改
三冬臘盡更留青

送僧住庵

簡事多年自飽參今朝別我住茅庵臨行一句如何
道不在當人舌上談

鼓山絕頂

呼杖時登最上巔幾回舉手直摩天萬山下視如朝
拜無盡烟霞展齒邊

示客

使盡聰明不若愚我宗貴在契知如盧公絕不能講

字備老何曾解讀書未動語言早已發更鉤章句豈
非餘直饒四庫都鑽透到底渾同白蠹魚

宿鏡菴次蓮峰和尚韻

此中幽致自重重何必擔簦禮別峰半畝清池開玉
鏡一鉤寒月釣虬松坐教燭跋神無倦論入玄中趣
更濃最喜聲聞能不昧隔鄰時送上方鐘

題起雲軒

新築幽軒藏綠玉塵甌不到路重重每推蓬戶長餘
嘯坐看白雲起遠峰

獅子菴值雨刻韻

雨與入無約誰教邂逅來行看飛鳥陣笑數落花堆
世幻任濃淡僧清可竹梅雷連歸未得待于莫輕催

蓮華峰作

翠圍綠繞盡松杉短髮參差任不支世上也知多索
贖山中自識絕書緘枯枝鶴瘦衡煙出曲沼魚肥避
鷺銜欲向扶桑窺日出振衣時一上高巔

觀音竹

神力無方何處尋蕭森艸木見慈心月中映水呈金
相日下飾風作妙音鸚鵡不來禪定寂琅玕長酒露
香沉不同洪上凌雲種別有靈根出梵林

天柱峰

何事天之半卓然正最尊每疑神手劈又絕斧刀痕

贈醫者

擬養長生不老身身如藥樹四時新何如學取無生
法億劫渾融一大春

王大允兄弟過訪

衡門寂寂遠招尋雙鴈遙看落碧岑榻下雲中緣不
獨社逢方外意同深劇談頓盡千年思惜別先驚二
咲心長日好淹佳客坐青山鬱鬱古猶今

題畫蓮

一種芙蓉出幻工，花開原不受薰風。宛然蘆草池中見，卻喜時時對遠公。

墨菊

戲抹趙昌筆底煤，一枝落紙似新開。花中隱逸真高品，獨許淵明歸本來。

方丈盆菊

已無風雨惡，暫寄小盆生。影宿山窗冷，香流丈室清。深秋存晚節，閑戶謝羣英。遙望東籬下，猶懸霜月情。

寄贈安南范贊公七十壽

見說天方有范仙，水晶宮裏久安眠。夢空華甲又逢

東隱詩一滿齋集

十六

千種得春風玉樹連

答清斯兄見寄

近日好吟詩，曲盡遊山趣。幾回清夢中，亦得驚人句。讀韋應物咏夜詩，因倚韻和之。附韋詩。

明從何處來，暗從何處來。但覺年年老，半是

此中催。

和檢書得乾蝴蝶

花明柳暗正春肥，撥遍上林幾覺非。曾逐深園莊夢去，卻尋貝葉佛書歸。有文爲主堪埋質，無意將身更

舞。不知汝此時存，慧業他生定獲悟。禪機

王夫人修淨業

佛憶衆生過，母子只緣爲。子自拋家若能念，還相憶。子母同時上壽華。

一線天

大千都把住，諸佛出頭難。一線纔分彼任君，若眼看

登鼓山步則峰

夢歷諸峰已，有年而今始。上最高巔，俯看蒼嶂青連。野遙指長江白，貼大閭主布金旗。在望國師吸水落，誰邊回思今。咎無窮，感徒自風前一愴然。

東隱詩一滿齋集

十七

題林長公書舍

高士芸軒幽且穩，每關花月養清心。燈昏惟喜窓螢入，春至不知庭艸深。亂耳隣居無竹肉，怡情架上但書琴。幾回閑筆閑欵枕，卻有江淹夢可尋。

寄懷繼禪師

憶昔相將隱葉林，那知一別海雲深。正殘夜月徒懸夢，望斷秋空絕到音。故土江山頗有恙，異方風物自多森。只因閑筆閑懷處，不覺思窮兩國心。

僧失袈裟書示

偶展田衣晒石厓，俄然失卻莫驚懷。是它一種窮經

漢權僞它方太遲齋

流花徑

豈是爲通津，仙人欲避秦。桃花不解事，流出洞中春。

送僧住官寺

久獲名翼誰知見，剛被公人勸住。院忍辱鎗甲好，牢披莫教誤中五花箭。

贈某律師

飽蘊毘尼疇，與伍清修不肯南。山祖慧辭驚，塲敵者無分明當世律中虎。

野步

高齋讀詩一清野集第二十八

兩兩三三百事忘，意行不覺到昏黃。雲策度處節頭溼，花塲歸來展齒香。

羽士

三十六億人間歲，初利天中娘。一生至竟不能解，荒里何須八百墓錢鏗。

尋僧不遇

訪君不遇暫，踟躕流水斜陽人。語無只有隣翁眉帶雪，把青鸞尾掃松鬚。

吊某仙

嬰無儲粟不憂飢，一技高人足自怡。尸解相傳今已

久松根猶有著殘棋

題畫

窻前春幾許，蓬戶閉多時。對客閒心語，聽泉靜得詩。山青常入夢，世老未曾知。剩有牆頭竹，橫看三兩枝。

白菊

原是陶家種，移來別逕荒。但存一片白，肯耐九秋霜。知已惟除月，可人豈獨香。枝頭滿自許，點破滿籬黃。

客中送潛公省親

比來亦作客，何忍送行舟。只爲思親切，無容與我留。暫將千古事，話徹一宵休。更有同參約，期君莫漫酬。

高齋讀詩一清野集第二十九

遊獅子菴

師峰乍到見天低，絕巘凝孤不敢啼。風激吼聲驚野外，日薰白醉臥峰西。惹來艸色衣邊綠，掠碎雪香石上題。無限風光收一杖，買山錢價不須攜。

寄李道士

一遇真人發，夙根桃花深處掩。羅門非因棄釋偏，從道自是玄元皇帝孫。

題山寺

世界橋中樂未散，輸贏夢裏聞。無休名山有骨客僧，任古路無門任客遊。

次韻秋日勉賦

林前開縱目景物望中非
戶戶炊煙起村村歸猶歸
遠山橫海岸落葉擁荆扉
何處商賈發吹來桑柘肥

酬仁公兄贈王丈

羨君手眼物無遺選得少林第一枝
贈與同人遊海國波心驚起卧龍兒

暑雨

池塘雨過藕花香雲碧新添一尺強
墨叟臨窗停車坐無風亦覺十分涼

次韻題山菴

高泉禪師一滴州卷第二

萬本蒼杉繞碧溪道人住處州戶低
或時採藥前山太客到休將鳳宇題

無言竟日對山溪高控湘簾畏放低
素壁無塵苔不主戲將艸聖和雲題

寒夜

柴龕紙帳復重氈鹽種烏金被厚
縣憶到寒膚墮指者通宵展轉不成眠

高泉禪師一滴州卷第二終

高泉禪師一滴州卷第三

門弟子 衡行 編錄

詩偈

梅

數枝點破寒山色幾度看來雙眼白
敢言花裏有玉嘗桃李今皆門下客

客中寄天峰姪

數峰青在飛雲際一鳥啼來落照前
笑我此時遊興逸小船撐破一湖天

次韻謝人送觀

惠我陶泓品不低勝如新採出端谿
無唐素提蕉手徒有臨文氣吐霓

謝人惠墨

豹囊傾出若琅玕妙法精傳厭李潘
試向歙谿石上研玄香芬馥滿毫端

再題流花徑

道人空色相肯憎落來花恐有漁郎
識別開一徑除木犀

飛魚

勘破晦堂禪香風滿院傳誰知無隱
處不在不羣邊

蝸宮藏不住，大海亦難留。想欲爲龍去，騰身出浪頭。
畱別諸同叅

青山有骨占溪濱，潭水無心惹客塵。蘓蕲成方罷，
雨松花熟後，正淡春。遙看蜃閣雲邊境，穩坐鯨潭海
外身。從此遠遊他國去，太扶師道賴昆仁。

虎溪三笑

溪上送陶陸，溪流正好聽。偶然開口笑，誰寫入丹青。
臨行示徒

我過逢萊爲祝嘏，子還槃岫坐春風。無窮別緒難申，
訴總付溪藤一幅中。

堂上龐眉我，有師晨昏必賴子。追隨我心與子心，相
感子失還同我失時。

觀庭梅

三五紅梅樹，春晴蕊漸繁。不愁開處翹，先恐易凋零。

閑中寫懷

居山久，與世相遺身。比白雲絕繫維，詩不求工唯適
趣。食無貪味，但療飢名虛。遮莫呼驢馬，性鈍從教咲。
春痴此意只今誰善領，南泉答曰喜無知。

偶作

閑卻孃生雙卷，葉人間理亂杳無聞。或時臺榭經行

處，喜見龜鱗稼似雲。

江頭晚望懷師兼寄可達諸子

天光倒蘸大江碧，睡起開眸機竹扉。萬葉輕舟泊遠
浦，清空微雨濕斜暉。身擔大志偏壯，杖策長途夢
欲歸。幸有侍師諸子在，無勞千里望依依。

懷吳詩伯

爲愛青山處，世疎五年三度得。交余挑燈更向南，齋
下知與誰人共檢書。

貧僧

茫茫天地老閑軀，坐對雲根一鉢盂。門外客來相俗

問，此間爲報卓錫無。

月下王仲專書至

鐘聲隱隱一山初，月色溶溶四壁餘。僂首乍驚秋半
榻，殷勤方外寄來書。

熊舍人歸涇陽

野州青青兩岸平，驛途五月送君行。遙知客路百千
里，應是無人爲寄聲。

中元日卽大師薦佛父母偈予考妣於聖壽山

謝以詩

平視大千等一塵，謝師片念合能仁。因從故國悲風

木卻向佗邦薦藻蘋現劫恩情歷劫愛多生父母此生親無邊添喜同充滿總是蓮花國裏人

雨中賜紫岫長老見過

身著君王御賜衣雨中重謁到山扉頭陀坐對默無語早識禪翁契此機

二十二義士冢

二十二人義不忒火埋玉骨古梅旁誰嫌歲久今寥落一度花開一度香

送林茂才還鄉

知君年少負英才親謁元勳閣下來爲客有懷詩滿

篋對余無語笑盈腮方從夜半聞千偈剛值秋中月一臺叢社遠持吟送處卻疑歸客是宗雷

漁樵問答圖

葛洪呂望兩相逢問本酬來志不同一在煙霞一在海拋綸斫桂各施工

我葡萄

沉沉院落正春風種得龍鬚一兩叢準擬成陰驅暑毒竹棚高架倚簷東

曉起

山房睡起鶯啼忽覺風颭聲敗絮將竹戶推看只恐

庭梅落盡

題人幽居

誰畫黃茅蝸舍半藏綠玉陰中偶爾卷簾清坐笑看玄鶴搏空

奉祝老和尚七十次韻

別開黃藥卽家丘兩國道風片念周此日林成栴鳳翼多生果熟樂天休胸中有鑑照羣象舌底無輪卷十洲百四年來顏愈粹寒潭澈底不知秋

示鏡禪人

三千世界浮空電百億須彌落鏡塵獨有這般無點

染舉頭誰是箇中人

贈政翁大守

只在塵中解破塵欽君作用獨超倫洗光佛日照三界展出王言導萬民豈謂金湯無炭種應知燕趙是前身東來大道能扶起何異靈山記剎人

遊清水寺次韻

早把浮名一筆勾凝欽任喚馬和牛無心破笠隨方掛不禁名山放意遊溪吐舌根譚半偈霜催楓葉落三秋欲將此景登圖畫記得當年顧虎頭

老僧

多年雙眼閱乾坤，食朝朝畏遠村。怕冷扶藜時向日，滿頭霜雪不能髡。

春日道中

落落長堤縱步飄飄，吹袖微風黃鳥鳴。來柳外紫駟嘶過橋東。

自嘲

稚齡便入空門，佛法些兒不識靈利。倒退三千痴頑獨占第一。

娛老堂弔茂處士

浮生似夢幾能歡，七十年來一瞬看。聞爾固非時健，

總逢余方始兩盤桓。洛陽秋晚桐陰減，娛老堂虛霜月寒。惟有道根長翠茂，兢伽沙劫不凋闌。

送本禪友回里省母

重足不辭涉遠津，迢迢爲戀北堂春。勸娘參得同根旨，始是知恩報本人。

慈烏

大本無慈秉至心，晨昏反哺戀巢林。人中達孝猶稱有，烏裏曾參實可欽。

客中寄友

客中飲酒難成句，野意頻看處處生。小浦有船惟載

月空庭無主獨聽鶯

遊分紫山房贈謙師

耳目勿清曠，遨遊分紫山。所看皆不礙，觸處自成詩。惟石砌爲徑，異花編作籬。閉門宜養聖，何必羨丹墀。

贈無瑕禪友血書千佛名經

捐軀重法豈辭難，寫徧洪名血不乾。一字一行光燦燦，三千三劫佛團圓。紅于菌，首花初綻，紅似珊瑚樹。正丹有問，出身何處是，毫頭拈起哭伊看。

贈龍長老

表公懿德重山丘，爲法殷殷已八瓠。百丈楊岐因再

見摩騰，三汰是同流。名馳兩國固非易，智種多生夏罕求。曾遇聖君親顧盼，紫衣特賜下龍樓。

偶題

瑟瑟霜林葉落輕，青山滿目不勝情。此身懶逐閒雲太，但聽岩前流水聲。

訪友不遇

流水聲流花滿溪，檜松影寂日將低。柴門剝啄無人聽，不敢輕將鳳字題。

次韻偶成

莫恠頭陀喚不應，居高無路與入升。鑊鉏常把種春

兩名字愧將挂祖燈靜檢經書來有得暗施機械分
無能竟年栗飯藜羹樂那管佩魚與我冰

九日同諸兄登妙高峰

灌木鄰霄碧中峰一徑懸剛逢重九節試上最高巔
落帽知何處家山望杳然偕來群仲伯且樂菊花天

中秋步韻

山屏缺處露蟾光桂子飄時憶晦堂無隱話客山谷
會獨起機見馬師彰心空已契無爲旨夢破頻登大
覺場引得團圓龍象衆夜涼猶共領甌香

山中答輝兄

高泉禪師一滿齋卷第三

八

螺峰環擁碧無邊步到雲頭又一顛
石舉頭直把手摩天觀光笑我來何後得句饒君占
在尤大地蒲輪休坐碎遲留相對話二玄

謝千和尚惠茶

一囊遺我石牀蟠親手題封小鳳團活火試將烹
鼎松聲萬壑競翻瀾

秋日觀紫微花

讀罷梵書落竹扉西風蕭索白雲飛秋空孰謂禪庭
寂竟日開懷對紫微

偶詠

不看曆日忘時節但把三墳讀歷涉窗外秋風欲見
知時時吹落海棠葉

贈石禪人

此事用工無別旨時時持起話頭是慕然撲落太虛
空驚起崑崙前石師子

悼三義士

三君同死義冰雪作肝腸識取無生旨大千夢一場
似勇崑崙士

掀翻煩惱海截斷利名途要學無生法須還勇丈夫
雪彌勒

高泉禪師一滿齋卷第三

九

一自瑤花裡出生不勞金鑄玉雕成水雲深處暫留
跡熱鬧場中懶掛名放卻寬腸包世界開來冷眼笑
時情玻瓈爲殿摩尼座未必龍華樂夏贏

對雪

天風吹雪墮欄干光透紗窗眼亦寒
木案前煥卻舊煙密長空密織絲千縷大地平鋪玉
一盤飲寫普通年外事洛陽價重筆難乾

送無上兄入塔

斷斷林間三尺冰浮圖崛起
古雨濕風搖似不曾

得摩耶山書卻寄

來諭山中諸花開過。獨櫻桃開其半。此一半
儲以待賢未可知也。前云肯顧正當其貴若
再延則花不待人矣。余曰花不待人其如山
能留月因染竹作此

午窗睡起讀來諭有約未酬負好春花不待人無把
柄山能留月自精神師之咳唾皆成玉我亦縱橫不
是塵爲報摩耶新公主補遊剛及采蓮辰

贈石典寶

頭籠八穴空花帽身著龜毛無縫裳無位真人頻接

納到門先請沒藥湯

贈無心兄

天生德性朴而恬久在蓬萊但學潛言下平明無餌
釘胸中豁達絕廉纖曉間小甕放雲去夜靜青燈許
月兼一縛連經看始遍焚香又欲課楞嚴

寄炤姪病中

冷地閒言未足憑從來此事貴留心如今風火交煎
處好把工夫驗淺深

與諸兄話舊

事事驚心久亦便陰晴反掌總非前劫灰休問幾番

變契闊依前一十年華土天高安放鶴蓬萊地勝如
棲禪漫言客久翼難假已是多生未了緣

友至

奇峰數筆列香臺竹外寒花靚綠苔正寫懷君詩欲
就忽聞離畔一筇來

花朝坐雨

誰妬春光葉滿林間聽花下雨陰陰癡他野鳥何多
事卻弄庭前下上音

送客阻雨

窮玄突妙不勝樂無那春風促送行賴有天公知此

意故將連雨緩歸程

賀龍長老受囑

新開小室在扶桑鼻祖東來亦面牆衣沾十年方授
受知公今日是神光

月夜亭中步老和尚韻

夜澄山月到無心格外風光孰解吟吟州舍無文偏有
致松簧不舉自成音老僧早已避驅龍長者何緣欲
布金綱目筆嚴真性海百城誰復費追尋

有感寄林和尚

道人行履自閒閒一境無心萬境刪動有高低塔下

艸視忘嫉妬眼前山夢回，曝背負朝旭飯罷扶筇造
小頑新闢一軒通，綠野待予親訪竹松間。

示放禪人

兩手俱空猶放下，赤窮更遇赤鬚胡直使放教無可
放龜毛倒拄須彌盧。

示白上人

浮雲咲破眼無瑕，甘抱冰霜養道芽。平白地中坑萬
丈，腳跟鐵鑄莫教差。

有感

花攢錦簇麗於春，玉琢金雕巧轉新。兩字名根堅不

拔古今絆殺幾多人

贈空大師

圓顱方服號真空，世態空花都覩破。更能誼道扣宗
師恰是當今劉鐵磨。

紀夢

并引

壬寅季秋望夜夢次弟玄公姪徵月潭回黃
檉招遊諸勝撫潭姪而告曰：疇昔之夜會夢
子來，今果符矣。已而自詠，豈非今者猶夢也
耶。潭莞爾而應曰：世間未有不是夢者，相與
大笑而覺。

熟處難忘，奈若何。相招記得，兩經過。幻人再至，饒風
味。古路重行，長薜蘿。身外現，身身回。幻夢中，說夢夢
何多。一宵好景君休管，十二峰高認得麼。

東福寺禮無準和尚像

松杉雨過啼幽鳥，無生一曲知音少。何其萬里海邦
中，得瞻雙徑人天表。

詠菊次木和尚韻

滿園族族闌無休，剋節何妨三徑瘦。沈郎應莫
比，品清陶子略堪酬。卻容金甲披霜戰，未許白衣藏
酒遊。最喜開來兄弟盛，芬芳隨處占風頭。

鶴禪客至

庭起庭前日影回，柴門兩扇帶雲開。隔林何處嗔聲
響，搔首松邊一鶴來。

閣老空印大居士拾黃金千顆

受得袈裟角子地，大千總攝在衣針。當年釋梵插蓮
艸，此日賢檀樂布金。日圓自同天竺國，居心應是給
孤心。人天滿座爭加歎，黃蘗翻成祇樹林。

寄黃文學

鐵硯磨穿志不移，幾曾轉首暫思惟。儂般將謂難探
索，孔子元來是仲尼。

和人樓頭夜坐

蟲蟲危樓十二欄，夜深獨自坐蒲團。
清風拂拂纖雲滅，萬里碧天星斗寒。

贈景公堂主

出入叢林已數春，知君行履自來純。
學精不愧生公輩，才敏堪追齊己倫。
爲松屢勤稱上達，事師以孝動諸鄰。
今朝充作堂中主，且喜朋來化外賓。

偶成

從來天意不容猜，一日陰晴三雨回。
方怪茅簷溼未燥，雲邊雨腳又蜚來。

東坡詩一首

一

日斜山犬臥籬邊，風攪梅花雪滿天。
大院高寒人不到，柴龕紙帳好安禪。
住山須識住山情，一住山來百事輕。
霜後松髯掃不盡，窗間梅影画難成。

上元日上官講老和尚開堂

茂年世主老助臣，仁政施行澤庶民。
講說法輪崇萬福，高嚴聖壽冀長春。
幸聞法說上元日，想是燈明現在身。
萬指繞圍獅子座，眾星光拱月輪新。

坐雨次韻

雨到二三日，雲堆六七峰。
幾回開戶處，忽見落花重。

地覆終冬雪，燈沈午夜鐘。
靈圖諸法侶，分坐聽鳴松。

東興卷訪拙公遇雪

知君清隱久，相訪到山菴。
步趁雲高下，閒攜友二三。
雪花連夜落，茗碗兩朝談。
大地收雙眼，無勞辨北南。

贈亮飯頭

削光雙鬢剔雙眉，莊柄玲瓏竹漉離。
十年獨煮鐵釘飯，脹破虛空頑肚皮。

示害禪人

慧談鎔銷癡鈍鐵，鑄成一個冷饅頭。
等閒嚼得如泥爛，塞卻肚皮飽不休。

東坡詩一首

一

贈瑞兄侍雪峰和尚

煉成一副金剛骨，撐拄凌空雪嶠寒。
古佛家風全在握，者回草作等閒看。

贈林居士

故鄉奈未識荆何，世外相逢喜益多。
問子幾曾栖日域，同余一姓出西河。
夢花設吐筆頭彩，慧辨長翻舌上波。
識得古今當念事，塵塵刹刹總非他。

寄贈陳山人七十壽

長箋遠寄出雲津，詩畫於君自若人。
梅魄梅魂梅韻致，竹肌竹骨竹精神。
右軍卻擬非前輩，摩詰應知是後身。

後身百劫總歸彈指頃蘇公百四見何真

梅神童呈詩賦示

幼齡便具奇才想是石摩天賦從今進學無休二杜
三蘓不讓

夜話

空室月明如晝焚香話到投機手拍闌干一鷗林間
宿鳥驚蜚

贈馬道人善理數

襟懷霽月又光風半友烟霞半友松蘿透五行道之
理悉知四海好英雄

萬壽宮前二海山卷之三

二

待出孃生八隻字管數一籌無差打劫甲子陰陽
外算得無差始作家

弟子輩以西域木造老和尚海像設于仲冬
大誕之辰刻韻

神工四八下天來玉像粉檀最異材黃檗從從摩頂
至優曇今向日東開白堆瑞雪頭如獄紅映朝霞貌
似孩身外現身長說法雖同出世不同胎

老和尚壽藏次木大師韻

法王壽量本同天歷劫何曾涉變遷至德感人恩益
重浮圖板地體尤堅座朝山嶽兒孫間頂戴盤盤歲

月綿徹底虛空藏不任何妨雲水繞三千

詠竹中桂

昌昌嫁桂久含芳日對虛心分掩藏時節到來藏不
得林中吹出一天香

哭徑山費老和尚

大汾山崩慧日傾人天失色鬼神驚悲風直到蓬萊
國吹起波濤撼太清

五幾道中

書中形勝看無厭花竹村村雜稻香雞犬人家鳴不
歇幾疑歸路在家鄉

萬壽宮前二海山卷之三

十七

送龍神師之江陵

雲宿風食歷已久而今遠涉又何如但愁法化殊恢
靡青憫心身日拮据山壯行裝潤錦綃雪迎簪錫布
瓊瑤裴休相見若相問新際今同蜀水居

雒陽道中

千頃百頃黃雲三里五里綠玉樓空斜本雁行隔壠
餘來燕曲

雪中題望

興二橋頭撥在康六鉅飛斜野僧倚杖臨崖咲看
鶴飛遠浦

九冬雪霰無休，岳瀆盡登。圖譜老松，攀出瓊支。老石
蹲為鹽虎。

除夕立春 壬寅年

臘殘鳳曆擬呼天，一日何期屬兩年。臘既催梅飛龍
道春將鑄綠上，苦錢難抱雪霽寒。色庭樹風回起，
煙煙新舊送迎應。際此往來不涉許，誰傳。

元旦 癸卯

雙白雷節挂，日邊喜看閣苑又迎年。春風煥白，京皇
賜鳳曆，新從絳闕傳。山展畫圖猶古意，人興禮樂轉
嚴鮮。聖恩廣大將，何答恭恭熟龍涎。祝九天。

五言古詩一首

七

新正木和尚至次韻

香刹依雲靜，環山碧萬尋。風和天作樂，日暖地流金。
欲逐羣王駕，先開獅子林。年光任變換，此道古猶今。
燈宵坐雨。

次韻贈柏崑禪師

新雨下，蕭蕭勿嫌景寂寥。人皆耽樂事，天豈忘良宵。
只爲鰲燈在，無妨兔魄消。故鄉思此際，處處隔重瀛。
省日操舟汎浪濤，今來拋下手中篙。笑看累世黃雲
土，孰不騰身欲占鰲。

大千世界海中濤，百億須彌末一篙。下視羣生如芥
子，分飛似葉落。

經夏言何物是鯨鱓

雷洲子血書金剛經，慈父壽母

終身不毀，行何全。二事無違，孝未圓。怎似同心，隨散
道夏能凝，血寫真詮。淋淋紫微，祇陀樹滴瀉。殘貝
葉，掃盡母薦嚴均。在此人間天上，福綿綿。

先嚴慈諱日書懷

一月連逢父母喪，經今一十八餘霜。親恩罔報，將何
答。歲歲頻燒，諱日香。

桑名曉發

一江秋水平如紙，片葉蘭舟載客輕。曉足科頭遙影

下臥看天際曉霞明。

黃春酬岳和尚惠茶餅

風急雪花撲戶，爐溫紙襖蒙頭。雲餅趙茶並玉食，香
飽德無休。

賑貧 并序

予每冬下念貧民丐子多，凍餒輒設食。弗安
常，藏衣衾資實，故衣並設粥以賑之。固知不
能偏及，但免觸目之傷心云。

大雪連朝不止，貧民解白難看。淚我尋常衣衾袍，
必分飢寒。

悼林月樵居士

願力扶宗誰不知而今太也最堪悲
好將十二峰頭石鐫作生平功行碑

悼林醉石秀才

公嘗讀書黃樂願得官為洛門外護

下離讀史惜分陰誓拔危科護梵林不料遽埋三尺土
鐵人聞也淚沾襟

示徒石峰血書公季報親

父母恩同天地知恩報各難忘
密刺指端鮮血然沉細寫經王

與孤月居士

馬氏遺集一詩中卷四

自性圓圓包法界非空非暗亦非明
古今無物堪倫比孤月當知亦證名

心公奔母喪

失枕俄聞報計音暗傷親死淚珠凝
休言不視娘生面依舊家山碧萬層

月夜憶吳詩伯

一自渡江後無由返故園
追思師友輩未有一三存

題人書室

天遠身無翼度溪月在門
相看仙本久吟此為招魂

離魂幸洛地一室誰通衢
落落情思由出無熱

徑栽陶令菊架橫鄰疾書與發
題園太未嘗學神舒德岩居士乞偈

驚嶺別傳法少林直指心不須他處覓
但向自家尋贈谷上人

都衛洞庭湖無蓋那識太虛空
有口熾然說法勝雷靈百億須彌驚倒走

贈林梅庵衛生林梅庵聰敏有大志常從北山庸人所不及也一日語落葉為方外人作此以贈

明師授受法非輕活盡肯人艸一莖儻
向西湖梅下見卻疑和靖又重生

雪中即景

彤雲密布雪垂空野老臨高豁笑容
玉徑璇階鋪處處處瓊林珠樹列重重

為風丞相題龍虎圖

臣賢君聖兩相宜風虎雲龍際會時
為瑞為祥加萬姓自然四海樂熙熙

同諸兄夜話

山月橫窗小沈沈語入玄敲詩頻刻
燭愛茗急炊烟風定花初醒更淡鶴未眠
靜觀空有我不必問生前

高泉禪師一滴艸卷第三終

高泉禪師一滴卮卷第四

門弟子 衡行 編錄

序 記 跋 書 啓 祭文 傳 銘 贊

序

鏤餘集自序

予逖跡山林，艸衣蒲履，經守者有年。喜效古人風致，或耘耔，白雲影裏，或嘯傲，紅日峰前。石友艸因吟咏，忘機時獲一言半句，名曰鏤餘。願學云爾，非敢列風雅之林，爲諸君子羞。客有過予，曰：大乘教以真空爲體，妙有爲相，不涉聲色語言。今鏤餘集，宗趣山水之

中，不能御此四字，何異禿氏之放耶？予笑曰：佛敎不涉聲色語言者，蓋爲人心不醒，妄自執著而言也。殊不知見仁者謂之仁，見智者謂之智，亦自適其適耳。非實離聲色語言也。是故靈雲見桃，香嚴擊竹，自石傳之。東坡亦云：溪聲便是廣長舌，山色無非清淨身。此豈離聲色之外而透身者乎？且山間溪光竹簾，水禽魚種種有詩意，便有禪機。有詩義便有禪解，又何疑于涉聲色語言乎？客曰：是也。請書而存之。

觀音大士三十二應圖序

辛丑冬，予五歲之太和雪窗無事，輒過湛公房，茗話

次出所蓄元衆香菴墨刻三十二應大士像，予拜手展視，見種種形相，種種變現，曠未曾有。公屬予序。予不能辭，乃頂戴而歸。迨至夜闌，燕坐，性源澈徹，湛然如現身於水月圓通之境。而大士之神變種種，靡不瞭然。因思彼大士之現相也，盡出于繪者之一心耳。自心達乎自手達筆，自筆達於墨，與紙也。夫大士現於一心，則一心現千百億大士可也。又奚止乎三十二已哉？故知三十二乃隨衆生願之所應也。衆生願之大士應之，如水之與月焉。雖應現各變，而月初無所變也。雖無所變而無所不變焉耳。敬筆而序之。公

供而奉之，卽大士又現一身而爲說法者也。如是則所謂千百億身者，豈不朗然乎？因弁其首。

松泉集序

松泉集者，松泉道人之所作也。道人與余同姓，州歲同出俗于黃檗，性敏超逸，嗜吟咏，與余締交十有餘載。甲午歲，佐吾祖隱老人應，請于日出諸國市餅之暇，或水或山，或喜或感，或放浪于烟雲之表，或夷猶于原野之中，每有所得，輒走筆成章，莫不噴噴人口。余雖未盡所覽，然郵筒往來，歲可二三，如嘗海一滴味俱百川。歲辛丑，予因省覲老人，同居丈室，始得孰

玩連篇累牘。潮涌瀾翻。宛如置身于長江巨浸。令人應接不暇。客有進曰。西來直指翻盡。巢曰。雖有神通。急宜吐卻。而況文字乎。今觀禪門中。應機接人。亦不能外是者何哉。余曰。子不聞乎。普慧雲興。二百問。普賢疏。瀉一千酬。不離文字。相不即真。如性既真。如不碍于文字。豈文字獨礙於真如耶。矧禪門中。所有文字。皆真操實履人。於性海中。流露將來。言在意表。意在言外。其可以一隅觀之。誠如子言。非惟不知禪抑且不知文字矣。信夫神龍變化。非蚯蚓所知也。客喟而退。因以為序云。

記

遊呂洞記

春氣如雲。牽人遊興。尋客下千仞丹崖。望掛劍石。不有劍。惟片跡存者。顧謂客曰。此非無心昌老所現跡乎。人生天地間。不可以不知道。若謂有仙。仙自奚有。若謂無仙。斯跡焉存。須知非仙非跡。亦非無仙。亦非無跡。厥有至理存焉。客領其意。仍握手過斜溪。少憩水聲中。披襟臨風。飄飄然不知有野馬塵埃。既入前洞。奇葩怪石。古柏蒼桐。遭風濤起。而涼生四面者。覺吾身勢耳目。忽忽飛動。乃與客掃石踞坐。童子持

火具茶。談仙人遺世之風。已而歸山。聞一曲兩曲牧笛。三聲五聲樵唱。俯首長村。野火四發。而客興未已。相與徘徊。夕陽之下。移時不能去。

舍利記

舍利梵語也。具云。設利羅。畧稱舍利。華云。骨身。所以不譯者。恐濫凡夫骨身故也。此物乃戒定慧忍行功德熏成。有三種。色骨舍利。白色肉舍利。紅色髮舍利。黑色。惟佛舍利五色。有神變。一切物不能壞焉。昔者佛法如傳於漢。而漢人不詳。始傳於吳。而吳人不諳。故摩騰僧會命舍利以驗佛世。自是翕然而嚮之。唐

子璘母妃詣岳廟。誦經誓見。嶽帝求母生處。其夜岳帝召謂曰。汝母祭獄。見受諸苦。璘悲泣請免。帝曰。可往鄧山。禮阿育王。舍利塔。庶可救也。璘即詣塔哀泣。禮拜。至於四萬。俄聞有呼璘聲。望空中見母。謝曰。荷汝之力。得生初利天矣。宣宗四明道俗八千人。於育王寺供舍利。天花紛墜。放五色光。吳越王錢鏐遣弟錢往迎育王山。舍利夜放光明。浙江如晝。然舍利現乎天下者。古今多矣。有盤空而翔者。有無端而至者。不可殫者。不可碎者。晝夜旋轉。而不怠者。異乎美哉。不可思議者也。龍飛壬寅。余寓扶桑國。將告歸。僧某

送以舍利三顆考其始致則曰得之於南都招提寺
大唐鑑真律師之所傳者也逮今九百有十年矣更
數顆廼本國鹿王院佛牙上舍利又有閩浮檀金像
舍利共一十五顆貯以水晶塔予晝夜瞻禮生難遭
想因作文記之庶聞者見者歡喜讚歎而同獲福慧
焉

遊桃花坪記

甲午二月之望從師集桃花坪蓋宗上人棲福處遲
客未至心頗悚然忽聞花徑外脆聲犴犴疑有人影
已而果然遂相與酌新茶苦笋冷然善也坐久散席

石門山記

五

脫帽露頂各自徜徉於後山之麓有風習習而來吹
水紋波委而濤屬者蒼麥浪也麥浪清如洗忽忽至
人心目反而復酌茶笋輒盡客亦亦從師而還花
影雜地斜陽半襟謾開書篋尋新書讀之稍有得意
便鼓掌大呼倦則就睡睡亦不夢即夢亦不離花光
几席間乃自念云不想人生有此樂事

遊獅子巖記

融邑石竹山與獅岩並峙而遊者多從石竹以登之
而獅岩尤靜夫石竹仙廬也獅岩佛土也其道等乎
而遊者不得不具眼矣歲癸巳春余同諸友登其岩

歷觀諸勝種種寂靜岩之下爲文殊院乃黃蘗老和
尚習靜處院後爲梅陰洞洞幽邃暑月如秋由洞之
左百餘步爲羅門徑徑數百級險不容足若鬼斧而
鑿者卽寫松塔也塔之半爲大士座鸚鵡石臥雲床
皆岩之奇勝其上有閣曰遠天居俯臨無地塵跡莫
到肩有古榕樹聳千尺延石壁而上所謂石壁格者
也有時風起濤飛猶天一嘯觀者輒有留題閣後爲
翠石屏擲珠泉泉從石罅而墜擊石作屑若擲珠然
殆不可久視唳山靈其忌人乎反而入閣童子具茶
已而復出觀自平石卽老和尚坐禪處舊猶半傾後

石門山記

五

爲之自平蓋和尚道力所感故名由石上數十級接
竹梯而上爲團瓢亭亭空如洗時危坐之若置身於
白雲之端也嗚呼人不可不明道道明矣或登於千
仞之頂或臨於九淵之下或花容鳥語或水色山光
莫不有禪意仙機故知佛與仙其道蓋不遠也但諸
遊者不得不具眼矣

遊釣龍臺記

丁酉四月夏寓鶴棲居有客邀予過鳳皇之山徜徉
山麓指顧松雲眉宇豁達渺不知有人間世既而紆
路踏波穿紫竹林少憩枕石齋名花古樹旌石青禽

雜沓其間不拘位置時緣陰在地清風徐來隨客上釣龍臺斯時也心曠神怡澹若無際俯望龍江千里如帶長橋臥波橫江而走橋下冰灘數里釣龍維舟棹歌互答江上村家隱隱鷄犬聲聲別是桃源深處於是對客樂甚客曰人生爲歡無常何所夷猶以還差成陳跡是鳥可以不遊予曰遊豈勿言哉情其不滯道于焉存閑於格外步亦禪餘耳客乃相顧而笑而忘其歸

紀夢

適與諸子閒坐曰于疇昔之夜獲一夢如有所得而

勃然喜也遂爲之喪去實無所失而快然喜也既而覺乃自笑曰不知何得何失何喜何憂夫得失憂也喜憂亦夢也吾今爲子告之亦夢中說也于其爲我聽之亦夢中聞也既知爾我俱在夢中抑亦尤知有夢在于夢中否

鳥外軒記

癸巳之冬予卜居羅川之南山山青入漢臺鳥之所不能到者題其扁曰鳥外有松焉枝枝撫日葉葉吟風有石焉巖巖若墜硃硃如飛又有蕉蘭竹柏寒梅瘦菊列植其側與兄良印唱酬而樂之幾不知有

人間世也

黃藥受業師時默和尚必公行業記

夫師者必也人之模範也學道人始入空門未有不從師得度焉未有不從師受業焉至于道成德立超生死而證無爲者皆師之恩德也此統論之若予師之恩德又或過之非予之所能言雖不能言又不忍不言言之庸何傷師諱隆寔字時默号無住福州福清縣東閣林氏子父用周母謝氏生師兄弟五人師其次也自幼篤實不能與人爭曲直喜持齋奉佛有至性事父母以孝聞年十七父母爲定聘力止之遂

詣本邑黃藥山禮賜紫大沙門鏡源慈師翁割落受十戒會黃藥御藏初至脩葺伽藍百務畢集師服勞無難色暇則誦習經律其事師翁又過于父母且律身端謹纖毫不苟師翁甚器之一日在庫司以殘菓一碟與諸伯仲茶師翁乃於門外經行以警之恐其有費常住物也師自是不復在庫司喫茶矣一日師翁示疾侍湯藥不舍晝夜食不甘味衣不解帶如是者數月及師翁滅後諸伯仲皆匆匆然敝裝行脚而師獨確然不動願守師翁衣衾以老既而念戒法未圓乃不遠千里抵漳之石室從樵雲大師受

具贈以今号。次謁博山無異和尚進菩薩大戒。三衣一盂。未嘗離身。復從道亨漆師聽講楞嚴金剛等經。悉了其大義。猶苦心參。不能抵敵。生死每坐禪達旦。久之背發癰大如盆。痛不可忍。審人命無常。而工夫益切。既而瘡潰平復如故。自此忻然自得。了固不敢誣師。有所悟證。然而見其日用中浩浩焉。落落焉。而無半點狐疑。使無所證。又安有自得之若是邪。尋常衛護祖庭。龍藏歷盡艱辛。惟恐事之弗辦。不知已之有苦。以至懇請密雲悟隱。容隱元琦。互信彌諸老和尚開法山中。以故黃蘗門庭煥然。增輝其

功。登淺淺哉。公務之餘。日禮華嚴一字一拜。凡十年如一日。常應檀越請演。瑜珈不下數十壇。音如意。獨一日遇雨。乃曰。將非魔燒我乎。乃寂坐持明。良久天晴如故。瑟江有大長者翁氏。視師如佛。嘗請轉華嚴。逐日齋供。必命夫人自辦。凡出一味。必跪而後進。其爲人所敬爲若此也。所收願施輒散。諸園圃或贖生。命或造佛像。或施田。不自用。每值知生之日。必齋僧以贊先亡冥福。其先人墳在松嶺。雖隔數十里。春秋二時。必詣墳祭掃。又圖父母肖像。終身不離。或與人談。罔極之恩。卽涕下。至於兄弟手足。亦未知不

盡其義。不幸有下世者。卽爲之理其喪事。營其墳隴。安其子息。至畢事而後已。生平罕與人交。獨與太封君甫宇洪公友善。以公舉家誠信。故也。一日有菴主以白金若干兩。托造護法天像師。輒委僧代理。其僧久而忘之。師曰。彼負我。不可負人。乃以已貲造像而還之。凡事皆類此。師與人厚而處已至薄。一壞衲裹生不易。或者晒之。師曰。福不可享。盡古人三十年著一輛鞋。我何人哉。至年七十。罄不益。貲飯僧修禪事者七日。計前後所管。齋會佛事不下百餘番。雖迹類有爲。而功歸無相。復謁雪峰巨大師於慶城。夢

會大師爲作壽文。有曰。黃蘗耆德默公親事密雲師翁輔。本師費大和尚及吾兄弟前後三十載而一段圓融。隨高就低。未嘗齒及是非。於声色之中。得大自在。可謂應如是住。如是降伏其心。世稱七十謂之稀年。現公精神氣爽。若五十歲人。於斯現之。則形軀在乎靜養。神情之超然。與世之馳逐者弗同也。辛丑秋師七十三歲。會百痴元和尚至黃蘗。亦寵之以文。曰公年少出家。慕道嚴守。毗尼衆所知也。龍藏下領公偕同列。轉彌山門。晨夕弗倦。衆所知也。歷請五世住持闡揚。宗旨公謙虛自若。毫無畔。衆所知也。

敦睦弟昆。課督孫子公縱過。頑悍不假辭色。而人自
悅服。亦衆所知也。兩翁乃命世宗師。其稱道如此。則
師之所養可知已。至年八十四。方黑白。以詩文而祝
者紛如。至於乩仙盧洗雲亦贈以詩曰。八十堂開白
玉。三千界盡青蓮。眞壽原無可量。如來幾度摩肩。
亥師八十四歲。孟夏二十日。自知時至。著僧伽黎到
處禮佛。乃云。當去耳。或問老師太何處。太曰。四方太
或咲以爲毫次。日即示微疾。軒軒而睡。問亦不答。三
日後徒孫道行呼而問之曰。勿擾我睡。行曰。今日爲
師公製龕矣。則搖手曰。不用夏間。它事則不答。堂頭

高溪里市一節州志卷四

一

高溪里市一節州志卷四

一

和尚進而問曰。老者舊尊候何知。曰。稍熟必熟。惟和
尚爲太。自愛明日將午。索茶喫。遂吉祥而逝。皆辛亥
年四月二十六日巳時也。師生於萬曆己丑九月初
一日午時。距今遷化享世壽八十有四。僧臘六十又
七。茶毘附葬於四潭祖塔所剝度弟子九人。其一日
良知。躬爲山門勤者。其二曰良照。泉嗣。於隱祖共
三。曰良亨。曇其四。曰良穆。昭其五。曰自覺。明其六。曰
良印。政皆先師而逝。其七曰自良。貞乃尼衆主。其八
即予也。其九曰標菴。昇得記于旗山樂和尚。予乃師
之猶子也。年方舞勺。即隨師出家。侍左右一十七載。

蒙師剝度之德訓誨之恩。雖肉灯身座亦不能酬其
萬一況師暮年而予在萬里之外。師老而不能待。市
廛師病而不能奉湯藥。師沒而不能匍匐歸葬。不肖
罪戾涅南山之竹亦不能書於乎尚忍言哉。師生本
純誠慈愛出於天性。作事必藉古不徇俗。利名不涉
於心。是非不置於口。年踰八旬體猶嬰鑣百里之程
尚能步行且健。飲食完視聽而顏貌不衰。見人每合
咲口無異言。手不釋珠密持聖号非算數所能規常
曰。阿彌陀佛。願力功德不可思議。十念尚能往生況念
念不舍乎。垂終預知時至者衣禮佛吉祥而逝。則自

高溪里市一節州志卷四

一

始至未八十餘年。跬步必存而無少失。故天下之人
若僧若俗若老若幼凡知有黃蘗者莫不知師之名
若此實可以爲山門標榜後學模範矣。予今年踰半
百恐向後老而健忘故不敢以不文而直書以紀
其梗槩云。

跋

跋遺教經

三界大師四生慈父本降靈于中世再降滅乎雙林
爲諸弟子遺囑此經我等既是他家種師應云何奉
持若欲奉持莫先淨戒諸善功德由此而生耳

跋徑山費老和尚遺墨

始予未東來時曾大父方據徑山指聖佛祖號令人天湖海英靈之士莫不望風而進如老妙喜無不也予小子恨不及見及東來後則聞棄學子遊化他方矣今觀其遺墨雷聲電射想見其爲人感慕無已拜書其後

跋血書金剛經

般若喻如金剛能壞一切物一切物不能壞金剛故其功德不可以心思而言議況瀝血書寫乎雖然無人相無我相無衆生相無壽者相四相既空且道經

是何物寫者是誰

跋天峰姪詩集後

吾姪天峰禪人也詩人也即禪而寓詩即詩而入禪禪乎詩乎如鼓素風中投水海底俱弗克以世智辨也雖吾惟以望吾姪于有成終不敢以詩取也因筆之以告乎知言

張卽之金剛經跋

宋張卽之居士墨蹟傳者固多而精者蓋亦寡矣有手書金剛般若經一卷字體奇古筆法精妙誠可式天下而法後世也俗傳張公歸爲胥江水神得其書

者災不能侵矧書經功德又不可思議故宋人審其

字慮傳之不廣壽之於梓觀其刀法卽一點一畫未嘗不曲盡其妙殆非庸工之所能及也奈世殊代異其板已毀之耳有傳於日出諸國爲神舒大德所獲文其首日金猊山大智禪寺云藏之久轉授於益菴居士以耐檀施土之子出示於齊雲棟公知其傳達求爲鑑定雪見而駭曰此吾故山物也汝何有焉因勸其捨其子乃諾然授於雲雲得之爲希世之寶卽奉其受業師用垂不朽焉第年深舊損首尾脫落巧天閉子書而禪之復請卽大師題其首一日屬余跋

余何能贊一辭哉但願後之若子若孫仁人君子見是經無論經之新舊字之工拙當期頓念入於了解真空則金剛一會儼然未散上致佛恩下資羣品庶不負宋人鑲梓之心而雲公求經之念也

跋松泉詩集

凡詩必寓意意有美刺美刺之中存勸誡焉爲益於世也無益則非詩矣細味集中看花似靜夜思觀西湖圖等篇言言如明鏡句句如藥石實可鑑千古之人心而起膏肓之痼疾也爲益於世豈淺淺哉

跋蘭亭詩卷

凡人各有所好。但所好有清濁。而賢否見矣。濁固無
論。而清之中。亦有所不同焉。如好山好水。好琴好棋。
好花好木。皆清也。至於好古賢。墨蹟。善。又清中之倍
清者也。黃山某道人。恆處一室。衣鉢之外。無長物。惟
經書數帙而已。一日出。此卷索余。跋組視之。皆當時
名賢所作詩詞也。何能贊一辭哉。再四讀之。想見其
趣。彷彿置身千茂林脩竹中。冷然善也。因思道人所
好如此。其賢蓋可知矣。

書問

與吳龍浦居士書

卷之四

七

客歲在桂香中奉別。揮霍又炎。帝司權矣。望鳳瞻仰。
第切寸衷。某人至。聞有脫白之舉。莫不爲之驚歎。然
出家真大丈夫事。非將相之所能爲。直須犯世間所
有富貴功名恩愛如斬。一握絲。一斬一切斷。如此猛
利。乃真出家士也。居士志果遠乎。祈當勉足以望。

與友書

近過寶山。得與足下高論。可謂盡歡耳。夏得桂景。未
幾。久之所謂一妙未易言。信然也。何況幽鳥常見靈
籟常聞。高舉達世如足下者乎。

與劔文禪友書

兀坐空山。百歲一日。嗒然不知所有。陰陽景默。變化
俱佳。不佞將以爲極樂耳。足下有意乎。須問我于白
雲深處。幽鳥聲中。

與良明汾兄書

燈後布袋頭既解。吾兄荷大法而去。法筵龍象。皆忻
然解頤。此係吾兄三二十年磨礱擦磨所得受用。所
謂佛法無多子。久長難得入信然也。今而後叢林之
興。法運之轉。斯可察耳。唯萬萬以法爲重。親佛祖恩。
爲生靈。則如某不才。株守而已。何幸如之。願藉不盡
瞻依。

復行師兄書

癸巳秋補山一別。隨師伯到羅川。住蓮花菴。未兩日。
蒙新和尚促回。尋得兄手尺。是肯即欲嗣音。因之徐
福之船。未由如願。後某入至溫州。弟遂修緘寄太。不
意魚雁沉浮。如此者數四。竟無由一達。從喧囂十衷。
不能自遣。乃作懷詩數章。至客歲冬至夜。又得兄書。
挑燈讀之。句句真誠。恍如促膝音。也是夜即賦詩一
首。記之。皆不能寄上。兄書來責云。兄兩致書。弟無復
字。未嘗不扼腕深嘆。但此心無愧。諒吾兄亦必知之。
詎可以數載之別。而無一音相問。訊即塵勞中交儔。

不如此況弟與兄衛義至篤其忍于是哉蓋以隔海而阻其願也兄又云師伯季老宜留心瞻侍此誠知已至言愧躬不肖遠勞吾兄丁寧至此感不勝言獨未察何嘗得應摩松之記其說無生寧不勃然而興之乎悠悠此心不盡於筆

與獨往子書

弟閒居肯思天下閒一二事絕可笑者有等祖和白衣肯未嘗讀孔孟之書及之太深大藏經律亦未之見只效幾句口耳之學纔見人文字便檢點冷笑逮視其中闕焉此等輕薄人實可爲一笑者殊不知返

求諸已奚似其或皆如吾兄胸羅一酉不知批評人文字又當何如哉且法門中本無元字腳卽或拈弄筆墨特一肯方便曲順肯情而已其可以此爲活計耶

與幢峰曉公書

暮首客中聞足下言旋彷彿有如所失然擬繼見有期披雲可再詎意專人三至竟未見過且又未獲一音所謂有如所失者則真有所失矣切計足下爲顧戀祖庭不忍頓舍固當如是第道人衣線下一段大事未曾觀透雖此身猶不服顧況身外之餘事耶惟

當學趙州十八上之舉異日倘得徹證本源顯煥祖庭亦在其中矣豈在乾乾固守而後爲是哉令師吾友也屢辱法愛未嘗不銷心骨故于足下敢推猶子之分特僭言如此不知其見惟爲何如耳惻惻不莊

與天峰姪書

別昔人事周章精神彷彿凡所欲言者皆不及徇悉甚不快然吾姪所爲想皆經濟不待重瑣瑣也某人至言姪出領知客愚爲之慶然興起曰是其才矣稱其職矣方丈用人誠不苟矣但叢林中不肖者多積弊者久似不可頓除唯在智者接之以禮化之以慈

持之以含緩行之以敬謹然後非則太之是則取之庶不肖自退而弊自滅矣是蓋愚身之所親試者也如子之才之職似不肖爲故所謂不待瑣瑣者此也雖然不欽細行終累大德師翁年老景迫桑榆愚既遠遠在孫惟子併子二弟於孫中子爲家督當上順老翁下訓弱弟體愚素志庶老者安少者樂足見吾子之經濟又大有經濟也乍熱善自珍攝

復清汾兄書

客意午睡孰甚夕陽侍者持汾兄詩書序文並至整走睡魔拭目觀之習習焉若清風徐引毛骨俱蘇耳

逮讀至簡末有夏溪操刃扣門者不覺爲之駭然其幸不至傷人因記臺藏禪師住南嶽西園曾有群盜至師曰茅菴有可意物一任持去終無所吝盜感其誠謝而退今吾兄處之亦不是過也盜者之賢不如彼耳未免有負吾兄之誠承諭行無衣坐無食第謂行無衣不必遽行方今之道場舍夕陽何有焉坐無食不宜空坐惟善區劃之古者云不遇盤根錯節焉以別其利器誠在是也補復不宣

候拂日和尚書

拜石一別不聞德音者八稔每於風柯月渚以法眼

觀之雖曰不聞亦孔之昭矣茲承老和尚寵召振拜面在卽受教可期奈以昔務阻竟弗果來悵若之何忼聞座下新傳黃蘗一枝高懸拂日行將廣陰入天敷揚法化其福德可思議哉肅此奉候臨楮不勝瞻注

啓

候卽非和尚啓

片月在天印千江卽爲千月一音說法隨羣類而作羣音忘固必之心渾本來之跡所謂大鵬遐舉下鷗笑知恭惟座下德同寒拾才冠齊休鏤光彩於古雪

峰頭何有爲人之想拏辭歇於天台橋上但存通世之心吸月捧雲不識是魔是佛搖頭掉臂誰分爲主爲賓最幸法社多祥龍天有眼推一座於古壁林中已見輝天燭地分半瓢於扶桑國裏又能福世安邦控向上佛祖玄機提格外聖賢妙句以我等最爲難遭在吾師未嘗分外浩爾道聲洋溢德化惟冀不棄本地風光躍重艸而旋如達磨之再出無忘故山景況握藤條而至似臨濟之重來俾三千刹海俱展歡顏十二峯巒咸開秀色臨書戰慄莫聲微誠

候古門和尚啓

野霧未開望紅日於何處山花有色冀回象于斯時空谷傳音翹瞻益切寅惟座下通身手眼滿座鯢鷗大爲獅吼裂百獸之腦門廣化益傾布千峰之法雨宗風因而永扇後進得以沾恩某愧樗材莫及跬步難前徒負二十七度之春秋空寫千百億篇之偈語未符夙契畧敘懸衷

夏鰲江諸護法啓代

鰲水流芳涌檀波千萬福紫雲結蓋疑瑞氣于三春僧海增輝禪林得色非唯四代之靈足保千秋之固恭惟大檀越列位台臺名揚遐邇德貫古今衛軍傳

之旨永忘有囑于當貴人不一之門已見傾誠乎此
日某材慚被緣力怯難飭既謬續于貂鼠徒負愛于
屋鳥正堪逃拙荒丘長效大梅隱迹曷敢再登丈室
還同三聖爲人所謂欲善其事先利其器誠足徵矣
既流其德矣踐其位寧不懼焉第以寵命下及似其
非才遠卻惟賴轉舉高風以紹從上洪規庶幾駑質
鈍根得肆今肯退志則老人之公案可圓而居士之
嘉聲永播不盡覽瞻伏希電賜

請雲崖禪師住西來啓代

灼灼閒花須後象王顧臉離離薜州全憑師子嘯

羣物咸仰慈光萬靈俱泊法喜恭惟座下錫卓遶天
搖千林之睡月鉢擎華嶺財來萬壑之清風一靴
屐鞋踢起嶽然似虎半條藤杖拍來到處成龍是以
合響洪鐘扣之自然即應當臺明鏡鑑之無不隨形
俾個個盡得真宗使人人俱開正眼所冀空谷足音
尤幸晦堂燈影雲馭鳳臨則達磨西來不異耒耜久
啓卽維摩默處攸瞻肅此布聞而爲致懇

祭文

祭師文代

乾坤覆育羣靈易測吾師之慈其恩倍及碎骨粉身

莫酬萬一吁嗟我師爲真知識取道以中愛人以德
思贊叢林靡休靡息若長若幼均惠滋澤一踐一履
以正以直秉上古之淳風作將來之儀式磨勵我曹
殫其心力毅然獨居永離華飾壽屆八旬厥志愈立
竊謂法臘直超椿栢詎意時臨那伽頓入萬象森羅
爲之慘激痛我懦懦濫廁座側一旦云歸其續其業
今將展大虛以爲紙樹巨浸以爲墨吐廣長以爲言
假雷霆以爲舌總罄此四者亦不能盡吾師之至德
嗚呼哀哉尚饗

祭時學和尚文

眾生大矣非人所知是以臨生外之際永有不哀之
惟我法中知眾生之理達眾生之源故雖死而不爲
哀也但循義感人之至似不得不臨而哀之嗟我師
壯身爲模範語足典型提挈羣機不振千季爐鞴磨
礪衲子不念一餉鉗鎚嘔肝膽以待人立綱宗而報
祖三坐名利一退溪山存誠信而由衷故從者如歸
市奈何珠樹光潛智燈燄息林木爲之悲號山川爲
之慘激俾某等杳金繩之望失寶筏之依惟冀不舍
後昆永垂慈願再起那伽之定于他方此界恆爲昭
世之明幢尚饗

傳

萃嚴道人傳

公諱道實字惟一自号萃嚴道人出福州侯官鄭氏將門之裔也世襲天祿父東里母徐氏公將誕時其父不知其弄璋弄瓦乃與僚佐汎舟湖上舉網祝曰果弄璋當得一鯉須臾一巨鯉入網其父大喜焚香餽送之及歸公已圉地矣時泰昌元年正月二十一日也遂名兆鯉舉族稱賀稍長習武藝素有至性爲母持長齋一日母病藥不能療公乃露禱上下神祇剖股肉禱禱康以進母食之頓愈間里皆稱其孝年

引仁道一月初之吉日

二二

十九父母爲娶孝女陳氏舉一子甫三年而陳氏太室公守義不再娶又三年而子亦殤公初試所習三三三隆武官至參軍官堂二千士卒感其勸懲踐兵飢相繼其父死于難公大傷痛恨不能以身贖之悟世相無常輒有脫凡之想徧辭內外親屬隨其志親屬皆苦留公執志不同特請黃藥誦普照國師新落禮獨往幽公爲依止時年踰而立矣恨爲僧已無嚴戒節習頭陀至于執纓負舂未嘗有難色叢林皆賢其所爲順治甲午輔國師東渡明年附船歸黃藥任客司又明年受請往海南牯牛山鎮海禪寺常

跏趺足露頂唱萃嚴日課千拜雖祁寒溽暑不少怠平夷候周公聞其操行甚重之至于宰官居士皂素素彥靡不傾敬一日海上有賊船至時人懼促公遠避公曰吾貧僧也了無所有要頭祈將太何慮焉如常厲聲禮萃嚴必爲黑風四起蜚砂拔木若有神遣之者賊船驚退人益敬服辛丑承國師見召夏與于東渡抵新黃藥橋居雙鶴亭每刺指血書萃嚴公華報恩涅槃等經凡二百餘卷皆作梵文慈真部帙積盈兩棚國人隨喜禮謁者日接焉于道延壽初國師入滅公悲傷不已無意于人世乃就鶴亭之西偏構一

引仁道一月初之吉日

二二

宇爲終焉之計扁曰萃嚴之室不蓋造如來百福千光之相又造國師肖像安亭中每日上香香爇食中如在之敬公狀貌魁偉陳眉隆準望之昂昂焉如孤鶴在喬松之頂生來爲人福急質直無詭奸面抵人過人皆畏之然性甚仁慈喜施與凡見貧人丐于輒解衣推食以濟之時人号爲萃嚴菩薩年踰耳順尚若強壯頗喜吟咏有詩偈數百章雖不事敲推亦淡致可取度弟子若干人同守枯淡諸司公者屢欲以衣拂授之公皆弗納予嘗爲公作贊曰却卻蟠花袍來披離垢服血染襟花文不求天上福老來爲道念

蕭堅咲然時流徒碌碌

知閣梨傳

師名性昂字良知古甫其氏也自幼長齋奉佛既冠厭世相斷煩惱於藥山師事無住室老人甚謹餘四十霜不敢少犯律身不苟叢林公務重處輒先爲之若開田種畝破柴負米人所畏難而師易之嘗曰古人一日不作則一日不食我何人斯稍暇則坐禪轉經善諭伽散常爲證戒阿閣梨衣鉢之外無長物一壞衲畢世不易飢輒拾野菜古所謂十二頭陀今莫之見就師之行庶幾其近之歟順治末年值兵荒師

石龍寺一清先生

卷二

石龍寺一清先生

卷二

已七旬猶統寺務日拈拈濟衆竟不知有身一日齋衣鉢飯僧弟子莫知其故已而病作不旬日化太時順治戊戌十五年十二月二十九日也邑太史枝南葉公方寢疾聞師之化魔然驚起太息久之予以二詩有不獨僧伽相居然古佛心之語呼藥山霜顛螺頂之士以慮數千指獨於師見重而聲於詩則師生平之所取信於人可知矣予視師爲伯氏雖太師多載寤寐弗忘慮後世無有能知師者故筆之以授其弟子

明三山陳秀女傳

秀女名引官三山候官人右衛鎮撫陳大順女也生有至性甫十三歲其父鎮萬安城一日捕得通洋船一號發騰申上司其夜船遁太部卒報聞其父大懼輒破膽吐實而卒引官惶惶無措乃露禱上下神祇刲股肉糲淳糜以進父食才下咽立蘇上司察其情實宥焉俄其父疾作夏刲股爲藥由是里閭莫不以孝稱凡有求婚者父曰必有孝如吾女者乃可至年十六里中有鄭叅軍者有孝行乃歸之乃入門值鄭爲母持長齋引官竟不茹葷亦與之共甫三年以觀音大士誕日違疾卒于正寢父何丁國變其夫無意

石龍寺一清先生

卷二

于世棄須髮添承入名山從釋氏遊以樂其志

座右銘

二儀既奠愚智斯分智者見性愚者亂群智愚既立循隔泥雲矧我佛子唯佛所倚比于智者尤宜反是行須慮危以慎其始在須擇居以防其鄙坐須攝身以調其意臥須安息以成其軌其餘動定皆無遐適唯循是謀唯利是恥以仁爲宅以衆爲己不爲毀怒不爲譽喜緘口至三澄心猶水久而踐之循或斯止循既我止隨其所以或窮或通或泰或否舍之操之

莫不有型守之以虛示之以愚人其戚戚我獨如如
銘之座右不亦宜歟

鐘銘

烈火煨成赤體如罄中虛外文隨扣斯應下有祖僧
晏坐靜聽非喧非寂無欠無剩百萬圓通從此親證

碑銘

馬肝之石其質則堅既堅且潤任用弗愆墨卿是寵
毛君是憐不動不銳稟性惟淵用汝之德終保爾年

拂子銘

活如縣溜勢若游龍可引中天碧月堪招大地清風

指邪揮耶無往弗適舒兮卷兮靡所不從因是從上
諸祖用汝永續具宗

同心石銘

秋水之骨愈久愈堅我心亦爾終古不遷

主丈銘

不鉤不曲不蔓不枝活脫脫今山嶽必由其登陟赤
條條今乾坤亦藉以撐持任鐵額銅頭觸者也須血
流腦碎非德山臨濟莫能措其大用大機是以羊標
如此吾其銘之

紫石銘

鍊嫺皇今補天餘採端谿今將何需倦可枕今語可
書堅不頹今後如初徵我銘今漫塗鳥宜永寓今蔽
瓊琚

玉硯銘

荆山之璞馬肝莫誇帝鴻得之非此也邪

水雲石銘

一拳之石出自天壤如水如雲足供清賞

木根如意銘

美於芝近於龍不加雕琢任用弗窮

長明庵銘并序

道人某公以四威儀爲庵名曰長明之銘於予爲之
銘曰

衆生顛倒障雲蔽日於昏昧中安計得失倘遇明師
反坐其疾如古莽人以夢爲寶

古硯銘并序

坂城志方氏隱者蓄一古硯賢於端谿之石諱曇花
道人造銘爲之銘曰

不銳不動堅潤端方譬彼君子令德遐昌

某公蓄白石硯一枚狀若瞻齡來謁銘銘曰

堅欺下壁瑩復瞻齡匪纖女支機之貝乃焦生果腹

之餘

笛銘

伊管三郎好御玉笛。意意退方亦有是癖。阿閣迴庭。風晨月夕。試弄厥音。梅花狼藉。

贊

地藏菩薩讚

無盡願王。四生慈父。援八極旋轉之倫。越三有渺茫之戶。究竟無爲。不墮諸數。

半身達磨讚

不辭十萬餘程。望氣西來。震旦若言。有法相傳。吾只

信。併一半

臨濟大師讚

佛也沒奈何祖也。沒奈何佛祖也。退縮只是者頭陀。擬開口讚嘆。且待鴨成鶩。

智者大師讚

立意爲人講。法華天台教觀自成。家直饒親見靈山會也。是當昔眼著。沙

化身慈氏讚。背坐吹笛

翻轉舊面皮。何人認得伊。橫吹無孔笛。眼聽乃能知。楚石琦和尚眞讚

水清月現。形直影疏。心空如掃。佛亦難親。接人機掣。電說法口。翻瀾便是。亞池復肉也。須所領遙看。

布衲雍禪師讚并序

師諱祖雍。明州定海人。嗣天目高峰和尚。卽黃蘗法派之始祖也。住杭州中天竺。以清素自持。唯者一衲。士大夫高之。故有雍布衲之名。嘗廣永明壽禪師山居詩。其意趣不相上下。句法圓熟。間有過之者。師終書。獨坐逝。火餘設利無筭。

親見西峰古佛。常調獅子之絃。毛孔中祥光射日。筆端下千偈翻泉。道風孤峻。法眼明圓。坐火浴設利。

珠聯稽首吾門第一祖。一條布衲覆人天

高泉禪師一滴卽卷第四終

右一簡州。吾師在唐及初東渡時作
無慮四百餘篇。雪峰卽大師嘗覽
之。有文弁其首。師以著述多。欲意不
欲傳。置諸敗篋久矣。今茲京兆有白
衣弟子來乞版行。師不獲已。取而昇
之。益亦不妨以翰墨爲飾事云爾。

二南堂

龍飛丁卯季春癸日門弟子道階

道發稽首敬跋

八尾市兵衛殿心謹梓

中興佛教寄禪安和尚傳

民國・太虛
撰





中興佛教寄禪安和尚傳

——民國三年春作——

第一章 集起
第二章 來歷
第三章 道基
第四章 行解
第五章 師學
第六章 詩文

第七章 法輪
第八章 愛國
第九章 徧教
第十章 圓寂
第十一章 友嗣
第十二章 撫遺

第一章 集起

粵維我文物之邦，自鎖國關鍵爲歐風美雨衝決，迫乎世界大勢，漂焉搖焉墮入於

國競漩渦中。潮流激蕩所及，四千餘載之政教學術，皆爲黯然無光。道德之信條墜裂，國家之根本掀動，秉國鈞者，復姑息苟安，肯存一我躬、不問遑恤我後之想，乃汲汲乎不可終日！草茅有志者，懼於國亡種奴之說，怒焉憂之！未幾、而震古爍今之大革命起，帝制踣，人權立，爛燦莊嚴之中華民國，於以湧現。然歐美近代之文明，論者僉謂胚胎於十六世紀之宗教革命，而日本勃興實佛教爲之原動力，顧可以素稱文物之邦，政治革新之際，獨闕無宗教關係爲歷史之光榮乎？夫世界無宗教，唯佛教爲完全之宗教。佛教廣大，他國皆傳其一端，我支那有佛既早，尤能宣其蘊而大其緒，上中下乘，萃焉畢備；故濡涵人心，右左民俗，爲俊彥通士所樂稱道，舉國胥嚮，千百年如一日。佛教於支那之位置既如是，則尤不可無述焉，予與佛教寄禪安和尙於是乎傳。

第二章 來歷

晴雪映窗，作明月珠色，屋角老梅，芳苞乍舒，時時送其幽香，愉人鼻覺，枝頭

有雀三四，啾啾聲忽與呱呱聲相亂，時前清咸豐元年十二月三日，中興佛教寄禪安和尚，已出世爲湖南湘潭黃氏子也。和尚生而魁偉，無事試啼，一望便知爲人間英物。齟齬之歲，卽吐棄腥味，喜聞人談仙佛事。母胡氏，素奉施無畏者，以夢蘭而孕和尚，德本夙植，殆呼圖克圖之流亞歟？七歲喪母，十二歲喪父。父宣杏，業農，敦厚人也。和尚嘗就塾師受論語未卒業，至是與弟子成俱廢學，爲田家執牧牛役。暇則攜書自課，黃陵石上，綠樹陰中，往往獨坐冥想，似有所悟。夫疾疾益智，孤蘖者遠，處境苦則慮患自深，出塵棄俗之思，迺由是生焉。「三界火宅不可住，我生不辰淚如雨」，此和尚自哀其身世者；藐余小子，蓋有同慨，誦之每不勝其悽惋也！

第三章 道基

萬事無物，皆助道之緣，一芥一塵，亦唯心之境，聞香以爲佛事，擊竹而悟心空，夫固性所大順，理之真至者也。同治七年春，和尚驅牛出郊，觀離間白桃花爲風雨摧落，恍聞佛說苦、空、無常、無我之法，遂感而大哭，投湘陰法華寺從東林師落

鬚焉。荒林棄劍，雖無匿勒銜悲，昏夜踰城，豈必天人警覺哉！旋徙至南嶽，受具足戒於賢楷律師，終身之德業，乃基乎此。

第四章 行解

雪山六載，行人萬古之宏規，因地一聲，佛祖單傳之祕旨。和尚受具已，開岐山恆志禪師門庭高峻，龍象麤集，乃冒雪往參。志禪師命司行堂兼執飼犬役，一時號爲苦行，如是數年無所得。嗣因飼犬食未盡，志禪師適至，恐見譴，取其餘自食之。俄見犬廁中出，心胸作惡，嘔吐不止。忽念根身、器界、四大、六塵，因緣所生，都無自性，垢淨好惡，皆意識妄生分別耳，決計與之交戰，竊如廁下。一動念間，便臆膈欲裂，遂悟入心地法門。復以釋迦有千瘡求半偈之說，然頂四十有八，自項至腹百有八，兩臂殆無完膚。尋至明州阿育王寺，供灑掃於佛舍利前，剜臂肉如錢者數四，注油於中以代燈。已而、又燃去左手兩指，眞法供養。和尚初諱敬安，寄禪其字，迨是、又自號八指頭陀焉。阿育王寺，古之名刹也，大覺璉、大慧杲、皆嘗開堂於是。

毀於洪楊兵燹，頽垣敗址，僅可辨識。自和尚行道其中，四方衲子，始稍稍集，門庭日有起色。今則王几山畔，殿閣連雲漢，鐘鼓聲聞三四里矣。斯固釋尊設利羅光明所致，和尚亦與有功焉！和尚曾發誓修法華懺法，盡十八日，徧身寒作，如墜冰雪中，舌根麻木不得轉，惟默誦經文，萬言立盡。心大駭，靜坐數日，始復常態。由是世智頓開，以其事語同參默庵法師，謂此卽台宗所云寒觸，舌根既轉，當證法華三昧。和尚不以自足，益精進不已，定慧兼修，咸臻上乘，乃成佛教一代之傳人。嗚呼！精誠之極，金石爲開，苦行至而菩提成，夫詎偶然哉？余忝爲和尚戒弟子，猥蒙慈愛，嘗召之丈室，端容霽顏，縷告以生平所經歷事，並述孟軻氏「故天將降大任於是人也」一章，勉余習勞苦而耐枯冷。夫佛言苦爲道人第一大師，余今病未能奉事也，余不能無愧於和尚之言也。「相隨學道白雲層，棒喝當頭領受曾，從此更無師我者，小窗垂泣涕如縑」！余哭和尚詩也。非徒言哀，亦紀其實，每一念及，未嘗不神酸意楚，淚涔涔下！

第五章 師學

達磨東來，鉢衣有自，善財南訪，煙水無窮。和尚既奉賢楷禪師爲本師，又以笠雲圖學行超妙，亦事以師禮。自是徧參江。浙名宿，道譽日隆；然生死心切，常以禪那般若爲業，往往入深山坐盤石上，冥然入定，深證一心，以期入識窠臼根本掀翻，一生成無上正等正覺。卒以龍天推出，爲法爲人。晚年亦兼修淨業，回向安養云。

第六章 詩文

道無言而藉言以顯，德非文而得文益彰。禪者妄自況盧祖，擯棄文字，何異世之慕英雄豪傑者，僅學其不拘小節耶！然獲證文字三昧因緣之奇，古今無逾和尚者。初在岐山，維那精一好作詩自炫，因訶爲不究本分。精一曰：「汝灰頭土面，祇合參枯木禪，焉知慧業文人別有懷抱耶？」無何，省舅氏於巴陵，登岳樓陽，俯視水天一碧，得「洞庭波送一僧來」句，歸述於郭菊蓀先生，謂有神助。授以通行唐詩，爰是乃邃深詩學。所作詩，清穆之中，往往奇氣盤礴，文仿六朝，亦駸駸乎入其堂奧。嘗

刊有八指頭陀詩集十卷、白梅詩一卷行世，日僧已爲編入續藏。八指頭陀之詩名，遂遠播海外。其未刻者，有詩集八卷，文集二卷，續集二卷，先後經郭伯琛、王壬秋諸老選定。和尚曾語予曰：「傳杜之神，取陶之意，得賈孟之氣體，此吾爲詩之宗法焉。昔壬秋嘲以能爲鳥瘦，不能爲郊寒，故輓近諸作，多效東體」云。鳥摩！萬般無常，會歸消滅，證窮於常淨我樂，度盡法界衆生，與真如法性同其不生不滅，其至矣！次則發明真理，建立休業，使天下萬世食其福利而謳其功德。復次、則我生不辰，懷才莫達，以高厚淒婉之情，爲名山盡世之文，後之讀者，哀其志，憫其遇，想見其爲人，亦足隨大地人類以終古。和尚道全業隆，更能出其緒餘，爲宇宙間增一不可磨滅之精彩，洵人傑哉！八指名成壽無極，千載之下，應猶有爲和尚詠者。然和尚幼歲失學，既出家、則成佛心切，無意世諦文字，卒以能詩名，斯則余所謂奇已。

第七章 法輪

和尚之東遊焉，住寧波最久。光緒十年，始還湘中。凡七主法席：曰衡陽羅漢，

衡山上封、大善，甯鄉瀉山，長沙神鼎、上林，鄞縣天童。和尚本非天童法系，然同出於密雲悟。光緒二十八年，天童闕席，首座幻人，以明州淨域，太白名山，非得高僧主持其間，不足宣嚶宗風，化夷道俗，率兩序頭首往迎。和尚以舊遊勝地，遂辭上林至天童，任賢用能，百廢俱舉，夏講冬禪，一無虛歲。勉學者參父母未生前本來面目，嘗舉古德三關語，勘驗門下衲子。某禪者方充行堂於天童，以其機語敏妙，見地縝密，卽舉之班首，並親書正法眼藏贈之。其鄭重佛法，激勵學人，苦心孤詣有如是者！撫卹老病愚苦之輩，尤爲周至，縉素咸德之。故屢辭天童席，卽爲遮留不果，凡經十一年而終其身也。先是和尚主瀉山，以其爲瀉仰宗初祖道場，法門頽敗，宗風垂絕，甚惜之！乃刻意經營，冀規復寺宇千餘間，僧衆數千人之舊觀。駐錫三年，鼓螺爲之一振，有瀉山水牯牛重來之稱。自初轉法輪始，共集有語錄四卷，今乃將爲之鈔梨聚云。

第八章 愛國

和尚又血性人也，有大慧杲、紫柏可、忠義菩提風。中法一役，敗於雞籠。時和尚寓甬，聞電、慮艦礮之堅利，懼國權之衰削，奮然思有以禦之，數日眠不成夢，食不知味，精神凝結，鬱無所獲而熱病發焉，憤不欲生者再！爲友人挾之返湘，始漸忘之。就茲一事，已足見其愛國之熱度矣。故不必言立憲，不必言革命，不必掛名黨籍，不必獻策當道，不必如明姚廣孝之身列朝班。不必如日僧月照之侈談國事，而與言立憲、言革命以救國拯民之志士遇，自然議論風生，心氣脗合；蓋出之天性之真，至誠之感人自多也！

第九章 衛教

和尚於捍衛佛教，尤能以聖天、法琳爲職志。事變之來，輒置生命度外，據理力爭不稍屈。刀鋸在前，鼎鑊在後，胸次湛然不撓也。衡山上封寺，據南嶽祝融峯下，爲衡州大利。山後有田數千畝，皆供衆之產，被奪於農人者且半，歷訟當道不能決。及和尚住持，誓恢復之，卒如願以償，得巡撫吳清卿爲護法焉。其他：若湘、若鄂、

若江、若浙，藉和尚之力，祖風絕而重振，教產失而復得，殆不勝枚舉。庚子役後，清廷罷科舉，興學校，南省大吏，以資無所出，有提取寺產之議。僧徒羣焉震恐，莫知爲計，願依賴性成，至有欲託庇外人者。和尚慨國政之焚亂，憫佛教之凌夷，力排衆議，以興學術教倡，登高一呼，翕然響應。由學部頒行僧教育會章程，於是僧人皆自辦僧學，設立僧教育會，浙省之有佛教學校自此始。時和尚以羈於天童住持，爲甯波分會長者凡三年，效果較各處獨優焉。會武昌義師起，大江下游，先後光復，新募軍人，率多駐紮寺觀，鄉里豪猾，勒令僧人出資或迫脅爲兵。和尚患之，正愁急無策，俄南京新政府成立，確定共和國體，喜曰：民主政治以自由、平等、博愛爲精神，我佛弘愷，最爲適宜，政教並進，斯其時矣！乃至上海聯合十七布政司舊轄地僧侶，創中華佛教總會，親謁孫總統，許之。民國元年四月，開成立會於上海留雲寺，衆推和尚爲之長，乃以靜安寺爲本部，改原有布政司轄地僧教育會支部，設機關部於北京，電告國務院內務部，請著爲令。國人對於佛教之心理，斯爲之一變。余

輓和尚云：三十年佛教歷史，與師皆有關係，自信非誣也。先是余憤僧衆之委靡頹陋，擬用金剛努目霹靂轟頂之精神，撼搖而驚覺之，與十數同志，創佛教協進會於金山，亦推和尚爲會長。和尚以余輩舉動激烈，進行之程序過峻急，譏者復譖之，遂與余益扞格不相入！及佛教總會成立，余卽善刀而藏。蓋彼時嫉余者既衆，又以佛教團體宜合一不宜歧異，理應服從多數之公意，犧牲一部分之主張也。而和尚竟以衛教終其生，天下悲之，余益不勝其痛也。然和尚之必爲佛教史中一偉大人物者，尤在乎末後一段光明。其生也榮，其死也哀，和尚爲而繼續哉？後死者第則之、效之、步之、趨之，協力以大其基而宏其緒可耳！惟環顧僧界，魄力之雄厚，志願之堅毅，未有能髣髴和尚者！大人僧界復誰是？北望神京涕淚頻！於戲！吾不甯爲和尚哀也！

第十章 圓寂

民國初成，多有以陷於暴民專制爲慮者。余雖不絕對承認其說，而下級社會被虐於上級社會，實所不免。有權詐智能者，稍足以自樹，戢戢者氓，則鮮不受其魚肉

矣；而以佛教者尤甚！蓋弱門自居，非今日始，召侮於人者久矣，和尚乃於是爲教殉焉。按和尚辛亥秋曾爲余言：「吾生平不可至北京，今爲教當一行耳」。彼時適革命起，未果行。逮茲湘省寶慶等處，有攘奪僧產消毀佛像之舉，湘佛聯名狀內務部求回復，民政司長抗不行。咸奔告於和尚，而他處若滇、若皖，皆有毀像奪產事，遂決計北征，圖從根本解決之。處理天童寺諸事完畢已，若示人以不返者。十月中首途，十一月一日抵京，寓法源寺。法源舊署憫忠，寺主卽和尚法嗣道階法師也。越九日，偕道階見禮俗司長杜某，而杜某方下令調查僧產，分別官公私諸目，既見、據約法詰難之。又以令中有布施爲公、募化爲私語，和尚謂在檀那爲布施，在僧人卽爲募化，界說不明，斷斷與辯。杜某語塞無以對，詞色轉厲，意在恫嚇，乃憤而辭出。和尚垂老之年，竟見窮於儂薄無行之小醜，豈真定業不可追，如釋迦之莫免金鎗、馬麥難乎？和尚年來爲法勞瘁，病已不支，歸途中念各省之毀奪案，未能一理，禮俗司之分別調查僧產令，不前不後，偏發生抵京之時，悵甚！甫下車，卽胸膈作痛，乃不能不以法

源寺爲跋提河岸而現涅槃相矣！時道階爲通袁總統、趙總理，戒期往謁，冀收回禮俗司亂令，並以各省毀奪案爲請，又勸之赴文謙以自解。然和尚慨世道人心之日墮，冀辭此五濁惡世以長往，非伊朝夕，至是益不欲延其生而重其患矣！夜半、既就榻，侍者歸寢。明日昧爽往視，已作吉祥臥示寂。嗚呼！如來室之梁棟傾矣！生死河之舟楫沉矣！斯日何日？則支那舊歷玄默困敦之歲十二月二日也。察其神情，圓寂時必甚安恬，羣擾斯息，脫然化去，未嘗有些微痛楚。按和尚足迹徧東南，而此次初遊燕都，識與不識，皆以一見爲快。淨名丈室，獅座八萬，戶外履滿，門限爲穿，以禮接待日不暇，歡喜讚歎，傾動一時。凡政宦、軍長、寓公、道侶，方謀開會歡迎，而和尚遽揮手人天。於是各界代表七十三人，創議易爲追悼，屆時到者達數千人，自總統以下致詞哀輓者，更僕難數。京滬各報，皆傳其生平事，力攻杜某，因之官私公產令無形消滅，毀奪案既得轉機，新改定佛教總會章程，亦經國務院審定，以大總統命令頒行各省。一年來佛教得以稍安者，食和尚一死之賜也。其法嗣道階，奉龜南旋，再

開追悼會於滬佛教總會本部，於甯波分部，於太白山天童寺。各地佛教支分均感激，各爲開會追悼，不一而足。初、和尚營塔院於天童青龍岡，環植梅花，自爲序銘及詩，有「青龍岡作涅槃城」之句。並自撰塔聯曰：「傳心一明月，埋骨萬梅花」。示寂之明春一月，遂啓塔瘞眞，以語錄、墨蹟及交遊尺牘、圖書，藏之天童，以詠來者。夫和尚夢蘭而生，覩桃而悟，伴梅而終，一生尤愛白梅，寄之吟詠者獨多。幽靜馨逸，蘭之德也生有自；桃花容易飄零，示世相無常住也；其情高純，其志貞白，斯其託於梅而終於梅也。賅而言之，則無生、無住、無異、無滅之義存焉。以花爲因緣，以花爲覺悟，以花爲寄託，以花爲莊嚴，和尚其法華會上乘願而來者歟？抑華嚴海中無緣而應者歟？其過去悲華因地，曾與釋迦、彌陀同發菩提心者歟！抑當來龍華三轉法輪，輔佐彌勒，弘贊大乘者歟？誠非余所能蠡而測者！

第十一事 友嗣

和尚開堂二十年有六，及門者不下萬餘，得戒者數亦稱是，傳明月之心燈者若干

人，小師及再傳若干人，惜余不甚詳焉。而當代耆宿通人，如郭伯琛、彭雪岑、王壬秋、王益吾、樊樊山、陳伯嚴、莊醒菴、鄭蘇龔、易哭庵、李梅菴、俞恪士、喻良麓、陸鎮亭、張簡碩、饒智元、狄楚卿、陳天嬰、洪佛矢、馮汲蒙、馮君木、蕭榮爵、吳雁舟、汪德淵，皆其知遊最稔，唱和獨多者也。他若知慕有素，獲交易寶者，則有徐花濃、羅惇融、嚴又陵、梁任公、楊哲子、雷西樛、劉少少輩。俞恪士贈和尚詩云：「交空四海公垂老」，蓋非虛語！

第十二章 摠遺

項羽重瞳，史公有舜裔之稱，鳩摩幼德，譯師來童壽之號，誠中形外，胸正眸瞭，既墮器數，必兼精粗。和尚生稟奇相，天挺英姿，壯偉過於恆人，而音若洪鐘。顧口吃不良於談，然登般若台，作獅子吼，則瓶瀉雲興，無少留滯。有時振聲一喝，足以威辟萬夫，耳聾三日。性伉爽，胸懷坦白，情無所嗜，惟癖好詩文，老而彌篤。具有慈悲喜捨之四德，諍辱之來，痛自責而不尤人。雨暘不時，輒率衆祈禱，每多異

驗。壯歲登天台華頂峯，長嘯驚睡虎，暮行遇巨蟒，皆不爲害。晚專苦薩行，徒舂後學被訶斥，愈親近之，其精誠道力，可以格龍天感衆庶者類如此。書法奇拙，顧能無俗氣，自喻以畫篆倒薤，湘綺嘲之爲倉頡前人。圓寂日初曉，聞鴉噪輒自知兆，吟詩見意。暮臨別羅惇融，羅曰：「和尚去，和尚禪如何？」遽拱手曰：「行矣！」識者多謂有示寂之意，此皆遺聞之信而有徵者。嗟夫！余傳和尚，將終於是矣。余有修續高僧傳志，姑詮敍和尚生平於茲，用俟異日簡擇。

論曰：和尚德業炳煥，道行純備。持戒者，習禪者，淨業者，苦行者，愛國者，護教者，利生者，慈善者；迦旃延之文飾，須菩提之解空，例之諸科，蓋非一端。然和尚心切單傳，道參向上，出世爲人，始終持臨濟綱宗，無已、其禪宗乎！而余則於和尚之盛業，尤以值歐、亞文明溝通之交，隨時勢之要求，迎機宜而設施，其昌明佛教，匡正人心，其有形於過去者，未若無形於將來者爲大也。設天假之年，所建白當未可限，爲宗教學術界闢一新壁壘，放一異光彩，不亦快哉！余於此又不禁

鵲鵲而悲也。乃系之歌曰：莽莽神州兮，蝸蠻囂喧；沉沉法鼓兮，天聲誰宣？哲人云逝兮，我淚泫然！何以寫哀兮？斯傳其傳！（癸丑，戒弟子釋太虛謹撰）（見海刊二卷四期）

八指頭陀詩集

民國・敬安寄禪 著

1001

1000

八指頭陀詩集詳目

舊序一二

王闡運

舊序三

葉德輝

叙

楊度

卷一

祝髮示弟

泊空舸巖上杜公亭

題陳伯慶鎮軍隱居 送春

莫秋偕諸子登衡陽紫雲峯

宿嶽麓寺待笠雲長老不歸

題玉池別墅

長沙龍潭山有寄禪與余同字

喜賦

徐尹和白 君山返棹

懷精一上人 喜劉甫臣過訪

偶作 送海峯上人行脚

薄莫偕瘦松龍山散步

春日漫與與師老人作

將之南海賦別

楓橋夜泊和唐人韻 杭州

春日靈峯途中 莫遊玉泉寺

西湖行宮 瑤瑤寺懷古

遊三茅山普安寺

莫秋書懷 將之天童結茅

歸茅山 秋日有感

宿阿育王寺

偕水月上人登慈谿驪駒山

莫秋茹峯山閣晚眺

住山吟爲與了上人作 閉關

人日重過茅山寺 秋夜偶成

曉過聚德禪陀訪屠子中

秋日登伏龍山

送阮鏡容出山

過棲隱禪院訪懶愚上人

懷靈芝山人 重宿天童山寺

重宿茅山寺

訪育王心長老作

雪中題呂文舟居

贈屠寄梅 懷湘陰郭增頤

贈黃子貢 逢祖印上人

與與了上人話舊

與長沙袁俊良總戎過育王嶺

別楊靈全社友 含吳燮堂

雪竹 還山作

訪宗明州湘文 題畫 題竹

懷湘曲 懷心泉長老禪房

過白雲竹院 訪陳啓南

題悟眞上人山房

夏日偕錢子和蒲仙昆仲遊玲

瑞巖

題來誰園 自遣

雪竇千丈巖觀瀑布

懷郭菊蓀司馬 舟中秋莫

題天台十甲子老僧坐禪處

登天姥峯 登華頂峯

國清寺 奉化雪竇山居

太白山居 題雪竇中峯寺

贈中峯菴主

重九病中寄勵季龍

送秦舍人子質入都

歲莫奉懷舅氏 別半谷禪友

甬江送子卿歸里

重遊雪竇懷秦鹿笙先生

過徐訥仙故宅

送玄松上人還日本

三遊雪竇

辭明宗太守宗公湘文請住仗

錫山寺

太守得偈堅請不已復此示意

附：馬文齋詩

卷二

白下懷隨園

山中漫興寄王子獻

題寒江釣雪圖 訪朱泚瀾

登太白山 秋江

自四明歸長沙
題煙江疊岫圖
自海上歸與本師雲和尚夜話
過果山寺呈一心老人
果山題壁 卜築衡嶽煙霞峯
重過江舍 重晤陳梅根
過故居 春懷
與友雅集上林寺
還山懷甬上舊遊 碧湖消夏
重晤舅氏有感
舅氏攜家歸里喜賦
碧湖晚眺
喜會重伯陳伯濤見過 書感
呈鄧彌之先生 宿麓山寺
麓山采藥 山行
秋夜懷王伯諒 開福寺懷古
碧湖亭晚眺
秋夜懷鹿門戒兄
麓山寺題瓊公房
虎岑送慈和上人歸衡陽
立秋夜聞蟋蟀 題芋園印譜
歸雲 與譙大笠山
送吳稱三官城步教諭
過養知書屋敬贈
題吳稱三石筍山房圖
擬古 碧浪湖看月遇雨

卷三

題按察使夏公嶽遊詩後
玉池老人招集碧浪湖展重陽
秋夜憶弟 送戴仲山歸衡山
贈壁臣居士 題此君軒
武昌城晚眺 登黃鶴樓
焦山 登金山留玉閣
登潤州城閣 戲贈澹川居士
露宿 過曹居士竹蒲山房
碧湖雅集 贈泊然菴主
述懷 過激觀居士別墅
贈吳雁舟 貽寶覺居士
遊仙四章與笠老人作
擬陶
戲題黃泰瑞秋柳詩後
初春遊碧湖亭 宮詞 感遇
禊集碧湖 贈徐郎中樹鈞
招友看雪 雪中酬徐叔鴻
送友人入蜀
與淡雲和尚夜話 贈饒十三
贈陳伯嚴 別常靜法兄
送雪溪上人歸雁峯 春草
陪若香翁湘綺先生泛舟碧湖
喜黃正船至 贈饒文卿
送譙笠山之專
錢常秋曹石鄉入都

懷周燮堽蜀中 題石潭別墅
重過楊家橋 夜遊瑤華山館
宿李真人廟 竹蒲山房小住
贈黃大蓉瑞
古意 望湘樓晚眺
禮岐山恒志老人 冷
秋夜寄友人
題袁叔瑜悼亡詩後
贈別曹悟生 謁衡嶽廟
登空冷巖 舟中呈寶覺居士
舟中望嶽 步月至嶽市
登祝融峯 尋蓮峯方廣寺
宿石潤紫蓋精舍 福嚴寺
磨鏡臺禮大慧禪師塔
禮思大禪師三生塔
懶殘巖 清涼寺呈本師
贈陳童子師曾
附陳童子和詩
登碧湖樓 送曹五入都
贈無我道人 呈黃猷勤
招王午樓碧湖齋集不至
訪瞿芷恒不遇 重晤瞿海如
夜坐憶龍大硯仙
呂仙樓看紅葉 遊麓山寺
送王瑞徵歸蜀
送易懷清之長安

蕭希魯歸自江南賦贈

秋日得郭菊蓀司馬書

自勵詩

劉希陶自都梁來齋集浩園即

席賦贈

卷四

雪夜過王彝臣都尉禮坤寓齋

麓山對雪寄程六子大

寄題茗公南泉淨業堂

讀吳侍御可讀遺疏

張嘯石歸自閩中賦贈

送陳居士麓岑歸里

題十竹君軒舟次桐溪精舍

桐溪禮暗燈覺道二公塏

辭上林寺法席呈法門諸公

將緣湘水探九疑諸勝

擬古一首獻海公

之九疑緣湘行書寄友人

山行過衡陽退省庵

東洲訪江蘅甫山長

謁黃庭觀

訪福嚴寺玄妙上人花藥寺

贈易與凡秋夜寄張聽侯

送周魯衡之華容贈周生

邊將歎逝詩

雨後秋懷日莫過何棠蓀宅

朱嶽齡員外輓詞

寄懷陳庾山江南

送周彥昇歸通州

與表兄張五話舊

送友人歸淮上詠懷詩

九日寄程子大永順湘上吟

寄題靖港紫雲宮鏡湘樓

崑崙篇過賈太傅故宅

呈義寧廉訪

擬謝康樂維摩經十譬讚八首

西方三聖讚三首

鄒州河決歌

題王尊農觀察臺警夜渡圖

卷五

紀瑞蓮池

修上人禪房訪程商霖不遇

同白香翁游江寧初發衡陽作

乘淮慶輪船發長沙

洞庭洞庭舟中望君山

黃鶴樓故址補衡臺

伯牙臺望廬山

湖口弔高伯足小孤山

九華山

東西梁山莫愁湖

鍾山經誌公塔院

夜遊清涼寺登掃葉樓

妙相庵

送台州太守成梓臣歸里

贈張文叔贈劉康侯

贈陳侯贈唐召皆

陳侯還湘賦贈

送黃茂才歸長沙

重遊天童寺過徐酆仙墓

甬江與李子仙茂才話舊

哭與了和尚

雪竇妙高臺宴坐有悟

由浙歸衡陽羅漢寺示衆

飯修庵主廬由衡陽至長沙

次豁然戒兄見贈元韻

法林小師禪靜圓修詩以美之

和曹東瀛吳雁舟北征詩

送吳太史嘉瑞入都

題神鼎洪湮禪師道場

酬黃夔修履持二童子詩

題長沙上林寺藏經閣詩

題常入吉居士默庵詩

晨登雲麓宮望城中詩

秋懷詩

麓山秋暝

體雲和尚主席麓山寺

感事

卷六

庚寅秋將歸衡山精廬次武陵

陳伯濤見贈原韻

還山後寄伯濤

觀田家春耕晚歸

游小羅漢寺

題增法師講堂詩

元棲貽以伽陀旌其妙善

夢登天台華頂峯聽天風海濤

夢登岳陽樓觀湖中大雨

題法閣黎蘭若 岐山感舊詩

岐山禮懶放禪師塔

岐山坐禪時有契悟喜而詠之

郡守周公偕衡清兩邑侯駕臨

大羅漢寺茶話

送饒三歸長沙 雷池晚眺

贈漱石和尚 雨花林坐月

宿岫巖峯

和蔡紹先刺史登雁峯詩

湘陰郭侍郎挽詩

送曹使君之安南

歲暮書寄楊九峯 夢徐叔鴻

巾紫峯尋戴山人不遇

戴雨春見過清涼寺

贈鄭衡陽襄

謝李幼蘭明府招住上封寺

湘鄉過曾文正里居

訪舜若多曾居士重伯言別

長沙重晤秦子質侍讀

秋夜懷設園居士

送程校官之瀘溪

懷程校官瀘溪道中

南嶽雜感 與魏公子謙賞雪

雪霽送魏公子歸第

辭主獅子峯龍華講席

却高山寺僧持啓敦請入院

吳中丞登嶽即贈

贈天上人

西禪寺聽明果心法師講楞嚴

經作此奉讀

乞何詩孫舍人畫吳越山水歌

方廣寺 高臺寺觀念庵松

嬾殘巖 已公巖

答吳中丞問方廣山水

輓桂陽州陳中丞詩六章

輓彭剛直詩八首

與黃芷舫孝廉話舊

卷七

題柏公東洲禪室

送文大令緯之官蜀中 山居

朱亭夜泊書懷寄呈王益吾

衡陽國清寺感事八韻

吳中丞壽

題沈蘊石蕉葉白石硯

送吳雁舟編修入都

陪湘綺先生游浩園還憩張捐

更東寮作

湘綺翁集道俗八人鵠於碧湖

豁然居士山莊

山居喜譔大立三見過

宅齋尙書於南嶽植夾道松三

十里感賦

奉和張子虞編修舟中望衡

挽鄧彌芝先生 贈謝衡山楨

將去南嶽入廬山

南臺寺避暑

與蕭兵部浩園夜話

贈蕭兵部即以留別

贈易真生登祝融峯

黑沙潭觀瀑 宿西來禪院

青山庵贈見上人

與法輪慧朗上人古佛林晚眺

宿古佛林

瑞華寶華上人陪伍司馬入山

宴坐有得

謝衡山解篆還省感賦

雪中過古佛林

歲暮懷陳吏部漢陽

過廣濟寺 色空無碍頌

田靜法師頌請龍藏回山
酬衡陽令朱太史益澹
寄懷明州呂文舟胡魯封二首
將由南嶽入海述所懷
游仙 登高臺寺有感
憶天台
浩園夜集 贈哭庵觀察
感懷 贈白鹿海尊者
壽遜叟七旬誕辰

卷八

迴龍精舍禪集 寄曾公子
寄懷徐十一侍御樹鈞
送周卜菴茂才還長沙
題大瀉密印寺四首
調裴公墓 坐夏偶占
答客問瀉山勝者
瀉山題大圓禪師影堂
裴公菴 瀉山水牯牛頌
夢洞庭作 紀遊瀉山芙蓉山
遊芙蓉寺青龍峽三首
登雲霧山遇方煉士
題遜叟匡廬詩卷
香巖巖觀瀑訪楊山人不遇
大瀉山居 麓山晚眺
瀉山過精一律師故居
長沙重晤崔貞史大令

山居志喜 山居秋興
由大瀉之廬山別臨川李太史
謝臨川大史胞姪仲乾
隨哭庵觀察游廬山不果感賦
薄暮瀝仙閣禪坐望麓山殘雪
銀杏齋與梅癡子坐月
贈故人陳梅根
過寧鄉縣贈邑宰劉牧村明府
感事 對雪書懷 懺悔詩
春山漫興 過楊山人居
北湖
登五臺見文殊師利問前三三
後三三處
瀉山與復初西堂話舊
懷壺天遜叟二絕
送豪素上人歸旗山
夢中重游焦山 憶金山寺
舍智清上人
金華菴小憩別補焦上人
七夕夢中偶作 湖亭晚眺
卷九
詠白梅 過湯泉少保第
尋湯泉經冷水井感賦
題螺溪寺 述懷
重宿護國寺 夜坐
送胡敬唐太史歸江右

浩園精舍銷夏
贈別李二翰林瑞清
秋懷 秋夜哭俞用賓大令
白霞寺入院 秋日懷林芷江
山居秋暝 大海篇贈俞翰林
瀝仙閣晚眺 夜訪高葆吾
徐叔鴻方伯以麓山紫芝詞見
寄賦此奉答
江亭 江樓夜坐 贈高葆吾
暮秋書懷
題素蕉小綠天庵圖 古詩
題陳笠唐觀察東山草堂
雙銀杏齋訪梅癡子不遇二絕
晚歸燈下重作
書感送龍陰凡
哀時 送李梅癡太史入都
臨解纜復贈梅癡子
讀陳師曾爲白梅寫影三首
送易實甫觀察之江南
效龔定庵體二首
夜雨寄懷張狷叟
與湛大月下禪坐有得
王午樓飯僧有作
題哭庵觀察所藏張夢晉畫軸
紀夢詩
贈尹山人和白卽題其陰符經

註後

感事呈葉吏部

別陳公孫自述所懷

卷十

題桐院感舊圖

夜坐懷王午樓

送陶觀察森甲之姑蘇

傷周鐵園垂老出守窮邊

謝沅陵徐大令方泰書

與陳師曾兄弟齊集棗香書屋

阻雨宿東禪寺

東禪寺與達公夜話

題麓山寺

送郭諤士歸東山別墅

贈雷筱秋孝廉 還山書懷

奉寄壺天遯叟廬山

秋夜偶得 大雷雨夜

與曼衍道人話碧湖舊事戲贈

紀事 病中憶徐小谷陳師曾

病中喜尹和白謹立三等諸君

子前後見過感賦

哭剃度本師

續足先師東翁詩二首

題柏松如廣文爲陸少尉白寬

事實後十六韻

野寺 重哭本師

贈徐又穆明府

明妃怨感友人作 棄婦吟

爲淨業上人題白梅

書胡志學守戎牛莊戰事後

從軍曲 前征婦怨

後征婦怨

遯叟於九江建琴心樓落成說

二偈奉寄

憶明州飯依長老

寄水月法師 古詩呈曾公子

悼可忠和尚二首

題盛壽巖明經遊峨帽詩集

贈沈子粹叟十六韻

奉題俞廬軒中丞臥遊圖

棗香居士新婚索詩

夢登天姥最高處占此

忽夢登祝融

晤沈炯甫談亡友曹悟生遺事

紀事十八韻 續題臥遊圖

莊秉恒索題未能齋詩遲遲未

報因說此偈

梅癡子爲豁然道人寫梅錄余

白梅詩五首於其上因有餘

紙復作此詩

送西岸禪人歸萬福庵

劉牧村明府出宰安仁贈詩

再題山陰中丞臥游圖

對梅懷陳考功 對梅有悟

送按察使蔡公龍官歸里

自述

釋敬安

舊序

詩歌僧律所戒而寒山以之度世唐時俗尚吟咏亦猶
穀音歌言入其羣以接引之也寄禪師兄幼誓出家然
指求法精進甚苦初不識文字忽有慧悟通曉經論有
踰宿臘然頗癖於詩自然高澹五律絕似賈島姚合比
之寒山爲工湖外樸儉士大夫雖異之莫能崇奉檀施
也故得全其孤潔自吟自賞而已使有刺史求見之幾
何而能留國清乎夫法尙應舍何況言語然世尊相好
妙音皆嘗示見供人贊仰生人信向閻運平生求工文
詞信爲逐末矣既見所錄輒題以告學者丁亥閏月戊

申湘潭王閻運序

舊序

自晉以來文勝至唐詩勝趙宋理勝而釋家均隨世有
拔萃之秀就詩論之唐僧詩不能頡頏王李六朝僧詩
無愧陸謝唐後益靡矣蓋法顯支公兼文理以爲詩齊
已諸人徒事吟咏故也謝靈運譏孟顓無慧業慧者圓
顓之所尙業者退墮之所由然謝雙舉爲言豈不以一
切法爲慧爲業乎知業之善猶不善益知業有善有不
善也其理非趙宋後之理其詩卽非趙宋後之詩也吾
鄉多詩僧詩不勝余僧定不勝余而寄禪和尚以慧業
故不由識字自然能文最聳異之爭相傳鈔欲其省便

因爲刊布余初序之引賈崑以比意以爲不過唐詩僧
之詩耳既隔一年復有續作乃駭駭欲過惠休余序未
爲知言亟刊前序更爲論定亦見進步之速也寄禪得
慧而能兼文理以爲詩可謂希有雖然慧亦業也法亦
業也散花所以供養何故反以著衣爲結習衆無花業
故故亦無花慧知此而寄禪可爲詩亦可以不爲詩矣
戊子十一月既望王閻運改定重題

舊序

余識寄師十餘年矣見則口吃吃吟其詩一字未安推敲竟日故其詩日益進而集且日益富矣寄師盛年從武岡鄧白香吾邑王湘綺兩先生遊其詩宗法六朝卑者亦似中晚唐人之作中年以後所交多海內聞人詩格殆宕不主故常駸駸乎有與鄧王犄角之意湘中固多詩僧以余所知未有勝于寄師者也自癸酉年始至戊戌年止共得詩十卷其前五卷義甯陳伯嚴考功校刻行世卷六至卷十余爲之續刻有爲前本未錄者余仍選得數首附後補遺凡半年而功畢寄師往來梓人處猶復改刻不休其溺志苦吟信有不可及者釋氏喜言因緣如寄師者殆所謂有文字緣者耶戊戌臘八日湘潭葉德輝識

敘

予世居湘潭之薑畬寄禪師爲薑畬黃姓農家子幼孤貧爲人牧牛十餘歲時投山寺出家爲僧然兩指供佛故名八指頭陀師長予將二十歲予幼時卽聞鄉有奇僧具夙慧能爲詩初不識字以畫代書不知壺字輒畫壺形其時薑畬鐵匠張正賜及予妹叔姬皆不學詩而自能詩鄰居三里以內有此三異鄉人傳以爲奇而王湘綺先生隱居雲湖相距才十餘里予輩咸師事之其地又有老農沈氏能學陶詩羣呼爲沈山人又有陳梅羹處士亦居薑畬博學能詩不事科舉刻有陳薑畬集

一鄉之中詩學大盛高談格調卑視宋明漢魏三唐自成風氣惟師自出家後遠遊於外其先塋在薑畬偶歸拜墓因來相訪予始識之聞其自言初學爲詩甚苦其後登岳陽樓忽若有悟遂得句云洞庭波送一僧來後遊天童山作白梅詩亦云靈機偶動率爾而成然師詩格律謹嚴乃由苦吟所得雖云慧業亦以工力勝者也師曾宿予山齋予出屏紙強其錄詩十字九誤點畫不備窘極大汗書未及半言願作詩以求赦免予因大笑許之自後師不再歸予亦出遊湖海流離十有餘載中間未曾一見惟予居日本時師自浙江天童山寄詩一

首而已民國元年忽遇之於京師遊談半日夜歸宿於法源寺次晨寺中方丈道階法師奔告予曰師於昨夕涅槃矣予詢病狀乃云無病道階者亦湖南人妙解經論善修佛事師之弟子也予偕詣寺視之遣歸葬於天童並收其平生詩文遺稿以歸待乞湘綺先生爲刪蕪雜以之付刊先生暮年耽逸久未得請予亦因政變身爲逋客未暇及此湘綺先生旋復辭世更越二載予得免名捕復還京邑始出斯稿以付手民然未敢爲刪定僅整齊次第之而已師詩曾由義寧陳伯嚴湘鄉王佩初同縣葉煥彬先後爲刊十卷其未刊者八卷師自定爲續集今爲輯合而全刻之附以雜文都爲十九卷道階及予妹婿王君文育同學喻君味皆友人方君叔章爲之校字文育湘綺先生第四子也凡校刻經入閱月而始成距師逝世逾七年矣世變孔多劫灰遍地而此稿猶存端忠愍辛亥南行從予借取叔姬詩稿以去云將鈔稿見還後乃攜以入蜀革命事起端旣被害稿亦遺亡副本雖存然不備矣予丙辰歲逋亡出京之日隨身手篋所儲只此故人遺稿故未散滅以至於今執彼例茲寧非獨幸世間生滅無常一切等於此物師何必有此作予何必無此刊事與教法無關而於因緣足述

故詳敘之於此民國八年十二月湘潭楊度序

八指頭陀詩集卷一

釋敬安寄禪

祝髮示弟 癸酉補作

人間火宅不可住我生不辰淚如雨母死我年方七歲
我弟當時猶哺乳撫棺尋母哭失聲我父以言相慰撫
道母已逝猶有父有父自能爲汝怙那堪一旦父亦逝
惟弟與我共荒宇悠悠悲恨久難伸搔首問天天不語
竊思有弟繼宗支我學浮屠弟其許豈爲無家乃出家
歎息人生如寄旅此情告弟弟勿悲我行我法弟繩武
泊空艸巖上杜公亭

杜老留題處征帆又此停水痕侵岸白嶽色向人青
燕飛何處江猿不可聽揭來一憑眺落葉滿空亭

題陳伯慶鎮軍隱居

將軍奏凱還高臥此中閒綠樹覆幽谷白雲生遠山
心銷劍氣勳業驗刀瘢萬里沙場月依然照草關

送春

一枕煙霞睡味賒不知春去野人家數聲嘯鳥幽窗外
驚起山僧掃落花

莫秋偕諸子登衡陽紫雲峯

紫雲最高處飛錫共登臨秋老山容瘦天寒木葉深西

風孤鶴唳流水道人心坐久林塘晚寥寥鐘梵音

宿嶽麓寺待笠雲長老不歸

得得扶筇上翠微寒林空見白雲飛鐘鳴古寺人初靜
月滿蒼松鶴未歸

題玉池別墅

溪山深處主人閒山外桃花漲一灣一入仙源塵世隔
莫隨流水到人間

長沙龍潭山有寄禪與余同字喜賦

楚水吳山各一天論交印合有前緣西方自古三迦葉
東土何妨兩寄禪 君江南宜興人工草書能詩貌渾
余體豐甚時人有大小寄禪之稱

富尹和白

鎮日焚香禮翠微松花落滿水田衣柴門寂歷生幽草
除卻孤雲客到稀

君山返棹

寒鴉旅雁莫天飛半落平沙半翠微最好湖山看不盡
洞庭船載夕陽歸

懷精一上人

思君不可見朝朝悵煙霧衡陽雁已遙遠書寄誰去忽
見黃鳥飛出谷鳴高樹躊躇東復西幽情共誰語

喜劉甫臣過訪

雲廚苦淡薄留君何所待山上拾枯松歸來煮野菜無
酒亦成歡佳會言難再

偶作

長嘯返林壑息心了無求盈虛有真宰得失忘喜憂懷
此得真趣因之絕世遊煙霞最深處麋鹿皆吾儔

送海峯上人行腳

甲戌

南詢從此始煙水浩漫漫一鉢飄然去千山次第看江
雲春樹碧海月夜鐘寒處處隨緣住無求夢亦安

薄莫偕瘦松龍山散步

興來驅我去薄莫入雲深流水半江月松風萬壑琴歸

漁喧渡口晚磬出疏林與子一爲樂彌生清淨心

春日漫興與師老人作

獨處罕儔侶草堂冬復春澗花飛獻佛林鳥語親人白
髮吟情淡青山道味真寥寥塵境外木石自爲鄰

將之南海賦別

乙亥

舊院安禪處經年錫一臨欲辭溪澗水去聽海潮音白
髮憐師老青山悵別深空門本無我那有去來心

楓橋夜泊和唐人韻

白露橫江水接天秋懷黯黯不成眠一身漂泊三千里
獨宿蘆花月滿船

杭州

丙子

欲把杭州當橘洲開身到處便勾留此生不作還鄉計
飽看湖山到白頭

春日靈峯途中

春來多逸興獨去款巖扉澗草青承屐溪雲白上衣落
花隨水至野鳥伴人飛樵路行將盡鐘聲出翠微

莫遊玉泉寺

夕陽林谷暝衆鳥亦知還涼月一渠水殘雲數點山偶
隨寒磬入欲共老僧閒夜久羣動息輕煙澹碧鬟

西湖行宮二首

孤山猶見五雲遮父老年年望翠華水殿無人秋寂寞
清溪開遍白蓮花

夾岸青青御柳垂朱甍碧瓦壓湖湄斜陽輦路多秋草
卻憶三朝全盛時

瑪瑙寺懷古

生公講
經處

地僻雲深少客來梵王宮殿盡塵埃淒涼一片西湖月
猶照生公舊講臺

遊三茅山普安寺

丁丑

直上南來第一山薜蘿深處款禪關聽松一拂依然在
化鶴三茅去不還古洞煙消丹竈冷叢巖雨過白雲閒

請看原上墨墨家誰乞金丹駐玉顏

莫秋書懷

身似孤雲無定蹤南來三度聽霜鐘人方見雁思鄉信
山亦悲秋帶病容佳句每從愁裏得故人多在客中逢
自嗟未了頭陀願辜負青山幾萬重

將之天童結茅

山僧性愛山不樂人間住欲持瓢笠行更入山深處

歸茅山

禪心不及白雲閒荏苒風塵老客顏一別林間驚歲晚
歸來紅葉滿秋山

秋日有感

島樹落黃葉故鄉仍未還客情倦飛鳥病骨瘦秋山試
照恒河水已非疇昔顏何時衡嶽下歸掩白雲關

宿阿育王寺

秋林日色微樵徑語人稀一雁隨雲度孤僧帶月歸霜
清聞木落夜靜見螢飛獨宿空山裏超然與世違

重陽後一日偕水月上人登慈谿驛騎山

重陽後一日結伴此登臨萬壑白雲滿千山紅葉深寒
潮明遠浦疏磬散空林憑眺斜陽裏茫茫愁古今

莫秋茹峯山閣晚眺

高閣凌霄漢登臨見大荒輕煙凝遠樹疏雨澹斜陽江
淨寒潮白秋高木葉黃憑欄不欲去明月照衣裳

住山吟爲與了上人作

結廬人境外終日掩柴關法侶檐前樹禪心雨後山種
松期鶴宿掃石待雲還寂寞幽棲子忘機與物閒

閉關

天涯倦遊客築屋掩禪關世界微塵大身心一味閒種
蓮聊結社悟理當看山寄語宗雷輩相期共往還

人日重過茅山寺疊前韻

戊寅

心似飛雲思故山又攜竹杖叩柴關澗流碧水仍如舊

人逐青春去復還看石忽驚禪影瘦聽松殊覺野情閒
白頭老宿歸何處惟有孤鐙照病顏

秋夜偶成

八月秋風夜氣清蒲團枯坐萬緣輕巖前月墮定初起
錯聽溪聲是雨聲

曉過聚德禪院訪屠子中

言訪幽人宅芒屨踏曉霜遙山開曙色落月澹秋光清
磬出花早寒鴉覓食忙閒雲眠未起初日滿扶桑

秋日登伏龍山

鷺嶺鬱崔嵬登臨亦壯哉秋聲生遠樹落葉掩荒苔海

聞孤帆度天空一雁來故山不可見愁絕莫猿哀

送阮鏡容出山

煙霞不肯住煙水蕩歸舟落日送行色秋風生旅愁帆
隨片雲遠江挾眾星流他日重來此溪山記得否

過棲隱禪院訪懶愚上人

乘興問誰適翛然獨訪君爲求一字友踏破萬山雲古
木當檐出孤鐘隔水聞遠來相問訊無語立斜曛

懷靈芝山人

萬壑千巖下幽懷誰復知梅花寒不放明月冷相窺窮
病爲詩料閒愁當酒資神仙隨物化何用采靈芝

重宿天童山寺

山有鎮翠亭堆雲塔

踏遍千山復萬山夕陽影裏叩禪關爲尋鎖翠堆雲地
重到幽花瘦石間茅榻鐙昏僧入定松枝月冷鶴初還
自憐碧海浮杯客三宿雲房鬢欲斑

重宿茅山寺

十年蹤迹類飄蓬又宿南來第一峯清夢正貪歸路近
月明何處一聲鐘

訪育王心長老作

行行不覺遠入谷已殘曛松翠近可掬泉聲咽更聞水
清魚嚼月山靜鳥眠雲寂寞雙林下煙霞長屬君

雪中題呂文舟居

扶病策疲蹇言尋靜者居天寒過客少梅老著花疏鳥
啄檐前雪風翻案上書不知灞橋上詩思近何如

贈屠寄梅

庚辰

白髮蒼顏與世違閒居野外獨忘機一泓流水觀魚樂
半樹斜陽看鳥歸垂釣月明蘆荻岸采芝雲溼薜蘿衣
知君志在溪山裏祇恐丹書下翠微

懷相陰郭增頭

日落寒林萬樹煙懷君此際倍悽然秋風雁斷書千里
涼月光浮水一天結社青山還憶昨渡杯滄海已忘年

若耶溪畔雲門寺何日孤鐙對榻眠

贈黃子貢

細雨微風裏悽然一送君他鄉貧作客相贈祇孤雲
逢祖印上人

辛巳

百花深處一逢君杖履飄然迴出羣不改山中真面目
衲衣猶補嶺頭雲

與與了上人話舊

當時楚水嶽雲間持鉢從遊鬢未斑一十二年如電拂
白頭相對話岐山

與長沙袁俊良總戎過育王嶺

日暮煙鐘鳴歸路西風緊夕陽在寒山馬蹏踏人影

別楊靈荃社友

唱罷驪歌思悄然山含落日水含煙卻愁今夜江頭月
獨照離人上客船

畚吳燮堂

我與青山有宿緣住山不要買山錢山中歲月如流水
纔看梅花又一年

雪竹

風雪漫相欺青青不改移無人見高節祇有白雲知

還山作
壬午

長揖謝人羣養痾依林泉繩牀不盈尺茅屋纔數椽乞
食縱不飽喜無塵事牽游興忽以至拄杖追飛鷺所歷
既已疲還就樹下眠逍遙隨所適孤雲與之然

訪宗明州湘文

寂寂深山晝掩門芒屨未忍破苔痕今朝欲訪故人去
黃葉蕭蕭下遠村

題畫

一株兩株松三箇五箇竹巖扉長寂寥祇有雲來宿

題竹

一片清陰覆綠苔心虛原不著些埃臨風忽忽秋聲起

疑是瀟湘夜雨來

懷湘曲

八月九月天氣涼霜催萬木皆凋黃久客他鄉思故鄉
故鄉遠在洞庭傍洞庭連天水茫茫波中突出君山蒼
昔年一舸浮滄浪鶴汀鳬渚相徜徉泠泠晚鐘鳴夕陽
蕩漾明湖青黛光天風飄飄吹我裳

懷心泉長老禪房

萬山合沓路橫斜老樹斜陽集暮鴉猶記支公留宿處
一窗霜月凍梅花

正月二十五日過白雲竹院
癸未

暮逐閒雲入竹房梅花夾道澹生香笑看孤鶩離奇甚
瓦上松枝挂夕陽

訪陳啟南

微雨睡初醒扁舟入渺冥潮連蟹浦白山接馬鞍青細
草迷幽徑閒花落廣庭主人能好道薄醉聽談經

題悟真上人山房

浮世渾如夢深山獨息機雲從冷處臥鳥向靜中飛永
夜歌明月終朝坐翠微雨餘茅屋冷苔色上人衣

夏日偕錢子和蒲仙昆仲遊玲瓏巖

偶著謝公屐相隨此地遊嶺雲多在樹溪雨欲沈樓地

醉人稀到巖深夏亦秋夕陽歸路好谷口起樵謳

題來誰園

洞門寂寂鎖蒼苔舞榭歌樓廢劫灰惟有多情數竿竹
依然青過矮牆來

自遣

鐘梵晚蕭蕭山廚歎寂寥夜泉和月煮野菜帶雲挑

雪竇千丈巖觀瀑布

瀑布長千丈迢遙挂碧天何當翦一片縫作衲衣穿

懷郭菊蓀司馬

長安不見悵何如雲白山青萬里餘不識故人身健否

十年未報一封書

舟中秋莫

西風亂颭荻颼颼欲繫孤篷不自由落葉有情飛送客
秋山無語暗生愁雲煙到處隨行腳霜雪欺人欲上頭
我本無家任漂泊又隨明月過滄洲

題天台十甲子老僧坐禪處

萬木森寒入翠微飄然鶴髮久忘機溪聲畢竟無今古
山色何曾有是非澗草自迷遊客屐巖花時落坐禪衣
問師何代天台住手種青松已十圍

登天姥峯

久羨茲峯勝登臨日欲西鳥隨紅葉下人與白雲齊怪
石立如鬼嶼巖巖斗若梯不從高處望誰信萬山低

登華頂峯

脚底聽流泉人來飛鳥邊羣峯盡如蟻片石欲撐天吳
越雲中盡星河樹杪懸登臨愜懷抱飽看萬山川

國清寺

樵路行忽盡青蓮擁化城水迴雙澗曲雲截五峯平不
見寒山子空聞智者名余生獨何晚懷古一傷情

奉化雪竇山居用王右丞香積寺韻二首

欲覓幽棲處千峯復萬峯偶來黃葉寺聽打夕陽鐘枕

借雲邊石詩題洞口松登高一長嘯驚起隱潭龍隱潭龍為神

龍所宅早時有禱觀應

苔磴懸青嶂茅簷俯碧峯煙中不見寺花外祇聞鐘瀑
布千巖雪珠林一樹松雲陰天欲雨疑有聽經龍

太白山居疊前韻二首

結茅淩絕頂終日對前峯目斷三秋雁心清五夜鐘欲
招池上月疏種澗邊松氣變知時易春雷起蟄龍

偶隨樵子入得住最高峯自汲寒潭水時聞遠寺鐘雨
餘方看竹雪盡始憐松宴坐本無事何心制毒龍

題雪竇中峯寺再疊前韻

心目忽昭曠晴空插一峯斷橋填積雪絕壑墮疏鐘掃
石苔侵席翻經月挂松遊蹤罕到處老樹半成龍

贈中峯菴主三疊前韻

何年來雪竇卓錫住中峯獨坐清溪石誰敲靜夜鐘猿
嘯千嶂月人老一庭松咒水跏趺坐時看鉢入龍

重九病中寄勵季龍

尋山復問水不記幾由旬孤館逢佳節寒燈憶故人秋
風欺病骨明月冷吟身消瘦誰相似黃花爲寫真

送秦舍人子質入都

歲晏欲何適天涯行路難猿聲楚山暮潮落廣陵寒遠

別從茲始離尊語夜闌故園花發後應已到長安

歲莫奉懷舅氏

歲莫鄉心切雲山道路賒別來惟有淚歸去已無家親
舊漸寥落流年換鬢華艱難憶吾舅隕涕望長沙

癸未冬半谷禪友招余度歲陽堂甫半月子卿弟
從楚來越促余下山賦此留別

巖谷思深遁天心未許閒行吟辭白髮灑淚下青山兄
弟情何重煙霞債未還無窮離別意都付夕陽間

甬江送子卿歸里

欲語淚沾襟天涯遠客情君行休作別不忍見君行

重遊雪竇懷秦鹿笙先生

甲申

故人來此地曾問上乘禪同坐澗邊石遙聽樹杪泉山
猶青似昔髮已白於前再見知何日相思倍悄然

過徐酤仙故宅

酤仙鄞人善飲工
書自號四明醉客

門巷蕭條長綠蕪流鶯猶似勸提壺野棠含雨梨花白
不見高陽舊酒徒

送玄松上人還日本

滄海渺無極鄉關何處邊歸帆遙向日島樹遠含煙洗
鉢鯨吞水窺齋鳥入船此行應不負了悟大乘禪

三遊雪竇

扶筇三上妙高臺又欲題詩掃石苔野鶴閒雲應識我
一年一度人山來

辭明州太守宗公湘文請住仗錫山寺

癸未

萬壑千巖深復深此山真是四明心仗錫有漢人摩巖
大字每字長丈餘筆力古樸非晉人可及誅茅欲就雲間住恐有樵人遠見

尋

太守得偈堅請不已復此示意

癸未

多年枯木

余昔名枯木頭陀

已無枝那得猶蒙大匠知祇合寒

巖煨芋用法門梁棟總非宜

附錄馬文齋詩

仗錫仗錫四名嵯峨冠海濱石窗開處隔紅塵四名
石巖如窗四面明豁故號四明窗波如何太守叮囑
古稱四明又稱明州均以此山得名語不與青山作主人

八指頭陀詩集卷之一終

八指頭陀詩集卷二

釋敬安寄禪

白下懷隨園

乾嘉風雅共推袁回首倉山欲斷魂十載干戈寥落後
荒煙無處認隨園

山中漫興寄王子獻

紫芋黃精飽我饑律身常奉懶殘師喜無白髮悲秋想
祇有青山結夏思花雨一簾僧對弈茶煙半榻鳥談詩
林間風景長如此君但能來莫限期

題寒江釣雪圖

垂釣板橋東雪壓蓑衣冷江寒水不流魚嚼梅花影

訪朱泚瀾

雨後秋花落更閒萬山紅葉忽成堆無端又訪龐居士
戴得斜陽一笠來

登太白山

白雲扶我下蓬萊爲訪長庚得得來幽谷虎過苔有迹
澄潭月印鏡無埃山從拄杖頭邊出花在遊人腳底開
海闊天空豁懷抱此身疑向九霄回

秋江

兩岸蘆花似雪飛天涯回首倍依依秋風有意留人住

細雨無聲送客歸千里關山行腳倦百重雲水與心違
旅懷此際憑誰說黃葉蕭蕭落滿衣

甲申八月自四明歸長沙

誰憐孤雁向南翔楚水吳山道路長趁得一帆風色便
到家恰好是重陽

一鉢飄然已十年每逢佳處便留連鐵鞵踏破徒辛苦
依舊青山滿目前

題煙江疊岫圖

江煙漠漠水潺潺樹杪人家樹底山我欲誅茅就煙水
往來時共白鷗閒

自海上歸與本師雲和尚夜話

不待巾瓶側恩恩已十年早知布毛意何用草屨錢夜
雨談詩坐孤鐙對榻眠別來多少事語罷欲潸然

過杲山寺呈一心老人

痛心吾道切垂老不容閒昔住白霞寺今開紫鶴山雲
煙生講席花雨落禪關恨別慈顏久蒼蒼鬢髮斑

杲山題壁

林泉無俗韻遊賞及長良倦鳥自知返閒雲不解忙鐘
鳴千嶂夕花落一庭香老宿得真寂身心俱坐忘

卜築衡嶽煙霞峯水石清幽竹樹蒼蔚欣然成詩

身閒罕人事瓶鉢足生涯晴曦春前藥香聞雨後花溪
聲清枕席雲氣濕袈裟箕踞長松下朝朝餐碧霞

重過江舍

鷺鷥花落故園春一樣風光獨愴神多少故交零落盡
歸來翻似異鄉人

重晤陳梅根

故人二十七年別今日相逢似隔生多少離情不能語
急風吹雨打窗聲

過故居

幼與吾廬別今來鬢已華園荒頻易主樹老半無花相

見幾人識欲言還自嗟卅年真一夢還憶聚恆沙

春懷

忽忽江湖老悠悠天地閒孤雲歸楚岫春雨夢吳山異
域同漂泊故人悲未還

毛斑

六月十三日與劉北固王君璩會重伯陳伯嚴陳

伯濤雅集上林寺

佳辰集縉素宴坐無雜賓放曠恣言笑聊以適性真微
雨沐庭柯涼颼動葛巾山果應節早園蔬薦時新焚香
吸清茗淨土空諸塵雖無杯中物不見攢眉人希蹤遠

公社不好託芳鄰

還山懷甬上舊遊

山川倦遊覽言歸松下房蘭桂馥前庭桃李蔭後堂心
閒息眾喧鳥雀近人翔長夏五六月高枕傲羲皇微雨
一以過枕簟有餘涼夜來鐘梵寂虛室聞天香圓月揚
清輝清輝鑑衣裳忽念平生親遠隔天一方思欲一見
之關路何茫茫安能生羽翰倏然凌君旁

碧湖消夏

畫橋西畔柳陰東十里平湖水接空不似人間苦炎熱
衲衣閒坐藕花風

重晤舅氏有感

十年離別苦況是渭陽親偶與骨肉會難禁涕淚頻蒼
茫雲水意衰病薜蘿身共話斜陽裏還疑夢未真

舅氏攜家歸里喜賦

高蹈謝時輩長歌歸舊廬閒尋山水趣笑課子孫書寫
葉晚霜後種花新雨餘委懷在詩酒直欲老樵漁

碧湖晚眺與寶覺居士吳雁舟同作

碧浪湖邊寺紫微山上亭湘浮一線白天壓四圍青細
草侵禪塢閒鷗浴遠汀數聲漁笛晚驚起鰲龍聽

喜會重伯陳伯濤見過用伯濤見贈原韻三首

茶話日將夕虛堂聞梵音道根俱不淺靜理亦何深

我郭中曲勞余塵外吟誰能一彈指了悟去來今

是法無高下誰分大小乘水雲天漠漠身世日騰騰

白髮愁難卻青山歸未曾聊將松頂月分作佛前燈

幽寂雨華寺禪宗眾所歸雲生遊客展花落講僧衣

大覺看身妄玄談入理微上方鐘磬裏惜別語依依

書感

古道去已遠澆薄離真醕玄紫既異彩各自親其親

水渾魚所樂木直斧所掄幽蘭沒荆棘得以全其真

呈鄧彌之先生用見贈原韻

達人謝物役林下散幽襟以我看雲意知公出岫心

松風蕩煩暑山月照清吟懷抱獨千古寥寥誰賞音

宿麓山寺

一雨滌煩暑翛然曠我襟涼風引秋意夕磬定禪心

掃石成孤坐倚松時一吟夜深樵唱歇巖溜續清音

麓山采藥

采藥入雲路行行日西斜涼風動修竹高樹藏昏鴉

木脫山露骨澗香藤落花留連夜深返江月鳴清笳

山行

意行隨所適佳處輒心領林深闌無人清溪鑑孤影

秋夜懷王伯諒

秋夜不能寐秋蟲鳴砌間疏鐘雲外寺落葉雨中山以
我意不適想君情倍艱何時復相見一笑破愁顏

開福寺懷古

祇今開福寺自昔會春園駐錫神僧杳流杯舊址存客
來一灑淚花落竟無言懷古情何限江寒嘯莫猿
往事已如夢宮花冷夕陽秋風吹落木衰草語寒蟬五
代豪華盡千年霸業荒淒涼湖上月曾照幾興亡

碧湖亭晚眺

會春園裏亂棲鴉佳宴堂前日影斜洗盡繁華一湖水

野風吹放白蓮花

秋夜懷鹿門戒兄

去歲麓山寺相逢笑口開驚心復黃葉行迹長青苔鴻
雁書難達別離情易哀寄聲湘浦月好送夢魂來

麓山寺題環公房

一室超諸有禪扉夜不扃山光四圍碧松色六朝青鳥
啄齋餘鉢後窺講罷經夜深人語寂冥翠落空亭

虎岑送慈和上人歸衡陽

西風吹落葉先向客中聞已動悲秋意那堪復送君長
辭虎岑月高卧雁峯雲此後松根石何人話夕曛

立秋夜聞蟋蟀

如何當此夕寂寞發哀鳴忽墮孤鐙淚還傷客情悲
風驚葉落餘響入秋聲念爾愁難寐荒村欲五更

少嵐上人索題芋園印譜拈此應之

大道本無文字象雪鴻偶寄爪泥痕我亦印空書咄咄
了無工拙與人論

歸雲

煙樹蒼茫疊翠微道人長掩竹中扉白雲也識山居味
不待鳴鐘已早歸

與湛大笠山

一自天台采藥歸蕭然更覺世情非慙慙特向故人道
爲覓雲山挂衲衣

送吳稱三官城步教諭

石筍峯高高插天竊坡坡上草如煙一官底事輕拋去
寂寞春山響杜鵑

過養知書屋敬贈

高卧白雲裏翛然獨掩扉立言不苟合與世自相違豈
爲一身計甯辭衆口非平生憂國淚多少在朝衣

題吳稱三石筍山房圖

丙戌

活活蘭溪水峩峩石筍峯幽人抱奇節結宇依青松風

定樵聲近林昏樹影重何時筇竹杖來訪鹿門蹤

擬古二首

西嶺自逶迤東城亦崔嵬仰觀浮雲馳俯聽悲風來山川自如昔古人安在哉青條不再榮白骨繁蒿萊本無千歲期徒爲百世哀采藥求長生海上空徘徊達人隨大化一任芳華摧

繁露摧蕙蘭春風馥桃李人生大塊中逐物寧有已物遷情自移美惡無定理執情紛是非解空無彼此尙不慕泥洹焉知佈生死

六月十五碧浪湖看月遇雨用王壬秋社長韻

長夏苦炎鬱一作郊外遊西麓紫煙青澄湘靜不流芳藻襲行衣鐘梵聲寥幽虛亭納湖光佳客與淹留相期趁涼夜汎月迴輕舟層雲翳太虛四座風颼颼飛雨湖上來颯然天已秋寒暄異須臾萬事良悠悠

題按察使夏公猷遊詩後

一解簪纓累名山恣意看望衡湘九轉入嶽路千盤絕頂懷韓愈寒巖訪懶殘懸知望日處應可見長安聞道方廣勝逍遙得大觀泉飛六月冷衣染萬山寒老衲能分餉樵夫不識官朱張遺蹟在聊爲小盤桓

九月十九玉池老人招集碧浪湖展重陽因賦

老人興不淺飛蓋入煙霞展作重陽會還勞長者車清

言契尊酒高詠動鳴鴉莫悵歲華晚籬邊菊未花

偶尋蓮社約似接竹林遊細雨林塘晚微風草樹秋湖

山得佳賞車馬此淹留惆悵煙鐘動獨歸池上樓

秋夜憶弟

憶弟夜難寐挑鐙心自悲難分家室累忍讀鵲鴿詩對月空垂淚還鄉未有期幽人正愁絕蟋蟀爾休啼

送戴仲山歸衡山

一曲驪歌不可聞布帆湘上掛斜曛異時相訪應難遇七十二峯多白雲

贈壁臣居士

繁華事散鬢如絲萬里青山獨往時一種風情誰得似嶺南爭唱荔支詩

君有尊前聚散多萍梗嶺外風情祇荔支句爲人傳誦

題碧虛煉師此君軒

仙家翻厭漁人俗不種桃花祇種竹簌簌清風涼滿軒坐久不知衣已綠

武昌城晚眺

薄暮古城頭蒼茫萬里秋大江流漢水落日滿汀洲天
地一迴首關山起夕愁南樓今夜月還憶庾公遊

登黃鶴樓

昨放洞庭舟今登黃鶴樓白雲不可問漢水自東流落
日千帆影微霜萬木秋時聞吹鐵笛一洗古今愁

焦山

焦公棲隱處落日獨經過帆影懸青嶂鐘聲出碧蘿朝
生京口闕山赴海門多昔人不可見惆悵此巖阿

登金山留玉閣

高閣一憑眺蒼茫太古情天疑入海盡潮欲挾山行芳
草金陵渡斜陽鐵甕城鄉關杳何處向晚客愁生

登潤州城閣

潤州城上閣侵曉一憑軒碧霧沈焦巖青山斷海門春

潮欲平岸野屋漸成村兵火餘殘壘誰招壯士魂

戲贈濬川居士

十載身如一葉輕青山到處自題名每來玉几雲邊宿
曾向金龍背上行鉢裏尙餘香積飯詩中猶帶海潮聲
舊遊歷歷爲君數煙水蒼茫無限情

露宿

明星爛如燭山鬼聲相續白雲蒼然來伴我巖下宿

過曹居士竹蒲山房

心曠山色遠衣寒松露滴一徑蒼苔深惟餘虎行迹

碧湖雅集呈王雁峯山長

不覺日云暮湖皋靄夕陰西風侵客鬢黃葉入詩心見
指休迷月賞音不在琴勝遊情未已疏磬出雲深

贈泊然菴主

海外曾隨博望遊暫因親老乞歸休秋風萼菜思吳郡
落日高樓望越州萬古興亡付杯酒五湖煙月入扁舟
與君欲結束林社未必青山許白頭

述懷

十六辭家事世尊孤懷寂寞共誰論懸巖鳥道無人迹
壞色袈裟有淚痕萬劫死生堪痛哭百年迅速等朝昏
不堪滿眼紅塵態悔逐桃花出洞門

過徵觀居士別墅

主人頗好靜塵事不能羈掃石留僧話看雲出岫遲弟
兄俱好道婢妾亦能詩看取禪心靜蓮花出水時

贈吳雁舟

獨有延陵子精廬每見過禪機信敏捷綺思未銷磨偶
看楊枝舞爭傳桃葉歌天花紛落處誰識病維摩

將還山貽寶覺居士

忻忻梅始榮冉冉歲將闌主人敬愛客斯夕鎮盤桓明
知別有時且爲須臾歡誰能同世情別後懷辛酸

遊仙四章與笠老人作

天上蟠桃幾度開三千年後我重來衆仙同日常高會
下界何人念劫灰蒼狗白雲時變幻清風明月幾徘徊
人間甲子須臾事且盡南山獻壽杯

高下樓臺白玉京侍兒窈窕董雙成笑看星斗樽前落
俯視河山足底生闔苑有桃臣朔竊瑤台無燭素娥明
吾儕樂事知多少聽取霓裳第一聲

馭象文殊跨鶴仙朝飡東海莫西天宣流妙法來金鳥
遊戲神通放木鸞花散諸天香入座定回丹竈火無煙
安排一兩穿雲屨又是蓬瀛路幾千

純陽爛醉李仙跛齊唱歸來踏踏歌檀板數聲滄海關

梅花一曲彩雲多青牛老子誰能識黃鶴仙人事不磨
風馬雲車一飄忽龍華有會願重過

擬陶

莊生解齊物老氏貴葆真人生一世間渺若陌上塵放
曠聊自適懷抱日以新茅屋四五間取足蔽吾身飛沉
有定理焉用勞心神不知養生術徒嚙華池津

八指頭陀詩集卷之二終

八指頭陀詩集卷三

釋敬安寄禪

戲題黃蓉瑞秋柳詩後

丁亥

黃郎美少年著身青雲端揚帆下洞庭驅馬入長安青
青章臺柳曼曼春風寒柔條不可折請君霜後看

初春遊碧湖亭

獨居殊寡歡緩步出郊坰春陽布微和柳色榮新青良
辰入懷抱清賞臨湖亭啟戶縱曠覽開襟襲芳馨棲煙
鳥鳴條潛波魚躍萍興洽樂不淺慮淡神愈甯遠岫斂
夕景澄潭浴繁星眷念林壑美願言屢重經

宮詞擬齊梁體二首

東風扇綠草陽谷氣先和瑤池春溜滿芳樹雜英多曉
日開宮鏡飛泉鳴玉珂佳人行樂龍牛醉朱顏配
日暖昭陽殿花飛上苑春楊枝學腰舞柳葉畫眉勻芳
筵拂瑤瑟盡棟落珠塵興闌聞嘯鳥淚濕紅羅巾

感遇二首

桃李媚妖容託根在巖阿陽春二三月芬芳一何多枝
條日以繁羣鳥聲相和榮華豈不好其如憔悴何
孤松秀冬嶺丹桂馥秋林豈無霜雪摧自有歲寒心荆
棘塞來途庶免樵斧侵

丁亥三日陳伯嚴徐穉衡集碧湖

天桃始華融融日初麗碧湖風日佳良辰肯虛逝軒
蓋紛如雲言修會春禊春林恣幽討孤亭喜新製湘流
環前汀嶽色隱雲際廣筵列肴橘芳尊襲蘭蕙時鳥宣
法音微言契眞諦既愜少長情緬懷永和世古今若轉
丸風流復誰繼

贈徐郎中樹鈞

得句何須手八叉南州名久籍京華喜來古寺瞻靈鷲
閒立斜陽數暮鴉詩思近迷湘渚草夢魂寒繞上林花
春來又動探梅興童子提壺兩髻丫

招徐叔鴻郎中李公孫伯彊呂仙樓看雪

積雪浩無際登樓望眼寬饑禽爭樹陸遠岫倚天寒何
忍獨爲樂還期人共歡寄言高卧者來向畫中看
雪中酬徐叔鴻郎中見懷之作

野寺罷迎送孤吟對碧峯忽聞白雪唱遠答上林鐘斷
妄諸根寂觀空萬事慵惟開蓮社會思與謝公逢
送友人入蜀

草綠長沙渚淒然送汝行微官休自恥萬里且孤征日
落黃牛峽江流白帝城到時應有淚不獨異鄉情

與淡雲和尚夜話

十年俱老大一見一傷神白髮幾人在青山入夢頻雨
行燈下淚三載病中身何日嶽雲裏與君還結鄰

贈饒十三

故人獨我厚相見每依依嗜左近成癖論詩眞入微雖
云羅憂患長下讀書幃努力青雲器休言與世違

贈陳伯嚴

陳侯亦洒落對酒每高歌好客黃金盡論交白髮多雲
深三楚樹夢繞九江波乘興且行樂浮生能幾何

將歸衡山別常靜法兄

塵居性不適又向嶽雲歸敢道世緣薄空知定力微不

堪孤棹返長與故人違前路休相憶春山荀蕨肥

送雪溪上人歸雁峯

年少易爲別此別淚沾衣往事空回首春山晚獨歸白
雲迷遠望明月入禪扉惟有相思夢隨君入翠微

春草

年年原上望惟汝獨先榮已入西堂夢重傷南浦情燒
痕看漸沒屐齒踏還生春色又如此王孫尙遠征

四月十六陪茗香翁湘綺先生泛舟碧湖

勝侶忽相引扁舟泛碧湖江山今古在身世水雲孤法
樂自清妙禪心寧有無愛茲泉石好還約飯秋菰

喜黃芷船至

故人久不至相見一開顏脫形骸外嘯歌天地間移
琴臨綠水把酒對青山惆悵日云暮煙鐘送客還

贈饒文卿

老作諸侯客高懷與眾殊隨身一劍在對酒片雲孤白
社歸何晚青山看欲無年來翻愛靜時與道人俱

送誕笠山之粵

之子忽言別征帆指粵東關山成獨往身世信飄蓬古
驛蠻煙外秋濤野寺中衡陽無過雁鄉信若爲通

六月初二日吳雁舟招子及黃蓉瑞飫勤昆仲集

碧湖亭餞常秋曹石鄰入都

羣公方餞別余亦出林行高閣一尊酒扁舟萬里情相
期存古道不用恥微名誰道長安遠南風五兩輕

懷周變堦蜀中

不見周公子相思又幾秋可堪千里別還憶昔年遊湘
渚木初落巫山猿夜愁遙憐望鄉意未敢倚高樓

題羅施甫石潭別墅

泉石殊清曠主人幽興宜秋荷新雨後高柳早涼時月
出虛齋靜風來曲院遲茲遊樂不淺還與菊花期

重過楊家橋二首

寂寞桃花無主開舊遊回首不勝哀傷心二十年前事
曾爲阿爺買藥來

照水朱顏半已凋春風依舊柳千條棲鴉數點斜陽裏
不忍題詩過此橋

夜遊袁叔瑜瑞華山館

懷抱鬱不展城居多煩喧念我同心人日莫遊茲園路
滑蒼苔滿蟬鳴綠陰繁荷香散暑氣皎月懸清尊意慙
感長往喻盡理孤存結念屬雲海鼓柁浮湘沅乘煙共
遐舉棲壑息營魂長謠空明際佳期與子敦

六月二十八日出小吳門沿溪行至龍潭宿李真

人廟書寄陳伯嚴羅順循

城居苦炎鬱出郭忽超曠雲霞煥朝輝山水發清尚舉
條息綠陰援蘿陟青嶂麋峯遠崢嶸龍潭晴蕩漾仙館
棲百靈崇臺越諸障吹萬理自齊得一神乃王心迹貴
沈冥世情任欺誑松喬去已遙余懷誰與亮

顯宗居士竹蒲山房小住

林巒含暝色樵徑罕人蹤寂寂一蟬語蒼蒼萬木重寒
泉生斷壑涼月透疏松愛此草堂靜惟聞野寺鐘

贈黃大蓉瑞

萬古傷心淚誰能共汝揮惜花情眷眷對酒思依依祇

應聞道少莫恨賞音稀東山白雲裏期君共採薇

古意八首呈寶覺居士

孤雲匿神照衆鳥焉能窺一爲下界霖惻惻使心悲黃
鶴不與侶青松時見譏物我既平等毀譽情無移朱門
雖自榮視之如茅茨悠悠千載上道林眞吾師

丹桂生幽巖歲莫懷苦心微風發馨香清陰結高岑皋
蘭云可恃奄忽霜露侵因之慕高潔願與棲深林

皎皎牛女星盈盈隔一水凝昏被四野機杼亂誰理圓
月吐清輝燭物無表裏浮雲一以蔽歲莫情何已

矯矯雲間鶴泛泛水中鷗浮沈雖異趣與世俱無求如

何尉羅者山澤亦窮搜奮翅起高飛豈不念同儔願與
神風會逍遙俱遠遊

西山有嘉樹華葉何葳蕤芬芳不終朝摧折委路歧行
人爲躑躅飛鳥爲鳴悲本微擇地明今日當怨誰

孔雀從東來結巢瓊樹顛音響一何妙毛羽一何鮮棲
遲戀美蔭弋者伺其便一彈墮雙雄一雌飛不前悲鳴

作人語覆卵幸見憐

寡鶴將三雛歲晏未遑止斂翼方徘徊忽有金丸懼三
雛羽未成一身豈能顧念此痛中腸涕下零如雨

人生處一世樂少苦恆多童顏忽已改不忍見恆河故

人棄我去零落歸山阿而況骨肉情哀痛當如何

望湘樓晚眺

雨後雲猶濕高樓望若迷亂帆湘渚北落日橘洲西獨
鶴棲難定饑鳥晚更號憑欄何限意惟見月淒淒

禮岐山恆志老人塋

西風一蕭瑟落葉滿秋林碧蘚侵階長青松覆塋陰空
聞遺教偈誰識不傳心獨禮虛堂月無言淚滿襟

秋夜寄友人

蹉跎二十載學道竟無成白社聚還散青山期獨行秋
階百蟲響午夜一鐙明茲意共誰語寥寥憶友生

題袁叔瑜悼亡詩後

傷心甯有此而我亦悽然愁絕哀蟬曲淒涼錦瑟篇蠻
煙縈舊夢夜雨入孤絃可恨空閨月秋來分外圓

贈別曹悟生

與君一日住交勝十年深正契水雲性其如江海心涼
秋悲落木湘上惜離襟惆悵高樓笛偏吹出塞音

九月三日陪寶覺居士吳雁舟謁衡嶽廟舟次昭

潭微霜襲林初月吐曜欣然成詩

昔余癖雲水靈嶽屢瞻謁矧茲勝侶延幽興益清發江
楓色始丹澤蘭芳未歇輕舸漾漣漪逍遙度城關神風

揚驚濤坐臥忽超越羣嶼互向背頽陽屢明沒汀火亂
繁星渚煙媚寒月水宿聊淹留眞賞在林樾

登空冷巖和杜工部次謝靈運七里瀨韻

舍舟運神遊登棧眩奇眺洲渚屢旋複巖石咤危峭雲
竇滴餘潤洞隙納微暉鑿險若神工履陰疑鬼嘯遺物
奏玄功觀空得要妙旣愜青霞心豈顧白衣謫黃屋羅
英靈滄洲隱漁釣取舍各有宜殊音自同調

舟中呈寶覺居士疊前韻

運心恣冥遊流目縱遠眺浮杯歷滌洞攀蘿陟奇峭客
塵方外遺神光發內曜旣杜昆耶口亦薄蘇門嘯辯河

息諍訟理窟得玄妙南嶽爲我湧北山豈余誚四海納
微漚六鼇歸一釣請謝河伯言爲君彈此調

舟中望嶽用謝宣城將遊湘水尋句溪韻

輕舟縱洪濤迅若挾兩螭將探靈嶽異結念南山垂慈
汀采芳蘭倚棹弄清漪風厲帆逾駛石激水分歧雲樹
紛漠漠煙岫影離離興因三秋發賞逐九面移亦蓼摧
風條朱果耀霜枝自契中觀理寧爲外物縻誰動臨川
歎逝者有如斯

步月至嶽市

連辰倦水宿舍舟果幽尋夕景淪西岡微月吐東林鐘

鳴嶽市近犬吠寒煙深興來神無疲事往感在今素髮
驚始見青陽不重臨哲人去已遙慨然傷余襟

登祝融峯

不盪雲海胸焉壯平生觀明發犯霜露豈不憚嚴寒羊
腸旣曲折鳥道亦旋盤俯窺懼霧豹仰視慚風翰振衣
一長嘯誰謂行路難憑高豁遠眺天地青漫漫洞庭皎
素練滄海躍紅丸遙川六龍舞遠岫千巖攢星辰爲我
珮雲霞爲我冠嶽靈視余笑招邀敦古歡迴矚人間世
喟然起長歎

尋蓮峯方廣寺

佳辰展宏抱超然運神足策杖循荒塗披蘿入浚谷林
隙漏微陽苔磴繡古綠丁丁聞伐木隱隱辨麋鹿巖高
岫重疊澗曲水洄洑陰壑蓄雲氣深洞伏龍毒經臺構
嵐岑精蘭闕巖隩斷碣委荆榛空庭森柏竹梵籟緩歸
趣翠黝眩奇矚揮袂謝山靈賞心於此獨

宿石澗紫蓋精舍

山路倏已暝余意方適然攀巖眺落景倚樹挹飛泉旣
歷煙蘿倦還就雲窟眠松林月皎皎石澗水泠泠觀聽
兩俱冥寂照生空禪遊心太始初不知有物先

福嚴寺

招提闢梁陳靈異屢棲託陵谷迭遷變龍象繼寥落寶
樹旣潛輝法源亦枯涸伊余乘微因聞道性所樂奈何
去聖遙譬如隔日瘡懷古情徒殷撫今念彌忤高山空
仰止迦陵不可作

磨鏡臺禮大慧禪師塏

尋幽不憚遠涉險趣彌深峩峩丹鳳岡鬱鬱青松林誰
謂導師逝林木演圓音鞭車喻奧義磨鏡垂良箴我來
肅瞻禮法雲翳餘陰繞塏周三匝憩樹披重襟境寂神
來舍慮息理自臨終期滅聞見結宇棲青岑

禮思大禪師三生塏

至人入埋照靈關復誰叩玄風扇區宇神塏祕巖數日
骨何足云所貴道不朽三生寧爾始千歲豈余後借問
幻化人知有眞實否

櫺殘巖

巖巖山上石鬱鬱巖前桂峩峩神僧居蒙蒙芳草微象
教昔陵夷如何隱智慧長謝區中緣高結霞外契寧從
猛虎食不拭俗人涕望雲有餘思高風邈難繼

清涼寺呈本師一首

達人貴宏道獨覺非所論覺花馥心地智水湛靈源誓
然大智炬永破塵沙昏拂衣舍衛國開講給孤園豈不

疲津梁彌憫四流奔喬嶽蘊靈異中有甘露門非賢豈
能主惟德衆所尊人天一忻悅花雨何紛繁迦葉信小
果慶喜慚鈍根荷法各有任嘉會何由敦聊勉自化志
庶用酬慈恩

贈陳童子師會

童齡具耆德頭角方崢嶸頻伽發妙響玉樹敷新榮道
由聚沙植義以分梨成好古興不淺鑑物智自明善葆
青雲器相期黃閣名

附陳童子師和詩

天下多奇士山岡出蘭芝高禪志修已不爲世俗移

甘心守寂寞袞袞良足披苟非鴻與鳬焉能奮翅飛
閒居非吾願嶽遊爲子宜靈境絕妄念妙悟發新詩
感情亦何報援筆廣此辭

登碧湖樓

暝色起汀洲涼波吹夕愁雲垂洞庭野木落蒼梧秋歲
歲雁南渡年年水北流瀟湘無限意日暮且登樓

送曹五入都

寒風淒以厲孤鴻鳴不歇遊子欲何之離歌中夜發東
裝辭楚山揚帆向京闕洲曲望屢迷淚盡情不竭悽悽
澤畔吟皎皎江上月去住各努力毋貽歎華髮

贈無我道人

至人本無我所適無非真和光五濁內獨能超其神識
密賞愈寡照寂道轉新興來時染翰卽物理自陳悠然
南山下自謂羲皇民

呈黃飢勤

江河流不息邱隴日崢嶸俯仰宇宙間了無一可營於
心忽不樂涕淚爲縱橫旣嘆浮漚滅復傷流電驚勝因
勉白植妙道冀圓成皈心大覺前所寶非榮名

招王午樓碧湖齋集不至

夫君期不至悵望使余愁竟以雞豚美而貽藜藿羞千

林空落日萬木已辭秋獨有沙頭鷺依依爲少留

訪瞿芷桓不遇

每過問童子長云不在家寒花空映戶高柳自鳴鴉欲
去意還駐行吟日已斜所思人不見咫尺卽天涯

重晤瞿海如

久別驚始見開言心自悲方君多病日是我咏愁時滄
海橫流急青山獨往遲年來憔悴甚莫訝鬢成絲

夜坐憶龍大硯仙

夜深羣籟息靜坐入枯禪遙憶山中客聽鐘應未眠詩
成明月上花發綺窗前杖策誰招隱空吟桂樹篇

呂仙樓看紅葉期周郢生蘆生吳孟晉李澤昆仲
不至

日暮秋枯急高樓野望時雲低疑欲墮帆遠計行遲把
酒問誰醉排愁獨賦詩坐看紅樹晚空與美人期

杪秋偕壽梅居士素蕉道香二上人遊麓山寺

麓寺經年別今陪數子遊野花寒更發庭樹葉先秋莫
鵲四山合西風兩鬢愁平生愛邱壑向晚此淹留

送王瑞徵歸蜀

青城何處是萬里一舟輕因念關山遠彌傷離別情嶺
猿時斷續江鳥自逢迎歸看峨眉雪毋爲憶友生

送易懷清之長安

歲序已云莫胡爲獨遠征關河分夕照草樹入邊聲霜
落黃山紫春回渭水清長安行樂地莫訝二毛生

蕭希魯歸自江南賦贈

憐君意不適歲晏復歸來欲問江南事其如庾信衰壯
心猶未已華髮忽相催何用悲遲莫清時方愛才

秋日得郭菊蓀司馬書

黃雲莽蒼雁來疏忽得秦中一紙書提劍十年爲客久
論交廿載識公初荒煙古戍嘸山鬼落日邊城策蹇驢
聞道秋來歸思切故山風雨夢樵漁

自勵詩

驚風飄浮雲奄忽千里馳人生獨何爲守此百歲期春
華不再榮努力及良時懷安聖所咎忍進德之基佛經施
戒忍進禪慧方
願力智爲十度朝聞儻可遂夕死復何悲

劉山人希陶自都梁來齋集浩園卽席賦贈

歲莫苦無惊忽喜幽人來幽人罕塵事歲莫與我偕積
雪皎素豔寒鐙煖深杯雲霞發藻思氣象何寥哉昔年
江海客曠覽窮溫台餘情已飛越殘夢猶崔嵬憶余旅
浙濱微尙謬見推良會信有時襟蘊今始開相期方外
遊高蹈謝氛埃

八指頭陀詩集卷之三終

八指頭陀詩集卷四

釋敬安寄禪

雪夜過王彝臣都尉禮坤寓齋

風雪晚來急尋君獨叩門翻枝鴉有影入夜月無痕把
酒自爲樂浮生何足論停琴一靜坐相對各忘言

麓山對雪寄程六子大

晚來天又雪吟榻此中安獨雀語高樹萬山生莫寒偶
從初地住思與故人歡寂寞衡巖下誰知有懶殘

寄題茗公南泉淨業堂

十年辭眾去垂老慕西方白髮歸心切青山引興長仰

陵朝演法珠樹夜流光遙憶經行處含情望夕陽

穆廟諱日讀吳侍御可讀遺疏二首

鼎湖龍去日歲莫獨愁時已失中興主長留四海悲西
風 惠陵晚落日薊門遲欲共忠魂語含淚祇垂垂

國步艱危際孤臣涕淚中前星虛帝座 七廟起悲風
丹檻攀無及蒼梧怨不窮萬方同一哭誰復殉遺弓

張嘯石歸自閩中賦贈

故人忽以至握手思依依已作三年別新從萬里歸且
尋舊社約莫恨壯心違時事嗟何補青山共息機

送陳居士麓岑歸里

畢竟誰知已逢君長不言甯從遠公社恥謁信陵門不
惜千金散誰懷一飯恩天寒蹶歸去風雪滿江邨

題十竹君軒 戊子

幽軒種十竹孤冷與君宜把卷常枯坐逢人欲語遲
花初滿樹春水始平池乘興惟須飲毋爲嘆鬢絲

二月朔日舟次桐溪精舍夾岸桃花迴非人境

達人貴懸解胡爲自羈束辰興梵課餘理棹湘江澳日
華釀朝溫春波生微綠南陂煙忽開西麓翠可掬晴鳥
喧芳洲天桃媚幽谷靈境絕攀緣妄迹競馳逐息心此
戾止何用昇喬嶽

桐溪禪暗燈覺道二公塋

嚶嚶春鳥鳴汎汎夕流逝倉卒一紀餘哲人繼彫萎巍
然竅堵波荆棘忽以閉悲來匪由識哀極轉無淚旣懷
寂滅樂彌念形骸累雲霞暖餘映竹柏凝寒翠金棺一
埋照水石徒清麗

辭上林寺法席呈法門諸公一首

大道久淪沒賢聖亦肥遁振興在來哲余也誠不敏遲
迴一載餘顧瞻忽自哂猥荷高明知未證無生忍揮袂
謝浮雲乘流逐驚隼永絕白社遊逝隨玄豹隱平生煙
霞心庶得巖下泯去住各有宜愚懷或見憫

將緣湘水探九疑諸勝慨然有作

閒居豈不樂心恆懷百憂春風來何時洲渚綠已稠因
辭紺園侶高唱蒼梧遊暫與塵境遠忽令耳目幽雜英
何紛紛棹歌亦夷猶仰視孤飛鴻俯瞰近水鷗感此遺
世慮道在復何求

湛湛湘江水亭亭衡嶽雲重華去不還千載愁人魂春
竹染淚迹幽蘭徒清芬聖遊豈可追九疑尙嶙峋迺將
掇瑤草永用秘吾神

擬古一首獻海公

時雨潤八表誰謂澤不周日月光兩儀焉燭重巖幽人

生昧前識萬事難豫謀賢愚旣竝世涇渭亦雜流何山
無蘭蕙荆棘蔽以稠達人竟何施守道固不憂立觀物
寧滯神解智自由逍遙寂莫濱身世猶虛舟

之九疑緣湘行夾岸峭石飛泉蒼藤古木書寄陳
伯嚴羅順循并柬雁舟蓉瑞昆仲

唐虞去未遠高步猶可追方舟溯三湘夢寐懷九疑神
颺從東來仰視飛雲遲洪濤鼓巨壑陰岫無開時蘭蕙
吐芳氣松柏挺高枝幽鳥出谷鳴孤獸索羣馳念茲山
川遠貽我友朋思勝遊不克偕中道使余悲弔影千巖
間慨然歌此辭

山行有序

山行既暝遠望茅茨隱約林表援蘿上一道者出
貌甚癯揖余入具野蔬共啖不交一語禪誦自若
時斜陽告夕皎月在窗輒題數句以娛良夜

松風始微動山鳥猶未鳴有客資神往高咏發幽情荒
塗莽荆榛樵牧亦罕經靈源窮欲盡忽聞雞犬聲道人
歡客至佇立候柴局設食羅野蔬志意殊真誠曖曖陽
已微皎皎月孤明心境兩俱寂泠然契玄冥

過衡陽退省庵

日落瀟湘晚重過舊草堂幽篁多美蔭老樹發奇芳短

髮心猶壯扁舟意自長獨憐江海去未待晚松嘗

東洲訪江肇甫山長

有鳥鳴喬木起余求友心浮舟度煙水策杖入雲林小
閣焚香坐清言見道深欲移石床近還就綠蘿陰

謁黃庭觀

偶乘獨往意來謁魏元君谷暗松杉合天清鸞鶴聞靈
芝含秀色仙石繡苔紋坐久諸緣息晴空生片雲

訪福巖寺玄妙上人

古路逢樵問蒼茫萬壑雲偶尋高隱士重禮祝融君樹
老無年代心清滅見聞浮名累人苦煨芋莫輕分

花藥寺

花藥阿蘭若重來二十年紺園空宿草碧殿鎖寒煙零
落嗟今日艱難憶昔賢瀟湘無限意惆悵夕陽邊

贈易與凡

拔劍高歌對酒卮酒酣爲說戍邊時夢隨關月還家遠
馬踏河冰出塞遲青冢至今餘漢碣黃沙終古陷秦師
憐君萬里封侯願贏得西風兩鬢絲

秋夜寄張聽侯仲肖昆仲

高枕不成寐孤燈暗忽明一身常足病萬事易關情夜
雨愁仍滴草蟲寒更鳴故人今夕夢誰與話平生

送周魯衡之華容

送君不忍別攜手暮雲端湘上雁初過洞庭波始寒茲
行忽異縣誰與結同歡卽此堪惆悵休歌客路難

贈周生

滿眼風塵色憐君獨此過浮生同旅泊失路未蹉跎誰
道朱門貴其如白髮何幽棲吾所願還與覓煙蘿

邊將

白首尙談兵恩深任死生大旗翻亂雪歸馬怯空城漢
將日寥落匈奴掃未平黃雲連朔漠辛苦且長征

歎逝詩

西方有佳人灼灼桃李姿言論吐清芬顧盼生光儀良辰恣遊宴不惜千金資馳車五陵道豪貴相追隨自矜常美好歡會無窮時一朝隨物化萬事徒傷悲神識尙未泯高墳已纍纍念此五內熱涕下如綆縻

雨後秋懷

山中一雨過池樹早涼生坐石忘朝夕看雲憶弟兄歡愉猶昨日寥落不勝情寂寂千峯裏惟聞猿嘯聲

日莫過何棠蓀廣文宅

塵喧忽以寂籬落似深村雁度斜陽外蟲聲秋草根霜畦寒菜色茅屋暝煙痕近市亦成隱何須入鹿門

朱嶽船員外輓詞

寒霜肅以厲蕙草亦隨萎人生無貴賤黃泉盡來歸榮名雖云寶神識安能知惟德乃不朽千載常如斯哲人抱幽衷滅智甘棲遲作善匪望報處盈恆若虧艱哉憫物情至死猶依依鸞鶴旣高翥緬想平生儀永爲國士歎長貽鄉閭悲營魄儻見存鑒此薤露詞

寄懷陳庾山江南

秋風吹白蘋遠望一傷神天地正搖落江湖憶散人經過桃葉渡自惜柳枝春借問南朝事誰歌玉樹塵

送周彥昇歸通州

開福古蘭若相逢話落暉清遊曾幾日惆悵忽言歸湖上秋山晚淮南木葉稀送君臨極浦惟見片雲飛

與表兄張五話舊

天涯一分手相見十年遲親舊復誰在悽然心自悲與君俱老大忍話少年時明日拂衣去青山何處期

送友人歸淮上

曉風吹雨過兩岸荻颿颿淮上君歸去江南我舊遊不堪聞落木俱是有離愁寄語故人道別來今白頭

詠懷詩十首

昔余慕靈異南遊經九疑復泛蓬山舟遠與浮丘期隆冬草木茂朱華何葳蕤湘靈拊瑤瑟海若揚旌旗仙人隔煙語貽我瓊樹枝云此最吉祥佩之忘憂思長跪謝仙人此物非我宜我本自在仙一念落人間人羊旣更易識性亦推遷捨身復受身來去如輪旋白骨何峩峩高於毘富山已忍多生慟樂土何由還

疾風揚波濤起滅無端倪波波相續流甯復住斯須嗟余久沈淪泊然無止依眞源失湛寂誰能鑒淵微步出城西門高墳何纍纍年深墳土裂白骨委蒿萊墳傍哭者誰云是白骨兒生旣爲死泣死亦待生悲哀哉

億千劫無有淚絕時

弱齡逢喪亂田園遂蕭條坐爲衣食故豪門屈見招顧
無五斗祿甯折壯士腰拂衣謝城闕高步凌風霄金仙
雖云遠靈鷲尙岩巖超然方外遊永用泯塵勞

去歲展先塋路憩桑樹邊村老向我言此桑齊汝年汝
父昔在時耕此桑下田人牛今無迹茲意復誰憐感此
不能語涕下如流泉

余生秉微尚塊獨甘雲棲幽涂盛荆棘蘭蕙何離披鴟
鴞相叫嘯猿狖復鳴悲眞如旣不變萬有徒紛馳將捨
有漏身一飽豺虎飢

吾欽忍辱仙運心仁且慈手持如意珠百劫行檀施宏
法亦已勤六師謬見疑冤親普平等焦芽同時滋智果
旣圓成永爲天人師

少讀高僧傳抗志希遠公澄神五峯表滅影二林中遲
回虎溪月緬想劉雷蹤斯人邈千載蓮漏猶未終淅淅
潯陽潮汨汨恨何窮

我聞安養國賢聖俱棲遲講堂極壯麗行樹相因依湛
湛七寶池矯矯珍禽飛金繩界道明天樂隨風移衣食
應念至不假人力爲文殊旣戾止慈氏亦來儀長揖三
界苦永絕四流悲逝辭五濁世金手引同歸

九日寄程子大承順

今日登高處何人共舉杯甯知風雨夕忽有脊令哀鄉
信愁中斷蠻雲瘴不開殊方爲客苦歲莫憐歸來

湘上吟

江寒楓始落天遠雁初來古木雲中出青山雨後開城
臨賈傅宅秋冷定王臺日莫湘江水如聞鼓瑟哀

靖港紫雲宮明淨法師建鏡湘樓成宴集道俗王
先生壬秋爲之記余以事不與作詩寄題

靖港古屯戍熊湘資咽喉帆航接洞庭津鼓連橘洲開
士審其要排雲建飛樓秋霞澄夕陰月影碎川流良辰

集道俗廣座羅珍羞奇文耀華藻玄論豁昏幽茲會吾
不與情往如同遊川塗咫尺間來去千萬舟取意各自
適謝彼波中鷗

崑崙篇

醉卧崑崙石萬年爲一曉覺來觀蓬壺羣仙迹如掃碧
海揚驚沙白雲抱空島悵然懷舊歡無心掇瑤草

過賈太傅故宅

三載棲遲地堂空夕照斜賈生去已久庭樹尙能花夜
雨唳秋鬼靈風集曉鴉淒然芳草歇懷古一長嗟

呈義甯廉訪

達人抱玄朗風誼宿所欽經綸乘運啟珪組非公榮相
衡美餘蔭河浙騰英聲任鉅志方展才大謫易成解龜
遂初服屬念在巖耕明廷眷高義迴車遵王程黃河
不可渡濁浪何崢嶸顧瞻斯民艱彌傷遲莫情忘懷道
益重適已物自輕請從邱壑遊聊用謝浮生

擬謝康樂維摩經十譬讚八首

聚沫泡合

覺海性元澄云何泡沫聚境界風所吹虛壑自相鼓認
漚豈全潮識流匪異體誰爲達觀者真源亦無取

燄

晴虛本無翳陽燄何由生擾擾甯暫住渴鹿徒馳情真
空任起滅明性無滅增智者鑒其微元同一見精

芭蕉

芭蕉本佳卉綠葉方叢生內心匪堅實外觀亦清英未
霜已零落誰憶昔時榮

聚幻

幻聚眩流目衆巧歸我神能爲城郭狀亦現男女身愚
夫昧取捨橫復生愛瞋逝者復如斯誰言此非真

夢

孰謂識性同同寢各異見妄境故無恆真如了不變夢

覺俱強名好惡誰與辨晒彼執著人尙爲浮物戀

影響合

大道寓影響誰復知此理是中無實性羣有妄相似本
自絕名言云何立彼此運心平等觀一任空華起

浮雲

浮雲匪定質變幻誰能測氤氲翳太虛飛散窮頃刻含
潤若有施觀空了無得前塵雖云妄轉用資神識

電

寥寥天宇廓流電時一驚奄忽不可見神迅誰與倫狂
心儻可歇智眼自圓明勿用世間想貌彼虛空情

西方三聖讚三首

無量壽佛

猗歟無量壽正覺果圓成數劫恆沙前法藏流英名懷
道薄欲樂棄國遵尊榮旣揚精進幢復轉大願輪莊嚴
淨妙土智者忻往生本無二乘器甯有三惡情痛念沈
淪苦未聲涕先零願垂白豪光鑒我皈敬誠

世音菩薩

法忍曠劫無惡心尋聲拔苦蘊振海吐元音甘
慈雲生遠陰妙覺誰與證圓通聖所欽逝隨

神風往逍遙洛伽岑

大勢至菩薩

三祇嚴智果神悟忽以超虛空既消隕大地亦動搖舉足越沙界迅若乘驚鷗寶光燭身根塵垢應念消

鄭州河決歌

嗚乎聖人千載不復生黃河之水何時清濁浪排空倒山嶽須臾淪沒七十城蛟龍吐霧蔽天黑不聞哭聲聞水聲天子宵衣起長歎詔起師臣出防捍帑金萬鎰鎮洪流黃河之工猶未半精衛含愁河伯怒桃花春汎益汗漫明廷下詔罪有司有司椎胸向天悲吁嗟乎時事艱難乃如此余獨何心惜一死捨身願入黃流中

抗濤速使河成功

題王尊農觀察臺警夜渡圖二首

神州論險要臺嶠信孤懸海闊魚龍夜心傷戰伐年曾聞木罌渡竟過水雷前虎穴身能入英風尚凜然小醜甯難滅王師豈在多初傳橫海捷仍許郅支和太息援邊詔空揮返日戈披圖話陳蹟淒惻漢山河

八指頭陀詩集卷之四終

八指頭陀詩集卷五

釋敬安寄禪

余所居羅漢寺前有方塘一畝蒲柳交映荇藻紛披尤多菱實向無蓮種今夏紫莖綠葉無因自生照影千花彌望五色信象教之嘉祥亦淨業之冥感也因名曰瑞蓮池爲詩以紀之

己丑

湛湛方池水芙蓉未肯生如何污泥中一旦吐芳榮清氣遠逾馥妙色難爲名豈伊神所誕非余德之馨援筆紀嘉瑞聊用悅羣情

修上人禪房訪程商霖不遇

孤城臨水斷野寺向江開偶訪青雲客言尋白社來空齋寒莫雨遠岫隱輕雷獨與山僧別扁舟泛月回

六月望日同白香翁游江南初發衡陽作

丹鳳棲南岳高唱莫與同感彼求友聲振翼凌遠空爰辭山澤居翱翔大江東伊余忝陪從茲遊冀奇逢大壑玩洪瀾名山蔭茂松將隨性所適誰云吾道窮

七月十九乘淮慶輪船發長沙

涼風吹炎序明河澄素秋開襟運神往時哉不可留飛輪下荆吳解纜辭橘洲波濤吐洪音靜聽心悠悠千里坐超越神迅罕與儔委懷於元漠非但美遨遊

洞庭

島嶼連巴蜀風濤界楚吳
水長帆影怯天遠雁聲孤
落日自明滅遙山時有無
黃陵秋草徧何處是蒼梧

洞庭舟中次白香翁原韻

洞庭信云廣茫茫吾何向
激電越洪流忠信宿所仗
風雲忽異色波濤自相盪
空碧澄遠流虛翠潤寒嶂
遊龍喜深潛翔雁悲寥曠
伏枕聆驚瀾憑虛玩秋漲
派分九江遙氣接三山王
返觀契靈異心目得融漾

望君山

洞庭秋望水冥冥猶是君山一
髮青今夜重湖波浪靜

月明吹笛弔湘靈

黃鶴樓故趾

寒霜淨汀洲微雲靄江城黃鶴雖已去人猶愛其名
同居欲界中誰云得長生烈火焚崑崙頽然無遺楹
徒想瓊樓麗詎聞鐵笛聲朝霞散餘綵秋月懸孤明
羽人復何歎太上在忘情

禰衡墓

漢道昔凌遲奸雄據要津
賢達不任世明哲思保身
哀哉禰正平殺身豈成仁
羽毛既爲禍文彩安足珍
我來荒洲上懷古薦芳蘋
秋草萋復綠千載爲沾巾

伯牙臺

至理本無言至聽本無音
誰能返耳根聽弄無絃琴
子期雖復生島由知我心
日莫臨高臺寥寥獨行吟
真趣貴自賞浮響非所欽

望廬山

縱棹隨神風浩蕩洪波間
引領望廬嶽悠然開心顏
秀色信難名靈氣吐自然
五峯媚雲表峴絕誰可攀
酒懷遠法師高步太元年
陶謝尙返駕澄什甯比肩
千載沐餘潤猶能洗塵緣
瞻霞想神足臨流哀逝川
玄棲儻可必妙蘊當能宣

湖口弔高伯足

高生才調冠三吳爲問人間尙有無
今日卻過湖口縣亂山無語夕陽孤

小孤山

眾流匯巨壑孤岫削中川
猿鳥墜絕壁宮闕基層巔
蒼翠自成媚丹霞不能鮮
翔仙契幽曷潛蚪玩神淵
朝雲氣靄靄夕月影娟娟
既愜方外趣彌薄區中緣
莫咏涉江操當知捨筏賢

九華山

九華實仙都重巖蘊神宅
弔棹倦驚濤瞻雲慰良覲
違

抗廬霍高兀若星辰偪霜壑流曉丹秋巒散遙碧遠近
生異容天山共一色伊余慕肥遁逢山愜幽寂徒眩耳
目奇未就煙霞息思欲御冷風曷由生羽翼玄關寧我
局靈境冀孤歷

東西梁山

江南鎖鑰扼雙門一樣青山各自尊莫恃當關能據險
秣陵風雨共誰論

莫愁湖

湖上微風拂檻清行人猶愛莫愁名鬱金零落芙蓉老
簾外月明秋水生

鍾山經誌公塔院

蘭若居高處孤遊愛晚登長松夾亂石峭壁走枯藤獨
禮空山塔惟餘古殿鐘如何雲嶺裏不見六朝僧

夜遊清涼寺登掃葉樓

樓爲昭明太子讀書處

一簷墮冥翠高樓倚月明天空憐雁度山靜覺寒生雲
氣迷鍾阜秋潮撼石城時聞清梵發還似讀書聲

妙相庵

百戰無殘壘巍然獨此存古藤猶鐵色舊碣尙苔痕有
相能逃劫無爲道益尊寶城落日裏多少未招魂

送台州太守成桂臣歸里

達人慕肥遁解組遂初心自言辭台嶽清風歸舊林只
憐飛鳥倦未許入山深暫向谷中隱黃鸝有好音

贈張文叔

張生信奇特亭亭青霞姿韜光衡門下世俗焉能知嚴
霜悴眾草孤松卓高枝積善雖云吉行道亦有時但守
固窮節毋爲歲寒移

贈劉康侯

劉公本華胄而無紕綺情在軍恆守獨處盛能遺榮忠
義雖自許肝膽爲人傾域中韞奇氣海外馳英聲論交
愧余淺未得盡平生凝神吐微詠聊用寫丹誠

贈陳易秋

陳侯真坦蕩少年掇高科驅馬出京門意氣凌三河雄
劍一奮擊海水爲不波日月揚光采丹鳳鳴相和求賢
何必廣得士豈在多幽人愛奇節雲中發嘯歌

贈唐召皆

唐君性幽靜和藹抱冲襟微言吐玄理清風穆重林旣
振金門策亦愜青霞心誓飲廉泉水甯憩惡木陰孔墨
道一貫至聽無異音苦岑諒同契歲莫當來尋

陳易秋還湘賦贈

日莫千門靜天空一雁飛那堪異鄉客復送故人歸建

業孤帆遠楚江秋雨微禪心本無住何事欲沾衣

送黃茂才歸長沙

西風吹暮雨忽作北窗涼當此悲秋夜聞君歸故鄉
洞庭方落木震澤始微霜千里豈爲別同茲明月光

重遊天童寺

不到天童寺恩恩歲六週甯知孤衲影復入萬山秋
照水驚雙鬢班荆憶舊游平生輕去住此別意悠悠

過徐舵仙墓

落日荒村裏來尋處士墳儻君猶在世與我細論文
挂劍嗟何及遺琴愴欲焚平生知己淚霑灑向寒雲

甬江與李子仙茂才話舊

六載江湖別相逢鬢已班故人悲宿草

謂屠繼美馬文齋諸君往

事話空山有淚皆成血無家何處還天涯重分手戚戚

慘離顏

哭與了和尚二首

憶昔俱年少岐山問道時看雲同枕石洗鉢共臨池

暫指青松別仍爲皓首期舊遊今寂寞回首淚如絲

五月瀟湘岸含悽送汝歸那知揮手去永與賞心違

世事難定浮生念轉微門前雙杏樹猶挂舊禪衣

雪竇妙高臺宴坐有悟

靜坐忘言說冷然契此心莫天孤雁影滄海一龍吟
妙悟有超越曠觀無古今獅絃空自鼓華嚴經云伽藍子筋爲絃鼓之衆

十二月二十八日由浙歸衡陽羅漢寺示眾

吾道難諧俗寒山祇自歸詎思滄海事終與素心違
絕巖宜雲卧長空任鳥飛惟憐陵上柏寒翠映余衣

庚寅正月十一日與旨密清虛妙智法林諸道人

飯修庵主廬二首

偶攜紺園侶來扣蒼巖局江霞澄遠影松雪墜寒聲
同殮香積飯靜禮佛名經冷然鐘梵寂復踏漁歌行

出寒草木瘦苦沒虎豹踪始憐人境隔惟與川途通幽

岫蓄新翠春橋卧綵虹了知眞諦義不欲強言空

正月二十六日由衡陽至長沙四首

孤舟仍遠涉落日悵離羣寒嶼明微雪春波聚細紋乾

坤信虛棹身世薄浮雲自笑平生事旁人未遣聞

高杭滄江夜凝情默語時往來徒自苦天地欲誰私細

雨孤帆溼寒鐙春夢遲百年猶旦莫擾擾復何之

野寺鐘鳴寂江皋水氣沈曉星寒欲墮旭日暖初臨大

覺誰能證虛空不住心欲知清淨義試聽棹歌音

江鳥還迎樺山桃又發花近村問野碓隔水辨漁家祇

訝春來早那知鬢已華渚雲開復合何處是長沙

次豁然戒兄見贈元韻

悠悠長沙道一別十七載相對鬢毛斑似覺山河改榮名詎爲寶愛結誰能解太息同門者而今幾人在

法林小師禪靜圓修詩以美之

亦知身是苦妙解道爲尊諸妄消欲盡一真默自存霞峯澄異綵玉樹秀靈根莫秘牟尼照須清濁水源

二月十五夜偕吳雁舟曹東瀛梅訪黃孟樂仲長

兄弟呂仙閣翫月時東瀛將同雁舟北征賦詩言

別因和之

佳人美良夜秉燭來虛堂飛甍麗丹霞登覽延清光圓月吐華曜嘉木森成行春城蘊煙氣汀火生微茫憑虛發長嘯意興何悠揚浮雲忽以至夕陰合湖湘變幻在須臾神識豈能將聞君碧雲唱感彼明月章清暉詎恆滿勝游那可常誰云江漢廣我心與之長安得忘憂草植茲衡山陽

送吳太史嘉瑞入都

有序

庚寅閏月雁舟太史北征臨別殷殷彌眷法侶追思昔遊不能無述夫出處一也苟得發揮宇宙彌綸彝憲卽事明真何在非道豈必空山迺

證圓覺昔人篤念友朋於其別也每有贈言顏

仲之賢復乎尙已秦漢而降厥名詩詞蘇李河

梁匪直五言之濫觴抑亦贈別之初製也貧道

不學夙承雅契把臂卒談已彌年載一旦遽適

能無黯然猥撰俚辭藉鳴離悃匪敢希蹤曩哲

亦曰勉崇明德云爾

幽人滅百慮眷茲求友情疇昔支許遊不異弟與兄論道冥孔墨結志感精靈去住隨所遇皇路忽遺征有如共命鳥一旦發離聲羽翼臨當乖浮雲勢難停丈夫既

許國豈容戀巖耕黃鵠一遠舉高飛入蒼冥願瞻舊時

傳能不懷悲鳴神契亮勿隔萬里猶戶庭努力事明主

況乃值時清振采躍中天塵垢甯外嬰爲君樹松桂念

彼隆冬榮

題神鼎洪湮禪師道場

傳聞軒轅氏鑄鼎茲山巔草木霽深秀水石澄清妍汨

渚流足底洞庭橫眼前望遠意無限登高心自憐精藍

虛結構鐘梵益淒然洪公寂已久妙意誰能宣

酬黃襲修履持二童子詩一首

矯矯雙鳳雛和鳴多好音含靈徵明德垂綵耀高岑修篁吐奇實孤桐結清陰托身旣得所羣鳥皆欣瞻毛羽

雖未豐詎測凌雲心援筆頌英芬聊用荅清吟

題長沙上林寺藏經閣詩 并序

上林常靜法師一真內蘊四德外流摩尼智鏡
嫺茲圓照苾芻芬利方其柔潔爾憫大法陵替
微言將墜以光緒十五年持錫入都參求竺典
宰臣福錕公嘉其梵行以狀上聞報可并錫
純廟御書聯語鎮護山庭隆道宏宗邁於往聖
明年五月龍藏南旋洞庭駐波衡嶽凝翠甯謂
頽流觀茲殊勝因製伽陀用紀法喜

金容一西逝大法遂東流皆衢朗智炬愛河濟寶舟長

沙古藩國駭客資淹留應真亦戾止講肆如雲浮哀哉
二千年法運猶未周如何獅子窟今成狐兔邱禪枝日
凋謝念茲深余憂幸有智者誕定慧崇前修妙諦融真
俗平等齊恩仇乞食於京闕機辯驚王侯龍藏出天府
象教耀神州炎維賴以鎮篋戾爲之柔讚揚安可窮聊
用紀因由

題常人吉居士默庵詩一首 并序

居士和光五濁鼓柅四流抱質耽微順真達俗
息言論之諍澄寂照之契非夫前覺孰能證此
因贈以詩

至人冥知見高館越塵障寂默證元常妙悟釋言相內
心貴自契外物靡所尙聖解儻不存俗諦誰能証區中
得祕要焉用棲巖嶂

晨登雲麓宮望城中詩一首 并序

庚寅八月戊戌朔於麓山寺斷食越七日甲辰
漱齒鶴泉振衣雲麓俯視隔江城郭萬瓦明滅
流埃蒼紫時巖旭初晃松露猶泣頃之市聲隆
隆如聚百千蚊蚋一器中耿耿亂鳴甯謂人我
貴賤同異愛憎汨於其間嗚呼情生智隔想變
體殊覺王邈矣誰證幽旨神會所及爰詠斯篇

清晨警禪悟萬籟寂無聲振衣陟高岫林隙始微明遙
遙起煙火蒙蒙辨層城念彼氛垢中流欲多所營吾生
亦有涯所願學無生仰睇碧虛際悠然適余情

秋懷詩二首

秋風吹涼波寒蟲響哀音念此時節易憂來曷能禁萬
物靡恆盛二毛亦以侵平生五嶽志不復果幽尋俯仰
一室內孤彼巖岫深望雲資神理撫事愧初襟逝返元
冥棲庶契妙明心

我聞大雄氏常住靈鷲峯法會猶未散道樹仍青蔥淨
穢信懸隔精誠亮可通默坐運玄想恍與眞儀逢金手

垂接引寶鐸霽昏蒙將隨神足往念彼樊籠中凡流不俱濟聖遊安可從

麓山秋暝

碧天澄莫陰霜月出未高孤雲無定適眾鳥各趨巢息此樹下影念彼塵中勞清賞莫余同良友詎能招幽途成獨往一心爲神交

山近氣恒寒不知天已秋涼颺入庭柯木落遠山稠猿鳥雜亂鳴逾覺館宇幽夜來新雨足溪水繞屋流真想方在茲焉用尋丹邱

體雲和尚主席麓山寺詩以慶讚

虎岑吾祖席傳鑑喜有人遠飛雲外錫來禮定中身水乳相投合經過不厭頻終當卧林壑猿鶴共爲鄰

感事二首

寂寥湘水上身世共誰論落日青山遠浮雲白晝昏衣冠一時盛肝膽幾人存何日拂衣去千峯獨閉門吾儕亦何事涕淚忽難收鴟鏡真成壁江河欲倒流可憐豪俠氣虛作杞人憂鬱鬱夜難寐西風月滿樓

八指頭陀詩集卷之五終

八指頭陀詩集卷六

釋敬安寄禪

庚寅秋將歸衡山精廬次武陵陳伯濤見贈原韻吟辭仙洞客歸掩嶽衡門靜猿聲猿嘯甯隨野馬奔松蘿堪作蓋山市自成村窺人夜月冷補衲晚風溫相期溪上石與爾話真源

還山後寄伯濤次前韻

古木蓋藤屋幽苔映石門乍聞一雨過忽覺百泉奔果熟猿窺樹花明犬吠村田衣秋漸冷松火夜能溫鎮日疑情坐誰來問法源

觀田家春耕晚歸

辛卯

詩文小道耳壯夫所不爲而我酷好之豈非大愚癡儻隨大化滅榮名復何知辛苦一生內歟血誠可悲不如田舍翁終日百無思所思在隴畝風雨無愆期草稻苗秀眼前綠參差入秋籃有成聊得遂其私但取衣食足過此非所須善哉淵明言力耕不吾欺

中和日與程曉園過東洲講舍邀雷小秋羅雲巖

廖卓夫姚瑞麐游小羅漢寺作

春風一微扇草木含新蕤佳茲微雨晴復與賞心攜鼓柁溯洪流揚帆便輕颺洲渚綠方盈霞彩垂光儀講肄

集羣彥矯矯鸞鳳姿蘭蕙馥其馨德義爲之基洙泗若
可接孔墨道甯疑共美紺園游同禮天人師明鏡皎智
傑覺樹聳高枝境幽性所愜理勝情無疲良辰勿可諉
頃耳希新辭

題增法師講堂詩一首

和風悅余懷縱步芳春林巖巖蘊靈氣橘柚垂清陰法
師此棲趾精廬冠雲岑白業晚逾篤元根與且深含花
異鳥至聽講天人臨甯耽禪悅味富演迦陵音

方上人翹心淨域皎志元樓胎以伽陀旌其妙著
之子法門秀童稚卽多奇語默存真想定慧崇元基青

蓮何馥郁白圭無涅緇淪精水晶域掛曉珊瑚枝玉毫
亮垂彩珍鳥當來儀冷風一冲舉長與五濁辭

二月丙申夕夢與一道士登天台華頂峯聽天風

海濤覺而有作

不信越人語天台去路除且搆滄海日來看赤城霞暫
抱浮邱袂仍迴長者車覺時明月在失卻碧桃花

夢登岳陽樓觀湖中大雨作

天地忽異色元陰合一湖迅雷翻地軸高浪蹴天衝風
雨作還止魚龍喘未蘇但令膏澤徧何政怨泥塗

題法闍黎蘭若

古寺隱喬木到來心地清山河當戶隔樓殿出江城石
澗知雲過松疏受月明了然人境外默坐契無生

岐山感舊詩一首 并序

余以同治戊辰成童薙草問道岐山初聞志老
人說法如日照高山大喜溫身不知門外積雪
三尺老松僵折矣乃乞侍巾餅曉夕親炙於灑
掃春爨一身兼任同學數十人皆一時龍象惟
資生艱難四事不具樹皮蓋屋僅避風雨野蔬
充腸微接氣息雖蛇皮橫陳魑魅環露俱能以
道自衛不之懼也余坐五夏頗有省發乃辭去

順流東下放志吳越山水閒觀大潮十甲申秋
捨筏還湘復經六載計別此山草木榮悴凡二
十度志老人示寂十七年於茲矣今春重來訪
舊存者十僅二三衰病又倍其半而余玄髮成
素亦將老焉去時於仙人石上所植小松今枝
葉扶疏上蔽雲日撫化沾襟遂成斯詠

弱齡喜聞道遙禮岐山師千里懷耿介中心如渴饑既
入獅子窟始決野狐疑凝神入寂妙飛辯應羣機偶遂
水雲性因與煙巒辭遠犯風濤險周覽海嶽奇游鱗思
舊壑翔羽返故枝靈宇虛宏麗哲人久已萎顧余玄鬢

影滅彼青松姿深情抱孤慟幽淚徒空揮夢寐存真契
恍惚昭容儀鈍根諒不棄請以龍華期

岐山禮懶放禪師塔一首 并序

禪師武陵人俗姓毛明末進士與母偕隱開法
於此遺老多依之遇國忌日輒焚香北拜而哭
本傳云爲賈客者乃師託辭其感舊詩有甘爲
浮水萍不作附松蘿天地餘殘梗山河戀夕陽
之句

浮雲一飛散寂寞支公房我我翠觀波中有靈骨香崖
花潤新丹空翠朗餘光孰云神識低道樹猶芬芳伊余
慕高蹈隕涕向遙崗孤忠誰爲宣感歎遂成章

三月朔日於岐山與諸苾芻結期坐禪越二七日
時有契悟喜而詠之

李春天氣佳和風送餘清林鳥宣妙語庭樹敷新榮芳
時難屢得高唱發道情誠寂除有漏社期證無生隙塵
朗清賜松月湛虛明一念成休復六用俱不行圓照泯
能所神解遺身形將循八聖道永與元化冥

五月初九郡守周公偕衡清兩邑侯駕臨大羅漢
寺茶話

聞雲忽驚起太守勸農歸賞我林閒趣來尋竹裏扉池

蓮經雨靜溪鳥掠煙飛坐覺槐陰午蟬聲動翠微
送饒三歸長沙

異鄉一分首日暮碧雲深重憶十年事論交獨此心舊
游餘白社浮世重黃金送子孤舟別蒼波寒我襟

雷池晚眺

層巒忽已瞑稚子語煙深欲問入山路惟聞流水音聞
雲不出岫倦鳥自投林萬古雷池月冷然鑒我心
贈漱石和尚

漱公法門舊頭白卧青岑借問看雲意能無出岫心煙
蘿身外滿歲月定中深不動廣長舌松杉演妙音

雨花林興諸道人坐月

幽情俱不淺夜坐話空林獨有青天月能知碧海心草
深寒露滴樹密早涼侵明日一揮手煙霞去路深
宿岫嶠峯感而有作

今夕復何夕草蟲忽已鳴寒鐙照清睡秋月遞微明未
滅雷霞想其如白髮生來朝飛錫杖又入桂王城

蔡紹先刺史寄九日登雁峯詩索和因次其韻

策馬天南第一峯知君豪氣逼元龍初聞鸛鶴九霄語
忽訝雲煙萬壑封細雨樓臺生暮靄夕陽城郭度疏鐘
良辰恨未陪吟屐祇隔秋山翠一重

湘陰郭侍郎挽詩

萬里生還入玉門，孤懷寂寞共誰論。
空聞宣室求賢詔，徒使乘槎問水源。
千載豈無公論在，九州猶有謗書存。
安危得失尋常事，好見先皇拭淚痕。

送舊使君之安南

安南南去三千里，匹馬西風怯曉途。
象迹漫山連瘴嶺，龍鱗繞日夢皇都。
珠巖木落猿嘯苦，銅柱秋高海氣孤。
爲道君王輕遠物，不教屬國貢珊瑚。

歲暮書寄楊九峯

山川當歲暮，懷抱若爲寬。
檣柁供朝爨，梅花佐晚餐。
苦

吟孤月，冷靜對萬山。
寒門外長松色，期君帶雪看。

壬辰正月十二日謁郡守文公語及徐叔鴻侍御

是夜夢徐作此奉寄

洞庭冰折蛟龍宅，高閣聯吟坐深夕。
驄馬遠踏帝京塵，風雪年年憶疇昔。
衡州太守都中來，語及故人心顏開。
黃河北望不可渡，惟憑清夢繞燕臺。
繞燕臺天欲雨，夢醒月落烏嘯樹。
與馬洲前春草生，猶記停舟送君處。

巾紫峯尋戴山人不遇

巾紫峯前路來尋隱者，行林端猶積雪。
谷口已鳴鶯，直到棲雲處。惟聞伐木聲，煙霞雖可悅。
誰與話幽情。

二月十日戴雨春見過清涼寺

每對南山雪，思爲訪戴行。
那知成邂逅，相與話平生。
饑鳥窺人語，寒鐘送客鳴。
孤吟向明月，惆悵綠蘿情。

贈鄭衡陽襄三首

爲政風流復幾人，山川搖落不言貧。
惟憐彭澤江邊柳，猶是陶潛醉裏春。

落拓江湖四十年，祇論詞賦最堪憐。
春風細雨衡陽市，爭識人間老鄭虔。

鄭虔三絕久無倫，薄宦生涯亦苦辛。
敢謂麒麟終在野，莫吟鸚鵡便傷神。
清風過樹都成韻，秋水爲文自絕塵。

他日相期入林麓，綠蘿分蔭著書身。

李幼蘭明府招住上封寺詩以謝之

名山人寥落而我亦無能，況是朱陵勝慚非。
白足僧幽棲誠可悅，詩債豈宜增。
願乞青鋒劍爲余斬，葛藤

湘鄉過曾文正里居三首

蒼然萬山色，爭擁故侯居。
溪柳風煙裡，庭槐雨露餘。
感時奮忠義，得士在謙虛。
夜靜松梢月，還如照讀書。

山館肅遺像，須眉凜若生。
桑麻今蔽野，子弟舊談兵。
芳草侵階長，春池趁雨平。
後堂扇綠野，寂寞語流鶯。

翊贊中興業，勳名第一人。
恨將三代禮，未使四夷賓。
宵

肝勞 明主艱難念老臣誰能繼雄略殞涕向松筠

訪舜若多會居士重伯卽以言別

偶攜筇竹杖遠下祝融峰豈憶江南別還從嶽後逢喜聞談鬼國愁聽打詩鐘明日一揮手春山隔萬重

長沙重晤秦子質侍讀

不謂水雲身逢君亦有因別來如隔世喜極欲沾巾吟餐俱生白巖花幾度春無窮滄海事不語亦傷神

秋夜懷設園居士

微霜下庭樹蟋蟀近牀鳴以此虛堂寂因之念友生疎狂存古道沈醉薄浮名遙想作詩苦吟髭白幾莖

送程校官之瀘溪

瀘溪此去三千里孤棹猿嘯十二時想到蠻荒吟興發摩挲銅柱自題詩

懷程校官瀘溪道中

瀘水二千里愁君向此行遙憐泊舟處獨聽斷猿聲瘴氣易成雨蠻花難辨名五溪風月好莫動故園情

南嶽雜感四首

荆榛莽巖谷杖錫欲何之豺虎方爲患存亡未可知但持心似石不顧命如絲忝入名山住惟將古道期

太息朱陵勝爭將白眼看好雲多出岫幽谷苦求蘭木

落憐山瘦峯高怪日寒懶殘吾豈敢煨芋問誰餐

層陰合四野萬木已無枝雪重梅初放風微鶴到遲神宮羣鼠竄孤嶼亂峯欺歲暮情無極排愁且賦詩

藤蘿爾何物倚樹敢相纏只益邪林暗甯妨覺路賢霜

寒松愈翠雲淨月還圓七十二峯色青青在目前

臘月十五夜與魏公子謙賞雪作

幽人清不寐寒夜與偏長萬樹梅花色千家明月光仙風吹鶴語虛室度天香坐對南山雪思乘白鳳凰

雪霽送魏公子歸第

朱陵洞口夕陽明青草橋邊草欲生萬樹梅花四山雪

送君歸騎入春城

昭陵道俗請主獅子峯龍華講席作詩奉辭

壬辰

倦鳥初還惜羽衣白雲心事與時違一枝已足棲余老懶向獅林深處飛

高山寺僧持啟敦請入院詩以卻之

壬辰

了然塵事不相關萬壑千巖獨往還猶恐世人知住處

何心更買沃州山

吳中丞登嶽卽贈

癸巳

置身七十二峯巔無復人間未了緣樵客喧傳星使至山僧猶枕石頭眠留殮聊撥鑪中芋煮茗遙分洞口泉

記取他年爲宰相莫言雲窟有枯禪

贈天上人

吾宗多妙德之子獨殊倫般若心精進禪那味苦辛青蓮方馥郁白業豈緇磷欲證無生忍深悲有漏因遙尋紫蓋隱近結碧蘿鄰紫蓋碧蘿俱南嶽峯名衆鳥窺齋鉢千峯繞定身浮雲觀世界流水淨根塵莫戀化城住終當轉法輪

七月初三西禪寺聽明果心法師講楞嚴經作此奉讚並呈天首座法林諸道人

澄什此結轍旃檀萃一林浮空無熱翬助梵有幽禽荷

芟消殘暑雷送晚陰三乘隆白業半偈賤黃金座上曇花現空中寶蓋臨羣沾甘露味大轉法輪音妙契車牛喻澄觀水月心冷然諸顚寂不受一塵侵

乞何詩孫舍人畫吳越山水歌

何郎書畫天下奇書法乃祖畫法黃大癡求書差比求畫易求畫往往不與經年時偶逢佳士留眞迹陡覺茅茨石壁生光輝我有久藏越人所貽刻溪藤十幅請君乘醉染毫時一揮或寫天台石梁雁蕩龍湫之瀑布或寫太湖洞庭風帆來往沙鳥出沒萬頃之琉璃最好八月十六錢塘江上千軍萬馬爭擁雪山銀濤排空來猶

愛廬山眞面香鑪五老九疊屏風開儘能爲我一二皆圖畫吾當燒荷煨芋酌以美酒盈金罍何郎何郎甚勿十日一山五日一水使我拄杖敲門頻相催

方廣寺

古木寒溪一徑深尋碑蕭寺息松陰朱張祠廟秋雪冷誰會重巖踏雪心

高臺寺觀念庵松

高臺寒雪曉相過愛看松枝掛碧蘿珍重枯禪勤護惜念庵手植已無多

嬾殘巖

李火巖高契嬾殘捫蘿遠躡碧雲端一聲長嘯空山月古柏蒼蒼生夜寒

已公巖

已公茅屋碧苔滋門外煙蘿絕世姿山磬一聲松子落經過誰和杜陵詩

答吳中丞問方廣山水

方廣連空深復深黑沙潭水清人心藍與試打雲邊過古木蒼藤野寺陰

輓桂陽州陳中丞詩六章

丹陛辭軒冕滄洲冷隱淪孤忠惟許

國直道豈妨身臺諫榮遺草封疆惜大臣憂時猶有淚
寂寞灑松筠

西望籌邊日東征拜

命初會趨丞相府請上治安書文忠公西事公請專任左格靖嗣西路統

兵各大臣續報還調格靖遂主征討底定回疆魏尙功能就馮唐計豈疎無人

知密畫史論復何如

明珠曾被謗失路阻歸舟戀

關情何極瞻雲意自愁神龍旋赴感綵鷁即乘流正直

迴天願還爲閩海游公東藩被謗歸舟至濟甯州屬之

水漲三尺遂得暢行未幾即拜閩臬之命

秉節臨齊魯從公廢寢與金椎孔同鐵路議休騰公

山東專心治河新督工役積核青岱朝敷雨黃河夜渡

冰勤勞爲王事父老至今稱

白首望仍重丹心死未灰似聞宣室詔不棄賈生才一

病嗟難起千秋事可哀神棲復何處應是返蓬萊

雄略無由覩英靈耿未銷曾防廈門寇親射浙江潮

閩修沿海鐵臺備夷及在公重望德星聚其如大樹凋市人

皆雨泣哀吹動雲霄

輓彭剛直詩八首

男寇方鳴鏑終軍能請纓三湘飛羽檄一鼓下名城公與

塔忠武令軍克湘一功報重湖失公與楊勇擊攻洞庭旋
潭爲軍與第一功公率諸軍攻武昌躬長風吹巨浪併作凱歌
聲

岌岌田家鎮堂堂上將臨長江詎爲險鐵鎖至今沉心

與滄洲遼功同赤壁深重嚴勒銘銘處寂寞野猿吟賊踞

凱鼓鏘鏘鎮鎮進攻大捷勒銘石壁公令孫昌

煙塵犯湖口鼓角莽山隅羣盜散何熾戰湖口諸軍冠

重圍勢亦孤乘流方苦戰破竹忽歡呼長公獨先進語彭

郎聲小姑公克小姑山有百萬軍民齊

十年勞汗馬百戰定驚魂始息竹浪關長令社稷尊青

山間欲臥

黃屋屢承

思萬樹梅花下孤懷誰與論

病骨從顛賴雄心未肯銷江湖淹日月舟楫飽風潮故

壘聲猶肅豪門氣不驕長江開公名字肅然往來誰復

識踪跡類漁樵公常草笠短褐往來江上人莫之識

碧海乘槎日朱陵攬勝時山僧陪杖履水鳥導旌旗甯

復知官大惟嫌得句遲高風千載上應與鄴侯期

忽下

天門詔秋屯粵海營徒聞馬尾戰敢近虎門行鐵艦隨

風遠金戈耀日明

法人犯關馬尾失利公時駐兵粵東
布置甚密法人終不入虎門實憚公

也

籌邊空畫策恨未斬長鯨

公以和議罷兵
爲生平恨事

一代中興將三朝直諫臣
哀時心未已看劍淚沾巾
忍見長城壞難留大樹春
千言遺疏在猶望靖邊塵

與黃正齡孝廉話舊

一別經三載相逢憶往年
親交倍寥落鬚鬢轉蒼然
孤樹花空發浮雲事屢遷
惟餘碧湖月還似舊時圓

八指頭陀詩集卷之六終

八指頭陀詩集卷七

釋敬安寄禪

題柏公東洲禪室

柏公愛幽寂於此置繩牀
石氣沾書潤藤花染衲香
野禽啼落日古樹覆禪房
誰避炎蒸苦來尋竹外涼

送文大令緯之官蜀中

家貧親復老捧檄最憐君
竟作折腰吏徒爲絕頂文
楚天涼雨過巫峽夜猿聞
掛席自茲去何時話白雲

山居四首

獨鶴高飛倦深林野性宜
石厓雲自潤松隙月能窺
靜

覺藤花落寒知日影移
山居味禪寂興到偶吟詩

道念何由熟幽懷誰與論
池魚晨聽梵山鬼夜敲門
破屋牽蘿補微陽透衲溫
客來休問訊妙意了無言

佳樹圓如蓋重巖冷似冰
林鴉爭墮食松鼠嚙枯藤
水月自清宴煙霞絕愛憎
卻嫌雲窟裏著箇苦吟僧

靜境無人到禪扉鎮日扃
痕窺戶白樹色過牆青
苔繡定中石風吟殿角鈴
何須滅聞見吻我兩俱冥

朱亭夜泊書懷寄呈王益吾祭酒四首

征帆旬無日日暮此重經
松栢逾前翠鬚眉失舊青
臨流嗟逝水玩道愧飄萍
捨筏終吾事何論醉與醒

天地有終極江河日下流泰山甯壓卯夜壑竟藏舟易
動孤生感難爲大厦謀白鷗吾愛汝身世任沈浮
不寐翻經帙迢迢過雁聲江楓寒更落漁火滅還明去
住違初念艱難賦遠行一燈深夜裏默默自含情
遠嶼含霜淨危藤倚樹牢微雲生漸密孤月出難高苦
恨入山淺翻令應物勞懶殘當日意悔與鄴侯交

衡陽國清寺感事八韻兼呈朱純卿明府

衡陽古國清過客不勝情共說林泉好其如雀鼠爭嶺
梅寒欲發徑草殺還生白晝狐狸語荒村虎豹行雲含
出岫意猿作斷腸聲零落禪枝蔭淒涼磬鳴金沙誰
再佈紺宇勢將傾欲乞甘棠樹移陰覆化城

吳中丞壽

甲午

南衡壽嶽峙嵯峨絳節油幢記往回滄海一丸觀日出
青松十萬倚雲栽乘槎舊見蓬瀛淺立馬親從太華來
欲問和羹他日事春風先報嶺頭梅

三年霜戟照湖湘八座衣冠擁畫梁力挽黃流還禹迹
功宣紫禁奠堯疆靈椿大壽知難老金粟前身豈易量
待起華嚴樓閣定與公重獻九霞觴

題沈蘊石蕉葉白石硯

奇哉一片石價抵連城重久毓端溪靈曾補綠天空煙

雲旣飄飄龍蛇亦飛縱不知倉頡前此物將焉用

送吳雁舟編修入都

湘春門外柳忽作淺黃痕念與故人別彌令嘉會敦浮
雲信難定神理貴能存好以無爲法長扶 有道尊

二月初四新霽與諸道人陪湘綺先生游浩園還
憩張翁叟東寮作

心閒得靜理城市不能喧逍遙暢天和來與法會親憑
虛縱元覽吹萬亦以勻丹葩耀珍木綠草映芳園潛鱗
渙清荷鳴禽悅新暎眷今物始榮感往情彌敦平生白
社游屢開碧湖尊如何剎那間俯仰迹已陳勝流忻再
集神契諒仍存歡言託毫素聊用譔良辰

花朝日湘綺翁集道俗八人觴於碧湖聽雨賦詩

居士宜春和置酒碧湖濱招要雜繙素消遙忘主賓登
樓坐寒雨眺聽怡心神沈陰亦殊佳山川共細溫空濛
天宇閒出沒蒼紫痕草樹沐餘潤生意方忻農夫荷
鋤立顧語煙中人眷茲天游樂念彼春耕勤吾徒竟何
爲豈不惜良辰夢想衡雲棲歸歟勉日新

豁然居士山莊

真想塵中契幽居物外尋閒門肩竹色靜影息松陰片
石成高卧孤桐謝賞音惟應碧溪月鑑爾綠蘿心

山居喜譚大立三見過

茅屋依巖曲柴門傍水斜病餘生砌竹坐久落庭花窺
鉢從饑鼠營巢護乳鴉故人今辱顧聊與論三車

客齋尙書於南嶽植夾道松三十里感賦

靄靄山上雲曾爲昌黎開青青夾道松今爲尙書栽尙
書篤高誼愛此後凋姿植之於名山豈曰匪所宜感公
意良厚苦心善護持旣患牛羊踐還恐藤蘿欺鋤煙理
荒穢編竹資藩籬敢藐毫末莖合抱知有時不剪柯條
繁終阻出羣枝矧茲蘊靈境鸞鶴當來儀千秋頌遺德
何獨甘棠詩

甲午夏余以事羈長沙適學使張子虞編修登視

融觀日訪余不值特錄舟中望衡一首留以示意

因依韻奉和

南薰云解愠炎蒸何鬱鬱徘徊火宅中慼慼意無悅讀
公冰雪吟煩襟頓以失煙衡置几前靈宇若可卽公懷
自沖虛霞想亦峻潔元覽欣已宏神契誰與結伊余慕
肥遯重巖下其宅應眞迹豈遙微言嗟已絕坐惜芙蓉
萎常憂天柱折芙蓉天柱皆峯名幸瞻嶽祀全遙知障海溢甘
受達人嗤永貽來者逸終爲廬阜雲恥作王城乞偶避
蒼蠅汚久與青山別世事若轉丸歲月如飛瞥長謫歸

去來寄入湘靈瑟

挽鄧彌芝先生二首

世相無常住愁聞薤露篇關心一別後彈指十年前曾
問雲亭字同遊建業船如何方廣約偏乏入山緣
蕭蕭涼夜雨剪紙爲招魂河北游難續江南道益尊談
空思舊社捨筏悟眞源一片清溪月凄然照墓門

贈謝衡山楨一首

達人蘊宏抱緇素所同欽孤松挺勁節幽蘭馥高岑揚
鱗躍清池振翼懷好音敬也誠藐劣負荷亦其心元關
偶失捷浮塵遂來侵湘月履靈耀衡雲飛遠陰至論析

疑義神光霽初襟秋嶽澄晚翠躡禽還故林立功豈望
報爲德亦已深勒銘於山椒聊用竭微忱

將去南嶽入廬山一首

疇昔哀微尙入山恐不深如何二十載遂負平生心坐
爲浮名誤乃使客塵侵如衣敗絮衣行於荆棘林求通
反成礙欲昇彌以沉疾風鼓洪濤萬壑無停音狂流思
迅濟焉能待來今誓辭衡雲棲遠躡廬山岑遠公雖已
遙餘芬猶可欽

南臺寺避暑

質簪萬个森禪房田衣不脫心清涼山鳥一聲新睡起

綠陰滿地藤花香

五月二十五日與蕭兵部浩園夜話

疏雨梧桐夜清言契道深浮雲從世態壞衲稱余心欲
息勞生影惟期寶樹陰他年入廬阜元度莫相尋

贈蕭兵部卽以留別

僧寮每同飯書味與禪清自有千秋業何關一第寒
花期晚秀孤月看微明後會知何處煙波萬里情
易蘊生茂才偕友人登祝融峯詩以贈之

峻極祝融頂相逢話夕曛霧高常隱日石澗每生雲草
木堅逾瘦天香靜乃聞如何入靈境尙欲戀人羣

黑沙潭觀瀑

久美黑沙名芒鞋快此行遙看晴雪墜近覺夏寒生不
動臨淵羨惟餘洗衲情題詩問潭水應證道心清

宿西來禪院

萬樹丹楓色亭亭映夕陽遙山晴更翠寒菊晚猶芳竹
戶雲侵榻松林鶴語霜禪心愛秋月久坐爲清光

青山庵贈見上人

萬山青不斷一徑人幽篁破衲披雲冷寒花墮砌香繩
牀容倦卧玉版喜新嘗爲感高禪意殷勤話夕陽

九月二十日與法輪慧朗二上人古佛林晚眺

高步縱遐矚聯吟愜道情孤峯敝夕翠落木墜秋聲擇
樹昏鴉急春雲野碓清卻隨樵唱返煙寺月微明

宿古佛林次前韻

邱壑容吾卧煙蘿不世情已忘蕉鹿夢惟聽澗猿聲野
竹浮煙暗山泉入簞清微雲碧虛淨孤月自圓明

瑞華寶華二上人陪伍司馬入山疊前韻

萬緣久休歇惟有故人情欲作絕交論其如伐木聲偶
因車笠至留話石泉清不覺碧雲暮松窗夜月明
宴坐有得

蘭若凝禪寂柴門鎖日關定中惟見水身外忽忘山神

理雖自悟太虛甯可顏了然清淨義不在語言間

謝衡山解篆燬省感賦是詩

兩載名山賴護持離歌未唱意先悲他年天柱峯頭石
惟作羊公墮淚碑

雪中過古佛林五疊前韻

林壑皓以潔超然適我情庭鴉微有影巖溜靜無聲羣
木勢已折孤梅氣益清何須然慧炬不夜月常明

歲暮懷陳吏部漢陽六疊前韻

久懷陳吏部歲暮若爲情積雪凝寒素孤鐘傳遠聲衡
雲飛翠冷漢水照人清黃鶴樓頭月還應似昔明

過廣濟寺

廣濟宜禪悅幽深罷送迎雲連虞帝廟安上峯有舜廟相傳舜巡狩駐蹕於此山削禹王城此寺峯巒削翠狀如城郭古木無樵傳禹王治水經此故名採荒溪有鹿行巖僧長避客不問野人名

色空無碍頌

樹枯自回春心空豈滯境靈溪雖湛然不拒花枝影

田靜法師頌請龍藏回山賦詩紀勝

并序

甲午冬岐山靜法師駐錫京都恭逢

皇太后六旬慶典奉 旨於萬壽寺祝 嘏蒙 賜藏

經一部 御書福壽墨寶喇嘛所貢無量壽佛

千尊 勅令供奉山中爲民祈福復 賜萬壽

寺額紫衣鉢具團龍法服以示欽崇明年二月

恭齋還山冠蓋傾城出送南郊時香花夾路幡

幢盈空道俗歡迎百里不絕誠勝事也因爲詩

一首以紀 恩遇

金山一寢耀迷雲障大千哀哉長夜中慧炬誰能然猶
欺靜法師宿植元根堅挺生於頽流誓欲迴百川念茲
微言墜憫彼邪見纏乃宏求法願慨焉凌風煙徘徊岐
路間顧影心自憐持錫入京都乞食恆苦寒精忱召靈
和神足回迤邐叨逢

佛母誕得預名僧筵蟠桃敢竊獻伊蒲容勝餐 龍藏
荷寵錫象教崇敷宣青松果東向白馬遂南旋香花夾
通衢仙梵盈遠天日月揚光彩草木競芳鮮殊勝信罕
遇妙密固已圓冥照鏡愈顯輟響聲彌傳請爲智者說
庶用忘言詮

感事一首酬衡陽令朱太史益濬

乙未

我身如浮雲起滅任所之香塗等力割眞喜兩俱離惟
有君親恩欲報嗟無時憂來曷由拒淚積不能揮上念
宵旰勞下憫征役疲氛埃晦宇宙腥羶混華夷鴟梟
苟得勢鳳凰無寧棲大鵬在其側欽翹猶徘徊忍見百

鳥王坐受微禽欺猗歟朱夫子慨然動深哀忠義夙自
許肝胆誰爲披敬也亦何人欲令樹藩籬聚塵甯培嶽
測海眞慚蠶感公意良厚中心常依依昨夜松間卧合
眼神飛馳飛馳過弱水水色湛瑠璣墮爲難陀龍以身
繞須彌長鯨犯波來吞食靡有遺夜叉服神力稽首遙
皈依修羅亦恐怖竄入藕孔絲海氛旣已淨天宇方澄
輝梵唱警禪悟皎月猶懸枝夢想雖非眞殊足慰人思
持用答嘉藻才鈍幸勿嗤

寄懷明州呂文舟胡魯封二首

并序

光緒丙子余駐錫明州從與了法師呂文舟徐

龍仙胡魯封諸子游以文舟居近東林寺用做
遠公故事結社吟唱精進極一時之勝自龍仙
歿後余歸南嶽忽忽十有一年與公示寂又七
年矣乙未之夏與公弟子心愷續緣二上人自
明州數千里訪余湘中歡會須臾旋即話別爲
言文舟魯封近益衰老思余日甚每遇湘僧問
訊不置有恐今生不能相見之語乃不禁愴然
涕下因爲一絕寄文舟一律懷魯封以敘生死
離別之感蓋亦不自知其言之爲悲也

二十年來故舊疏湘雲海月恨何如道公已死遺民老

愁絕衡陽一紙書

自從徐孺定交期每惜陳蕃下榻遲

龍仙晚年常館魯封家謀其子女

看竹品泉猶昨日招魂翦紙忽今時存亡異地應同感

寂寞空山祇自悲欲續東林蓮社傳西風吹鬢已成絲

將由南嶽入海述所懷兼呈陳符戴文諸外護

忽忽三年過蕭蕭兩鬢華名山休再往勝地漫相誇易
植貪噴草難萌智慧芽霧高常隱豹洞險每驚蛇久認
巴人芋頻勞長者車忘軀全嶽祀歷劫幾河沙僥倖功
能就倉皇念已差拂衣辭洞壑灑淚別煙霞獨鶴誰爲
侶孤雲何處家滄浪看濯足碧海擬乘槎回望祝融頂

行吟湘水涯惟攜舊藤杖仍舊破袈裟事定情彌怯詩
成手自叉吾生淡如寄此去莫咨嗟

前詩意有未盡因疊韻爲游仙一首

高吟辭五嶽一葦去中華海月行將拾蓬壺勝可誇蟠
桃初結實瑤草始抽芽貝闕凌雲日琳宮卧虎蛇真人
揮羽扇王母走雷車鶴舞三珠樹龍盤七寶沙星辰手
堪摘凡聖念休差煉藥開丹竈凝神漱碧霞松喬俱得
道劉阮悔思家徐福曾登嶠張騫遠泛槎冥冥天有界
渺渺水無涯精衛徒銜石靈龜不受爻冷風吹梵唄清
淚溼袈裟恨未聞真諦仙游祇自嗟

登高臺寺有感

客心浩無極日暮此登臺寒樹蟬初歇秋風雁欲迴雲
開千嶂出相轉一帆來借問祝融氏誰憐歷劫哀

憶天台

天台四萬八千丈巖者幽尋悵孤往躡屐逕侵積雪前
捫蘿直踏層雲上石梁誇壑凌紫煙下有千尺之飛泉
鉅幽鑿險詎人力太古靈竊信自然奇哉赤城鬱神麗
秀色難名豈空翠應眞羽客紛來儀瑤草琪花常不萎
華頂摩空星斗寒登臨始壯平生觀乾坤俯仰但一氣
吳耶越耶青漫漫忽而昆嵐吹海立雷火燒空雨聲急

妖藏鬼匿長河懸虎嘯龍吟百靈集須臾淨洗羣峯環
乃乘白鹿辭名山爾來屢論草木改風塵行關周朱顏
每念舊游長太息夢痕夜度剡溪碧真人天際坐相邀
指點神巒是吾宅袈裟猶掛枯藤枝山阿寂寥猿鳥悲
寒山拾得今尚在歡顏出揖開巖扉落英滿地無人掃
苦言忘歸惜余老定裏微嫌天樂繁人間那憶仙山好
何處鳴鐘喚我醒松風還作海濤聲煙霞一覺渺無迹
迴首東南空復情

浩園夜集次湘綺翁韻呈龍陽方伯遜叟易公

禪棲罷清梵寒夜訪幽人共有名園興來同法會親煙

痕淡可掬梅影瘦如皴居士真摩詰玄談妙入神

林鏗然欲燼池鳥寂無聲自契空中賞誰知物外情苦
吟霜入鬢久坐月窺心地超諸蘊如何可強名

贈吳庵觀察疊前韻

風雅久寥落沅湘復此人高吟追屈宋痛苦爲君親壯
志愁將盡童顏忽已皺千篇餘楚些讀罷欲傷神
微月生寒樹哀笳飛遠聲誰將家國事來繫水雲情莫
漫填悲海相期憩化城三生圓慧業蓮萼共標名

感懷疊前韻

巖谷思棲隱藤蘿苦絆人且將窮作達轉與道相親落

葉紛難掃寒山翠自皴誰云國臺俗秋水鑑吾神
我亦哀時客詩成有哭聲寒暄看世態生死見交情野
鶴愁將侶閒雲悔入城會須冥物我妙善豈能名

贈白鹿海尊者次見贈原韻

夜吟青嶂月曉漱碧潭煙念子入林趣慚余涉世緣誰
憐支遁鶴空撫伯牙絃寂寂湘江晚西風爲颯然

臘月八日爲遜叟七旬誕辰素蕉法師招湘綺葵
園兩先生李藝洲觀察黃芷舫孝廉及余於上林
寺介壽因作是詩

世尊成道日遜叟誕生辰細雨釀微雪寒城近早春且

發常住飯休論未來因人惜支公墮叟自云前身
爲支道林更轉輪叟有來生作轉
論正之願故云何堪

八指頭陀詩集卷之七終

八指頭陀詩集卷八

釋敬安寄禪

丙申上已與宛如葦江照迷淨塵諸開士於迴龍

精舍稷集

小憩阿蘭若忻逢上巳辰流杯遵曲渚蹠屐入荒榛蘭
氣薰衣細桐花照眼新雛鶯初轉樹乳燕欲親人仙梵
自流響管絃焉用陳芳時難屢得羣彥盡來臻俯仰碧
虛際徘徊綠水濱古今同一幻世界若微塵聽瀨禪更
寂觀雲悟益真卻憐王逸少猶是永和春

寄曾公子

一別曾公子名山受累深惟修平等行自契妙明心真
賞固已在沈吟遂至今聊將無著意寄入沒絃琴

蝸爭蠻觸任紛紛時事於今漸懶聞自拭一雙清淨眼
笑看孤月出浮雲

寄懷徐十一侍御樹鈞

往者徐侍御逃禪契懶殘每勞驄馬至長作白衣看極
浦春帆遠高樓夜雪寒懷君當此際千里夢長安

送周卜菴茂才還長沙卽次寄其舅氏徐侍御原
韻

輕敲林下磬客夢恐驚殘秋葉和愁墜離情當醉看溪
雲侵榻冷山月照人寒五字吟難穩詩魂夜不安

題大瀉密印寺四首 並序

甯城之西百六十里有山界於資水梅山之交
曰大瀉蓋以瀉水而名焉昔司馬頭陀謂其水
作優鉢羅華香其上必有勝境乃泝流入山果
得其奧預記爲千五百人善知識住處後於百
丈會中見靈佑禪師識爲是山主人適師以錫
倒淨瓶爲丈所許遂命來居時山谷荒翳篳絕
人煙拾橡栗充食經六七載無過問者自念居

此爲宏法利生旣斷往還獨善何益卽捨而他
往旋爲蛇虎所遮留山民知之共營梵刹未幾
遭毀教之變裹首爲民迨相國裴公休節鎮潭
州時值宣宗釋禁遂以己輿迎師出山親爲荆
染廣崇檀度重嚴像設從師咨受心要並捨其
子出家是爲裴頭陀卽法海也師令汲水供眾
其姊見而憫之鑿石爲甕以代其勞今寺後有
美人甕乃其遺蹟師得裴公外護法道大宏嘗
以水牯牛語示眾林下拈頌傳爲佳話門人得
法者多仰山禪師其尤著者天下稱爲瀉仰宗

焉師示寂後塔於山南謚大圓禪師塔曰淨惠
故相鄭愚爲撰塔銘數傳而有真如詰禪師應
詔入都大闡法要至宋崇甯中寺火而燼潭帥
曾公孝蘊延廬山空印軾公主法梵行嚴密法
運重新神宗親灑宸翰賜西甯律師之號洪覺
範爲撰中興記紀之甚悉明之季世復燬於火
皇清受命顯揚聖教大宗伯李公大司農周公給諫
車公太史陶公皆力圖恢復而五峰禪師自四
明天童來此與養拙明公慧山海公前後住持
百廢具興法筵稱盛一鐙五燄輝耀至今其時

宏覺國師恭齋 大內所賜金欄僧伽黎衣一
襲來鎮山庭雍正十一年 御製瀉仰語錄序
加 謚祐禪師曰靈覺大圓乾隆四年道光八
年前後 頒賜藏經二部鑿儀護送來山四眾
踴躍得未曾有非福地鍾靈孰能致如斯吉祥
殊勝也是山四面峰巒峻密如蓮華海藏重重
無盡獨毘盧一峰迴出雲表尊如萬乘密印寺
適當其麓誠所謂法王都矣余生平所閱名山
古刹不可勝紀未有絕巘層巖之上忽廣博嚴
淨若此者恨昔年山居不久其間巖洞之深邃

水石之清麗未能一一躬踐其勝每一念及又
未嘗不引領霞外而神往也乙未秋來尸祖席
禪誦之暇與二三道侶援蘿附葛履險窮幽此
山眞面始豁然於心目而無餘蘊不意余於滄
之選勝其因緣遲暮乃爾一日定起撫靈杏梅
檀之枝對天人送供之石得七律四章以志陵
谷變遷之感俾後之覽者知名藍法運隆替存
乎其人必有以道善爲護持不至使琳宮寶刹
鞠爲蔓草荒煙是則山川之有待於來哲云爾
靈祐禪師古道場象龍蹴踏豈尋常毘盧峰勢凌霄峻

優鉢羅華徧界香此日天人爭送供當時橡栗拾爲糧
淨瓶踢倒渾閒事贏得瀉宗一法長
唐時宰相裴公美曾捨伽藍佈地金石覓引泉來法乳
梅檀留蔭護禪林悠悠空翠澄昏曉擾擾浮塵混古今
欲續眞鐙傳佛印幾人能證妙明心
趙宋名臣問法來高僧豎拂講筵開天章宸翰凌雲日
紺宇琳宮闢草萊儘向華嚴窺法界
寺前華嚴坪即華嚴閣故址相傳昔有神僧於此放光示現華嚴法界 誰從燒劫辯陳灰可堪明社陵夷日
一炷人天百萬哀
聖代龍興像教新

佛心天子轉祥輪金襴法服來

丹陛寶藏瑤函出

紫宸萬古滄源流不盡千年靈杏樹長春

寺後有祐祖手植杏樹一

株大十餘圍中生梅檀雜木數枝相傳樹之榮枯爲寺中盛衰之徵云

願將微妙伽陀頌

留作生生讚佛因

謁裴公墓

裴公塚對南軒墓祇隔秋雲一片山松徑巖扉俱寂寂

幾回蘿月悵空還

坐夏偶占

日長無事掩巖扉沈水香清暑氣微一雨綠生穿徑草

萬山青上坐禪衣卻看野鶴婆娑舞閒放孤雲自在飛

誰似幽棲林下客渚煙蘿月淡忘機

客有問滄山勝者賦七律二章以答

援鳥猶嫌館宇喧此中真趣共誰論澄潭雲淨龍歸鉢

幽谷風生虎嘯邨四面奇峰爭入座一渠流水自當門

客來欲問滄山勝手把芙蓉笑不言

峭石幽泉結四鄰蓮花佛國淨無塵長松細草自春夏

野鶴閒雲誰主賓萬竹綠撐巖下水千峰寒繞定中身

祇於文字留殘習爭寫蒼山面目真

滄山題大圓禪師影堂

蛇虎曾知夾道留風雷長爲護龍湫濛濛細雨林塘晚

寂寂寒香桂宇幽赤手開山來百丈白頭飯佛許裴休

不堪滄水空憑弔一夜秋聲繞寺樓

裴公菴

裴公菴外水潺潺猶憶辭榮問道還心印早從黃蘗得

靈棲近在翠微間高風已邈誰能繼明月孤懸意自閒

俯仰雲煙念今昔杖藜無語對秋山

滄山水牯牛頌

識得滄山牯林間任自然身毛亦將白鼻孔也曾穿牧

笛斜陽裏閒情野水邊一犁微雨足不負祖翁田

夢洞庭作

洞庭滙眾壑雲夢氣能吞吳楚星辰溼風濤日月翻遙

看青草浪混作碧天痕莫恃重湖濶終須到海門

九月初六日由滄山越茶洞宿磨刀澗至芙蓉山

尋仙木嶺憩廣化寺作詩六首以誌幽賞

欲攬芙蓉秀甯辭山路長溪藤牽帽落巖溜澣衣涼寒

樹墮秋葉幽花吹冷香茅茨隱深谷云是野人莊

忽忽千峯裏行行萬隴巔修篁巧障日渴壁暗欺泉小

市過微雨孤村生暝煙黃昏山月上照我草堂眠

野碓驚殘夢霜楓醉曉霞遠山分樹色落月映蘆花流

水半灣曲炊煙幾縷斜山家秋穫少得食飼鸛鵝
裂石雲根斷盤空磴道懸筍與肩屢歇布衲脫仍穿亦作
危橋臨澗瀾孤岫削天圓虎跡留苔徑龍湫吼瀑泉平
以前二句景真因並留之

生好山水遇勝輒流連

煙蘿轉深邃巖岫益崢嶸末雪泉先凍無風松自鳴林
棲依板屋生計在巖耕雞犬遙相接蕭閒物外情
幽尋真可樂靈境信難窮丹嶂搖仙木青山捧梵宮果
香猿引隊林靜鳥呼風地僻宜禪習吾將老此中

九日芙蓉寺偕若舟省觀二侍者陪宛法師尋熊
居士游青龍峽觀眠雲榻納瀑巖仙人迹三首

小憩芙蓉寺言尋洞壑幽偶隨林下友來作峽中游遠
嶼寒凝翠飛泉冷噴秋黃花應識我照影向清流
危橋橫谷峻峭壁倪潭陰誰鑿重巖險能寒壯士心古
藤穿石隙崩岸墜猿吟欲覓仙人迹蒼苔掃更深
水石澄禪寂松蘿絕世姿眠雲呼不起倦鳥欲何之獨
坐溪邊石閒題洞口詩月明鐘梵近歸路意遲遲

登雲霧山遇方煉士

哭兀爭衡嶽蒼茫瞰洞庭雲生天地白山壓楚吳青絕
壑愁風雨層巒礙日星時逢赤松子談笑破空冥

題遜叟匡廬詩卷

老興復不淺東游尙有詩小孤青入袖五老秀橫眉聽
瀑心彌淨看雲契益奇遠公去已久誰與白蓮期

杪秋偕照僧值若侍者陪宛公往香嚴巖觀瀑因
窮瀉源窺石鏡乘月訪楊山人不遇作詩一首

杪秋天氣佳時菊猶芬芳悠然動逸興閒雲隨我翔重
巖削虛翠飛瀑鳴高崗綠筱破荒澗白日黯無光陰森
難久留溯溪窮源長溪行倏已暝林際下微陽攀蘿窺
石鏡乘月款松房所思不可見露下沾人裳徘徊覓歸
徑寒樹煙蒼蒼

大瀉山居次龍陽方伯遜叟垂辛淨影原韻八首

靈源久忘照空翠猶未淨茲意人不知自問寒潭影
焚香掃竹林幽石苔痕淨久坐衲衣寒松風梳鶴影
日暮天微陰遠山寒更淨欲雨松先鳴清溪度雲影
月出山鳥鳴夜禪心愈淨野桂寒有香溪雲澹無影
侵晨漱寒碧潭水空且淨清機不能言靜對溪花影
雲中鐘梵寂塵外煙蘿淨一鳥下莓苔啄破松枝影
湛湛池中水秋來轉明淨皎然一物無祇有青山影
習定林下居萬緣如洗淨誰能逐狂猿自捉月中影

麓山晚眺疊前韻

日暮蒼翠紫霜楓紅轉淨夕陽如畫工畫出秋山影

清湘白露寒暮色窺人淨紅葉滿天飛疑是秋魂影

瀉山過精一律師故居並題其優鉢羅花室日記

忽忽歲云暮寒蟲鳴我牀住茲曾幾何四山青復黃人生若浮漚鬢髮忽已蒼念昔素心人憩此松下房論道鄙章句撫化證元常豈惟數晨夕亦欲同津梁遠掛南海席共泛東吳航講筵析眞義四座聞天香方期昏衢中長瞻慧日光高秋八九月禪枝殞勁霜生死一朝異沈痛結中腸孤雲思無依獨鶴誰與翔甯知泡影謝復覩羅花芳追念平生親墨迹猶數行悲來不能語涕下沾衣裳

長沙重晤崔貞史大令

漆園傲吏後崔侯實繼之不折平生腰能展丈夫眉榮名焉足寶古道方自持奈何白珪質忽作青蠅疵罷官歸沅湘恆忍臣朔饑著述日宏富力詆邪說非胸中浩然氣尙欲塞兩儀昔從遠公遊

謂上林西公

蓮社俱棲遲日

月曾幾何老病乃見欺故人無一存高冢俱纍纍

謂當時同公

念此不能言涕下如縷縻歡會苦不久須臾當睽離黃鵠一冲舉白雲安可期願言植松柏各保歲寒姿

山居志喜

林際寒鴉語天涯遠信傳故人來下榻斷句補成篇菊

放重陽後梅開小雪前雛僧有夙慧解問大乘禪

山居秋興

木落山寒早幽居有所思世情雲共薄秋意菊先知久病甯妨道多窮豈爲詩興來仍杖屨不負野人期

由大瀉之廬山別臨川李梅癡太史

並序

輕舟載雪孤衲生雲山川遠適杖錫還征旣苦

天寒彌傷別促擲筆三嘆喟焉長懷

江寒天又雪林鳥寂無聲念此閒中趣彌傷別後情山川已搖落雲水尙孤征今夜扁舟月懷人應倍明

臨川太史胞姪仲乾年方十六爲余書錄近作並

次淨影韻詩一首見贈作此奉謝

每訪竹林舊尤憐小阮賢從人乞佳紙爲我寫新篇對月步淨影焚香契默禪終當繼阿叔同作玉堂仙

余將隨哭庵觀察游廬山爲事阻不果感賦並寄

歸宗修法師

屢欲登廬嶽征帆挂又收難酬蓮社約空憶石門游健翮思黃鵠閒身愧白鷗終當尋惠遠一笑虎溪頭

薄暮瀛仙閣禪坐望麓山殘雪

西峰殘雪在危坐倚空冥微雨度高閣孤煙生遠汀定

回山月白寒入夜燈青寂寂一鐘動冷然契獨醒

十二月十六夜銀杏齋與梅癡子坐月

良夜興不淺清言漏已深青天抱圓月照我湛然心幽竹淨寒翠疏鐘動隔林微霜引歸步寂寞吐孤吟

故人陳梅根過於長沙索詩作此贈之

梅根居士余同里四十年來總角交今日相逢人已老記騎竹馬到衡茅

過甯鄉縣贈邑宰劉牧村明府

寒城雞犬靜野寺枕雲眠瀉水穿橋下青山拱縣前市人多種菜村女半輸棉欲美文翁化松風入管絃

感事二首

寂寂人將老栖栖歲已淹心空翻得謗交密轉生嫌蘭蕙經霜殞藤蘿過雨添甯知造物意不是考詩嚴此身猶假合身外復何論那惜浮名損聊酬宿世冤有情皆是障無佛便爲尊雙樹今搖落人天但淚痕

對雪書懷

四山寒雪裏半世苦吟中鬢易根根斷詩難字字工心肝徒自歐言論有時窮寂寂平生事蕭然傳夜鐘

余於丙戌年得鬚易根根斷詩難字字工二句至

丁酉正月瀉山對雪始足成一律蓋冥心苦索已十年矣誦賈閻仙兩句三年得一吟雙淚流語而

淚爲之流及讀杜詩問法看詩妄觀身向酒慵之

句覺世諦文字真如臆語因再成一首用紀吾過

自爲懺悔

十年成一律五字得長城轉念心何苦微吟淚卽傾且愁荒道業未必博虛名我法看詩妄能傳不足榮

春山漫興二首

此身於世復何求悵臥春風別有愁碧樹無情鶯自語青山不動水長流眼看稚笋凌雲上手種籬松出屋頭垂老煙霞筋力倦懶從大海聚浮漚

地僻離喧雜心閒與道俱輕風吹鶴羽微雨潤花鬚溪

柳自垂戶山泉清人厨繩床纔定起皎月出雲衢

過楊山人居

苔密茅簷淨溪迴石徑斜春風不到處枯樹自生花小憩得禪境高吟玩物華林塘清興洽欲去戀煙霞

北湖

北湖煙樹碧氤氳鷗鷺還思舊日羣竹柏迎人猶自翠藤蘿得勢便凌雲嬾從冷暖窺時態閒與漁樵話夕曛萬古沅湘蘭芷地晚風寒露惜清芬

松林首座曾禮峨嵋九華普陀諸聖蹟最後登五臺尋金剛窟文喜禪師見文殊師利問前三三後

三三處

白髮頭陀久放參青山祇在碧溪南此身曾入金剛窟
會得前三與後三

滄山與復初西堂話舊

二十餘年別此山片雲無意又飛還故人獨有初師在
萬壑松杉憶舊顏

懷壺天遯叟二絕

桐花已落棗花香谷口鶯啼又夕陽不見雲中仙輦下
遙空一髮海山蒼

夢向壺天訪遯翁霜寒鶴背五更鐘醒來依舊蒲團上

滿耳溪聲入亂松

送豪素上人歸旗山

三年一彈指相見鬢毛斑歲月亦何速身心殊未閒幽
情忻共話詩債苦難還明日晨鐘動溪山悵別顏

五月二十七夜夢中重游焦山得五律二章

鐘梵晚蕭蕭淒淒迷野望遙日含瓜步雨風拒海門潮驚
嶺春常在龍宮土不焦江山有如此何用訪松喬
大江流不盡萬古一含情月照金山寺波寒鐵甕城風
帆隨鳥沒漁火雜星明誰念浮杯客重來白髮生

憶金山寺

遙憶金山寺樓臺倚夕曛浪花翻似雪江柳碧如雲日
落蘄王廟潮迴郭璞墳何時青筇笠來訪白鷗羣

禽智清上人次見贈元韻

無影枝頭花正開箇中消息費疑猜維摩不語原非默
慶喜多聞未是才海底泥牛銜月走巖邊石馬帶雲回
莫將文字參真諦無縫天衣不假裁

金華菴小憩別補蕪上人二首

遠尋樵子徑小憩化人城細草敷禪榻寒泉入梵聲溪
霞含夕霽山月吐孤明靜對諸根寂鐘煙一縷生

晨鐘呼客起晴鳥語煙和巖溜初成瀑池蓮乍吐波苔

深游屐少樹雜野雲多愛汝碧山靜何時復此過

七夕夢中偶作

丙申

萬頃煙波一葉行一波未了一波生無端夜宿蘆花岸
錯認蘆花是月明

湖亭晚眺

丙申夏

蓮葉滿湖風露香望湖亭上望瀟湘暮雲捲盡天如水
白鳥一雙飛夕陽

入指頭陀詩集卷之八終

八指頭陀詩集卷九

釋敬安寄禪

詠白梅

了與入境絕寒山也自榮孤煙淡將夕微月照還明空際若無影香中如有情素心正宜此聊用慰平生

過湯泉少保第奉題十八韻並贈其公子鐵史秀才

偶別青蓮宇來尋綠野堂萬山凝積翠一雨送微涼驚嶺欺霞峻湯泉沸玉香斷橋橫野水孤笠冷斜陽竹露沾衣碧苔痕映戶蒼粉牆滋薛荔舞謝罷笙簧風定鑑

煙直波澄若帶長松陰酣鶴夢巖密蟻蜂房羽客售琴料林僧獻藥方刀瘢恆自匿劒匣每騰光大樹人爭蔭幽蘭氣益芳臣心甘隱趣帝德眷賢良暫息簪纓累仍趨鷺鷥行荆吳資鎖鑰江漢重巡防曾忝元戎顧深慚淨業荒登龍奇令子愛馬惜支郎白社情相得朱門道不妨他時雲窟裏煨芋待君嘗

尋湯泉經冷水井感賦

欲試湯泉水因間冷井香禪心無去住世悲自炎涼轉覺詩情淡彌知道味長溪邊值漁父聊與話滄浪

題螺溪寺

微陽下林麓古寺倚巖阿碧澗鳴寒玉青山湧翠螺金容俱寂寞寶閣尚嵯峨欲拭殘碑讀淒風動薜蘿

述懷次葦江上人元韻

吾道竟何適老懷難強寬誰能得骨髓祇自歎心肝壞衲眠雲冷孤松過雨寒栖栖十年事未得一枝安

重宿護國寺

星移斗轉欲三更玉露無聲夜氣清二十七年重宿此碧梧涼月不勝情

夜坐

幽人夜不眠愛此碧虛月涼風一颯然吹動梧桐葉

送胡漱唐太史歸江右

與子初相識那堪又送行楚山青不斷湘水碧無情待訪石門勝同尋遠社盟匡廬在何許悵望白雲生

六月二十二日哭金觀察集道俗十六人於浩園精舍銷夏

名園開法會勝侶集禪房曲沼過微雨碧梧生晚涼藤陰移榻影荷氣襲衣香一笑諸天暝松寮露佛光

贈別李二翰林瑞清

涼風入庭樹忽覺葉皆秋念此歲月晚增余雲海愁故人江上棹高柳雨中樓相望情何極殘陽下橘洲

秋懷一首寄易由甫

悵臥滄江歲月道神巖回首憶前游
罡風幾見瑤華折
明月長懸碧海愁
天上星移方惜別
淮南木落又悲秋
道人別有傷心淚
石爛松枯灑未休

秋夜哭俞用賓大令

仁者得其壽
斯人獨不然
微官初掛籍
一病竟周年
野寺秋雲冷
空江夜月懸
平生念知己
淚灑綠蘿煙

八月朔白霞寺入院作

巖谷卜余宅
煙霞慰我思
暗泉依竹細
寒蕊著花遲
倚石看雲幻
穿林念鳥疲
勞生空復爾
莫負綠蘿姿

秋日懷林莊江

湘上西風急
颯然涼雨過
意中故人遠
愁外亂山多
一葉生秋思
重雲阻嘯歌
何時數椽屋
相與傍煙蘿

山居秋暝

雨過林塘晚
猿鳴館宇幽
地寒黃菊瘦
僧病白雲秋
落葉下枯樹
微陽生暝愁
昏鴉亦何事
相對語啾啾

大海篇贈俞翰林明震

并序

太史別余八載
昨自台嶠新歸
感時話舊相對
淒然

大海何涯涘
孤懷寄遠深
徒勞精衛力
誰見魯連心
鯨

浪吹難息鵬搏勢
易沈滄桑今昔事
回首一沾襟

瀛仙閣晚眺

微雨過汀洲
涼波帶葉流
眼看孤鳥沒
心共片雲留
天地餘殘照
江山非昔游
臨風一揮涕
不獨爲悲秋

九月十四夜訪高葆吾

幽人喜涼夜
閒步信孤筇
細雨寒林葉
微霜遠寺鐘
偶聞蘭雪詠
聊駐水雲踪
惆悵吟歸去
千巖冷碧松

徐叔鴻方伯以麓山紫芝詞見寄賦此奉答

萬木氣蕭森
孤吟對夕陰
寒隨秋雨重
愁入亂山深
獨鶴難求侶
昏鴉易擇林
聞君紫芝詠
動我白雲心

江亭

江亭聊遠眺
暝色鬱蒼蒼
孤嶼吐寒翠
萬山爭夕陽
旋看秋月朗
空使野雲忙
萬古瀟湘水
東流接海長

江樓夜坐

霜冷葉初丹
江樓獨倚欄
暮雲飛鳥倦
秋雨燈寒林
下安禪
好天涯
乞食難
年年重九菊
不向故園看

贈高葆吾

挂冠歸故里
閒適有餘清
對月常孤酌
看山每獨行
喜留禪客飯
懶問達官名
一笑緣何事
枯吟鍊句成

暮秋書懷

渺渺身何往蕭蕭鬢已斑
亂雲生樹密秋雨閉門閒
有幾部訪道無心更買山
祇愁孤笠影之食到人間

題素蕉小綠天庵圖一首
碧真人天際坐相邀

懷素工書草聖傳素蕉作畫
欲通神老僧別有西來意

祇向東林種白蓮
頭山揖開巖翠落英滿地無人掃

不羨雲煙筆底生
讓地書畫並馳名惟思掃石蕉陰卧

靜聽蕭蕭夜雨聲
武進白雲山僧寄題

古詩八首

九月二十八日過芋香山館訪梅癡子適黃子

耘茂才亦至掃石坐雨慨言時事仰跼浮雲俯

觀利土得詩七章以示依正無常之感

涼颼激庭柯忽覺山寒早落葉墜閒愁紛紛不可掃念

我白蓮傳幽居恣元討欣然冒雨來清言契蘭蓀黃公

亦以至相與傾懷抱凡流眾所趨至道誰能造人我每

固執夢想徒顛倒憫彼芭蕉身生意日枯槁灼灼霜中

華甯復幾時好
已跋于篇餘卷些讀罷欲傷神

憶昔芋園東
芋香山館為輔
堂中丞故宅
挂冠早還鄉於此抱幽獨

養真善自藏著書以自娛草木隨青黃冥心探理窟虛

室朗神光片言折羣論狂瀾為不揚至今沅湘地蘭芷

猶芬芳斯人不可作慨焉情內傷
主轉與道相親客

秋雨已成霖晚稻猶未穫
茅茨斷炊煙曉鷺鳴鳥雀盈
賊恐縱橫王風益蕭索客處昏擾擾元氣隱凋削升人

術雖神安能填漏壑苟令邦寶元何辭混沌鑿悵望蒼

天高浮雲紛漠漠

南嶽有丹鳳孤飛求其羣
噉啄日流血百鳥如不聞下

有禿頭烏衛木棲層雲欲以培元棲見拒視融君大厦

須羣材區區何足云

昨夢升初利始信修羅高海水雖至深僅乃齊其腰舉

手摩須彌日月皆驚跳帝釋亦畏弱欲偕諸天逃忽見

金剛身持杵乘神颯眾怨悉摧伏長揖辭丹霄功成猶

兩泣轉念天王勞

聖教入凌替邪說亂吾真
神珠不自識魚目爭為珍海

若揚洪波昆嵐鼓劫塵五洲一腥垢萬古同酸辛哀哉

閻浮提誰為覺斯民

我不願成佛亦不樂生天
欲為娑竭龍力能障百川海

氣坐自息羅刹何敢前
誓中牟尼珠普雨粟與棉大衆

盡溫飽俱登仁壽筵
澄清濁水源共誕華池蓮長謝輪

迴苦永割生死纏
吾獨甘沈溺苦提心愈堅何時果此

誓衆聲佛連連

題陳笠唐觀察東山草堂十二詠

東山雲岫

劫火焚大千浩歌淚如瀉悠悠東山雲出岫何爲者

五華聳翠

僊人嚴佛地欲問如來義手把五色華散爲江上翠

鯉林聽禽

鯉林幽且閒綠蘿蓋茅屋山鳥一聲鳴野花紅簇簇

紫嵐夕照

夕照烘晴嵐流光雜蒼紫遙峰數點煙出沒空濛裏

黃嶠環帶

青山亦好奇環繞自成帶誰能解之去挂向金山寺

黃鸝春曉

春與清溪深天共白雲曉晴鳥語煙開萬山青不掃

桐山卓筆

高山削成筆大海滴爲墨欲寫妙明心觀心了無得

戴工野燒

北風夜中起戴工火勢勁荆棘一以焚轉愛寒山淨

新林屏玉

美玉蘊石中誰能識其妙仙家持作屏林谷生輝耀

團山霜鐘

團山宜宴坐寒巖轉幽獨一聲霜外鐘禪心盪空綠

蓮華石嶂

女媧補天時留此片石在怕受仙人鞭逃入蓮華界

西溪琴韻

湛湛西溪水淙淙作琴韻此曲人不知泠然神自運

掃石

掃石白雲邊山空生淨禪幽禽解人意細語綠蘿煙

雙銀杏齋訪梅癡子不遇二絕

有約侵晨至云何已出門誰憐雙杏樹相對了無言

日暮重來此庭空語亂鴉牽衣問童子猶說未還家

晚歸鐙下重作

孤雁不堪聞禪樓正憶君空攜筇竹杖兩度出寒雲

書感次龍蔭凡見贈原韻卽送其行

俯仰悲身世興亡念古今可憐滄海事偏繫綠蘿心風

雪離亭晚關河別思深孤鴻欲何處萬木已寒森

哀時次凡仙眞一子原韻

秋風吹過雁落葉正紛紛大地無全局遙天有片雲時

危思作將世亂豈論文獨向仙人語凡夫未遣聞

送李梅癡太史入都

戊戌

碧湖楊柳色又送故人行不向花前醉

前約會祠未幾未到

其如

別後情雲隨金闕迥月傍玉堂明他日承天問休稱

懶納名君嘗戲言使我爲郭侯當請微懶殘問道

梅癡子將入都余作送別詩經半月矣臨解纔復

贈此詩仍次前韻

平日祇言別今朝果送行請看春草色不盡故人情江上孤村晚雲閒片月明欲持煨芋贈耻近懶殘名

梅癡子乞陳師曾爲白梅寫影屬讀三首

一覺繁華夢惟留澹泊身意中微有雪花外欲無春冷入孤禪境清於遺世人卻從煙水際獨自養其真而我賞真趣孤芳祇自持澹然於冷處卓爾見高枝能使諸塵淨都緣一日奇含情笑松柏但保後凋姿

寒雪一以霽浮塵了不生偶從溪上過忽見竹邊明花冷方能潔香多不損清誰堪宜淨理應感道人情

送易實甫觀察之江南

春水綠波明春風碧草生梅花香別酒柳色映行旌直下洞庭野遙經滄浦城江南煙景好應慰宦游情

效龔定庵體二首

梁居士

坐破千潭水月痕寒灰一寸偶然溫空觀假觀中道觀待與台宗學者論君久習天台止觀

楊葵園

念佛三昧世少信惟有無爲子親證君父仁山先生專修淨業有無爲子之樂邦消息近云何爲我蓮臺一問訊

夜雨寄懷張狷叟卽題其湘雨樓畫卷

一夜瀟湘雨高樓應未眠可堪思舊事莫更賦哀蟬悼亡詞竹栢自蒼勁煙雲從變遷遙憐圖畫裏別有好

林泉

萬山青繞戶中有卧龍盤心以看雲淡詩因聽雨寒入醉樓風闕穩把釣魚竿何日來相訪清言共倚欄

與謀大月下禪坐有得

故人清夜至掃石坐煙林不有花間月誰知悟後心虛

空猶是妄大海豈云深相對了無說竺猿時一吟

王午樓飯僧有作

右丞高尚士亦有老禪心爲我開香積因君動苦吟花枝經雨重草色閉門深齋罷徐歸去春雲野寺陰

題吳盒觀察所藏張夢晉畫軸

吹笙王子已昇仙那得還餘色界緣卻笑張生虛捏怪祇留姓字畫中傳傳稱夢晉爲王子晉後身以其母夢晉而生故名

曇花一樣夢中身紅粉青衫憶宿因艷說才人甘乞食可憐猶是墮情塵

身後身前何足論君自言爲夢晉後身都綠業識弄精魂多生結

習宜除淨莫認空潭水月痕

紀夢詩一首并序

二月十四夜夢與曹蔭萱徐孟虎俞壽臣及其

姪慎修冒雨同至一山飛流界道峭石橫雲迴

非人境於煙靄中見林表碧桃初花擬攀蘿往

折忽晨鐘驚醒簷溜猶滴窗全曙矣

仙山不可到而我自何來絕壑雲扶雨晴空瀑吼雷更從青嶂出遙見碧桃開忽忽晨鐘動方驚夢裏回

贈尹山人和白卽題其陰符經註後

胸中邱壑一塵無人海茫茫意自孤門巷蕭閒首薛碧

滿庭風雨註陰符

霞外神情誰復知蒼蒼鬚鬢已如絲春風落魄長沙市

錯被人呼老畫師

感事呈葉吏部

時事已如此神州將陸沈甯堪憂國淚忽上道人襟春

色何高下浮雲自古今與君聊一笑名實妙明心

別陳公孫自述所懷

不用折楊柳東風送我行離情芳草醉春夢落花輕未

證三乘果聊攻五字城他時蓮社傳恥獨以詩名

八指頭陀詩集卷之九終

八指頭陀詩集卷十

題桐院感舊圖并序

釋敬安寄禪

曩余居祝融峯時中丞吳公巡閱過衡偕其幕

賓陸廉夫登峯觀日出憩余松寮論道言詩極

相歡洽及余歸省廉夫將爲吳公畫南嶽圖邀

余就署中問峯巒巖谷之狀甚悉臨別以其所

居庭院有梧桐數株枝葉榮茂因作桐院談詩

圖相贈且曰僕吳人寓此暫時卽歸師巖穴中

人此後非有因緣亦難重來如來見此梧桐則

如見我與延陵公觀雲海於祝融也語畢泫然

不久吳公秉節出關廉夫亦返吳門自是不通

聞問已六年於茲矣今春義甯侍郎陳公爲其

黃夫人資冥福余偕僧衆入署誦經一日公孫

師曾偕至其室則廉夫故居也時方二月桐葉

未敷禿立雨中了無生趣對景懷人不勝榮枯

今昔之感因涕下公孫詢知其故爲余作桐院

感舊圖屬余爲詩以紀其事

舊院談詩處重來最憶君曾觀滄海日高卧祝融雲風

雨一爲別死生長不聞空持懶殘芋獨自倚斜暉

寂寂數株桐淒淒立晚風榮枯今昔異吳楚別離同彈指六年過觀心萬事空懷人無限意都在雨聲中

夜坐懷王午樓

寂寂夜鐘沈知君正醉吟
春愁雙鬢改書味一鎗深
生死誠堪託熊鶴老身後其子文婚嫁皆君一人任之榮枯共此心
還須歸白社何用鍊黃金

送陶觀察森甲之姑蘇

春波如鏡草萋萋十里垂楊綠映隄
借取祝融峯上月送君直下洞庭西

周鐵園太守前署沅州府解篆已二十餘年戊戌

奉命重典是郡余傷其垂老出守窮邊慨然賦贈

一棹沅江去生涯絕可憐
不堪黃綬事始授白頭年
列郡棠陰遍孤懷海月懸
誰知憂國淚重灑百蠻天

得沅陵徐大令方泰書并寄鉢賦以答謝

祝融峯頂別回首意茫茫
絕岫孤雲出名山舊業荒
藤蘿高蔽日松柏飽經霜
遠辱故人問開函淚數行
聞道沅陵縣風煙近五溪
荒村山鬼怯深谷怪禽號
石澗橫流急蠻雲落日低
猶勞分鶴俸千里寄招提

四月二十三日與陳師曾兄弟齊集徐筱谷棗香

書屋

蕭然數椽屋不似在城居
水竹涼生戶籬花香滿裾
故人成邂逅高論入元虛
何用參禪悅園蔬味有餘

五月初七日阻雨宿東禪寺

城北東禪寺還因聽雨留
乍看雲過樹旋見月當樓
聚草螢光溼披蘿鬼語幽
吾生機慮盡夢逐白鷗游

東禪寺與達公夜話

定中孤月自常明身外浮雲燄
變更欲捨福田紆國計每談淨理厭詩名
渡杯祇恐魚龍覺施食還憐鳥雀爭
天上人間盡惆悵與師惟有證無生

題麓山寺

迢迢鐘梵下斜陽寂寂巖花渡水香
殿角一鈴風自語窗前萬木雨初涼
山銜雲氣窺人淨江挾濤聲入海長
卻羨巢松千歲鶴不知塵世有滄桑

送郭謬士歸東山別墅次壺天遯叟將之匡廬留別韻

人生適意豈易得念子能爲林下游
莫遣白頭咏團扇謂君姬四照優婆塞安排赤足踏飛流
哦詩飲酒且自樂石爛海枯焉用愁
咫尺溪山是吾宅君別墅距余白雲寺三里許綠蘿明月共淹留

贈雷筱秋孝廉仍次前韻

英雄不分邱園老下第翻爲海上游
玩世幾人餘白眼濯纓何處有清流
雲歸衡嶽千峯雨日落長沙萬古愁
莫謂賈生虛痛哭治安一策至今留

還山書懷疊前韻二首

客塵擾擾無甯日南北東西已倦遊
卻抱白雲還絕巘忍看滄海作橫流
蛟龍吐霧方爲虐鷗鳥驚波亦自愁
幸有荒園一叢竹清陰猶爲道人留
覺皇邈矣余生晚不見應真靈鷲游
佛海深深誰悟入世波汨汨競分流
雲中挂錫非無樹澤畔行吟別有愁

回首中原堪涕淚青山一髮夕陽留

再疊前韻奉寄壺天遯叟廬山

憂時鬱鬱壺天叟乃託神仙汗漫游
手挽銀河成瀑布心懸朗月照寒流
小姑江上如含笑五老雲中爲解愁
他日扶筇訪高隱虎溪應有畫圖留

唐人有虎溪三肅圖

秋夜偶得

萬念已俱澄深宵獨倚藤道心寒皎
月書味淡秋鐙山雨時數點溪雲忽
幾層思量明日事飯雜芋頭蒸

七月二十夜大雷雨和乩仙作

冥冥天宇中風雨挾雷吼袈裟換酒
回仙人能飲否

附乩仙原作

兩昏人欲靜何處蒲牢吼借問定中
身尙著一塵否與曼衍道人話碧湖舊
事戲贈

簪笠棕鞋興有餘憐君結束在官居
何如碧浪湖邊去

名士相逢話鯽魚昔君開碧湖詩社王雁峯院長以詩譏之云長沙近事君知否碧浪湖邊

多鯽魚

紀事

懶貓伸腳睡初酣饑鼠偷油上佛龕
夜半雨聲穿枕過

此身如在綠蘿菴綠蘿菴在南嶽

病中憶徐小谷陳師曾

風火爲灾聚苦因支離銷瘦病中身
五更鐘梵殘鐙裏

一息微微念故人

病中喜尹和白謔立三陳梅根雷筱秋
王愷琴饒

十三左臺生聶襄才彭星階諸君子
前後見過感

賦一詩

一牀方丈萬緣疏落木涼生山雨初
最是故人交誼重

秋風肯顧病僧廬

哭剃度本師一首

摩拏定石有餘溫不覺三衣濕淚痕
棒喝無人規誡絕

此心孤寂向誰論

先師東翁夜過洞庭偶得句云不知何處仙人笛
吹落梅花滿洞庭誠仙籟也又山居有山大白雲
遮不住長留面目與人看之句皆見道語惜俱未
成章病中無事爲足成二絕句以志先師道德文
彩於一微塵中耳

湖面君山一點青黃陵月上睡初醒不知何處仙人笛
吹落梅花滿洞庭

天涯無事覓心安世界微塵定裏寬山大白雲遮不住
長留面目與人看

題柏松如廣文爲陸少尉白冤事實後十六韻

陸機本廉吏盜跖爾何愚乃挾百管怨因加二朋誣風
雷森國律星火下州符黑獄安能白青霞亦受汚親朋
空掩泣患難孰相扶慷慨如君者甯非義士乎逢人都
說項爲友竟忘軀且效包胥哭休令杜伯誅覆盆冤果
雪任俠世應無大府奇其事諸生式所膺鄭虔猶薄宦
阮藉尙窮途天道高難問琴歌晚自娛盤飧甘苜蓿庭
宇任荒蕪妙譽馳江左英風扇海隅龍門爭作傳鳳德
實堪謨欲識凌寒節孤松與眾殊

野寺

野寺衣青嶂高亭俯碧湘風濤翻夕岸木葉下微霜新

月初成照浮雲忽掩光憂時無寸補慚愧事空王

重哭本師

一病成終古三生未忍論空餘馴鳥迹猶在淨苔痕欲
哭還同俗忘情恐負恩西方如可往先師偈云西方吾所願昨夢白蓮花
長願奉晨昏

徐又穆明府自沅陵還相枉駕問疾賦詩奉贈卽
送其赴清泉新任

林端動棲鳥谷口報鳴鶯舊雨成長會名山憶昔游吟
髭應更白病骨已經秋語罷浮雲事西風起別愁
遙指清泉縣人喧地自閒白磷分岸水青愛隔城山君

好種桃去吾曾乞食還他時或相訪拄杖叩花關

明妃怨感友人作

明君南好色玉貌敢承恩不忍畫工誤休將妾意論塞
雲淒斷雁關月冷歸魂青塚春來草萋萋向玉門

棄婦吟

棄置復何道徘徊祇自憐郎心無定好妾貌若爲妍難
使秋風熱空悲團扇捐蕪蕪何處采長跪故夫前

爲淨業上人題白梅

絕壑無尋處高寒是我家苦吟終見骨冷抱尙嫌花白
業宜薰習清芬底用誇卻憐林處士祇解詠橫斜

書胡志學守戎牛莊戰事後五絕句 并序

胡君志學從左文襄積功至守備乙未牛莊之役胡君負營主尸力殺數賊中駁折足遂擒羈海城六月和議成始還至上海西人續以木足戊戌秋晤余長沙出木足及身上槍痕以示爲之泣下感爲五絕句

折足將軍勇且豪牛莊一戰陣雲高前軍已報元戎死猶自單刀越賊濠

海城六月久羈留誰解南冠客思憂夜半啾啾聞鬼語一天霜月曬骷髏

一紙官書到海濱國仇未報恥休兵回看部卒今何在滿目新墳是舊營

收拾殘旗入漠關陰風吹雪滿松山路逢野老牽衣泣不見長城匹馬還

彈鋏歸來舊業空祇留茅屋惹秋風淒涼莫問軍中事身滿槍痕無戰功

從軍曲三首

十三從軍便守邊五千鐵騎常相連長城一戰陣亡盡我心何望圖凌煙

手把殘旗招夕陽英魂隨余還故鄉觸骸忽起作人語

爲我附書與耶娘

耶娘在家兒遠戍生死不得知其故兒今已與新鬼鄰兒婦休爲故夫誤

前征婦怨

妾在故鄉君遠戍兩地相思無處訴君還故鄉妾出關夢中那得會相遇

夢中不遇復何傷念君新婚別故鄉別時十四今四十欲寄寒衣知短長

後征婦怨

夫戍邊關妾在家側身西望空黃沙相思不見情何極

願逐春風入塞笳

塞笳忽作鳴咽鳴聲聲是妾斷腸聲斷腸之聲無別念願君早得還鄉縣

遜叟於九江建琴心樓落成說二偈奉寄

琴志琴心共一心實甫觀簪先於廬山建琴志樓心心相印一張琴此

琴若鼓人天泣鍾子甯能是賞音

琴志琴心父子樓平生各自有千秋一拳不打斯樓碎

風月無邊事未休

憶明州飯依長老

太白峯前聽法回寒梅二十度花開何時七堦橋邊寺

重禮明州布袋來

寄水月法師

憶昔天台訪赤城與師芒屨踏雲行何堪一返衡山錫
草木蒼黃十四更

古詩一首呈曾公子咏周

種松南山中枝幹初成陰方期鸞鶴儔共保歲寒心
鴟忽眈眈藤蘿亦森森坐使幽蘭花遷香於別林羣疑
久乃釋真賞仍在襟長荷君子德孤根託高岑

悼可忠和尚二首

衡雲一別後相見總無期詎料揚州去長留湘水悲浮

生雖大夢度世亦明師寂寞殘秋菊還如病鶴姿

卻到安禪室徘徊悽舊情鑪煙如入定經案似平生欲

問雲歸處空看月自明因思真寂樂轉覺幻緣輕

題盛壽巖明經遊峨嵋詩集

之子抱幽興峨嵋踏翠行三峯何突兀五嶽失崢嶸天

向巖邊沒山從足底生神巒長不夜自有佛鐙明

不惜千金盡因求一覽奇深山雲作屋古木石爲皮淚

下啼猿峽心清洗象池佳遊應不負贏得有新詩

云蒼謝公屐曾遊金頂邊陰巖常積雪夏衲總裝棉掛

壁銀河曲懸空鐵棧連何當策藤杖親禮願王筵

我聞銀色界常放白毫光澗曲窺蛇浴峯高礙鳥翔五
更先見日六月尙飛霜迴與人境別真爲聖道場

贈沈子粹叟十六韻卽題其一角園詩集兼以留
別

沈子餐霞人清風自絕塵心閒能卻老詩好不妨貧妙
悟區中要幽通靜裏神錦江曾濯足湘渚獨垂綸乃得
山川勝而存竹柏真苦吟聊避俗高蹈復誰倫莫作郊
居賦須扶大雅輪往叨青眼顧重與白眉親著論慙僧
肇安禪賴許詢戒珠虛朗潤法味益酸辛龍象休云力
鴟鴞詎可馴迷津疲濟渡覺路莽荆榛剗切雖無礙行

藏或有因打包思入蜀振錫擬游秦欲斷知交愛其如
涕淚頻浮雲一爲別相見定何晨

奉題俞廩軒中丞卧遊圖六首次原韻

衡山本是鄴侯鄉煨芋親嘗箇味長七十二峯青似昔
請公不用憶錢塘

橘洲寒樹得春溫水淨沙明絕點痕樂歲亭前饒逸趣
新詩傳誦到山門

一雨郊原草木柔田夫含笑入城游使君福澤真殊勝
淺水今行自在舟

莫向君王乞鑑湖青天一月不妨孤好將夜雪瀟湘景

寫作山陰訪戴圖

鏡水稽山記昔過亦曾應供學阿羅月明湘上聞漁唱
猶似湖濱發棹歌

十年行腳理歸裝揀得松枝掛鉢囊今日因公動游興
青山依舊夢中忙

東香居士新婚索詩

寶閣夜流光仙梧集鳳皇偶攜綠蘿月來醉紫霞觴法
喜成嘉會陀羅吐妙香維摩與天女相見也無妨

戊戌十二月初七夜夢登天姥最高處占此寤而
錄之

絕頂建招提登臨四望低巖雲時作雨山漲自成溪空

翠晴猶濕靈禽靜不啼何當息行杖於此卜幽棲

予夢登天姥之七夕忽夢登祝融

忽到祝融頂青天手可捫雲霞飛寶蓋日月浴金盆異

采紛難狀羣峯各自尊仙風吹夢失欲覓了無痕

晤沈炯甫談亡友曹悟生遺事感賦

往者曹悟生依君如弟兄每逢老僧話深感故人情竟
以窮愁死空留寂寞名相看憶疇昔不覺涕縱橫

紀事十八韻

蜃氣樓臺新更新驚濤滾滾浩無垠關邪孰起孟夫子

亂世胡生魯聞人豈有忠忱憂社稷但憑游說作經綸

燒天欲縱焚書火折檻誰爲請劔臣御史書名皆避路

郎官粉署復何論思莼張翰求爲友抗疏匡衡恥與鄰

密樹陰林巢黨羽敢從賢路植荆榛去騰凡偶詩云新舊相爭黨禍作荆

榛滿地海氛惡蓋預知有今日之變也弄權竟使朝綱紊變法徒傷風俗

淪將見明時成暗夜可堪白足混紅塵琳宮梵刹資王

化明宋濂云深山大澤無琳宮梵刹必爲虎敗種蕉芽

斷善因未必文章成棄物休嗟像教絕傳薪鳳毛麟角

誰能賤貝葉曇花世所珍皎月暫藏圓照影浮雲詎損

太虛真冤禽枉自填滄海熱血旋看化碧燐某甲謂某乙曰吾輩

此後當以熱血相見及甲伏誅乙忍背君恩沈鬼窟

幸承帝力轉祥輪涸鱗再躍昆池水枯樹重回奈苑

春鑄錯寧收九州鐵懷柔終使四夷賓願垂佛日光輝

大長頤 霽天雨露勻

前次山陰中丞卧遊圖韻絕句六首意有未盡復

成二律續之

東風吹我夢昨夜過錢塘海月窺人碧天星墮秧黃鑑

湖春水漲禹穴野梅香自恨禪那淺前塵尙未忘

浙東山水好最好是山陰念我意難釋知公情更深其

如丹鳳詔未了白雲心讀罷詩中畫焚香和苦吟

莊秉恆索題未能齋詩遲遲未報因說此偈

居士築齋名未能題詩索我雲中僧遲遲未報有深意
請勿以此生嫌憎吾宗所貴在默證毘耶杜口乃上乘
埽除語言文字障靜觀水月禪心澄世間萬事如泡影
但寶妙明真性恆

梅癡子爲豁然道人寫梅錄余白梅詩五百於其

上因有餘紙復作此詩

人間春似海寂寞愛山家孤嶼淡相倚高枝寒更花本
來無色相何處著橫斜不識東風意尋春路轉差

送西岸禪人歸萬福庵

已亥

打包應未慣忽憶舊茅庵杖錫遙歸去風光絕好貪幽
巖雲蓄翠春澗水拖藍於此安心坐禪宗要細參

劉牧村明府出宰安仁贈詩八韻

安仁非大邑豈足屈賢能田少難徵稅峯寒早結冰巫
歌山鬼笑儒服野人憎市小多藏樹塘荒半種菱春風
香藥杵落日曬魚簪地僻民情樸官閒道味增論文聊
課士攬勝好攜僧他日天元頂相期倚古藤

再題山陰中丞卧游圖仍次前韻

浙江多是水爲鄉雪浪如山接海長幾度乘潮弄明月
棹歌催夢落錢塘

行腳會無一度溫袈裟猶帶海潮痕回思習定天台頂
夜雪漫山虎吼門

江城如畫檐聲柔雲水蒼茫憶昔游夜泊嚴灘聽猿嘯
萬山飛翠上行舟

打漿曾過賀監湖浪花雲影一僧孤別來十五年中事
重見山陰好畫圖

思波重許洞庭過繁戟門開雀可羅棠樹陰成春雨足
夕陽亭館鳥爭歌

萬卷牙籤手自裝五湖烟景入詩囊白雲本是無心物
只爲人間作雨忙

對梅懷陳考功

西江初解凍東閣又敷榮花伴枯禪發根從死地生風
霜憐往劫天地惜孤清悞入何郎咏無言淚暗傾

對梅有悟

林園澄夕霽靜對穆余襟自寫清溪影如聞白雪吟三
冬無煖氣一悟見春心寂寂欲誰語微雲淡遠岑

送按察使蔡公罷官歸里

長沙謫地屈賈尙含冤雲鶴自高舉雞蟲何足論揚
帆經汨渚歸棹向章門祇恐君恩重難容老故園

八指頭陀詩集卷之十終

余俗姓黃氏名讀山出家後本師賜名曰敬安字寄禪近迺自號八指頭陀先世爲山谷老人裔孫宋時由江西遷茶陵明末由茶陵遷湘潭之石潭世業農父諱宣杏母胡氏嘗禱白衣大士夢蘭而生余時咸豐辛亥十二月初三日也數歲時好聞仙佛事常終日喃喃若有所吟誦七歲失母諸姊皆已嫁父或他適則預以余及弟寄食鄰家日昃不返卽號號蹤迹之里人爲之惻然年十一始就塾師授論語未終篇父又沒零丁孤苦極厥慘傷弟以幼依族父余無所得食迺爲農家牧牛猶帶書讀一日與羣兒避雨村中聞讀唐詩至少孤爲客

早旬潛然淚下塾師周雲帆先生駭問其由以父沒不能讀書對師甚憐之曰子爲我執炊爨洒掃暇則教子讀可乎卽下拜師喜甚每語人曰此子耐苦讀後必有所樹立余老不及見耳無何師以病沒然余遵師遺訓不欲廢業聞某豪家欲覓一童伴兒讀卽欣然往就至則使供驅役自讀輒遭訶叱因悲歎以爲屈身原爲讀書計既違所願豈可爲區區衣食爲人奴乎卽辭去學藝鞭撻尤甚絕而復甦者數次一日見籬間白桃花忽爲風雨摧敗不覺失聲大哭因慨然動出塵想遂投湘陰法華寺出家禮東林長老爲師時同治七年余方成

童也是冬詣南嶽祝聖寺從賢楷律師受具首參恆志和尚於岐山專司苦行諸職暇則隨大眾坐禪越五年頗有省時精一首座爲維那閒以詩自娛余諷之曰出家人不究本分上事乃有閒工夫學世諦文字耶渠笑曰汝髫齡精進他日成佛未可量至文字般若三昧恐今生未能證得後省舅氏至巴陵登岳陽樓友人分韻賦詩余獨澄神趺坐下視湖光一碧萬頃忽得洞庭波送一僧來句歸述於郭菊蓀先生謂有神助且曰子於詩殆有宿根遂力勸爲學授唐詩三百篇一日成誦後精師見余所作大奇之然以讀書少用力尤苦或一字

未愜如負重累至忘寢食有一詩至數年始成者念生死事切時以禪定爲正業一日靜坐參父母未生前語冥然入定內忘身心外遺世界坐一日如彈指頃猝聞溪聲有悟嗣後徧遊吳越凡海市秋潮見未曾有過巖谷幽邃輒歎詠其中饑渴時飲泉和柏葉下之喜以楞嚴圓覺雜莊騷以詩人目爲狂嘗冒雪登天台華頂峯雲海盪胸振衣長嘯睡虎驚立咆哮攫前以慈心視之虎威亦解又曾於深山遇一巨蟒御風行頭大如斗舌電尺餘因念佛亦無怖旋養疴皋亭山中夜聞剝啄聲甚急啟闔月明如晝四顧無人如是者數次次夕伺

叩門聲急開戶見一黑團亂躍余與羣犬窮追抵山腰厲聲曰我是箇窮和尚不擾汝汝何惱我我豈汝怖病尋瘡住四明最久窺天童雪竇窮攬霞嶼月湖之勝郡中呂文舟徐酤仙胡魯封馬文齋沈問梅諸君相與唱酬余口吃字拙嘗作詩寄李炳甫茂才有花下一壺酒句書至壺字忘其點畫遂畫一酒壺於上酤仙書法名一時出紙強余爲書筆畫錯落左右易位如倒薤然每譔會酤仙以懸之中堂諸客觀者無不絕倒也余平日於文字障深禪定力淺然好善嫉惡觸境而生嘗渡曹娥江謁孝女廟叩頭流血同行者曰奈何以大比止而

禮文鬼余曰汝不聞波羅提木叉孝順父母諸佛聖人皆從孝始吾觀此女與佛身等禮拜亦何過焉甲申法夷犯臺灣官軍屢爲開花礮所挫電報至甯波余方臥病延慶寺心火內焚唇舌焦爛三晝夜不眠思禦礮法不得出見敵人欲以徒手奮擊死之爲友人所阻因萌歸志太守宗公源翰驢之是秋八月返櫂長沙余年三十有四計行腳已閱十霜矣越明年省先塋宿莽縱橫不可復識望窮山慟哭幸村老有存者指示方能記憶蓋自兒時葬先君來此倏忽二十餘年罔極恩深生不能奉甘旨死不能導神識不孝之愆真百身莫贖也自

是常往來湘衡閒有所作輒就諸名宿正其得失友人陳君伯嚴羅君順循憫余吟詠日久爲之憂定自癸酉始迄戊子得古今體詩若干首付之手民嗟嗟余自爲如來弟子不能導衆生離火宅復不能窮參究微法源底迺墮文字自拘恥孰甚焉因將平生幻迹學詩緣由言於卷末以示余學道無成卽以此自爲懺悔令大覺海中增一浮漚可也敬安述

八指頭陀詩集述終

八指頭陀詩集

楊度題

己未仲冬月刊
於北京法源寺

板存北京
法源寺
大楷齋

景印八指頭陀詩集序

寄禪上人一號敬安以然二指供佛遂自稱八指頭陀姓黃氏湘潭石潭鄉人少失怙恃年十八爲人牧牛方春和時驅犢田間見白桃花繽紛滿樹頃刻爲風雨所敗因頓悟人世無常遂投湘陰法華寺禮東林和尚爲師旋受戒南嶽祝聖寺自後托鉢遠遊流連吳越將及十年相傳上人居岐山仁瑞寺時初爲寺中堂頭僧司諸僧侶齋筵一日見病犬入寺饑困求食上人憐而飼之寺僧習靜日有常課禁畜犬甚嚴上人既私飼病犬百計驅之弗去有頃方丈按視僧寮病犬方就破盆啖殘飯上人遙睇方丈將至急逐犬而破盆在地上事洩敗露乃遽取盆吞其餘粒味臭惡不可近犬涎滿焉方丈既過上人還寮大嘔蒙被臥忽開悟穎慧遽常人信口成詩皆清妙可誦惟不能作字積久亦恆爲人書其自作詩句形如倒薤或上下左右移置稚劣如童子然別具逸氣人爭寶之上人還湘王

湘綺先生爲之延譽聲稱頓起常於嚴冬赤足行嶽麓山中攜餅餌雜梅花冰雪大嚼每數日不返後主天童寺天童上人之名滿天下其詩出自禪悟吐語高絕非常人所能逮道安法師飛錫臺灣行篋中攜有八指頭陀詩集善本黃奎居士乃爲影印行世以廣流傳增價鷄林分光慈嶺人天歡喜信爲殊勝因緣余家居密邇上人故鄉知成詩行道始末頗具諳識數語簡端以志其嚮慕之私云

中華民國四十五年一月湘潭李漁叔

謹以此詩集之刊行 爲紀念

八指頭陀寄公禪師殉教六十二週年之獻禮



八指頭陀傳略

頭陀名敬安字寄禪，黃山谷之裔孫也。家本由江西連湘之茶陵，明末由茶連湘澤之石津。生咸豐辛亥（一八五二）十二月初三日。七歲失母，十一喪父。同治七年（一八六八）十八歲，投湘陰法華寺出家，禮東林長老為師。是年冬，受戒於南嶽祝聖寺賢指律師。參禪於岐山仁瑞寺恒志禪師，二十四歲後，訪道於大江南北諸利名德。光緒初，詩名大震於士林，名利爭稱為住持，歷任南嶽上封寺，長沙上林寺，寧波天童寺，七塔寺，寧波僧教育會長等職。民國元年，（一九一二）四月一日，召集全國僧界代表，創立「中華佛教總會」，開成立大會於上海留雲寺，公舉為會長。二年（一九一三），各省佔寺奪產，與辦教育之風益熾，而中華佛教總會章程，猶未得政府批准。衆舉頭陀進京，以謀奠定總會之基礎。值內政部禮俗司杜某，才分別寺產公私以議提抵，頭陀屢次力爭，不得直。憤極甚，

因法源寺，即晚年。二月八日，（壬子十二月二日）時年六十三歲也。詩友嚴希齡，楊度等，以事聞大總統袁世凱，由華佛教總會稟請，乃經國務院迅於審定公布。佛教寺產，賴以少安。頭陀對於年青敬學之戒于太盛，期望甚殷；而太盛大師之於法門師匠，獨折心於頭陀，蓋其魄力雄厚，志願堅毅，非尋常師家可比。太盛大師於其所撰「中興佛教寄安和尚傳」中云：「嘗召之至文室，端容寡頤，雖告以生平所經歷事，並述『孟柯』『天將降大任於斯人也』一章，如余習勞苦而耐枯冷。吾國佛教近世紀來，頗廢不振自頤院聲中興之運，不幸早逝。邇其遺志又發揚光大其覆教之功者，近半世紀來，唯太盛大師其人耳。頭陀之目光如日矣。甲中法華犯憂，頭陀正臥病寧波法源寺，聞訊心火內焚，唇舌焦爛，三晝夜不能眠，思果絕法不傳。出見放（法）人，欲以徒手登翠死之，為友人所阻。時年三十四。其愛國情懷如此。頭陀南嶽南歸日，自大總統以下，均往弔奠。全身安於天童太白臺下之青巖窟。其先自書壽塔曰：『冷香』。自撰聯云：『傳心

一明月，徑寄萬梅花』，為事傳安書。其詩亦云：『青巖山前聊弄雪，白梅花落且棲神』。皆寂前一年也。其著作「八指頭陀詩集十卷」「續集八卷」，均由北平法源寺住持道源法師刊行於世。「清梅吟藁」一冊，為較早期作品，均收正集中。「白梅詩百首」，不傳。文編書札，海潮音曾刊出一部分，餘無存。大經法師著「八指頭陀評傳」，今亦適見不獲。四十歲以前事跡，見其自敘文中。今值頭陀殉教四十四周年，特以余於民十九年購自北平之頭陀詩集原本，付自由書店黃奎居士影印流通，以紀念此一代名僧之行業。

中華民國四十五年一月十五日釋道安於沙止彌勒內院

八指頭陀詩續集

民國・敬安寄禪 著

八指頭陀詩續集詳目

卷一

牧牛偈示沙彌蓮舫
感事偶作 自笑
曾公子詠周招道俗八人雅集浩
園限韻賦詩
贈朱統卿太守 贈哭庵觀察
感懷 懷黃孟樂大令江南
贈葉吏部 夢至一山林似剡中
答李佛翼公孫
重贈實公並題其崑崙集
送實公入都 贈葵園先生
述懷並呈葵園先生
呈葉吏部 呈笠雲本師
漫興和江右謝渭巖韻
秋懷 感懷呈蔡伯浩觀察
贈按察使湍公八韻
中秋夜偶作 贈陳六笙觀察
憶天台茅屋
憶南嶽烟霞峯舊居
過湘陰屈子祠
秋夜寄懷周笠樵舍人
宿萬壽寺曉登雲麓宮望城中
贈陳默廬觀察 與默廬論道
戲答沈炯甫 示僧可

贈蔡仲岐廉訪寄示
憶四明山水四首
寄題蓮峯方廣寺並柬寶上人
爲陳六笙觀察六賊戲彌陀圖說
四偈奉讀
挽朱萼生觀察
題朱孝廉夏灣別墅
題宿雲律師禪房
王子鴻參軍自衡郡養病還省
題龍明府眠琴綠陰小影
重晤陸桂亭明府
送桂亭明府還新田
許正卿過訪贈詩依韻奉答
夜坐 秋夜 夜坐有得
卷二
碧浪湖感舊詩 宴坐有得
哀陳仲鹿觀察病故鹽署
義寧陳中丞挽詩
題石濤老樹枯禪圖
山居書懷 遣興 感事
山居戲作 書懷兼呈梁孝廉
贈張辛伯先生 贈沈炯甫
贈吳漁川太守
贈別羅順循大令日本行
題劉樸堂觀察白雲課耕圖
寄葵園老人

過王翊鈞茂才瓢齋戲題
寄黃仲蘇龍硯仙
題沈伯華明府吳興城老屋圖
題鄭湛侯明府停雲十二圖
題魏春階司馬看劍圖
武陵春傳奇書後
贈日本中炯含山
懷日本岡千仞
寄遜叟 上林寺入院示衆
贈俞壽臣歸江南十首
卷三
酬但方伯惠扇 再贈但方伯
雨後茅亭小憩 桐桂山館
感事復呈 酬龔龍陽
憶天台方廣寺 題金剛院
答程子大讀余四明山水詩
送陳伯屏方伯入覲
題省疊和尚雪巖寺詩
哭黃大令蓉瑞三首
感陳考功周恤死友風義
送王翊鈞參軍之官浙江
送俞壽臣觀察之江南並懷弟
夜夢中得詩
谷山掃剎度本師墓
志感敏眞性華兼呈常公
送和菴上人主錫嶽麓萬壽寺

郭大令招集碧湖爲展重陽會

碧湖懷古

答孫姬瑞孝廉贈詩

酬袁叔輿戶部寄示金陵詩

寄題易哭庵觀察廬山琴志樓

懷義寧陳吏部三立

懷金陵舊游

述懷答友人 寄陳公孫師曾

贈陶荔南 贈日本岡千仞

姜市掃周孺人墓

長沙上林寺退院將之天童辭

衆二首

回憶湘中故舊

答寧郡高公子 天童寺書感

夜過瓜洲鎮

自四明歸長沙經洞庭作

將歸四明別朱八菊尊

題李仲乾悼亡詞後

羅順循大令將之燕臺志別

赤壁懷東坡居士 新堤

題紅雨樓遺稿

海上與眞上人話舊 感事

寶慶寺掃慧公塔

重晤樓杞伯

重晤胡俊卿李子仙兩秀才

與芷翁話舊又送馬公歸蜀

寶幢重過何珊洲秀才宅

酬上虞經君甫居士以詩贈

次經君甫居士留別原韻

題盧吟秋茂才夢紅蓮詩卷

秋日病中漫興

招鄞邑侯黃司馬游天童

爲翟少府題畫

寄懷俞恪士觀察江南并柬陳

伯嚴吏部十二首

次黃司馬見示小林樓詩韻

酬趙仲青二尹鄭湛侯明府

再酬趙鄭追懷往事并訂天童

之游十五首

卷四

贈陸漁笙太史 奉訪陸太史

再贈陸太史 過陸太史宅

山居二首

山居兼懷陸太史黃司馬

月下對梅 雪後尋梅

送黃鞠友司馬 天童坐雨

春山漫興 酬盧吟秋茂才

贈別黃鞠友司馬 雨中遣悶

登玲瓏巖 獨登玲瓏巖

重過石頭城登掃葉樓

題夏伏離燕北紀難圖

與俞恪士觀察重登掃葉樓

山行露宿

題李藝淵觀察慕萊堂圖

過顧石公居

俞恪士觀察招集後湖

白下別陳伯嚴考功

題文小坡內閣石芝詩夢圖

訪俞恪士觀察新居池上納涼

金陵別李二翰林瑞清

贈劉彝庭觀察 答夏伏離

將歸天童別劉應洲

登太白峰絕頂眺海

次車眉子廣文見贈原韻

漫興四首

頌寶慶寺新構佛殿

海上望月懷明果師弟

寄懷金山妙湛首座

懷金山大定長老

贈玉泉祖印法師

寄金山慈本西堂

簡徐劍石茂才

自信篇并寄明果師弟

屠廉訪繼室王夫人挽詩六章

舟中望金山

次唐人張祜題金山寺韻

贈陸漁笙太史七旬誕辰

還山別陸太史

題章价人太守銅官感舊圖
題嚴小舫觀察春江意釣圖
寄呈江督魏午莊宮保

次韻酬嚴詩盒

與嚴柘香先生茗話有作

酬吳夢舟贈詩

送王翊君之江南

將還天童別吳夢舟秀才

卷五

江南放棹

寄義寧公子陳伯嚴

贈陳鶴柴居士

贈吳彥復 次夏穗卿見贈韻

遇周彥升於申江感賦

訪李茹貞於海國春酒樓

與夏穗卿等小集滬濱酒樓

楊哲子孝廉遠適日本

陪伊藤賢道法師泛舟西湖

贈夏大令

遇陳鹿笙方伯於滬濱

贈狄楚青

示鬯因

秋晚還天童留別陳鶴柴

寄呈劉海臣太守

次義寧公子舟中之作

簡閩人周君士殿樞

紀廣東揭陽縣法門之難

題饒石頑舍人女詩集

挽文芸閣學士 再挽文學士

贈喻明州 寄吳彥復

寄酬俞恪士觀察 再寄恪老

冬日偶作

不寐 懷湘吟

航海詣東京寄滬上友人四首

重過吉祥庵留宿歸舟感賦

吉祥庵阻雨

懷文芸閣學士追述舊遊

贈別洪啓唐茂才

送許繼詢出山

吳北山由日本還申

贈劉子芙明府 再贈劉明府

中秋對月三首

答日本滑川達澹如贈詩

再答澹如 寄陳師曾返金陵

再寄陳師曾 答陳伯濤贈詩

太白山感事 應魏玉銘索詩

輓屠雲孫明府

寒夜口占 冬夜漫興

月夜不寐 答顧居士 夜坐

卷六

寄太史李梅痴觀察江南

述弟艱苦寄朱鞠尊俞恪士二

觀察以療其飢

懷江南友人 贈吳雁舟太守

與友人游張園

奉酬陳哲甫觀察

題午齋觀察黔南探升圖

再題黔南探升圖

贈別吳雁舟太守 哭子成弟

登潤州玉山超岸寺

泛月至焦山追懷芥長老

重遊金山次文待詔金山圖韻

望金焦 天童道中即事

暮春還山 溪居納涼

山中幽勝 山居遣興

淨土詩

再呈桂亭明府 酬陳海瓢

懷亡弟子成 答賀師旦

訪覺道同參於普陀紀勝

訪鄧令高明府不值

雨後坐談宗乘

秋日懷吳夢舟長沙

挽易笏山陳六笙顯石公

滬上晤鄭蘇堪京卿

答鄭蘇堪京卿

陪朱侍郎晚齋

酬朱疆邨侍郎見貽詞集

陳鶴柴居士邀飯滬上某氏園

答世退庵廉訪

劉貞女覺解優婆夷讀

江北大災

乞端午樵尚書經幢奉呈

午樵尚書屬題石鼓文榻本

誅鶴詩 題趙仲青二尹詩集

題趙仲青二尹神交集

天童坐雨懷陸漁笙太史

懷陸太史 次嚴筱舫觀察詩

將徧游吳中山水

金陵聞安徽恩中丞被刺賦感

維揚懷古二首

梅花嶺謁史閣部墓

平山堂懷歐陽公

贈金山秋崖長老 登北固山

登焦山絕頂 懷陶齋尚書

重過常州天寧寺

將歸天童贈陸无悶居士

閶門懷古 五人墓 虎邱

劍池 生公講臺下石

讀白蓮池 白蓮池

禮隆禪師塔 曉登靈巖山

日暮靈巖望太湖 靈巖詠古

館娃宮 西施洞 石城

琴臺 題鄧尉香雪海

題一蒲團外萬梅花圖

與諸道人泛太湖

太湖舟中遺興

題吳牧園太史前溪散牧遺照

聽枯木長老彈琴

海上重晤陸廉夫

遇蒲作英於滬上

嚴子均等邀友集小長蘆館爲

余與陸廉夫餞別

小長蘆館雅集 答德堂上座

漫興 送文晉卿太守

喜見陸漁笙太史三令郎

重陽追晚世伯先廉訪

輓鄧邑何珊瑚茂才

酬陸漁笙太史

卷七

涂茨衡太守罷官還湘爲詩見

懷次韻奉寄二首

次王益吾祭酒庵男韻詩

酬陸漁笙太史

酬明州太守夏閏夜太史

贈黃機庵司馬

寄呈笠雲本師 山中即事

懷亡友鄭湛侯明府及其子

贈趙二尹 警世二首

太白峰望海 明州旅舍書懷

夢游廬山

金陵對雪 對雪贈梅李

杭州白衣寺松風和尚哀詞

由四明還長沙途中雜感

長沙小憩仍歸天童感事

次王益吾祭酒題吳中遊草韻

喜晤黃觀輿太守

春山漫興 寄陳伯昇中丞

寄贈葉煥彬吏部

春雨既晴坐聽谿聲

贈繆夜珊太史 山行

贈長庚庵主 谿行賦詩志幽

暮春示衆

酬陸漁笙太史寄詩

夏日卽事 招友人入山

爲東坡放翁觀荷花句下轉語

贈張子遇觀察

題五律四章以志名山之幸

月夜舟中與哭庵觀察話舊

普陀山次易哭庵觀察原韻

白蓮臺題壁次哭庵觀察原韻

再次哭庵觀察感懷原韻

登洛迦山次哭庵觀察原韻

後寺題壁追懷化丈長老

次哭庵別普陀韻

贈武當玄都觀道士

秋夜書懷 和陳屺懷秋夜

夜起 憶陪易實甫游普陀詩
爲寧郡僧教育會成立作
讀大行皇帝太后哀詔
贈張讓三六絕句
輓厲季龍 贈朱古薇侍郎
國喪期滿遵制剃髮感書
次衡山陳仲明贈詩韻
論道 酬薄倖人將軍書額聯
補題陳述猷虎溪三笑圖
壽昌寺送郭沅芷明府北上
題張讓三小像
采蘭貽桑鐵珊觀察詩
靈峰解嘲三絕句
過陳杞懷孝廉居 羅江登舟
酬洪佛齋茂才贈詩
張讓三枉顧白衣寺喜贈
招張讓三入山銷夏
贈宮保岑雲階等來游天童
登玲瓏巖尋廣頭陀
夜登玲瓏巖
伽陀二首奉讀廣律師薰修
月下聽爛雲和尚彈琴
禱雨未獲 夜吟 古詩
滬上晤陳伯嚴吏部
題近作效孟郊詩
次陳吏部見贈元韻

寄金陵楊仁山居士
李志遠寫竹見貽志感奉贈
答陳子言示詩 夢洞庭
夢衡嶽 訪魏省梅學佐話舊
鄭蘇龕京卿贈詩次韻奉酬
再贈蘇翁 有客問禪
結冬示衆 寒夜獨坐
桑鐵珊兵備園中觀梅戲詩
秋日書示禪者 除夕示衆
元旦示衆 遙瞰洞庭
胡梓芳自金陵寄紙索書舊作
挽毘盧寺印魁和尚
示星悟禪弟 題荒山流泉圖
夏彝恂觀察索和沈桂芬詩末
報作此解之
贈樊雲門方伯四絕句
題夏琴甫琴好圖次見贈原韻
金陵重贈成子晉大令
毘盧寺贈諦閑法師
贈李心荷太守 寄酬譚澹園
贈桑鐵珊兵備詩
答丁象明明府和余夜吟詩
山居遣興 尋張蹇翁夜話
奉酬鼎湖秋澄上人
答夏公子二絕句
答陳天嬰題龔定庵詞

寄天嬰子 哭普僧
卷八
接待寺納涼感舊並速圓公還
天童
過寶明庵訪文清庵主
題散原精舍詩集 述懷
送尊美律師入都請經
自題冷香塔 感事二十截句
入市 贈張蹇翁
寄范清笙舍人楊雲門明經
謝易實甫觀察寄贈椰扇
有客三首勸戒殺
金陵重贈義寧陳吏部
觀藥山布政督鄉人摹構黃岡
竹樓因題
又觀所狀赤壁臥龍岡黃鶴樓
諸古蹟再題二絕句
又觀菊花會
題韓人金醉堂詩卷
送俞恪士學使之官甘肅
江南重晤李梅庵學使
俞園觀李提學書楹聯有贈
夢登掃葉樓得詩
重陽前三日登掃葉樓有感
和夏劍丞觀察舊作
陳師曾自日本歸遇於金陵

聞拂塵法師臥病寄詩問疾
題陳師曾寫贈茅菴入定圖
題蕭稚泉少尉作贈小條幅
懷王益吾祭酒
贈陳吏部第五郎
題多竹山太守香雪尋詩圖
金陵寄魏學佐太湖
題粵西從軍紀略
夜讀樊山集奉題
問馮君木并病兼東天仇慘佛
殘臘登掃葉樓
訪洪復齋居士 哭松風上人
杭州白衣寺苦雨不寐
贈楊雪漁太史公子見心舍人
題李商山弔女弟子花月痕詩
重贈洪復齋居士 題逃空圖
題洪道法師伴雲居
過瑞巖寺 讀書蕉上人遺集
譚萊生公子見訪出詩索題
讀萊園詩稿感題
遇何棠蓀觀察感贈
寄吳夢舟秀才 聞蜀亂有感
輓楊仁山居士
夜雨不寐聞蟲聲感賦
甬上書感 遙聞
題羅迦陵夫人哈同花園

寄懷烏目山僧 寄章太炎
答友人 題潔園展懷圖卷
李梅菴爲道士
奉酬嶽蓮和尚招余就齋
遊寶華寺慧居寺贈浩淨禪師
登拜經臺 別德寬律師下山
奉酬曼衍道人貽詩
夢故人秦子質 贈廣慧長老
西園放生池觀魚
將往光福看梅聞有警不果行
甬上遇法舟和尚
常州重晤莊醒菴中丞
贈莊公孫
贈鐘樓寺光忍和尚 贈清公
送張聽雲還鄉省母
集哭菴聯句 答周菊人贈詩
次韻楊岷伯贈詩
茅山登茹峯亭次轡琴韻
重過茅山寺遙望亡友墓
過亡友楊靈空半齋居
贈楊轡琴茂才
石城尋白道人
紀迎龍虎山祠漢天師張曉初
湖南旅寧諸君啓余主席廬盧
寺詩以奉酬
陳仲思輓詩 自題小像

贈別蕭漱雲太史
俞恪士昆仲僑寓滬上相見各
述亂離感而有贈
再贈恪翁一截句
客京都法源寺晨起聞鴉有感
招樊雲門等友人於滬上靜安
寺作重陽會次雲老韻二首
酬陳漢元參議 再贈陳參議
寒夜與吳虎頭坐談
田君梓琴贈詩 山居漫興

八指頭陀詩續集卷一

釋敬安寄禪

牧牛偈示沙彌蓮舫 己亥

觀心如牧牛要將鼻孔穿芒繩在我手收放得自專勿
令犯苗稼時時痛著鞭劣性既已馴乃可樹下眠人牛
兩忘迹草色空芊芊努力策前修光陰勿虛捐

感事偶作

本來行腳慣何用乞心安石亂泉常咽風高雲更寒徒
吟五字穩欲息一枝難萬化歸真定從他變鼠肝

自笑

寒巖枯木一頭陀結習無如文字何自笑強書塵世字
却嘆倉頡誤人多

割肉燃燈供佛勞了知身是水中泡祇今十指惟餘八
余曾於阿育王寺燒二指並刺脊肉燃燈供佛似學天龍吃兩刀
昔俱胝得天龍一指禪後
嘗豎指示人其供童效之爲俱胝所知召而問曰吾聞汝會佛法是否童云是遂問如何是佛法大意童豎一指俱胝亟以刀削之再問仍豎見指斷血流逐大悟

三月上已後六日曾公子詠周招道俗八人雅集

浩園限韻賦詩憶前年此會至者爲易遯叟俞

壽臣陳師曾陳戴白鄭湛侯及其子叔獻與余

共七人今遯叟棲廬山湛侯宰甯鄉叔獻死京

師師曾返章門預茲會者惟予與戴白壽臣而
已

龍城公子詩中史萬有羅胸富神理不妨玉樹雜兼葭
高閣春風淡相倚名園桃李參差香詩壇獨步何堂堂
擎鉢聯吟興未已新篇擲地聲鏗鏘郊寒島瘦何足道
鳳舞龍翔得名早尼山驚巔共遨遊理窟禪宗等深造
座中諸子皆英豪其間舊雨間新交因憶前年同此會
風流雲散蒼天高支公 遯叟自言爲支公後身 已入廬山去迢遞
閩河隔煙霧九疊屏風夢裏青何時却共東林住薄宦
猶憐老鄭虔西河有淚徒如泉陳蕃亦返章門棹三月

煙花空自鬧歡娛曾歷幾何時不堪舊苑今重到彈指
春光又一年忽驚鬢髮已蒼然感君意氣還如昨煮葵
燒筍重開筵清議豪情自殊歟文殊亦受維摩供漫將
禪悅答檀施強作伽陀酬雅頌明朝歸卧衡山雲寒巖
煨芋與誰分鄰侯不作昌黎死眼中之人望吾子

贈朱菴卿太守次卽席崑崙原韻

何年仙客下崑崙欲把西江一口吞金粟前身應已悟
玉堂舊事好重論偶窺龍藏尋禪話會讀羊碑拭淚痕
政事文章在人口不勞吃吃老僧言

贈哭庵觀察登前韻

多生積骨等崑崙淚點都歸恨海吞別有傷心惟自哭
難將此意向人論東西南北魂無語富貴功名夢有痕
山水情濃恩怨淡用公語英雄本色是眞言

感懷二首三四疊韻

休誇大海與崑崙彌勒能將巨口吞十世古今俱是幻
孤雲懷抱向誰論等觀佛祖袋中屑淨拭河山鏡上痕
不二法門親證入拈花一笑更無言

神游吾亦到崑崙日月雙丸近可吞蹈海求仙徒自困
生天成佛豈虛論寒巖枯木孤禪意流水桃花舊淚痕
老我津梁了無濟聊持半偈息羣言

懷黃孟樂大令江南

聽斷蓮花漏滴聲曉鐘殘月不勝情瀟湘水與秦淮水
併作離愁繞石城

贈葉吏部五疊韻

高懷直欲小崑崙雲夢胸中八九吞獨抱孤忠憂晚事
力排邪說吐清論愁聞電候傳邊警忍見銅人泣露痕
厝火然薪時已至治安徒有賈生言

六月朔夢至一山林壑幽秀絕似剡中覺而賦此
山翠濃如潑憑虛排萬峯川原迷遠近巖壑見孤雄虎
吼將崩石雲扶欲倒松溪行正幽絕何處一聲鐘

答李佛翼公孫六疊韻

衡山笑兀卽崑崙萬古雲霞自吐吞芋火巖高香尙在
石頭路滑道誰論禪宗燈續馬師派神禹碑留鳥篆痕
七二峯巒青在眼把筇指點爲君言

重贈實公並題其崑崙集七疊韻

詞峯峻極矗崑崙五色牟尼互吐吞名士風流俱絕調
仙童狡猾莫輕論仙童狡猾乃相精先生戲實公語也懷中諫草都成血
衣上天花不著痕君父恩深難報答焚香長白世尊言

八疊韻送實公入都

何人更解唱崑崙別淚臨岐各暗吞出岫無心雲自懶
冲霄有志鶴同論好憑造化回旋力重補山河破碎痕
我已辭家猶憫世公勤王事復何言

九疊韻贈葵園先生

巍然魯殿重崑崙學到河陽萬派吞自註六經傳正脈
獨持高議息羣論東山絲竹陶情緒北極星辰繞夢痕
知念時艱心更苦白頭猶復闡微言

十疊韻述懷並呈葵園先生

兩輪日月繞崑崙欲被脩羅取次吞世出世間俱有果
人非人等不須論牟尼寶殿含愁影帝釋花冠現萎痕
莫遣狂龍更流毒大鵬忍負負天言

十一疊韻呈葉吏部

平生積謗幾崑崙
誓捨殘軀肆虎吞
助我能脩忍辱行
此人不作絕交論
半肩行李孤雲影
一領袈裟萬淚痕
咀毀從來沒嘆喜
曰魔曰佛任公言

十二疊韻呈笠雲本師

法門望重比崑崙
海海波瀾滿腹吞
自掃白雲遲客至
不將丹訣與人論
心香一瓣爐無燄
面壁多年石有痕
我學神光思斷臂
門庭立雪乞師言

漫興和江右謝渭巖韻

須彌頂上踏雲霞
俯視支那祇一華
碧海青天鵬作屋
蘆花秋水鴈爲家
人民何異生風蟻
歲月真如掣電蛇
古往今來皆夢幻
誰從火宅問三車

秋懷

西風吹淚上袈裟
兩鬢蕭蕭感歲華
老去一身渾似葉
愁來四海總無家
遠公社裏蓮將落
陶令籬邊菊未花
欲白空王先痛哭
可憐歷劫已恒沙

感懷呈蔡伯浩觀察

蕭然瓶鉢欲何鄉
垂老天涯鬢已霜
出世尙爲人所忌
浮名終與道相妨
秋江水落魚龍遁
野寺雲生狐鼠藏
一掬西風知已淚
焦桐猶遇蔡中郎

贈按察使端公八韻

端公有道骨
五欲不能醺
秉節辭丹陛
分曹憶白雲
官刑部燕人思舊德
楚老頌新芬
霜落柏臺淨
風清柰苑聞
和羹期十載
煨芋好重分
待畫麒麟閣
相隨鸞鳳羣
元根知己固
案牘莫言紛
他日西山頂
丹成駐夕暉

讀丹分多

中秋夜偶作

太虛雲淨欲三更
趺坐繩床萬慮清
丹桂著花寒有影
碧梧含露靜無聲
世途漸已崎嶇過
吾道多因患難成
難得今宵好圓月
照人偏向定中明

贈陳六笙觀察并序

公官浙久歷任杭台諸郡
由杭嘉湖道遷湖南
岳常澧道旋權衡永道
已亥夏權鹽巡道署側
萬福禪林爲公供養香火
處延余主席感賦六絕以贈

錢塘江上射潮來
多少魚龍勢盡摧
怪底詩中有雲氣
曾扶拄杖到天台

湖海元龍意氣豪
眼中甯有霍嫖姚
剔鬚投贖真奇士
何止淵明懶折腰

別蔡公在蔣果敏營時事

南來爭識老人星
三載清風滿洞庭
應笑神仙祇耽酒

岳陽樓上幾時醒

偶移使節駐長沙老去逢秋興倍賒料得公餘無箇事
一簾疎雨詠黃花

欲將妙筆比羲之鐵畫銀鈎老益奇北海無人魯公死

浯溪嶽麓要新碑

公會書劃山二字方廣
丈餘刻於浯溪崖壁

衡嶽高高凌紫氛鄴侯遺澤尙流芬懶殘爲感平生過
替守青山與白雲

憶天台茅屋二首

昔年台嶽三間屋置向千巖萬樹尖華頂平鋪雲作海
石梁橫截水爲簾

一作開戶却看雲在
扁掛簷祇用水爲簾

多栽紅芋仍充

飯淡煮黃蠶不著鹽回憶山中無曆日看梅花卜歲將
淹

壞衲蒙頭夏不溫萬峯寒翠冷心魂老猿去摘霜晨果
餓虎來窺雪夜門袖底白生知海氣眉端青壓是天痕
赤城合眼時仍見笑把朱霞帶日吞

憶南嶽烟霞峯舊居

懶攜瓶鉢走天涯嶽頂還思著我家沙罐夜煨紅米飯
竹籃春摘白芽茶倦眠一石雲爲枕冷人千林雪作花
何事人間頻乞食此心已是負煙霞

過湘陰屈子祠

湖上微霜踏葉過荒祠寥落倚巖阿湘娥隔浦啼秋竹
山鬼迷煙帶女蘿異代惟留騷客恨獨清其奈濁流何
當年不作懷沙賦終古無人弔汨羅

秋夜寄懷周笠樵舍人用見懷原韻

龍宮鐘梵暮飄蕭耿耿秋懷鬱不消簾下香憐黃菊瘦
意中人共白雲遙禪心朗印千潭月詩思寒生一葉蕉
準擬明春來問訊高吟同送百花朝

宿萬壽寺曉登雲麓宮望城中一首

理筏涉風濤杖策度林樾楓壑流遶丹桂嶺明秋潔暝
投精舍宿禪誦猶未歇高松墜寒韻深澗貯涼月寂照
兩俱融根塵忽起越晨鐘從定起幽途冒煙發迥露躋
山椒憑虛俯城闕邈矣衡嶽雲皎然湘流雪至理匪言
詮冷泠契禪說

十三疊韻贈陳默廬觀察

庚子

元龍豪氣撼崑崙畚收取黃河當酒吞世事且隨雲共幻
此心宜與月同論西湖夢覺黃鸝語南浦春回碧草痕
他日寒巖煨芋熟可能來踐嬾殘言

十四疊韻與默廬論道

掀翻大海倒崑崙魔佛齊教一口吞是聖是凡名強立
非無非有意難論欲參最上真如諦淨掃虛空粉碎痕

妙意微茫須自悟豐干饒舌豈能言 （三）

戲答沈炯甫

從他腰繫紫金魚似我山居恐未如鳥解啣花猿獻果
虎能守戶鶴傳書定中流水自清冷身外浮雲任卷舒
欲把禪心印明月池邊種樹不妨疎 （六）

示僧可

平生所寶爍迦心不貴人施佈地金幽谷有蘭都作草
懶雲入岫豈爲霖惟愁食量隨年減且喜吟髭逐日深
蓮社交遊多礙道欲借惠永住西林 （十）

蔡仲岐廉訪自江右寄示寓真軒詩鈔及放游錄

題此奉贈

蔡公曠達世罕儔罷官還作名山遊直浮洞庭下鄂渚
欲攜黃鶴隨白鷗匡山攀斗興更發忽放扁舟入吳越
錢湖禹穴恣冥搜鴈蕩天台詫奇絕迢迢渡海謁神京
爲愛西山爽氣清重瞻鳳闕應垂涕誰念孤臣去國情
倦游且返西江棹世外烟霞從所好不因謫宦遺塵纓
聖地靈區幾時到嗟子禪寂廢幽尋孤負蒼茫雲水心
何當一宿東林寺共聽蓮花曉漏音

憶四明山水四首 並記

天童山距甯郡六十里四明志載晉時義興禪

師結茅於茲感太白星化爲童子給侍薪水故名天童又名太白宋王荆公及明人皆有詩山有宏法寺舊稱玲瓏以寺西玲瓏巖得名陸游有游玲瓏巖詩余於癸未春習定巖中一夕步月歸寺見蛇於池蟠聳如塔忽虎聲嘯林雷雨交作溪水陡湧數尺詢老宿云山中數十百年龍虎必鬥門則海上兵起未幾法人入寇四明山好是天童我昔誅茅住此中二十里松青夾道萬千竿竹綠浮空長蛇盤澗水湧塔老虎嘯谷林生風願逐白雲還絕巘頻年棲定碧玲瓏

阿育王山與天童並峙爲四明佛地按阿育王傳

王於釋迦佛涅槃百年後始生爲鐵輪王有神力碎七寶爲末和以香泥於一夜造八萬四千塔每塔置舍利一顆請耶舍尊者放光八萬四千道勅諸鬼神於閻浮提選六殊勝境八吉祥地乃安一塔中國舍利塔古十九處阿育王山所藏其一也山有放光松以宋時舍利於松上放光故名太宗聞舍利靈異迎入大內初以火燒鍊色愈光旣使力士以金剛椎擊之無損痕而椎破矣舍利光燭宮殿因額塔曰最勝光明

之塔殿爲吉祥殊勝之殿蓋舍利卽華言堅固
人能三十年固精不搖則遍體皆生舍利但無
光若佛舍利乃神應無方耳

青山如鳳欲迴翔勝境天開八吉祥舍利有光爭日月
浮圖無語闕滄桑長松偃蹇蛟龍卧古殿陰森神鬼藏
我有茅庵臨絕頂白雲應爲護禪床

七

雪竇山在甯波奉化縣山水爲浙東第一資聖寺
當山椒寺前諸溪匯積出奔於千丈巖巖腰一
石竇激水騰起散爲飛雪故名雪竇千丈巖與
徐覺巖瀑皆數千丈而上中下三隱潭之瀑比

之天台石梁爲尤奇下潭側突立石笋數千仞
苔花繡錯如優波毬多入定天魔以纓絡繫其
頸循石上爲妙高臺俯視天台四明出沒雲際
如拱如揖昔米高宗夢至一山臨海上巖壑幽
邃覺而異之詢羣臣知爲雪竇乃書應夢名山
四字榜之今石刻尙存

昔年取道入天台曾打溪橋越嶺來瀑布晴飛千澗雪
洪鐘曉動萬山雷青松有約長偕隱白髮無情老更催
却憶龍潭秋夜月夢魂時繞妙高臺

普陀山在大海中去定海三十里寒暖適宜草木

青蔚山多蛇性馴無毒論者謂大士所感又世
稱紫竹林者在此是間無竹惟石色紺紫紋若
黑竹然因以是得名環山皆精蘭梵刹鐘磬鏗
然當夫海淨空澄登佛頂峯望之恍置身琉璃
界上幾不知有人間世也梵音洞乃大士現像
處四衆睹者不同吾湘郭意城先生來此瞻禮
摩隨心現像四字於壁

昔余浮波入大荒一葉與之相低昂黑風險墮羅刹國
白日愁渡蓮花洋舟人忽云彼岸到估客爭執旃檀香
法筵清淨未曾有海水盡放琉璃光

寄題蓮峯方廣寺並東寶上人

踏徧衡山翠萬重舊遊吾最憶蓮峯潭光陰黝龍藏毒
草色深青鹿養茸野徑斜陽穿壞塔寺門蒼雪墜寒松
別來徒有煙霞夢塵海茫茫負此胸

（三）

陳六笙觀察寫其像爲老比丘說法狀以六美環
侍其側題曰六賊戲彌陀蓋取楞嚴六根爲賊
之義因說四偈奉讚

茫茫宦海浪掀騰此老蕭閒似野僧身未出家心已淨
故將禪悅寫溪藤

（十）

何來六賊戲彌陀都是心中自起魔迷則六根成六賊

悟時六賊六波羅

子思

欲界凡夫祇醉迷深山愁煞老閻黎牟尼在握人誰識
顛顛能清濁水泥

維摩詰是箇中人天女何妨繞定身打破色空關板子
觸髅頭上野花春

子思

挽朱萼生觀察二首 並序

歲乙酉於黃容瑞孝廉處見君相與談越中山
水甚樂屢約爲棠坡之遊不果後數年又遇於
衡州雁峯寺自此遂不復面矣嗟嗟浮雲一別
泡影三生追憶曩游不勝悽惻因爲挽詩二章

以志蓮社之交云爾

昔時黃大令見我總論文高視無餘子清談每及君如
何林下約空望嶺頭雲四月湘山路鶯啼不可聞

衡州一爲別忽忽十年餘摩詰常多病稽康罕寄書因
悲哲人往轉覺故交疎寂寞蓮花社誰過惠遠廬

題朱孝廉夏灣別墅一首 並序

予與景喬孝廉別三年矣庚子夏五以事至棠
坡得重晤話舊極歡明日遽予過談適章癡生
茂才館其家章固風雅士一見如故論詩之暇
相與嘲謔雖東坡佛印不是過也景喬稔知予

性饕餮每食必勸加予以連日言食頗倦偶假

寐却餐景喬詫甚借章戲曰師不食得毋以園
蔬味薄耶晚間當供水梭花且曰此物食水草
性潔非葷捨師五臟廟中與黃齋白粥同參禪
悅師當納受予吃吃難辨詩以答之

故人命筍輿速我至山居一笑成佳會清言論道書微
涼生砌竹細雨摘園蔬卽此有真味何須勸食魚

又思

初伏日題宿雲律師禪房二首

碧梧葉淨自生涼三兩幽禽語夕陽閒捲疎簾坐微雨
藕花風透衲衣香

尊者慈心伏虎蛇閉門常誦妙蓮華鉢中留食知師意
應念庭槐有乳鴉

子思

王子鴻參軍自衡郡養疴還省贈詩一首

參軍亦吏隱長歌遺塵纓閒居謝物役以病固其精昨
經衡嶽歸夢中山猶青念彼嗽名客擾擾神無甯石火
爭微談幽谷競虛聲豈知曠士懷不爲好爵榮高結黃
鶴契冷尋白鷗盟伊余美元度時輿論金經有我卽爲
患况復有吾形淨理雖自契心月徒孤明終期妙善圓
一悟證無生

題龍莫溪明府眠琴綠陰小影

池邊雙柳樹綠色已成陰時有好靜者於茲調素琴
君流水意寫我出塵心不悟鏡中影誰知絃外音

重晤陸桂亭明府

並序

辛巳冬余挂錫明州阿育王山寺公與兄桂山
茂才見訪於秋水山房誦余水清魚鷺月山靜
鳥眠雲之句極加歎賞乃借觀金沙井玉几峯
諸勝公所居寶幢市距寺僅二里許時相過從
明年秋余因事至杭州適鄉闈揭曉公兄中式
然已於榜前謝世矣識與不識皆痛惜之時壬
午九月也越二年余還湘與公不通音問者二

十年去歲有僧自明州歸詢公近狀始知公於
數年前以進士授吾湘新田縣尹今秋公調簾
回省聞信走謁若昧生平語及舊游始得恍悟
遂相與泫然感賦此詩

昔於阿育王山寺會見君家好弟兄玉几峯頭看月坐
金沙井畔踏雲行追談往事如昨日久別初逢似隔生
太息故人今宿草西風吹淚各縱橫

余既晤桂亭明府旋送其還新田重贈以詩

二十年爲別逢君又送君何堪一揮手便隔萬重雲
色隨帆轉灘聲作雨聞舟中對明月應憶白鷗羣

八月十七夜許正卿過訪贈詩依韻奉答

寂寂一鐘音蒲龕坐夜深秋燈無熱酸寒樹抱冬心不
是幽人至誰同冷處吟相留咒雲片勿使月輪陰

夜坐

古寺夜誰鄰孤禪影自親破窗風滅燭窺隙月尋人頗
得真寂義猶留未了因晨鐘數聲動愁見六街塵

秋夜

老猿解禪定夜久亦無喧室白月在壁燈昏風動牆孤
衾樓冷夢寒葉歛秋魂雨過添衣坐泉聲穿竹根

夜坐有得

丹桂吹香過碧岑蒲團枯坐夜禪深殘星墮戶白生室
秋鬼提燈綠入林萬壑松寒孤鶴夢千巖月落一猿吟
超然象外忘言說惟有虛空印我心

入指頭陀詩續集卷之一終

八指頭陀詩續集卷二

釋敬安寄禪

碧浪湖感舊詩一首

湛湛湖中水，栽栽湖上亭。昔余恣幽討，每借道俗經。弭棹撥芳蕙，披煙憩寒汀。俄驚鬢鬢改，始覺歲月更。陵谷一遷變，蘭蕙繼彫零。重尋迷術阡，往迹翳荒荆。積阜蔽遠觀，枯魚唼乾萍。潛龍既失勢，圯龜今成形。逝川無迴波，浮雲靡停征。衰草競秋綠，寒山猶舊青。感故生新悲，觀空有餘懷。

山行既暝還憩松寮宴坐有得述爲偈言

山人午睡罷，山鳥時一鳴。悠然起逸興，縱步林間行。溪雨散微涼，空翠搖孤清。叢竹翳荒澗，秋桂流遠馨。白雲賞我趣，夾路如將迎。林深不見人，稍辨歸樵聲。幽情既已愜，植杖返柴煙。蘿含暝色鐘，梵何泠泠夜。深禪更寂松，際月孤明靜。對忽忘照身，心亦已冥言。思難恍惚，強名曰無生。無生豈可證，一悟躋元局。神會罕與同，默然空含情。

陳仲鹿觀察需次湖北新奉奏調陝甘將赴行在來湘省親病故於鹽署賦五律十八韻哀之

一聖蒙塵日，羣凶亂國辰。生靈苦塗炭，宮殿化荆榛。數

暴須良佐扶，危倚哲人正。平才絕俗文，舉薦殊倫。黃屋求賢急，丹書拜命新。趨庭方適楚，赴闕卽過秦。鬼伯何相促，天公甯見噴。西河揮老淚，南嶽失芳鄰。煨芋竟誰贈，歌蒿獨愴神。彭殤均大化，支許或前因。白社論交晚，青門悵別頻。幾曾淹日月，終古卧松筠。苔冷題詩壁，香餘漉酒巾。含悽開梵策，隕涕望楓宸。徒切看雲思，難留砥柱身。撫時空憤激，嘆逝屢酸辛。欲下巫咸問，還將楚些陳。恐傷顏路意，不敢哭回仁。

義甯陳中丞挽詩二首

疾雨驚雷挾嶽馳，天南一柱遂難支。滄波東海橫流急，

白首西山拄笏遲。功罪一時原未定，春秋千古豈能私。鄂州遺愛何容泯，應爲公刊墮淚碑。

見說辭家四十霜，歸來舊業已全荒。旣無彭澤五株柳，那有成都八百桑。死痛青山難葬，骨生憐白鶴與休糧。公罷官後結廬西山嘗蓄一鶴自隨今歲先公而逝公哀之爲銘以瘞道人平等無恩怨猶自湛然對夕陽

李郁華明府以石濤所畫老樹枯禪圖索題圖中

原題有空山老樹一坐四十小劫十字因反其意爲四偈

莫倚藏身有此圖，如如不動祇踟躕。忽然劫火燒塵刹，

留得空山老樹無

一瞬恒沙劫數過休云是定祇名魔因他了解禪宗意
死水徒然不起波

此事須憑一悟真虛空粉碎露全身回觀文字皆糟粕
有口何能舉似人

末劫刀兵苦事叢瘡痍滿目盡哀鴻阿師若具慈悲力
何忍低眉坐樹中

山居書懷十二韻

二十餘年事回思淚卽傾每憐龍象泣不避虎狼行毒
草終難剪幽蘭恥競榮身全緣咒力道退誤詩名未證

三乘果空堅五字城苦吟生白髮多病覓黃精坐久蒲
團破寒深布被輕老來耽靜僻客至懶逢迎苔蘚沿階
上藤蘿向屋橫池虛惟受月樹密但聞鶯冷翠藏陰壑
微雲養太清祇嫌樵子過使我小猿驚

遣興

鎮日蒲團坐若痴興來說偈便成詩傍人若問余何事
也要消閒十二時

感事二首爲王莘田作

皎皎晴虛絕點塵忽然雷火欲焚身老僧冷坐蒲團上
不信曾參竟殺人

君與某姓名相同被
誣幸大吏公明得釋

一紙疑書是禍根小民忍痛復何言始憐湛湛湘江水
終古沈冤有屈原

山居戲作

青菜堆盤任飽餐幽居有味却難言風雲變幻悲塵世
草木榮枯見道根孤月自澄潭底影千花徒艷鏡中痕
老來豪氣消磨盡閒戲癡猿擲果吞

書懷兼呈梁孝廉

結習惟餘文字存每憑定力攝詩魂顏從撚斷吟逾苦
一字吟成一淚痕

由來此事解人稀白首淒其向翠微雨過楓林秋瑟瑟

孤雲一片冷無依

却抱瑤琴不忍彈松根煨盡磬聲殘衲衣夜冷知山雪
明月梅花祇自看

欲把幽懷語向君青天一鶴久離羣人間無處留清夢
長在千峯頂上雲

贈張辛伯先生

八十一翁如後生出門無杖亦能行兒時親炙阮文達
老輩平交何子貞

公與何貞老俱
出阮文達門下

台嶽看雲曾獨往洞
庭醉月每孤傾不須更問禪宗意閱盡滄桑道眼明

贈沈炯甫卽次葛倦翁原韻

沈子抱孤憤雞中鶴出羣心齋能學佛筆陣自成軍入道輕朱紱尋僧話白雲相交真莫逆不獨在論文

贈吳漁川太守六首 並序

庚子七月夷兵犯京師兩宮率王大臣貝勒數人微服出狩閱二日人馬飢憊時公方辛懷來奔赴榆林鎮躬迎車駕入城始進服膳慈聖泣曰我出京至爾邑沿途不見一百姓何況官耶汝獨迎我誠忠臣也語及義和團民卽痛哭失聲蓋邊禍實由民教相仇也明日起蹕西巡提公知府未幾命赴兩湖催餉余與公別十年矣

重晤長沙爲述二聖蒙塵情事及恩遇之隆相與痛哭於其行也賦五律六章以贈之

故人不相見幾度薊門秋忽奉秦中詔還爲湘上遊白雲聊共話滄海尙橫流一掬傷心淚南來灑未休
煙塵方瀕洞朝士半偷生念子將王命慚余憇化城空云龍象力難息虎狼爭欲上祝融頂迢遙哭帝京
强鄰何太酷塗炭我生靈北地嗟成赤西山慘不青陵園今牧馬宮殿祇飛螢太息蘆溝水惟餘戰血腥
聞說西巡日慈輿涕淚頻可憐堆白骨祇是痛黃巾邊地猶防寇長途不見人倉皇二百里供帳始微臣

莫小懷來縣曾停帝后車園蔬充御膳官舍奉宸居奇遇人皆說忠臣聖所譽不知沾雨露感激更何如

天涯歲云暮王路復馳驅絕塞一鴻遠遙天片月孤行吟辭白社歸夢繞黃圖回首衡雲隔還能相憶無

羅順循大令自直隸新歸又有日本之行作此贈別

死地生還又別家一身如葉去中華秋風日落田橫島海色寒生博望槎豺虎未平空有恨魚龍相狎靜無譁扶桑到日應重九何處登高對菊花

題劉樸堂觀察白雲課耕圖

戢戢瀉山高湛湛瀉水流中有素心人愛此林壑幽豈忘稼穡難繞屋皆田疇田夫力作苦歲時無少休晨光猶未晡烟中聞叱牛山人憫其勞盍漿每見酬曰農聽余言富貴豈外求勿辭四體勤五穀豐有秋披圖識深意望雲心悠悠

寄葵園老人二首

九天一疏大瑣驚垂老煙霞懷野情應笑山僧未忘我與人猶自競詩名
老人老矣復何求白首栽松爲鶴謀今日巢棲霜露淨西風長憶仲宣樓

小雪日過王朔鈞茂才觚齋戲題

觚齋不厭百回過一笑論文樂有餘得句固應爲我喜
有詩還要倩君書孤城細雨重陽後古寺寒鐘小雪初
待拾枯松煮野菜相邀粗飯意何如

見各作絕句四章寄之

長沙黃仲蘇龍硯仙俱以知縣需次江南人別不
問疾毘邪憶昔年一牀方丈共譚禪文殊枉自多才辯
杜口維摩意更玄

世界三千一粟看眼光如月照人寒可憐天上四禪客
屈作江南七品官

萬卷牙籤傲鄴侯等身著作自千秋十年宰相尋常事
懶向殘僧乞芋頭

青松手種已成圓不改清陰待鶴歸何日紫微山上寺
一湖煙水自忘機

右寄仲蘇

人與牟尼結淨因了然心地不生塵惟於陶令偏相念
曾作蓮花社裏人

香火緣深老不忘湘江風雪記聯牀故人徒有吳黃在
義承贈詩有故人吳黃昨

相見謫子佳句逢人傳句

瘴雨蠻烟各一方
一刻滄桑幾變更大江東望不勝情昔年兩鬢青青客
料得憂時白髮生

聞道咸陽駐翠華不禁清淚溼袈裟孤雲出岫宜爲雨
五柳成陰莫憶家

右寄硯仙

題沈伯華明府吳興城南老屋圖卽次山陰中丞
原韻

浙游恨未到吳興山水清奇自昔稱水作碧環明皎皎
山如翠浪捲層層

曾談三乘鹿牛羊

趙松雪會延中峯國師於吳興講法華牛鹿羊三乘大義

峯舊講堂松雪無人鷗夢冷

趙松雪圖波亭亦在吳興時間倦梵下

殘陽一幅城南好畫圖蕭閒竹樹綠陰餘春風十里若溪水

直接詞人白石居

姜白石故居距若溪最近

貧僧亦有天台屋守戶溪猿想尙存安得相攜入雲窟
卧看飛瀑老山村

題鄭湛侯明府停雲十二圖

淵明昔有停雲作湛老今爲話雨詩北固繁瑣猶在耳
東臺佳會豈堪追

圖中有北固繁瑣東臺佳會諸詠

畫圖十二皆陳迹

世界三千總幻思觸我故人存歿感虛堂對影淚如絲

哲嗣叔獻孝廉曾與余照影留別每一瞻對輒爲黯然

題魏春階司馬看劍圖

長鯨吸海波瀾枯神龍徙宅遺其珠大千腥垢無淨區

人天隕泣宗社蕪昭陵魏侯烈丈夫古之任俠今則無
赤手欲將天柱扶龍泉三尺隨身俱酒酣看劍長歎吁
國仇那敢忘須臾青天朗朗明月孤行矣努力毋踟躕
殲除毒虺斬豐狐妖魅閃屍伏其辜血腥盪滌劍不汙
功成皈依佛之徒老僧待子蒲團蒲

武陵春傳奇書後

世已無淨土煙波寄此身長論楚天暮一曲武陵春時
事紛棋局生涯托釣綸滄浪何處是滿目但迷津
而我出世者幽憂未可言有身成大患無地著空門塞
海哀精衛蒙塵痛至尊含悽向漁父休更說桃源

贈日本中炯合山

君從日出處萬里到潭州時事滄桑感風濤海國秋不
辭遠行役豈但美遨遊相對情何極高吟月滿樓

懷日本岡千仞卽次甲申夏日遊四明天童玲瓏

巖原韻

高人白首卧東瀛應憶天童水石清洞古苔深無客到
巖陰晝靜有蟬鳴松杉曾見當年植鐘梵同聽下界聲
雲海茫茫萬餘里因緣強自說來生

寄遜叟

九江廬阜下遜叟此棲遲常遣青鸞馭遙招白老兒哀

時餘涕淚辟世有須眉安得隨吟杖青山掇紫芝
白老見西山得道蟬
精數降此與公和詩

上林寺入院示衆

上林鬱旃檀不雜凡木香龍象此蹴踏豈容狐兔藏敬
也暗內修虛名徒外揚自辭雨華請人與人天荒焉知
十二載避席仍升堂寂寂本無照冥冥似有將願爲甘
露雲薈蔭火宅涼願融百毒味併作醍醐嘗敢告大衆
言努力各自強勿隨識浪鼓沒我浮海囊勿被毘嵐風
撼我須彌王此事如磨鏡垢淨自生光但令狂心歇卽
是菩提場

辛丑夏俞壽臣既歸江南爲詩補贈湘江之別並

寄其兄恪士觀察陳伯嚴考功兩家父子次錢

牧齋贈別蕭白玉原韻十首

久矣萬緣寂其餘別思何空持投轄意還忍聽驪歌湘
上春愁遠江南煙景多因之憫吾弟無計慰蹉跎
胞弟
子成

流落
江南

音塵雖已隔猶自恨離筵白榜春波棹黃梅細雨天重
逢方匝月小別已經年不折垂楊贈柔條亦可憐

卻憶陳公子追隨似目前因開白蓮社同放碧湖船高
閣坐秋雨孤蟬吟夕烟舊遊那忍說彈指十餘年

元武湖中月遙知泛短篷涼生蒲葉雨香送藕花風悵

望千山外沉吟五字中離懷無處寫珍重託郵筒

勝遊難再遇回首一沾衣舊雨幾人在孤雲獨自飛寒

燒槽拙火久息箭鋒機他日匡山頂相期皓首歸

比部別余久改官淮水濱買山曾有約蹈海復無人萬

戶同聲哭四夷何日賓九原如可作應更泣孤臣謂四

人

出世嗟無補含悽卧紺園既傷麟在野還慮虎窺藩靜

覺風幡動苦吟霜鬢繁知君情更切不寐月臨軒

慎郎恪士及師子伯嚴與我有幽期皎月光初滿浮雲

變豈知分飛從此日把晤更何時天地荆榛塞徒然眷

所思

且自拈花笑休懷厝火憂求仙原是妾媚鬼亦堪羞易

到無爲地難乘有漏舟故鄉期共返莫祇認并州

浮生如旅泊大劫祇崇朝早避紅羊出堅辭白壁招澄

心觀水月托迹向漁樵若悟無生理封書慰寂寥

夢洞庭得句

昨夢浮杯渡洞庭湖波汨汨雲冥冥岳陽樓上坐吹笛

飄落君山一髮青

八指頭陀詩續集卷之二終

八指頭陀詩續集卷三

釋敬安寄禪

酬但方伯惠扇

煩暑忽已失仁風忻奉揚如臨谿石坐自覺衲衣涼老
樹生新蔭幽蘭吐妙香何當慰黎庶披拂及林塘

疊前韻再贈

此老漫云老摩雲健翻場高齋談淨理一雨送微涼烏
維梵音語風繙貝葉香謝公詩興好青草滿池塘

雨後茅亭小憩二疊前韻

茅亭宜宴坐鳥語自幽揚綠竹洗寒翠碧梧生夜涼禪

心無住相佛火有餘香定起看明月荷風來曲塘

桐桂山館三疊前韻

山館蘊芳馥清風時一揚庭陰不知午心定自生涼竹

几緇經倦藤花落枕香遙憐遊子夢千里下瞿塘公長

子黃太守將由蜀奔母喪來湘

感事復呈四疊前韻

時事方棘手王風久不揚江湖波汨濫天地色淒涼獨

灑憂時淚長焚靜夜香知公心更苦請築捍潮塘

酬翼龍陽五疊前韻

哲人若蘭蕙芳馥靜彌揚眞想不隨俗清吟自灑涼公

磨心作鏡我熱戒爲香談笑入淨理蓮花開野塘

憶天台方廣寺

天台方廣寺杖錫憶曾經虎吼山欲動龍潛水亦腥仙雲千嶂白鬼氣一燈青靈境難重到幽懷未易昇

題城南金剛院

城南古蘭若客至澹忘歸地僻羣塵遠堂深梵磬微嶽痕青入夢雲氣白侵衣欲乞坐具地安禪靜掩扉

程子大讀余四明山水詩有贈次韻奉答

十載游踪徧浙東海濤翻雪吼洪鐘蒲帆泛月尋幽島竹杖挑雲入亂峯最憶普陀浮海刹難忘舍利放光松

報君一語君應怖曾向空潭咒毒龍

四明深處舊禪房海色猶來夢裡蒼太白峯爲山所祖大龍湫是瀑之王烟霞有約愁難踐松菊無人想就荒今日因君話甌越萬重雲水自茫茫

送陳伯屏方伯入覲

忽辭蘿薛理行裝千里乘風謁

帝鄉卻指雲山留後約便隨鴻鵠起高翔湘城夜雨星辰濕蹕路秋花劍佩香臨別殷勤煨芋贈十年箇味要親嘗

省曇和尚自醴陵來索題雲巖寺詩

見說雲巖寺天然境最清幽泉穿樹出有泉自樹中出者爲枯木井峭壁碍雲行萬籟隨鐘寂雙池受月明寥寥坐禪地應可證無生

靈巖飛翠連衡嶽大刹知名冠醴陵萬古天青墮爲石中宵鬼綠聚成鎧老猿伏澗啼秋雨饑鼠緣松嚙瘦藤何日雲間結茅屋白頭相伴兩三僧

哭黃大令蓉瑞三首

逢人輒自嘔心肝古道懸知入世難祇合山林充大隱強求菽水就微官十年五斗緣猶薄一死孤雲影更單夢裏相逢還似昔贈衣應念老僧寒昨夢大令過新贈衣話舊情致殊殷

詞客江南信可哀魂兮何日始歸來名山竟負當年約亂世虛生絕代才地下修文應有俸人間避債已無臺好將平日憂時淚灑作黃泉酒一杯

支許論交十七年回思往事益淒然種蓮同結碧湖社煮茗曾分白鶴泉自許漆園爲傲吏獨推賈島是詩仙觀空尙漬袈裟淚不是尋常哭逝川

聞陳考功窮居江南尙能周恤死友黃蓉瑞大令

感其風義作此寄之

謫宦棲遲淮水邊故人貧病尙相憐興來共蠟遊山屐窘極猶分買藥錢天上玉樓傳詔夜人間金幣議和年

哀時哭友無窮淚夜雨江南應未眠

送王翊鈞參軍之官浙江

浙中地勝擬蓬萊薄宦於茲亦快哉
台嶽天青雲海現胥江濤白雪山來
扁舟夜泛湖心月孤嶼春尋水面梅
他日衙齋公牘少清遊應喜道人陪

送俞壽臣觀察之江南時舍弟子成方謀食江淮

並及之

木落秋心苦何堪送故人煙霞老難別
骨肉罕相親請以愛我厚轉爲憐弟
貧江南千里道悵望一沾巾

十月初三夜夢中得詩一首

大千劫火一時然鐵骨於中鍊已堅
振錫深山解虎關求珠滄海驚龍眠
萬家香飯歸禪鉢八部花雲散法筵
兜率蓬萊俱不着蓮華佛國息吾肩

十月初五谷山掃剃度本師墓

微霜下林杪木葉皆飛黃送師座斯土
俄已三重陽茲來一展眺風物殊蒼涼
秋山靄餘翠殘菊猶芬芳憶我薤菜時
傳衣披我長師年未五十鬚鬢俱青蒼
師命我行脚遠帆南海航一身托雲水
十載還沅湘師年六十六面皺身則強
日行三由旬迅若空鳥翔如何十四年
老病成頽唐我從瀛山歸侍疾未離牀
我每泣語師請

愼溫與涼師笑謂我言是身眞革囊盛穢無一淨捨之
復何傷若人負重債於理豈不償五陰旣非有四大隨
分張師竟棄我去游神泥恒鄉慧燈燿恒照苦海失津
梁四流欲誰濟昏夜何茫茫緬懷平生儀灑涕對迴崗
山川有搖落斯痛永無央

由谷王山越嶺行至寶林菴時常長老爲其徒敏
眞徒孫性華修墓工竣敏在日與余言道甚洽
歿已二十八年性則爲余法嗣因作詩一首志
感兼呈常公

峭嶺蘿徑微抗袂越雲行叢薄帶眼色寶林開化城常
師此駐錫頭白罕所營羣推法門舊與余爲弟兄吁嗟
三十載迅若流電驚念公賢弟子實爲柰苑英慧悟信
絕倫惜不永其齡性也繼敏秀從我問無生無生詎有
滅高塚何崢嶸寂子豈眞寂林鳥演梵聲皎皎雲間月
猶似道眼明神理固仍在老淚徒縱橫勿爲逝者哀存
歿皆凡情

送和菴上人主錫嶽麓萬壽寺

蘭若闢西晉法崇實初祖衡山何巖巖分秀鍾靈宇孤
城隔湘波經臺隱烟樹風篁響梵音鶴泉流法乳我昔
維摩室瓣香笠雲圖

笠雲圖公爲余
嶽麓得法本師鈍根負虛望於道

會無補上人有雄力龍象繩其武既應大眾請詎畏羣
魔侮願彼篋戾車同沾甘露雨伊余忝法親來聽上堂
鼓卻笑瀉山牛和蒼爲余瀉山法嗣今作虎岑虎
遺事見傳燈錄
堂唐景岑禪師

郭詞白大令招集碧湖爲展重陽會卽席有作

霜寒天宇淨碧雲生微陰烏沒烟際帆鐘清湖上林夫
君敦古歡良辰展幽尋駕言踐靈約緬焉穆余襟伊蒲
悅禪味迦葉動苦吟青條殞秋露黃菊艷餘金歲宴興
未闌交新意逾深前塵悵已渺眞賞折在今勝游安可
紀聊用謝知音

前詩未竟其意復紀一律

紫微山上碧湖宮轉瞬浮雲往事空高士蓮花還結社
老僧霜鬢已成翁十年再展重陽會一座惟餘二妙同
謂曼开潤民二公會侍玉池老人展重陽於此
太慰玉池今宿草忍聽落木動
西風

碧湖懷古疊前韻

湘春門外馬王宮五代荒涼霸業空閱盡繁華成老衲
漫將時事問漁翁湖山亦逐滄桑變天地徒看日月同
塵世興亡何足論且携長笛弄松風

孫姬瑞孝廉聞余談浙東山水有贈次韻答之

飄然十載浙東游舉壤生涯信謬悠鐵鉢夜敲青嶂月
銅瓶曉漱碧潭秋定中水闌窺龍窟眼底雲生結蜃樓
更擬明年渡瀛海扶桑咫尺引吾舟

袁叔輿戶部寄示金陵詩社門存唱酬韻見懷之
作次韻奉酬 王寅

卧雪清承舊德門新詩遙寄到荒村一時相見風流盛
千里如聞笑語喧戀闕定迴金鎖夢探春初返玉梅魂
終當杖錫來相訪割取安禪片石存

寄題易哭庵觀察廬山琴志樓疊前韻

大好琴樓近石門等閒拋却綠蘿村且尋笠屐林巒約
遠避風濤海國喧三峽泉聲蘇渴病五峰雲氣淨詩魂
匡廬山色清如許中有蓮花舊社存

懷義甯陳吏部三立再登前韻

聞君打槳返章門拄杖時尋郭外村襟上長餘山氣潤
花間微覺鳥聲喧舊游可憶白雲侶近事應傷碧海魂
彈指滄桑紛萬變中原一片夕陽存

憶金陵舊游三疊前韻

托鉢曾沿白下門西風黃葉舊時村鍾山月出夜禪寂
淮水潮生午渡喧萬古烟雲悲過客六朝花雨冷香魂
定林寺裏經行處妙意微茫空自存
東坡有妙意持行定林寺及妙意有

在終微
茫之句

述懷答友人四疊前韻

何分白屋與朱門俯視閭浮等一村
施食每憐山鬼嘯安禪曾制毒龍喧
沽來蓮社高人酒醉倒梅花處士魂
文字情深道緣淺多生結習恨仍存

寄陳公孫師曾五疊前韻

公孫宿世我同門甬上猶留乞食村
山色當窗常在定潮音振海了無喧
曾參柏子禪宗話僧問趙州如何是
祖師西來意州云庭前柏樹子
錯認桃花倩女魂萬古青天堪作證
浮雲散盡月孤存

贈陶荔南

陶公奇氣若無人垢面蓬頭率性真
一卷孤吟寫冰雪空山茅屋自生春
如子信有貧賤癖鮮衣美食轉生嫌
省城隍廟無常側鬼語啾啾睡未甜

日本岡千仞寄次甲申夏同游天童
玲瓏巖韻見懷并所著觀光紀游感
登原韻二首

尺書報我自東瀛展讀如聞笑語清
春水綠波人萬里幽谿碧樹鳥孤鳴
觀空猶憶前塵影問訊還勞遠寄聲
一別玲瓏巖下路滄桑百感竟叢生

每聞海客話東瀛風俗還如太古清
所學皆能爲世用其人不僅以詩鳴
閒雲亦抱爲霖意野鳥都含讚佛聲
中日本來唇齒國擊鯨休使海波生

姜市掃周孺人墓

并序

周孺人者余同里李春圃母余幼失怙恃爲人
牧牛數過其門孺人知余爲孤兒常呼與語躬
爲縫衣櫛髮慈惠備至余出家後孺人見之哭
云汝奈何爲此也今春二月余應四明天童寺
請還里拜辭先塋詢之則孺人歿已十年矣因
謁其墓爲五絕四章以代哭云

昔人感一飯千金報其恩我懷李母德袞袞拜墓門
未拜涕先流兒時此牧牛憫我無母兒時常梳我頭
穉年失怙恃捨母無所依我飢飽我食我寒溫我衣
欲去復躊躇遺恨此山隅惟將雙淚痕流作報恩珠
長沙上林寺退院將之天童辭衆二首

粥飯緣輕祇一年無端又泛浙東船此心不動隨來去
一月千江普映圓

無窮離思水雲寬龍象依依欲別難白首忽辭湘上去
青山長向越中看

由長沙上林赴四明天童寺請回憶湘中故舊愴

然有作

老作離鄉客遙憶故關夢同湘上寺人在越中山舊雨忽爲別孤雲今又還龍潭照鬚髮不似昔時顏

甯郡高公子吹簾司馬奉其母李夫人來山修建

水陸以詩見贈次韻三首奉答

法雨灑初地慈雲生遠陰如何天上曲來和草間吟靜

室絕塵想清言愜素襟賞音今已遇不在伯牙琴

六一賢太守甘棠列郡陰因陪公子話還憶醉翁吟白

雪聞君咏清風快我襟何須奏流水悅耳自成琴

誰愛天童寺喬松廿里陰客從雲外至僧在定中吟谿

竹淨搖翠巖花香滿襟時焚柏子坐弄我沒弦琴

天童寺書感

十八年來復此游蕭然不覺雪盈頭名山事業吾何有

塵世滄桑佛亦愁太白峰前雲似蓋玲瓏巖下月如鉤

平生無限傷心淚稽首空王獨自流

夜過瓜洲鎮

江寒五月似新秋隱隱金焦水上浮夜半鐘聲呼客起

朦朧烟月過瓜洲

自四明歸長沙經洞庭作

湖上微風水不波片帆無恙夜重過長沙此去翻成客

歸夢如山向越多

將歸四明別朱八菊尊

甬上初還又別君滄桑時事豈堪聞道人避地向吳越閒聽清猿嘯白雲

題李仲乾悼亡詞後二首

潘岳悼亡情太癡道人一見欲焚之誰將天女紺青髮繫汝茫茫萬古思

曠劫沈淪失此心情塵擾擾淚波深華髮一墜仙緣盡海碧天青何處尋

羅順循大令將之燕臺余亦有四明之行作此志

別

十載重逢鬢已絲布帆明日又天涯風塵擾擾向誰語雲水茫茫安可期海上鯢鯨方作窟山中鸞鶴欲無枝惟餘一片青天月越嶠燕臺照別離

赤壁懷東坡居士

坡仙人去已千秋赤壁還思前後游寂寂江山共誰語

一帆明月過黃州

新堤

江豚吹浪與人齊江鳥呼風日色低隱隱帆檣泊雲際青蘆一片是新堤

題紅雨樓遺稿

紅雨樓頭踏翠過落花芳草恨如何美人黃土埋香久
司馬青衫漬淚多入道宜醒蝴蝶夢傷心莫聽鷓鴣歌
今看柳絮因風起想見當年謝女娥

海上與眞上人話舊

孤雲本無定於此忽相逢巖壑思前事鬚眉非舊容霜
寒洞庭葉風送海門鐘明日一揮手秋山又萬重

感事

巖谷容吾輩天朝雨露偏祇緣充學費遂議割僧田古
寺晝常閉禪房夜不眠何當乞甘露一爲洗腥羶

寶慶寺掃慧公塔

慧老人云寂追思亦可傷振衣登太白把晤記錢塘歲
月去如電鬚眉漸有霜夕陽瞻塔影不覺淚成行

重晤樓杞伯

十餘年不見一見淚雙流舊雨幾人在孤雲獨自留西
風吹短鬢落日下高樓昔別君方壯今來成白頭

重晤胡俊卿李子仙兩秀才

明州再到事堪哀白髮惟餘兩秀才一棹還湘驚歲晚
寒梅二十度花開

壬寅秋瞿芷垣司馬偕馬芥堂明府枉顧天童與

花翁話舊得兩絕句又作二首送馬公歸蜀并

東陳粒唐觀察陳有東山草堂十二圖東山雲

岫其一也

故人不見十餘年留結空山一宿緣看月聽猿思舊事
松風涼露夜難眠

回憶湘樓夜雪時敲冰煮茗坐談詩那知人事今來變
頭白空山此住持

西蜀山川天下雄崎嶇道路說蠻叢請看太白青連海
可似峨眉翠掃空

錦江秋色故人居欲寄逍遙一紙書莫忘東山好林壑

聞雲出岫近何如

寶幢重過何珊洲秀才宅

寶幢河邊處士居青山頭白尚攤書故人寥落鬚眉在
一笑浮雲萬變餘

上虞經君甫居士來山以詩見贈次韻奉酬

上虞老居士邂逅喜相逢得句題紅葉閒軒對碧峰知
公愛淨理與我論機鋒一笑林塘暝高樓動晚鐘

禪心老何似死水不生波雨過青山淨秋來白髮多飛
雲思出岫倦鳥懶移柯遠辱高人顧因之發浩歌

次經君甫居士留別原韻卽送其歸鏡湖

無人共聽蓮花漏有客來參柏子禪
自許烟霞爲道友不妨松鶴與忘年
清宵醉月焚香坐白晝看雲枕石眠
何事便隨流水去青山紅樹放歸船

空山煮石斷炊時長者黃金肯佈施
懶作昌黎排佛論苦吟潘岳悼亡詞
連朝聽梵心如水一夕悲秋鬢已絲
歸到鏡湖烟景好白雲黃葉入新詩

題盧吟秋茂才夢紅蓮詩卷

盧生才豔是神仙慧業多生豈偶然
一卷夢紅詩卷子風情不減杜樊川

聽唱蓮花格調新能令枯樹一生春
虞山不作梅村死

肯與漁洋作後塵

老去禪心百不思偶然乘興爲題詩
却憐一管生花筆祇作癡人說夢詞

秋日病中漫興次洪純伯明經見贈原韻二首

恒沙劫骨盡燒然猶有文人未了緣
靈運多才後成佛孟公無慧早生天
病容已似秋山瘦詩卷空勞島國傳

時日本僧方購余拙集還國

欲咒蓮花生鉢底毒龍吐霧漫相纏

高士文章海內雄清狂應與老僧同
蕭梁以後無才子趙宋之間有放翁

陸詩情韻俱絕又極自然非詩人所能易及

不許盧仝爲

茗友余少年茶量最宏一飲數十甌盧仝七碗何足道却呼買島是詩僮浪吟

直欲凌窮髮鵬背星寒任颶風

招鄞邑侯黃鞠友司馬游天童

太白峰高接四明玲瓏巖古最馳名
花開花落知春夏雲滅雲生驗雨晴
八月木樨香可好六時仙梵夜彌清
探尋宜趁簿書暇特遣長庚下界迎

爲翟少府題畫二首

秋山紅葉豔於花小艇橫江日欲斜
着箇茆亭深樹裏幽谿鹿過便爲家

隱隱花宮在上頭下方水湛清幽
雲巖深處宜禪寂瀑布無人冷噴秋

寄懷俞恪士觀察江南并柬陳伯嚴吏部十二首

并序 癸卯

元宵後一日懷弟子成自金陵來盛稱觀察俞公雅意因爲七絕十二首奉懷并柬陳吏部蓋歲己丑吾湘鄧彌芝先生應許仙屏方伯聘主講金陵曾文正書院約余由衡州同舟東下時觀察與吏部及曾重伯吳雁舟兩太史俱自京師還湘會於白門日事游眺一時盛會也今許鄧均歸道山會吳皆遠宦蠻荒公以道員需次兩江吏部亦作寓公於此云

昔時湘上聽離歌轉瞬狂瀾喚奈何淮海千帆爭利涉
想君因更慎風波公昔由湘之官自下行至靖港遇暴風舟幾覆有書報余

塵世紛紛變態新蒼山面目亦藏真芒鞋獨上千峰頂
倚杖看雲憶故人

一自揚帆下洞庭猿吟鶴唳不堪聽江南江北山無數
長入枯禪夢裏青

去年飛錫向長庚長庚又名太白即天童也繞道還思入石城風利
舟行不能泊青山遙望但含情

萬松青繞夜禪殘對月題詩淚暗彈多謝鳳凰臺畔客
春風猶念鶴鴒寒子成落魄江淮蒙公爲之提獎

一池新漲綠於藍千里離懷老不堪料得官梅動詩興
十分春色在江南

若棹扁舟向浙東青天一髮是天童謝公行處今猶在
好看名山入剡中

斷巖千尺一枝藤終日凝然萬慮澄爲我寄聲陳吏部
匡山留待白頭僧吏部與余有歸老匡山之約

白門佳會幾何時回首人間鬢已絲記否秦淮雙槳過
花枝爭拜老禪師昔公與吏部約余游北極閣歸舟過秦淮河吏部獨上岸使女士數人於樓上合掌呼入指禪師者再

香湖居士舊詩人元度交情老更親太息兩公俱物化

回思往事一沾巾

雞鳴寺裏憶偕行鐘梵蕭蕭洗耳清夜半霜風驚折竹
依稀微月定中明

元武湖邊共倚樓藕花如雪隱行舟何時復逐輕鷗去
雲水光中續舊游

黃鞠友司馬以小林棲詩四首見示次韻奉贈再
速天童之游

林棲誰爲小仙鶴此中巢白雪難爲和緇衣敢論交詩
情清似水道味合如膠惟負名山約峰巒欲獻嘲

一縣春風暖青山入夢無流鶯欣得樹過雁穩啣蘆種
柳心雖切栽花計豈迂欲圖三嘯樂應顧虎谿廬

暫拋黃綬事且慰絲蘿心小艇生波細長松夾道深但
看千嶂合不受一塵侵待掃雲邊石谿聲共苦吟

我亦幽棲者依巖屋數椽松窗延月朗竹簾引泉便得
句還呈佛忘機欲廢禪偶聞樵客語因識使君賢

趙仲青二尹曾爲衡陽令鄭湛侯明府書記別十
年矣今遊宦四明知余主席天童爲詩見寄次

韻奉酬兼懷湛老

天涯書劍遠翩翩感舊知憐老鄭虔三絕白頭猶薄宦
一官黃口亦爭賢故人應有停雲作懶衲還存煨芋緣

今日吳霜俱點鬢論交怕說十年前

前詩未竟其意復成絕句十五首追懷往事并訂

天童之游

辭衡郡十經秋風雨長懷趙倚樓野鶴閒雲兩無定

分飛何意到明州

昔時朋輩半彫零落木寒泉不忍聽幾度衡陽孤雁過

惟餘綠色向人青

鄭公樛散鬢蕭疎寂寞長沙憶舊居解印歸來復何有

殘年乞米向僧廚

共稱陳實有佳兒謂湛老三公痛惜曇花一現時留得子叔獻孝廉

衰翁貧病在眼枯無淚向人悲

白髮休文老幕賓謂湘潭沈子粹當時才調更誰倫前年亦報

湘潭死曾對梅花哭故人

人生如寄復何常回首前塵枉斷腸吳越山川堪送老

與君不用憶衡湘

天童名勝冠東南佛地羣推古刹竿萬疊烟巒青在眼

試扶拄杖恣幽探

玲瓏巖在寺之西陡削登天不用梯翠壁蒼苔待君掃

新詩好和放翁題陸放翁有題玲瓏巖詩

上古巢棲無一楹義公梵行感金精侍供薪水來童子

從此青山有姓名晉時義興禪師於此誅茅感太白星化為童子供給薪水故以名山

太白峰高羅徑微登臨翻訝鳥低飛蓬山咫尺通呼吸

欲挾星辰下界歸

巖谷重重覆碧蘿此中幽趣引人多涓涓不斷龍潭水

竹筴穿雲入飯鍋

十里長松青到門雙池如鏡淨無痕晉時蘭若千年樹

猶有庭前古柏存義興禪師手植

天下禪宗宿所稱傳衣自昔有神僧惟持一點光明種

散作人間無盡燈密雲悟禪師中興天童其枝葉偏佈海內故稱天童為天下禪宗

雲門餅子趙州茶個味能嘗是作家雪後園林尋虎跡

寒窗分韻關尖父

隔水幽花入戶香時來雲氣濕衣裳呼童淨洗谿邊石

待與高人話夕陽

八指頭陀詩續集卷之三終

八指頭陀詩續集卷四

釋敬安寄禪

贈陸漁笙太史卽次其生日感事原韻

瓊島吟歸莫問年
青松手種蓋初圓
講筵人坐春風暖
試院茶思舊日煎
北海無尊不醉客
東山有夢亦朝天
月湖烟景今寥落
白社重開望大賢

先

奉訪陸太史次前韻二首

相逢休話永嘉年
痛哭金甌缺不圓
佛眼亦因塵劫閉
禪心如在滾油煎
七分擬割花宮地
時議僧道十分田
產者抽七分充學
費
一綫憂存杞國天
太息江河今日下
中流砥柱顛

公賢

不幸同生衰晚年
腥羶分佈地球圓
蝸頭有利都爭括
龜背無毛尙苦煎
縱是魯連難蹈海
若非靈運定生天
知公便死猶睜目
王室中興望後賢

前詩意猶未竟三疊前韻

一卧滄洲今幾年
澄波浩月恨孤圓
罡風欲撼三山動
劫火能將大海煎
白髮詞臣老憂國
緇衣釋子忝談天
四明耆舊彫零盡
魯殿巍然存一賢

過陸太史宅奉題四疊前韻

小隱城西那記年
此心如水任方圓
谿邊茅屋牽蘿補

松下寒泉帶月煎
一杖白雲行樂地
四山黃葉著書天
老來萬事都無累
陳實人稱有子賢

山居二首五六疊韻

一室蕭然懶計年
漸看鶴髮蓋頭圓
時煨野芋留雲餉
自汲寒潭掃葉煎
萬壑松濤明月夜
五湖烟水白鷗天
老投巖谷藏吾拙
火種刀耕效昔賢

林間小住已年年
掃石爲床枕木圓
閒剪雲將衲補
淡收山翠當茶煎
半鉤白墮巖前月
一綫青來樹裏天
無事巖中時晏坐
渾忘十聖與三賢

出佛經三
藏法數

山居兼懷陸太史黃司馬七八疊韻

寒盡深山又一年
雙池皓月幾回圓
世情淡似秋雲薄
禪味清於夜雪煎
人在定中忘白日
屋從破處補青天
由來佛法無多子
翻覺毘耶杜口賢

寂寞幽居老忘年
忽驚珠露滴松圓
碧蘿風動蒲龕冷
白朮香聞瓦罐煎
不許微塵生淨土
欲移定石坐禪天
山中聽罷蓮花漏
苦憶陶潛解印賢

月下對梅

高冷不宜人
蕭然自絕鄰
四山殘月夜
孤驛小橋春
暫對翻疑雪
清香不是塵
逋仙猶認影
誰復識其真

雪後尋梅

積雪浩初晴探尋策杖行寒依古岸發靜覺暗香生瘦影扶烟立清光背月明無人契孤潔一笑自含情

謹次黃鞠友司馬甬江留別原韻四首卽送其行

離歌乍聽嘆飛蓬萬戶愁侵甬水東不獨枝頭驚宿鳥
可堪草底泣寒蟲白雲有意攔行路碧海無波見冶功
太白峰高如峴首他時墮淚憶羊公

攀轅無計駐征驂別思偏教老衲諳辛火生涯容我懶

木樨公案復誰忝山谷泰晦堂禪師有木樨公案徐公美已推城北前

在徐公陸放翁詩坐衙容齋陸老心常在水南常對水南山此後枯禪倍

寥落青山白髮老何堪

甘棠聊借一枝棲人我渾忘物論齊萬樹春風無病葉

四山殘月有啼雞飛花片片輕隨棹芳草萋萋遠映隄

莫向離亭愁折柳此身同在浙東西

行舟已向綠陰藏忍見南湖舊社荒肯負烟霞忘宿約

便攜琴鶴理輕裝烏紗白衲難爲別黃綬青松兩不妨

千里神交知不隔詩成應許寄支郎

天童坐雨呈鞠友司馬次同人原韻

古殿燈昏磬韻微谿雲擁樹失朝暉萬松鎖斷人間路

莫怪山僧與世違

薜蘿偶作簪纓會山水長留文字緣世外烟霞堪嘯傲

城中車馬莫言旋

楊柳風輕乳燕飛桃花流向釣魚磯雨餘山色轉明淨

萬竹分青上衲衣

山中十日且吟春嘗取山厨筍蕨新休笑枯禪太枯寂

無情花鳥亦相親

乘興宜登絕頂游中原一髮望中收可知太白高無敵

祇有青天在上頭

春山漫興仍次前韻

春山寂寞語人稀倚樹含情對夕暉流水落花何碍去

白雲芳草莫相違

道人活計自天然何用營求涉世緣碧水灣灣如帶曲

青山箇箇似螺旋

黃鶯曉坐濕難飛昨夜谿痕上釣磯試出萬松關外望

春田都似水田衣

連朝風雨阻行人看取庭泥虎迹新破衲添棉猶向火

萬山寒翠老難親

晚年愛靜息交游遙碧空青淡不收懶更登樓窮遠目

此身已在萬峰頭

次韻酬盧吟秋茂才二首

老去猶求一字師敢云得失寸心知不貪成佛生天果

但願人間有好詩

盧郎才氣壯青年秀句如花帶露妍惱得山僧聞不得
欲逃詩債泛湖船

黃鞠友司馬二月十七日偕友人入山盤桓兩日

酬唱甚歡因賦五言十六韻以志勝遊卽用贈

別

我公興不淺侵曉出東門以踐名山約而忘紫牘繁維
舟楊柳岸沽酒杏花村野徑隨樵入荒谿逐鹿奔青松
迎夾路翠竹引行軒古寺鳴鐘寂禪房笑語溫盤飧甘
筍蕨世味厭雜豚蟒塔搜神蹟龍潭問水源六時雲繞

棟連日雨翻盆難使清游阻無妨佳會敦綵蘿情共話

紅豆夢留痕

天重有紅豆嚴公擊鉢聯吟榻攀轅慘別
自號紅豆夢中人

魂烟霞人自棄邱壑道誰論去矣冲霄鶴其如嘯月猿
良辰難再至真契久應存此後勞相憶逢僧好奇言

雨中遣悶登鞠公韻四首

道人心愛靜避世入雲峯簪笠晴收芋袈裟晚晒松寺
藏千畝竹夢破一聲鐘行脚吾已倦閒拋五尺筇
塵飛不到處插漢有奇峰室白雲生棟衣寒翠染松苔
吟方得句喜極欲鳴鐘攔筆一長嘯蕭然倚短筇
四明眞佛地太白最高峰虎踞千巖石龍蟠萬壑松谿

雲寒夜榻山雨濕晨鐘欲出愁泥滑苔痕上竹筇
遠與塵境隔門前鎖萬峯禪心潭底月僧臘殿前松殘
雪融春嶼寒谿咽暮鐘客來方問法一笑便橫筇

登玲瓏巖次同人韻

千古玲瓏勝清游各一時且尋林下趣休話劍南詩養
性非關酒忘情不採芝但須腰脚健莫負紫藤枝

上巳日獨登玲瓏巖眷懷前游得五古一首卽寄

鞠翁

棲鳥嚶嚶鳴伐木丁丁響念茲懷故人良辰悵孤往丹
鳳已辭岡白雲猶在杖悵悵感去留忽忽成今曩靈岩

再攀蹋神會俄俯仰谿桃失舊姿林旭延新晃幽苔繡
禪石空翠潤琴幌山水轉澄鮮惜無同心賞遙展紅豆
吟憐我青霞想

重過石頭城登掃葉樓

海風送帆楫重過石頭城地失盤龍勢樓餘掃葉聲三
山天外落二水樓前明惆悵古今事浮雲空復情

題夏伏維燕北紀難圖二首

輦下忽交兵煙塵暗帝京黃巾惟殺戮白骨苦縱橫安
逸慚諸將艱危累聖明河山餘破碎回首不勝情
倉卒誰言戰都門踞虎狼衣冠迷草野宮殿冷斜陽石

馬趨無汗銅人泣有霜披圖意悽惻不覺淚沾裳

與俞恪士觀察重登掃葉樓

高樓矗立水雲間與爾重登鬢已斑千載洲仍餘白鷺
六朝事往剩青山寒煙古寺鐘初度落日中原鳥倦還
塵海滄桑那忍說且憑尊酒一開顏

山行露宿

松根當枕草爲氈月白風清放膽眠山鬼不尋窮衲子
恐儂索取草鞋錢

題李藝淵觀察慕萊堂圖

并序

按老萊子楚之蒙山人今臨江府有老萊亭卽

其遺蹟也藝淵觀察守此郡時以不能迎養築
慕萊堂於署東以志慨云

臨江誰築慕萊堂仙李盤根奕葉昌衡嶽鍾靈倍英俊
蒙山遺德更輝光白雲迴望情何極綵服承歡老不忘
豈獨蘭階歌孝思郡人猶自頌甘棠

嗟余七歲作孤兒我弟呱呱斷乳時度母生蓮常自誓
乞鄰借米每啼飢傷心故里辭親愛祝髮空門賴佛慈
畢竟深恩難報答披圖不覺淚如絲

過顧石公居

城居車馬却閒閒草色當門綠不刪暑氣自銷池上竹

清談如對剡中山荷花香送窗三面楊柳陰藏屋半間
高士幽棲真絕俗月明惟見鶴孤還

俞恪士觀察招集後湖次顧石公韻

四面水光涵波涼鷗夢酣微吟過竹院一笑倚蒲龕池
蓮紅間白徑草綠於藍忝與羣賢集聞塵淨妙談

白下別陳伯嚴考功

與君俱老矣回首一沾衣白下重爲別青山獨自歸晚
年情更苦舊社事多違此後休相憶孤雲無定依

題文小坡內閣石芝詩夢圖

達人澄內觀足不出戶庭室虛雲共白夢裏山猶青抱
冲體自舉翼彼元鶴輕靄靄石芝秀實惟德斯馨聖境
與神會詎曰無因生湛然心境明萬象無潛形一悟排
言詮夢覺兩冥冥

六月十八夜訪俞恪士觀察新居坐池上納涼卽
事

柳梢微雨過池上早涼生坐覺綠陰好如臨碧澗清徘徊
桐片雲影斷續一蟬聲此後海山隔難忘今夕情

金陵別李二翰林瑞清

天風吹海立送我石城游偶與故人會還迴越水舟白
門寒暮雨明月照高樓悵望烟波濶孤雲隨野鷗

贈劉彝庭觀察時寓居毘盧寺

焚庭老觀察白首卧祇園避俗聊自適逢僧笑且言筍
蔬供小酌風雨掩重門宦味如秋冷城居寂不喧

余將歸四明夏伏雛以詩贈別次韻答之

歸卧越中寺萬松青到門更無塵事擾但覺瀑聲喧此
地難爲別他時更愴魂惟留滄海月長爲照清尊

將歸天童別劉應洲

久悵水雲隔相逢轉自憐十年俱老矣兩鬢各蒼然西
風白門柳落日越江船歸路滄江晚澄波月正圓

登太白峰絕頂眺海

何處登高豁遠眸振衣直上亂峯頭青天欲墜雲扶住
碧海將枯淚接流萬里烽烟連鳳闕一時雷雨起龍湫
河山北望情何極鯨浪誰能靖五洲

次車眉子廣文見贈原韻四首

平生洗眼水雲寬五嶽羅胸翠一團行脚天涯吾已倦
將心不復與人安

衡巖煨芋一枯禪破衲離披懶問年偶與高人成邂逅
無言相對亦前緣

時事滄桑百變新忘機鷗鳥亦傷神腥羶滿地難容足

願作維摩畫裏人

公工
相事

新亭收泣復何人莫漫煙霞寄此身上悠悠甯足道
好將書劍淨風塵

漫興四首仍次前韻

大千一粟未爲寬打破娘生赤肉團萬法本閒人自鬧
更從何處覓心安

莫笑天童入指禪蘿衣草履自年年多生結習銷磨淨
山水惟餘文字緣

千年詩思碧雲新不羨湯休句有神願向空王乞眞印
誰甘慧業作文人

此法能傳有幾人百千萬劫坐禪身虛空粉碎無餘事

佛祖猶爲鏡上塵

寶慶寺益舟上人新構佛殿僧寮賦此志頌兼懷

其師祖慧修長老

華嚴樓閣又重開八部同瞻一善財銀杏當門寒有子
金沙佈地淨無埃林間猿鶴窺禪定海上魚龍聽梵來
白足高風思慧老看從法苑剪蒿萊

八月十五夜海上望月有懷明果師弟

萬里青天無片雲此時望月最思君一輪本自同圓照
碧海清湘了不分

寄懷金山妙湛首座

大徹堂中首座師江干一別見無期居山舊侶今誰在
出岫閒雲各自馳白髮喜聞猶健飯滄波遙隔但含悲
何當復踏金鰲頂汲取中泠慰渴思

金山大定長老八旬傳戒寄詩二首奉讚余廿九

年前曾侍此老巾拂白頭懷舊有逾常情

入定金山寺風濤寂不驚諸方惟一老末法亦多榮屢

閱浮雲變仍看寶月明佛經有寶月佛金山曾親侍巾
米時有寶月長老

拂白髮悵余生

華蓋盈龍窟遙知法會開能傳千佛戒定上九蓮臺海

澗杯難渡天空鳥倦回惟憑清夜夢還禮德雲來金山
妙高

臺乃華嚴會上德雲比丘聖跡故蘇詩
云前世德雲應是我依稀猶記妙高臺

天童結夏請玉泉祖印法師講楞嚴經畢法師將

赴蕪湖普濟寺請因作五絕句奉贈并訂明年

開演法華之期

玉泉法派最汪洋中有蓮花萬古香此是台宗根本地

孫枝一葉又芬芳天台智者大師出家
玉泉法師乃其遠孫

三藏靈文信手拈請師爲衆講楞嚴萬松影靜爐煙細

山鳥啣花時入簾

草木均沾法雨青玲瓏巖石亦通靈羊牛山上成羣卧

老虎持齋要聽經講期內村人時見一虎
出沒林表與牛羊相狎

天台教觀細會諸妙悟如師好放參怪底行騰留不住
一帆秋色過江南

莫輕半偈重黃金萬劫禪那究此心留座人天爭拂拭
明年還聽海潮音

金山慈本西堂來天童聽講適余之金陵及歸師

已去旬日矣因悵然作一絕句奉寄

君到山中我出山無緣茗話對清顏匆匆却返江南棹
誰啟松關放鶴還

去歲得徐劍石茂才由湘入秦抵襄河書遲遲未

復今秋忽於書帙中見其舊札觸我離思作詩

代簡并寄王翊君大令

去歲襄河報我書遲遲未覆一年餘水雲意冷思君切

文字情親與世疎大海魚龍秋寂寞故山猿鶴近何如

寄聲煩問王郎說黃浦歸帆可憶余

自信篇并寄明果師弟

自信凡夫願力眞覺場終滿利生因掀翻大海浮漚影

珍重十方行道身劍樹刀山都不避波旬筏戾任爲鄰

與君世世爲兄弟用蘇句同助如來轉法輪

屠廉訪繼室王夫人挽詩六章

太白秋高木葉殘輝沉寶婺夜迷漫却憐遊子歸來晚

霜萎靈寶不忍看

使君持節粵東時內助多才福命奇萬樹紅霞荔支熱
吏人相見祇談詩

清芬令德儘堪傳助賑延宗世更賢善了平生夫子志
柏臺含笑向重泉

儒林風雅出閨門莫作尋常女士論脂粉分資共石印
水經七校注猶存

夫人父履軒先生家藏七校水經注世稱善本夫人出資重刊

白首長齋大士前不生佛國定生天西風齊洒孤寒淚
肯拔金釵置義田

夫人建義塾延師課孤寒子弟

驚聞王母返瑤池山色泉聲也動悲自愧枯禪才力薄

強歌薤露獻哀詞

舟中望金山感作二首

波心浮玉寺不到三十年偶乘賈舶下近與城郭連人
事何嘗定山川亦變遷龍龜出沒處今見牛羊眠

片石倚枯藤安禪憶昔曾虛空皆粉碎駭浪任掀騰偶
與烟波別俄驚歲月增青山如具眼應識白頭僧

次唐人張祐題金山寺韻二首

一片琉璃水空青淡不分遙看滄海月吞却碧霄雲漁
火隨星動潮音雜梵聞中冷如美釀未飲已先醺

步上金鰲背空濛海色分江流巴蜀水樓壓楚天雲過

櫓梢妨定驚濤了不聞孫鮪金山詩有過櫓妨却憐塵僧定驚濤濺佛身之句

陸漁笙太史七旬誕辰作此奉贈

人生七十古稀年況復蓬萊列上仙吟鬢尙餘瓊島雪
朝衣猶帶御爐煙秦關百二曾持節蜀水三千早繫船
欲學嬾殘煨芋贈肯將鐘鼎換林泉

還山別陸太史

殘年飛錫出深山欲看梅花也不閒纔與高人同一飯
仍歸疏雪細雲間

題章价人太守銅官感舊圖四首并序

咸豐四年粵寇犯長沙時曾文正公以在籍侍郎
即墨經治軍銅官渚兵敗公憤極投水時价人
爲募資力援得不死及金陵大功告成當時部
卒皆得置身通顯獨价人浮沉牧令亦數奇矣
論者謂文正將別有以報价人故非淺識所能
知也价人感舊爲圖徵詩一時如左文襄李次
青方伯諸公皆爲文以記其事云

銅官渚與汨羅鄰墨經從戎憶老臣若便將身葬魚腹
豈能當代畫麒麟

湘水無情日夜東休將往事問漁翁書生何必臨前敵

此是中興第一功

患難相從不等閒會文正嘗謂李次青方伯云白頭無

語對青山翻思介子焚棉意不在區區竹帛間

岸芷汀蘭春復春江山如舊畫圖新先生亦是無情者

不許靈均有哲人

題嚴小舫觀察春江意釣圖 甲辰

艷說嚴陵有遠孫雲臺已邈客星存披圖如見羊裘叟

猶覺桐江釣石溫

江上春潮沒釣磯谿花相對淡忘機不須更入桃源去

恐引秦人欲憶歸

家住慈湖湖上山青松碧柳映蒼顏磯頭夏坐誰能會

不犯清波意自閒

掌握綵綸任不輕一波纔動萬波生何如早濯滄浪足

放下魚竿卧月明

寄呈江督魏午莊宮保八截句并題其洞庭歸釣

圖

曾持一劍靜三邊白髮丹心老益堅東閣於今虛席待

文襄衣鉢要公傳公生平去住如左文襄其治軍亦恍惚相似

坐鎮秦州百二關軍民相見各開顏祇今落日長城外

楊柳青青不忍攀公督陝甘時所植楊柳今成林矣

老將王命入黔滇絕塞軍威尙凜然移節南洋資鎖鑰

不教鯨浪勢滔天

烟波漫釣洞庭春正值蛟龍戰鬥辰長願石尤阻歸棹

中流砥柱賴斯人

朱陵福地記曾登煨芋留殮魂老僧爲問江南庾開府

同遊應憶最高層

一自寒巖別使君白雲蒼狗變紛紛却憐滄海無窮事

祇隔青山便不聞

去年訪舊白門遊小住仍回甬水舟不敢蘿衣謁朱紱

閒情只合伴沙鷗

公勤王室我安禪廊廟山林各有緣望日開雲思舊事

此心還在祝融巔王辰秋曾陪公登祝融峯觀日出

太白峯頭屋數間高眠應羨老僧閒眼前滄海杯中水

頭上青天脚底山滅燭夜延松月朗閉門時拒野雲頑

祇嫌吟鬢蕭蕭白詩債經年尙未還

陳子言由申江以詩見寄次韻奉酬

蛟龍戰苦陣雲深黃浦猶聞白雪吟大地烟塵無淨土

空林猿鶴有哀音休誇返日金戈奮忍見橫波鐵艦沉

願與高人長論道萬重寒翠肯相尋

與嚴拒香先生茗話有作

白髮哀時與清湘罷釣人
焚香常宴坐掃地却新塵
一任浮芳豔長存古柏真
雲山行脚倦喜與笑言親

余自四月還湘吳夢舟贈詩次韻奉酬

百城烟水一身還三載睽違賢已斑
夢醒刻谿殘磬外詩寒台嶽片雲間
憐君好句清無敵笑我浮生老未閒
安得相携陵海嶠杖頭星斗手同攀

送王翊君之江南并柬李梅痴太史

一雨湘城風景閒送君去看秣陵山
臨川太史如相問隔歲梅花債要還

太史曾許爲余作梅花手卷

將還天童別吳夢舟秀才

湘城傳夜管浩蕩起離愁欲載洞庭月
歸隨滄海舟難爲故人別況近楚江秋
莫問水雲意含悽對野鷗

八指頭陀詩續集卷之四終

八指頭陀詩續集卷五

釋敬安寄禪

江南放棹

秋江好煙景如在畫中行寒鷺沙際浴
夕陽霞外明潮連江總宅山近謝宣城
何處吹漁笛彌懷滄浪清

寄義甯公子陳伯嚴二首

俗子紛紛擬要津憐君寂寞卧松筠
流枯滄海哀時淚祇作神州袖手人

公子有憑欄一片風雲氣來作神州袖手人之句

何處烟霞息見聞匡廬山色淨塵氛
相期共結蓮花社傳語青猿守白雲

附義甯公子次韻二首

碧湖花雨照迷津十五年前挾老筠

謂丙戌秋郭筠仙侍郎於

碧浪湖作

展重陽會石火光中吾未死乾坤毀後汝何人

縹緲潮音倚雁聞樓臺歌嘯隔羣氛
虬鬚白足自來去想得袈裟生海雲

贈陳鶴柴居士二首

清逾野鶴瘦於柴混俗塵中有好懷
滿耳笙歌花霧裏此心不異在雲崖

人間何處愜幽尋雲海相期盪此心
萬仞巖前分片石坐收寒翠入清吟

贈吳彥復

疏驚天効大璫不妨風雅更清狂長揖歸來復何說
滿懷秋思立殘陽

次夏穗卿見贈原韻一首

海波湧雪透襟涼慧命如絲幾欲亡我法金湯猶有賴
袈裟和淚拜錢唐

時將往杭州開僧學堂君極贊成

遇周彥升於申江感賦

長沙一別十六載碧浪湖邊憶舊遊黃浦江頭重相見
西風寒葉不勝秋

訪李茹真於海國春酒樓

歲暮天涯訪舊遊扶筇却上最高樓白雲飛盡滄波晚
風雨蕭蕭海國秋

八月二十日與夏穗卿秋楚青黃益齋吳彥復陳

鶴柴小集滬濱酒樓

黃浦江邊百尺樓海山當檻酒盈甌一時良會豈易得
抵掌開襟話五洲

高樓迴首望中原滿目河山破碎痕塵世何方安樂國
誅求今亦到空門

時事須臾萬變更浮雲應妬月孤明維持像教賴公等
莫許波旬擾化城

楊哲子孝廉遠適日本作此奉寄

借問吾湘楊哲子一身去國歸何時故山猿鶴餘清怨
大海波濤動遠思獨抱沉憂向窮髮可堪時局似殘棋
秋風莫上田橫島落日中原涕淚垂

甲辰九月朔重過杭州松風定能海峯諸長老邀

余陪日本淨土宗伊藤賢道法師泛舟西湖感
而有作

西湖豈料吾重到彈指人間二十年白髮蒼顏身老矣
青山紅樹興蕭然喜陪南岳舊禪侶

謂海公

共結東瀛淨

土緣風景滿前吟不盡夕陽寒磬放歸舡

贈夏大令

卓卓祁門令危言動腐儒既排原道論還薄晦庵書有
願護靈鷲無心喫冷豬如公眞哲學門戶意全除

陳鹿笙方伯自蜀中罷官僑寓西湖甲辰秋晚遇

於滬濱把臂道故輒成此詩

崎嶇蜀道古來難七十八翁今復還曾整衣冠服羣盜
公哉定蜀匪有衣冠盛戰鬪不淹日月靖諸蠻良弓高鳥俱休論布
襪青鞋好是閒世事浮雲紛萬變獨留老眼看湖山

贈狄楚青

仙骨森森淩紫虛雲霞舒卷任何如獨持海上風潮論

不上人間卿相書

示髮因

會與維摩結淨因
天衣猶認髮陀新
莫吟柳絮驚人句
好向蓮花見佛身

秋晚還天童留別陳鶴柴

我愛詩人陳後山
連朝日暮並車還
黃花細雨澹詩意
寒葉西風黯別顏
儻許共吟千嶂月
相隨直入萬松關
天童去此無多路
祇在孤雲落照間

秋晚劉海臣太守偕友人入山適余有事之杭及歸公已去讀其留題丈室詩悵然有感謹次其

原韻寄呈

勝侶良辰發興奇
名山猶自想風儀
何堪絕壑尋秋日
恰值孤雲出岫時
惆悵未陪林下語
歸來惟讀壁間詩
會須一問遺民訊
好訂蓮花結社期

暮秋閱報紙見義甯公子由金陵返豫章九江舟

中之作因憶曩與君陪郭筠仙侍郎於長沙碧浪湖作展重陽會彈指十五年矣故人存歿之感一時橫集次韻奉懷不知涕之何自也

此生豈分作詩囚
垂老江湖一葉舟
遙夜朗吟湓浦月
孤襟涼帶石城秋
題糕應憶碧湖社
載酒曾陪白髮遊

十五年前思舊事
不禁淚濕海雲頭

閩人周居士殿樞自采石磯太白樓致書問訊以詩代簡奉酬

采石磯邊太白樓
勞君尺素遠相投
山中老衲還高卧
江上名區可一遊
經卷得閒須展讀
風帆未滿却宜收
白雲蒼狗紛紛事
肯與忘機狎海鷗

今秋八月廣東揭陽縣因奉旨興辦學堂驅逐僧尼勒提廟產時有老僧禿禪者年已八十不堪地棍衙役之擾乃斷食七日作辭世偈入首沐浴焚香誦護國仁王經畢即合掌端座而逝

逝余哀之次其韻以紀一時法門之難

孤禪寂寞與時違
黃葉蕭蕭落滿衣
今日空門無地托
茫茫雲水欲何歸

人天掩袂淚流丹
鐘鼓無情夜月寒
世出世間皆有累
爲僧爲俗兩皆難

謗佛排僧口燥金
不容地上有禪林
慈悲忠恕原同理
猶感純皇護教心

想忠恕念慈悲思感應三教同心此純廟難羣臣汰僧之語也

山河破碎夕陽餘
一片傷心畫不如
祇恐空門無處著
白頭和淚上官書

人非豺虎日磨牙
公牘紛紛入省衙
試問揭陽賢大令

老僧何罪要拖枷

佛亦哀時敢自寬中流誰爲挽狂瀾可憐慧命垂危急
一息能延賴長官

禪心對境本無妨昨見流亡哭一場若使窮黎俱得所
男誰爲盜女誰娼

爭人爭我枉焦唇割肉醫瘡在此身但願羣生登樂土
大千世界轉祥輪

爲饒石頑舍人女窮雲詩集題詞

舍人昔友我支許各自期笠屐相往來談笑情無疲其
女尙未字乃父授以詩過目卽成誦凝神恒若痴惟愛

親典墳轉羞塗粉脂得句倩弟寫把卷啟吾疑清才難
屢得雛鬟豈如斯深閨聞此言良久淚猶垂阿儂固不
敏彼秃亦何爲旣嫁作人婦仍下讀書帷吟唱益精進
鸞鳳歡追隨巾杖侍遠遊江山發藻思西湖蓮拂珮北
固翠橫眉雲霞方散綺蘭蕙初吐蕙秋霜胡不仁瓊英
忽已萎黃絹遺芳咏青山埋玉姿謝娥甯足比班妹或
心儀借問織錦手應留繡佛絲降靈必瀛島稅駕合瑤
池感化理不昧懷貞信彌奇伊余忝父執爲爾一題詞

挽文芸閣學士三首

宣室猶聞訪逐臣可憐才大不謀身西江煙月空千頃

內翰文章第一人待漏苦吟雙闕曉拂衣歸釣五湖
春秋風一夜瓊枝折落日孤雲亦愴神

十五年前碧浪湖展重陽會記還無侍郎白髮曾搗酒
野寺黃花共飯蔬滬濱停雲勞憶汝瀟湘落月渺愁吾

淒涼舊社幾人在支許神交老益孤丙戌秋郭筠仙侍
郎於長沙君浪潮
作展重陽會一時英耆俱集公與余均與
斯會去年公在滬上作懷人詩尙齒及余

空巖木落氣蕭森感舊哀時益苦吟滄海難填精衛恨
白雲迴望故人心中年沉醉非關酒上國和戎欲鑄金

時美人請易
金鑄爲款君到九泉應痛哭老禪猶自淚沾襟

再挽文學士五絕句

痛哭東林黨禍餘朝衣典盡尙收書平生亦病文園渴
不向長門獻子虛

一笑投簪返舊林蒼涼時事鬱孤襟可憐頭白匡山裡
誰諒孤臣去國心

曾入空王不二門文人慧業自長存諸天花雨紛紛落
獨有維摩默不言

人間何處可安禪劫火焚燒海欲然兜率天中猶有漏
好歸佛國證金蓮

迴觀三界事無窮都付浮漚一笑空坐斷死生來去路
青山原在白雲中

贈喻明州一首 並序

明郡四明山峯巒高峻巖洞幽嚴實應真羽客
神棲之藪也山有石窻巍然特出重雲之表四
面明敞越中全境一覽無遺四明明州均以是
名惟地濱海濫風潮衝突林岫叢雜山賊海寇
時出沒其間古稱難治邇歲奸民設賭局名花
會引誘鄉愚男女宵征罷織荒農有司雖知其
害衙役鄉保於中分肥緝捕不力由是盜賊紛
起閭閻苦之庶三喻公以名翰林出守斯郡下
車伊始廉得其情密飭營弁緝獲渠魁數人真

之於法此風頓息民賴以安咸稱賢太守不置
余美其善政爲五言古詩一章贈之

達人抱立朗塵垢甯我攫出應黃屋求猶挺青松貞神
理足自貴圭組非公榮越州古仙都四明何崢嶸秋花
潤丹岩遙霞標赤城剖竹守斯郡雨水揚其清海波寒
自息刁斗夜不驚井邑有絃誦山塗無榛荆昔時豺虎
窟今聞樵牧聲伊余蔭宇下聊得襲芳馨孤襟賴以吐
微尙荷有成載歌甘棠詩慨然起深情

寄吳彥復

山中何事可相聞日夕閒情說與君擊鉢吟殘千嶂月

采芝纏滿一身雲寒松瘦石清誰味意蕊心香細自熏
却憶維摩居士室翫天花兩日紛紛

寄俞恪士觀察一首 并序

甲辰六月俞恪士觀察由金陵來甬偕喻湘平
孝廉羅佑子大令仇繩之茂才枉顧天童時余
已先期還湘待余山中七日題詩悵悵而去余
歸不及一晤讀其交空四海公垂老愁入深山
雨易成料得歸來應有淚不因禪寂便無情之
句不盡二十年故人之感秋夜耿耿離愁黯黯
泣然成七律一章用酬其意卽以奉寄

故人遠自白門來瘡倒中年亦可哀寂寂江山成獨往
茫茫身世付餘盃可堪一棹還湘去徒使孤帆渡海回
惟有青天好明月照人兩地各徘徊

再寄恪老二絕句

紫薇山上碧湖邊往事依稀在目前一十七年如電掣
西風吹鬢各蒼然

我自瀟湘打槳還故人歸卧秣陵山孤禪寂寞誰相問
落葉殘陽獨掩關

冬日偶作

忽見梅花發思鄉又一年衡雲離岫直海月抱天圓去

住初無意行藏似有緣滄桑看已慣是處可安禪

不寐

禪房鐘梵歇不寐聽猿吟幽興老難遣詩魔病益侵移
牀就明月得句抵黃金早識浮名妄其如此夜心

懷湘吟

久矣萬緣寂惟餘故國情衡崖飛翠冷湘水照人清賦
鵬憐賈誼懷沙弔屈平蒼梧遺舜廟松柏拱丹楹
洞庭諸水滙天地混茫茫大澤通雲夢高樓倚岳陽湘
娥餘淚竹楚客惜蘭芳萬古風騷地令人憶不忘

余近日養痾天童影未出山昨閱報紙禿黎狡詭

一節云余已航海詣東京皈依本願寺大谷派
矣不禁啞然一笑因爲四絕句寄滬上夏穗卿

吳彥復秋楚青陳鶴柴

忽忽潮音振耳聞空中樓閣但霾氣何曾掛席東瀛去
未出青山一片雲

老病龍鍾祇閉關西方佛國待余還金池一朵蓮花外

兜率無心況海山白樂天晚年奉佛願生兜率天見慈
氏時有人覆舟至一山榜曰蓬萊見

樂天列名其上樂天聞之辭以偈云海山不是吾歸
去歸卽須歸兜率天余則翹心安養餘非所願矣

萬物平觀理自齊渾忘南北與東西我身不有餘何事

一任人呼老禿黎

滬上高人不可招青天碧海路迢迢且將白社間中咏
寄入黃鑪醉裡謠彥復與穗卿酬唱有
黃鑪前後謠故云

重過吉祥庵留宿歸舟感賦

古寺重來廿六年青松紅樹尙依然頭顱半白人垂老
世事全非佛亦憐山近馬鞍山雲在牖潮生蟬浦地名
地水

吉祥庵阻雨又一絕句

行裝已發又留連夜雨寒燈濕不然一宿因緣猶未了
老僧重掃白雲眠

文公達寄示其尊人芸閣學士己亥懷余七絕一

章有喆於懷因次其原韻二首追述舊游

碧浪湖邊攜手日漫天花雨演真乘前塵影事依稀在
腸斷雲山舊衲僧

淨名金粟前後世會得三乘祇一乘踏破鐵鞋徒自苦

翰君有髮亦如僧學士有句云獨有淨名無
一語天風吹座落花深

附文學士原作

雲山踏破萬千疊宗說遙通上下乘挂屨楓前感
今昔何緣得遇雁門僧

甲辰臘杪水宿笙茂才來山度歲以除夕書懷七

絕一首見示因次其韻四章贈之

遮莫年華似水流，碧紗長護好詩留。
爐中煨芋從君喫，箇味能嘗焉用愁。

門鎖青松映碧流，雲邊片石久相留。
請君坐此聞仙梵，一洗人間萬古愁。

萬壑寒松翠欲流，此中隨意可勾留。
不宜拋却煙霞去，恐引梅花動別愁。

巖洞幽深水曲流，於茲避世且淹留。
春風二月桃千樹，省却漁郎別後愁。

贈別洪啟唐茂才 乙巳

寂寞空山誰扣門，與君相見笑言溫。
如何別我城中去，細草閒花欲斷魂。

送許繼詢出山

依依七日山中住，忽忽送君松外歸。
料得還家應憶我，長空惟見白雲飛。

吳北山由日本還申作此奉寄

見說乘槎萬里行，勝遊知己徧東瀛。
掀天波浪供吟嘯，出窟鯨鯨候送迎。
花近高樓傷往事，中東和議成於春傷心處三字雲歸絕巘愴餘情。
遙憐黃浦江邊月，應爲哀時黯不明。

乙巳秋劉子芙明府由蜀渡浙枉顧天童爲五律

二首贈之

蒼翠落東海，此山高插空。
誰攜綠玉杖，掛我碧玲瓏。
涼步踏潭影，薰衣坐桂風。
休尋出雲路，鎖夢萬松中。

錦江山，水好勝，覽却輪君試問峨嵋雪。
何如太白雲流泉，供清賞，煨芋許平分。
月下寒猿嘯，應同巴峽聞。

子芙明府小住山中十餘日，行將出山，再疊前韻二首贈之。

幽興頗不淺，攀蘿俯碧空。
不辭山突兀，惟愛石玲瓏。
聽竹眠秋雨，移琴弄晚風。
且拋黃綬事，老我白雲中。

巖谷罕人事，幽懷細語君。
苦吟常對月，冷抱欲生雲。
苔碧寒更好，空青淡不分。
溪山如此美，莫遣別離聞。

中秋對月

明明一輪月，湧出碧雲端。
風露秋都澹，星河夜未闌。
光浮蘭葉淨，香動桂花寒。
坐覺諸天近，無言還獨看。

前詩未竟，妙明之理復爲五言一首

寂寥此禪坐，空階露華白。
心光耿相照，但有指頭月。
太空無片雲，皎皎圓理澈。
坐久若有悟，澹然離言說。

又七絕一首

長庚山上蕊珠城，萬里微雲淨太清。
一樣平時碧天月，照人無此十分明。

日本滑川達澹如自上海寄詩見懷輒成七絕四章答之即約入山消暑

山中幽寂苦思君煙外飛涼日夕聞莫向人間苦炎熱洗心來入萬峯雲

白藕香清暑氣微綠陰晝靜客來稀萬松密鎖雲間寺六月寒生溪上衣

萬壑煙嵐絕點埃寺門臨水映花開松風夜半清難寐猶待幽人踏月來

家住扶桑近日邊主持清議筆如椽君時爲同文好攜黃浦江頭月來試白雲山上泉滬報主筆

再答澹如

大暑日流金聞君白雪吟如招松頂月同聽澗邊琴既偃入林趣滿清出世心含情動微韻聊用答知音

聞陳師曾由日本返金陵再次前韻奉寄

見說東遊返白門江南黃葉已盈村遙知兵甲胸中滿不放風濤筆底喧君雖力崇新學議論極平滄海愁生青鬢雪碧湖

冷浸白鷗魂往在長沙與君父子開碧湖詩社唱甚樂世情已逐浮雲變神契惟應爾我存

陳師曾次韻見答再疊一首寄之

昨夢逢君白下門夢與易實甫觀察訪君父子於金陵高吟同坐夕陽村

直將蓬島煙霞氣一洗華堂燕雀喧文字語言無實義楞嚴經云但有名言都無實義東西南北有歸魂實甫有東西南北四魂集可憐八載江湖別吃吃惟餘舌尚存

武陵陳伯濤作宰江南曾以其金陵門存唱酬韻

集見寄湘中時余往浙事繁遲遲未答閱四年於天童禪課之餘追懷舊事補次其韻

一別仙源出洞門綠蘿閒殺武陵村鬚眉莫恨塵中老雞犬猶聞澗底喧蒼狗白雲紛世態桃花流水黯歸魂長沙舊事吾能記長恨歌殘曲本存君住在長沙有次一首一時傳抄幾徧湖湘

太白山感事

欲舒老眼豁重昏太白巍然海上尊塵世滄桑看已慣雲山寂寞道猶存平沉大地復何事粉碎虛空無一言宗門悟道有粉碎虛空平沉大地之語惟有哀時心尙在白頭垂淚望中原

魏玉銘明府遣其妾玉蓮索詩作此應之

偶因乞食渡恒河紅樹青山畫裡過誰遣朝雲參佛印却緣天女識維摩芙蓉出水禪心淨貝葉吟風梵語和四大本空無一物散花休問意云何

輓屠雲孫明府

東林蓮社久追陪忍酌淵明酒一杯五斗折腰非戀祿

三年泣血未忘哀

君時丁太夫人憂未滿

微霜豈意摧高柳快雪

何心見早梅太息故人今隔世青山冷抱白雲來

寒夜口占

萬重寒碧一燈昏坐久疏林見月痕夜半虎嘯人在定
不知松雪壓巖門

冬夜漫興二首

道人寒夜興悠然自折松枝煮竹泉却向茅亭看鶴睡
旋移藤榻枕雲眠

人間無夢到山家睡醒爐烟一縷斜夜半溪聲疑是雨

起看明月在梅花

月夜不寐

北斗橫天夜欲闌梅花睡鶴冷相看萬松不語風鈴歇
清磬一聲山月寒

答顧居士

高寒誰過老僧家掃雪呼童自煮茶寂寂茅齋萬山裏
坐看凍雀啄梅花

夜坐燈燄忽綠有影橫窗諦視不見

寺門蕭索鎖寒煙夜靜誰參白骨禪燈碧微窺山鬼影
想渠來就草堂眠

八指頭陀詩續集卷之五終

八指頭陀詩續集卷六

釋敬安寄禪

寄太史李梅痴觀察江南

丙午

記從黃歇浦爲別至於今每讀梅花賦公會以所著白梅賦題余白梅
詩如逢李翰林江南春草暮海上碧雲陰吳越千山隔
迢遙寄苦吟

朱鞠尊俞恪士二觀察皆余湘社中人今朱官江

甯鹽道俞爲江南陸師學堂監督舍弟子成流

落江淮不得不望二公一爲援手因各寄五言

古詩一章述其艱苦俾得升斗之惠以療其飢

云

湛湛昭潭水峩峩麓山雲與公相識來廿載如一晨今
有迫切懷請爲公一陳敬也誠薄劣我生實不辰幼小
失怙恃托足於空門有弟長乖違乞食恒依人平生不
得意垂老轉艱辛馳驅計一歲溫飽能幾旬况有失乳
兒嗷嗷待哺頻儻皆凍餓死宗祀永斬焉念此痛中腸
觀空亦難冥追憶曠昔遊惟公據要津願施升斗水活
彼涸轍鱗但使沾微利亦足感深仁引領望江南奉書
涕漣漣悽惻骨月情諒蒙公見憐

右寄朱鹽道

我公性仁慈宿懷濟物情今我有苦衷訴公公其聽我

之同胞弟姓黃名子成功孤早廢讀貧無薄田耕飢驅
走四方久客困金陵衣食恒不給東餓迫類齡其妻病
已歿暴骸於榛荆遺下兩男女嗷嗷猶待乳念此骨肉
殘不覺淚如雨悽悽復悽悽舍弟望提攜瓊林千萬樹
聊借一枝棲全家得溫飽不使生別離感激亦何報聊
結以相貽

右寄俞觀察

懷江南友人四絕句

雲海離襟老不堪夢痕和月墮江南晨鐘欲動春山曙

苦憶詩人饒十三

詩人清興在春時把酒看花處處宜正是秦淮煙景好

落梅如雪雨如絲

右懷饒十三舍人

迢迢雙鯉一封書細雨如絲二月初爲問江南陳吏部

春懷着酒近何如

冷冷仙骨冷於霜嬾踏紅雲謁玉皇今日人天爭啟請

老僧應可下胡床

右懷陳伯嚴吏部

余別吳雁舟太守十三年矣丙午春公由日本還

國遇於滬上感時話舊悲欣交集因爲七律一

章贈之

長沙一別十三春白首相逢倍苦辛時事能令志士懼

高談轉使俗儒嗤我雖學佛未忘世公乃悲天更憫人

各抱沉憂向滄海茫茫雲水浩無垠

與友人游張園感而有作

滿地蒼紅盡綺塵繁華隊裏獨沾巾傷心蒿目此何世
嘗膽卧薪甯有人商女琵琶還度曲王孫芳草尙迷春
却憐黃浦江頭月猶照滄桑劫後身

奉酬陳哲甫觀察

曾向扶桑浴日回皇華六載久追陪公會爲日倭人爭
寶孟公札海客猶稱漢使才萬國煙塵虛涕淚九州人
物漫疑猜公以辦黔南橫務橫被口語浮雲世事何須論白社蓮花
待汝開

丙午仲春陳哲甫觀察招高邕之吳雁舟狄楚青

狄南士陳子言及余於一粟庵午齋觀察出黔

南探升圖索題因作七古一章應之

車塵馬迹不到處乃有城中一粟庵長者於茲具香飯
老禪亦忝陪清談花鳥無心人自笑筍蒲有味余猶貪
畫圖絕妙意誰識雲煙恍惚身曾探黔山咫尺落吾手
覓句不得心懷慚還公此卷三歎息焚香合掌重和南
斯游或勝虎溪樂吟嘯何止人兩三霞外襟期尙不棄
文殊摩詰當同龜

前作意猶未竟再題五律一首

伊余味禪寂恨未入林深不識金銀氣惟餘山水心披
雲悵孤往把卷一長吟便欲從君去縋幽曠我襟

余既晤雁舟太守同游數日公仍之黔余亦還甬
爲詩二章以贈其別

劫火灰餘草不薰天涯猶得一逢君共聽黃浦江頭雨
憶踏朱陵洞口雲曇同游南嶽有
嶽游唱和集日月幾何人已老江
山萬里首重分碧波春水情無限攜手殷勤話夕曛
平生第一賞心人論道論詩兩絕倫最苦白頭還惜別
可堪滄海正揚塵鶯花一濺憂時淚香火甯留供佛因
此後相逢又何日水雲渺渺獨傷神

三月初四印魁和尚由金陵寄書報子成弟病歿

於毘盧寺爲詩哭之

松關微月黯無光印上人書報汝亡翻悔平時多切責
遂令此痛更難忘生前喪婦頭先白死後遺孤口尙黃
兄弟之情吾已愧空山徒有淚千行

登潤州玉山起岸寺

正得江山勝金焦左右浮南徐背郭北固羣樓聽
梵魚龍靜安禪水月幽登臨無限意甯爲看山留

泛月至焦山追懷芥長老

圓月出青霄扁舟渡晚潮樓臺靄煙霧燈火辨漁樵滄

海雖多變青山尙姓焦芥公何處覓鐘梵夜飄蕭

重遊金山次文待詔金山圖原韻二首 并序

光緒紀元余住金山曾侍大定老人巾拂今退
院常靜秋巖二長老彼時俱充首領忽忽三十
年矣丙午暮春余由天童將之淮上重登是山
則老人已八十三歲余與常秋俱鬚髮蒼然成
老僧也追懷舊事不禁潸然堂頭印開和尙出
文待詔金山圖索題因次其原韻二首以志今
昔之感云

三十年前此地游參差殿閣倚中流沙痕漸沒濤頭岸

海氣寒生江上樓人世滄桑雙鬢老往來雲水一身浮

名山再到仍無恙北固青青出潤州

驚濤如碓古今春六代豪華轉瞬空郭璞墳荒亂石裏
斬王廟冷夕陽中風帆片片過前浦雲樹森森擁梵宮

萬古興亡俱莫問且聽漁笛起江東

暮春由越之淮過揚子江望金焦有作

忽忽江湖白髮新海天愁思欲沾巾楊花一片隨流水

揚子江頭又送春

欲向金焦訪舊遊海門月黑阻行舟春風吹袂渡淮水

何處青山是越州

四月天童道中卽事

山翠浮空瀑瀾裳桐花未落棗花香籃輿緩打雲邊過
稍聽溪禽啼夕陽

暮春還山

離山幾日徑都荒溪溜成池樹老蒼記得出門春尙淺
歸來新笋過人長

過徐山人溪居納涼

愛此茅茨夏日幽左松右竹映清流菱花雨過魚穿鏡
楊柳風斜燕入樓二水白爭趨堰口四山青約赴簷頭
主人疏冷頗好道澹對忘言似野鷗

以山中幽勝誇示陸桂亭明府

萬樹寒松鎖翠微淡然心地久忘機山光照檻綠侵座
雲氣纏身白滿衣月黑村前山鬼嘯雨昏潭上毒龍歸
請君留此度長夏共聽蟬聲送夕暉

山居遣興次愛蓮居士原韻

安禪不避毒龍毒特解空山虎門來雲氣曉生游客屐
雨花時落講經臺干莖白髮催人老萬樹青松爲鶴栽
且喜世間緣應淨海鷗何事更相猜

淨土詩仍次前韻

龍行雨過月如鏡淨土分明入夢來池上雙巢金翡翠

波中倒浸玉樓臺蓮花出水湛然潔寶樹成行不假栽
欲往西方安樂國須憑信力斷疑猜

再呈桂亭明府次前韻

風泉竹韻夜微微靜聽泠然自息機萬壑煙嵐浮佛髻
諸天花雨落禪衣雲生絕嶺無人到月滿蒼松有鶴歸
一卷金經看未罷又聞鐘磬動斜暉

陳海瓢茂才入山以詩見贈賦此奉酬

偶識陳無已高談氣吐虹雲煙生筆底天地入詩中
詩兼善書畫喜結竹林契時偕其姪入山同追蓮社風憐君題好句
應得碧紗籠

重至金陵毘盧寺陳伯嚴吏部步月見顧話及亡

弟子成淒然賦此

三年重到石頭城野寺蕭寒百感生衰鬢更逾前度白
佛燈猶照夜禪明看雲憶弟人何在步月逢君淚卽傾
一漾清涼舊山色春風悽斷鵲鴿聲

賀師旦來山賦詩次韻以荅

山人山裏住住久遂忘山雲氣生衣上泉聲來竹間幽
花解禪意瘦石肖僧顏苦被詩魔擾沉吟殊未閒

覺道同參於普陀深處結茅庵安禪丙午六月余

渡海相訪喜巖壑之勝作此贈之

踏破芒屨早放參海山深處結茅庵白雲倚岫意俱遠
赤日當天睡尙酣水月禪心君已悟煙波興致我能諳
會須來卓林間錫彌勒何妨共一龕

訪鄆邑令高子勛明府不值

簪笠遙相訪晴雲作曉霞高枝無門雀野水有鳴蛙海
近潮來急官清吏不譁輕車何處去閒煞一城花

雨後明州郡齋與喻庶三太守坐談宗乘忻然有
作

一雨郡齋涼煩暄忽已忘與公談淨理還似在清湘高
柳搖疎影秋花生晚香上方歸路近鐘磬動斜陽

秋日懷吳夢舟長沙

芙蓉落曉霜忽覺海波涼昨夢洞庭月歸浮湘水航夫
君不可見而我意難忘楚越五千里迢遙空夕陽

遜翁易笏山信天翁陳六笙兩先生年皆八十一

俱以藩司乞休易則僑寓九江陳則寄居西湖

俱以今秋物故方悲悼間忽聞江南顧石公亦

於三月醉死烏龍潭上余與三公忝有文字緣

爰各以一絕句挽之

欲把芙蓉訪玉京九江遙望海雲生遜翁仙去匡山老

九疊屏風空月明

遜翁喜談丹訣

八十一翁西蜀還可憐白髮尙紅顏吟殘西子湖中月
化鶴應歸海上山

我愛江南顧石公苦吟終日坐松風大瓢一醉龍潭月
便與劉伶荷鋤同

滬上晤鄭蘇堪京卿作此奉贈

舉世正炎煥斯人心獨涼高懷吞海月吟鬢閱邊霜
鳥方爭啄孤雲竟自翔無窮家國事歷歷話滄桑

次韻答鄭蘇堪京卿七古二首

利邪利邪世遷移纔覺新詩俄已舊了知三際不可得
去無前古來無後覺皇邈矣復何言此理久爲人詈詬

嗟余學道老無成捨身祇堪飼猛獸開堂豎拂空爾爲
般若真燈誰乞授明朝別君還甬東安禪欲更尋雲竇

其二

道人觀世如浮雲何者爲新何者舊故應病膏發狂華
妄見生前與身後誓將平等齊冤親豈喜佛讚嘆魔詬
帝釋螻蟻同一塵天人甯異於鳥獸但嗟神理今欲絕
大千寥寥誰可授不如冥坐默無言一任天花滿巖竇
須菩提冥坐巖中默然無言天
帝釋往散花敷其善說般若

附鄭京卿原韻

頭陀寄髯有時名交遊一世多耆舊手持詩卷使我

讀汲汲似欲傳身後向謂我癡子更癡癡而又貪佛
所訴我今瞢騰混世塵奚殊同羣於鳥獸古人妙處
皆已死糟粕安用私傳授待我斬絕煩惱緣披髮相
從入雪竇

八月五日海藏樓主人招余及陳布衣奉陪朱侍

郎晚齋賦此敬謝

主人味禪悅招我日初殘筇竹引涼步秋盤潔晚餐
笑言塵刹幻如對海山寒忝與勝流集清芬挹杜蘭

朱疆邨侍郎以詞集見貽賦此奉酬

疆邨老詞客貽我碧雲章展讀坐高閣含情對夕陽幽

泉寒漱玉老鶴夜鳴霜持此比高調余懷殊未央

八月二十二日陳鶴柴居士邀余及俞恪士吳蓉

初兩觀察飯於滬上某氏園卽送恪公北上

好道陳居士邀余就晚齋况逢今雨好時陳哲甫亦至復與故人偕俞吳皆余中故友高館成良會秋風動別懷江干一揮手

寂寞返雲崖

次世退庵廉訪九日偕友人登太白山出示五律

四章次韻奉答

使君幽興發小隊出郊行野寺尋秋至山僧掃葉迎祇
嫌松鶴唳來雜草蟲聲應愛龍潭水出山無此清

佳節愛重九相攜此地游天清羣籟息竹密細泉流紅葉經霜艷黃花過雨秋夕陽山更好望遠且登樓

喜陪高士語彌愜出塵襟坐覺碧山暮因談淨理深千峰含暝色一磬定禪心隔斷人間路松關積翠沈

登高一微咏幽谷盡傳聲五字真無敵諸峰相與清霜寒楓更落雲淨月初生却視長庚笑茲山浪得名

劉貞女覺解優婆夷讚

猗歟劉貞女覺解優婆夷不字葆童真奉佛報母慈蓮花出綠波天然絕塵姿慧根固夙植妙行亦善持閭浮偶謫墜安養終當歸佛光燦皎皎天樂遠微微高誕華

池淨長與胎獄辭浮漚雖已滅神理恒若斯清芬誰爲宣援筆廣此詞

江北水災一首

客從徐州來未言淚先垂江淮今歲災迥異往昔時一自海禁弛米貴等珠璣窮簷那得飯持豆以作糜還期秋稼熟猶可遂其私豈知六七月大水淹沒之廬舍既漂蕩農具罕見遺死者隨波濤生者何所棲相攜走泥濘路滑行步遲飢來欲乞食四顧無人炊兒乳母懷中母病抱兒啼倉卒骨肉恩生死終乖離不如賣兒去療此須臾饑男兒三斗穀女兒五千貲幾日糧又絕中腸

如鳴雷霜落百草枯風凋木葉稀掘草草無根剝樹樹無皮飢嚙衣中棉棉盡寒無衣凍餓死路隅無人收其屍傷心那忍見人瘦狗獨肥哀哉江北民何辜罹此災

乞端午樵尙書經幢奉呈二十四韻

擾攘遭艱運安危倚大臣還歎扶社稷宿抱齋經綸去思碑遺楚來蘇歌動秦重溟問殊俗絕域駐征輪使節回滄海天書下紫宸南邦還舊治北固挹清塵膏雨蘇凋瘵橫流扼要津論文忻得士經武正談兵淮海災千里存亡繫一人不眠憂反側嘗餅味酸辛公取嘗餅分災慷慨發棠急迢遙轉粟頻那堪哀赤子忽報起

黃巾飛檄平江右驚濤靖海濱功成翻殞涕算秘欲通神攬勝窮巖壑怡情洽隱淪看雲心更遠嗜古意逾新野衲忘衰朽幽居得素貧金裘騰作杖雪竇近爲鄰澗草軟承屐巖花細吐茵難持綺語戒空老苦吟身朱紱敢輕謁白鷗聊自馴經幢如可乞玉帶復何珍法苑留佳話名山結淨因鄭侯調鼎日應許嬾殘親

午樵尙書屬題石鼓文榻本

衡山吾舊仕曾陟岵嶠巔蚪蚪照赤石鸞鳳翔蒼烟斯文紀方叔神武歌周宣願公匡聖主再頌中興年

余小住毘盧寺時李茹真大令自海州歸以二鶴

相貽忽一鶴爲野犬所斃一鶴隨余還天童亦

哀鳴不食而死余瘞之松下誄之以詩

故人新自海州歸二鶴相貽近錫飛羽族忘機應不死
雲霄失侶遂無依哀鳴竟爾聲俱邈感事因之淚亦揮
瘞汝松根還作誄千秋華表事依稀

題趙仲青二尹詩集五截句

如此清才復幾人蕭然一室久忘貧厨空不借鄰家米
二尹高風自絕倫

一卷琳琅手自裝身閒却爲賦詩忙殘年絕粒茅簷下

猶對梅花嚼冷香

倩我題詩久未會料因怪煞老禪僧拈毫欲了多年債

大雪漫山硯已冰

十年薄宦甬江邊山水多留文字緣何用豐干強饒舌

新詩句句自堪傳

君家漢水楚江頭海內爭稱趙倚樓黃鶴高飛誰可近

白雲遙望思悠悠

題趙仲青二尹神交集六首 並序

趙仲青二尹需次明州因閱報紙與白門鄭寄

伯通州張峽亭兩茂才競以詩唱酬氣味相投

遂訂爲金蘭之契各選詩數十首合刻名曰神

交集索余題詞回憶壬辰夏鄭湛侯宰衡陽時

君掌記室會隨湛老及其三公子叔獻孝廉赴

余羅漢寺齋今鄭氏父子俱已下世光陰流電

余與君皆老矣因題六截句以志今昔之感云

雲壓枯松倒寺門萬峯寒逼一燈溫攤開詩卷焚香坐

猶認高張舊夢痕

白門高詛薄層雲張拙清才亦不羣

張拙唐時名秀才善詩醉心佛理

等是江南好風格未曾識面已知君

惟憑文字訂心知千里言情各賦詩觸我故人今昔感

春風吹鬢淚如絲

道人萬念已如霜剩有交情老未忘今日逢君談舊事

白頭還哭鄭衡湯

憶昔偕君謁梵筵香厨齋罷更流連嶽雲湘月渾如昨

彈指人間十四年

海上煙濤照眼新嗟余鬢鬢皓如銀滄桑閱世心無住

支許論交老更親

此二語乃前歲與吳雁舟太史在滬上聯句語也

天童坐雨懷陸漁笙太史卽次其去秋游山原韻

四首

重陰久無日澗水漲如河忽報溪橋斷誰來策杖過正

愁山寂歷更苦雨滂沱白髮哀時叟春懷可奈何

去歲辱相尋吟秋野寺深幽花然夕照細雨淡疎林喜

接高人語因聞大雅音清遊如昨日離思悵孤襟

衡嶽重來此匆匆又五年松杉青似舊鬢鬢白逾前世

態紛無定禪心亦惘然惟餘蘇玉局文字有深緣

身閒心自遠詩境老逾佳好踐名山約同持繡佛齋不

妨參玉版兼可鬥詩牌十里松陰路何時踏翠來

懷陸太史七絕一首次見寄原韻

綠陰涼浸水晶簾白藕花香雨後添料得玉堂清夢醒

萬山青上兩眉尖

余別黃俊生司馬已三年矣今因嚴筱舫觀察小

祥來山作詩見示次原韻二首

閱盡浮雲萬變時此心孤月復誰知玲瓏岩下留題處

猶得重逢與論詩

久滅音塵欲碎琴喜聞白雪動清吟可能留此銷炎熱

坐受千巉冷翠侵

將徧游吳中山水

萬緣休歇付癡憨山水娛人老尙貪一片閒情何處著

淡雲微雨過江南

金陵聞安徽恩中丞被刺賦感

忽忽風潮震若雷皖江一夕中峰摧此真動魄驚心事
難以人情物理推滄海橫流那可蹈白雲出岫自堪哀
眼前荆棘銅駝意都向臺城落日來

維揚懷古二首

隋帝南巡玩物華錦帆到此欲爲家紫泉宮殿今荒草
莫問瓊花觀裏花

六代興亡付劫塵綠楊城郭舊時春二分明月依然在
猶照繁華夢裏人

梅花嶺謁史閣部墓

荒草萋萋掩墓門杜鵑啼斷月黃昏欲知亡國當年恨

萬樹梅花是淚痕

平山堂懷歐陽公

獨上平山有所思公於我法未深知如何一代文章伯
祇序浮屠祕演詩

贈金山秋崖長老卽題其拈花圖

江山最勝處乃得住斯人寶月或前世德雲應後身微
拈花共笑一任海生塵語罷碧松暮江天月色新

登北固山

長江此門戶第一拱雄關江勢欲吞海濤聲直撼山雲
煙生脚底樓殿倚波間坐覺金焦晚城頭踏月還

登焦山絕頂

欲縱江海目攀蘿上翠微水磨天作鏡龍挾雨爲衣北
固鐘聲近南徐樹色稀焦山北固僅隔一水不過二三里許南徐去此尚十餘里昔人樹色南徐近鐘聲北固遙之句恐未親歷其境特反其意以證其失下方清課罷明月滿船歸

登松寥閣懷陶齋尙書

不盡江山勢都歸一覽收潮聲連海濶雲氣壓天秋日
月波中出乾坤檻外浮永懷庾太尉寂寞倚南樓

重過常州天甯寺愴然有感

毘陵城外古天甯杖策重過涕自零三老共藏多寶塔

青長老及有乾高朗二公示寂已久俱塔於磬山故人惟剩兩晨星
謂如廣道興二師

寒松猶是舊時翠衰賢都非昔日青垂老江湖還惜別
可憐天地一浮萍

將歸天童贈陸无悶居士

太白千峰外歸心渡海遙難忘白雲侶如對赤城標淨
理晚年得神情一悟超高踪何處覓盡日在松寮

閬門懷古

日暮登閬門長歌生古憂夫差愚且憤釋囚忘父仇哀
哉伍子胥忠誠爲國謀奈何拒不納自刎決其眸忍見
越師來寒濤挾怒流幾幾姑蘇臺一炬成荒邱吳國旣

爲沼吳王寧用愁至今頭白烏啼斷吳宮秋

五人墓卽魏忠賢生祠故址

魏闕竊權日氣燄欲薰天舉國畏其勢五人殊不然青
山埋俠骨朱戶冷荒烟坏土亦云幸名隨烈士傳

虎邱

閻閭葬骨此佳城霸業銷忘息戰爭獨有雄心猶未泯
不教寶劍與秦贏

劍池

閻閭有神劍龍虎不敢窺未能勝句踐持此欲何爲祖
龍亦大愚取劍留此池丹巖空受鑿長貽山靈悲

生公講臺四字爲李陽水篆下一石似低頭聽法

虎邱講臺在說法憶生公頑石頭能點靈根慧自通夕
陽移塔影寒磬度松風欲汲劍池水恐驚潭底龍

白蓮池爲生公故迹花時清芬遠聞使人彌清塵

外之思作詩讚之

碧池秋水湛靈根片石生公迹尙存花亦低頭如聽講
曉風殘月澹無言

眞孃墓與生公講臺對峙下有白蓮池

眞孃古名妓埋玉此山前應聽生公法能空色界緣白
蓮香自淨翠竹悟皆禪好學散花女殷勤禮覺仙

禮隆禪師塔

傷哉隆祖塔寂寞冷荒煙荆棘行無徑見孫愧不賢蒼
苔餘斷碣古木咽寒蟬落日來瞻禮追懷獨愴然

曉登靈巖山

靈巖蘊神秀飛翠冠諸岑落月引孤趣冒煙始一尋奇
石肖幽鬼古松鳴玉琴門前五湖水浩蕩開余襟

日暮靈巖望太湖

靈巖山上望陡覺太湖寬天背星辰濕濤頭殿閣寒浪
花翻暮雪雲影壓迴闌我欲挾明月煙中驂白鸞

靈巖咏古四首

館娃宮

一片斜陽裏還憐舊館娃歌塵微度梵宮髻祇餘鴉
相惟工媚君王不戒奢樵人談往事猶自怨夫差

西施洞

巖下西施洞吳王舊幸頻遠山橫黛碧初月畫眉新水
底香脂滑香水溪脂粉塘皆西施故迹舟中伎樂陳夫差作青龍舟中盛陳伎樂
與西施爲水嬉一從五湖去寂寞薜蘿春

石城

吳王造此城何曾拒越兵徒勞萬夫力媚此一人情惟
刺採香蹟甯聞步履聲採香徑響屧廊故迹俱存山花亦何意猶學

舞衣輕

琴臺

琴臺高竽兀翠壓石城陰琴臺在靈巖絕頂據石城之上但惜笙歌耳
那知山水音故宮餘蔓草落日滿空林冷浸吳江水浮

雲變古今

題鄧尉香雪海

鄧尉知名久我來梅已花空思香雪海洗我舊袈裟樹
密蟬聲沸庭陰日影斜終須罷行腳長住白雲家

題鄧尉諾驪和尚一蒲團外萬梅花圖

一箇蒲團外禪心絕點瑕當門五湖水繞屋萬梅花行
苦因持律詩清爲飲茶何時結茅屋相伴老烟霞

與諸道人泛太湖十六韻

萬頃汪洋色遙知是太湖風帆連兩浙形勝控三吳島
嶼浮空遠波濤湧雪粗四圍天作界一望水平鋪巖壑
松蘿盛晨昏氣象殊餘霞朝散綺圓月夜跳珠白鳥飛
難越紅塵到得無衣香菡萏雨心淨水精壺眞賞襟初
愜良游興不孤况乘禪課暇還與道流俱覽古船同繫
尋幽杖共扶納涼依細竹充飯煮新菰眠伴沙頭鷺趨
隨草際鳬物情閒自適舟楫道無拘山翠夕逾好溪嵐
淡可娛鳥蓬長七尺容我置團蒲

太湖舟中遣興

一葦五湖客飄然不憶歸天痕青作笠雲氣白爲衣鷗
鷺如相識煙波共息機夕陽山更好帆逐彩霞飛

題吳牧園太史前溪散牧遺照二首

青篲黃犢舊風流玉帶金魚懶自謀銷受林泉最清福
晚風涼月意悠悠

玉堂舊夢了無痕片石科頭小照存欲問神游向何處
一犁春雨杏花村

聽枯木長老彈琴

老禪抱古意爲我撫焦桐如坐石臨澗微聞松語風禪

心冷香雪師知余好梅特彈梅花三弄仙梵出花宮曲罷日亭午片
雲生碧空

海上重晤陸廉夫

湘上一爲別相思直至今那知黃浦月還照白雲心時
事嗟無極秋風鬢已侵何當攜手去共上虎邱岑

遇蒲作英於滬上寫竹見貽詩以奉酬

與可知名久無出一遇之偶回滄海棹忽見紫芝眉秋
雨涼吟屐微霜鬢絲憐余念鄉國爲寫碧湘姿

丁未六月嚴子均漁山昆仲邀蒲作英葉廣庭及

日本滑川達長尾田集小長蘆館爲余與陸廉

夫錢別

主人敬愛客英俊盡來臻炎蒸勢方灼坐覺綠陰寒圓
蔬潔香飯山果湛清尊玄言發妙理涼颺祛煩喧勝遊
念難再佳會情彌敦明晨悵孤棹白鶴誰爲羣一望海
山遙青天愁片雲

小長蘆館雅集座中諸子有詩書畫三絕忻然再
次前韻一首

一室詩書畫浮生有此時荷香涼入袖山色遠橫眉擊
鉢發孤興吟髭白幾絲君詩如朗月照我碧蘿姿

德堂上座由湘來天童省余作詩見貽次韻答之
老懶渾無着飄然此地游離鄉六見菊話舊十經秋冷
抱白雲臥橫隨滄海流吾宗得骨髓捨子更誰求

漫興疊前韻

吾道甘寥落蕭然林下游一從泯照用不計有春秋粉
碎虛空骨平吞巨海流聖凡皆夢幻老矣復何求

四明文晉卿太守將解印寄詩留別次韻以送其
行

青天好明月惜被片雲封尙覺清輝影猶懸碧澗松金
風期一振玉魄又重逢終踐名山約探幽意莫慵

喜見陸漁竿太史三令郎戲成一截句奉贈

兒孫繞膝又添丁桂蕊蘭蓀香滿庭何事相逢成一笑
老人星有小文星

重陽追輓世伯先廉訪

并序

去年九日前浙東觀察使世伯先廉訪偕幕客
來太白山登高作詩繪圖見貽且致書江督端
尚書爲本寺乞唐人經幢藏之奎煥樓今年四
月卒於皖臬任所重陽對菊感舊傷亡泫然賦
此

去年九日使君來今歲重陽安在哉黃菊有情應墮淚
青山無語自生哀蒼茫人事真難定寂寞禪心老益灰
遙望皖江空一哭不知旅櫬可曾回

鄞邑何珊瑚茂才精岐黃術活人無算年七十與
其孺人今秋同日而卒詩以輓之

名山樂道養幽姿一笑相逢憶往時早識杖鄉還杖國
不爲良相亦良醫紅顏伴讀人爭羨白首同歸事益奇
惟有劉樊堪合傳又添仙骨赴瑤池

玉几峰高對結廬經過猶記晚涼初白雲蒼狗看浮世
紅樹青山讀異書曾折梅花勞記我拙集舊名贈梅吟
君懷余有折梅還
寄贈梅欲歌薤露渺愁余虎溪蓮社都寥落垂老天涯
人句故舊疎

余住天童六載將滿陸漁笙太史作詩相留爲七
絕句一章酬其雅意

六載離湘鬢已斑身如倦鳥苦思還忽傳仙客瑤函至
留住孤雲不出山

附陸廷敬和作

七十三年已斑相逢安肯放君還題詩願乞如來
佛踪跡長留太白山

八指頭陀詩續集卷七

涂茨衡太守由奉省罷官還湘爲庵男韻詩見懷

次韻奉寄 有序 戊申

憶光緒丙戌六月十五王壬秋先生集諸名士

開碧湖詩社獨遣王雁峰山長因有詩見嘲云

長沙近事君知否碧浪湖邊多鯽魚是年十月

初九郭筠仙侍郎於茲作展重陽會余爲代邀

雁老赴會而城南杜仲丹熊鶴村各以事不至

侍郎賦七古一章中有句云王郎妙語誰能識

碧湖便可名金鯽城南詩老掉頭去釣竿魚尾

不相值又贈熊鶴村云我亦鯽魚甘受餌君如

鷗鳥獨辭溫明年上巳公與陳伯嚴約余同友

人修楔湖亭分韻賦詩遂題鯽魚第三集於卷

端今名士鯽魚半隨物化讀侍郎詩不覺感慨

係之

紫微山上碧湖庵佳節同游三月三集鯽已曾成妙語

聽雞且共佐清談喜聞彭澤官休早不戀邯鄲夢正酣

我爲故人頻禮佛祝君多福更多男

一二疊前韻再寄

不將朱戶易茆庵誰識先生所貴三早許雕龍成絕藝

還思捫蝨接新談有才身遁名難晦無酒詩成興亦酣
還憶老懷應自慰盈階瑞草並宜男

王益吾祭酒近於湘中賦庵男韻詩有却憶天童

吟伴遠即論燒指亦奇男之句因有感三疊前

韻奉寄

葵園幽寂似禪庵 公住長沙荷花池園中多葵人以葵園先生稱之 一別雲松

歲兩三滄海浮漚觀世態河汾舊學向誰談不愁對鯽

趨庭缺定下飛熊入夢酣指日荷花誕靈秀 余曾爲公代謁普陀

大士 一花一葉一童男 報恩經云鹿母夫人見池中蓮花誕五百童男

酬陸漁笙太史四疊前韻

玉堂人老似居庵開徑無心益望三愛看梅花存冷趣

懶翻貝葉喜僧談烏紗黃綬夢俱遠白首青山酒半酣

晚歲林泉有餘樂兒孫繞膝又添男

附漁笙陸廷黻見贈次庵男韻詩

我是山陰老學庵送師歸渡碧湘三末容密室常時

聚且得離筵片刻談鐵可成金言太重 謬爲易一二字推獎太過

茶堪當酒興猶酣他時再入天童去儻許皈依作善

男

五六疊韻奉酬明州太守夏閏枝太史二首即以

留別

郡齋清冷似僧庵聽鼓趨衙吏兩三莫畏春愁生白髮
且標神理縱玄談平情折獄心猶稟中酒看花興未酣
難得風流太守肯從野衲詠庵男

碧湖湖上有荒庵歸去言尋老友三

謂王益吾祭酒王千秋徵君葉煥彬

吏部閒逐鯽魚聯雅集共親鷗鳥暢幽談相清嶽峻詩應
好柳暗花明春正酣莫笑頭陀無眷屬白雲隨杖即僧
男

附閨枝夏孫桐和詩寄公屢約遊天童牽於塵

事未果適示庵男韻詩奉和

浙東佳處有茅庵十里松存尙二三望裏雲山不可

即座中風月每傾談春寒十日晴猶殢梅瘦一枝花

未酣何異樊中仙翻羨低頭媿煞杜陵男

寄公將遊金陵疊前韻送之

頭白耽詩老一庵狙公閱世笑朝三未鐫文字甯非

障能歛機鋒却耐談入海孤帆烟浩渺連江春雨意

沉酣乳鴉流水青谿路儘許投詩弔阿男

贈黃懺庵司馬七疊前韻

甬上詩人黃懺庵夜吟對月影成三白雲天遠安能問

紅雨樓空不忍談

君亡夫人有紅雨樓詩卷

品竹虛懷心更逸看花

老眼興猶酣痴情代訴慈悲佛早晚還生福慧男

觀音經云

欲求子者便生福德智慧之男

附懺庵黃家鼎次韻奉酬寄師贈句

清夢常迴東谷庵

天童東谷庵爲天嶽禪師退居

久慚雅約負重三

前年大作有後會

離情因結林泉習鼓興還爲風月

還期三月三之句

談詩寄草堂春意滿書藏石室古香酣他時倘許拋

家計願共高僧採麝男

再次元韻補賀寄師新得端午帥唐幢

阿育王山永壽庵百梁幢出鼎而三

指鄞縣三唐幢

天童新

得千年物世界應增一美談剝蘚爭看文字古選箋

拓藉墨花酣永康茅舍乾元樹鎮寺堪稱伯子男

寄呈笠雲本師八疊前韻

麓山飛翠蔭千庵我法羣推不朽三最恥小乘圖自了

惟將眞諦與人談轟雷掣電禪機捷卧虎跳龍筆陣酣

師機鋒敏捷而書法尤工

林度東瀛動朝野香花爭散女偕男

山中即事九十疊韻

萬樹梅花繞一庵絕無人問法門三

謂大中小三乘法也

看雲倚

杖聊行樂聚石爲徒祇自談日出飢蜂飛正鬧雪銷東

虎睡初酣老來魔佛都無奈山魅何勞幻女男

海水搖天綵入庵滄桑遷變已經三辛香懶衲蒙頭卧

柯爛仙樵戀手談瘦石幽花禪更寂薄雲微雨意遲酣

山園日涉自成趣笑指雛生是小男

趙仲青二尹次庵男韻贈別言及亡友鄭湛侯明

府及其子叔獻孝廉不勝山陽之感十一疊韻

莫憶衡陽江上庵仲青曾充衡陽令鄭湛侯書記鄭虔已死絕亡無

三讀君詩好驚奇作嗟我情痴忍痛談游宦人間才未

展修文地下興應酣平生最小偏憐子湛翁三子叔獻最慧惜早喪無

嗣天喪還傷無一男

贈趙二尹十二疊韻

六年掛錫甬東庵一月相尋至再三每對青山思舊事
欲傾滄海洗新談片雲隨意生涯冷薄宦耽吟興味酣

莫怪老禪頭雪白見君生女復生男

附漢陽趙潤贈詩二首贈別

飄泊東南老葉庵閑雲野鶴共君三衡湘墮夢從頭

憶識師於衡陽羅漢寺今十七年羣紀遺文忍淚談謂鄭湛老及寥

落知交惟白足別離時節又紅酣青谿游到須回首

蔣妹才華昔勝男

此去鐘山莫結庵歸來應趁節重三長髯似戟驚虬

叟大局如碁憤史談輸爾天涯行得得愧予塵世夢

酣酣何當垂釣晴川水供餌還欣有小男

警世二首十三四疊前韻

世界都藏一粟庵佛身無量且言三謂圓滿報身清淨法身千百億化身

也拈花迦葉微笑杜口維摩默不談聲色叢中呼不

醒公侯枕上夢方酣可憐滿眼痴兒女六賊家家認作

男

萬松青鎖定僧庵降伏貪嗔痴毒三佛經以貪嗔痴爲三毒要把

虛空成粉碎始知箇事絕言談木人中酒醉難醒石女

懷胎春正酣打破重關關捩子男兒到此是真男

太白峰望海十五疊韻

太白峰頭望海庵望中何處有山三越人天姥猶真語
海客瀛洲總妄談賀監高風今尙在謝公游興昔曾酣

鉅幽鑿險功非淺論賞宜封一等男

明州旅舍書懷十六疊韻

爲客明州旅泊庵明年古有旅泊庵蓋取楞嚴經旅泊三界示一往還之意三年已

滿又重三余住天童已六年矣也知香火緣前定亦畏風濤海上

談片石孤雲遠眾賞千花萬柳戰春酣彌陀慈父應憐

我願作蓮胎最小男

將之金陵舟至吳淞阻霧夢游廬山覺而賦此

我自昨日辭甬東黃浦小歇何匆匆金陵迢遙隔春渚

乃欲破浪乘長風濃霧蔽江不得渡孤舟兩日仍吳淞

忽夢淩雲生羽翼步虛疾可追冥鴻鍾山彈指颯已到

故人一笑皆相逢便携笠屐陟廬嶽五峰秀攬青芙蓉
三峽銀河落天半借此蕩彼塵海胸虎谿嘯聲猶在耳
踏月還聽東林鐘蓮社高風應未墜吾將老此巢雲松

二月一日金陵對雪

金陵城頭暮飛雪重衾一夜冷如鐵曉起登樓一倚欄
在目無塵皓以潔三山二水分瀾漫白鷺青天同一色
烏鴉翻空微弄影素蛾含輝深匿跡門海玉龍興方酣
嘶風鐵馬愁欲絕三農計日動春耕六出非時豈云吉
老禪憂世畏年荒詠絮無心苦民疾

對雪贈梅癡子李二翰林

四山失繁翠高閣遠生寒江城一飛灑天地皓漫漫凍
鶴飢無語梅花冷自看誰能比孤潔清詠獨憑欄

杭州白衣寺松風和尚哀詞二首

末叔同塵轉願輪那知爲法竟亡身可憐流血開風氣
師是僧中第一人師以興辦僧學爲頭
學輩深嫉致慘死

西湖回憶早涼天紅樹青山共放船一別便成千古恨
春風吹鬢淚潸然

由四明還長沙途中雜感得七絕十首

大海浮杯歲月驚可堪頭上雪千莖多時不返瀟湘棹
夢覺衡雲繞足生

千里雲帆掛浙東歸心山色兩爭濃金焦殘雪壓寒翠
疑是卧波雙白龍

夕陽野寺擁晴嵐沿路春光絕好探萬頃煙波舟一葉
落梅如雪過江南

采石磯邊碧柳垂舟人指點謫仙祠祇憐醉月騎鯨去
同是人間未醒時

江上迢遙望九華此身便欲伴煙霞金地藏送童子下
須頓下淚老僧
相伴有煙霞
自嗟瓶鉢塵中老孤負蓮花大似車
賞
夢登九華見金池五
色蓮花大如車輪

九江飛夢上廬山遙見仙人跨鹿還長嘯一聲寒月白

忽驚身在水雲間

百戰山河霸業空我來赤壁哭英雄孫吳差足強人意
留得周郎一炬紅

一葉東來汗漫游大江淘盡古今愁舉頭却掛青天月
照我還登黃鶴樓

海上狂龍解聽經三山長在袖中青無端忽起還鄉念
春水茫茫渡洞庭

青草湖邊浪作花黃陵廟口樹棲鴉禪心老去渾無住
猶望長沙是我家

長沙小憩仍歸天童感事四首

離鄉忽已老兩鬢雪霜侵春草動歸思孤雲生遠心吟
辭滄海遠愁入碧湘深太息芷蘭地風騷失舊音
却尋舊行徑亂草沒幽蹊不謂蓮花淨今成濁水泥眞
燈愁室暗寶筏奈川迷邈矣覺皇遠誰堪化闍提
孤舟歸遠客獨詠動哀情白足欲何適滄浪空自清却
憐吾道拙不與世途爭惟有中天月依然永夜明
又欲浮杯去高棲海上山行將孤笠影歸掩萬松關黃
鶴不復返白鷗聊自閒何須得丹訣而後棄人間

懷

王益吾祭酒以二絕句題余吳中游草即次韻書

吟風弄月且消閒說法其如石太頑自笑萬緣休歇盡
猶餘一髮雨東山

山河大地鏡中痕歲月如流萬馬奔虛擲空門閒甲子
祇依山谷作詩孫余俗姓黃爲山
谷老人遠孫

附王祭酒原韻二首

說法觀空未是閒鉢龍泥虎太癡頑何如插腳塵中
去踏徧江南兩岸山

道人佳句兩天痕自註師憶天台茅庵有袖底白生
知海色眉端青壓是天痕之句一
時傳誦頃太湖舟中詩天痕青
作笠雲氣白爲衣亦佳句也閒送雙輪晝夜奔遙
想靈巖最高處俯看萬象盡兒孫

戊申二月由四明還相喜晤編修黃觀與太守勿
匆又東下蒙贈六絕戲爲拗句次韻奉酬即以
留別

孤帆渡海烟冥冥湘上蘭橈時一停欲訪騷人問漁父
呼他明月醉中醒

不戴朝天獬豸冠公會官
御史夢魂猶自墮長安書名並與

麓山重時見龍蛇蟠筆端

資江之水潔且廉資水之山幽而巖白尤濃煎香勝茗

黃華淡味清如鹽

老年愛靜倦論文中酒看花意却勤白首蒼山自來去

拂衣長嘯芙蓉雲

芙蓉山詔公家不遠劉長卿宿
芙蓉山詩日暮蒼山遠即其地

道人學道詎貪名詩草刪除苦又生一曲陽春知寡和

滄浪聊答棹歌聲

行脚天涯太遽忽垂楊恨不繫飛蓬此後蒼茫雲水隔

惟憑梅鶴寄書筒

附黃編修原韻六首

戊申春半雨中寄禪大師見訪因言前年鄒

縣陸漁笙學使有詩筵奉寄如達左右宜有

報章寄師維舟將發率成六絕聊以贈行並

柬漁笙學使

風風雨雨晝冥冥難得幽人展齒停世事祇今無可說祇應長醉不須醒

寒山拾得吾湘雋肯讓彌天釋道安卓錫名山今欲遍盡收甌越入毫端

無田不退詎非貪長笑東坡律太嚴豈料而今須早計莫羞送老祇蘿鹽

身將隱矣又焉文老不成名每勸勤多少音書遲作答篋中常擁吉祥雲

浙東詩伯舊知名咳唾隨風珠玉生信是曲高人寡和吟髭撚斷不成聲

隴頭昔別太匆匆湘上今歸類轉蓬此去句章逢太史煩將小柬代詩筒

春山漫興

地勝遺塵事心清妙見聞琴聲微雨潤花韻夕陽熏樹樹啼黃鳥峰峰生白雲翻嫌幽賞足欲覓個人分

去夏閒遊吳門蒙陳伯屏中丞贈六絕句携之還

山遲遲未報今春禪誦之餘謹次原韻奉寄

春風花鳥樂陶陶遙想元龍意氣豪萬頃太湖波浩渺

青天一月出雲高

文章政事儘堪傳玉局人稱是上僊共喜爲霖能澤物

莫嫌覓句未忘詮

白頭開府已嫌遲肯讓瓊林挺後枝應愛吳中山水勝簿書有暇輒哦詩

如毛羣盜漸皆平返旆爭傳父老迎黃犢一犁春雨足田歌聲雜凱歌聲

見說探梅鄧尉遊冷香如月淡難收碧紗籠內新詩在不羨山門玉帶留

煨芋能嘗個味真清風一拂物皆春他時李泌衡山頂守護烟霞有替人

南嶽烟霞峯舊有李鄴侯讀書堂

附陳中丞原作六首

入社攬肩我愧陶浩園人盡虎龍豪自註余入都時師邀王益吾王

尺許高

白梅高詠世爭傳有雪無春句欲仙自註師詠白梅詩有意中微有

雪花外欲無春一疎影暗香誇絕唱較來終是落言詮聯爲名流推服

探梅鄧尉已嫌遲綠葉成陰子滿枝我及早春香雪

海翠禽啼處獨吟詩

金閨名勝數天平路轉山椒萬笏迎洗鉢泉鳴松籟

歌靈巖遙送塔鈴聲

元墓山高記昔遊太湖一角望中收老僧爲說南巡
盛到處琳宮聖藻留

兩浙名山恆道眞美師飛錫五經春擬謀楊子一區
宅也去西湖作主人

自註余將移家杭州擬
買徐文定舊宅作廬

寄贈葉煥彬吏部三絕句

並序

曩在湘中疊崑崙韻贈易實甫觀察有篋中諫
草都成血衣上天花不着痕句吏部見之喜曰
上句切實甫會上萬言策下句則似僕爲人蓋
僕少年斷絃至今不續不娶雖花天酒地日事
遊戲此心冥如此詩可作贈易葉二人實翁聞

之堅持不可曰烈女不嫁二夫佳句可改貽二
人乎余因以專贈實甫吏部覺頗不直余而余
每欲詠吏部之爲人苦思不得時閱十年忽於
海上一夕定起海淨天澄圓月獨朗忻然得三
絕句爲之寫照

波澄水活湛如鏡樹老心空翠欲飛恰似吾湘葉吏部
萬花繞座不沾衣

不居朝市不山林別有飄然獨往心魔佛界中難位置
老僧入定費推尋

雨過微雲淨碧虛一輪皎潔此心如新詩吟就佛應笑

遙寄維摩長者居

春雨既晴坐聽谿聲頗悅禪寂

北澗初過雨東風旋作晴薄雲當戶散新筍負牆生忽
忽春將暮纖纖月自明茅堂清不寐支枕納谿聲

繆筱珊太史偕其少君子彬及江君詠秋來遊天

童賦詩以贈

高人選勝到長庚五里喬松夾道迎獻翠遙峰微露髻
催詩好鳥不停聲僧因愛客初沽酒天爲看山不放晴
應笑老禪耽寂靜未陪吟屐踏雲行

山行

巖戶晝猶扃幽人睡未醒鳥聲穿樹碧石色補天青
瀑濺衣濕谿花吹袂馨誰於看雪處添築小茅亭

贈長庚庵主

五里松陰路長亭復短亭谿花然澗碧林鳥語煙青聽
梵虎心醉看人佛眼醒山河是何物都向定中冥

谿行既暝投宿山寺花鳥泉石湛然清麗賦詩以

志幽賞

俯視諸人暝山門倚樹端泉聲松徑曲花氣石幢寒野
鶴巢雲穩鄰雞唱月殘老僧清課罷燒筍供晨餐

暮春示眾一首

春夏之交草木深及時舉眼細參尋若看柳絮休迷雪
莫摘枇杷便當金

陸漁笙太史約來山作浴佛會至期末赴八月中
以七古一章見寄次韻奉酬

四月初八最吉日相期共浴黃金佛青山望斷夕陽斜
良辰難再苦易失去秋不速公自來布襪青鞋何坦率
今年有約竟不踐得非憚遠而悅尺禪房留掩客生噴
曼陀花雨空盈室忽聞雲中鸞鶴鳴驚斷草間之蟋蟀
調高自古少人和矧茲詞義俱妙密焚香細讀重和南
勉步清塵破愁疾玉堂人是地行仙大壽已過古稀七

嗟余五十鬢早霜趙州齊年恐未必且學無生悟不死
不死奚假養生術但願五嶽皆遍游黃犢足健如我膝
歸來還訪東林舊論交更勝膠投膝休鮑聯吟那足儔
支許神契或可匹惟惟昨者不赴會有如臨陣先逃脫
萬松關前虛佇立白佛請究維摩詰

夏日卽事

雨過炎威欲受降陰陰夏木影搖窗日斜風定池波淨
白鳥飛來時一雙

招友人入山

十里松陰路未遙莫辭雲宿老僧招青山却許勞人逸

白髮甯教顯者饒竹裏琴牀經雨潤花間茗碗借雲澆
休嫌野外盤餐薄苦筍香芹頓頓燒

東坡西湖觀荷花有貪看翠蓋擁紅粧句陸放翁

翻其意云猶嫌翠蓋紅粧句何況人言似六郎

語雖妙而墮小乘余於此二句各下轉語

妙淨靈根植已深綺塵雖近未能侵莫嫌翠蓋紅粧麗
要識渠儂不染心

不礙人言似六郎天然色相那容藏能令佛土隨心淨
賴汝華嚴吐妙香

贈張子遇觀察二首

時公任甯紹台道

使節臨滄海波濤靜不揚魚龍春睡穩花木夏陰長碧

沼供垂釣青山對舉觴白頭清興足猶自課蠶桑

衙齋在城市水石亦澄新魚骨矮支座鳥雛低趁人

道後園樹密鳥多有魚骨二節大數圍用以支座署
公有領海不駭魚骨大巢林惟恤鳥雛多之句海山青

在眼池月白隨身何用秉簪笏居官轉絕塵

戊申夏六月易哭庵觀察自羅浮來滬遇於旅舍

邀游天童公獨往靈峰尋葛仙翁遺蹟還禮育

王塔過鬼谷祠爲長短歌行及五律七截若干

首見示余以住持事繁不能次韻奉和聊題五

律四章以志名山之幸云

山川靈秀氣都入短長吟明月鑄詩魄白雲生道心千巖泉灑面萬壑翠飛襟我爲茲山幸於今得賞音

意昔大瀉頂迢遙冒雨來徧窮巖壑勝遠帶水雲回得

句花爭雨談禪舌若雷前塵餘影事余與觀察游瀉山有五絕門影詩百

餘首今裝回首不須哀

湘中別云久海上遇何遲遠自羅浮至同探太白奇稚

川勞問訊鬼谷又題詩獨禮育王塔人天俱淚垂

名山遇才子泉石亦生香虎阜前因勝哭庵爲張夢晉後身龍華

後果芳英雄休自苦詩酒不妨狂他日事明主還應奉

覺皇

月夜舟中與哭庵觀察話舊得四絕句奉贈

躡險探奇老未疲千巖空翠袖中隨山靈歛黛愁君至

囊括雲霞了不遺

憶昔瀉山冒雨游今宵又泛越江舟痴情共祝青天月

還照同游到白頭

憐君青鬢漸成霜相見無言祇斷腸淚海已枯情嶽碎

人天消息兩茫茫

山水緣深富貴輕杖頭五嶽儘逢迎哭庵莫哭宜狂笑

成佛生天定此生

普陀山次易哭庵觀察原韻二首

四山無路出惟與碧波鄰海是大圓鏡龍爲善女人林

中紫竹秀世外白華春願乞楊枝水閭浮洗劫塵

麻姑三見海揚塵今我重來三十春波底魚龍仍聽梵

林間猿鶴尙親人自憐衰鬢非前日却笑浮漚是此身

誰識南詢參訪意百城烟水渺無垠華嚴讚有華嚴海會童子南詢百城

煙水渺無垠語白蓮臺題壁次哭庵觀察原韻一首

普陀眞佛地海作水晶宮梵聽潮聲裏詩成龍氣中歸

雲穿樹綠落月浸霞紅欲問圓通理音塵未可空

再次哭庵觀察感懷原韻三首

觀空復何著夢幻此身留滅食常施虎浮杯欲度鷗雲

山雙屐徧世界一毫收我欲抱圓月同乘大願舟

數盡恒沙劫輪廻更幾生塵堆情嶽峻海積淚波成已

吳人天路猶聞哭泣聲吁嗟三界苦向佛早輪誠

吾宗久寥落誰可續傳燈花笑如來佛雲埋入定僧聖

凡成異轍大小說三乘最上毘盧頂何人踏翠登

登洛迦山次哭庵觀察原韻四首

地靈山色好佛放翠毫光欲入三摩地來乘普渡航黑

風吹海立白浪打天狂愛看蓮花險高吟過此洋

念彼觀音力波濤了不驚片雲孤笠重大地一漚輕龍

象威原大鯢鯨怒已平我來登覺岸便欲了浮生
海上洛迦勝開山不計年偶嘗甘露水如到吉祥天忍
草敷禪座曇花現法筵返聞自性妙用不唐捐
渡海難爲水浮杯更入山蛇王峰露髻龍女翠拖鬟帆
影來天外鐘聲出樹間夕陽詩正好舟子喚人還

後寺題壁追懷化文長老

萬國仰慈航蓮花水亦香樓臺含蜃氣日月繞龍光海
色千重碧金容丈六黃此中無六月坐覺衲衣涼
環山皆梵剎後寺最幽深法雨留天額松濤宣梵音浮
空多翠浪佈地盡黃金欲作中興頌南能煥寶林

次哭庵別普陀韻一首

禮別蓮花座蓮花正發花潮頭方聽梵天上又迴槎海
水皆流淚仙人亦戀家慰君惟學道莫更訪摩伽

贈武當玄都觀道士度繼修二首 並序

道士姓庾名繼修未出家時曾截指和藥療父
病未幾母疾篤或言食子肝可活繼修哭禱神
前手利刃剗腹出肝割一片長三寸許煎湯食
母復納餘肝於腹以髮縫創口母既生繼修亦
無恙設使割肝時稍知有身則不能無我又何
能無痛也後母死遵遺命與弟繼成於武當玄

都觀爲道士不火食恒生啖瓜菜芋菽以自飽
逢父母忌日七日不飲水而精神不稍衰日行
百里無倦容武當天柱峰距均州百二十里繼
修望州城厯厯可數其雉堞近城行人可辨男
女其目力過人如此初督學使奏其事未報及
繼修游京師和碩肅親王見之以狀上聞蒙
賜純孝真人嗚呼如庾道士者亦真可謂真人真
可謂真孝子矣因爲五言二首讚之
武當庾道士苦行事多奇截指父疴起剗肝母病醫孝
思通帝座天詔下瑤堦縱得沾恩渥戕身亦可悲

豈獨黃冠者清修世有無忍饑恒絕粒煉藥始開爐放
鶴三山近衝雲一笠孤丹成或相訪飛劍莫驚吾 飛劍乃呂仙參黃龍禪師故事見指月錄

秋夜書懷

碧虛圓月漸東升獨照蒲龕老病僧甬上青山生白髮
夢中黃嶽負蒼藤 余聞黃山幽峭欲往結茅不果悔因識字多生障悞
墮狂禪最下乘心印尤潛塵海暗殘宵掩淚續傳燈
和陳杞懷秋夜一首即次其韻

卧看滄海欲揚塵忍淚悲天更憫人黃土青山骨未冷
此句實有所指白雲蒼狗變何頻興亡氣運誰能識文
非泛語詞也

字知交老漸親石火光中吾與子且留來去自由身

夜起

夜起寒階踏葉行松陰涼月逗微明幽花爭向霜中吐
佳句偏從枕上成頗覺山居閒有味却憐世態薄無情
相交惟愛孤雲淡不逐人間作雨晴

戊申六月陪易實甫游普陀各得詩十餘首實甫

有海是空王淚雲爲織女槎三代以前無貝葉

六經而外有芙蓉龍來拜佛成童子客到游山

變女人之句頗自得意而余作無傑出者十月

十四日由毬城還山於禪寂中因憶前游忽得

七律一首不獨可與實甫抗衡恐古人亦未道

過實翁見之必首肯曰吃和尚勝我矣

到此彌知佛理深普門日夜演潮音

法華經有觀音普門品乃佛讚大士

三十二應說法

隨機之妙蓮爲大士出塵相海是空王度世心今古

滄桑從變幻魚龍多少任浮沉喜游華藏莊嚴刹吐我

平生浩蕩襟

甯龍僧教育會成立有以匿名函省垣總會者作

此奉寄以代解嘲用釋疑謬

天竺天童若弟兄豈容謠咏間深情江河水合歸滄海

星月光涵混太清浪蕊浮花空自鬧春蘭秋菊亦何爭

白衣大士應含笑兩寺原同一寺名

總分會俱設白衣寺

戊申十月二十四日伏讀

大行皇帝

太皇太后哀詔泣感四章

龍馭升遐祇數時

慈暉寢耀更堪悲內訃外患憂方亟搶地呼天痛莫支

日月雙懸霄漢久山林同沐

聖恩滋

戊戌變法有請毀寺汰僧者聖慈不許其議始寢

翠華邈矣嗟何及草木無情亦淚垂

文宗憂國病橫戈

車駕倉皇幸熱河縞素六軍天慘澹蒼梧雙淚日滂

沱終平大亂金甌固重勒中興石鼓訶垂老

鸞輿猶出狩白頭揮淚別宮娥

忽聞

哀詔下神京北望河山涕自橫宵旰勤勞心未已烟

塵瀕洞夢還驚豈無膏雨蘇彫瘵儘有瘡痍累

聖明泣問昊天胡不弔彌留猶自念蒼生

日月無光氣慘陰空山猿鶴動哀吟敬天法

祖思

堯德掩泣承歡見

舜心伏聞 大行皇帝每得疆臣 警奏恐慮聖慈 秘不以聞 悵望前星虛

帝座忻聞

大業

賢王攝政應強國早慰

先朝聖慮深

贈張讓三六絕句 並序

余耳讓三名垂三十年惜未一見戊申孟冬君自西江返棹始得把晤於寒花瘦石間語及故人半君師友不禁泣下君笑曰禪寂人亦復多情我幸識師卅年後不然亦爲汝薤露歌中人矣其言雖戲實傷心語也君行將仍赴章門馮中丞幕感爲六絕句贈別並訂明春天童之游君如不嫌山僧字醜當作倒薤書以代桃符嚇鬼但恐倉頡見之而哭曰吃和尚吾不奈汝何當退避三舍君以爲然否呵呵

海內才名自昔聞空山寂歷最思君西風落葉滄江晚一笑相逢話白雲

甬上重來哭逝波白頭那禁淚滂沱喜君遲見山僧面

未入山僧薤露歌

詩人海藏鄭蘇龕與君味道是同參不嫌老去風情在却怪頭陀痴又貪 蘇龕贈余詩有痴而又貪佛所誦

曲江風誼薄雲鴻笑我名心老未空多少深山開甲子銷磨都在苦吟中

相交太晚別彌難雲際孤帆不忍看一片離懷海天闊

西江煙月若爲寬

遙指雲峯落照邊明春山笥正當年歸舟應趁清明節乘興來參玉版禪

冬月十一夜飯張讓三宅間故人厲季龍於前數日病故明日往弔樞已出矣爲詩輓之

寒月西風颯髮絲故人云逝不多時四明舊雨交尤早一束生芻哭已遲却對寒花思病骨忍歌薤露戲哀詞甬江吟伴今寥落白首青松祇淚垂

前年歲杪朱古薇侍郎游天童許題詞相贈遲遲未報戊申殘臘余由白門還甬取道姑蘇奉訪戲投一絕句以代索逋之役

雲衲衝寒索舊逋殘年風雪過姑蘇梅花一樹朦朧月此是詩人避債圖

二月朔國喪期滿遵制剃髮感書一絕 已酉

鳳輦龍輿俱邈矣猿啼鶴淚恨何如兩宮聖澤留方外

一髮千鈞不忍除

衡山陳仲明余湘社中人別十年矣宣統元年遇於甬上以詩投贈感次其韻

湘中昔結文字契甬上今還笠屐親笑我甯非學道者與君俱是不閒人白雲出岫終爲雨碧海浮杯遠避塵十載茫茫隔煙水無端邂逅亦前因

論道一首次陳杞懷孝廉韻

石爛松枯嬾問年龍眠虎卧各安然固知靜者心多妙莫怪山僧語太顛大地平沉猶是妄虛空粉碎未爲禪欲參最上眞乘法百尺竿頭進步前

戊申夏溥侗人將軍由京師來游天童一宿即去

手書林壑尤美橫額及集五言聯寄贈賦五律

二章奉酬却寄

如何天上客忽下綵雲間遠渡滄溟水來登太白山不知珠履貴却愛衲衣閒一宿匆匆去青松憶妙顏華簪心自遠林壑興猶餘閒集古人句親爲老衲書深情通尺素千里附雙魚遙問長安訊瓊瑤辱贈余

余在湘時陳述猷屬題虎溪三笑圖遲遲未報聞

十年矣已酉春仲星悟上人由白門寄書代索

乃賦五律二章用償宿逋

三賢俱異道一笑各千秋緬想虎溪月如從蓮社游披

圖餘勝蹟題句徧名流笑我枯吟久詩成今白頭

疇昔居湘上每思題此圖驚心十年別把筆一言無杖

錫來江海雲山隔楚吳還君詩債緩才鈍莫嗤吾

壽昌寺送郭沅芷明府北上次見贈原韻二首

古寺囂塵隔疏鐘暮雨沉何堪折柳咏還對落花吟報

國匡時志看雲出岫心關河一揮手寂寞綠蘿林

春草碧如此離懷那可論惟持一尊酒聊贈遠人言宦

海帆爭渡廉泉道自敦天涯在庭戶此別莫銷魂

題張讓三小像

此老誰能識條然吏隱間看雲心更遠簪筆鬢先斑世事眞成笑浮生好自閒請觀身外影一笑豈君顏

采蘭貽桑鐵珊觀察詩一首

寂寂深林下忻忻亦自芳惟伊君子德佩此蕙蘭香采自幽人谷來登大雅堂清芬懷滿一咏莫能忘

靈峰解嘲三絕句

耳邊鼠雀紛紛訟脚底風濤滾滾翻正我那伽方入定

龍爭虎鬥亦忘喧

捨身飼虎虎方飽割肉餵鷹鷹復饑即把靈峰作頭腦

施他亦是佛慈悲

也知忍辱是波羅世事如雲一笑過我吃十方君十一
老僧翻爲作檀那

己酉又二月由甬江乘舟至官橋浦過陳岷懷孝

廉居一首

坐惜春將去幽懷鬱不申遠浮江上棹言訪意中人碧
海雖難塞白鷗猶可馴所思在林麓應可接清塵
萬峰青不斷中有異人居水石能清瘦雲霞自卷舒老
僧來問訊童子罷攤書坐覺江村晚歸舟十里餘

由二六市行至羅江登舟有作

自笑身軀重與夫不肯肩行將六里路省却一囊錢野

寺鐘初動江村月正圓芒鞋雖踏破猶自意忻然

洪佛齋茂才自慈谿來以詩見贈作此奉酬

之子有宿慧冥心契佛乘遠携溪上月來照定中僧一
見渾如舊清言得未曾何當紫藤杖共躡白雲層

張讓三自江右新歸枉顧白衣寺喜贈

去冬揮手別忽忽半年餘久看廬山瀑仍還甬水居更
情閒更遠豪氣老難除筇杖引涼步尋僧月上初

招張讓三入山銷夏

老僧閒不住極望箇人來高卧雲侵榻遙聽瀑吼雷荷
香清暑氣松籟引涼杯佇立溪邊路遲君日幾回

己酉六月宮保岑雲階尙書偕高白叔內翰胡濟

生張子京太守夏香孫直刺秦薇卿大令由普

陀來游天童奉贈五首

繁星森厯厯片月皎然孤直道甯諧俗明珠豈受汚上
書辭北闕垂釣向西湖欲把蘄王比騎驢也不殊
結伴到天童雲霞爲改容山開水精域海湧金芙蓉且
坐溪邊石微聞花外鐘自然無暑氣涼透萬株松
一解簪纓累能爲汗漫游三山青入袖五嶽翠盈眸遠
別雲中鳳閒尋海上鷗可憐憂國淚偏對老僧流
憶昔西巡日中原板蕩時人誰仗忠義公獨起熊羆二

聖迴金輦千官肅玉墀慈顏勞上將喜極淚翻垂

如何王者佐閒散野雲鄉勲業惟看劍豪情舉觴拔
襟談舊事流涕念先皇我久遺塵慮因之意不忘

中主求賢急煙蘿暫息機終迴鸞鳳駕莫戀芰荷衣去
國人皆惜尋僧世已違祇愁丹詔至還與白雲飛

余近喜讀孟東野詩輒不忍釋手憶湘綺翁言余

祇可鳥瘦不能郊寒心竊愧昨已酉七月登玲

瓏巖尋廣頭陀覺傾巖峭石古樹幽花俱酷肖

其詩因戲效一首

一步一迴首細領煙蘿容秋花潤渴壁微雨蘇病松偶

攀瘦藤上忽與枯禪逢綻衣不用布自剪雲片縫

夜登玲瓏巖

老僧好奇險古洞夜深探螺旋佛頭緣螢飛鬼面籃披雲踏松影掃月坐蒲龕到此忘炎鬱禪從冷處參

廣律師於玲瓏巖習頭陀行蛇虎狐鬼紛來相試

一定攝心萬魔拱手因作伽陀二首奉讚即題

巖壁用策薰修

一笑諸緣淨千巖片石懸代燈山鬼燄煮茗毒龍涎靈境不可住虛空無碍禪百城煙水渺曾踏鐵鞋穿

真欲外形骸苔生面不措狂猿從習定瘦虎伴持齋煨

芋延殘息寫經臨爛柴何勞營毒藏長被白雲埋

月下聽爛雲和尚彈琴

老僧夜忽起涼簾颭衣襟俯澗坐危石焚香調素琴冷泠泉繞指皎皎月傳心不悟禪中理焉知絃外音

已酉夏秋大旱四詣龍潭禱雨未獲雨透言念農

艱慨然成咏

旱魃苦爲虐農夫望眼穿嬾雲常戀岫渴日欲生煙不降龍鱗雨可憐龜坼田精誠愧未極咒鉢亦徒然

夜吟

牀底響流泉枯僧夜不眠微聞山鬼語似說野狐禪寶

杖寒敲月銅瓶曉漱煙未能成佛果且自作詩仙

古詩一首效孟郊體

大造極元宵神理曷能言一靈本自虛萬有孰鑄形清濁氣雖殊物我皆同春青青澗底松乃是君子魂嚴霜殺眾草此獨餘孤芬靄靄山上雲乃是貴人身微風一飄颻浮榮即無存湛湛定中心乃是天地根雨露得其潤日月得其溫處幻久不變歷故長若新惟茲信可寶餘者安足珍

滬上晤陳伯嚴吏部喜贈

壓潮歌吹沸如湯喜與幽人話夕陽陡覺廬山飛瀑布還如湘渚泛烟航滄桑歷歷卅年事燈火昏昏一舉觴六十老僧頭雪白相邀迴憶碧湖傍

君在湖時屢約爲碧湖之會

余以近作效孟郊詩數首錄寄李梅痴併題一詩

於後

戲效孟郊體寄與李梅痴撐腸無別物吃語以療饑瘦月黃生魄肥雲冷作肌夜吟燈燄綠窺窻鬼聽詩

次陳吏部見贈元韻

笑君五十不留髭似怕青年背汝馳人裡逃名真避世詩中門險未忘機誰知袖手看雲客

君有憑欄一片風雲氣來作神州袖

手人不盡攀天踏海悲目極塵氛無淨土白頭相見賴

談詩

寄金陵楊仁山居士

遙問金陵訊毘耶老作家頻迴梵帝步密取象王牙三
清辭寶籙五濁度恒沙料得維摩室天人正散花

衡山李志遠少尉寫竹見貽跋語及延陵尙書撫

湘時登祝融峰往事迴憶前塵渺如夢幻賦四

絕句志感即以奉贈

與可胸中有成竹李生筆下無凡姿數枝寫出瀟湘影
風雨孤吟憶往時

莫將幽怨惱空林省釋淩雲一寸心中有湘妃萬古淚

故山南望蒼梧深

祝融勒石紀延陵漸愧高僧舊日稱文字障深禪定淺
得人歡喜惹人憎

老不虛心負此君自憐捕足混塵氛何當與子歸衡嶽

分占青蘿與白雲

青蘿白雲俱
南岳峰名

八月初七與陳子言夜坐小花園樹下子言明日

以詩見示次韻答之

傾耳無淨聲舉步無閒踪譬彼一器中啾啾亂鳴蛩大
道喪已久浮名醉何醺念此樹下游捨子誰能從

夢洞庭

昨夢汲洞庭君山青入瓶倒之煮團月還以浴繁星一
鶴從受戒羣龍來聽經何人忽吹笛呼我松間醒

夢衡嶽

昨夜夢痕淩紫氛袖中七十二峰青天鷄驚我雲端墜
芋子煨殘月滿庭

訪魏肖梅學佐話舊有感即送其普陀之行

我每到君家揮童自煮茶微霜葉未脫三徑菊初花感
舊因流涕乘風欲泛槎荷齋坐疏雨相對憶長沙

鄭蘇龕京卿贈詩次韻奉酬

巍然海藏樓氣壓蛟龍盛眼光皎如月掃盡狂華病笑

余禪寂人心軟出語硬俯視百家言直等陳羹釘一步

了不移徧覽區中勝十虛生我心大千感即應根塵併

銷融頓入圓通聖

再次前韻贈蘇翁

太夷世之雄振海文名盛但偕詔來賢惟工諧競病道

情冲霞虛險語盤空硬不爲調鼎梅甘作貯漿釘既無

黃綬情好攬滄州勝天童隔一海雲谷呼可應我法戒

雖嚴容子獨傾聖

有客問禪登韻示之

祛妄心始眞懷奇理逾盛不從驢脚炙翻成馬腹病莫

除夕示眾

一年三百六十日恰似磨牛踏陳迹步步旋轉靡暫停
歲月催人苦相逼今夕除夕何能除又把新桃換舊符
迎新送舊紛無已心王翻爲萬法奴本來非新亦非舊
誰人肯向元初究見色聞香會也麼梅花開徧溪橋路

元旦示眾二首

庚戌

大千一氣轉洪鈞枯木開花象外春爆竹一聲翻自笑
今年人是去年人

元日山家也自忙打鐘隨俗慶年芳道人不敢屠蘇酒
細嚼梅花味冷香

一作冷嚼梅
花嗽齒香

由大瀉越仙木嶺經紫氣蕊峰玉屏諸峰小憩笑

蓉精舍徑登雲霧山遙瞰洞庭有作

丙申

去瀉七十里崢嶸四面芙蓉擁化城紫氣遙臨仙木動
玉屏寒並蕊峰清濛濛空翠晴還溼渺渺湖光遠向明
直欲振衣臨絕頂天風吹下步虛聲

胡梓芳自金陵寄紙索書舊作戲書一絕句於後

千里迢迢索我書我書之拙世間無折釵倒薤俱難擬
意造甯爲倉頡愚

挽毘盧寺印魁和尚

毘盧眞性海何惜一波沉但以人天意而存生滅心能

謂藕絲柔會伏修羅硬

華嚴經云修羅與帝釋戰修羅敗則偕其眾走入藕絲孔中一時不

莫貴天上餽且憎盤中釘莫逞客慧狂當踐實際
勝莫憚見諦難彈指即相應菩提勿外求好證自心聖

結冬示眾二首

叢林以十月十五結冬正月十五日解冬

空山寂歷孰相尋枯木龍吟絕賞音

枯木裡龍吟禪語也

開盡寒

花飛盡葉孤峰迴迴是吾心

涼秋已過又窮冬檣櫓煨殘五夜鐘看取紅爐一點雪
凡情聖解盡銷鎔

寒夜獨坐

久坐寒燈黯不明林鐘敲盡更無聲惟餘一樹梅花月

猶照枯禪午夜清

臘月望日於桑鐵珊兵備園中觀梅戲詩一首

兵戟森衛地不聞鳥雀喧寒園草木枯冷芳先返魂深
紅間淺白點綴雲霞痕高枝貯微月密蕊傾朝暎橫斜
雖異趣貞靜元同根乃知君子德不以仕隱論纓冕榮
外觀山海道內存長謠契眞賞聊用紀幽言

秋日書示禪者

不是頭陀愛苦吟無邊爽氣集秋林白雲飛作垂天蓋
黃菊開如佈地金山色醉人元亮酒泉聲落澗伯牙琴
耳聞目見分明是個事何須向外尋

傳戒定慧已了去來今苦行六年事悽然淚滿襟

正月二十夜登掃葉樓作示星悟禪弟

金陵不到忽三載訪古重踏清涼門蕭梁往事如敗葉
登樓欲掃俱無痕道人觀世猶浮雲古今變幻何紛紛
願放心光照沙界彈指破盡無明昏寶誌不作達摩死
西來大意誰復言與子且卧松下石笑看落月翻金盆
大千一髮了無著區區成敗何足論

題陳伯雨孝廉所藏文待詔荒山流泉圖

山荒荒兮無人水潺潺兮有聲雲濛濛兮欲雨若有人
兮自語切浮雲兮爲冠裁瀑布兮爲裳憫舉世兮炎熱

繫獨余兮清涼披圖兮一笑覺山高兮水長

夏彞恂觀察以贈沈桂芬詩索和遲遲未報噴有

煩言作此解之

先生結習在狂痴迫我同爲綺語詩莫怪白雲耽冷靜
懶隨丹鳳比威儀散花天女顏如玉卧病維摩鬢已絲
名士美人幽怨意云何却遣老僧知

贈樊雲門方伯四絕句

雲門方伯人中仙百首紅梅海內傳我愧白梅纔十首
吟罷撚斷不成篇

洞壑高寒是我家閉門獨自咏梅花淡煙殘月橫斜態

爭敵羅浮萬樹霞

白梅和尚出山村來上紅梅布政言李梅庵提學囑余
謁公云白梅和尚

不可不見紅梅布政桃李紛紛亂春色暗香疏影欲銷魂爲楚人
出資建造近爲
溫台僧所佔

孤山門戶冷難支全仗逋仙與護持一樣冰心顏色異
春風同是最高枝

題夏琴甫琴好圖次見贈原韻二首

抱將絳綺遠尋僧萬壑松濤快未曾當暑聽君彈一曲
清於赤腳踏層冰

寥寥寒夜定中僧一點琴心動不曾因座無言山月白

微聞飢鶴啄池冰

金陵重贈成子晉大令

石頭城上看秋潮一別音塵久寂寥今日重逢俱老矣

春風兩鬢雪飄蕭

劉侯俠骨已成灰昔年於劉康侯觀察宅與君相識回首人間萬事哀

訪舊江南聽春雨青山冷抱白雲來

毘盧寺贈諦閑法師

猗歟法師僧中雄教觀恆演天台宗渡濤海口翻遙空
遠從雁蕩來江東義龍律虎紛相從大擊法鼓聲逢逢

扶起佛日懸天中振聾啟瞶開羣蒙祇園萬木何青葱

靈山一會猶未終我今衰老難鞠躬聊作偈頌揚眞風
永資覺道於無窮

贈李心荷太守

感公意不淺我弟在時貧柴米頻分贈饑寒轉與親妻
亡還助葬女弱又施仁出世難酬德惟將淚灑巾

寄酬譚澹園先生 并序

譚澹園先生旅寓蕪湖因游開元寺見拙集謬
蒙推許於去年七月致余書云閑其性安其情
以山水自娛者柳柳州有深取焉而不以湘綺
翁比賈島爲然且次余山居原韻四首索和余

住持事繁遲遲未覆今夏四月禪課之餘乃次

韻奉酬

地僻離塵遠身貧與道宜物情閒易見世態幻難窺雲
約月潛遁花謀蝶共移斯人扶大雅猶自愛余詩
聊娛山水趣敢與柳州論却笑騎驢客行吟出寺門祇
緣詩骨瘦翻失道情溫有意逢京兆推敲安足言
世味嚼如蠟禪心冷欲冰每攜松頂月閒倚澗邊藤獨
鶴誰爲侶孤雲應可憎惟憐彭澤宰曾訪雁門僧
聞道開元寺禪扉背水扇欲將雙鬢白來話一燈青月
照松間石風搖塔上鈴相逢定何日吟望入蒼冥

四月十三日桑鐵珊兵備偕一友一僕輕裝入太

白山賦詩四章奉贈

果踐名山約因知吏隱清輕裝乘夜發微月引幽行不
遣樵人識休嫌野衲迎暫拋黃綬事閒話緣蘿情

千巖高礙日四月令於秋應趁簿書暇能携好客游倚
松聊看鶴入谷不鳴騶一飯飽禪悅齋鐘出寺樓

四明眞佛地列聖有奎章玉帝猶尊道金精尚吐芒
西晉永康年中義興禪師初誅茅於此有童子供給薪水久而辭去曰我太白星上帝感師道行遣侍左右言訖不見太白山微言得淨理小憩卧禪床試誦荆公句幽花
度水香
王荆公過天童溪有溪深樹密無尋處惟有幽花度水香之句

穿林禮壞塔掃葉讀殘碑
宋宏智禪師塔在東谷師闕智塔曰妙光龍閣周葵撰州人遂稱陽州古佛諡號宏塔銘狀元張孝祥書碑笑破枯禪面歡生古佛眉送

歸雲欲暝悵別鳥含悲何日青蓮宇仍尋白社期

丁象明明府陪觀察使桑公入山和余夜吟詩一

首見贈疊韻奉答

長怪竹根泉冷冷醒冷眠却陪滄海使來打白雲禪意
蕊愁生葉心香懶篆煙自甘成獨覺不願領羣仙

山居遺興

自愛幽居道味深禪餘聊復動清吟白雲抱石有遠意
明月在天無高心樵筍眼看頻解籜雖松手種欲成陰

閒中不覺吾身老坐卧青山白髮侵

五月朔冒雨尋張巖翁夜話有作

月黑雨傾盆牽衣夜打門欲將吃禿意來與巖翁論水
月定中影山河夢裏痕一燈寒自照了了更何言

疊韻奉酬鼎湖秋澄上人寄贈四首

遙聞耽寂定亦復事枯吟安得抱明月相尋愜素心微
風動修竹涼思入幽襟偶誦碧雲句如聞清梵音
曹溪在何處欲禮祖師來古路愁多梗迷津喚不回爭
提嶺頭物誰震頂門雷言念法源竭觀空亦自哀

像法久云滅我生何太遲西天四七東土
二三人已邈二二三乃傳衣諸

祖之總稱百六數何奇未證菩提果空題貝葉詩白頭無寸
補寂寞淚雙垂

遙望南華哭六祖道場
在南華山憑師熟瓣香一花開已落五葉

願重芳碧浪浮天闊黑風打海狂終期鼎湖上來與話
軒皇

答夏公子二絕句 并序

余有白梅詩十首樊樊山方伯有紅梅二十四
首今夏伏雛又有綠梅三十首有紅梅布政白
梅和尚綠梅公子之稱伏雛復以七古一章見
寄蓋欲以公子之艷情爭和尚之冷趣也戲作

二絕句答之

公子前身綠萼華樊山應是赤城霞老僧自抱冰霜質
碧霧朱塵沒一些

紅梅太艷綠梅嬌門韻爭妍寄與遙應笑白梅甘冷淡
獨吟微月向溪橋

陳天嬰以題定庵詞二首見寄次韻答之

定庵定慧幾生修悞把名花鑄綺愁欲向老禪來問法
一拳打破碎骷髏頭
百萬阿僧祇一朝情生智隔便迢迢人天無限傷心事
乞取牟尼照自銷

寄天嬰子

天嬰亦是可憐人大海風濤集一身正眼觀來成一笑
微雲那掩太虛眞

普悟自南嶽祝融峰從余剝染將二十年力學不
倦近因患心痛之滬就醫歿於旅舍余往封龕
余呼其法名血淚交迸爲二詩哭之

嗚呼汝竟死使我老而孤問法言猶在觀空淚不枯人
皆稱子德天忍喪吾徒身外復何有心中尚痛無
師徒緣假合骨月性情同聞我呼其字雙眸淚即紅浮
生元自幻至慟亦難終殞涕哀前事迢遙憶祝融

八指頭陀詩續集卷七終

八指頭陀詩續集卷八

釋敬安寄禪

接待寺納涼感舊並述圓公還天童二首

庚戌

到此清涼境能銷熱惱心如何明月夜勝我碧松陰品
竹思前事聞蟬憶舊吟卅年一彈指兩鬢雪霜侵
圓公吾舊侶曾掩萬松關一別玲瓏石長辭太白山巖
花空自笑詩草共誰刪便欲運神力携君天際還

從接待寺過寶明庵訪文清庵主

晨辭接待寺午過寶明庵欲適閒鷗性來從老宿談高
樓涼近水疎簾睡初酣一笑契禪悅園蔬味亦甘

淡淡烟波愜素心數竿脩竹自搖陰門前一片菱花水
六月寒生暑不侵

寄題陳伯嚴吏部散原精舍詩集

吾家詩祖仰涪翁獨闢西江百代宗更有白頭陳吏部
又添波浪化魚龍

一卷人天殞位辭風雲態演五洲奇欲攀太白掬滄海
洗我雙眸讀子詩

述懷一首呈張蹇翁

滿眼黃埃焉足云古懷鬱鬱試告君山林有時得壯士
巖壑無底眠孤雲嶽靈朝亡谷神醉秋鬼夜哭春人聞

欲驅雷火掃荆棘使我蘭桂長清芬

贈尊美律師送其入都請經并序

師昔年與余住岐山親炙恒志老人同參最久
杜多成行忍辱爲糧乘戒俱急寬親等慈實我
法中之芬陀利也住持昭陵點石庵數十年破
屋中置一繩床風雨不蔽猶禪誦自若而四來
不拒一粒同殮道風所被遂成叢席惟無經藏
莫窺秘要法顯求法之誠元奘請經之願師蓋
懷之久矣庚戌夏師將持錫入都求頒西竺靈
文以配南嶽大藏邇來天童與余話舊因留山

中度夏曾自次一日師入室告別余憫其臘之
高又嘉其志之堅慨然爲截句十四章贈之至
師久遠不退之心苦行薰脩之德則非世間伽
陀所能盡述也

昔時同住尙朱顏今日相逢髮已斑四十年來知識盡
白頭垂淚話岐山

志公塢院綠陰中法會人天轉瞬空憶得上堂剛一喝
至今猶覺耳雙聾

惟師衣法得眞傳不記蒲團幾個穿烟水徧參心未已
逢人還乞草鞋錢

多生忍辱運悲深刀割香塗不動心蚤蝨紛紛來乞食

捨身爲彼立叢林師嘗蚤蝨滿身有爲去之者師笑曰我已捨身爲彼叢林汝何僅單違我

願本

錫杖繩床手自將廣行方便作津梁欲知德及昆蟲細

看取隨身濾水囊師行頭陀錫杖繩床日隨恐水中有蟲先以濾水囊濾之乃飲

欲登彼岸出沉淪護惜浮囊眼目珍毫髮尸羅雖有犯

佛前自懺淚沾巾

聞師行脚宿山庵飢喫拳頭味亦甘月出窺園猶拔草

令人思念每生慚師行脚至一庵投宿拒而不納且棒喝交至師恬然受之猶乘月爲之拔

草庵主見而悔乃向師禮懺

舟行杯茗不沾唇恐穢江干瀆水神福盡祇應還受報

金鎗馬麥亦前因

洞庭南望是昭陵行盡雲山不見僧師獨於茲傳祖印

一燈能續百千燈

點石庵中苦異常平居十日九無糧惟將一滴曹溪水

散作醍醐上味嘗

貝多無語地無靈欲請琅函謁帝廷記取松枝東向日

看君白馬又馱經

一餅一鉢入京師雲水飄然海鶴姿敢向聖明求賜紫

田衣三事老堪披

龍鍾雙袖涕洟瀾世事茫茫後會難惟有青天一輪月
與君千里總同看

他時再住祝融峯雲海相期盪此胸芋火巖前來訪舊
共攀天柱踏芙蓉

天柱芙蓉俱南嶽峯名

自題冷香塔二首

并序

庚戌孟秋余卜天童青龍岡營造塔波爲將來

大寂滅場松竹之隙補種梅花顏曰冷香書白

梅舊作於壁題二詩紀事

佛壽本無量吾生詎有涯傳心一明月埋骨萬梅花丹
嶂樓靈窟青山過客家未來留此塔長與伴烟霞

湘中舊主六名山

衡州羅漢南嶽上封大善長沙鴻山神鼎上林六寺太白重來

鬢已斑南嶽馬駒空應識

西河獅子公案余近兼住甯郡西河營之觀音寺未除文字多生障那得林泉

半日閒却喜世緣休歇盡一拳打破萬松關

感事二十截句附題冷香塔

并序

余既自題冷香塔詩二章以代塔銘活埋計就

泥洹何營一息雖存萬緣已寂忽閱邸報驚悉

日俄協約日韓合併屬國新亡強鄰益迫內憂

法袁外傷國弱人天交泣百感中來影事前塵

一時頓現大海愁煮全身血熾復得七截二十

章并書塔波以了末後嗚呼君親未報象教垂
危髑髏將枯虛空欲碎擲筆三嘆喟矣長冥

一丁不識箇村夫祇把心田自力鋤忽解翻身作活計

狂吟浪湧洞庭湖

飄然雲水一孤舟重到江南訪舊遊吳越山川尋未遍

又携明月過滄洲

我是虛空無住禪烟雲過眼少流連如何一掃玲瓏石

面壁功夫九載圓

牧牯滄山憶往年崢嶸頭角劣難鞭自從鼻孔穿純後

短笛橫吹牛背眠

清關橋上氣澄清悟得無生無不生黃土穴爲文字塚

青龍岡作涅槃城

六十年來老比丘磨磚作鏡閱人愁何如無縫塔中去

心印光潛照用收

佛海風波見已煩慈心不咒毒龍馴收帆到岸渾無事

了却浮生夢裏身

四大原空一息存黯然猶自對松門生來死去無遺憾

惟有君親未報恩

松關微月又黃昏空爇爐烟一縷魂杞氏憂天天不語

波句謗佛佛無言

落月哀猿不可聽
聲欲喚國魂醒
莫教遺恨空山裏
誰認嘒鵲望帝靈

漫效先賢歌采薇
風雲變幻古今違
夷齊若使生斯世
何處西山叩馬歸

鯨吞蠶蝕各紛爭
未卜餘生見太平
石爛海枯真有日
生天成佛若爲情

脩羅障日晝重昏
誰補河山破碎痕
獨上高樓一迴首
忍將淚眼看中原

聯盟無奈島夷強
合併何堪屬國亡
欲鞏皇圖憑佛力
白頭垂淚禮空王

留願他生入轉輪
化爲摩竭大魚身
能將鐵甲藏鱗甲
始信神州尙有神

欲膾樓蘭肉飼蛟
好與雲雨洗腥羶
一輪獨照諸天淨
列宿爭趨北斗朝

茫茫滄海正橫流
呶石難填精衛愁
誰謂孤雲意無着
國仇未報老僧羞

法運都隨國運移
一般同受外魔欺
踏翻雲海身將老
獨立人天淚自垂

夢叩西方白玉扁
牟尼寶殿倚空冥
殷勤稽首蓮臺佛
請說仁王護國經

大法垂危無力持
西風兩鬢颯如絲
何當早赴蓮池會
九品花中占一枝

萬事都歸寂滅場
青山空惹白雲忙
霜鐘搖落溪山月
惟有梅花冷自香

入市

偶着芒屨出寺行
勞人塵事便從橫
百千蚊蚋聚成市
但聽啾啾雜亂鳴

贈張蹇翁二首

蹇翁真是慈悲佛
語及民艱淚卽流
痛念黃巾皆赤子
兵符臨發又還收

遜翁朱子別號學佛誇佛者
公亦理學非其人
安排不契冷猪肉
敢現金剛護法身

寄范清笙舍人楊雲門明經一首

并序

五夜一燈相對枯
坐忽憶甬上舊遊
殂謝殆盡
惟范舍人楊明經
健存因爲一絕句
用寄二人
使知我學佛者非
眞無情人也明經
一號長庚
故末句及之

一燈黯黯照愁明
五夜悽悽感舊情
滿眼繁星盡搖落
惟留殘月配長庚

易實甫觀察自肇慶道署寄贈羅浮棕拂瓊州椰

扇作此奉謝却寄

應怪維摩默不言，遠將談柄寄松門。
拈來欲說西來意，便覺波濤海口翻。

炎炎火宅鬱無涼，忽被仁風喜頌揚。
赤日當天不知暑，白蓮隔水但聞香。

有客三首勸戒殺也

有客有客肆歡譁，白馬橫馳氣薰灼。
捕雀僧寮僧豈樂，對佛傷生供大嚼。
佛雖無言佛淚落。

有客有客胡爲乎，公然酒肉入僧厨。
杯盤狼籍興有餘，又捕放生池中魚。
池魚欲逃池水枯。

池魚忽泣作人語，曰客曰客吾語汝。
我亦曾作富家子，汝曾爲魚登我俎。
今我爲魚填汝肚。

金陵重贈義甯陳吏部

一別長沙碧浪湖，西風兩鬢各蕭疏。
江山所遇非故物，歲月相爭成老夫。
天際白雲隨杖遠，尊前明月照心孤。
他年肯入蓮花社，不待攢眉酒可沽。

庚戌八月南洋勸業會場湖北館觀樊山布政督

鄉人摹搆黃岡竹樓因題

與可胸中幾根竹，樊山千竿萬竿綠。
仍呼此君造此樓，黃岡却在鍾山麓。
我欲借乘黃鶴遊，還留鶴背負黃州。

飄然直渡南溟外，斫竹誰能更作樓。

又觀所狀赤壁卧龍岡，黃鶴樓諸古蹟再題二絕
句

三分事業且休言，赤壁何因下白門。
要與卧龍通一語，莫從形勝論中原。

武昌城西黃鶴樓也，赴南洋賽會游，若有仙人吹玉笛，
梅花應落石城頭。

又觀菊花會一首

看罷深黃又淺黃，枝枝葉葉競斜陽。
似邀萬億陶彭澤，同到江南醉晚香。

題王梧生戶曹所藏韓人金醉堂詩卷二首

欲向西山歌采薇，白雲心事與時違。
誰將東海孤臣淚，吹上南朝舊衲衣。

國破身存恨若何，遙憐荊棘泣銅駝。
降王却愛魏宮妓，壯士空悲易水歌。
謂安重根刺伊藤事

送俞格士學使之官甘肅

異域豈云樂，君恩有此行。
黃花秋漸老，白髮病微生。
荒戍落寒葉，邊笳飛遠聲。
郵籤隨雁遞，關吏候雞迎。
問水知涇渭，看雲憶弟兄。
君持使節萬里到長城。

江南重晤李梅庵學使二首並約九日掃葉樓登

高

秋風吹桂棹重到石頭城坐對黃花晚微看白髮生幽
情閒自遣宦味薄彌清喜近重陽節高樓掃葉迎
相交二十載結契亦云深自適孤雲意聊存出世心債
多惟典帖靜極不鳴琴應愛枯禪至清言愜素襟

俞園觀李提學書楹聯有贈

吾憐李翰林一字抵千金看寫澄心紙如聞焦尾琴清
風滌殘暑落日動微吟坐覺楓林晚蕭森秋夜深

重陽日夢與王梧生戶曹李梅庵俞恪士兩學使
蕭稚泉少尉登掃葉樓分韻賦詩余拈得樓字

立成七律一首覺而不忘錄以紀異並志夢痕

九日重來上此樓青山如舊葉皆秋豈無載酒題糕興
以有攀天踏海愁強折黃花笑將插却搔白髮短還羞
羣公應抱匡時策早使新亭涕淚收

重陽前三日登掃葉樓有感

向晚欲何適高樓又一臨昏林寒雀噪微月亂雲侵不
醉黃花酒甯知白首心自憐憂國淚空灑道人襟

夏釁丞觀察於六年前枉顧毘廬寺以詩投贈遲

遲未和庚戌九月於陳吏部宅中相遇索和前

作奉酬解嘲

一笑相逢轉愧顏六年詩債不曾還自憐慧業隨時滅
莫怪枯僧得句慳白髮苦吟秋雨外黃花疎冷夕陽間
祇愁綺語磨難淨贏得禪心老未閒

陳師曾自日本歸遇於金陵感而有作

昔日陳童子重逢鬢已蒼萬千餘里別十四度重陽有
口真難說無言轉自傷人間何限事歷歷在滄桑

聞拂塵法師卧病香林寺寄二詩以代文殊問疾

聞道維摩病病生甯有因三災休自苦四大本非眞粉
碎虛空骨掀翻大海身却來觀世界此句用楞嚴成語誰我復

誰人

一床方丈卧問疾愧文殊白業修身淨黃花想祝臙安
心原是藥病骨倩誰扶南嶽坐禪日功夫尚在無

余既晤陳師曾感贈以詩師曾亦爲余寫茅菴入

定圖以爲紀念題二絕句於上

一瞬滄桑換劫塵茅菴猶剩苦吟身當時餓虎啣將去
那得爲君畫裏人

念子東瀛學力增歸來道骨鬱峻嶒風濤看盡魚龍舞

猶憶蒲團一箇僧

又題

紅塵不到白雲層竹樹蕭寒水石澄一箇蒲團忘甲子

被人喚作六朝僧

衡陽蕭稚泉少尉爲余作小條幅溪山淡逸竹樹

蕭寒雅有雲林之致題二絕句以志墨緣

淡淡溪山淺淺苔扁舟如葉載雲回瀟湘一片空明氣

都逐衡陽雁影來

江南薄宦亦堪憐大半生涯在硯田一種豪情銷不得

儘收雲海入蠻箋

九日懷王益吾祭酒

今日重陽節遙知載酒游菊花還自插霜髮祇吟秋謗

與名俱遠官隨病早休浮雲身外事一笑且登樓

贈陳吏部第五郎七截五章

并序

吏部五郎爲長沙上林寺慧舲老宿後身吏部

尊人佑民中丞任鄂臬時一日於衙齋見老宿

忽至轉瞬已渺正驚訝間僕婦報少夫人產一

男令掌跏趺端坐出胎隨問湘中道俗則是

兒生辰卽老宿寂日老宿行脚時曾住峨眉金

頂有看佛鐙長歌一首後爲成都草堂寺知客

同治初別工部祠堂還湘句云錦水春風公入

蜀草堂人日我還湘楊海琴兵備贈老宿有雪

天歸自大峨來之語老宿平日持不殺戒甚嚴

雪中宿玉池山曾驅一狐陷冰池死常語人曰

此狐與我有七世冤結今又斃其命當入輪迴

與之解釋老宿與余師東老人爲法門莫通常

捐余謂眾僧曰此子骨相不凡後當大建法幢

惜吾老不及見耳庚戌秋余來白下問吏部則

五郎年已十七訪余於毘盧寺一見如故其言

簡氣肅酷肖老宿追憶前塵竟成後會佛說因

緣諦信不疑因爲五絕句贈之

此身未得證菩提羅漢投胎性亦迷後果前因誰省識

天人墜作落花泥

前身汝是慧舲師來作陳家第六兒記否我眉金頂夜

長看五色佛鐙垂

浣花溪上舊徘徊工部祠荒長綠苔錦水春風留不住

草堂人日却歸來

霜眉鶴髮上林僧一點塵心動未曾底事雲間成小謫

驅狐陷落玉池冰

慧業靈根不等閒要留眞面在人間待君了却君親事

許與梅花共一山

題多竹山太守香雪尋詩圖

城中春尙早林際雪微明月向高枝隱香從冷處清有

詩尋不見無意句還成識得春來處何須鄧尉行

重陽後一日金陵寄魏學佐太湖

又作江南客蕭然憶舊游微霜洞庭葉殘照秣陵秋問
訊重陽節登高何處樓白衣應送酒曾插菊花不

題王梧生戶曹粵西從軍紀畧

王粲從軍賦遠游桂林風景一囊收因知豺虎深藏穴
欲駐龍巖每運籌銅柱秋高飛鳥沒珠巖日落暝猿愁
伏波橫海登壇處古蹟於今尙在不

夜讀樊山集奉題

細讀樊山句子奇林鐘鼓盡夜遲遲傾心湘綺追黃綺

公極推重湘綺先生高步微之與牧之華嶽蓮花森道骨白門楊

柳吐秋絲祇嫌百首紅梅艷奪我茅菴冰雪姿

馮君木开病中以詩見寄作此問訊兼柬天仇慘

佛

男兒若箇有熱血惟子丹壑常爭流豈比文園惟病渴
應同杞國有奇憂次復傷心憐慘佛更無可忍念天仇
道人短髮欲繫日迸泣空山搔白頭

九月晦日還山夜坐憶君有**天仇**慘佛得四絕句

君木身才四尺餘可知其心包太虛山河大地復何物

渠正是我我非渠

君木爲詩瘦且寒臞松病鶴相對看窮冬絕粒茅簷下
祇嚙梅相雪一團

慘佛悲人常自哭袖裏須彌不忍緣天仇之仇不可忘
問天無語天心傷

慘佛知心即是佛佛與心兮無一物天仇觀佛亦是仇
提劍欲斬心之頭

殘臘登掃葉樓次去年九日原韻

今日重登掃葉樓西風吹盡秣陵秋山川歷歷平生感
禾黍離離故國愁殘雪暗添衰鬢色梅花應爲老僧羞
逃空那得空王法儘有哀時淚未收

訪洪復齋居士

家河

幽居在人境車馬日閒閒遠近天邊棹仍歸甬上山孤
雲飛已倦獨鶴喜初還歲暮來相訪蒼松識古顏

西湖過松風上人爲學捨身之塏哭之以詩

辛亥

爲學捨身者松風老上人獨留孤塏影長與古墳鄰碎
骨亦何有招魂恐未眞湖邊春草碧而我益沾巾

杭州白衣寺苦雨不寐

誰樓鼓聲咽積雨黯重林似洒天人淚如傷佛祖心潮
橫孤艇立愁入一燈深寂寂不成寐神州恐陸沉

過楊雪漁太史故宅晤其公子見心舍人作此奉

贈

幸草亭前草

太史有幸餘詩
草因以名亭

春來又發芽天風吹海色

野衲到君家坐人爐烟細堂深燕語譚禪心了無着靜
對白梅花

包協如舍人以其友李商山君弔女弟子花月痕

詩見寄爲題二絕句於後

月湖湖上有人家十五雛姬鬢始鴉不許紅塵侵玉骨
野風吹落白蓮花

紫蘭香淨掩重門省識鬢天不誦魂莫向湖邊歌懊悔
鏡花水月偶留痕

重贈洪復齋居士

復齋居士人中龍白髮猶餘兩頰紅薄醉卧吟蓬島月
布帆歸卸京門風新交應許盧行者老友惟存張蹇翁
準擬明年同攝影長留佳話白雲中

題馮君木并逃空圖

辛亥

我昔在家未學佛愛惜一毛不肯拔自從割斷煩惱絲
四大輕如蛻後蟬天台南嶽不辭遠長把蒼藤作吾伴
憐君底事禿其頭儼然持律老比丘百八牟尼手自握
一條布衲心無求趺坐空山忘甲子細草幽花盡禪理
安能與我入名山結屋千巖萬壑間笑問圖中人倘許

君跨肥龍我瘦虎

題洪道法師伴雲居

萬緣俱已寂惟伴片雲居靜聽蓮花漏閒翻貝葉書七
條衣自足一鉢飯無餘古木殘蟬裏茅齋祇晏如

過瑞巖寺再題二首

禪機休外覓普化此搖鈴

寺爲唐普化禪師開
山師常搖鈴示人

三秀掇

仙草四圍成翠屏登山雲在屐汲澗月來瓶欲問廣長
舌溪聲好自聽

靈芝峯下瑞巖寺三十年中五度游雲水悠悠忽今日
青山白盡老僧頭

讀書蕉上人遺集感題

細讀君詩夜睡遲卷中多是贈余詩不堪孤塢臨池影
猶似秋巖踏葉時橘柚成林都手種烟霞留約負心期
空山寂歷思前事獨對殘鐙淚自垂

仲秋余養痾滬上留雲寺譚萊生公子見訪出詩

索題

颯颯西風病骨侵蕭然一榻卧空林遠勞公子尋秋至
還使枯禪擊鉢吟滄海漫填精衛恨白雲閒話道人心
無生一曲憑誰識欲鼓獅絃覓賞音

華嚴經云如取獅
子筋爲絃鼓之眾
響俱
絕

讀萊園詩稿有與亡友陳仲鹿洞庭舟中唱和之
作慨然有感再題五律一章

却憐陳仲鹿同泛洞庭舟贈子詩猶在聞名淚即流既
來新雨好復動故人愁未證真空理青山愧白頭

何棠孫觀察久官蜀中不通音訊逾二十年辛亥
秋遇於滬上感而有贈

長沙一別後雲水久茫然留滯三巴路遲回兩浙船驚
看鬚鬢改始覺歲時遷世事真難說相逢且論禪
遠從黃浦見還憶碧湖游人事今來變江河亦改流無
由歸白社何處有滄洲日暮欲誰適閒雲也自愁

寄吳夢舟秀才並序

余碧湖詩社中人今皆置身清貴惟吳夢舟秀
才不求聞達終老煙蘿眾鳥高翔孤雲獨卧蓋
玩道有覺之隱君子也辛亥秋寄書問訊情見
乎詞追念碧湖之遊彌深白社之感選四十字
以報故人

不見吳季子蒼黃草木更五年成小別一紙見深情長
作片雲卧遙憐孤月明何時碧湖社歸赴白鷗盟
聞蜀亂有感

忽報蜀中亂遙徵海上兵幽花含露泣落木感秋聲魚

腹書難達鷺叢路不平遙憐三峽裡處處有猿鳴

八月十七日楊仁山居士坐脫於金陵刻經處詩
以輓之

七十衰翁何所求茫於梵行最清修流通法藏徧天下
卧對半山成白頭垂死祇遺宗教恨公彌留之際與人談及某處刻經未
還恨平生不爲子孫憂可堪法弱魔強日又覆迷津一
寶舟

夜雨不寐聞蟲聲感賦二首

草蟲吟復斷百感動寒宵迢遞愁風鶴淒涼聽雨蕉可
憐衰晚世苦憶聖明朝四海日彫瘵來蘇望帝堯

禪心老難遺獨坐倚枯藤豈似黃巾擾應符白水徵時
危爭作將國變幸爲僧強制哀時淚觀空入佛乘

甬上書感三首

茫茫滄海一孤鱗忽忽蛟龍起戰塵不惜諫攀丹檻折
誰憐寒失翠華春

轉瞬浮雲六代更須與唐宋又元明危亡時事何堪說
落葉殘陽滿帝城

二百年來王氣銷野人流淚話前朝可憐亡國真容易
一霎金風玉樹凋

遙聞四首

遙聞車馬出京華西望潼關四扇遮今夜月明初駐蹕
翠華何處宿民家

海上滄桑忽變更河山北望不勝情秋風祇剩蘆溝水
猶自潺湲繞帝城

遙望西山王氣終無邊木葉落秋風淒涼最是煤山月
復爲君王照故宮

漢口華夷互市開金銀佳氣鬱樓臺可憐黃鶴樓前望
盡化紅羊劫後灰

題羅迦陵夫人哈同花園

哈同花木亭臺勝帝釋林園恐不如況有龍宮法藏寶

妙香吹滿天人居

夫人園中石印
藏經流通海內

寄懷烏目山僧

心中常有烏目僧每謁不見應我憎若憶玲瓏巖實好
可來同倚萬年藤

天童玲瓏岩鬼斧神工莫名
其巧中產萬年藤可爲拄杖

寄章太炎君滬上八絕句並招游天童

我欲致書章太炎淚痕和墨與之兼垂危慧命誰堪續
着意先生妙筆尖

故人最憶吳彥復其姊聖慧優婆夷稱子人中芬陀利

黃金贖罪勝鬚眉

君曩因黨禍被逮彥復姊劉
氏聖慧極力周旋得以解脫

張商英著護法論裂袂歐陽謗佛言而君亦有十方告

君有告十方
宰官居士書毀蔑戾車植信根

平生未與淨名游杜口毘那憶勝流不二法門誰共入
天花落袂天風秋

人海車塵匝地腥孤根蘭蕙惜芳馨黃流滾滾春申浦
不及天童一髮青

玲瓏巖在寺之西咫尺登天不用梯片石孤雲誰與語
待君來此共幽棲

海上芙蓉列翠屏謝公游屐未曾經可知太白爲童子
來與山僧侍拂瓶

松關石徑淨無塵細草幽花藉作茵莫怪枯禪多綺語

名山正復要名人

答友人

君問天童勝峯巒接四明寺藏青靄密鐘過白雲清細
草軟敷座幽花難辦名溪聲廣長舌日夜說無生

題王翊君所藏張力臣潔園展祿圖卷

壬子

一瞬流光四十春青山如舊白雲新空餘禾黍故宮感
不見蘭亭雅集人塵世滄桑身已老名園觴詠迹俱陳
披圖祇剩王王父落日江南淚滿巾

聞金陵城破李梅菴死難及來滬則已黃冠爲道

士矣

人海事難言風濤大地翻昨朝哭君死今日香君存暫對眞疑夢看莫是魂黃冠歸故里何不入緇門

嶽蓮和尚招余就齋作七古一章奉酬時其師枯木長老還出

主人好客殊常情入門一笑心先傾曼陀花開香滿室
芭蕉草秀青連楹禪悅法喜味自好眞如妙諦言皆新
枯禪出定杖錫渺古琴壁掛松風鳴高山流水神已會
至音希聲誰能聽雲儀鶴遯不可識良辰勝地虛此行
欲去却顧童子語師歸問訊稱余名

遊寶華山慧居寺贈浩淨律師二首

久耳華山勝今行絕頂邊春風微作雪細雨散如烟溪
竹影搖翠山桃花欲然到門聞夜梵松鶴已高眠
清淨蓮華域開山始誌公古人難再見吾道恨何窮此一作未法
道將窮祇樹彫秋綠曇花怯晚紅憑師持慧澤徧洒

大江東

登拜經臺

我我拜經臺去天不盈尺俯視牛首峰半髻烟際碧一
線揚子江縫余衣袖白欲撥三神山爲我四禪宅邈絕
區中緣高棲霞外迹應眞期不來巖花空滿席

別德寬律師下山二首

兩宿慧居寺清言得未曾道心堅似石戒律皎如冰久
卓誌公錫單傳見祖燈高山聊仰止又下碧嶠嶠
禮別千華佛無言淚自零經過黃葉嶺迴望白雲亭黃葉嶺名白雲亭
願魔事何紛擾勞生此暫停春風無限意處處柳
爭青

曼衍道人以詩見貽次韻奉酬

春樹園新翠流鶯弄曉音山如睡虎醒海作啞龍吟老
衲來越嶠騷人貽楚琛似携碧湖月照我綠蘿心

附原韻

吃僧狎蛟海自抱鐘磬音冷月侵趺坐乾風吹夜

吟翦魂落島嶼捧記抽天琛悲涕了初地湛湛無
漏心

聞故人秦子質來滬忽於夢中見之即得二詩醒
而錄之以志神交

國變僅有存驚看帶淚痕豈徒人事改亦覺地天翻神
理知仍在浮生休更論心安即避世不必入桃源

此地春申浦相逢已十年滄桑今變矣身世更茫然欲
入四禪定其如百感煎袈裟所漬淚俱是哭人天

西園戒幢寺廣慧長老與其高足三根和尚前後
住持百廢俱新製伽陀四首贈之

姑蘇城外寺名勝
擅西園貝葉書
盈篋梅花香滿村
忘機魚自樂
聽梵鳥無喧
物我俱平等
風旂不必論

珠塵紛滿眼
定慧密持身
妙法蓮華淨
牟尼寶殿新
獅林遙在望
虎阜近爲鄰
殊勝吉祥地
憑師轉智輪

地接五湖天
煙波興渺然
鼉鼉時出沒
鷗鷺影連翩
山碧雲逾淡
江清月更圓
無情長說法
了不落言詮

老未山中臥
頻從海上歸
馬鳴猶托鉢
龍樹已傳衣
梵行修何苦
檀施願不違
人天共歡喜
花雨日霏霏

西園放生池觀魚二首

西園戒幢寺池上
偶閑行頗覺羣魚樂
同遊一水清
臨淵我無羨
洗鉢爾休驚
他日成龍去
毋忘此放生

春風梅柳自成村
潭影閒雲對笑言
到此忽生濠濮想
人魚同樂是西園

將往光福看梅聞其地有警不果行

久聞光福地
疏冷得春多
十里花迎袂
連林玉作柯
繁枝殘月墜
清影淡煙和
欲踏香雪去
無如荆棘何

甬上遇法舟和尙次唐人韻二首
送其歸竹林寺
憶曾竹林遊
一笠斜陽晚
山色夢中寒
鐘聲雲外遠
君自竹林來
碧桃花已晚
且話白雲心
青山歸未遠

常州重晤莊醒菴中丞奉贈四絕句 有序

公宦湘最久
遺愛在人庚戌湘亂
公以藩司署撫
憫民飢聞荒不忍
加誅遂爲總督瑞澂所劾

罷官之日
吾湘人扶老携幼
哭送其行
壬子二月余來
毘陵既喜公存
復悲世變以淚和墨書

五絕句贈之

湖南久宦
鬢成絲
湘水衡雲繫
去思煨芋殘僧來訪舊
沾衣如讀峴山碑

澄波如鏡
是吾湘
不使民飢
不聞荒忍把黃巾坐黎赤
長沙謫去萬人傷

兩湖使節
假公持湘漢
風清浪亦遲
今日武昌楊柳色

春風惟映酒家旗

一從解組入山林
白朮黃精道味深
塵世興亡都不問
梅花開落却歸心

結茆擬上最高層
滿目青山絕愛憎
老去交游知更少
應憐雲海一孤僧

贈莊公孫一首 有序

余任南嶽時
還長沙一日謁公
不遇適長公子秉恒
方生兒彌月抱見余
因效寶誌公見徐陵故事
亦摩其頂曰石麒麟汝又下生
自茲歲月頻更雲海遠隔不復記憶
王子奉余托鉢毘陵

詣公門見一少年初不識但訝其貌酷似長公

子既詢左右知爲向所見之公孫喜作一詩贈

之

石麟摩頂記吾曾廻首人間歲月增白髮枯禪來問訊

喜看頭角一峻嶒

贈鐘樓寺光忍和尚二首

跏趺罷參尋幽居祇樹林拈花微有笑對鏡寂無心不

羨門留帶惟持偈勝金爲君題妙句掃石動枯吟

未證眞空莫說空含情傳語白雲中人間盡是繁華夢

輕打高樓五夜鐘

贈清公

我獨知師意人皆目汝狂心光能自照口語未爲妨忍

草經霜勁禪花過雨香炎威空作態一念頓清涼

江南送張聽雲還鄉省母

江南春正好底事忽言歸十載別慈母寸心懸落暉因

憐游子淚頻滴老萊衣使我吞聲哭萱庭幼已違

春夜與樊雲門夏武夷集哭菴聯句

浮杯渡滄海忽與故人逢八談話一燈雪枯禪萬木冬

樊養生同澤雉高詎逐雲龍武髮鬚寒山寺來聽夜半

鐘哭施

周菊人贈詩次韻答之

世變孤雲在春回萬柳蘇本圖成佛祖豈分作詩奴嘖

虎慈心伏癡龍慧劍屠老年耽寂定半偈贈人無

三月十四夜宿茅山寺楊配伯贈詩次韻奉酬

一簾花影淡煙和如此良宵有幾何擊鉢聯吟宜達旦

片帆明日又煙波

茅山登茹峯亭次轡琴韻

攀蘿重上茹峯亭滿目瘡痍涕自零欲拔靈茅滄海去

中原一髮袖中青

重過茅山寺遙望徐酤仙胡樵硯呂文舟楊雪門

諸亡友墓泣然有作

三茅舊遊地一步一傷心故人多葬此墓木已成陰白

社復誰在青山獨至今春風草又綠對此益沾巾

過亡友楊靈奎半灣居愴然作此

半灣春水年年綠每到君家一泣然三十一年重出世

又將霜雪上華顛

贈楊轡琴茂才

君騎竹馬尙紅顏尋我幽花瘦石間三十一年如電掣

白頭相對話青山

石城尋白道人

石城殘照裏楊柳碧餘春獨放青天鶴來尋白道人溪
雲涼入戶潭水近爲鄰坐覺滄洲晚微風動葛巾

壬子秋仲龍虎山嗣漢天師張曉初君來滬世界

宗教會開會歡迎與會者西士李佳白梅殿華

及會員曾吉人張袞龍陳詰甫夏小谷李體乾

陳植生姚志梁諸君余忝陪座撰爲伽陀以紀

勝會

勝流集如雲歡迎張天師秋風吹海色湛如碧琉璃遠
聞鸞鶴鳴同瞻龍虎姿至理闡微言宏抱開神龜俱融
水乳交永忘種族岐釋耶與孔老相見咸嬉嬉百川既

入海一味夫何疑由來宗教會未有勝於斯

湖南旅甯諸君啟余主席毘盧寺詩以奉酬

毘盧寺是古招提老衲何堪任覺迷漫擬參寥於玉局
更慚島佛與昌黎詩心靜養雲千嶂禪意清餘月一谿
爲訪東林高士語片帆來自浙之西

陳仲思輓詩一首

一夕金風彫玉芝孤禪聞訊淚雙垂元方有弟誠難得
伯道無兒更可悲念與君家交最久身經塵劫死猶遲
嗟余未證蓮花果哭友徒歌薤露辭

自題小像

余建冷香塢於青嵐
山前爲他日瘞骨處

六十二年夢幻身惹人歡喜得人嘆儘容殘戾車成隊
轉與阿修羅結鄰青鳳山前聊葬骨白蓮花裏待棲神
虛空擊碎渾無事大地何曾有一塵

贈別蕭漱雲太史

並序

漱雲太史心痛國殤由湘來甬效魯連蹈海余
以無人無我不生不滅解之既留山中小住復
勸其歸選四十字以爲臨別贈言

甬上復爲別相逢詎有期白雲飛莫定滄海變多奇憤
極休談劍愁來且賦詩興亡俱夢幻勿動道人悲
一自長沙識深知志節堅山河雖已改肝膽尙如前莫

戀滄洲月歸浮湘水船東籬黃菊在猶似義熙年

俞恪士歸自甘肅其弟壽臣歸自遼東俱僑寓滬

上相見各述亂離感而有贈

憐君兄弟共還家遼海天山道路賒遠戍秋風生白髮
十年心事負黃花亂餘還念驚弓鳥國變眞如失樹鴉
塵世滄桑人老不堪回首憶長沙

與君家兄弟自長
沙相識將三十年

再贈恪翁一截句

雪嶺冰河凍不開黃沙白雁使人哀獨携一片關山月
繞盡長城萬里回

壬子九月二十七日客京都法源寺晨起聞鴉有

感

晨鐘數聲動林隙始微明披衣坐危石寒鴉對我鳴似
有迫切懷其聲多不平鷹隼倏已至一擊羣鳥驚恃強
而凌弱鳥雀亦同情減余鉢中食息彼人中爭我身尙
不有身外復何營惟憫失乳雛百匝繞樹行苦無濟困
資徒有淚縱橫覺皇去已邈誰爲覺斯民

招樊雲門陳伯嚴熊秉三易實甫於滬上靜安寺

作重陽會次雲老韻二首

聊具伊蒲進一觴可容秘思訴殘陽遠觀滄海窮千變
欲把青天補大荒雪竇禪機遲且鈍雲門句子澹而香

年來已熟黃粱夢回首邯鄲是覺場

高人原不在登高懶逐龍山載酒勞掃淨空花完月魄
此句一作掃淨 銷除結習剩風騷且來塵外開雙眼莫
向尊前嘆二毛黃浦江邊秋正好一籬瘦菊坐吟豪

酬陳漢元參議

久別陳無已相逢鬢已蒼心腸盤使氣言論凜秋霜力
使邪山倒能生暗海光國家爲柱石我法亦金湯

次前韻再贈陳參議

興亡良有以何問彼穹蒼榮茂三春幹蕭條九月霜終
成大革命不負好時光若論元勲業還須頌武湯

寒夜與吳虎頭坐談仍前次韻奉贈

獨憐吳季子詩骨秀而蒼坐瘦一潭月吟殘五夜霜秋
花無熱艷綵筆有奇光領畧清談味如嘗般若湯

田君梓琴贈詩再疊前韻一首奉酬

流盡英雄血回天力勁蒼近看遼海月應憶洞庭霜共
起民軍義重生祖國光黃農猶可接不獨繼成湯

山居漫興仍疊前韻四首兼答陳參議

山居殊寂歷苔蘚繡衣蒼偶見樹落葉因知天雨霜松
陰看鶴立潭影浴星光君問枯禪味爐燒青菜湯
海橫杖底白天入袖中蒼遠聽猿啼月如聞鬼哭霜巖

松凝冷夢籬菊淡秋光悟得無諍法抽薪止沸湯
手持一片石欲補天蒼蒼萬派潮爭海千林木落霜法
雲期廣蔭慧日更流光洗淨貪嗔穢蓮花生火湯
月照禪心寂苔生佛面蒼詞峯長聳翠忍草不彫霜拭
淨微塵垢圓成大鏡光薪傳火已燼何處更揚湯

八指頭陀詩續集卷八終

禪家龜鑑

朝鮮・退隱
述

禪家龜鑑

曹谿 退隱 述

有一物於此從本以來昭昭靈靈不曾生不曾滅名不得狀不得

一物者何物古人頌云古佛未生前凝然一相圓釋迦猶未會迦葉豈能傳此一物之所以不曾生不曾滅名不得狀不得也六祖告衆云吾有一物無名無字諸人還識否神會禪師卽出曰諸佛之本源神會之佛性此所以爲六祖之華子也懷讓禪師自嵩山來六祖問曰什麼物伊麼來師罔措至八年方自肯曰說似一物卽不中此所以爲六祖之嫡子也 三教聖人從此句出誰是舉者惜取眉毛

佛祖出世無風起浪

佛祖者世尊迦葉也出世者大悲爲體度衆生也然以一物觀之則人人面目本來圓成豈假他人添脂著粉也此出世之所以起波浪也虛空藏經云文字是魔業名相是魔業至於佛語亦是魔業

是此意也此直舉本分佛祖無功能 乾坤失色 日月無光

然法有多義人有多機不妨施設

法者一物也人者衆生也法有不變隨緣之義人有頓悟漸修之機故不妨文字語言之施設也此所謂官不容針私通車馬者也衆生雖曰圓成生無慧目甘受輪轉故若非出世之金鎖誰刮無明之厚膜也至於越苦海而登樂岸者皆由大悲之恩也然則恒沙身命難報萬一也此廣學新熏感佛祖深恩 王登寶殿野老謳歌

強立種種名字或心或佛或衆生不可守名而生解當牀便是動念卽乖

一物上強立三名字者教之不得已也不可守名生解者亦禪之不得已也一擡一搯旋立旋破皆法王法令之自在者也此結上起下論佛祖事跡各別 久旱逢佳雨他鄉見故人

世尊三處傳心者爲禪旨一代所說者爲教門故曰禪是佛心教是佛語

三處者多子塔前分半座一也靈山會上舉拈花
二也雙樹下櫛示雙趺三也所謂迦葉別傳禪燈
者此也一代者四十九年間所說五教也人天教
一也小乘教二也大乘教三也頓教四也圓教五
也所謂阿難流通教海者此也然則禪教之源者
世尊也禪教之派者迦葉阿難也以無言至於無
言者禪也以有言至於無言者教也乃至心是禪
法也語是教法也則法雖一味見解則天地懸隔
此辨禪教二途 不得放過艸裏橫身

是故若人失之於口則拈花微笑皆是教迹得之於
心則世間能言細語皆是教外別傳禪旨

法無名故言不及也法無相故心不及也擬之於
口者失本心王也失本心王則世尊拈花迦葉微
笑盡落陳言終是無物也得之於心者非但銜談
善說法要至於驚語深談實相也是故寶積禪師
聞哭聲踊悅身心寶壽禪師見諍拳開豁面目者
以此也此明禪教深淺 明珠在手弄去弄來
吾有一言絕慮忘緣兀然無事坐春來草自青

絕慮忘緣者得之於心也所謂閒道人也於戲其
爲人也本來無緣本來無事飢來即食困來即眠
綠水青山任意逍遙漁村酒肆自在安眠年代甲
子總不知春來依舊艸自青此別欲一念回光者
將謂無人賴有一箇

教門惟傳一心法禪門惟傳見性法

心如鏡之体性如鏡之光性自清淨即時割然還
得本心此秘重得意一念 重重山與水清白舊
家風

評曰心有二種一本源心二無明取相心也性
有二種一本法性二性相對性也故禪教者
同迷守名生解或以淺爲深或以深爲淺遂爲
觀行大病故於此辨之

然諸佛說經先分別諸法後說畢竟空祖師示句迹
絕於意地理顯於心源

諸佛爲萬代依憑故理須委示祖師在即時度脫
故意使玄通迹祖師言迹也意學者意地也 胡
亂指注臂不外曲

諸佛說弓祖師說絃佛說無礙之法方皈一味拂此一味之迹方現祖師所示一心故云庭前柏樹子話龍藏所未有底

說弓曲也說絃直也龍藏龍宮之藏經也僧問趙州如何是祖師西來意州答云庭前柏樹子此所謂格外禪旨也 魚行水濁鳥飛毛落

故學者先以如實言教委辦不變隨緣二義是自心之性相頓悟漸修兩門是自行之始終然後放下教義但將自心現前一念參詳禪旨則必有所得所謂出身活路

上根大智不在此限中下根者不可躐等也教義者不變隨緣頓悟漸修有先有後禪法者一念中不變隨緣性相體用元是一時離即離非是即非即故宗師據法離言直指一念見性成佛耳放下教義者以此 明歷歷時雲藏深谷深密密處日照晴空

大抵學者須參活句莫參死句

活句下薦得堪與佛祖爲師死句下薦得自救不

了此下特舉活句使自悟入 要見臨濟須是鐵漢

許曰話頭有句意二門參句者徑截門活句也沒心路沒語路無摸擦故也參意者圓頓門死句也有理路有語路有聞解思相故也

凡本參公案上切心做工夫如雞抱卵如猫捕鼠如飢思食如渴思水如兒憶母必有透徹之期

祖師公案有一千七百則如狗子無佛性庭前柏樹子麻三斤乾屎橛之流也鷄之抱卵暖氣相續也猫之捕鼠心眼不動也至於飢思食渴思水兒憶母皆出於真心非做作底心故云切也參禪無此切心能透徹者無有是處

參禪須具三要一有大信根二有大憤志三有大疑情苟闕其一如折足之鼎終成廢器

佛云成佛者信爲根本永嘉云修道者先須立志蒙山云參禪者不疑言句是爲大病又云大疑之下必有大悟

日用應緣處只舉狗子無佛性話舉來舉去疑來疑

去覺得沒理路沒義路沒滋味心頭熱鬧時便是當人放身命處亦是成佛作祖底基本也

僧問趙州狗子還有佛性也無州云無此一字子宗門之一關亦是摧許多惡知惡覺底器仗亦是諸佛面目亦是諸祖骨髓也須透得此關然後佛祖可期也古人頌云趙州露刃劍寒霜光燄燄擬議問如何分身作兩段

話頭不得舉起處承當不得思量卜度又不得將迷待悟就不可思量處思量心無所之如老鼠入牛角便見倒斷也又尋常計較安排底是識情隨生死遷流底是識情怕怖惶惶底是識情今人不知是病只管在裏許頭出頭沒

話頭有十種病曰意見卜度曰揚眉瞬目處探根曰語路上作活計曰文字中引證曰舉起處承當曰觸在無事匣裏曰作有無會曰作真無會曰作道理會曰將迷待悟也離此十種病者但舉話時略抖擻精神只疑是箇甚麼

此事如蚊子上鐵牛更不問如何若何下嘴不得處

棄命一攢和身透入

重結上意使參活句者不得退屈古云參禪須透祖師關妙語要窮心路絕

工夫如調絃之法緊緩得其中勤則近執慧忘則落無明惶惶歷歷密密綿綿

彈琴者曰緩急得中然後清音普矣工夫亦如此急則動血囊忘則入鬼窟不徐不疾妙在其中

工夫到行不知行坐不知坐當此之時八萬四千魔軍在六根門頭伺候隨心生設心若不起爭如之何魔者樂生死之鬼名也八萬四千魔軍者乃衆生八萬四千煩惱也魔本無種修行失念者遂派其源也衆生順其境故順之道人逆其境故逆之故云道高魔盛也禪定中或見孝子而斫股或見瘡子而把鼻者亦自心起見感此外魔也心若不起則種種伎倆翻爲割水吹光也古云壁隙風動心隙魔侵

起心是天魔不起心是陰魔或起或不起是煩惱魔然我正法中本無如是事

大抵忘機是佛道分別是魔境然魔境夢事何勞辨詰

工夫若打成一片則縱今生透不得眼光落地之時不爲惡業所率

業者無明也禪者般若也明闇不相敵理固然也大抵參禪者還知四恩深厚麼還知四大醜身念念衰朽麼還知人命在呼吸麼生來值遇佛祖麼及聞無上法生希有心麼不離僧堂守節麼不與鄰單雜話麼切忌鼓蕩是非麼話頭十二時中明明不昧麼對人接話時無間斷麼見聞覺知時打成一片麼返觀自己捉敗佛祖麼今生決定續佛慧命麼起坐便宜時還思地獄苦麼此一報身定脫輪迴麼當入風境心不動麼此是參禪人日用中點檢底道理古人云此身不向今生度更待何生度此身

四恩者父母君師施主恩也四大醜身者父之精一滴母之血一滴者水大之濕也精爲骨血爲皮者地大之堅也精血一塊不腐不爛者火大之暖也鼻孔先成通出入息者風大之動也阿難曰欲

氣靈濁腥臊交遘此所以醜身也念念衰朽者頭上光陰剎那不停面自皺而髮自白如云今既不如今昔後當不如今此無常之體也然無常之鬼以殺爲戲實念念可畏也呼者出息之火也吸者入息之風也人命寄托只在出入息也八風者順逆二境也地獄苦者人間六十劫泥犁一晝夜鑊湯爐炭劊樹刀山之苦口不可形言也人身難得甚於海中之鍼境於此愍而警之

評曰上來法語如人飲水冷暖自知聰明不能欺棄乾慧未免苦輪各須察念勿以自誤

學語之輩說時似悟對境還迷所謂言行相違者也此結上自護之意言行相違虛實可辨

若欲敵生死須得這一念子爆地一破万了得生死爆打破漆桶聲以打破漆桶然後生死可敵也諸佛因地法行者只此而已

然一念子爆地一破然後須訪明師決擇正眼

此事極不容易須生慚愧始得道如大海轉入轉深慎勿得小爲足悟後若不見人則醍醐上味翻

成毒藥

古德云只貴子眼正不貴汝行履處

昔仰山答潞山問云涅槃經四十卷總是魔說此
仰山之正眼也仰山又問行履處潞山答曰只貴
子眼正云此所以先開正眼而後說行履也故云
若欲修行先須頓悟

願諸道者深信自心不自屈不自高

此心平等本無凡聖然約人有迷悟凡聖也因師
激發忽悟真我與佛無殊者頓也此所以不自屈
如云本來無一物也因悟漸習轉凡成聖者漸也
此所以不自高如云時時勤拂拭也屈者教學者
病也高者禪學者病也教學者不信禪門有悟入
之秘訣深滯權教別執真妄不修觀行數他珍寶
故自生退屈也禪學者不信教門有修斷之正路
染習雖起不生慚愧果級雖初多有法慢故發言
過高也是故得意修心者不自屈不自高也

評曰不自屈不自高者略舉初心因該果海則
雖信之一位也廣舉菩薩果徹因源則五十五

位也

迷心修道但助無明

悟若未徹修豈稱真哉悟修之義如膏明相賴目
足相資

修行之要但盡凡情別無聖解
病盡藥除還是本人

不用捨衆生心但莫染汚自性求正法是邪
捨者求者皆是染汚也

斷煩惱名二乘煩惱不生名大涅槃
斷者能所也不生者無能所也

須虛懷自照信一念緣起無生
此單明性起

諦觀殺盜淫妄從一心上起當處使寂何須更斷
此雙明性相

經云不起一念名為永斷無明又云念起即覺
知幻即離不作方便離幻即覺亦無漸次

心為幻師也身為幻城也世界幻衣也名相幻食
也至於起心動念言妄言真無非幻也又無始幻

無明皆從覺心生幻幻如空花幻滅名不動故夢
奢求醫者寤來無方便知幻者亦如是

衆生於無生中妄見生死涅槃如見空花起滅

性本無生故無生涅槃也空本無花故無起滅也見

生死者如見空花起也見涅槃者如見空花滅也

然起本無起滅本無滅於此二見不用窺詰是故

思益經云諸佛出世非爲度衆生只爲度生死涅槃

繫二見耳

菩薩度衆生入滅度又實無衆生得滅度

菩薩只以念念爲衆生也了念體空者度衆生也

念既空寂者實無衆生得滅度也此上論信解

理雖頓悟事非頓除

文殊達天眞普賢明緣起解似電光行同窮子此

下論修證

帶姪修禪如蒸沙作飯帶殺修禪如塞耳聒聲帶偷

修禪如漏卮求滿帶妄修禪如刻蕤爲香縱有多智

皆成魔道

此明修行軌則三無漏學也小乘稟法爲戒粗治

其末大乘攝心爲戒細絕其本然則法戒無身犯

心戒無思犯也姪者斷清淨殺者斷慈悲盜者斷

福德妄者斷眞實也能成智慧縱得六神通如不

斷殺盜姪妄則必落魔道永失菩提正路矣此四

戒百戒之根故別明之使無思犯也無憶曰戒無

念曰定莫妄曰慧又戒爲捉賊定爲縛賊慧爲殺

賊又戒器完固定水澄清慧月方現此三學者實

爲萬法之源故特明之使無諸漏也 靈山會上

豈有無行佛少林門下豈有妄語祖

無德之人不依佛戒不護三業放逸懈怠輕慢他人

輕量是非而爲根本

一破心戒百過俱生

評曰如此魔徒末法熾盛惱亂正法學者詳之

若不持戒尙不得疥癩野干之身況清淨菩提果可

冀乎

重戒如佛佛當在焉須草繫鴉珠以爲先導

欲脫生死先斷貪欲及諸愛渴

愛爲輪迴之本欲爲受生之緣佛云姪心不除塵

不可出又云恩愛一縛著牽人入罪門渴者情愛之至切也

無礙清淨慧皆因禪定生

超凡入聖坐脫立亡者皆禪定之力也故云欲求聖道離此無路

心在定則能知世間生滅諸相

虛隙日光纖埃擾擾清潭水底影像昭昭

見境心不起名不生不生名無念無念名解脫

戒也定也慧也舉一具三不是單相

修道證滅是亦非真也心法本寂乃真滅也故曰諸

法從本來常自寂滅相

眼不自見見眼者妄也故妙首思量淨名杜默此

下散舉細行

貧人來乞隨分施與同體大悲是眞布施

自佗爲一曰同體空手來空手去吾家活計

有人來害當自攝心勿生嗔恨一念嗔心起百萬障

門開

煩惱雖無量嗔慢爲甚涅槃云塗割兩無心嗔如

冷雲中霹靂起火來

若無忍行萬行不成

行門雖無量慈忍爲根源忍心如幻夢辱境若龜

毛

守本眞心第一精進

若起情進心是妄非精進故云莫妄想莫妄想懈

怠者常常望後是自棄人也

持呪者現業易制自行可達宿業難除必借神力

摩登得果信不認矣故不持神呪遠離魔事者無

有是處

禮拜者敬也伏也恭敬眞性屈伏無明

身口意清淨則佛出世

念佛者在口曰誦在心曰念徒誦失念於道無益

阿彌陀佛六字法門定出輪迴之捷徑也心則緣

佛境界憶持不忘口則稱佛名號分明不亂如是

心口相應名曰念佛

評曰五祖云守本眞心勝念十方諸佛六祖云

常念佗佛不免生死守我本心即到彼岸又云

佛向性中作莫向身外求又云迷人念佛求生
悟人自淨其心又云大抵衆生悟心自度佛不
能度衆生云云如上諸德直指本心別無方便
方將一法理實如是然迹門實有極樂世界阿
便退諸根彌陀佛有四十八大願凡念十聲者承此願力
往生蓮胎徑脫輪迴三世諸佛異口同音十方
菩薩同願往生又況古今往生之人傳記昭昭
願諸行者愼勿錯認勉之勉之

梵語阿彌陀此云無量壽亦云無量光十方三
世第一佛號也因名法藏比丘對世自在王佛
發四十八願云我作佛時十方無央數世界諸
天人民以至蜎飛蠕動之流念我名十聲者必
生我剎中不得是願終不成佛云云先聖云唱
佛一聲天魔喪膽名除鬼簿蓮出金池又懺法
云自力吃力一遲一速欲越海者種樹作船遲
也比自力也借船越海速也比佛力也又曰世
間稚兒迫於水火大聲大叫則父母聞之急走
救援如人臨命終時高聲念佛則佛具神通決

方醫方

定來迎爾是故大聖慈悲勝於父母也衆生生
死甚於水火也有人云自心淨土淨土不可生
自性彌陀彌陀不可見此言似是而非也彼佛
無貪無瞋我亦無貪瞋乎彼佛變地獄作蓮花
易於反掌我則以業力常恐自墮於地獄況變
作蓮花乎彼佛觀無盡世界如在目前我則隔
壁事猶不知況見十方世界如目前乎是故人
人性則雖佛而行則衆生論其相用天壤懸
隔圭峰云設實頓悟終須漸行誠哉是言也然
則寄語自性彌陀者豈有天生釋迦自然彌陀
耶須自忖量人豈不自知臨命終時生死苦際
定得自在否若不如是莫以一時貢高却致永
劫沉墮又馬鳴龍樹悉是祖師皆明垂言教深
勸往生我何人哉不欲往生又自云西方去此
遠夫十方十八千八百此爲鈍根說相也又云西
方去此不遠即心衆生是佛彌陀此爲利根說性也
教有權實語有顯密若解行相應者遠近俱通
也故祖師門下亦有或喚阿彌陀佛者惠或喚

主人公者瑞岩

聽經有經耳之緣隨喜之福幻軀有盡實行不亡

此明智學如食金剛勝施七寶壽師云聞而不信
尙結佛種之因學而不成猶益人天之福

看經若不向自己上做工夫雖看盡萬藏猶無益也

此明愚學如春禽晝啼秋蟲夜鳴密師云識字看
經元不證悟銷文釋義唯熾貪嗔邪見

學未至於道銜耀見聞徒以口舌辨利相勝者如廁
屋塗丹墻

別明末世愚學學本修性全習爲人是誠何心哉
出家人習外典如以刀割泥泥無所用而刀自傷焉
門外長者子遷入火宅中

出家爲僧豈細事乎非求安逸也非求溫飽也非求
利名也爲生死也爲斷煩惱也爲續佛慧命也爲出
三界度衆生也

可謂衝天大丈夫

佛云無常之火燒諸世間又云衆生苦火四面俱焚
又云諸煩惱賊常伺殺人道人宜自警悟如救頭燃

身有生老病死界有成住壞空心有生住異滅此
無常苦火四面俱焚者也謹白參玄人光陰莫虛
度

貪世浮名枉功勞形登求世利業火加薪

貪世浮名者有人詩云鴻飛天末迹留沙人去黃
泉名在家營求世利者有人詩云采得百花成蜜
後不知辛苦爲誰甜枉功勞形者鑿木雕刻不用
之巧也業火加薪者麤弊色香致火之具也

名利褫子不如草衣野人

唾金輪入雪山千世尊不易之軌則末世羊質虎
皮之輩不識廉耻望風隨勢陰媚取寵噫其懲也
夫

心染世利者阿附權門趨走風塵返取笑於俗
人此褫子以羊質證此多行以懲也夫三字結
之此三字文出莊子

佛云云何賊人假我衣服裨販如來造種種業
末法比丘有多般名字或烏鼠僧或啞羊僧或禿
居士或地獄滓或被袈裟賊噫其所以以此

裨販如來者撥因果排罪福沸騰身口迭起愛憎可謂惑也避僧避俗曰烏鼠舌不說法曰啞羊僧形俗心曰禿居士罪重不遷曰地獄萍賣佛營生曰被袈裟賊以被袈裟賊證此多名以此二字結之此二字文出老子

於戲佛子一衣一食莫非農夫之血織女苦道眼未明如何消得

傳燈一道人道眼未明故身為木菌以還信施

故曰要識披毛戴角底麼即今虛受信施者是有未飢而食未寒而衣是誠何心哉都不思目前之樂便是身後之苦也

智論一道人五粒粟受牛身生償筋骨死還皮肉虛受信施報應如響

故曰寧以熱鐵纏身不受信心人衣寧以洋銅灌口不受信心人食寧以鐵鑊投身不受信心人房舍等梵網經云不以破戒之身受信心人種種供養乃種種施物菩薩若不發是願則得輕垢罪故曰道人進食如進毒受施如受箭弊厚言甘道人

所畏

進食如進毒者畏喪其道眼也受施如受箭者畏失其道果也

故曰修道之人如一塊磨刀之石張三也來磨李四也來磨磨來磨去別人刀快而自家石漸消然有人更嫌佗人不來我石上磨實為可惜

如此道人平生所向只在溫飽

故古語亦有之曰三途苦未是苦袈裟下失人身始是苦也

古人云今生未明心滴水也難消此所以袈裟下失人身也佛子佛子憤之激之此章始起於一於戲終結於一古語中間細繹許多故曰字亦一段文法也

咄哉此身九孔常流百千癰疽一片薄皮又云革囊盛糞膿血之聚臭穢可鄙無貪惜之何況百年將養一息背恩

上來諸業皆由此身發聲叱咄深有警也此身諸愛根本了之虛妄則諸愛自除如其耽著則起無

量過患故於此特明之以開修道之眼也

評曰四大無生故一爲假四冤四大背恩故一爲養四蛇我不了虛妄故爲佗人也瞋之慢之佗人亦不了虛妄故爲我也瞋之慢之若二鬼之爭一屍也一屍之爲體也一日泡聚一日夢聚一日苦聚一日糞聚非徒速朽亦甚鄙陋上七孔常流涕睡下二孔常流屎尿故須十二時中潔淨身器以參衆數凡行齋不淨者善神必背去因果經云將不淨手執經卷在佛前涕唾者必當獲罪則虫報文殊經云大小便時狀如木石慎勿語言作聲又勿畫壁書字又勿吐痰入廁中又云登廁不洗淨者不得坐禪狀不得登寶殿律云初入廁時先須彈指三下以警在穢之鬼默誦神呪各七遍初誦入廁呪曰

唵很嚩訶 次誦洗淨呪曰

右手執瓶左手用無名指洗之淨水旋旋傾之著實

洗淨次誦洗手呪曰

穢呪曰

諸惡鬼神聞必拱手若不如法誦持則雖用七恒河水洗至金剛際亦不得身器清淨又云洗淨須用冷水洗手須用皂角又木屑灰泥亦通若不用灰泥則觸水淋其手背垢穢尚存禮佛誦經必得罪云云此登廁洗淨之法亦是道人日用行實故略引經語并附于此

罪隨心滅

懺悔者懺其前愆悔其後過懺愧者懺責於內愧發於外然心本空寂罪業無寄

道人宜應端心以質直爲本一瓢一鉢旅泊無累

佛云心如直絃又云直心是道場若不耽著此身則必旅泊無累

凡夫取境道人取心心境兩忘乃是眞法

取境者如鹿之趨空花也取心者如猿之捉水月也境心雖殊取病則一也此合論凡夫二乘天地尚空秦日月山河不見漢唐臣

聲聞宴坐林中。被魔王捉。菩薩遊戲世間。外魔不見。聲聞取靜。爲行。故心動。心動則鬼見也。菩薩性自空寂。故無迹。無迹則外魔不見。此合論二乘菩薩。

三月懶遊花下路。一家愁閉雨中門。

凡人臨命終時。但觀五蘊皆空。四大無我。真心無相。不去不來。生時性亦不生。死時性亦不去。湛然圓寂。心境一如。但能如是。直下頓了。不爲三世所拘繫。便是出世自由人也。若見諸佛無心。隨去若見地獄無心。怖畏。但自無心。同於法界。此卽是要節也。然則平常是因臨終是果。道人須著眼看。

怕死老年親釋迦。如向此時明自己。百年光影轉頭非。

凡人臨命終時。若一毫毛凡聖情量不盡。思慮未忘。向驢胎馬腹裏托質。泥犁鑊湯中煮煉。乃至依前再爲螻蟻蚊虻。

白雲云。設使一毫毛凡聖情念淨盡。亦未免入驢胎馬腹中。二見星飛散入諸趣。烈火茫茫寶劍當門。

評曰。此二節特開宗師無心合道門。權遮教中念佛求生門。然根器不同。志願亦異。各各如是。兩不相妨。願諸道者。平常隨分各自努力。最後剎那莫生疑悔。

禪學者本地風光。若未發明。則孤峭玄關。擬從何透。往往斷滅空。以爲禪。無記空。以爲道。一切俱無。以爲高見。此冥然頑空。受病幽矣。今天下之言禪者。多坐在此病。

向上一關。措足無門。雲門云。光不透脫。有兩種病。透過法身。亦有兩種病。須一一透得。始得不行芳草路。難至落花村。

宗師亦有多病。病在耳目者。以瞞眉努目。側耳點頭。爲禪病。在口舌者。以顛言倒語。胡喝亂喝。爲禪病。在手足者。以進前退後。指東畫西。爲禪病。在心腹者。以窮玄究妙。超情離見。爲禪。據實而論。無非是病。

殺父母者。佛前懺悔。謗般若者。懺悔無路。空中攝影。非爲妙物。外追蹤豈俊機。

本分宗師全提此句。如木人唱拍紅爐點雪。亦如石。

火電光學者實不可擬議也故古人知師恩曰不重
先師道德只重先師不爲我說破

不道不道恐上紙墨 箭穿江月影須是射鵝人
大抵學者先須詳辨宗途昔馬祖一喝也百丈耳聾
黃檗吐舌這一喝便是拈花消息亦是達磨初來底
面目吁此臨濟宗之淵源

識法者懼和聲便打 杖子一枝無節目慙慙分
付夜行人

昔馬祖一喝也百丈得大機黃檗得大用大機
者圓應爲義大用者直截爲義事見傳燈錄
大凡祖師宗途有五曰臨濟宗曰曹洞宗曰雲
門宗曰潯仰宗曰法眼宗

臨濟宗

本師釋迦佛至三十三世六祖慧能大師下直
傳曰南嶽懷讓曰馬祖道一曰百丈懷海曰黃
檗希運曰臨濟義玄曰興化存獎曰南院首顓
曰風穴延沼曰首山省念曰汾陽善昭曰慈明
楚圓曰楊岐方會曰白雲守端曰五祖法演

曰

悟克勤曰禪師等
徑山宗杲

曹洞宗

六祖下傍傳曰青原行思曰石頭希遷曰藥山
惟儼曰雲岩曇晟曰洞山良价曰曹山耽章曰
雲居道膺禪師等

雲門宗

馬祖傍傳曰天王道悟曰龍潭崇信曰德山宣
鑑曰雪峰義存曰雲門文偃曰雪竇重顯曰天
衣義懷禪師等

潯仰宗

百丈傍傳曰潯山靈祐曰仰山慧寂曰香嚴智
閑曰南塔光胤曰芭蕉慧清曰霍山景通曰無
著文喜禪師等

法眼宗

雪峰傍傳曰玄沙師備曰地藏桂琛曰法眼文
益曰天台德韶曰永明延壽曰龍濟紹修曰南
臺守安禪師等

臨濟家風

赤手單刀殺佛殺祖辨古今於玄要驗龍蛇於
主賓操金剛寶劍掃除竹木精靈奪獅子全威
震裂狐狸心膽要識臨濟宗麼青天轟霹靂平
地起波濤

曹洞家風

權開五位善接三根橫抽寶劍斬諸見稠林妙
協弘通截萬機穿鑿威音那畔滿目烟光空劫
已前一壺風月要識曹洞宗麼佛祖未生空劫
外正偏不落有無機

雲門家風

劍鋒有路鐵壁無門掀翻露布葛藤剪却常情
見解迅電不及思量裂焰寧容湊泊要識雲門
宗麼拄杖子踉蹌上天蓋子裏諸佛說法

潯仰家風

師資唱和父子一家脇下書字頭角崢嶸室中
驗人獅子腰折離四句絕百非一槌粉碎有兩
口無一舌九曲珠通要識潯仰宗麼斷碑橫古
路鐵牛眠少室

法眼家風

言中有響句裡藏鋒觸體常于世界鼻孔磨觸
家風風柯月渚顯露真心翠竹黃花宣明妙法
要識法眼宗麼風送斷雲歸嶺去月和流水過
橋來

別明臨濟宗旨

大凡一句中具三玄一玄中具三要一句無文
綵卽三玄三要有文綵卽權實玄照用要

三句

第一句喪身失命第二句未開口錯第三句獲

箕掃帚

三要

一要照卽大機二要照卽大用三要照用同時

三玄

體中玄三世一念等句中玄徑截言句等玄中

玄良久捧喝等

四料揀

奪人不奪境待下根奪境不奪人待中根人境

兩俱奪待上根人境俱不奪待出格人

四賓主

賓中賓學人無鼻孔有問有答

賓中主學人有鼻孔有主有法

主中賓師家無鼻孔有問在

主中主師家有鼻孔不妨奇特

四照用

先照後用有人先用後照有法在照用同時

驅耕奪食照用不同時有問有答

四大式

正利平當
本分貢假

正利少林面壁類平常禾山打鼓類本分山僧

不會類貢假遠磨不識類

四喝

金剛王寶劔一刀揮斷一切情解踞地獅子養

言吐氣衆魔腦烈探竿影草探其有無師承鼻

孔一喝不作一喝用具上三玄四賓主等

八棒

觸令返玄接掃從正靠玄復正苦責罰降順宗

言賞棒有虛實辨棒盲伽睹棒掃除凡聖正棒

此等法非特臨濟宗風上自諸佛下至衆生皆

分上事若離此說法皆是妄語

臨濟喝德山棒皆徹證無生透頂透底大機大用自

在無方全身出沒全身擔荷退守文殊普賢大人境

界然據實而論此二師亦不免偷心鬼子

凜凜吹毛不犯鋒銳 懨懨寒光珠媚水寥寥雲

散月行天

大丈夫見佛見祖如冤家若著佛求被佛縛若著祖

求被祖縛有求皆苦不如無事

佛祖如冤者結上無風起浪也有求皆苦者結上

當體便是也不如無事者結上動念即乖也到此

坐斷天下人舌頭生死迅輪庶幾停息也扶危定

亂如丹霞燒木佛雲門喫狗子老母不見佛皆是

摧邪顯正底手段然畢竟如何 常憶江南三月

裏鷓鴣啼處百花香

神光不昧萬古微猷入此門來莫存知解

神光不昧者結上昭昭靈靈也萬古微猷者結上

本不生滅也。莫存知解者。結上不可守名生解也。門者有凡聖出入義。如荷澤所謂知之一字衆妙之門也。吁起於名狀不得結於莫存知解一篇葛藤一句都破也。然始終一解中舉萬行如世典之三義也。知解二字佛法之大害。故時舉而終之。荷澤神會禪師不得爲曹溪嫡子者。以此也。因而頌曰。如斯塞唱明宗旨。笑殺西來碧眼僧。然畢竟如何。孤輪獨照江山靜。自笑一聲天地驚。

禪家龜鑑終

右編乃曹溪老和尚退隱師翁所著也。噫。二百年來師法益喪。禪教之徒各生異見。宗教者唯耽糟粕。徒自筭沙。不知五教之上有直指人心。使自悟入之門。宗禪者自恃天真。撥無修證。不知頓悟後始即發心修習。萬行之意。禪教混溢。沙金罔分。圓覺所謂聞說本來成佛。謂本無迷悟。撥置因果。則便成邪見。又聞修習無明。謂眞能生妄。失眞常性。則亦成邪見者是。

也。嗚呼。殆哉。斯道不傳何若是其甚也。綿綿涓涓。如一髮引千鈞。幾乎落地無從矣。賴我師翁住西山一十年。鞭牛有暇。覽五十本經論語錄。間有日用中參決要切之語句。則輒錄之時與室中二三子詢然議之一。如牧羊之法。過者抑之。後者鞭之。驅入於大覺之門。老婆心得微困。若是其切也。奈二三子鈍根也。返以法門之高峻爲病。爲師翁惑其迷蒙。各就語句下入註而解之。編次而釋之。鈎鎖連環。血脉相通。萬藏之要。五宗之源。極備於此。言言見諦。句句朝宗。向之偏者。圓之滯者。通之可謂禪教之龜鑑。解行之良藥也。然師翁常與論這般事。雖一言半句。如弄劍刃上事。恐上紙黑。豈欲以此流通。方外誇衒已能也哉。門人白雲禪子魯願。寫之。門人碧泉禪德義天。授之。門人大禪師淨源。門人大禪師大常。門人青霞道人法融等。稽首再拜曰。未曾有也。遂與同志六七人。傾鉢囊中所儲。入梓流通。以報師翁訓蒙之恩也。大機龍藏。汪洋渺若淵海。雖言探龍珠采珊瑚者。孰從而求之。非入海如陸之手段。頗不免望涯之嘆。然則撮

要之功發蒙之惠如山之高若海之深設若碎萬骨
粉千金如何報得一毫哉千里之外有見之聞之不
驚不疑敬之讀之以爲寶玩則真所謂千歲之下一
子雲耳

時万曆己卯春 曹溪宗遂四溟隱峰惟政拜手
口訣因爲謹跋

禪門寶藏錄

高麗・天頤
撰

禪門寶藏錄序

羌夫我迦文老人禪燈點迦棄之心教海瀉阿難之口則禪之與教異日導也決矣而職教者聞教外別傳之說則面青眼白云惡是何言歟噫人我之大一至於斯也故走慨然賈勇不揆蠡測管窺而以三門質之三門者何混蓋者禪教也故上之卷立禪教對辨門毀謗者諸講也故中之卷立諸講歸伏門流通者君臣也故下之卷立君臣崇信門此三門所引皆古重言也非臆說也非臆說則人信之者儻有焉目之爲禪門寶藏云海東沙門內願堂眞靜大禪師天頭蒙日序至元三十年癸巳十一月日也

目次

上卷 禪教對辨門二十五則
中卷 諸講歸伏門二十五則
下卷 君臣崇信門三十九則

禪門寶藏錄卷上

海東沙門 天頭 撰

禪教對辨門二十五則

盧舍那佛菩提樹下初成正覺以心傳心不立文字令諸大衆頓證頓悟唯迦葉上座入秘密難思之地又殊普賢等八萬菩薩衆海未識迦葉入處本生經梵王至靈山會上以金色波羅花獻佛捨身爲床座諸佛爲群生說法世尊登座拈花示衆人天百萬億衆悉皆罔措獨迦葉破顏微笑世尊云吾有正法眼藏涅槃妙心分付摩訶迦葉大梵天王問佛決疑經海上由風轉種種波浪起出世觀緣故分別演三千海底極深故風影所不到如來心境界澹然無有畔嶺南宗道者注云波浪者喻現佛之教海隨機樂欲五千教典之詮海底者比如海底極深不是風影之所動三劫之風不到其底我佛深趣亦復如是深之最深玄之又玄意不可思言不可議般若多羅海底宗影示玄記

唐土第二祖惠可大師問達磨今付正法卽不問釋

祖傳何人得何處慈悲曲說後來成規達磨曰我卽五天竺諸祖傳說有篇而今爲汝說示頌曰眞歸祖師在雪山叢木房中待釋迦傳持祖印壬午歲心得同時祖宗旨 達磨密錄

唐土第六祖惠能大士因有僧從幽州來參白言佛說三乘法又云最上乘弟子不解願賜慈悲祖告之曰見聞轉讀是小乘悟法解義是中乘依法修行是大乘識自本心見自本性萬法盡通萬行俱備一切不除離諸見相念念無住是最上乘 普燈錄

般若多羅云我佛從兜率天入摩耶胎中直與三十三人總授玄記云吾有心法總付於汝各各候時當一人傳一人密護宗旨勿令斷絕謂之教外別傳由是頌曰摩耶肚裏法界體一如卅三諸祖師同時密授記 付法藏傳

教者不倫有三疇類一顯教者諸乘經律論也二密教者瑜伽灌頂五部護摩三密曼拏羅法三心教者直指人心見性成佛禪法也次一法輪卽顯教也以摩騰爲始祖焉次二教令輪者卽密教也以金剛智

爲始祖焉次三心輪者以菩提達磨爲始祖焉是故傳法輪者以法音傳法音傳教令輪者以秘密傳秘密傳心輪者以心傳心此之三教三輪三祖自西而東化凡而聖流十五代 僧史略

按智度論云諸佛新法愛亦不立經書亦不莊嚴語言則大聖其意何嘗必在於教乎又經云修多羅教如標月指若復見月了知所標畢竟非月此豈使人執教跡耶又經云始從鹿野苑終至跋提河於是二中間未曾說一字斯固教外別傳之謂也 正宗記爾時釋迦不是禪化主也言此宗行化主佛非舍那非釋迦而能作舍那能作釋迦非十身非三身而能作十身能作三身所以尊法中王只這是一體三身不相似自有靈光照古今何必冒前題記字 辨宗記

且夫教外別傳卽佛佛祖祖所共法也以是法非文字所可擬議故曰教外以不歷位次階級而悟佛心宗徑受法印故曰別傳教也者自有言至於無言者也心也者自無言至於無言者也自無言而至於無

言則人莫得而名焉。故強名曰禪。世人不知其由。或謂學而可知。思而可得。習而可成。謂之禪。那此云靜慮。靜慮者。澄神端坐。息緣束心。助成觀慧之一法耳。何故世尊於垂滅之時。而密傳於迦葉。以至三十三世。累累而不絕乎。是故達磨所傳者。非借教習禪者也。乃直指人心。見性成佛之道也。祖門刊正錄。唐土第五祖弘忍大師。召第六祖惠能大師。告曰。諸佛出世。爲一大事故。隨機小大。而引導之。遂有十地三乘頓漸等旨。以爲教門。然以無上微妙秘密圓明真實正法眼藏。付于上首大迦葉尊者。展轉傳授。二十八世。至達磨。屈于此土。得可大師承襲。以至于吾。今以法寶及所傳袈裟。用付於汝。善自保護。無令斷絕。傳燈錄。

諸佛說弓。祖師說絃。說絃者。禪門正傳立路。不借言說。直示宗本。心體如弓之絃。若教門則一乘是直路。三乘是曲路。不如直舉宗本。心體示於心念之中。何故一乘教中所說者。事事無礙。法界圓融。此事事無礙法界。方歸一味法界。拂此一味法界之跡。方現祖

至
心乃禪乃

師所示一心。故知諸教不直。順德禪師錄。十佛壇場一海印。三種世間總在焉。無盡性海合一味。一味相沈是我禪。眞淨文和尚頌。

世之文字法師見禪者。排斥佛教。實謂非經。至乃毛豎只怪禪者。排斥佛教。不見禪者。洗光佛日子。難其此說。教有明文云。非聲聞乘。非緣覺乘。非菩薩乘。亦非佛乘。是先祖相承底最上上禪。問曰。宜以何等語形容此法門。答曰。僧問趙州。祖師西來意。旨云。庭前栢樹子。此一句。龍宮海藏所未有。底寂音尊者錄。僧問別傳之法。起於何時。答曰。佛涅槃之時。慮未來衆生。但依經言。不解佛意。如貧人數他珍寶。終無所利。由是世尊開青蓮目。顧視迦葉。對衆密付。延壽禪師錄。

開達磨對楊街之曰。明佛心宗。寸無差誤。行解相應。名之曰祖。何現聲聞之跡。得傳教外之心。耶。答引接小乘之機。權作聲聞之相。教外別傳之曰。非是聲聞之智。禪林集。

評曰。唐神清不喜禪者。乃著書而抑之。曰。其傳法賢

聖間以聲聞如迦葉等。雖則迴心。尚爲小智。豈能傳心印乎。固哉。清也。徒肆已之愛惡。而不知大聖若傳法者。雖示同聲聞。而豈宜以聲聞盡之哉。豈非應化佛所化出羅漢耶。佛所化者。宜其所有四禪三昧。無量功德。與如來不異。也不異。如來而傳佛心印。孰謂不然乎。 正宗記

眞性卽不垢不淨。凡聖無差。禪則有淺有深。階降差殊。謂帶異計。忻上厭下。而修者是外道禪。正信因果。亦以忻厭而修者。是凡夫禪。悟我空偏眞之理。而修者。是小乘禪。悟我法二空所現眞理。而修者。是大乘禪。若頓悟自心。本來清淨。元無煩惱。無漏智性。本自具足。此心卽佛。畢竟無異。依此而修者。是最上乘禪。亦名如來清淨禪。達磨門下展轉相傳者。是此禪也。又云。以心傳心者。是達磨大師之言也。因可和尚次問。此法有何文字教典。習學大師答云。我法以心傳心。不立文字。謂因師說。而不以文句爲道。須亡詮得意。得意卽是傳心。禪門離念無念。亦是此中拂跡遮過。但以心傳心。密意授受之處。非今簡牘所論也。 圭

峰禪源諸詮集序及本錄

有人問大珠禪師弟子。未知律師法師禪師何者最勝。師曰。夫律師者。戒毗尼之法藏。傳壽命之遺風。祠持犯而達開遮。秉威儀而行軌範。牒三番羯磨。作四果初。因夫法師者。踞師子之座。瀉懸河之辨。對稠人廣衆。啓鑿玄關。開般若妙門。等三輪空。施夫禪師者。撮其樞要。直了心源。出沒卷舒。縱橫應物。咸均事理。頓見如來拔生死深根。獲現前三昧。若不安禪靜慮。到這裏總須茫然。其人禮謝而退。 大珠惠海禪師錄

謬會眞規之衆侶。錯傳上祖之嗣承。或謂頓漸之門。以爲正脉。又舉圓頓之教。將作宗乘。性海自體。雖不可說。事相承寂。而修法界之因。以證法界之果。故云。因果域內。若舉宗門密傳妙旨。本無法界之因。亦無法界之果。亦無智證。亦無依正。本無因故。無修萬行之路。本無果故。亦無證果之門。問若約海印。自是證體。離因離果。與禪門正宗心印。如何和會。答相似而不相似。何謂也。所言海印者。促因果處。歸亡因果處。

有因始跡有果終跡。若論當時雖無因果而推本則有因有果。若約禪所以則本無法界之因更無亡因。本無法界之果更無亡果。豈可亡因果之後歸無因果處哉。所以古德云禪祖傳心處如鳥飛空等。問頓教中一切法離心緣相離能念所念一一法法純純無雜。唯如如功德故無能入者。抑亦清淨解脫何故與禪門不同。答諸佛境界本自離念念起故衆生衆生若一念不生即同諸佛。又初地即佛地三賢十聖猶如空中鳥跡。若論所證真如離言離相泯絕無寄。故若不洞明前解無以攝成此行行即忘機行也。然則有所證真如有能證智體有所不生妄念有所生正念雖寂滅無次第階級而有從信至佛地佛地即信位。若論禪門本無一念不生何念念既本無信位何立信位不立佛地何有相念不見離是何相名字本無離何名字故不同頓教忘情契理有二義一依教契理者如大乘菩薩佛說小乘不滯小乘雖說大乘不滯大乘說理說事不滯理事說空說色不滯空也。說真說俗不滯真俗五乘諸法一字一句不

卷一 無量壽

壞假名圓融融會二依禪契理者佛說大乘本無大乘佛說小乘本無小乘佛說理事本無理事乃至三乘十二分教三界所有法如鳥飛空永無蹤跡如華嚴疏云圓頓之上別有一宗此亡詮會旨之宗或問亡何詮會何旨答亡五教之詮會五教之旨禪宗是也。玄覺禪師教外豎禪章或問禪經是小乘之經不當預祖門之道楞伽是性宗之法兼有說云是達摩帶來要證據心地法門此乃臨終分付可乎答此亦不可也此經是單喻經立楞伽山爲喻者意謂此山高峻以生死大海隔諸衆生及二乘人等故文云非得通菩薩不能登此山但與大惠等諸菩薩談佛性義意欲激發二乘之人令其捨小慕大耳備機不足故止可在方等部中又安可證據祖門耶問祖門既非禪經爲宗又非楞伽爲宗今立般若爲宗可乎答亦不可也何哉我先覺父涅槃會中只云吾有正法眼藏付囑摩訶迦葉不聞吾有摩訶般若付囑摩訶迦葉梵語般若此云智慧若是智慧是舍利弗爲宗主也爲般若已前所說

法皆爲戲論。故經云。調除諸法戲論之義。當知般若。是聲聞。戲論。破塊之大藥耳。安可謂禪門之宗主也。問。禪經與楞伽般若。或教理未圓。備機不足。故與祖門異耳。華嚴以塵塵刹刹。顯見毗盧。遮那清淨妙身。楞嚴以妙性圓明。普示含識法華。是一乘微妙該攝具周。如何祖師之門。復有別傳之事。答我釋迦氏之說教也。以等慈心普視含識。在生死海。或漂或流。隨其高下而濟渡之。就其海中。張羅罟網。或罟或箔。若竿若鉤。其魚有大者曰鼈。曰鯨。卽入大網之內。或魴或鱖。卽投中網之中。至於蟹蜆蚌螺。遂用小網撈攬。盡使出煩惱海上。涅槃山。一切含識。咸皆受渡。中有一物。鼯如朱火爪。似剛鉤。眼射日光。口吐煙氣。忽因出窟。見此意梁。筌網交羅。張捕之具。將身一展。舉爪略拏。則見白浪滔天。黑風蔽日。方當半晝。斗覺晦冥。俱是窟梁。一時漂蕩。然後却在雲端之內。注甘露雨。潤益生靈。當知我祖門之人。有如此事。鑑昭禪師引古辨今錄。

問有舌無舌。其義云何。答仰山云。有舌土者。卽是佛。

◆默上一有
拱字

土是故應機門。無舌土者。卽是禪。是故正傳門。問如何是應機門。答。知識揚眉動目。而示法。此皆爲應機門。故有舌。況語言也。問如何是無舌土。答。禪根人。是此中無師無弟也。問若然者。何故古人云。師資相傳。耶。答。章敬云。喻如虛空。以無相爲相。以無爲爲用。禪傳者亦然。以無傳爲傳。故傳而不傳也。問無舌土中。不見能化。所化者。與教門如來證心中。亦不見能化。所化云何。別耶。答。教門之至極。如來證心。名曰海印。定三種世間法。印現而永無解。是則有三種世間跡也。今祖代法者。等閑道人心裏。永不生淨穢兩草。故不荒三種世間草。亦無出入跡。所以不同也。淨則真如解脫等法。穢則生死煩惱等法也。所以古人云。行者心源如深水。淨穢兩草。永不生。又佛土者。前服定惠之衣。入燃燈穴內。今放却定惠之衣。立玄地。故有蹤跡。祖土者。本來無脫不脫。不著一條線。故與佛土大別也。海東無染國師。無舌土論。

無染國師問法性禪師。教禪何別。答。百僚阿衡。各能其職。帝王默廟堂之上。萬姓以安。無染國師行狀。

溟州嶺山梵日國師答羅代眞聖大王宣問禪教兩義云我本師釋迦出胎說法各行七步云唯我獨尊後踰城往雪山中因星悟道。既知是法未臻極遊行數十月尋訪祖師。眞歸大師始傳得玄極之旨。是乃教外別傳也。故聖住和尚常扣楞伽經知非祖宗捨了却入唐傳心道九和尚披究華嚴經。乃曰圓頓之旨。豈如心印之法亦入唐傳心。此乃非其根本能信之別旨耳。海東七代錄

重峰祖師澄觀禪師入唐嗣長慶稜和尚還國後答光宗大王宣問禪法之源曰。此事從釋迦已前禪教門迥別矣。而達磨大師來唐。士親傳惠可而觀之。僧那禪師不得祖宗法。以愚惑情將欲破滅祖宗正法。故假設方便。謂金剛楞伽是我心要。付惠可兼傳之。因此未究禪旨。泛參浮議。禪教僧或生輕違心。海東七代錄

禪門寶藏錄卷上

禪門寶藏錄卷中

海東沙門 天頤 撰

諸講歸伏門二十五則

西山亮座主講得二十四本經論。一日去訪馬祖。祖問曰。聞說大德甚講得經論。將什麼講。主云。將心講。祖曰。心如工伎兒。意如和伎者。爭解講得。經論主云。心既講不得。莫是虛空講得麼。祖曰。却是虛空講得。主拂袖而出。祖召座主。主迴首。祖云。是什麼主。於是。大悟。便伸禮謝。歸寺。謂衆曰。我一生功夫。將謂無人過得。今日被馬祖一問。平生功夫。冰釋而已。傳燈錄

壽州良遂座主初參麻谷。谷見來。乃將鋤頭去鋤草。主到鋤草處。谷都不顧。便歸。方丈閉却。門主却來敲門。谷曰。阿誰。主曰。良遂。纔稱名。忽爾契悟。曰。和尚莫謾良遂。良遂若不來禮拜和尚。泊被經論賺過一生。及歸講肆。云。諸人知處。良遂總知。良遂知處。諸人不知。傳燈錄

太原孚爲座主時在揚州孝先寺講涅槃經有禪者

阻雪聽講至黃談法身妙理。禪者夫笑乎云。某甲依經解義。適蒙見笑。且望見教。禪者云。實笑座主不識法身乎。云。何處不是禪者。云。請座主更說一遍。云。法身之理。猶若大虛。豎窮三際。橫亘十方。隨緣赴感。靡不周遍。禪者云。不道座主說不是。只說得法身量邊事實。未識法身在。乎。曰。請禪客當爲我說。禪者曰。暫輟講於夜中。靜慮善惡。諸緣一時放却。乎。依教從初夜至五更。聞鼓角聲。忽然契悟。傳燈錄

印宗法師於法性寺講涅槃經。能大師寓止鄺廡間。暮夜風颭。剎幡聞二僧對論。一云。幡動。一云。風動。往復酬答。曾未契理。師直以風幡非動。動自心耳。印宗竊聆此語。悚然異之。翌日邀師入室。徵風幡之義。師具以理告之。印宗執弟子之禮。請受禪要。傳燈錄
無業禪師爲涅槃座主之時。問馬大師三乘文字。粗窮其旨。常聞禪門。卽心是佛。實未能了。祖曰。只未了底心。卽是更無別物。又問如何是祖師西來密傳心印。祖曰。大德正鬧在。且去。別時來。師才出。祖召曰。大德。師迴首。祖云。是甚麼師。便領悟禮拜。傳燈錄

洪州法達師來禮六祖。頭不至地。祖呵曰。禮不投地。何如不禮。汝心中必有一物。蘊習何事耶。達曰。念法華經。已及三千部。祖云。汝但勞勞執念。謂爲功課者。何異。犛牛愛尾也。聽吾偈云。心迷法華轉。心悟轉法華。誦久不明已。與義作雠家。無念念卽正。有念念成邪。有無俱不計。長御白牛車。達蒙啓發。踊躍歡喜。以偈讚云。經誦三千部。曹溪一句亡。未明出世旨。寧歇累生狂。羊鹿牛羶。設初中後善。揚誰知火宅內。元是法中王。傳燈錄

清涼鎮國師澄觀九歲出家。禮寶林體真禪師。周歲通法華維摩楞伽等經。次到常照和尚。傳菩薩戒。誓十願。律身雖行。解兼至。猶疑未通。遂扣宗門。首謁牛頭六祖。次見徑山國一。時無名禪師居東都同德寺。師趨其函丈。規炙茲事。願徹玄微。祠明大事。述心要一章云。至道本乎其心。心法本乎無住云。祖燈錄

花嚴院僧繼宗問雲居智禪師。見性成佛。其義云何。師曰。清淨之性。本來湛然。無有動搖。不屬有無淨穢。

長短取捨體自脩然如是明見乃名見性。性即佛。佛即性。故云見性成佛。僧曰：性既清淨，不屬有無，因何有見？師曰：見無所見。僧曰：無所見，因何更有見？師曰：見處亦無。僧曰：如是見時，是誰之見？師曰：無有能見者。僧曰：究竟其理如何？師曰：汝知否？妄計爲有，即有能。所乃得名。迷隨見生，解便墮生死。明見之人，即不然。終日見未嘗見。求見處，體性不可得。能所俱絕，名爲見性。僧曰：至理如何？師曰：我以要言之。清淨性中，無有凡聖，亦無了人，不了人，二俱假名。若云我能了彼，不能了，即是大病。見有淨穢，凡聖亦是大病。作無凡聖解，又屬撥無因果。見有清淨性，可棲止，亦大病。作不棲止解，亦大病。然清淨性中，雖無動搖，俱不壞方便應用及興慈運悲如是興運之處，即全清淨之性。可謂見性成佛矣。繼宗踊躍禮謝而退。傳燈錄講花嚴僧來參鹽官齊安禪師。師問經中有幾種法界。僧云：略說四種，廣說則重重無盡。師豎起拂子云：這箇是第幾種法界？中收僧良久。師云：思而知慮而解，是鬼窟裏活計。日下孤燈，果然失照。出去。傳燈

錄

有西蜀首座至白馬塞華嚴教固曰：一塵含法界時，如何？馬曰：如鳥二翼，如車二輪。座曰：將謂禪門別有奇特，元來不出教意，乃還里中尋鬻夾山會禪師道化，遂遣弟子持前語問之。山曰：離沙無鍤玉之談，結草乖道人之思。弟子迴舉似其師，乃伏膺禪道，參問玄旨。祖庭錄

有小師洪謹以講論自矜。鑑宗禪師謂之曰：佛祖正法直截，忘詮汝等海沙於理，何益？但能莫存知見，泯絕外緣，離一切心，即汝真性。謹聞茫然，禮辭遊方。至潯山方悟玄旨。傳燈錄

有一講僧來問馬祖。未審禪宗傳持何法。師却問云：座主傳持何法？彼云：忝講得經論二十餘本。師云：莫是師子兒否？云：不敢。師作嘯嘯聲。彼云：此是法師云是甚麼法？云：師子出窟。法師乃默然。彼云：此亦是法師云是甚麼法？云：師子在窟。法師云：不出不入，是甚麼法？僧無對。傳燈錄

有一法師問大義禪師：欲界無禪，禪居色界，此土憑

何而立禪師云法師只知欲界無禪不知禪界無
法師云如何是禪師以手點空法師無對 傳燈錄
有律師法明謂大珠禪師曰禪師家多落空師曰却
是座主家多落空法明大驚曰何得落空師曰經論
是紙墨文字紙墨文字者俱空設於聲上建立名句
等法無非是空座主執滯教體豈不落空法明曰禪
師落空否師曰不落空曰何却不落空師曰文字等
皆從智惠而生大用現前那得落空法明雖省過而
心猶憤然又問曰夫經律論是佛語讀誦依教奉行
何故不見性師曰如狂狗趁塊師子咬人法明禮謝
讚嘆而退 傳燈大珠禪師問答五則
源律師問禪師常談卽心是佛無有是處且一地菩
薩分身百佛世界二地菩薩增于十倍禪師試現神
通看師曰閻梨自己是凡是聖曰是凡師曰既是凡
僧能問如是境界律師杜口

講華嚴志座主問禪師何故不許青青翠竹盡是真
如鬱鬱黃花無非般若師曰法身無像應翠竹以成
形般若無知對黃花而現相非彼黃花翠竹而有般

若法身座主會麼曰不了此意師曰若見性人道是
亦得道不是亦得隨用而說不滯是非若不見性人
說翠竹著翠竹說黃花著黃花說法身帶法身說般
若不識般若所以皆成諍論志禮謝而去

有法師問師說何法度人師曰貧道未曾有一法度
人曰禪師家渾如此師却問云大德說何法度人曰
講金剛般若經師曰此經是阿誰說僧抗聲曰禪師
相弄豈不知是佛說耶師曰若言如來有所說法卽
爲謗佛若言此經不是佛說卽是謗經請大德說看
僧無對良久又問如何得大涅槃師曰不造生死業
曰如何是生死業師曰求大涅槃是生死業捨垢取
淨是生死業有得有證是生死業不脫對治門是生
死業曰云何卽得解脫師曰本自無縛何用求解直
用直行是無等等僧曰如和尚者實爲希有禮謝而
去

有三藏法師問員如有變易否師曰有變易曰禪師
錯也師却問三藏有真如否曰有師云若無變易三
藏決定是凡僧也藏云若爾者真如卽有變易師曰

若執真如有變易亦是外道。曰禪師適來說真如有變易。如今又道不變易。如何。即是。的當。師曰。若了了見性者。如摩尼珠現色。說變亦得。說不變亦得。若不見性人。聞說真如。變便作變。解聞說不變便作不變。解藏云。故知南宗實不可測。

德山宣鑑禪師爲座主時。在西蜀講金剛經。因教中道金剛喻定。後得智。中千劫學佛。威儀萬劫。學佛化行。然後成佛。他南方便說。卽心是佛。遂發憤擔疏鈔行。脚直往南方。破這魔子輩。初到澧州路上。見一婆賣油。遂放下疏鈔。買作點心。喫。婆云。所載者是什麼物。山云。金剛經疏鈔。婆云。我有一問。你若答得。布施油。撥作點心。若答不得。別處買去。山云。但問婆云。金剛經云。過去心不可得。現在心不可得。未來心不可得。上座欲點那箇心。山無語。婆遂指令參龍潭。才跨門。便問。久嚮龍潭。及手到來。潭又不見。龍又不現。潭云。子親到龍潭山。乃設禮而退。遂取疏鈔於法堂前。將火炬舉起。云。窮諸玄辯。若一毫置於大虛。竭世隱機。似一滴投於巨壑。遂燒之。 碧巖錄

仰山行偉禪師爲賢首教座主時。所至禪林盛籍。籍聞宗師名。心怪之。見昔同學法亮投禪。因問。曰。汝今稱禪者。禪宗奧義。語我來。亮曰。待我死後。爲汝敷說。偉曰。狂耶。亮曰。我狂方息。汝今方熾。卽趨去。偉謂其屬曰。亮今甘爾。禪家必有長處。乃獨行謁南禪師。依止二年。每造室。南公必歛目良久。偉曰。見行偉必合眼。何耶。南曰。麻谷見良。遂來荷鋤。鋤草良。遂有悟處。我見汝來。但閉門。日汝雖無悟。然且有疑。尙亦可在。偉滋不曉。將治行。而西夜與一僧同侍座。僧問法華經云。得解一切衆生。語言陀羅尼。何等語。是陀羅尼。南公顧香爐。僧引手候火。有無。無火。又就添以炷。乃依位而立。南公笑曰。是此陀羅尼。偉驚喜進曰。如何。解。南公令僧且去。僧揭簾趨出。南公曰。若不解。爭能恁麼。偉方有省。 僧寶傳

法雲圓通法秀禪師爲華嚴座主時。云。吾不信世尊教外別以法私大迦葉。乃罷講。南遊。謂同學曰。吾將詣其窟穴。攫取其種類。抹殺之。以報佛恩。乃已。耳。初至隱州。護國讀淨果禪師。謁曰。僧問報慈。如何。是佛

性慈曰誰無又問淨果果曰誰有其僧因有悟秀大笑云豈佛性敢有無之別又云因以有悟哉其氣拂膺去至無爲鐵佛謁禪師甚易之懷問座主講何經秀曰華嚴經又問此經以何爲宗秀云以心爲宗又問心以何爲宗秀不能對懷曰毫釐有差天地懸隔汝當自看當有發明後日夜聞二僧舉論白兆問報慈情未生時如何慈曰隔忽大悟 僧寶傳

吳中講僧多譏祖師傳法偈無譯人禪者與辯失其真適足以重其謗達觀禪師論之云此達磨爲二祖言者也何須譯人耶如梁武帝問如何是聖諦第一義曰廓然無聖云對朕者誰曰不識使達磨不通方言則何於是時便能爾耶諸僧不敢復有辭 祖燈錄

有善華嚴者問繼成禪師曰吾傳設教自小乘至於圓頓掃除空有獨證真常然後萬德莊嚴方名爲佛嘗聞禪宗一喝能轉凡成聖則與諸經論似相違背今一喝若能入吾宗五教是爲正哉若不能入是爲邪說師召善善應諾師曰法師所謂小乘教者乃有

義也大乘始教者乃無義也大乘終教者乃不有不空義也大乘頓教者乃卽有卽空義也一乘圓教者乃不有而有不空而空義也如我一喝非唯能入五教至於工巧伎藝諸子百家悉皆能入師振聲喝一喝問善曰聞麼云聞曰汝既聞此一喝是有能入小乘教須臾又問善曰聞麼云不聞適來一喝是無能入始教遂顧善曰我初一喝汝既道有喝久聲消汝復道無道無則元初實有道有則而今實無不有不無能入終教我有一喝之時非有是有因無故有無一喝之時非無是無因有故無卽有卽無能入頓教須知我此一喝不作一喝用有無不及情解俱亡道有之時纖塵不立道無之時橫遍虛空卽此一喝入百千萬億喝百千萬億喝入此一喝是故能入圓教善乃起再拜師復謂曰非唯一喝爲然乃至語嘿動靜一切時一切處一切事一切物契理契機周遍無餘於此一喝中悉皆具足此猶是建化門理隨機方便謂之小歇場未至寶所殊不知吾祖師門下以心傳心不立文字見性成佛有千聖不傳底向上一路

在善又問如何是一路師曰汝且向下會取善云如何是實所師曰非汝境界善曰望禪師慈悲師曰在從前海變終不爲君通善膠口而退 五燈會元
西蜀靈法師問佛照禪師禪家言多不根何也照曰汝習何經論曰諸經粗知頗通百法照曰只如昨日雨今日晴是什麼法中取師慘然照舉爇和子擊云莫道禪家所言不根好師憤曰昨日雨今日晴畢竟是什麼法中取照曰第二十四時分不相應法中取師恍悟卽禮謝 普燈錄

智遠僧統問道義國師云華嚴四種法界外更有何等法界五十五善知識行布法門外更有何等法門卽此教以外謂別有祖師禪道云者乎道義答曰如僧統所舉四種法界則於祖師門下直舉正當理體冰消一切之正理拳中法界之相尙不可得於本無行智祖師心禪中文殊普賢之相尙不可見五十五知識行布法門正如水中泡耳四智菩提等道亦猶金之鑲耳則諸教內混雜不得故唐朝歸宗和尚對一大藏明得箇什麼之問但舉拳頭智遠又問然則

教理行信解修證於何定當何等佛果得成就乎義答曰無念無修理性信解修證耳祖宗示法佛衆生不可得道性直現耳故五教以外別傳祖師心印法耳所以現佛形像者爲對難解祖師正理之機借現方便身耳縱多年傳讀佛經以此欲證心印法終劫難得耳智遠起禮曰素來暫聞佛莊嚴教訓耳佛心印法寔難不得來乃投師禮謁云 海東七代錄

禪門寶藏錄卷中

禪門寶藏錄卷下

海東沙門 天頤 撰

君臣崇信門三十九則 尼婆附

西天昇見王輕毀三寶問波羅提尊者曰何者是佛答見性是佛王曰師見性否曰我見佛性云性在何處曰性在作用云是何作用我今不見曰今現作用王自不見云於我有否曰王若作用無有不是王若不用體亦難見云若當用時幾處出現曰若出現時

當有其八云其八出現當爲我說波羅提即說偈曰
在胎爲身處世名人在眼曰見在耳曰聞在鼻辨香
在舌談論在手執捉在足運奔遍現俱該沙界收攝
在一微塵識者知是佛性不識喚作精魂王聞偈已
心即開悟 傳燈錄

魏明帝問天竺三藏迦摩羅陀曰佛經之中何經歸
依君國有益三藏答曰此地不是經法之處帝問是
何所由藏曰不遠年間我師般若多羅同學菩提達
摩降至此國傳佛心印之處所以經法不行帝問漢
帝已來大藏東流中寄十二部經之外何有佛心法
印藏曰本師釋迦王宮誕生長而十九觀之藏中寄
十二部經未契祖師之宗遠至雪山遊行十二年紀
求尋祖院傳得心印之法於後雪山成道普光殿說
及於七處八會不及心印之法所以經律論別外之
道昔時天子遺經教法信受奉行作小國王呼爲八
萬也天子今時特行佛心禪法合諸小國或作大朝
天子呼爲十二國帝乃信受 魏明帝所問諸經篇
梁武帝問達磨朕卽位已來造寺寫經度僧不可勝

數有何功德師曰並無功德帝曰何以無功德師曰
此但人天小果有漏之因如影隨形雖有非實帝曰
如何是真功德師曰淨智妙圓體自空寂如是功德
不以世求帝後製達磨碑云見之不見逢之不逢古
之今之悔之恨之 傳燈及達磨碑

西竺中印度國王迦勝崇信外道值難于第二十五
祖婆舍斯多曰餘國素絕妖訛師所傳者當是何宗
祖曰王國昔來實無邪法我所得者卽是佛宗王曰
佛滅已千二百載師從誰得耶祖曰飲光大士親受
佛印展轉至二十四世師子尊者我從彼得王曰師
子比丘不能免於刑戮何能傳法後人祖曰我師難
未起時密授我信衣法偈以現師承王曰其衣何在
祖卽於囊中出衣示王王命焚之五色相鮮薪盡如
故王卽追悔致禮 傳燈錄

唐憲宗嘗詔大義禪師入內師舉順宗問尸利禪師
大地衆生如何得見性成佛尸利云佛性猶如水中
月可見不可取因謂帝云佛性非見必見水中月如
何攬取帝乃問何者是佛性師對云不離陛下所問

帝默契真宗益加欽重 傳燈錄

唐宣宗問弘辯禪師禪宗何有南北之名師對曰昔如來以正法眼付大迦葉展轉至二十八祖菩提達磨來遊此方爲初祖泊第五祖忍大師時有二弟子一名惠能受衣法居嶺南一名神秀在北揚化其所得法雖一而開導發悟有頓漸之異故曰南頓北漸非禪宗本有南北之號也帝曰何爲佛心師曰佛者西天之語唐言覺謂人有智慧覺照爲佛心心者佛之別名有百千異號體唯有一如陛下日應萬機卽是陛下佛心帝賜紫方袍號圓智禪師 傳燈錄

同光帝問興化存獎禪師朕取中原獲一寶而未有入酬價化云略借陛下寶看帝乃以兩手引幞頭脚示之化云君王之寶誰敢酬價帝大悅 傳燈錄

宋眞宗皇帝臨御已來探索祖教曉然自得嘗製偈曰寂寂大虛空淡淡如秋水拂拭本無塵不屬張王李 普燈錄

宋仁宗皇帝嘗製修心頌曰初祖安禪在小林不傳經教但傳心後人若悟眞如性密印由來妙理深

普燈錄

宋高宗皇帝詔圓悟禪師至關下上曰朕亦知師禪道高妙可得聞乎勤云陛下以仁孝理天下率土生靈咸被光澤雖草木昆虫各得其所此佛祖所傳之心也此心之外無別有心若別有心非佛祖之心矣上大喜曰可賜圓悟禪師號 普燈錄

宋孝宗皇帝詔僧惠遠住持靈隱禪寺上舉不與萬法爲侶者問遠是什麼人語遠以龐居士奏之上曰前日靜坐忽思向所舉不與萬法爲侶因緣朕從這裏有箇見處遠曰不與萬法爲侶陛下作麼生會上曰四海不爲多遠云一口吸盡西江水又且如何上曰亦未曾欠缺又賜佛照禪師手詔曰今俗人乃以禪爲虛空以語爲戲論其不知道也如此茲事至大豈在筆下可窮聊叙所得耳 普燈錄及寶鑑錄

高麗太祖神聖大王崇信禪法自製與法王師碑云蓋聞微言立教始開鸞嶺之譚妙旨傳心終入雞山之定雖云別行法眼竊惟同稟玄精慶喜於是富仁和脩以甚嗣位云云初聞圓覺東入梁朝始見大禪

北遊魏室。於是師資所契。付囑同風。祖法相承。心燈不絕。所以一花數現。六葉重榮。近自江西。流於海裔。亦有鳳林家子。章敬曾孫。惟我大師。再揚吾道。焉云云。世宗之遇摩騰。梁武之逢寶誌。無以加也。生生世世。永修香火。之因子孫。終表奉持之至。所以重起其興。法禪院以住持云云。因創五百禪院。海東興法寺。碑。

期城太守楊衍之問達磨大師。西天五印師承爲祖。其道如何。祖曰。明佛心。宗寸無差。誤行解。相應名之。曰祖。又問。此外如何。祖曰。須明他心。知其古今。不厭有無。於法無取。不賢不愚。無迷無悟。若能是解。故稱爲祖。卽說偈曰。亦不覩惡。而生嫌。亦不觀善。而勤措。亦不捨智。而近愚。亦不拋迷。而就悟。達大道兮。過量。通佛心兮。出度。不與凡聖同躋。超然名之曰祖。傳燈錄。

唐韓文公愈爲潮州刺史。時問大顛和尚。弟子軍州事多省要處。乞師一句師長。久文公因措三平爲侍者。乃設床三下。師云。作麼平云。先以定動。後以智拔。

本寺今

公乃禮謝三平云。和尚門風高峻。弟子於侍者邊得介入處。傳燈錄。

裴休相國一日入開元寺。見壁間畫相。問院主云。壁間是什麼主云。高僧裴云。形儀可觀。高僧在什麼處。主無語。裴云。這裏莫有禪僧麼。主云。有一希運上座。頗似禪僧。裴遂召師來。舉前話。似之。師召相公公應。暗師云。在什麼處。裴於言下領旨。傳燈錄。

顛州刺史李翱問藥山和尚。如何是道。師以手指上下曰。會麼。云。不會。師曰。雲在青天水在瓶。翱乃呈偈曰。鍊得身形似鶴形。千株松下兩函經。我來問道無餘說。雲在青天水在瓶。傳燈錄。

王常侍來參睦州。問曰。今日何故入院。遲侍曰。看馬打毬。師曰。人困麼。曰。困。馬困麼。曰。困。露柱困麼。侍茫然無對。歸至私第。中夜間忽然省得。明日見師云。某會得昨日事也。師曰。露柱困麼。侍曰。困。師遂許之。傳燈錄。

龍居士蘊初參石頭。忘言會旨。一日頭問曰。子見老僧已來。日用事作麼。生對曰。若問日用事。卽無開口。

處復呈一偈云。日用事無別。唯吾自偶諧。頭頭非取捨。處處勿張乖。朱紫誰爲號。丘山絕點瑕。神通并妙用。運水及搬柴。頭然之後。之江西參問馬祖云。不與萬法爲侶者。是什麼人。祖云。待汝一口吸盡西江水。卽向汝道。居士言下領旨。有偈曰。有男不婚。有女不嫁。大家團圓。頭共說無生話。傳燈錄

張拙秀才因訪石霜。霜問曰。公何姓。曰。姓張。曰。何名。曰。名拙。霜曰。覓巧了。不可得。拙自何來。公於言下有省。乃述悟道頌曰。光明寂照遍河沙。凡聖含靈共我家。一念不生全體現。六根纔動被雲遮。斷除煩惱重增病。趣向菩提亦是邪。隨順衆緣無望礙。涅槃生死是空花。祖庭錄

范文粹居士久參南陽襄燈禪師。未有悟入。一日聞漁笛。忽悟。次日呈投機偈曰。香嚴和尚大慈悲。悟我真乘破宿疑。寶藏金文五千軸。夜來都向笛中吹。五燈會元

大史黃庭堅往依晦堂心禪師。乞指徑捷處。心曰。仲尼道二三子。以我爲隱乎。吾無隱乎爾。大史如何。理

卷四八
普燈錄

論公擬對心曰。不是不是。公迷悶不已。一日待心山行。巖桂盛放。心曰。聞木蘭花香麼。公云。聞心云。吾無隱乎爾。公遂釋然。卽拜之。云。和尚得恁麼老婆心。切心笑曰。只要公到家耳。後晦堂訃音至。公拈香云。海風吹落楞伽山。四海禪流著眼看。一把柳條收不得。和風搭在玉欄干。普燈錄

內翰蘇軾宿東林日。與照覺總禪師論無情話。有省。黎明獻偈曰。溪聲便是廣長舌。山色豈非清淨身。夜來四萬八千偈。他日如何舉似人。普燈錄

張天覺無盡居士。因兜率悅和尚。舉德山托鉢話。令熟究之。公悵然不寐。至五鼓。忽垂脚翻尿器。猛省。翌旦投偈曰。鼓寂鍾沈。托鉢迴巖頭。一拶語如雷。果然只得三年活。莫是遭他授記來。悅首肯。普燈錄

左丞范冲謁圓通旻禪師。曰。某宿世作何福業。今生墮在金紫囊中。去此事稍遠。旻呼內翰公應喏。旻曰。何遠之有。公躍然曰。再乞師指誨。旻拈膝一下。公豁如。普燈錄

示旻厲聲揖曰看火公發衣忽大悟謝曰元來佛法無多子旻喝曰放下著公應喏喏 普燈錄

侍郎張九成一日如廁以栢樹子話究之聞蛙鳴釋然契入有偈曰春天月夜一聲蛙撞破乾坤共一家正恁麼時誰會得嶺頭脚痛有玄沙 普燈錄

禮部侍郎楊傑歷參諸名德晚從天衣遊衣每引老龐機語研究深造後奉祠泰山雞一鳴觀日如盤湧忽大悟因以有男不婚有女不嫁之語別曰男大須婚女長須嫁討甚閑功夫更說無生話辭世偈曰無一可戀無一可捨大虛空中之乎者也將錯就錯西方極樂 普燈錄

楊文公億謁廣惠禪師夜語次公問兩個大虫相咬時如何連以手作曳鼻勢曰這畜生更踴跳在公於言下脫然無疑有偈曰八角磨盤空裏走金毛獅子變作狗擬欲藏身北斗中應須合掌南辰後 普燈錄

清獻公趙抃嘗典清州政事之暇多宴坐忽大雷震驚即契悟作頌曰默坐公堂虛隱机心源不動湛如

水一聲霹靂頂門開喚起從前自家底 普燈錄

歐陽脩字永叔號六一居士公慕韓退之將排釋教文未成一日謁浮山遠禪師心有異之從而與客弈棋遠坐其傍公遽取局謂因甚說法遠搥鼓升堂乃曰若論此事如兩家著碁相似何謂也敵手知音當機不讓若是緩五饒三又通一路始得有一般底只解閉門作活不解奪角充關硬節與虎口齋彰局破後徒勞運幹所以道肥邊易得瘦肚難尋思行則往往失粘礙心而時時頭撞休誇國手謾說神仙贏局輸籌即不問且道黑白未分時一著落在什麼處良久云從前十九路迷悟幾多人公嘉嘆久之從容謂同僚曰脩初疑禪語爲虎誕爲記憶曾中以誘其流俗今見此老機緣所得所造非悟明於心地安能有此妙旨哉公於禪宗默有所契 禪苑聯芳

丞相王隨居士嘗謁首山省念禪師得言外之旨自爾踐履益深竟明大法至臨終日書偈曰盡堂燈已滅彈指向誰說去住本尋常春風掃殘雪 禪苑聯芳

曾學士會字同之幼與雪竇顯禪師同舍及冠異途
顯祝髮爲僧公擢科第一日曾于景德寺公遂引中
庸大學參以楞嚴符宗門語句質顯顯曰這個尙不
與教乘合況中庸大學乎學士要徑捷理會此事乃
彈指一下但恁麼薦取公於言下領旨 禪苑聯芳
海東清平山真樂公李資玄居士看雪峰語錄至曰
盡乾坤是沙門一隻眼汝向什麼處蹲坐公於言下
豁然大悟 重修文殊院記

尼婆三則

無著道人尼妙總年三十許厭世浮休脫去緣飾咨
參諸老已入正信作夏徑山大惠升堂次舉藥山初
參石頭後見馬祖因緣總聞豁然省悟惠復舉巖頭
婆子話問之總答偈曰一葉扁舟泛渺茫呈機舞棹
別宮商雲山海月都拋却贏得莊周蝶夢長 普燈
錄

范縣君夫人號寂壽道人在成都參佛果果教渠看
不是心不是佛不是物是什麼不得下語不得開口
看來看去無入頭便覺悽惶乃問佛果云此外有何

方便令某甲曾去果云有个方便不是心不是佛不
是物壽於此有省乃云元來得恁麼近 宗門武庫
俞道婆金陵女也市油糴爲業常隨衆參問瑯琊
以臨濟無位真人話示之一日聞丐者唱蓮華樂云
不因柳毅傳書信何緣得到洞庭湖忽有省以絃盤
地投夫傍晚云你顯耶婆掌曰非汝境界往見瑯琊
瑯琊之知其造詣問那个是無位真人婆應聲曰有
一無位人六臂三頭努力嘆一聲華山分兩路萬年
流水不知春 普燈錄

禪門寶藏錄卷下終

嘉靖十年辛卯日慶尙道晉州地智異山鐵窟開
刊以傳園興寺

詳夫禪是佛心教是佛語心傳而棒喝作語漲而頓
漸興然一大藏教無非指月之指故利根者師子咬
人鈍根者韓獪逐塊於噫咬人者寡逐塊者衆遂成

中國字原本
不刊

兩途彼此相排。斯乃在人。非關於法。一宿覺云。從他
謗任他。非把火燒天。徒自疲正。謂此也。今內願堂。鶻
谷住老呆庵。大禪翁。悼禪風之將墜。悲人我之相高。
探摭古今對辨決疑之語。與夫君臣崇而理國。諸講
伏而見性。許多則分爲三門。目之曰禪門寶藏。錢梓
流傳。欲作將來之益。則豈小補哉。其有有眼箇漢。若
能見月忘指。則此一卷文。亦是眼中金屑也。無著處。
至元三十一年甲午三月。日蒙菴居士奉翊大夫副
知密直司事國學大司成文翰學士承旨李混跋。

真心直說

真心直說目錄

本序

重刻序明釋文定撰

篇目

真心正信

真心異名

真心妙體

真心妙用

真心體用一異

真心在迷

真心息妄

真心四儀

真心所在

真心出死

真心正助

真心功德

真心驗功

真心無知

真心所往

附

誠初心學人文

皖山正凝禪師示蒙山法語

東山崇藏主送子行腳法語

蒙山和尚示衆語

後跋

心計謹記

真心直說序

或曰祖師妙道可得知乎曰古不云乎道不屬知不屬不知知是妄想不知是無計若真遠不疑之地猶如太虛寬廓豈可強是非耶或曰然則諸祖出世無益群生耶曰佛祖出頭無法與人只要衆生自見本性華嚴云知一切法即心自性成就慧身不由他悟是故佛祖不令人泥著文字只要休歇見自本心所以德山入門便棒臨濟入門便喝已是探頭太過何更立語言哉或曰昔聞馬鳴造起信六祖演壇經黃梅傳般若皆是漸次爲人豈獨無方便於法可乎曰妙高頂上從來不許商量第二峯頭諸祖略容話會或曰敢祈第二峯頭略垂方便耶曰然哉是言也奈何大道玄曠非有非無真心幽微絕思絕議故不得其門而入者雖檢五千之藏教不以爲多洞曉真心者但出一言之擬比早是剎法矣今不惜眉毛謹書數章發明真心以爲入道之基漸也是爲序

重刻真心直說序

夫真心直說者。佛佛授手。祖祖相傳。更無別法也。心者。人人之本源。諸佛之覺性。一切萬法。盡在一心之內。八萬四千法門。從此而出。悟此心者。凡聖交參。迷此心者。生死無際。心隨事轉。事隨理彰。事理融和。名直說者矣。今比丘淨林宿生慶幸。得遇斯文。發心重新刊梓。流通。命予爲序。以冠篇首。予才陋語拙。學問之淺。無足以發明其深奧。略序直說真心以塞其請耳。峇。

成化己丑年五月端陽日後學文定序

真心直說

真心正信

華嚴云。信爲道源功德母。長養一切諸善根。又唯識云。信如水清珠。能清濁水。故是知萬善發生。信爲前導。故佛經首立如是。我聞。生信之所謂也。或曰。祖門之信。與教門信有何異耶。曰。多種不同。教門令人天

信於因果。有愛福樂者。信十善爲妙。因人天爲樂果。有樂空寂者。信生滅因緣爲正。因苦集滅道爲聖果。有樂佛果者。信三劫六度爲大。因菩提涅槃爲正果。祖門正信。非同前也不信。一切有爲因果。只要信自。已本來是佛。天真自性。人人具足。涅槃妙體。箇箇圓成。不假他求。從來自備。三祖云。圓同太虛。無欠無餘。良由取舍所以不如。志公云。有相身中無相身。無明處上無生路。永嘉云。無明實性。即佛性。幻化空身。即法身。故知衆生本來是佛。既生正信。須要解。滋永明云。信而不解。增長無明。解而不信。增長邪見。故知信解相兼。得入道疾。或曰。初發信心。未能入道。有利益。不曰起信論云。若人聞是法。已不生怯弱。當知是人定紹佛種。必爲諸佛之所授記。假使有人能化三千大千世界。滿中衆生。令行十善。不如有人於一念頃。正思惟此法。過前功德。不可爲喻。又般若經云。乃至念生淨信者。如來悉知悉見。是諸衆生得如是無量福德。是知欲行千里。初步要正。初步若錯。千里俱錯。入無爲國。初信要正。初信既失。萬善俱退。故祖師

云毫釐有差天地懸隔是此理也

真心異名

或曰已生正信未知何名真心曰離妄名真靈鑑曰心楞嚴經中發明此心或曰但名真心別有異號耶曰佛教祖教立名不同且佛教者菩薩戒呼爲心地發生萬善故般若經喚作菩提與覺爲體故華嚴經立爲法界交徹融攝故金剛經號爲如來無所從來故般若經呼爲涅槃衆聖所歸故金光明號曰如如真常不變故淨名經號曰法身報化依止故起信論名曰真如不生不滅故涅槃經呼爲佛性三身本體故圓覺中名曰總持流出功德故勝鬘經號曰如來藏隱覆含攝故了義經名爲圓覺破暗獨照故由是壽禪師唯心訣云一法千名應緣立號備在衆經不能具引或曰佛教已知祖教何如曰祖師門下杜絕名言一名不立何更多名應感隨機其名亦衆有時呼爲自己衆生本性故有時名爲正眼鑑諸有相故有時號曰妙心虛靈寂照故有時名曰主人翁從來荷負故有時呼爲無底鉢隨處生涯故有時喚作沒

絃琴韻出今時故有時號曰無盡燈照破迷情故有時名曰無根樹根蒂堅牢故有時呼爲吹毛劍截斷塵根故有時喚作無爲國海晏河清故有時號曰牟尼珠濟益貧窮故有時名曰無繻鎖關閉六情故乃至名泥牛木馬心源心印心鏡心月心珠種種異名不可具錄若達真心諸名盡曉昧此真心諸名皆滯故於真心切宜子細

真心妙體

或曰真心已知名字其體如何耶曰放光般若經云般若無所有相無生滅相起信論云真如自體者一切凡夫聲聞緣覺菩薩諸佛無有增減非前際生非後際滅畢竟常恒從本已來性自滿足一切功德隱此經論真心本體超出因果通貫古今不立凡聖無諸對待如太虛空徧一切處妙體凝寂絕諸戲論不生不滅非有非無不動不搖湛然常住喚作舊日主人翁名曰威音那畔人又名空劫前自己一種平懷無纖毫瑕翳一切山河大地草木叢林萬象森羅染淨諸法皆從中出故圓覺經云善男子無上法王有

大陀羅尼門名為圓覺。流出一切諸佛。真如菩薩。涅槃。及波羅蜜。般若。菩薩。主峰云。心也者。沖虛妙粹。炳煥靈明。無去無來。冥通三際。非中非外。洞徹十方。不滅不生。豈四山之可害。難性難相。奚五色之能言。故永明唯心訣云。夫此心者。衆妙群靈。而普會爲萬法之王。三乘五性。而冥歸作千聖之母。獨尊獨貴。無比無儔。實大道源。是真法要。信之則三世菩薩同學。蓋學此心也。三世諸佛同證。蓋證此心也。一大藏教詮顯。蓋顯此心也。一切衆生迷妄。蓋迷此心也。一切行人發悟。蓋悟此心也。一切諸祖相傳。蓋傳此心也。天下衲僧參訪。蓋參此心也。達此心則頭頭皆是。物物全彰。迷此心則處處顛倒。念念痴狂。此體是一切衆生本有之佛性。乃一切世界生靈之根源。故世尊驚峰良久。善現。毘下忘言。達磨少室。壁觀居士。毗耶杜口。悉皆發明此心妙體。故初入祖門。庭者要先識此心體也。

真心妙用

或曰。妙體已知。何名妙用。耶。曰。古人云。風動心搖樹。

雲生。生起。聖者。明今日事。味却本來人。乃妙體起用也。真心妙體。本來不動。安靜。真常。真體上妙用。現前不妨。隨流得妙。故祖師頌云。心隨萬境轉。轉處寔能幽。隨流認得性。無喜亦無憂。故一切時中。動用施爲。東行西往。喫飯著衣。拈匙弄筯。左顧右盼。皆是真心妙用。現前凡夫迷倒。於著衣時。只作著衣會。喫飯時。只作喫飯會。一切事業。但隨相轉。所以在日用而不覺。在目前而不知。若是識性底人。動用施爲。不會昧却。故祖師云。在胎名神。處世名人在。眼觀照。在耳聽。聞在鼻。鼻香。在口談論。在手執捉。在足運奔。徧現俱該。法界收攝。在一微塵。知之者。爲是佛性。不識者。喚作精魂。所以道吾舞笏。石鞮拈弓。祕魔擎杖。俱抵豎指。忻州打地。雲巖師子。莫不發明。這著大用。若於日用不迷。自然縱橫無礙也。

真心體用一異

或曰。真心體用未審。是一是異。耶。曰。約相則非。一約性則非。異。故此體用非一非異。何以知然。試爲論之。妙體不動。絕諸對待。離一切相。非達性契證者。莫測。

其理也。妙用隨緣。應諸萬類。妄立虛相。似有形狀。約此有相。無相。故非一也。又用從體。發用不離體。體能發用。體不離用。約此不相離。理故非異也。如水以濕爲體。體無動。故波以動爲相。因風起。故水性波相。動與不動。故非一也。然波外無水。水外無波。濕性是一。故非異也。類上體用一異可知矣。

真心在迷

或曰。真心體用。人人具有。何爲聖凡不同耶。曰。真心聖凡本同。凡夫妄心認物。失自淨性。爲此所隔。所以真心不得現前。但如暗中樹影。地下流泉。有而不識耳。故經云。善男子。譬如清淨摩尼寶珠。映於五色。隨方各現。諸愚痴者。見彼摩尼。實有五色。善男子。圓覺淨性。現於身心。隨類各應。彼愚痴者。說淨圓覺。實有如是身心。自性亦復如是。肇論云。乾坤之內。宇宙之間。中有一寶。祕在形山。此乃真心在纏也。又慈恩云。法身本有。諸佛共同。凡夫由妄覆。有而不覺。煩惱纏裹。得如來藏。名裴公。云終日圓覺。而未嘗圓覺者。凡夫也。故知真心雖在塵勞。不爲塵勞所染。如白玉投

泥。其色不改也。

真心息妄

或曰。真心在妄。則是凡夫。如何得出妄成聖耶。曰。古云。妄心無處。卽菩提。生死涅槃。本平等。經云。彼之衆生。幻身滅。故幻心亦滅。幻心滅。故幻塵亦滅。幻塵滅。故幻滅亦滅。幻滅滅。故非幻不滅。譬如磨鏡。垢盡明現。永嘉亦云。心是根。法是塵。兩種猶如鏡上痕。痕垢盡時。光始現。心法雙忘。性卽真。此乃出妄而成真也。或曰。莊生云。心者其熱。燋火其寒。凝冰其疾。俛仰之間。再撫四海之外。其居也淵。而靜其動也懸。而天者。其惟人心乎。此莊生先說。凡夫心不可治。伏如此也。未審宗門以何法治妄心也。曰。以無心法治妄心也。或曰。人若無心。便同草木。無心之說。請施方便。曰。今云。無心。非無心。體名無心也。但心中無物。名曰無心。如言空瓶。瓶中無物。名曰空瓶。非瓶體無名空瓶也。故祖師云。汝但於心無事。於事無心。自然虛而靈寂。而妙是此心旨也。據此則以無妄心。非無真心。妙用也。從來諸師說。做無心功夫。類各不同。今總大義略。

明十種一曰覺察。謂做功夫時。平常絕念。提防念起。一念纔生。便與覺破。妄念破。覺後念不生。此之覺。智亦不須用。妄覺俱忘。名曰無心。故祖師云。不怕念起。只恐覺遲。又偈云。不用求真。唯須息見。此是息妄功夫也。二曰休歇。謂做功夫時。不思善。不思惡。心起便休。遇緣便歇。古人云。一條白練。去冷湫湫地。去古廟裏。香爐去。直得絕廉纖。離分別。如痴似兀。方有少分相應。此休歇安心功夫也。三曰泯心。存境。謂做功夫時。於一切妄念俱息。不顧外境。但自息心。安心已息。何害有境。即古人奪人不奪境。法門也。故有語云。是處有芳草。滿城無故人。又龐公云。但自無心於萬物。何妨萬物常圍繞。此是泯心存境。息妄功夫也。四曰泯境存心。謂做功夫時。將一切內外諸境悉觀爲空寂。只存一心孤標獨立。所以古人云。不與萬法爲侶。不與諸塵作對。心若著境。心即是妄。今既無境。何妄之有。乃真心獨照。不礙於道。即古人奪境不奪人也。故有語云。上園花已謝。車馬尚駢闐。又云。三千劍客。今何在。獨計莊周定太平。此是泯境存心。息妄功夫也。五

泯心泯境。謂做功夫時。先空寂外境。次滅內心。既內外心境俱寂。畢竟妄從何有。故灌溪云。十方無壁落。四面亦無門。淨裸裸。赤洒洒。即祖師人境兩俱奪。法門也。故有語云。雲散水流去。寂然天地空。又云。人牛俱不見。正是月明時。此泯心泯境。息妄功夫也。六存境存心。謂做功夫時。心住心位。境住境位。有時心境相對。則心不取境。境不臨心。各不相到。自然妄念不生。於道無礙。故經云。是法住法位。世間相常住。即祖師人境俱不奪。法門也。故有語云。一片月生海。幾家人上樓。又云。山花千萬朵。遊子不知歸。此是存境存心。滅妄功夫也。七內外全體。謂做功夫時。於山河大地。日月星辰。內外一切諸法。同真心體。湛然虛明。無一毫異。大千沙界。打成一片。更於何處得安心。來。所以鑒法師云。天地與我同根。萬物與我同體。此是內外全體滅妄功夫也。八內外全用。謂做功夫時。將一切內外身心器界諸法。及一切動用。施爲悉觀作真心妙用。一切心念。纔生。便是妙用。現前一切皆是妙用。安心向甚麼處安著。故永嘉云。無明實性

卽佛性幻化空身卽法身志公十二時歌云平旦寅
狂機內隱道人身坐臥不知元是道只麼忙忙受苦
辛此是內外全用息妄功夫也九卽體卽用謂做功
夫時雖冥合真體一味空寂而於中內隱靈明乃體
卽用也靈明中內隱空寂用卽體也故永嘉云惺惺
寂寂是惺惺妄想非寂寂惺惺是無記寂寂非既寂
寂中不容無記惺惺中不用亂想所有妄心如何得
生此是卽體卽用滅妄功夫也十透出體用謂做功
夫時不分內外亦不辨東西南北將四方八面只作
一箇大解脫門圓陀陀地體用不分無分毫滲漏通
身打成一片其妄何處得起古人云通身無縫罅上
下武團圓是乃透出體用滅妄功夫也已上十種做
功夫法不須全用但得一門功夫成就其妄自滅真
心卽現隨根宿習曾與何法有緣卽便習之此之功
夫乃無功之功非有心功力也此箇休歇安心法門
最緊要故偏多說無文繁也

真心四儀

或曰前說息妄未審但只坐習亦通行住等耶曰經

論多說坐習所以易成故亦通行住等久漸成純熟
故起信論云若修止者住於靜處端坐正意不依氣
息不依形色不依於空不依地水火風乃至不依見
聞覺知一切諸想隨念皆除亦遣除想以一切法本
來無想念念不生念念不滅亦不得隨心外念境界
後以心除心心若馳散卽當收來住於正念是正念
者當知唯心無外境界卽復此心亦無自相念念不
可得若從坐起去來進止有所施作於一切時常念
方便隨順觀察久習純熟其心得住以心住故漸漸
猛利隨順得入真如三昧深伏煩惱信心增長速成
不退唯除疑惑不信誹謗重罪業障我慢懈怠如是
等人所不能入據此則通四儀也圓覺經云先依如
來奢摩他行堅持禁戒安處徒衆宴坐靜室此初習
也永嘉云行亦禪坐亦禪語默動靜體安然據此亦
通四儀耳總論功力坐尙不能息心況行住等豈能
入道耶若是用得純熟底人千聖興來驚不起萬般
魔妖不迴顧豈況行住坐中不能做功夫也如人欲
離恨於人乃至行住坐臥飲食動用一切時中不能

忘了欲愛樂於人亦復如是。且憎愛有心。中事尙於有心中容得。今做功夫。是無心事。又何疑四義中不常現前耶。只恐不信。不爲若爲。若信則威儀中道必不失也。

真心所在

或曰。息妄心而真心現矣。然則真心體用。今在何處。曰。真心妙體。徧一切處。永嘉云。不離當處常湛然。覓卽知君不可見。經云。虛空性故。常不動。故如來藏中無起滅。故大法眼云。處處菩提。路頭頭功德。林此卽是體所在也。真心妙用。隨感隨現。如谷應聲。法澄云。今古應無墜。分明在目前。片雲生。晚谷孤鶴下。遙天。所以魏府元華嚴云。佛法在日用處。在行住坐臥處。喫茶喫飯處。語言相問處。所作所爲。舉心動念。又却不是也。故知體則徧一切處。悉能起用。但因緣有無不定。故妙用不定耳。非無妙用也。修心之人。欲入無爲海度諸生死。莫迷真心體用所在也。

真心出死

或曰。嘗聞見性之人。出離生死。然往昔諸祖。是見性

人。皆有生有死。今現見世間修道之人。有生有死。事如何。云。出生死耶。曰。生死本無。妄計爲有。如人病眼。見空中華。或無病人。說無空花。病者不信。目病若無空花。自滅。方信花無。只花未滅。其花亦空。但病者妄執爲花。非體實有也。如人妄認生死爲有。或無生死人告云。本無生死。彼人一朝妄息生死。自除。方知生死本來是無。只生死未息時。亦非實有。以妄認生死有。故經云。善男子。一切衆生。從無始來。種種顛倒。猶如迷人。四方易處。妄認四大爲自身相。六塵緣影爲自心相。譬彼病目。見空中花。乃至如衆空花。滅於虛空。不可說言有定滅處。何以故。無生處。故一切衆生。於無生中。妄見生滅。是故說名輪轉生死。據此經文。信知達悟。圓覺真心。本無生死。今知無生死。而不能脫生死者。功夫不到故也。故教中說。菴婆女問文殊云。明知生是不生之法。爲甚麼被生死之所流。文殊云。其力未充。故後有進。山主問修山主云。明知生是不生之法。爲甚麼却被生死之所流。修云。畢竟成竹去。如今作箴使得麼。所以知無生死。不如體無生死。

體無生死不如契無生死契無生死不如用無生死
今人尙不知無生死況體無生死契無生死用無生
死耶故認生死者不信無生死法不亦宜乎

真心正助

或曰如前息妄真心現前且如妄未息時但只歇妄
做無心功夫更有別法可對治諸妄耶曰正助不同
也以無心息妄爲正以習衆善爲助譬如明鏡爲塵
所覆雖以手力揩拭要須妙藥磨瑩光始現也塵垢
煩惱也手力無心功也磨藥衆善也鏡光真心也起
信論云復次信成就發心者發何等心略有三種云
何爲三二者直心正念真如法故二者深心集一切
善行故三者大悲心欲拔一切衆生苦故問曰上說
法界一相佛體無二何故不唯念真如復假求學諸
善也答曰譬如大摩尼寶體性明淨而有鑽穢之垢
若人雖念寶性不以方便種種磨治終無得淨以垢
無量偏一切法故修一切善行如是真如之法體性
空淨而有無量煩惱染垢若人雖念真如不以方便
種種熏習亦無得淨以垢無量偏一切法故修一切

善行以爲對治若人修行一切善法自然歸順真如
法故據此所論以休歇妄心爲正修諸善法爲助若
修善時與無心相應不取著因果若取因果便落凡
夫人天報中難證真如不脫生死若與無心相應乃
是證真如方便脫生死之要術兼得廣大福德金剛
般若經云須菩提菩薩無住相布施其福德不可思
量今見世人有參學者纔知有箇本來佛性乃便自
恃天真不習衆善豈只於真心不達亦乃翻成懈怠
惡道尙不能免況脫生死此見大錯也

真心功德

或曰有心修因不疑功德矣無心修因功德何來曰
有心修因得有爲果無心爲因顯性功德此諸功德
本來自具妄覆不顯今既妄除功德現前故永嘉云
三身四智體中圓八解六通心地印乃是體中自具
性功德也古頌若人靜坐一須臾勝造恒沙七寶塔
寶塔畢竟化爲塵一念淨心成正覺故知無心功大
於有心也洪州水潦和尚參馬祖問如何是西來的
的意被馬祖一踏踏到忽然發悟起來撫掌大笑云

也大奇也大奇百千三昧無量妙義只向一毛頭上便一時識得根源去乃作禮而退據此則功德不從外來本自具足也四祖謂懶融禪師曰夫百千法門同歸方寸河沙功德總在心源一切戒門定門慧門神通變化悉自具足不離汝心據祖師語無心功德甚多但好事相功德者於無心功德自不生信耳

真心驗功

或曰真心現前如何知是真心成熟無疑也曰學道之人已得真心現前時但習氣未除若遇熟境有時失念如牧牛雖調到牽拽隨順處猶不敢放了鞭繩直待心調步穩趕趁入苗稼中不傷苗稼方敢撒手也到此地步便不用牧童鞭繩自然無傷苗稼如道人得真心後允且用功保養有大力用方可利生若驗此真心時先將平生所愛底境時時想在面前如依前起憎愛心則道心未熟若生憎愛心是道心熟也雖然如此成熟猶未是自然不起憎愛又再驗心若遇憎愛境時特然起憎愛心令取憎愛境界若心不起是心無礙如露地白牛不傷苗稼也古有呵

佛罵祖者是與此心相應今見纔入宗門未知道之遠近便學呵佛罵祖者太早計也

真心無知

或曰真心與妄心對境時如何辨別真妄耶曰妄心對境有知而知於順違境起貪瞋心又於中容境起痴心也既於境上起貪瞋痴三毒足見是妄心也祖師云逆順相爭是爲心病故知對於不可可者是妄心也若真心者無知而知平懷圓照故異於草木不生憎愛故異於妄心即對境虛明不憎不愛無知而知者真心故叢論云夫聖心者微妙無相不可爲有用之彌勤不可爲無乃至非有故知而無知非無故無知而知是以無知即知無以言異於聖人心也又妄心在有著有在無著無常在二邊不知中道永嘉云捨妄心取真理取捨之心或巧僞學人不了用修行深成認賊將爲子若是真心居有無而不落有無常處中道故祖師云不逐有緣勿住空忍一種平懷泯然自盡叢論云是以聖人處有不有居無不無雖不取於有無然不捨於有無所以和光塵勞周旋五

用。用即是體。何生滅之可有。達人即證真體。其生滅何干涉耶。如水以濕性爲體。波浪爲用。濕性元無生滅。故波中濕性何生滅耶。然波離濕性別無。故波亦無生滅。所以古人云。盡大地是沙門。一雙正眼。盡大地是箇伽藍。盡是悟理人安身立命處。既達真心。四生六道一時消殞。山河大地悉是真心。不可離此真心之外別有依託處也。既無三界妄因。必無六趣妄果。妄果既無。說甚依託。必無彼此。既無彼此。則何可不可也。即十方世界唯一真心。全身受用。無別依託。又於示現門中。隨意往生而無障礙。故傳燈云。溫操尙書問圭峯曰。悟理之人。一期壽終。何所依託。圭峯曰。一切衆生。無不具有靈明覺性。與佛無殊。若能悟此性。即是法身。本自無生。何有依託。靈明不昧了了。常知無所從來。亦無所去。但以空寂爲自體。勿認色身。以靈知爲自心。勿認妄念。妄念若起。都不隨之。則臨命終時。自然業不能繫。雖有中陰所向自由。天上人間隨意寄託。此即前真心身後所往者也。

真心直說終

附

誠初心學人文

夫初心之人。須遠離惡友。親近賢善。受五戒十戒等。善知持犯開遮。但依金口聖言。莫順庸流妄說。既已出家。參陪清衆。常念柔和善順。不得我慢貢高。大者爲兄。小者爲弟。儻有諍者。兩說和合。但以慈心相向。不得惡語傷人。若也欺凌同伴。論說是非。如此出家。全無利益。財色之禍。甚於毒蛇。省已知非常。須遠離。無緣事。則不得入他房院。當屏處。不得強知他事。非六日不得洗浣內衣。臨盥漱。不得高聲涕唾。行益次。不得搪揆越序。經行次。不得開襟掉臂。言談次。不得高聲戲笑。非要事。不得出於門外。有病。人須慈心守護。見賓客。須欣然迎接。逢尊長。須肅恭迴避。辦道具。須儉約知足。齋食時。飲啜不得作聲。執放要須安詳。不得舉頭顧視。不得欣厭。精進須默。無言說。須防護。雜念須知。受食但療形枯。爲成道業。須念般若心經。觀三輪清淨。不違道用。赴焚修。須早暮勤行。自責懈怠。知衆行次。不得雜亂。讚唄呪願。須誦文觀義。不得

但隨音聲不得韻曲不調瞻敬尊顏不得攀緣異境須知自身罪障猶如山海須知理懺事懺可以消除深觀能禮所禮皆從真性緣起深信感應不虛影響相從居衆寮須相讓不爭須遞相扶護慎詳論勝負慎聚頭閑話慎誤著他鞋慎坐臥越次對客言談不得揚於家醜但讀院門拂事不得詣庫房見聞雜事自生疑惑非要事不得遊州獵縣與俗交通令他憎嫉失自道情儘有要事出行告住持人及管衆者令知去處若入俗家切須堅持正念慎勿見色聞聲流蕩邪心又況披襟戲笑亂說雜事非時酒食妄作無礙之行深乖佛戒又處賢善人嫌疑之間豈爲有智慧人也住社慎沙彌同行慎人事往還慎見他好惡慎貪求文字慎睡眠過度慎散亂攀緣若遇宗師陞座說法切不得於法作懸崖想生退屈心或作串聞想生容易心當須虛懷聞之必有機發之時不得隨學語者但取口辯所謂蚶飲水成毒牛飲水成乳智學成菩提愚學成生死是也又不得於主法人生輕薄想因之於道有障不能進修切須慎之論云如

人夜行罪人執炬當路若以人惡故不受光明墮坑落壑去矣聞法之次如履薄冰必須側耳目而聽立音肅情塵而賞幽致下堂後默坐觀之如有所疑博問先覺夕惕朝詢不蓋絲髮如是乃可能生正信以道爲懷者歟無始習熟愛欲恚癡纏綿意地暫伏還起如隔日瘧一切時中直須用加行方便智慧之力痛自遮護豈可閑謾遊談無根虛喪天日欲冀心宗而求出路哉但堅志節責躬匪懈知非遷善改悔調柔勤修而觀力轉深鍊磨而行門益淨長起難遭之想道業恒新常懷慶幸之心終不退轉如是久久自然定慧圓明見自心性用如幻悲智還度衆生作人天大福田切須勉之泰和乙丑冬月海東曹溪山老衲知訥誌

皖山正凝禪師示蒙山法語

師見蒙山來禮先自問云爾還信得及麼山云若信不及不到這裏師云十分信得更要持戒持戒易得靈驗若無戒行如空中架樓閣還持戒麼山云見持五戒師云此後只看箇無字不要思量卜度不得作

有無解會。且莫看經教語錄之類。只單單提箇無字。於十二時中。四威儀內。須要惺惺。如貓捕鼠。如雞抱卵。無令斷續。未得透徹。時當如老鼠咬棺材相似。不可改移。時復鞭起疑云。一切含靈皆有佛性。趙州因甚道無意。作麼生。既有疑時。默默提箇無字。迴光自看。只這箇無字。要識得自己。要識得趙州。要捉敗佛祖。得人憎處。但信我如此說話。薰直做將去。決定有發明時節。斷不誤爾云云。

東山崇藏主送子行腳法語

大凡行腳。須以此道爲懷。不可受現成供養了等閑過日。須是將生死二字釘在額上。十二時中。裂轉面皮。討箇分曉。始得。若祇隨羣逐隊。打空過時。他時閻羅老子。打算飯錢。莫道我與爾不說。若做工夫。須要日日打算時時點檢。自轉鼓起來。至二更看那裏。是不得力處。那裏是打失處。那裏是不打失處。若如此做將去。定有到家時節。有一般辦道之人。經不看佛不禮。纔上蒲團。便打瞌睡。及至醒來。又且胡思亂想。纔下禪床。便與人打雜交。若如此辦道。至彌勒下生。

也未有人手底時節。須是猛著精彩。提起一箇無字。晝三夜三。與他厮睡。不可坐在無事甲裏。又不可執在蒲團上。死坐。須要活弄。恐難念紛飛起時。千萬不可與他厮轉。轉急多有人在這裏不識。進退解免不下。成風成頭。辜了一生。須向紛飛起處。輕輕放下。打一箇轉身。下地行一遭。又上床。開兩眼。捏雙拳。豎起脊梁。依前提起。便覺清涼。如一鍋湯。攪下一杓冷水。相似。但如此做工夫。日久月深。自有到家時節。工夫未得入手。莫生煩惱。恐煩惱魔入心。若覺省力。不可生歡喜。恐歡喜魔入心。種種病痛言之不盡。恐衆中有老成兄弟。辦道者。千萬時時請益。若無將祖師做工夫底言語。看一遍。如親見相似。而今此道難得其人。千萬向前望汝。早早打破漆桶。歸來爲我揩背。至囑至囑。

蒙山和尚示衆語

若有來此。同甘寂寥者。捨此世緣。除去執著。顛倒。真實爲生死大事。肯順庵中規矩。截斷人事。隨緣受用。除三更外。不許睡眠。不許出街。不許赴請。未有發明。

不許看讀。非公界。請不許閱經。如法下三年工夫。若不見性。通宗山僧。替爾入地獄。

真心直說終

後跋

夫心者是世間出世間萬法之總相也。萬法卽是心之別相。然其別有五。一肉團心。狀如蕉。奮生色身中。係無情。攝二緣慮。心狀若野燒。忽生忽滅。係妄想。攝三集起。心狀如草子。埋伏識田。係習氣。攝四賴耶心。狀如良田。納種無厭。係無明。攝五真如。心狀同虛空。廓徹法界。係寂照。攝已上五心。前四皆妄念。念生滅。後一是真。三際一如。若不揀辯分明。猶恐認妄爲真。其失非小。故引佛經祖語。問辯徵釋。開示迷妄根源。指陳修證。本末次第。第十六章始於正信。終乎所往。深明真心之捷徑。故名直說。予獲是書。僅十餘載。朝夕觀覽。以爲棲神之祕要。一日出示衆。信善士感節。菴居士陳普忠慨然樂施。綉梓流傳。庶修心之士親

之者。感悟真心之妙。迥出直說之表也。是爲跋。
正統十二年歲在丁卯臘月八日大天界蒙堂比丘

高麗國普照禪師修心訣

高麗・普照
述

高麗國普照禪師修心訣

三界熱惱猶如火宅其忍淹留甘受長苦欲免輪迴莫若求佛若欲求佛佛卽是心心何遠覓不離身中色身是假有生有滅真心如空不斷不變故云百骸潰散歸火歸風一物長靈蓋天蓋地嗟夫今之人迷來久矣不識自心是真佛不識自性是眞法欲求法而遠推諸聖欲求佛而不觀己心若言心外有佛性外有法堅執此情欲求佛道者縱經塵劫燒身鍊臂敲骨出髓刺血寫經長坐不臥二食卯齋乃至轉讀一大藏教修種種苦行如蒸沙作飯只益自勞爾但識自心恒沙法門無量妙義不求而得故世尊云普觀一切衆生具有如來智慧德相又云一切衆生種種幻化皆生如來圓覺妙心是知離此心外無佛可成過去諸如來只是明心底人現在諸賢聖亦是修心底人未來修學人當依如是法願諸修道之人切莫外求心性無染本自圓成但離妄緣卽如如佛問若言佛性現在此身既在身中不離凡夫因何我今

不見佛性更爲消釋悉令開悟答在汝身中汝自不見汝於十二時中知飢知渴知寒知熱或瞋或喜竟是何物且色身是地水火風四緣所集其質頑而無情豈能見聞覺知能見聞覺知者必是汝佛性故臨際云四大不解說法聽法虛空不解說法聽法只汝目前歷歷孤明勿形段者始解說法聽法所謂勿形段者是諸佛之法印亦是汝本來心也則佛性現在汝身何假外求汝若不信略舉古聖入道因緣令汝除疑汝須諦信昔異見王問婆羅提尊者曰何者是佛尊者曰見性是佛王曰師見性否尊者曰我見佛性王曰性在何處尊者曰性在作用王曰是何作用今不見尊者曰今見作用王自不見王曰於我有否尊者曰王若作用無有不是王若不用體亦難見王曰若當用時幾處出現尊者曰若出現時當有其八王曰其八出現當爲我說尊者曰在胎曰身處世曰人在眼曰見在耳曰聞在鼻辨香在舌談論在手執捉在足運奔徧現俱該沙界收攝在一微塵識者知是佛性不識者喚作精魂王聞心卽開悟又僧問歸

宗和尚如何是佛。宗云。我今向汝道。恐汝不信。僧云。和尚誠言焉。敢不信。師云。卽汝是僧。云。如何。保任師云。一翳在眼。空華亂墜。其僧言下。有省。上來所舉古聖入道。因緣明白。簡易不妨。省力。因此公案。若有信解處。卽與古聖把手。共行問汝。言見性。若真見性。卽是聖人。應現神通變化。與人有殊。何故。今時修心之輩。無有一人。發現神通變化。耶。答。汝不得輕發狂言。不分邪正。是爲迷倒之人。今時學道之人口談真理。心生退屈。返墮無分之失者。皆汝所疑。學道而不知先後說理。而不分本末者。是名邪見。不名修學。非唯自誤。兼亦誤他。其可不慎。歟。夫入道多門。以要言之。不出頓悟漸修兩門耳。雖曰頓悟頓修。是最上根機得入也。若推過去。已是多生依悟而修。漸熏而來。至於今生。聞卽發悟。一時頓畢。以實而論。是亦先悟後修之機也。則而此頓漸兩門。是千聖軌轍也。則從上諸聖。莫不先悟後修。因修乃證。所言神通變化。依悟而修。漸熏所現。非謂悟時卽發現也。如經云。理卽頓悟。乘悟併消。事非頓除。因次第盡。故圭峯深明先悟

同
當
證
下

後修之義。曰。識冰池而全水。借陽氣以鎔消。悟凡夫而卽佛。資法力以熏修。冰消則水流。潤方呈。溉漑之功。妄盡則心虛。通應現通光之用。是如事上神通變化。非一日之能成。乃漸熏而發現也。況事上神通於達人分上。猶爲妖怪之事。亦是聖末邊事。雖或現之。不可要用。今時迷癡輩。妄謂一念悟時。卽隨現無量妙用。神通變化。若作是解。所謂不知先後。亦不分本末也。旣不知先後本末。欲求佛道。如將方木逗圓孔也。豈非大錯。旣不知方便。故作懸崖之想。自生退屈。斷佛種性者。不爲不多矣。旣自未明。亦未信。他旣有解悟處。見無神通者。乃生輕慢欺賢。誑聖。良可悲哉。問。汝言頓悟漸修兩門。千聖軌轍也。悟旣頓悟。何假漸修。修若漸修。何言頓悟。頓漸二義。更爲宣說。令絕餘疑。答。頓悟者。凡夫迷時。四大爲身。妄想爲心。不知自性是眞法身。不知自己虛知是眞佛也。心外覓佛。波波浪走。忽被善知識指。爾入路。一念迴光。見自本性。而此性地。元無煩惱。無漏智性。本自具足。卽與諸佛分毫不殊。故云頓悟也。漸修者。頓悟本性。與佛無

殊無始習氣難卒頓除。故依悟而修。漸熏功成長養。聖胎久久成聖。故云漸修也。比如孩子初生之日。諸根具足。與他無異。然其力未充。頗經歲月。方始成人。問作何方便。一念迴機。便悟自性。答只汝自心。更作什麼方便。若作方便。更求解會。比如有人不見自眼。以謂無眼。更欲求見。既是自眼。如何更見。若知不失。即爲見眼。更無求見之心。豈有不見之想。自己虛知。亦復如是。既是自心。何更求會。若欲求會。便會不得。但知不會。是即見性。問上上之人。聞即易會。中下之人。不無疑惑。更說方便。令迷者趣入。答道。不屬知不知。汝除却將迷待悟之心。聽我言說。諸法如夢。亦如幻化。故妄念本寂。塵境本空。諸法皆空之處。虛知不昧。即此空寂。虛知之心。是汝本來面目。亦是三世諸佛。歷代祖師。天下善知識。密密相傳底法印也。若悟此心。真所謂不踐階梯。徑登佛地。步步超三界。歸家頓絕疑。便與人天爲師。悲智相資。具足二利。堪受人天供養。日消萬兩黃金。汝若如是。真大丈夫。一生能事已畢矣。問據吾分上。何者是空寂虛知之心。耶。答

伊麼運轉
下同

汝今問我者。是汝空寂虛知之心。何不返照。猶爲外覓。我今據汝分上。直指本心。令汝便悟。汝須淨心聽。我言說。從朝至暮。十二時中。或見或聞。或笑或語。或瞋或喜。或是或非。種種施爲。運轉且道。畢竟是誰能。伊麼運轉。施爲耶。若言色身運轉。何故有人一念命終。都未壞爛。即眼不自見。耳不能聞。鼻不辨香。舌不談論。身不動搖。手不執捉。足不運奔。耶。是知能見聞動作。必是汝本心。不是汝色身也。況此色身四大性空。如鏡中像。亦如水月。豈能了了。常知明明不昧。感而遂通。恒沙妙用也。故云神通并妙用。運水及搬柴。且入理多。燭指汝一門。令汝還源。汝還聞鴉鳴鵲噪之聲麼。曰。聞。曰。汝返聞汝聞性。還有許多聲麼。曰。到這裏。一切聲。一切分別。俱不可得。曰。奇哉。奇哉。此是觀音入理之門。我更問。爾備道。到這裏。一切聲。一切分別。總不可得。既不可得。當伊麼時。莫是虛空麼。曰。元來不空。明明不昧。曰。作麼生。是不空之體。曰。亦無相。貌言之不可及。曰。此是諸佛諸祖壽命。更莫疑也。既無相貌。還有大小麼。既無大小。還有邊際麼。無邊

際故無內外無內外故無遠近無遠近故無彼此無彼此則無往來無往來則無生死無生死則無古今無古今則無迷悟無迷悟則無凡聖無凡聖則無染淨無染淨則無是非無是非則一切名言俱不可得既總無如是一切根境一切妄念乃至種種相貌種種名言俱不可得此豈非本來空寂本來無物也然諸法皆空之處虛知不昧不同無情性自神解此是汝空寂虛知清淨心體而此清淨空寂之心是三世諸佛勝淨明心亦是衆生本源覺性悟此而守之者坐一如而不动解脫迷此而背之者往六趣而長劫輪迴故云迷一心而往六趣者去也動也悟法界而復一心者來也靜也雖迷悟之有殊乃本源則一也所以云所言法者謂衆生心而此空寂之心在聖而不增在凡而不減故云在聖智而不耀隱凡心而不昧既不增於聖不少於凡佛祖奚以異於人而所以異於人者能自護心念耳汝若信得及疑情頓息出丈夫之志發真正見解親嘗其味自到自肯之地則是爲修心人解悟處也更無階級次第故云頓也如云於信

因中契諸佛果德分毫不殊方成信也問既悟此理更無階級何假後修漸熏漸成耶答悟後漸修之義前已具說而復疑情未釋不妨重說汝須淨心諦聽諦聽凡夫無始曠大劫來至於今日流轉五道生來死去堅執我相妄想顛倒無明種習久與成性雖到今生頓悟自性本來空寂與佛無殊而此舊習卒難除斷故逢逆順境瞋喜是非熾然起滅客塵煩惱與前無異若不以般若中功著力焉能對治無明得到大休大歇之地如云頓悟雖同佛多生習氣深風停波尚湧理現念猶侵又果禪師云往往利根之輩不費多力打發此事便生容易之心更不修治日久月深依前流浪未免輪迴則豈可以一期所悟便撥置後修耶故悟後長須照察妄念忽起都不隨之損之又損以至無爲方始究竟天下善知識悟後牧牛行是也雖有後修已先頓悟妄念本空心性本淨於惡斷斷而無斷於善修修而無修此乃眞修眞斷矣故云雖備修萬行唯以無念爲宗主峯總判先悟後修之義云頓悟此性元無煩惱無漏智性本自具足與

佛無殊。依此而修者是名最上。乘禪亦名如來清淨禪也。若能念念修習。自然漸得百千三昧。達磨門下轉展相傳者是此禪也。則頓悟漸修之義。如車二輪。關一不可。或者不知善惡性空。堅坐不動。捺伏身心。如石壓草。以爲修心。是大惑矣。故云聲聞心心斷惑。能斷之心是賊。但諦觀殺盜淫妄。從性而起。起卽無起。當處便寂。何須更斷。所以云不怕念起。唯恐覺遲。又云念起卽覺。覺之卽無。故悟人分上。雖有客塵煩惱。俱成醍醐。但照惑無本。空華三界。如風卷煙。幻化六塵。如湯消冰。若能如是。念念修習。不忘照顧。定慧等持。則愛惡自然淡薄。悲智自然增明。臯業自然斷除。功行自然增進。煩惱盡時。生死卽絕。若微細流注永斷。圓覺大智。朗然獨存。卽現千百億化身於十方國中。赴感應機。似月現九霄。影分萬水。應用無窮。度有緣衆生。快樂無憂。名之爲大覺世尊。問後修門中定慧等持之義。實未明了。更爲宣說。委示開迷。引入解脫之門。答若設法義入理。千門莫非定慧。取其綱要。則但自性上體用二義。前所謂空寂虛知是也。定

是體。慧是用也。卽體之用。故慧不離定。卽用之體。故定不離慧。定則慧。故寂而常知。慧則定。故知而常寂。如曹溪云。心地無亂。自性定。心地無癡。自性慧。若悟如是。任運寂知。遮炤無二。則是爲頓門。箇者雙修。定慧也。若言先以寂寂治於緣慮。後以惺惺治於昏住。先後對治。均調昏亂。以入於靜者。是爲漸門。劣機所行也。雖云惺寂等持。未免取靜爲行。則豈爲了事人。不離本寂。本知。任運雙修者也。故曹溪云。自悟修行。不在於靜。若靜先後卽是迷人。則達人分上。定慧等持之義。不落功用。元自無爲。更無特地時節。見色聞聲時。但伊麼著衣喫飯時。但伊麼屙屎送尿時。但伊麼對人接話時。但伊麼乃至行住坐臥。或語或默。或喜或怒。一切時中。一一如是。似虛舟駕浪。隨高隨下。如流水轉山。遇曲遇直。而心心無知。今日騰騰任運。明日任運騰騰。隨順衆緣。無障無礙。於善於惡。不斷不修。質直無僞。視聽尋常。則絕一塵。而作對何勞。遣蕩之功。無一念。而生情不假。忘緣之力。然障濃習重。觀劣心浮。無明之力。大般若之力。小於善惡境界。未

免被動靜互換。心不恬淡者。不無忘緣遺蕩功夫矣。如云。一機攝境。心不隨緣。謂之定。心境俱空。炤鑑無惑。謂之慧。此雖隨相門定慧。漸門劣機所行也。對治門中不可無也。若掉舉熾盛。則先以定門稱理。攝散心不隨緣。契乎本寂。若昏沈尤多。則次以慧門擇法。觀空照鑑。無惑契乎本知。以定治手。亂想以慧治。手無記動靜相亡。對治功終。則對境而念念歸宗。遇緣而心心契道。任運雙修。方爲無事人。若如是。則真可謂定慧等持。明見佛性者也。問。據汝所判。悟後修門中定慧等持之義。有二種。一自性定慧。二隨相定慧。自性門則曰。任運寂知。元自無爲。絕一塵而作對。何勞遣蕩之功。無一念而生情。不假忘緣之力。判云。此是頓門。箇者不離自性定慧等持也。隨相門則曰。稱理攝散。擇法觀空。均調昏亂。以入無爲。判云。此是漸門。劣機所行也。爲兩門定慧。不無疑焉。若言一人所行也。爲復先依自性門定慧。然後更用隨相門對治之功耶。爲復先依隨相門均調昏亂。然後以入自性門耶。若先依自性定慧。則任運寂知。更無對治之

功。何須更取隨相門定慧耶。如將皓玉彫文。喪德若先以隨相門定慧對治。功成。然後趣於自性門。則宛是漸門中劣機。悟前漸熏也。豈云頓門。箇者先悟後修。用無功之功也。若一時無前後。則二門定慧。頓漸有異。如何一時並行也。則頓門。箇者依自性門。任運亡功。漸門劣機。趣隨相門對治。勞功二門之機。頓漸不同。優劣皎然。云何先悟後修。門中並釋二種耶。謂爲通會。令絕疑情。答所釋。皎然。汝自生疑。隨言生解。轉生疑惑。得意忘言。不勞致詰。若就兩門各判所行。則修自性定慧者。此是頓門。用無功之功。並運雙寂。自修自性。自成佛道者也。修隨相門定慧者。此是未悟前。漸門劣機。用對治之功。心心斯惑。取靜爲行者。而此二門所行。頓漸各異。不可參亂也。然悟後修門中兼論隨相門中對治者。非全取漸機所行也。取其方便假道。托宿而已。何故。於此頓門亦有機勝者。亦有機劣者。不可一例判其行李也。若煩惱淡薄。身心輕安。於善離善。於惡離惡。不動入風。寂然三受者。依自性定慧。任運雙修。天真無作。動靜常禪。成就自然。

之理何假隨相門對治之義也。無病不求藥。雖先頓悟煩惱濃厚習氣堅重對境而念念生情遇緣而心心作對被他昏亂死殺昧却寂知常然者。卽借隨相門定慧不忘對治均調昏亂以入無爲卽其宜矣。雖借對治功夫暫調習氣以先頓悟心性本淨煩惱本空故卽不落漸門劣機汙染修也。何者修在悟前則雖用功不忘念念重修著者生疑未能無礙如有一物礙在胷中不安之相常現在前日久月深對治功熟則身心客塵恰似輕安雖復輕安疑根未斷如石壓草猶於生死界不得自在。故云修在悟前非真修也。悟人分上雖有對治方便念念無疑不落汙染日久月深自然契合天真妙性任運寂知念念攀緣一切境心心永斷諸煩惱不離自性定慧等持成就無上菩提與前機勝更無差別則隨相門定慧雖是漸機所行於悟人分上可謂點鐵成金若知如是則豈以二門定慧有先後次第二見之疑乎。願諸修道之人研味此語更莫狐疑自生退屈若具丈夫之志求無上菩提者捨此奚以哉切莫執文直須了義一一

歸就自己契合本宗則無師之智自然現前天真之理了然不昧成就慧身不由他悟而此妙旨雖是諸人分上若非夙植般若種智大乘根器者不能一念而生正信豈徒不信亦乃謗讟返招無間者比比有之雖不信受一經於耳暫時結緣其功厥德不可稱量如唯心訣云聞而不信尙結佛種之因學而不成猶益人天之福不失常佛之正因況聞而信學而成守護不忘者其功德豈能度量追念過去輪迴之業不知其幾千劫隨黑闇入無間受種種苦又不知其幾何而欲求佛道不逢善友長劫沈淪冥冥無覺造諸惡業時或一思不覺長吁其可放緩再受前殃又不知誰復使我今值人生爲萬物之虛不昧修真之路實謂言龜遇木織芥投鍼其爲慶幸曷勝道哉我今若自生退屈或生懈怠而恒常望後須臾失命退墮惡趣受諸苦痛之時雖欲願聞一句佛法信解受持欲免辛酸豈可復得手及到臨危悔無所益願諸修道之人莫生放逸莫著貪淫如救頭然不忘照顧無常迅速身如朝露命若西光今日雖存明亦難保切


須在意切須在意且。憑世間有爲之善。亦可免三途苦輪於天上人間。得殊勝果報。受諸快樂。況此最上乘甚深法門。暫時生信。所成功德。不可以比。喻說其小分。如經云。若人以三千大千世間七寶布施供養。爾所世界衆生。皆得充滿。又教化爾所世界一切衆生。令得四果。其功德無量。無邊。不如一食頃正思此法。所獲功德。是知我此法門最尊最貴。於諸功德。比況不及。故經云。一念淨心。是道場勝造。恒沙七寶塔。寶塔畢竟碎爲塵。一念淨心。成正覺。願諸修道之人。研味此語。切須在意。此身不向今生度。更待何生度。此身今若不修。萬劫差違。今若疆修難修之行。漸得不難功。行自進。嗟夫。今時人。飢逢王饑。不知下口。病遇醫王。不知服藥。不曰如之何。如之何者。吾未如之何也已矣。且世間有爲之事。其狀可見。其功可驗。人得一事歎其希。有我此心宗。無形可觀。無狀可見。言語道斷。心行處滅。故天魔外道。毀謗無門。釋梵諸天。稱讚不及。況凡夫淺識之流。其能髣髴悲夫。井鼃焉知滄海之闊。野干何能師子之吼。故知末法世中。聞

此法門生希有想。信解受持者。已於無量劫中承事諸聖植諸善根。深結般若正因。最上根性也。故金剛經云。於此章句。能生信心者。當知已於無量佛所種諸善根。又云。爲發大乘者說。爲發最上乘者說。願諸求道之人。莫生怯弱。須發勇猛之心。宿劫善因。未可知也。若不信殊勝。甘爲下劣生。艱阻之想。今不修之。則縱有宿世善根。今斷之。故彌在其難展轉遠矣。今既到寶所。不可空手而還。一失人身。萬劫難復。請須慎之。豈有智者。知其寶所。反不求之。長怨孤負。若欲獲寶。放下皮囊。

高麗國普照禪師修心訣終

圓頓成佛論

高麗・知訥
撰



圓頓成佛論

海東曹溪山沙門 知訥撰

或問牧牛子曰：聞汝所立，今時修心人，先以自心，日用無明分別之種，便爲諸佛不動智。然後依性修德，方爲妙爾。此中不動智，佛果是本覺理佛耶？是新成事佛耶？清涼祖師依性起品，佛智在衆生心之義，立三復次：一、生自自中，隨衆生心之義，攝義當知也。二、當果自自，衆生當果之義，攝義當知也。三、他果在我，衆生當果之義，攝義當知也。四、當果自自，衆生當果之義，攝義當知也。五、當果自自，衆生當果之義，攝義當知也。六、當果自自，衆生當果之義，攝義當知也。七、當果自自，衆生當果之義，攝義當知也。八、當果自自，衆生當果之義，攝義當知也。九、當果自自，衆生當果之義，攝義當知也。十、當果自自，衆生當果之義，攝義當知也。十一、當果自自，衆生當果之義，攝義當知也。十二、當果自自，衆生當果之義，攝義當知也。十三、當果自自，衆生當果之義，攝義當知也。十四、當果自自，衆生當果之義，攝義當知也。十五、當果自自，衆生當果之義，攝義當知也。十六、當果自自，衆生當果之義，攝義當知也。十七、當果自自，衆生當果之義，攝義當知也。十八、當果自自，衆生當果之義，攝義當知也。十九、當果自自，衆生當果之義，攝義當知也。二十、當果自自，衆生當果之義，攝義當知也。二十一、當果自自，衆生當果之義，攝義當知也。二十二、當果自自，衆生當果之義，攝義當知也。二十三、當果自自，衆生當果之義，攝義當知也。二十四、當果自自，衆生當果之義，攝義當知也。二十五、當果自自，衆生當果之義，攝義當知也。二十六、當果自自，衆生當果之義，攝義當知也。二十七、當果自自，衆生當果之義，攝義當知也。二十八、當果自自，衆生當果之義，攝義當知也。二十九、當果自自，衆生當果之義，攝義當知也。三十、當果自自，衆生當果之義，攝義當知也。三十一、當果自自，衆生當果之義，攝義當知也。三十二、當果自自，衆生當果之義，攝義當知也。三十三、當果自自，衆生當果之義，攝義當知也。三十四、當果自自，衆生當果之義，攝義當知也。三十五、當果自自，衆生當果之義，攝義當知也。三十六、當果自自，衆生當果之義，攝義當知也。三十七、當果自自，衆生當果之義，攝義當知也。三十八、當果自自，衆生當果之義，攝義當知也。三十九、當果自自，衆生當果之義，攝義當知也。四十、當果自自，衆生當果之義，攝義當知也。四十一、當果自自，衆生當果之義，攝義當知也。四十二、當果自自，衆生當果之義，攝義當知也。四十三、當果自自，衆生當果之義，攝義當知也。四十四、當果自自，衆生當果之義，攝義當知也。四十五、當果自自，衆生當果之義，攝義當知也。四十六、當果自自，衆生當果之義，攝義當知也。四十七、當果自自，衆生當果之義，攝義當知也。四十八、當果自自，衆生當果之義，攝義當知也。四十九、當果自自，衆生當果之義，攝義當知也。五十、當果自自，衆生當果之義，攝義當知也。五十一、當果自自，衆生當果之義，攝義當知也。五十二、當果自自，衆生當果之義，攝義當知也。五十三、當果自自，衆生當果之義，攝義當知也。五十四、當果自自，衆生當果之義，攝義當知也。五十五、當果自自，衆生當果之義，攝義當知也。五十六、當果自自，衆生當果之義，攝義當知也。五十七、當果自自，衆生當果之義，攝義當知也。五十八、當果自自，衆生當果之義，攝義當知也。五十九、當果自自，衆生當果之義，攝義當知也。六十、當果自自，衆生當果之義，攝義當知也。六十一、當果自自，衆生當果之義，攝義當知也。六十二、當果自自，衆生當果之義，攝義當知也。六十三、當果自自，衆生當果之義，攝義當知也。六十四、當果自自，衆生當果之義，攝義當知也。六十五、當果自自，衆生當果之義，攝義當知也。六十六、當果自自，衆生當果之義，攝義當知也。六十七、當果自自，衆生當果之義，攝義當知也。六十八、當果自自，衆生當果之義，攝義當知也。六十九、當果自自，衆生當果之義，攝義當知也。七十、當果自自，衆生當果之義，攝義當知也。七十一、當果自自，衆生當果之義，攝義當知也。七十二、當果自自，衆生當果之義，攝義當知也。七十三、當果自自，衆生當果之義，攝義當知也。七十四、當果自自，衆生當果之義，攝義當知也。七十五、當果自自，衆生當果之義，攝義當知也。七十六、當果自自，衆生當果之義，攝義當知也。七十七、當果自自，衆生當果之義，攝義當知也。七十八、當果自自，衆生當果之義，攝義當知也。七十九、當果自自，衆生當果之義，攝義當知也。八十、當果自自，衆生當果之義，攝義當知也。八十一、當果自自，衆生當果之義，攝義當知也。八十二、當果自自，衆生當果之義，攝義當知也。八十三、當果自自，衆生當果之義，攝義當知也。八十四、當果自自，衆生當果之義，攝義當知也。八十五、當果自自，衆生當果之義，攝義當知也。八十六、當果自自，衆生當果之義，攝義當知也。八十七、當果自自，衆生當果之義，攝義當知也。八十八、當果自自，衆生當果之義，攝義當知也。八十九、當果自自，衆生當果之義，攝義當知也。九十、當果自自，衆生當果之義，攝義當知也。九十一、當果自自，衆生當果之義，攝義當知也。九十二、當果自自，衆生當果之義，攝義當知也。九十三、當果自自，衆生當果之義，攝義當知也。九十四、當果自自，衆生當果之義，攝義當知也。九十五、當果自自，衆生當果之義，攝義當知也。九十六、當果自自，衆生當果之義，攝義當知也。九十七、當果自自，衆生當果之義，攝義當知也。九十八、當果自自，衆生當果之義，攝義當知也。九十九、當果自自，衆生當果之義，攝義當知也。一百、當果自自，衆生當果之義，攝義當知也。

能於今時講正，盛論華嚴成佛是非之門，而能詣談哉！但修禪餘暇，偶得華嚴新論，頗有風味處，今試語汝。汝當永除前來學習差別義理諍論之心，聽而證之。華嚴論者，是果後大聖李通玄長者所撰，長者降神唐朝，隱於北山，一遇京方山土窟中，龍女供饌，虎受使令，夜則不炳燈燭，齒間放光，撰集華嚴大論四十卷，其文質而理詣，安越常規，故人罕知之。予宿劫有緣，搜得於龍藏間，感遇靈懷，翫味忘歡，竊其旨趣，唯忘言了義，忘義了心者，可以仰信矣。詳夫論主旨趣，要以今拆華嚴大義，令末世大心凡夫，於生死地面上，頓悟諸佛不動智，以爲初悟發心之源也。是故第二會以普光明智爲發名，說十信法門，直示如來普光明智大用，無方重智如來，十首菩薩表法示之，令其易解。先學東方金色世界，令發心者，信是自已白淨無垢法身之理也。本所事佛是不動智佛，直信自己無明分別之種，本是諸佛不動智也。上首菩薩是文殊師利，直信自己根本智中，善揀擇

無相妙慧也。一切衆生，聞此普法，發心之者，一一自具如是之法，故光明覺品三一切處金色世界，一切處不動智佛，一切處文殊師利，具如論中廣明。問今言修心人，返照不動智佛，是本覺理佛耶？是三昧果智佛耶？若約果智論，則雖他果自果有殊，須以圓融門隨理，普遍之義論之，亦以三世融攝之義論。第二會之一，若約行布門，則已成果智盧舍那佛，與薄伽梵中不修衆生，云何混濫耶？

答如是疑情，堅執不捨，則何預論主所示觀行之門，須忘懷虛朗，消息沖融，乃可耳。然審論文所示之義，所言不動智，亦是根本普光明智，當此根本智名之爲諸佛果智也。此根本智是理事性相生，佛自他染淨因果之體性，故非單取隨染流轉中，不失性淨之理也。若約花藏世界主爲名，則此根本智爲

① 寒萬曆三十一年能仁庵開刊本（東國大學校所藏）
② 萬曆四十五年黃延道刊本（水願開刊本）
③ 中央國立圖書館所藏之刊年未詳（東國大學校所藏本）
④ 一九三七年上院寺刊普照禪師語錄
⑤ 撰者名補入實
⑥ 智作之義
⑦ 一六（作一）所之義

盧舍那佛 若約金色世界主爲名 則此根本智 爲不動智佛 若約大心衆生返照發現處爲名 則此根本智 爲自心普光明智佛 亦是自心不動智佛 亦是自心盧舍那佛 隨舉一名 皆具三身十身等 以此根本普光明智中 本具自他生佛染淨因果理事性相情非情 故論云 此之佛華嚴經法門 是大乘衆生 自信自心普光明智一眞法界之道也 當知此輩堪受此經觀行相應 又云以十方諸佛無依住智 幻住莊嚴門 遍法界盡空界 法性恒遍十方 如影對現 色身同自身故 本不二故 體無差別故 十方諸佛 智身如影 所言如響 如是信解 當得成佛 我今信者 亦如是知 如是信解 云何有退 全身全心 及一切境界 全是法身理智(第三張) 本無依住 本無所得 一切語言分別 如空中響 應無作緣 任物或聲 本無依住 了如斯法 而生信解 云何有退 設有習氣暫時念退 信及住位 一往不退 又三大體常須自信自己身語意境界 一切諸行分別 皆從如來身語意境界 諸行分別中生 皆無體無性無我無人 但以

法界無作自性緣生 本無根機處所可得 性自法界 無有內外中間 應如是知 如是觀察 觀自觀他 同一體性 無我我所 以定慧力 如是修行 既自知已 觀衆生苦 自利利他 皆如普賢廣大行願 一如此經五立法則也 又云此經如來出現品云 菩薩摩訶薩 應知自心念念 常有佛或正覺 爲明諸佛如來 下難此心 或正覺故 又云一切衆生心亦如是 悉有如來或正覺 此明凡聖心 自體清淨無異 且有迷悟不隔分毫 但一心 妄念不生 得心境蕩然 自無生 無得無證 即成正覺故 便以此法 實利衆生 是普賢行 故無心性理妙慧 簡擇一乘三乘人天因果名爲文殊 隨差別智同行 知報利生 無有休息 名爲普賢 願以大悲救護一切衆生 名爲觀音 以此四心 一時修習 名爲蓮華 信習心或 名爲自在 無法不明 名爲無碍智 隨根應普通十方性無來往 名曰神通(第四張) 修之在初 慣習得 妄生多劫 習日不遷 此恕非難 何須不作 學而不得 僥福得人天 不信不修 苦窮何盡 又云此經

是佛果門 還授與凡夫中 樂學不厭生死者 於生死海中 取一切智也 若實二乘在會 如鑼不聞 三乘菩薩雖行六波羅密 得六神通 有長苦之心 厭患世間 往生淨土 設有慈悲心者 以留愛習 住世利生 雖聞此教 不能生信 如經中自明 此經不爾 以一切衆生從一切諸佛根本智生 還以根本普光明智 爲發菩提心上一切也 據如上論文之義 三復深思 此論正顯示佛互融之義 要令觀心入道之者 常須自信自己身語意 及境界之相 皆從如來身語意境界中生 皆無體無性 本不二故 體無差別故 但以法界無作自性緣生故 緣緣之相 全性而起 性自法界 無內外中間 應如是知 如是觀察也 此則佛及衆生 本從根本普光明智性海幻現故 生佛相用 以有差別 三是根本普光明智之相用也 故本是一體而起 用重重 此當性起門也 也處所論生佛互融之義 已成果智意智佛 在衆生生滅八識之中 衆生亦在佛智之中 皆是不異理之一事 至極理性時 令

彼不異理之多事 隨所依理 皆於一中現也 此則生(第五張)佛 體殊而隨理普遍 如因陀羅網中 珠珠體別而影影交羅也 此當緣起門事融攝也 義理展轉論之又論 則雖歸一致 觀行得道門中 意有親疎 請捨諸議論 默而思之 又他處所述成佛之義 曰先悟毘盧法界 後修普賢行海 明毘盧法界 則廣陳緣起門中事 事無碍之相 乃曰先須起想觀之 若不起想 則失佛果無碍圓德 此大不然 何得佛果圓德 因妄想而現 若因想而現者 是無常法也 經不云乎 若人欲識佛境界 當淨其意如虛空 遠離妄想及諸取 令心所向皆無碍 若對下劣人 未能返照自心 佛智發明者 勸令存想 仰信不退 亦得也 此論之意 則不然 只令大心凡夫 返照自心根本 普光明智一眞法界之道 則便悟盧舍那佛不動智佛等 十方諸佛 雖有名號 差殊 依正莊嚴各別 皆是自心普光明智之相用 俱非外物也 以自心普光明智 量同虛空法界 無有一佛 不從本智而起 無有一衆生 不從本智而生 故知佛及衆生 依智幻生 依智幻住

生無所從 滅無所至也 故論云 達自心境 自他普眞則普見衆生心 自心如來心及身同一體相 皆如幻相 不見生住滅壞相 則近迷此別求則遠 如是之法 如經廣明 又論主頌(第六張)云 佛是衆生心裏佛 隨自根堪無異物 欲知一切諸佛源 悟自無明本是佛 將此頌意 字細思看 可以知之 今日觀心之士 悟自無明所成果智 卽理佛卽事佛 卽自佛卽他佛 卽因佛卽果佛 故云 初水後水一性水 因佛果佛一性佛 既云佛是衆生心裏佛 隨自根堪無異物 當知已成果智盧舍那佛 十身相海 全是自心普光明智佛 但隨根所堪 現似外相 依正莊嚴 本非外物也 以自心普光明智 量同法界虛空界 相用自在 能一能多 能大能小 能生能佛 能自能他 能現能隱 能卷能舒 能逆能順 能善能惡 能染能淨 是不思議大光明藏 含攝諸法 爲萬化之源 當知盧舍那佛 從凡夫地 始自發心 行菩薩道 至於果地 所有大悲大智大願 一一行一法一一時一一處 皆是自心普光明智之運爲也 以普光明智 廓

徹盡明 靈妙無方 大用自在 法爾恒然 纔有一法緣生 無非自心性起功德 以摠別同異或壞 同時自在故 以智照之可見 情識思而不知 又以自心內諸佛普光明智 普照一切衆生 則衆生相卽如來相 衆生語卽如來語 衆生心卽如來心 乃至治生產業工巧技藝 皆是如來普光明智運爲之相用 都無別異也(第七張) 但是衆生 自業自誑 自見是凡是聖 是自是他 是因是果 是染是淨 是性是相等 自生分別 自生退屈 非由普光明智 故作如是 若能發勇猛心 悟自無明 本神本眞 無功大用恒然之法 則便是諸佛不動智 故論主以大悲心 叮嚀之曰 以一切衆生 本從諸佛根本智生 還以根本普光明智 爲發菩提心之初也 又云 欲知一切諸佛源 悟自無明本是佛 何有智者 得聞先聖如是懇苦之言 而不生信 亦不觀自心 談論終日 虛過一生耶 問聞汝所說 甚深難思 然只是同體之義 無異體之義也 所以然者 現今十界 依正染淨緣起 歷然差別故 自他相

續各異也 何得以已成果智蓋舍那佛一往將爲自佛耶 不若當從所論蓋舍那果智所依理 與衆生主滅八識所依理一體故 隨所依理 在不修衆生心中作因作果也

答前已論之 但息心無諍 虛懷內照 成辦妙果爲要 何更問耶 既以伸問吾更言之 若論緣起門中融攝之義 則誠如所難 今此論主旨趣者 爲頓悟佛智 大心凡夫 直示諸佛普光明智果海一眞法界之道 於難言中 不得已而說也 若如言執之 則同中無異 異(第八張)中無同 言自則非他 言他則非自也 若得意會之則即同即異 即自即他也 今爲得意會之者 說具異相之同相 具他佛之自心佛也 然且約今時頓悟者 圓照法界自心之境 本具自他凡聖因果 說自心普光明智佛果耳 究竟非同非異 非自非他 以離言智境界故 汝若執現今凡聖相續各別之見 云自佛他佛同相異相 不可混濫 則宛是通計情執未忘 何時得入生佛圓具同異自在 本智之境界耶 若唯論因果門口諍終日則可矣 若依觀行門 速證菩

提透脫塵勞 黃髮詳迷 續佛壽命者 恒以自己一心 融會凡聖因果依正差別 其中具六相義 非情識知 後當更明 此是經論要旨 千聖通宗也 如來出現品 不云乎 菩薩摩訶薩 聞此法已 即能以大觀察 知三世諸佛同一體性 即能以善根迴向智 普入如是法 不入而入 不於一法而有攀緣 恒以一法觀一切法 佛子 菩薩摩訶薩 成就如是功德 少作功力 得無師自然智 又經云 森羅及萬像 一法之所印 賢首國師云 言一法者 所謂一心也 是心即攝一切世間出世間法 即是一法界大總相法門體 唯依妄念 而有差別 若離妄念 唯一眞如 故言海印三昧也 海印者 眞如本覺也(第九張) 妄盡心澄 萬像齊現 猶如大海 因風起浪 若風止息 海水澄清 無像不現 故云海印三昧也 若但論於一衆生心中 具明三大攸同 始本不二之義 則如起信論所明曰 所言法者 謂衆生心 是心即攝一切世間出世間法 依於此心 顯示摩訶衍義等 若論於一衆生心中 具明生佛互融 因果同時之義 則如華嚴論

主所明曰 佛是衆生心裏佛 隨自根堪無異物 欲知一切諸佛源 悟自無明本是佛 又如出現品偈云 佛智亦如是 遍在衆生心 妄想之所纏 不覺亦不知 諸佛大慈悲 令其除妄想 如是乃出現 饒益諸菩薩 此是一衆生心中 生佛互融恒然之義也 又論云 雖然安立十信及五位次第 畢竟成普賢行 因滿果終 時亦不移 普光明智 亦不異 此觀行及者了知 此十種信心 直至佛果普賢行滿以來 一時總解 名爲信心也 此是今日大心衆生 初發信心 因果同時也 審如上述之義 華嚴起信所論一心三大之義 實略開合 務機成異 皆是現今凡夫心中 含攝之義 但隨言教終日諍論 增長我慢勝負之心 空過一生 不解返照 懃修梵行 可不慚愧乎 先聖豈不知道所言法者 謂諸佛心 豈不知道佛智在菩薩心中乎 然不如是而(第一○張)叮嚀指衆生心者 使汝張口終日諍論 不修觀行 還復沉淪耶 如有信根 三復思之

問向來所說 既聞命矣 古今禪門達者

① 伸(在)申(重)之。② 道(在)導(之)次同。

見性成佛 豈非一分性淨之體 不具相用耶

答不然 汝豈不聞 永嘉真覺大師 一宿曹溪 開悟本心作歌 其略曰 心鏡明 鑒無礙 廓然瑩徹周沙界 萬像森羅影現中 一顆圓光非內外 一性圓通一切性 一法遍含一切法 一月普現一切水 一切水月一月攝 諸佛法身入我性 我性還共如來合 又英邵武 開悟本心作偈 其略曰 十方齊現一毛端 華藏重重帝網寒 又大慧禪師秉拂云 欲識佛性義 當觀時節因緣 時節若至 其理自彰 乃至須知微塵諸佛出世 降王宮坐道場 轉法輪降魔軍 度衆生入涅槃 總不出這箇時節 諸人若信得及 無邊剎境 自他不隔於毫端 十世古今 始終不離於當念 如是等開悟本心 得見自心鏡內 帝網重重無盡法界者 禪門傳記中 不可勝數 昧者不知其源 不覽禪錄 亦不見華嚴大論之旨 故纔聞禪者 說卽心卽佛 以謂不過性淨佛也 是大愚惑 非謂華嚴教門說理未盡 但學者 滯在言教義理分際 未能忘義了心 速證菩提 所以達摩西

（第一張）來 欲令知月不在指 法是我心故 不立文字 以心傳心耳 是以禪門 只貴破執現宗 不貴繁辭義理施設故 所有破執言句 近於一分理性離言絕慮之義 昧者不知其義 每將相似語例 便謂同於頓教 是大不然 設於華嚴無盡法界重玄法門 生於法愛解分未忘 亦爲所破也 台教亦云 圓門生著 尚爲初教所破 但性海果分是法界證處 不可預談 亦不是心思意解所及 故清涼祖師亦云 圓音非扣而常演 果海離念而心傳 又云 佛證離言 是知禪門離念相傳 是頓證法界處也 決非頓教中 不說法相 唯見真性 一念不生 卽名爲佛也 何以知其然 禪有三玄門 一體中玄 二句中玄 三玄中玄 初體中玄門 引無邊剎境 自他不隔於毫端 十世古今 始終不離於當念等 事事無碍法門 以爲初機悟入之門 此亦是言教中解分未忘 故以句中玄 無跡平常洒落言句 令其破執頓忘佛法知解也 此亦有洒落知見洒落言句 故以玄中玄 良久默然 棒喝作用鍛鍊 當此之時 頓忘前來第二玄

門洒落知見洒落言句 故云得意忘言 道易親 是謂頓證法界處也 此中三玄 雖非這際本意 且須古語之意 明之

禪門 亦有爲初機下劣人 指示隨流妄染中 有性淨（第二張）妙心 令其易解 信入 信入然後 忘其解分 方爲親證 若不忘解分 坐在解脫深坑 不能於萬行緣起門中 轉身無滯故也 教中亦有以性淨本覺 爲法界無碍緣起之源 如賢首國師所述 依華嚴奧旨 妄盡還源觀中 先標一體 謂自性清淨圓明體 然此則是如來藏中 性淨之體 從本已來 性自滿足 處染不垢 修治不淨 故云自性清淨也 性體遍照 無幽不燭 故曰圓明也 煩惱覆之則隱 智慧了之則現 非生因之所生 唯了因之所了 起信論云 眞如自性 有大智慧光明義故 遍照法界義故 眞實識知義故 廣說如彼 故曰自性清淨圓明體也 二依前淨體 起於二用 一者海印森羅常住用 言海印者 眞如本覺也 妄盡心澄 萬像齊現 猶如海水澄清 無像不現 起信論云 無量功德藏 法性眞

如海 所以名爲海印三昧也 二者法界圓明自在用 是華嚴三昧也 謂廣修實行 稱理成德 普周法界而證菩提 故云法界圓明自在用也 三示三遍者 謂依前二用 一一用中普周法界 故三遍也 一者一塵普周法界通 二者一塵出生無盡通 三者一塵含容空有通 此明事事無碍也 據此賢首所立之義 如是二用三通等 普周法界容融無碍之傳 皆第一三張從衆生心中 自性清淨圓明體起也 若是華嚴所論一真無碍得法界定與衆生心中性淨本覺 其體各別 而賢首祖師作是說者 則是誑誘宣聾妄語人矣 故知隨機設教 廣略稍異其源一也 又義湘法師法界圖偈曰 法性圓融無二相 諸法不動本來寂 無名無相絕一切 證智所知非餘境 眞性甚深極微妙 不守自性隨緣成 一中一切多中一 一即一切多即一 一微塵中含十方 一切塵中亦如是 無量遠劫即一念 一念即是無量劫 此中首標法性圓融無二相 是賢首所請自性清淨圓明體也 亦是衆生 本有眞性 圓明清淨 處染不垢 修治不淨 煩惱覆之則

隱 智慧了之則現 非生因之所生 唯了因之了了者也 若人返照自心清淨覺性 妄盡心澄 眞像齊現 猶如海水澄清 無像不現 則名海印森羅常住用也 其餘法界圓明自在用 乃至三通中事事無碍 不離清淨覺性 可知矣 祖師所立三性圓融 無名無相 經諸時對 唯證智所知非餘境者 亦是親證自性本來湛寂離名絕相處 而爲事事無碍法界之源 豈以難言 同於頓教耶 禪門宗師對機門中 權爲下根 雖有說示 隨染心中第一四張清淨覺性 只令學者 返照自性爲要 不貴說理深淺也 若一言下 返照自性 頓忘言解則自心境界 十果依正緣起差別 煥然皆現 法界無碍緣起 於斯可見也 昧者徒標圓教無碍得法界曰 禪者所論不過起信中 隨染性淨之義 亦不過一分理性離言絕相之義 皆是執滯言教之跡 不知先聖隨機設教 廣略雖異 無下指歸一心耳 若能頓忘言教施設義理分別 密室靜坐 虛襟澄意 返照自心 得其淵源 則將現今一念性淨妙

心 何隨染本覺二傳 但能淨本覺不傳 何無碍得法界本傳 但不動智佛亦得 作蠶舍那佛亦得 即理即事即自即也 隨事無妨也 故知起信 性淨本覺實皆得之 則爲二用三通之源 頓教離言絕相 指歸證之 則爲三性圓融之無言智 知之一境 是知本覺之言教之則爲三傳 得意會之則同也 而今時大心之夫 遇善友開示 能迴光返照 則曠劫以來無明生地頓空 便是諸佛普光明智 心之現前 無有種種幻化 皆從如來普光明智之所生起故 今曰返照全是自體 本非外物 如湛水生波 波全是水 花生三界 花全是空 曉公所謂寂照無明無不明 詎滅知聞得意明是也 如是則吾言自心無云普光明智 則是第一三張謂初心正覺佛也 論云以菩提妙智普印 邪思妄行 自無生處名爲正覺也 問今日凡夫悟心或佛者 是究竟耶 未究竟耶 若是究竟 何名初心 若未究竟 何名正覺 答今時具縛凡夫 於生死地面上 以日用中無明分別之種 便致諸佛根本普

光明智 以諸佛根本智 與衆生無明之心本一體故 所以今日凡夫 以根本智果海 爲初悟發心之源 若非頓悟自心煩惱性自離 無漏智性 本自具足者 何名於一佛乘圓頓門中 以果成信者也 論云以根本智 爲初發菩提心 以根本智圓故 時亦普徹 爲一切智之大體 成一切行之始終 生一切法之元始 一切萬行智爲先導故 善知智海 一行海 菩提心海 大慈大悲海 莫不由斯根本智果海而生也 三乘教 置之於五位之後 一乘教 置之於十信之初 但衆生種性利鈍不同故 教隨根立 此其證也 是知此一乘圓頓門假者 十信心初得根本智果海 非由十千劫歷修然後 至十信滿心明矣 論中但明一生功終 本無十千劫之文也 但初心凡夫會緣 方了自心根本普光明智 非由漸修功至然後悟也 故理智雖現 而多生習氣 念念猶侵 有爲有(第一六張)作色心未殄 是謂十信凡夫爲解礙處也 然以悟自無明本神本真 無功大用恒然之法故 自修十信中方便止觀 任運功成 定慧圓明 便名發心 注梵行品云

初發心時 卽得阿耨菩提者 當此位也 入十住之後 以普光明智 恒處世間 隨根普應 教化衆生 而無染著 悲智漸明 功行漸增 畢竟成普賢行 因滿果終 報得無量相好 無量莊嚴 如光如影 恒遍十方 非有非無 非常非斷 以大願大智自在用故 如是大用自在 不離初悟根本普光明智中恒然之行 以智體圓故 時亦不移 智亦不異 於中鍊治習氣 悲智漸圓 昇進階級 非無 然從初發心 以入無時智門 故雖至究竟位 初無移易也 如王寶印 一印文成 無前後也 任一切衆生 隨根同別 以六相義會通可見 昧者 約根本智 該收五位論 則不許漸修之行 是但知摠相者也 若約行解昇進階位漸次論 則不許時不移智不異 如王寶印一印文成 無前後之旨 是但信別相者也 皆由未離情見 理智不圓故也 論云入此初地六相法門者 乃至創始 具足凡夫 能發廣大願行 能趣入故 非是由因地前行解而來 意明設教 備明修行 滯障節級安危 然發心者 一時摠頓修 居一時一行(第一七張)之內 非是

要從節級次第修來 以摠別同異成壞法 圓融可見 於此六字三對法中 一字有六 且約人身類之 餘可准知 如一人身 具足六相義 頭身手足眼耳鼻舌等用各別 是別相 全是一身一四大是摠相 一空無體 是同相 不廢如是無異性 頭身手足眼耳鼻舌等用有殊是異相 頭身手足眼耳鼻舌等 共成一身是成相 但道無作緣有 各無自性無體無相 無生無滅 是壞相 又一切衆生 名爲摠相 愚智區分 名爲別相 皆同佛智而有 名爲同相 隨執業異名爲異相 因所作業 受報得生 名爲成相 心無所依 業體無性 名爲壞相 又十方報佛 名爲摠相 衆寶所嚴身土差別 名爲別相 同一法身 理智無二 名爲同相 智隨行異 名爲異相 成就衆生 名爲成相 能所皆空 無得無證 名爲壞相 又以一智慧 該收五位 名爲摠相 行解昇進 名爲別相 同佛根本智 名爲同相 修差別智 名爲異相 成大菩提 具普賢行 名爲成相 智體無依用而不作 名爲壞相 又三世久劫差別

名爲別相 以智普觀在一剎那 名爲總相 隨業長短 名爲異相 清亡見盡長短時無 名爲同相 智無安住 名爲壞相 應根與法 名爲成相^三 今時悟解普光明智之佛果 當第一八張於法界證處離言故 雖未預談 且約後修緣起門中論 則圓融行布二義相成 究竟未究竟二義相成 理佛事佛二義相成 他果自果二義相成 至於十住成佛 亦復如是 論云若於此大方廣佛華嚴經佛果普光明智境界之上 存古立今 作遠近時分前後去來三世 有佛處無佛處 正法像法末法 及於十方三世諸佛 作舊佛新佛 淨土穢土等者 將知未能成信也 又云信因中契諸佛果德 分毫不謬 方名信心 心外有佛 不名爲信 名爲大邪見人也 又云初始發菩提心 以持根本智大圓明鏡 普照諸法 以是當知今時返照自性十信初心 凡夫之位 具論如是難思果德也 以初發心時 無明住地煩惱 便爲諸佛不動智故 由願起行時 妄習雖未盡 全是根本智之運爲法隨緣 故云其智初以願興 乃至功終願滿 以普光明智 利衆生故 是知全

是根本智之應用法 隨緣恒然之行也 所有報化相用 是無功之智 大悲之行任一切衆生所見 由願起行 惡善根力大小 緣起具相萬差 如光如影 隱現自在 如空中響 任物成音 非常無常 心識所知境界 全是根本智之大用 所言普賢是差別智者 且約根本普光明智 舉體運爲之用言之 無第一九張有先後 故云普光明智 量同法界盡空界 無有中邊 體同一切衆生心 恒隨一切衆生 宜見何身 宜聞何法 十方世界 恒同對現 而不失時 雖有如是從初發心 由願起行 乃至功終願滿 非是衆生心外之事 故云佛證衆生之體 用衆生之用 又云佛是衆生心裏佛 隨自根堪無異物 一切衆生 無明妄想 無別自性 全是十方諸佛三身四智之本源 故云欲知一切諸佛源 悟自無明本是佛 以本智佛 自具三大性相理事之德 故 但隨自業隱現有殊耳 衆生作惡 惡是違用故 報得染分 依正差別 雖是違用 亦是本智中本惡用故 智之相用不滅也 諸佛修善 報得藏嚴 善是順用故 相用湛然清淨 雖是起行報

得 亦是根本智中 本具善用故 不增也得 各隨自業善惡故 有淨穢苦樂差殊 而其智之體相用 於染淨緣起 本無增減 恒常現露 理事無碍 生佛互融 故今日悟解不動智佛果三身四智等頓圓 一身一智 即三身四智 具一體也 如六祖所說 故云三身元我體 四智本心明 亦不妨後修報得也 此根本普光明智佛果 是生佛之體 故 理事性相善惡染淨 俱圓俱泯 如曉公所立一大法身佛也 以智體本具三大故 非但性淨本覺理佛也 以智體本無第二〇張十世遠近延促故 非當果攝在也 以根本智 是自心之佛 故非他果在我也 故知賢首清涼 所辨性起品中 佛智在衆生心之義 與長者論之旨稍異也 然若約緣起門中融攝之義論 則以衆生今日悟解普光明智中生佛圓融故 謂他果在我亦得 十世圓融故 謂當果自有亦得 以有隨染性淨故 謂生生自有亦得 然今日頓悟普光明智佛 非約圓融行布緣起門之所論 以法界證處 果豈預談 此中所論悟者 非先修而後悟故 是解悟也 雖是解悟 以頓發悟處故 即不可說果

●萬曆三十二年甲辰秋能仁庵開刊移鎮
雙溪寺

①刊記在附錄之末 編者移置于此處 甲本刊記如下 主上殿下壽萬歲 王妃殿下壽齊年 世子殿下壽千秋 施主女孝女保體 王近必兩主魯欣安兩主 女千德保體 比丘太衍保體 刻秩法浩 敬天 天元 校隱休 飯義和 熱太昭 惠峻 化主靈允 萬曆四十五年丁巳仲夏日黃延道松永水韻開刊。

分性海同也 又以一乘佛果 法爾在十信初心 非當果融攝之論也 若約後修緣起門中 功終願滿果德論之 又約本智體中圓三世事論之 則當果自有亦如彌勒樓閣中所現彌勒三世因果故論云智中 無三世古今內外遠近量故又以真體圓 十世事交參徹故 如是二義雖具 今日頓悟 的於初義 若約漸修緣起門 則十信初心先悟之後 勤修止觀 色心有漏摠盡 至住初定力已成 解礙摠亡 證悟入位 歷修十住十行十迴向十地 至等覺位 是修自業所見真體中 所現自己三世因果及報佛境界等 如對目前 故論云 此教是毗盧遮那報身所說 文殊師(第二一張)利從祇園往覺城 轉其教說 爲報身如來 是無盡莊嚴功德自受用身 非是凡夫人天三乘所覩 大心衆生 但聞其教 不見其身 除爲如來加持得見 依自業力 不能得見 大心衆生於覺城東文殊師利所 具聞得教 若也承教修行 一生功終 十方諸佛 如對目前 卽善財至慈氏樓閣中 所見佛境 是其樣也 圓頓成佛論(第三二張)

10
冊
全
部

看話決疑論

高麗・知訥
撰

100
册
75
版

看話決疑論

●海東曹溪山沙門 知訥撰

或問牧牛子 華嚴教 既明法界無碍緣起 無所取捨 何故禪門 揀十種病 而看話耶

答近來汎學輩 不知禪門話頭糸詳妙密旨趣 多有此疑 若論眞性緣起義理分齊 則禪學者 豈不知此十種禪病如華嚴法界緣起耶 故徑山大慧禪師亦云 昔知見多 以求證悟之心 在前作障故 自己正知見 不能現前 然此障亦非外來 亦非別事 豈有揀耶所言十種病 以求證悟之心爲本 既云此障 亦非外來 從何處來耶 亦非別事 是何事耶 此全明性起之德 故教中 亦云一切障礙 卽究竟覺 得念失念 無非解脫等是也 然此義理 雖最

●愛萬曆三十二年能仁庵開刊本（東國大學校所藏 圓頓成佛論合刊）
●萬曆四十五年黃延道松禾水韻開刊本（中央國立圖書館所藏 圓頓成佛論合刊）
●乙卯年未詳（東國大學校所藏 本圓頓成佛論合刊）
●（一九三七年上院寺刊 普照禪師語錄。●撰者名補入）

圓妙 總是識情聞解 非解脫等是也 然此義理 雖最圓妙 總是識情聞解 思想邊量故 於禪門話頭糸詳 徑截悟入之門 一一全揀佛法知解之病也 然話頭無字 如一團火 近之則燎却面門 故無佛法知解措着之處 所以云此無字破惡知惡解底器仗也 若有能破所破取捨揀擇之見 則宛是執認言迹 自擾其心 何名得意糸詳 但提撕者也 禪門亦有爲密付難堪借教悟宗之者 說眞性緣起 事事無碍之法 如三玄門初機得入體中玄所明云 無邊利境 自他不隔於毫端 十世古今（第一張）始終不離於當念 又云一句明明該萬像 等是也 禪門中此等圓頓信解 如實言教 如河沙數 謂之死句 以令人生解碍故 並是爲初心學者 於徑截門活句未能糸詳故 示以稱性圓談 令其信解不退轉故 若是上根之士 堪任密傳脫略窺白者 纔聞徑截門無味之談 不滯知解之病 便知落處 是謂一聞千悟 得大摠持者也 又若約圓頓信解門 則此十種知解之病 亦爲眞性緣起 無可取捨 然以有語路義路聞解思想故 初

心學者 亦可信受奉持 若約徑截門 則當於親證密契 無有語路義路 未容聞解思想故 雖法界無碍緣起之理 翻成說解之碍 若非上根大智 焉能明得焉 能透得耶 以故汎學輩 翻成疑謗 理固然矣 又禪宗學語者 論此話頭有二義 一全提之語 一破病之談 話頭知微 但提撕做工夫者 都無全提之解 況有破病之念 埋沒密旨耶 纔擬一念 全提破病之解 便落意根下卜度之病 豈爲糸詳活句者耶

問既云 法性圓融緣起無碍 雖有聞解 何有碍耶
答汝豈不見 圓覺經云 若復有人 勞慮永斷 得法界淨 卽被淨解 爲自障碍 故於圓覺 而不自在 得法界淨者 亦爲解碍 況今學者 將情識 卜度緣起無碍（第二張）豈爲解脫知見耶 問然則如般若經所謂無智亦無得 又頓教所謂一念不生 卽名爲佛等離言絕意是耶
答離言絕意 五教有之 以教教 皆有一絕言 並令忘詮會旨故 小乘證人空

●在經一經通。●示證亦通。

眞如 大乘菩薩 證法空眞 言於證
門 皆離言絕慮 若言慮未 何名證
也 頓教但說理性離言絕相 別爲 類
離念之機故 一念不生 卽名爲佛者
但是證理成佛 可名爲素法身也 華嚴
說法界無碍緣起 菩薩聞熏修習 則十
信地見聞終 心成解行 信滿住初 名
爲證入故 華嚴論云 先以聞解信入
後以無思契同 旣以無思 證入亦是離
言絕慮也 清凉祖師云 佛證離言 又
云性海果分 當是不可說 又云果海離
念而心傳 如是而推 華嚴普機 當於
證入之門 亦是離言絕慮明矣 禪宗過
量之機 話頭条詳 善知識者 不生十
種知解之病故 亦可謂離言絕慮 忽然
噴地一發 則法界洞明 自然圓融具德
如曹溪祖師所謂自性 具三身 發明成
四智 不離見聞緣 超然登佛地是也
爾 皆約得入者 證智境界 偏圓權實
論之今時着相者 以肉眼所見 疑之不
當 豈可與之語道也(第三張)
問頓教中詞教勸離 毀相泯心 禪門話
頭 亦破惡知惡解 破執現宗 彼此入

門行相 同 何得言頓教 但證理成佛
未證無碍法界 禪宗徑截 噴地一發
者 親證法界 自然圓融具德耶
同是離言離念相應 何有 偏一圓耶
不應自是而非他 如有明證 略舉一二
以祛疑滯
答教學者疑謗禪法 只爲此疑未決 禪
學不得意者 必以話頭 爲破病爲全提
爲句內爲句外等 皆認定死語 成於絡
索 並爲三句所使 滯在十種病 豈爲參
詳活句者耶 專精禪學者 尙如是 況
教學者 豈無疑念耶 且頓教中所引
言教 爲一類離念之機 說眞如理性
離言絕慮之義 如論云心眞如者 卽
是一法界大總相法門體 所謂心性不
生不滅 一切諸法 唯依妄念 而有差
別 若離心念 則無一切境界之相 是
故一切法 從本已來 離言說相 離名
字相 離心緣相 畢竟平等 無有變異
不可破壞 唯是一心 故名眞如
問曰若如是義者 諸衆生等 云何隨順
而能得入 答曰若知一切法 雖說 無
有能說可說 離念 亦無能念可念 是
名隨順 若離於念 名爲得入 此等言

教 第四張 正是離念之機 所入心眞如
門也 據眞實之義 則妄念本空 更無
可離 無漏諸法 本是眞性 隨緣妙用
永不斷絕 又不應破 但爲一類衆生
執虛妄名相 難得之悟故 佛且不揀善
惡染淨世出世 閒一切俱破 是故聞
此教者 隨順平等無相之理 作無能說
可說能念可念之解然後 離此解此念
得入眞如門故 但名證理成佛 然此眞
如是一法界大總相法門體故 得爲諸
法之性 亦爲萬行之源 何有菩薩 證
心眞如 而不明性上緣起德用耶 而賢
首祖師 但引一念不生 卽名爲佛等離
言之詮 立頓教者 以說不彰顯故也
禪門亦有多種根機 入門稍異 或有依
唯心唯識道理 入體中玄 此初玄門
有圓教事事無碍之詮也 然此人長有
佛法知見在心 不得脫洒 或有依本分
事祇對 洒落知見 入句中玄 破初玄
門佛法知見 此玄有徑截門 庭前栢
樹子 麻三斤等話頭 然立此三玄門 古
禪師之意 以本分事祇對話頭 爲破病
之語故 置於第二玄 然未亡洒落知見
● 閒在問云西。

言句 猶於生死界 不得自在故 立第三支中玄 良久默然棒喝作用等 破前洒落知見 所以云三玄施設 本由遣病若望上祖初宗 卽未可 故此師云 近來行脚人皆以天台華頂《第五張》趙州石橋 將謂向上一路 此是暫時行李之處 非究竟安身立命之地 然普安道禪師 承昭陽之意 立三句外 別置一句 曰 當人如舉唱 三句豈能該 有問如何事 南嶽與天台 然此天台南嶽等無味之談 在三句內 則爲破病之言 在三句外 則非謂破病 乃全提此事言也 故長蘆師云 山僧有時 裂半[○] 拆三 未嘗舉着宗門中事 如今紐半破三 全提此事去也 又云雲門大師 有時 三句內說法 有時 三句外提綱 以是故知 古人亦以一例話頭 或爲三句內破病之言 或爲三句外全提之句 豈可足恠 今時人 認徑截門話頭 成絡素者耶 然今所宗徑山大慧和尚 是曹溪直下正脉相傳 第十七代本分宗師 所立徑截門話句 衆詳得入 迥異於此 何者 宗師所示庭前栢樹子 麻三斤 狗子無佛性等話頭 都無端的所示之法 但給沒

滋味 無摸捺底話頭 然後 隨而誡之曰 情識未破 則心火熾熾地 正當恁麼時 但只以所疑底話頭提撕 如僧問趙州 狗子還有佛性也無 州云無 只管提撕 舉覺 左來也不是 右來也不是 不得作有無會 不得作真無之無卜度 不得作道理會 不得向意根下 思量卜度 不得向揚眉瞬目處探根 不得向語路上^{《第六張》}作活計 不得颺在無事甲裏 不得向舉起處承當 不得文字中引證 不得將迷待悟 直須無所用心 心無所之時 莫怕落空 這裏却是好處 驚然老鼠入牛角 便見倒斷也 如是下注脚 給話頭故 學者於十二時中 四威儀內 但提撕舉覺而已 其於心性道理 都無離名絕相之解 亦無緣起無碍之解 才有一念 佛法知解 便滯在十種知解之病故 一一放下 亦無放下不放下 滯病不滯病之量 忽然於沒滋味 無摸捺底話頭上 噴地一發 則一心法界 洞然明白 故心性所具百千三昧 無量義門 不求而圓得也 以無從前一偏義理聞解所得故 是謂禪宗徑截門 話頭衆詳證入之秘訣也 別教中

雖談十玄無碍緣起法門 是不思議乘菩薩普眼境界 而於今時觀行者 以聞解當情故 須經見聞生解行生然後證入 當證入生 透脫從前聞解 亦以無思契同也 今所論禪宗教外別傳徑截得入之門 超越格量故 非但教學者難信難入 亦乃當宗下根淺識 罔然不知矣 今略引二三段得入因緣 令不信不知者 知有禪門徑截得入 不同頓教亦與圓宗得入者 依教離教 遲速迥異也 如水潦和尚 於採藤處^{《第七張》}問馬祖 如何是祖師西來意 祖云 近前來向爾道 水潦才近前 馬祖攔臂一踏踏倒 水潦不覺起來 拍手呵呵大笑 祖云 汝見箇甚麼道理 便笑 水潦曰 百千法門 無量妙義 今日於一毛頭上 盡底識得根源去 馬祖便不管他 水潦和尚 只喫馬祖一踏 百千法門 無量妙義 自何而盡底識得耶 故知禪宗上根得入 不關頓教中 但詮言絕之理 但爲離念之機明矣 又永嘉眞覺大師到曹溪 持瓶戴笠 繞禪床三匝 振錫一下 卓然而立 祖曰 夫沙門 須具三

○「拆作折」云。○「三匝」實三匝。

千歲儀 八萬細行 大德自何方來生
大我慢 真覺曰生死事大 無常迅速
祖曰何不體取無生了無速乎 真覺曰
體即無生 了本無速 祖曰如是如是
真覺須臾告辭 祖曰返大速乎 真覺曰
本自非動豈有速耶 祖曰誰知非動 真
覺曰仁者自生分別 祖曰汝善得無生
之意小留一宿 真覺一宿出曹溪門外
以所證之道 發言爲歌 曰絕學無爲閑
道人 不除妄想不求真 無明實性即
佛性 幻化在身即法身 乃至雪山肥膩
更無雜 純出醍醐我常納 一性圓通一
切性 一法遍舍一切法 一月普現一
切水 一切水月一月攝 諸佛法身入我
性 我性還共如來合 一地具足一切地
非色非心非行 第八張業 彈指圓成八
萬門 和那滅却三祇劫 以此而推 永
嘉真覺大師 但於祖師 何不體取無生
一言之下 直得桶底脫 頓證法界 但云
體即無生了本無速 是當於證門 不
消多言語也 而於門外發言爲歌 唱出
所證境界 則曰一性圓通一切性等 故
知此師普眼境界 事事圓融 生佛圓融
地法圓融 八萬法門圓融 如是法界無

盡應用 彈指之間 圓證法界 豈可比
於頓教中 初地即八地 乃至寂滅真如
有河次第 但據理都泯耶 又徑山大慧
和尚 以理攝云 菩薩住是不思議於
中思議不可盡 入此不可思議處 思與
非思 皆寂滅 然亦不專住在寂滅處
若生在寂滅處 即被法界量之所當攝
教中謂之法界量 滅却法界量 種
種殊勝 一時蕩盡了 方始好看庭前柏
樹子 寶三千乾屎橛 狗子無佛性 一口
咬盡西江水 東山水上三三三 忽然一
句下透得 方始謂之法界無量 迥向如
實而見 如實而行 如實而用 便能於
一毛端 現寶王刹 坐裏裏裏 轉大法
輪 成就種種法 破壞種種法 一切由
我 如壯士展臂 不借他力 師子遊行
不求伴侶 以此而推 禪門話頭參詳者
滅却法界量 種種殊勝 亦蕩盡了 然後
方始好看庭前柏樹子等話頭 忽然《第
九張》一句下透得 方始謂之法界無量
迥向 便能於一毛端 現寶王刹 坐微
塵裏 轉大法輪 則話頭疑破 噴地一發
者 乃能親證無障礙法界矣 豈可以遺
十種知解之病 當於頓教一類離念之

機耶
問然則禪宗得入者 雖不攝頓教之機
以證事事無碍故 當於圓教圖者 何得
言圓教外 別有密傳之門之機耶
答曰前不三三 圓教談一之無碍法
門 雖是不思議衆生境界 而於
今時三三觀三三 以有聞經語路義路
改未得無分別智 須經見聞經行三三
後 證入矣 當於證入 亦如禪門無念
相應 故論云 先以聞經言入 後以無
思契同 禪門經教得入者 初無法義聞
解當清 直以無滋味話頭 但提撕覺
而已 故無語路義路心識思惟之處 亦
無見聞解行生等三三前後 忽然話頭
噴地一發 則如前所論一心法界 洞然
圓明故 與圓教觀行者 比於禪門一發
者 教內教外迥然不同故 時分遲速
亦不同 吾然可知矣 故云教外別傳
迥出教乘 非淺識者 所能堪任 禪門
亦有密付難堪中下之流 或以難言絕
慮冥心入理 而於目前緣起事法 未能
透得 故徑山大慧禪師 訶曰硬休去歇
去者 此是守志懷空寂 而生解《第一〇
張》者也 或認凡夫日用平常心 以爲

至道不求妙悟曰但放曠任其自在莫管生心動念念起念滅本無實體故大慧禪師亦訶曰這^①介又是守自然體爲究竟法而生解者也禪宗或有以三界唯心萬法唯識事事圓融爲觀門此是初玄門中法眼和尚韶國師所立同於圓教但設法廣略有異耳圭峯密禪師所謂佛教爲萬代依憑理須委示師訓在即時度脫意使玄通玄通必在亡言故言下不留其迹迹絕於意地理現於心源矣以故宗師對機所示事事無碍法門最爲省略要在直截悟入不許注解知之如佛眼禪師舉拂子云大衆從上許多賢聖摠在山僧拂子頭上各各坐大蓮花說微妙法交光相耀如寶絲網還信得及麼又末山尼了然先聽大經後參祖道發明大事乃有頌云五蘊山頭古佛堂毗盧晝夜放毫光若知此處非同異即是華嚴遍十方如是等宗師以事事無碍法門指示學人直下承當者比比有之將此比於教中玄門則義理彌廣而證智彌隔矣故曉公云智人觀行外忘

諸理內求自心所以能得至無理之至理也當知禪門宗師所示無碍法門雖同圓教而言句省略故於證入之門切近耳然禪門此等^②第一一張如實言句若比教門雖是省略若比徑截門話頭則以有佛法知解故未脫十種病所以云夫參學者須參活句莫參死句活句下薦得永劫不忘死句下薦得自救不了是以大慧禪師以沒滋味話頭令學者參詳不滯十種病直下承當便能使得三句不爲三句所使豈可與頓教遮詮同論而賢首國師輒取此門此機收束於頓教耶清涼國師圭峯禪師亦皆簡辨云禪宗離念無念亦是此中拂迹遮過但以心傳心密意指授之處非今簡牘所論此其明證也禪宗或有源派俱別之論曰法別門別機別此義不然但言初從縛地位徑截得入門別機別豈可言大菩薩親證一心法界亦別耶然古德云能悟祖道發揮般若者末季末之有也據此義則話頭有參意參句二義今時疑破者多分參意未得參句故與圓頓門正解發明者一般矣如是之人觀

行用心亦有見聞解行之功但不如今時文字法師於觀行門中內計有心外求諸理求理彌細轉取外相之病耳豈可與參句門疑破親證一心發揮般若廣大流通者同論耶此證智現前者今時罕見罕聞故今時但貴依話頭參意門發明正知見耳以此人見處比於依教觀行^③第二二張未離情識者天地懸隔故也伏望觀行出世之人參詳禪門活句速證菩提幸甚幸甚

看話決疑論

噫近古已來佛法衰廢之甚或宗禪而斥教或崇教而毀禪殊不知禪是佛心教是佛語教爲禪網禪是教綱遂乃禪教兩家永作^④楚河之見法義二學返爲矛楯之宗終不入無諍門覆一實道所以先師哀之乃著圓頓成佛論看話決疑論遺草在箱篋間近乃得之傳示大衆時有錫齡社主希蘊聞之大悅力請流通仍勸洪州居士李克村施財刊板印施無窮所冀聖壽天長邦基地久宗

① 介在箇處。② 如一無有。③ 隔作一融。④ 簡在簡之次同。⑤ 看話決疑論一無有之。⑥ 論下宜終重。⑦ 噫近古以下設文無有。⑧ 思在思之。

風不斷佛日永明 法界含靈 了心成佛
耳

時貞祐三年乙亥五月日無衣子 慧諤
跋

方廣教海 方山討其幽 徑截話門 徑山
言其奧 普照國老 正眼一覷 隻手雙收
爲二論 以發揮之 奇哉 法施遠被方來
無衣子爲跋 流布於叢林 元文^①大細 有
妨稽閱 繕寫重彫 益廣以弘通^②第一三
張^③ 庶使義明緣起無礙之由 法悟詮註
不及之致 紹豐佛種 密贊皇圖云

守大師門下侍中上柱國上將軍判吏部
御使臺事 崔沈誌

①兼施主覺性校^④第一四張

大禪師善修 大禪師道潛 大禪師玉井

善行 德珠 印淨 隱悟 英敦 靈鑒

花宣 列手 寶安 道德 眞淨 一祐

淳玉 印花 別坐圓淨 供養主行珠 幹

善行淨 湖鏡

萬曆三十二年甲辰秋能仁寺開刊 移顯

雙溪寺

①大正三本「言」字。②兼「上言」諸語法疑論終「
六字編者除之。

太古和尚語錄

高麗
・
雪 普
栖 愚
編 述

① 太古和尚語錄序

②太古門人 將刻其師語錄 從韓山李
 穡求序編端 師之出處 余既筆浮屠銘
 師之提唱 散之群衲 斂之一書 余何
 庸贅 讀是編者 知太古嗣法石屋 爲
 臨濟十八代孫 開堂燕京 名動天子
 爲師先朝 澤被國人 三十餘年 淳淳
 啓迪 蓋不止筆墨所形而已也明矣 且
 此道也 蓋天蓋地 離相離名 況文字
 語言之有乎 今之營之甚多 皆古人之
 糟粕也 特爲弟子者 不忍其師之言行
 身沒而隨泯 餘風不挫於後世而已 嗚
 呼 弟子之於其師 不如此奚可哉 王
 師古樗公廣明宏哲峯 太古門人之領
 袖也 今徵序文 其致二公之意於穡者
 門人文軫也
 洪武十八年乙丑秋七月 日 推忠保節
 同德贊化功臣三重大匡韓山府院君領
 藝文春秋館事 李穡序

③ 太古語錄序

學有師友淵源之正 乃爲可傳也 雖釋
 氏亦然 翟曇氏歿 迦葉氏得其宗 相
 傳至達磨氏 入中國 厥後大寂氏一再
 傳 分而爲五派 大圓爲爲仰 惠照爲
 臨濟 匡眞爲雲門 智藏爲法眼 無際
 爲洞下 而惠照之學獨傳 今天下之言
 禪學者 一則曰吾臨濟也 二則曰吾
 臨濟也 可謂盛矣 吳僧道原所錄 凡
 一千有七百家 間有吾東人 其師又班
 班可考 近世太古 蓋人豪也 橫拈一
 錫 遊徧江湖 至吳興之霞霧山 參見
 石室珠禪師 目擊妙契 及其告歸 授
 以伽黎 所以傳心也 石室即臨濟十
 八世之嫡孫 而太古之傳 得爲太宗焉
 太古之還國也 我玄陵執樞衣之禮 甚
 盛 甚謹 太古處之若固有 不數月挺身
 走 久之知還舊隱也 卓庵小雪山 飯
 孟蔬盤 淡然自守 不妄接人 一夕示
 寂 設利之異 大有以駭人矣 今王師
 古樗公名榮英 其上首也 哀集平日函丈
 所聞 成如千卷 題曰太古語錄 俾予

序之 亦於其時之學 所不敢知也 片
 言半句 未暇研其旨焉 第以淵源之正
 已可以僕稽其徒 又其行已未上 稱諸
 其道 無可議 故書其卷端 雖之唯是
 緣之傳於世也 奚待予言哉 爲得予言
 哉 始知大夫密直提學上護軍藝文館
 提學同知春秋館事京山李崇仁書于所
 居之陶隱齋

予爲古樗公作太古語錄序 明年朝京
 師 過大界寺 僧言石屋 名動江湖間
 語錄蓋傳于世 予雖不得見石屋 見太
 古之記 則其師友淵源信不可誣也
 洪武蒼龍丁卯秋七月二十又七日
 崇仁識

① 洪武和十五年精寺刊(音濟社發行鉛印本)
 此序在自次之後 編者移置於卷頭 ② 李能和
 著 朝鮮佛教通史中編(二〇六—二五四頁)所
 載之本文 ③ 此序文無有也 ④ 此序文只在甲
 本 ⑤ 黎「疑梨」編。

太古和尚語錄上

侍者 雪栢編

○目次

卷上

上堂十六則

示衆一則

法語

玄談請心要 答方山居士呈詩學佳

答無際居士張海院使 示崔進士

示思齊居士 示廉政堂與和

示樂庵居士念佛略要

示由忠居士

示無影居士致和公表 示堂上人

示眞禪人 示宜禪人

答湛堂淑長老 示文禪人

示紹禪人 示可禪人

示祥禪人 示安山郡夫人妙幢

示乳禪人 示日本志性禪人

示宜禪人 警侍司

歌吟銘

太古庵歌附石屋和尚書

雜華三昧歌

卷下

偈頌

山中自樂歌 白雲歌
雲山吟 參禪銘

古鼎龍泉溫長老 節庵靈壽侍者

藏牛 慧庵松實聰長老

月潭 九峯

癸卯秋偶遊月南精舍作此偈示古

樗叟長老警其日用

香峰 東谷 中庵壽元

息牧叟 雪梅軒 雪崖

古松關天溫長老 無說 慎齋

理庵 漁隱 碧雲 東齋 壽庵

對松 明谷 無顯景文 無範

竹庵 返源 自天 此門 彩庵

道庵 鐵門 隱溪 中理 伴雲

化元 了庵 紹巖 顯巖 無厲

雲石 石庵 何說 小峰 斯道

過雲 即空 斷庵 無畏 隱溪

石庵 隱峰 何住 南谷 無智

雲山 無奈 妙峯 無着 無文

石牛 無證 鄒山 空溪 石溪

中海 海雲 雲間 空道 一門

一溪 無定 證庵 石溪 空谷

連海 此溪 友山 寂照 中寂
妙峯 楚山 清澗 中月 非寶

古林 天山 平時 忠謹 樂庵

無能 子庭 栢禪人求頌

瑞禪人求頌 寄日本石翁長老

寄無極和尚江南人 寄朱勤主長老

寄金承制希祖二首 答廉政堂與和

答李提學邦直

送達摩悉歸竺乾國

送日本雄禪人遊江南

送覺南參學遊方

送珣禪人之江南

送思禪和之江南

送寧玄二禪師歸山

送慧禪和雲遊 南遊偶吟

辭石室和尚 辭王師

讀跋

釋迦住山相 釋迦出山相

文殊 魚籃觀音

達摩玄峻請 乘蘆達摩

布袋 藥王 五祖 童形

六祖 羅漢玄峻請

自讚張海院使請

○目次在序文之前 欄者移置於此處。

燕都永寧禪師開堂日徒弟等請
玄陵勅刊百丈清規跋

重刊緇門警訓序

附錄

石屋和尚書 上石屋和尚書

石屋和尚答書

大都諸山長老告朝廷請開堂疏

開堂榜

師住三角山重興寺之六年至^①正丙戌
春有求法於天下之志遂入燕都丁亥
秋尋往湖州霞霧山謁石屋和尚嗣法
傳衣是年十月廻大都諸山長老齋
疏告諸臣僚右丞相朶兒赤宣政院使
闊闊思^②入奏聞聖聰於十一月二十
四日太子千秋令^③晨資政院使姜金
剛吉太醫院使郭木的立宣政院同知
列刺禿資政院同知定住怯薛官人答
刺海等奉傳聖旨住持永寧禪寺開
堂是日御香金闌袈裟沉香^④坤子帝
師香三殿皇后香皇太子香^⑤齊到
師據室卓拄杖一下云這裏烹佛烹
祖大爐鑪鍛生鍛死惡甜錘當鋒者喪
膽亡魂莫怪老僧無面目又卓一下云

百千諸佛向這裏水^⑥消瓦解又卓一
下拈起拄杖云這箇^⑦鯨鯢飲海水盡
露出珊瑚枝

拈傳衣云這一片牛皮佛佛祖祖血脉
不斷之標信釋迦老子四十九年三百
餘會受用不盡末後靈山會上傳付
金色老頭陀云代代相傳傳至末世
母令斷絕灼然灼然又拈金闌法衣
云此金縷僧伽梨^⑧因甚今日從王宮
出來不見道此法遺囑國三大臣又拈
傳衣云這箇是父子親傳的私物又拈
金闌云這箇是王宮宣賜的公物私不
及公先公後私即披金闌拈起一角
召大眾云還見這箇麼非但永寧歡喜
受之頂戴披之早與塵沙佛祖包裏
了也喝一喝拈傳衣云大眾還證明這
箇麼此是霞霧山傳來的惡物即搭臂
指法座云毗盧頂額上一路甚分明大
眾還見路頭麼上胡梯云一二三四五
座座拈香云此香無去無來冥通三際
非中非外洞徹十方奉為祝延大元世
主今上皇帝聖躬萬歲萬歲萬萬歲伏
願金輪統御三千界玉葉芬芳億萬春
次拈香云此香潔而清含衆德靜而

逸鎮千祥恭為祝延三宮皇后各保
康寧伏願與天齊壽見其龍子之榮
長春不老享其王母之樂次拈香云
此香舉起也天高地厚放下也海宴河
清恭為祝延阿由室利太子千載千載
復千載伏願優游玉境千載之樂奉
孝天顏萬歲之歡次拈懷香云此香
佛祖不知鬼神莫測非天地所生亦
非自然而得昔在新羅行脚時到梅檀
園向無影樹下觸着得箇無縫縫沒巴
鼻地逗到萬仞崖頭通身放下全無
氣息忽然再活輕輕颺下卻被諸人
疑殺將謂無人證明藏之愈固欲隱
彌露惡聲醜氣徧滿天下今日欽奉
聖旨當陽拈出對人天衆前燕向爐
中供養前住浙西嘉興路福源普慧禪
寺退臥霞霧山頂尖頭^⑨屋下石屋大和
尚用酬證明之恩

就座興化報恩禪寺湛堂長老白隨云
法筵龍象衆當觀第一義師提綱拈
拄杖卓一下云第一義這箇^⑩杖子已

①「正無有」。②「入在八」。③「晨」。④「晨」。⑤「晨」。⑥「晨」。⑦「晨」。⑧「晨」。⑨「晨」。⑩「晨」。

與白龍明明說破了也。箇中還有知恩報恩者麼？出來證據。時有僧問：禮拜即人人有分，不禮拜即師資闕禮。作麼生即得？師云：何得自起自倒？進云：今日聖旨開堂，高陞寶座。人天普集，賓主相參。未審師唱誰家曲？宗風嗣阿誰？師云：霞峯千古月，來照大明宮。進云：伊麼則釋迦後彌勒前，正法眼藏涅槃妙心，盡在和尚手裏。放行則三賢十地，遙相慶賀。把住則二三四七仰望無門。未審今日和尚放行去也，把住去也？師云：天上有星皆拱北，人間無水不朝東。進云：伊麼則畢竟水，須潮海去到頭雲必覓山歸。師云：好箇師子兒。進云：野干鳴，進云：如來身，或作梵王身，或作帝王身。今上皇帝未審什麼佛現身？師云：威音王佛。進云：此是第二句，如何是第一句？師便喝。進云：昔日靈山會上，今日永寧堂中，是同是別？師云：偈看是同是別。進云：今上皇帝萬機之餘，留心禪旨，興揚正法，法門有賴。未審師將何法報皇恩？師云：橫拈倒用，無文印上祝吾皇億萬春。進云：本寺功德主院使相公，泊諸位官人宰相，敬重法門。

作此勝緣，有何祥瑞？師云：鸞鳳呈祥瑞，龜龍降丕都。又有一僧才出，師以拂約云：問話且住，直饒百千萬億阿僧祇諸佛一時出興，各出無礙廣長舌相，一一舌相出無盡音聲語言海，一一語言具無盡辯才，一時雲與百千問難，也不消得永寧咄之一聲盡答了也。如是問如是答，乘時無有間斷，直至彌勒下生，只是業識邊事。於本分事上，了沒交涉。況復鉤章棘句，展露言鋒，非唯埋沒向上宗乘，亦乃打失孃生鼻孔。所以從上以來，佛佛祖祖，不立文字，不立語言，以心傳心，以法印法，代代相承。傳之不已，猶是至今，不乏其人。此則且置作麼生是向上宗乘？良久云：我若舉揚此事，恐後無人承當。雖然如是，到此田地，佛之名字也用不着，祖師名字也用不着，衲僧名字也用不着。四果四向三賢十地等覺妙覺名字也用不着。涅槃名字也用不着。生死名字也用不着。八萬四千波羅蜜名字也用不着。八萬四千塵勞名字也用不着。一大藏教是甚閑言，千七百萬言是甚寐語。臨濟喝德山棒，是甚兒戲，不見古老道。閉門。

隨睡時，接上上機，頓歇頓伸。曲為中下那堪向曲。永木床上弄鬼眼睛，雖是庸言，猶較些子。永寧伊麼舉唱，大似青天白日，無夢說夢。割肉成瘡，點檢看來，台與拄杖，即今莫有毒手者麼？若有，堪報不報之恩，共助無為之化。如無，倒行此令去也。舊拈拄杖，卓一下云：天下太平，又卓一下云：佛日重興。連卓兩下，喝一喝。復舉保壽開堂三聖，推出一僧，壽便打。聖云：伊麼為人，瞎卻鎮州一城人眼去。在壽便歸方丈。師云：這兩箇老古錐，一人如沙竭羅大龍王，振動須彌，取妙超即相似。一人如金翅鳥王，擊大海取龍子相似。各各逞盡神通，具殺活之機，具寶主之體。拳踢相應，喝拍相酬。向十字街頭，打算飯錢，普施一切，無有遺漏。一絲毫許善則善妙，則妙點檢將來，猶有這箇在。保壽開堂，禍胎生也。三聖推出一僧，雪上加霜，壽便打。依前弄精魂。聖云：伊麼為人，瞎卻鎮州一城人眼去。

①把住去也。②潮作朝。③次同。
④須作隨。⑤干作牛。⑥寺作使。
⑦盡作量。⑧衆作衆。⑨詞作辭。
⑩沙作娑。

在自過也不知壽便。歸方丈燒尾大虫。且道。永寧還有遭人點檢處也無聽取一頌。

借屋南城。下陶然臥醉鄉。

忽聞天子詔。祝罷對殘缸。

凜凜寒生骨。蕭蕭雪打窓。

地爐深夜火。茶熟透餅香。

以拂子擊禪床角。三下白槌云。諦觀法

王法。法王法如是。師便下座。

至正十六年丙申三月初六日。玄陵爲

大元皇帝。請師於奉恩禪寺。入院別

祝聖。上堂指三門云。大道無門。諸人

擬向何處入。咄。圓通普門。八字打開。

佛殿云。一千年前我爲爾。一千年後爾

爲我。幾乎漏洩。便三拜。太祖殿云。爾

是三韓之祖。我是萬法之王。昔日相逢

論箇事。如今再會暗商量。喝。

方丈云。這裏閑神野鬼窟穴。今日忽有

動地雷聲。不知散向何處去。以拄杖卓

一下云。人散汀洲後。沙鷗作主來。

據室拈拄杖卓一下云。這裏佛來也打

祖來也打。又卓一下。門下侍中李相國

齊賢度疏與師。師接得。呈示大眾云。

還知國王護持正法。護國護人入善。

知衆。藝三昧否。不見卻煩維那爲衆拈出。維那宣疏了。

師拈滿繡衲衣云。這一繡衲衣。是我

仁王赤心之裏。撥揮智刃以裁作。歷

盡霞誠而做來。五雲交橫。義天星象之

光輝燦爛。七寶繚繞。智海波瀾之浩

漸澄清。赤城霞氣之氤氳。玉披香烟

之鬱渾。珍禽奇獸。呈我君之萬代嘉

祥。瑞草巖花。開我后之長年春色。

不是舍那珍御之服。不是釋迦。弊垢之

衣。且道。是什麼人分上。即披著。乃云。

頓驚謝康樂。詩興生我衣。襟前林壑歛

暝色。袖上雲霞收夕霏。咄。拈法衣云。

這滿繡僧伽梨。從上佛祖所傳的。無上

福田大解脫之服。是我本師釋迦和尚

傳付摩訶迦葉代代相傳。至三十三祖

大鑑尊者。因爭即止。因甚今日。從王

宮出來。到吾山僧手裏。人不云乎。野

火燒不盡。春風吹又生。召大眾云。隨

我頂戴披之。師與大眾一時披著。拈

起一角。召大眾云。還見麼。非但大眾

與吾披之。盡十方世界。虛空大地。萬

像森羅。聖凡情非情之頭頭物物。一

時披着了也。咄。

指法座云。百千佛祖向這裏。厨潑大臭

氣。徧滿娑婆。今日山僧。未免傾四大海

水洗教淨潔去也。大眾莫道。狼藉轉多。

陞座拈香云。此香根盤於大千沙界。葉

覆於百億彌盧。奉爲祝延大元天子。今

上皇帝。萬歲萬歲萬萬歲。伏願德臨萬

邦。長輝太平之舜日。恩霑四海。永扇

無爲之堯風。此香聖也。從茲而起。凡也

從茲而生。奉爲祝延皇后殿下與天齊

壽。伏願日日時時。長承上天之恩露。

生生世世。常爲諸佛之聖后。此香聖云

神中。含萬德之威力。明乎妙外。現群

靈之畏儀。奉爲祝延皇太子殿下。千載

千載復千載。伏願日益長孝理之理。上

報天恩。時復增德。猷之猷。下濟民苦。此

香巍巍蕩蕩。而爲萬法之王。歷歷明明

而作六凡之主。奉爲祝延本國今上

大王殿下。千年千年復千年。伏願智

逾白日而增輝發明。壽等眞空而長春

不老。此香至靜明而含其德用。靈通大

①第一作過也。②下作裏香。③入上

有師也。④商作「商」字大同。⑤藝作「藝」

⑥寶作「室」也。⑦掖作「掖」也。⑧弊

作「蔽」也。⑨師與大眾「無有也」。⑩像作「象」

⑪百作「萬」也。⑫露作「沾」也。⑬上大

而現其真祥 奉爲祝延肅雍公主殿下
千年千年復千年 伏願壽高山而鳳子
龍孫之益昌 福厚地而金枝玉葉之永
茂 此香統衆德而爲身 梁詳香而爲眼
奉爲祝延文睿王后殿下 千年千年復
千年 伏願忠誠大若周王之智母 福慧
圓如竺聖之慈親 此香百千三昧之根
源 無量妙義之體性 釋用也六度萬行
儒用也三綱五常 次祝御香使金剛吉
泊吾本朝諸位官人宰相百官 壽祿延
弘 福緣自在 伏願生生長作帝王之忠
臣 內安王道 世世常爲佛祖之善友
外護法門 此香佛佛授受 祖祖相傳
遇敬則價重婆娑 遇毀則分文不直 至
正丁亥大元天下 永寧堂上 奉詔瞞肝
舉揚 普使人天 共作證明 忽然踣跳
向不動智佛土 緣時未然 入于小雪山
日與泉石 同甘寂寥 待盡殘年 今日
忽奉本國大王 不昧前約 再請之命
於奉恩寺裏 須彌臺上 對人天衆前
爲未見聞者 重新拈出 燕向爐中 供
養南方大宗師石屋大和尚 用酬法乳
之恩 若道是 稱金以黃 若道不是 麟
○有一角 一任錯*商量

就座行首白龍云 法廷龍象衆 當觀
第一義 提綱向上一路 千聖不傳 且
道 不傳箇什麼 這裏若涉一毫 即差
萬里 解問者與三千棒 不解問者與三
十棒問答 釋迦老子道 諸佛菩提 遠離
一切文字言說 況我最上宗乘中事 安
可以作用言語乎 作用是弄精魂 言語
是糟粕 若真正舉揚 三世諸佛 口掛
壁上 歷代祖師 身潛草裏 臨濟入門
便喝 德山入門便棒 是甚兒戲 山僧
早知如此 強將空手 雲遊天下 尋師
訪道 大似頭上安頭 徒被人疑 冷地
看來 慚惶殺人 故來本土 藏身巖谷
不與世人 賤賣佛法 埋沒祖風 只恁
麼閑閑地蕩蕩地 逍遙快活 平生虛
名漏逗 今日濫受國王重請 登于此座
目視雲漢 無如之何 直得口吧吧地
諸人將謂今日善知識出現於世 好一
場笑具 山僧恁麼道 已是寐語 大眾
因甚開眼瞋睡 卓拄杖一下云 萬化之
源 萬物之母 德被河沙 量包法界 聖
中之聖 大元天子 賢中之賢 本國大王
慶會一時 恩流萬代 以道爲懷 月朗
大虛 以仁爲政 白日卓午 正恁麼時
金爐香 藹藹 玉殿漏遲遲 太古小僧

更將何法祝贊 又卓一下云 道泰不傳
天子令 時清休唱太平詞不錄 昔梁武
帝 以禮迎達摩祖師 乃問如何是聖諦
第一義 祖師云 廓然無聖 帝云 對朕者
誰 祖師云 不識 大眾 此是東土最初
宣揚禪旨榜樣 今日本國大王 請吾小
僧 舉揚宗乘 上祝皇帝皇后皇太子
中爲人天大眾 下爲臣僚百姓 施大法
施 吾今不說一字 大王不聞一字 梁
帝與祖師問答 是同是別 若辯得
許你一隻眼 若辯不得 聽取一曲 太
古音最親切 可憐時節落花春 勸君更
盡一盃酒 西出陽關無故人
至正十七年丁酉正月十五日 王宮鎮
兵上堂 陞座祝香畢 就座拈疏云 諸
佛三昧 諸佛不知 今上國王 護持佛法
三昧 總在這裏 誰能諦悉 若未諦悉 卻
煩維那宣白 宣疏了 拈起拂子云 從上
宗乘 還有人諦當麼 五教三乘 十二分
教 只是老胡遺溺 佛佛祖祖 只是夢
中說夢的漢 若作道理商量 埋沒宗乘
若作世諦商量 辜負先聖 恁麼也不

①有作「唯」。②活作「潤」。③萬作
「一」。④義疏作「露」。⑤聞作「問」。
⑥是「無有」。⑦辯作「辨」。⑧次同。⑨
「聖」作「王」。

得不任麼也不得不得不得也亦不得
若是不分衲僧 西句百非外 可以相見
問答 橫拈拄杖 三三諸佛也任麼 歷
代祖師亦任麼 若不是本國 大王之請
不曾任麼說破 國王大臣 若向這裏信
得任麼 惑得 箇諸佛護念 諸天降福
國王長壽 文經武緯 翊贊王化 賢臣
宰輔 壽祿彌增 化及黎庶 比屋可封
千妖百怪 潛消暗燦 姦魂冤賊 閉影
潛形 乾坤更化 日月增明 山河益固
社稷重興 有時雨有時暘 百穀登萬民
樂 祥麟彩鳳 爭呈瑞應 若其然則前
朝聖賢之所云云 如言如言 信佛順天
則自然成其大國矣 向下言長 付囑拄
杖 重爲國王公主王后大臣將相內外
臣僚百官 明明說破去也 卓拄杖一下
拈起拄杖云 這箇杖子 既無情識 那
有是非 請國王大臣 善攝心聽 且莫
漏洩 又卓一下云 若涉擬疑 不成美
事 又卓一下云 至公無私 天所護念
又卓一下云 敬佛畏天 孰不安泰 又
卓一下云 反是爲則 有口難言 又卓
一下云 聖君如赫怒 雷同萬人心 又
卓一下 卓拄杖 謝詞 不說

復拈拄杖云 昔在小雪山中 無一法
與人說了 今寓舍那堂中 又無一法對
人說與 徒受國恩 無德小報 只任麼
忽忽忙忙 日與 閻神野鬼 魑魅魍魎
打交雜去 只聽介謀利資生 顛倒妄想
計較浮生 如是應對 不得小款 新非宿
業 使之然乎 卓拄杖一下云 這杜撰
自罵胡罵 又云太古命值王政之月十
有五 請赴王宮 高陞寶座 人天一
會 問道也好 問禪也好 理則然矣 事
則未在 是月也 寒氣已退 朝陽騰輝
是我大君 登于明堂 飛聰馳明 無遠
不察 發政施仁 賞善罰惡 是王者之
大政也 國家有事 則須憑佛法之力
乃鎮其僞 是以先須正其佛法中事 賞
其有道者 主於伽藍 領衆勤修 福利
邇家 此乃先王之行法 王政之始也
所以出家爲道者 不求名不求利 不要
住持 不謀衣食 不求人之恭敬讚歎
甘心守節 惡衣惡食 藏身巖谷 不圖
現身 是可名爲出家學道者之所爲也
只如今者 非但自求 依他勢求者 吾
末如之何也已矣 卓拄杖一下云 虎不
食斑 恐傷其類 又云白衣人中 亦有

忠於君者 於國懷才抱德 見棄於草莽
者 時愛國救世救民之心 太古
雖愚 亦不忍切初縷縷 以薦之於
上矣 實賢良而聞邪佞 則人誰不忠
人誰不孝 人誰無道 人誰不學 人誰
不修 三學也哉 然當此之時 有拔山之
力 蓋五之氣者 不妨出來 相與太古
角力爭雄 亡身爲國 樹立大功 則奚
啻封侯 如無是人 太古老僧 匹馬單
槍 親征邊塞去也 且道 去則不無作
麼生是樹立大功的一句 良久云 橫按
鐵錘 三正令 太平寰宇斬癡頑 卓拄
杖兩下

三角山重興禪寺再入院 至山門云 昔
日不出此門 今日不入此門 中間亦無
住處 大衆向什麼處 見太古老僧遊戲
處 卓拄杖一下 良久云 北嶺閑花紅
似錦 前溪流水綠如藍 又卓兩下
曦陽山鳳巖禪寺入院 至山門云 三世
諸佛 莫不皆從此門出入 且道 今日
山僧 出耶入耶 老僧出出入入 作麼
生是不出 不入的道理 卓拄杖三下

① 大王無有事。② 國三無有事。③ 庶在帝一
④ 同「作動」更。⑤ 事「作策」更。⑥ 詞「
作辭」更。⑦ 忽忽忙忙。⑧ 閻神。⑨ 閻神「
作閻神」更。⑩ 羨鄉「作莫邪」更。

迦智山寶林禪寺入院 至山門云 釋迦老子道 我此法門 遺囑國王大臣 是眞實語也 今日太古老僧 與一行衆等 始自曦陽山下 終^①至迦智門前^② 中間相去一千餘里 登途一十四日 步步南行 日日時時 路途無難 到了致箇圓通普門 八字打開 專賴王臣 護助恩力 召大衆云 到則到矣 如何進步 上報如是重恩 卓拄杖一下云 溪聲最親切 山色亦依稀 又卓兩下

佛殿云 趙州古佛道 佛之一字 吾不喜聞 太古即不然 不喜的^③ 也亦不喜 昔日我是你 今日你是我 便燒香禮拜 方丈云 豁凡^④ 毀聖 發天爐輔 且道 今日誰是當鋒者 咄

慈氏山瑩原禪寺入院 至山門云 盡大地是解脫門 衆等還見麼 若也不見 利雄爲衆開示去也 卓拄杖一下云 解脫門大開 衆等切莫擬疑 大家隨我來 便入門

方丈云 這裏好個一所空王之室 昔時名利雲容 如今清貧道人 居佛來祖來 都不相與 明眼衲僧 近傍不得 且道 誰是當陽坐斷 對佛揚化 對機接

物咄 是甚閑言

上堂 拈香罷 橫按拄杖云 白的的青 寥寥 赤條條空索索 過去諸佛已當如是住 現在諸佛今當如是住 未來諸佛亦當如是住 利雄伊麼舉唱 已是寐語 大衆 因甚立地瞌睡 卓拄杖三下 便下座

示衆

陞座 舉僧問趙州 狗子還有佛性也無 州云無 這箇無字 如一粒還丹相似 點鐵即成金 才舉箇無字 三世諸佛面目 掀翻出來 爾等諸人 還肯也無 若未肯信 於此大疑之下 放下身心 如墮萬仞崖下 時相似 無計較沒商量 如大死人相似 放捨如何若何之念 單單提箇無字 於十二時中 四威儀內 只與話頭爲命根 常常不^⑤ 昧 時時檢察 提撕話頭 帖在眼前 如鷄抱卵 使暖氣相續 如猫捕鼠 身心不動 目不暫捨 不覺身心 有之與無 心眼話頭 攝在一處 但伊麼惺惺歷歷 歷歷惺惺 密密叅詳 譬如嬰兒憶母 相似 如飢思食 如渴思水 休而不休 思復深思 豈是

故作底心也 若如此眞實用功 則便到省力處 此是得力處也 話頭自然純熟 打成一片 身心忽空 凝然不動 心無所之 這裏只是箇當人 當人若起他念 則決定被影子惑矣 千萬切忌絲毫異念 正好回看渠何面目 又趙州道無意作麼生 即此言下 打破無明 則如人飲水 冷暖自知 若透不得 則更着精彩 只要話頭 聯綿不斷 不論有疑無疑 有味無味 即此大疑之下 提撕話頭 單單不昧 捱來捱去 行也但伊麼坐也但伊麼 喫粥喫飯時 但伊麼 對人打話時 但伊麼 一切施爲動靜境上 皆悉如之 則無有不^⑥ 辨矣 爾等諸人 還知四恩深厚麼 還知四大醜身 念念衰朽麼 還知汝命 在呼吸麼 值遇佛祖出世麼 生來及聞無上宗乘麼 得聞此最上乘 生希有心麼 僧堂裏切忌雜話 看語錄麼 不離^⑦ 僧堂守節麼 行住坐臥之際 點檢話頭 十二時中 無有間斷 喫粥喫飯時 點檢麼 對人接話時 不味麼 顛沛造次時 有話頭麼 坐堂時

① 至在止處。② 中上至至處。③ 也無有也。④ 壞在壞處。⑤ 昧在寐處。⑥ 辨在辨處。⑦ 僧堂無有也。

不與隣^①單耳邊說話麼 時中不與人
閑言雜話 鼓扇是非麼 不見他過 不說
他非麼 時時着力進步麼 見聞覺知時
明明不昧 打成一片麼 若到好時 返
觀自己麼 自己面目 如何捉得 趙州麼
趙州道無意作麼生 此生續佛慧命麼
上中下座 互相恭敬麼 起坐便宜時 還
思地獄苦麼 此是衆禪人 日用中點
檢底道理 真實衆禪者 須如此學 隨
問程節 一一下語來看 下語不得處
不得放過

法語

玄陵請心要

國王命曰 爲我慈悲 垂法語流恩 某
敬心奉旨 略露其端云 太古這裏 本
無一法 何語之有哉 然不可^②母答 國
王重請 以非言爲語 直指心地而言
有一物 明明歷歷 無僞無私 寂然不
動 有大靈知 本無生死 亦無分別 亦
無名相 亦無言說 吞盡^③虛空 蓋盡天
地 蓋盡色聲 具大體用 言其體 則包
羅盡廣大而無外 收攝盡微細而無內
言其用 則過佛刹微塵數智慧神通三

昧辯才^④ 卽應卽顯 縱橫自在 有大神
變 雖大^⑤聖莫之能窮 此一物常在 人
人分上 舉足^⑥不足時 觸境遇緣 處端
端的 的的端端 頭頭上明 物物上
顯 一切施爲 寂然昭著者 方便呼爲
心 亦云道 亦云萬法之王 亦云佛 佛
言經行及坐臥 常在於其中 堯舜亦曰
允執厥中 無爲而天下大治 堯舜豈非
聖人乎 佛祖豈異人乎 只明得箇此心
故從上以來 佛佛祖祖 不立文字 不
立語言 但以心傳心 更無別法 若此
心外 別有一法 便是魔說 元非佛語
所以名此心者 非是凡夫妄生分別之
心 正是當人寂然不動底心也 如是自
心 不能自守 不覺妄動 忽忽然被境
風動 亂埋沒六塵之裏 數起數滅 妄造
無窮生死業苦 是以佛祖聖人^⑦承宿
願力 出現世間 以大悲故 直指人心 本
來是佛^⑧ 令其只悟心佛耳 毆下應觀
自佛 萬機之暇 正坐設上 一切善惡
都莫思量 身與心法 一時都放下 一
如金木佛相似 則生滅妄念盡滅 滅盡
的亦滅 闌爾之間 心地寂然不動 無
所依止 身心忽空 如倚太虛相似 這

裏只道明明歷歷 歷歷明明 現前此
時正好詳看 父母未生前本來面目 才
舉便悟 則如人飲水 冷暖自知 拈與
人不得 說與人不得 只是箇靈光 蓋
天蓋地 如上所言境界 自然顯現時 卽
不疑生死 不疑佛祖言句 卽與佛祖相
見了也 此是從上佛祖^⑨父子相傳之
妙 切須在意 慎^⑩毋忽焉 臨政新民之
際 亦只如是 亦以斯道 普警群機 勸
諸臣民 同樂太平 無爲之理 則諸佛龍
天 豈不歡喜 祐其邦國乎 國王公主
非但此生 多生以來 遇佛聖人 於此
最上宗乘中 深種般若之因 乘本願力
今爲國王公主 自然無爲而樂問斯義
如撥宿火相似 或辦大事 必無疑也
國人之有福智者 奉順國王之意 敬之
如佛 中心喜悅而現於色曰 我后是佛
心國王 佛心公主 讚揚無已 此人必
是昔與國王公主 同種善根而來 今又
長之者歟 其或聞見而生疑者 與不聞
見者 何足論之哉

①單「作」單「作」。②思「作」見「思」。③裏「作」
「教」思。④母「作」無「思」。⑤虛空「作」乾「思」
思。⑥卽應卽顯「作」卽顯卽應「思」。⑦聖「作」
一文主「思」。⑧不「作」下「思」。⑨承「作」乘「思」。
⑩今「作」今「思」。⑪父子相「作」不「思」。⑫母「作」
作「思」。⑬亦「作」時「思」。

答○方山居士 吳提學佳

山僧亦因業疾 不得入城相會 某雖在野外 眞吾無日不造閣下矣 閣下還肯麼 今日忽逢來書 已諸閣下尊體動止安穩 留心此事 以道用爲日用 某亦歡喜無已 書中來云 念念瞥起 看箇話頭 此功尤妙 古德云 不怕念起 唯恐覺遲 又云念起即覺覺之即無 又云念念攀緣一切境 心心永斷諸分別此語皆作家爲人之端也 又老龐云 但願空諸所有 且不實其所無 請閣下善分縑素 察其得失 以至究竟 幸甚 承書中請意至切 再下葛藤 念起念滅 謂之生死 當生死之際 須盡力提起話頭 話頭純一 則起滅即盡 起滅盡處 謂之寂 寂中無話頭 謂之無記 寂中不昧話頭 謂之靈知 即此空寂靈知 無壞無雜 如是用功 則不日成功 身心與話頭打成一片 無所依倚 心無所之 此時只是箇方山居士 若起他念 則決定被影子惑矣 這裏仔細看看 居士在那裏耶 趙州道無意作麼生 若捉敗則已不用安排 如人飲水 冷暖自知 千疑萬疑 一時透了也 若未透徹 則

千萬切忌如何之念 只要話頭聯綿不斷 切切提撕 於動靜語默一切施爲一如不昧 但恁麼惺惺歷歷 提箇話頭時時點檢者 一日之內間斷有幾度耶 若記知間斷 則更發勇猛之心 加功着力 使無間斷 若知一日一度也無間斷 則添些精彩 時時點檢 日日無間斷 若三日如法無間斷 動靜一如 語默一如 話頭常現在前 猶急流灘上月華相似 觸不散撥不去 蕩不失 寤寐一如 大悟時近矣 到此時節 切忌求人穿鑿 又不與閑人打話 但十二時中四威儀內 如愚若訥 放下身心 如同死人相似 內不放出 外不放入 這裏忘卻話頭則大錯 大疑未破已前 千萬不昧話頭 一如吾說 實到此田地 則豁然無明破 豁然大悟矣 悟後須見本色宗匠 決擇究竟 若不見宗師 則十箇五雙成魔 去也 至禱三禱

示無際居士 張海院使

僧問趙州 狗子還有佛性也無 州云無 這箇無字 不是有無之無 不是眞無之無 畢竟如何 即是 到這裏直得通身放

下一切不爲 不爲底也不爲 直到閑閑地 蕩蕩地 切無擬思 前念已滅 後念不起 當念即空 空亦不守 不守亦忘 忘亦不立 不立亦脫 脫亦不存 到恁麼時 只是箇惺惺寂寂底靈光 卓爾現前 切莫妄生知解 但舉話頭 十二時中四威儀內 單單不昧 切切參詳 如是參去 捱來捱去 逗到好時 宜細回詳看趙州道無意作麼生 猶老鼠入牛角相似 便見到斷利根者到此 豁然打破漆桶 捉敗趙州 不疑天下人舌頭 雖如是了悟 無智人前 切忌道着 須遇見本色宗師

示崔進士

公自問云 那箇是父母未生前本來面目 才舉起一聲 便了則已 不然則行住坐臥之際 十二時中 心心不昧 念念相續 如鷄犬雞 如猪狗鼠 相似便直下如此 不過三日 乃至七日之內 必有相應之分 此路正是先生 徑直發明

①方在旁一事大同。②閣下作閣下大同。
③不在此一。④請無有。⑤境在竟一。
⑥話頭無有。⑦起上宜念頭。
⑧若作看。⑨去也無有。⑩乃作
一。⑪。⑫。⑬。⑭。⑮。

之端也。論其方便，則公作念三是我
①四大色質，灼然父母所生底。不定某
時，必然散壞去也。那箇是父母未生前
本來面目？千萬參不昧，參不昧，如是無
間斷，則自然工夫純熟，身心清爽。如
秋天氣肅相似，到這裏利根者豁然大
悟，如人飲水，冷暖自知，但明明了了，
自肯而已矣。方信道照盡體無依，方
見本來人。

示思齊居士

既知無常迅速，生死事大，特來問道。
此真大丈夫之所爲乎？然怎麼知無常
生死的是阿誰？特來問道的，又是阿
誰？居士若向這裏諦當分明，則曰容
顏甚奇妙，光明照十方。我適曾供養
今復還親近，然於此四句中，切不可將
心意識停機佇思。若佇思則轉疏轉
遠矣。然則不如向活句上參究，不見僧
問趙州，狗子還有佛性也無？州云無。
這箇無字，不是有無之無，亦不是真無
之無，且道畢竟作麼生道理？若舉起
便知則已。若擬疑不破，則只向疑不
破處，但舉無字參看。四威儀內十二時

中常常不昧，但伊麼參看，若透徹
則即與趙州相見了也。於時直見本色
宗師咄。

示廉政堂與邦

僧問趙州，狗子還有佛性也無？州云無。
這箇無字，不是有無之無，亦不是真無
之無，畢竟什麼道理耶？既有此疑時，
切切參詳看，自然逗到百不知百不會。
這裏便是好處，利根者到此豁然大悟。
若大疑未破，則切忌如何若何之念，亦
莫生求悟之心，但向疑情上單提話頭，
切切參詳，於一切施爲動靜時，千萬
不昧。若一日二日乃至七日，如法參詳，
無間斷，夢中亦記得話頭，如是則大悟
時近矣。若破疑，如人飲水，冷暖自知，
拈與人不得，說與人不得，到此時節，
須遇見本色宗師，切不可向無智人前說
破，勉之勉之。太古因賢相請意勤勤，
不覺縷縷復爲詞曰：
趙州道無意，正好切參看。
參到百不會，便是露團團。
疑盡情忘處，趙州是何顏。
若也別生念，面前蜀道難。

示樂庵居士念佛路要

阿彌陀佛，梵語此云無量壽佛。佛者
亦梵語，此云覺，是人人箇箇之本性，有
大靈覺，本無生死，亘古今而靈明淨妙，
安樂自在，此豈不是無量壽佛也？故云
明此心之謂佛，說此心之謂教。佛說一
大藏教，指示人人自覺性之方便也。方
便雖多，以要言之，則唯心淨土，自性彌
陀，心淨則佛土淨，性現即佛，身現正
謂此耳。阿彌陀佛，淨妙法身，徧在一切
衆生心地，故云心佛及衆生，是三無差
別。亦云心即佛，佛即心，心外無佛，佛
外無心。若相公真實念佛，但直下念
自性彌陀，十二時中四威儀內，以阿彌
陀佛名字，帖在心頭眼前，心眼佛名
打成一片，心心相續，念念不昧，時或
密密返觀，念者是誰？久久成功，則忽爾
之間，心念斷絕，阿彌陀佛真體，卓爾
現前，當是時也，方信道舊來不動名
爲佛。

①四大「無有也」。②齊「作」齋「也」。③顏「作」
「顯」也。④若「佇思」無有也。⑤只向疑「不」破
處「無有也」。⑥伊「在」活句「次」問。⑦既「在」
「一即」也。⑧時「無有也」。⑨身「在」性「也」。

示白忠居士

佛言過十萬億佛土有世界名曰極樂其土有佛號阿彌陀今現在說法云云佛之此語中深密意忠信士還知麼阿彌陀佛名當在心頭常常不昧念念無間切切參思切切參思若思盡意窮則返觀念者是誰又觀能恁麼返觀者又是阿誰如是密密參詳密密參詳此心忽然斷絕即自性彌陀卓爾現前勉之勉之

示無能居士朴相公成亮

僧問趙州狗子還有佛性也無州云無只這箇無字不是有無之無亦不是真無之無且道畢竟什麼道理參詳去既疑情未破時但單單提個無行住坐臥時千萬不昧不昧參到百不知百不會忽然心無所之時莫怕落空這裏便是好處切忌如何若何若透得趙州關則如人飲水冷暖自知不疑天下人舌頭去在到此時節千萬無智人前莫說宜見本色宗師

示當禪人

古之出家之士一聞此事生大希有

發大勇猛直截而去誓不退轉故有慧命不絕心燈無窮佛祖門下不乏其人今之出家之流十箇五雙無不自有自劣之障人多懈怠於此事上高推聖境甘爲下劣又似不信形同朝露命速西光孜孜矻矻松松忙忙自好爲之者皆是三途業因也縱此七情而使其三業故造妄業難易也時刀山劍樹鑊湯洋銅受六交報苦苦最難汝既出家爭似今日是事具足十分便宜時發勇猛心立決定志放捨情念一刀兩段參究此事一念悟破則生死即絕更不疑天下人舌頭佛祖奈爾不得豈不是究竟無事安樂者哉

示眞禪人

汝既出家須立丈夫之志發勇猛心深信無常迅速生死事大行住坐臥一切時中單單不昧此事切切參詳如人墮在千尺井中千思萬想只是箇單單求出之心不日內必有相應分如是用功若未成辦佛法無靈驗矣昔日香巖聞竹聲而悟道靈雲見桃花而明

心如此則當人但十二時中四威儀間但伊麼惺惺歷歷不昧此事純一無雜動靜時但伊麼語默時但伊麼寤寐一如則聞聲見色豈無香巖靈雲參禪人須時時自責自點看自己功力與古人侔與不侔若有敗闕處則千萬自責更發丈夫之志時時念念一切善惡都莫思量正當伊麼時那箇是我父母未生前本來面目單單不昧切切參詳忽然心無所之或一片利根者到這裏打破無明向後須見本色宗師

示宜禪人

本師世尊語阿難曰汝雖復憶持三世如來十二部經不如一日修無漏學是四實語中眞赤心之語乎諸佛諸祖授受相傳的妙義不在文字語言之上然佛祖以大悲故對機不得已而乃以文字語言只這文字語言偏爲中下之機借其方便而直指心地然則大凡學人借其方便以爲實法不捨則豈

① 忠下宜信。② 信下宜居。③ 無下宜字。④ 時無有。⑤ 不昧無有。⑥ 參公。⑦ 參公。⑧ 參公。⑨ 參公。⑩ 參公。⑪ 參公。⑫ 參公。⑬ 參公。⑭ 參公。⑮ 參公。⑯ 參公。⑰ 參公。⑱ 參公。⑲ 參公。⑳ 參公。㉑ 參公。㉒ 參公。㉓ 參公。㉔ 參公。㉕ 參公。㉖ 參公。㉗ 參公。㉘ 參公。㉙ 參公。㉚ 參公。㉛ 參公。㉜ 參公。㉝ 參公。㉞ 參公。㉟ 參公。㊱ 參公。㊲ 參公。㊳ 參公。㊴ 參公。㊵ 參公。㊶ 參公。㊷ 參公。㊸ 參公。㊹ 參公。㊺ 參公。㊻ 參公。㊼ 參公。㊽ 參公。㊾ 參公。㊿ 參公。

不是大病 譬如窮子捨父逃逝 寄託旅亭 妄謂自家 則非但失家 那有到家之日 嗟夫惜哉 執指爲月者也 公今不然 定知佛祖語言 皆直指心地之方便 從前學解文字語言 便一刀兩段 宜參心地 一生須辦大事 可以斷生死 可以報四恩也 人之心地 至微至妙 不可以語言解 不可以思想得 不可以寂默通 但一切時中 單提此事 千萬不昧 千萬不昧 自然成一片了 到百不知百不會時 切忌如何 但惺惺歷一切施爲動靜語默時節 但能相續如一得力 則便有^①好時 無智人前 切忌道着 向後須遇見本色宗師 密密決擇 此是大丈夫之平生事業也

答湛堂淑長老

敬奉開天堂上司^①徒老禪翁問慰之書 其中云 以老病緣^②故 小有傷歎之志 求一轉語 以爲末後資糧 此語豈徒然哉 余亦歎之感矣 古今世間人人 到臘月三十日 謂言舊年已終 新歲到來 但伊麼互相慶賀 以當人情 禪翁既是箇中人 亦以箇中事 警其時流 而乃

發真實語也^③乎 禪翁豈不知自己靈明

巍巍堂堂 露裸裸赤洒洒沒可把者也 這箇豈有古今之異 新舊之別 本無

凡聖之見 何關生死之妄耶 古人喚

作無位真人 尚亦不中 如今喚作什麼

如人飲水 冷暖自知 請下笑一聲看 趙

州古佛 道箇無字 以開天下衲僧眼

迦智未知 開天堂中 有數衲子眼 即

今如何 其中有未開的^④ 余爲頌曰

放下萬事端 須度趙州關

奈到百不會 便是露團團

直截如斯去 須與破疑團

衲僧家中事 如是乃安閑

臘月三十日 亦可爲精^⑤養

對人相慰賀 何^⑥似自怡看

赤足踏冰雪 方知徹骨寒

師豈不預備 余亦助其間

示文禪人

吾既知非去名利 此生須報佛祖恩

若也今日三明日四 幾時了斷無明根

君今已發丈夫志 時復提起吹毛利

常持如是做將去 有甚^⑦麼外亂其理

直到路窮當鐵壁 緣慮^⑧忘念都永寂

功如透水皎月華 漸至寤寐一如城

塵將息而光將發 到此莫生悲悅憚

亦莫生知覺心 才生知覺失功力

但但提撕眼惺惺 反復看渠渠何形

忽然捉敗佛祖關 只消得箇一笑聲

向後宜尋參本色 決擇巴鼻今同條生

示紹禪人 佛說戒定慧 淨身口意^⑨界

身三口四意三業 一一莫作持淨戒

念念提起趙州無 一切時中不昧無

行住坐臥二便時 着衣喫飯常提無

如描描鼠鷄抱卵 千萬不昧但舉無

如是話頭不間斷 起疑參因甚道無

疑^⑩不破時心頭悶 正好單提這話頭

話頭聯綿正念成 參復參詳看話頭

疑與話頭成一片 動靜語默常提無

漸到寤寐一如時 只要話頭心不離

疑到清忘心絕處 金烏夜半徹天飛

於時莫生悲喜心 須參本色永決疑

① 猶下宜「打」字。② 了「下宜」也。③ 好「
宜」之「下」字。④ 猶「下」字。⑤ 欲「無」有也。
⑥ 千「無」有也。⑦ 猶「下」字。⑧ 凡「聖」
「下」字。⑨ 猶「下」字。⑩ 猶「下」字。⑪ 猶「
下」字。⑫ 猶「下」字。⑬ 猶「下」字。⑭ 猶「
下」字。⑮ 猶「下」字。⑯ 猶「下」字。⑰ 猶「
下」字。⑱ 猶「下」字。⑲ 猶「下」字。⑳ 猶「
下」字。㉑ 猶「下」字。㉒ 猶「下」字。㉓ 猶「
下」字。㉔ 猶「下」字。㉕ 猶「下」字。㉖ 猶「
下」字。㉗ 猶「下」字。㉘ 猶「下」字。㉙ 猶「
下」字。㉚ 猶「下」字。㉛ 猶「下」字。㉜ 猶「
下」字。㉝ 猶「下」字。㉞ 猶「下」字。㉟ 猶「
下」字。㊱ 猶「下」字。㊲ 猶「下」字。㊳ 猶「
下」字。㊴ 猶「下」字。㊵ 猶「下」字。㊶ 猶「
下」字。㊷ 猶「下」字。㊸ 猶「下」字。㊹ 猶「
下」字。㊺ 猶「下」字。㊻ 猶「下」字。㊼ 猶「
下」字。㊽ 猶「下」字。㊾ 猶「下」字。㊿ 猶「
下」字。

示可禪人

勸君須立丈夫志 此生了報大師恩
如今正法將欲墜 早續明燈度迷津
踏碎天下群邪網 切須要見明眼人
眼裏莫着黃金屑 心田頓拔煩惱根
苦海常泛般若艇 二利功業日日新
丈夫功業只如是 如是之義誓不容易

示祥禪人

汝初依吾落髮時 雙親感歎便垂泣
父母恩愛重如山 汝汝出家情何及
汝知如是父母恩 勤修精進如火急
汝求名利疎道行 便是無間黑業習
人生誰是久長生 可憐浮命在呼吸
是以於我本師尊 捨其王位出城邑
入山苦行示六年 蛛網於眉雀巢肩
蘆芽穿膝任從容 有甚毫毫利名顛
汝今依師學此行 雙親九族必生天
汝違師教 還作無髮俗
自累師親 同墮無間獄

示安山郡夫人妙幢

參禪須透祖師關 學道要窮心路斷
心路斷時全體現 如人飲水知冷暖
到此田地莫問人 須參本色呈機看

示乳禪人

汝既依吾斷髮根 此生須報四深恩
若非精進修行力 何以明心徹無極

示日本志性禪人

白日出扶桑 請君須見當
返觀明明了 脚下即是菩提場

示宜禪人

古今太智人 念念知幻身
知幻便離幻 當當現本真

警侍司

八十人生命 一場春夢間
汝曹衆此事 坐臥志如山

歌吟銘

太古庵歌

吾住此庵吾莫識 深深密密無蘊塞
函蓋乾坤沒向背 不住東西與南北
珠樓玉殿未爲對 少室風規亦不式
燦破八萬四千門 那邊雲外青山碧
山上白雲白又白 山中流泉滴又滴
誰人解看白雲容 晴雨有時如電擊
誰人解聽此泉聲 千回萬轉流不息
念未生時早是訛 更擬開口成狼藉
經霜經雨幾春秋 有甚閑事知今日
鹿也食細也食 任爾人人取次喫

雲門。樹餅趙州茶 何似庵中無味食

本來如此舊家風 誰敢與君論奇特

一毫端上太古庵 寬非寬兮窄非窄

重重刹土箇中藏 過量機路衝天直

三世如來都不會 歷代祖師出不得

愚愚訥訥主人公 倒行逆施無軌則

着卻青州破布衫 藤蘿影裏倚絕壁

眼前無法亦無人 且暮空對青山色

兀然無事謂此曲 西來音韻愈端的

徧界有誰同唱和 靈山少室謾相拍

誰將太古沒絃琴 應此今時無孔笛

君不見 太古庵中太古事

只這如今明歷歷 百千三昧在其中

利物應緣常寂寂 此菴非但老僧居

塵沙。佛祖同風格 決定說君莫疑

智亦難知識莫測 回光返照尚茫。茫

直下承當猶滯跡 進問如何還大錯

如如不動如頑石 放下着莫妄想

即是如來大圓覺 歷劫何曾出門戶

暫時落泊今時路 此菴本非太古名

乃因今日云太古 一中一切多中一

①鑒作「墮」。②拔作「發」。③與南作「南與」。④風作「清」。⑤青作「看」。⑥泉作「水」。⑦樹作「胡」。⑧佛祖作「如來」。⑨茫作「然」。

一不得中常了了 能其方亦其圓
隨流轉處悉幽玄 君若問我山中境
松風蕭瑟月滿川 道不修禪不奈
水沈燒盡爐無煙 但伊騰騰恁麼過
何用區區求其然 徹骨清兮徹骨貧
活計自有威音前 閑來浩唱太古歌
倒騎鐵牛遊人天 兒童觸目盡伎倆
曳轉不得徒勞眼皮穿
菴中醜拙只如許 可知何必更重宣
舞罷三臺歸去後 青山依舊對林泉
高麗南京重興 萬壽禪寺長老 諱
普愚號太古向曾爲此一段大事立
志去下苦硬工夫來見處透脫 絕意
路出思惟 非言像之所能拘 欲潛隱
遂結菴寺之三角山 以自號扁其菴
亦名太古 以道自適 放意於泉石間
述太古歌一章 丙戌春 出鄉至大都
不憚路途勞役 尋跡而來 丁亥七月
到余山石菴 寂寞相忘 道話半月 觀
其動靜 安詳 聽其言語諦實 將別
前出示向者所作太古歌 余乃清
窓展翫 老眼增明 誦其歌也 淳厚
味其句也 閑湛 眞得空劫已前消息
非今時尖新 堆釘者 而可方比則

太古之名不謬也 余久絕酬應 管
坡子忽焉踴躍 不覺書于紙尾 復爲
詞曰
先有此菴 方有世界 世界壞時
此菴不壞 菴中主人 無在不在
月照長空 風生萬籟
至正七年丁亥八月旦日 湖州霞霧
山居士 屋老衲 七十六歲書
雜華三昧歌
大力廣佛華嚴經 是誰言語無音聲
本師瞿曇老知識 所證境界重重明
汪洋乎 冲融乎 雄雄乎
落落圓音如雷霆 菩提場中開演日
海印定中無說說 聞之傳之者是誰
文殊普賢大人舌 文殊普賢二大士
從何道路聞此訣 深深入此三昧海
毗盧遮那藏身三昧
文殊普賢何甚愚 外揚家醜漏人知
哀哀乎 感感乎 末世人
尋行數墨徒勞神 聞之無限定中說
背之不聞如何因 此中消息何富貴
千花百草爭含春 後來看經大君子
菩提大路莫問津 休休乎何必巡南方
脚下即是菩提場 君看老胡默然處

不以言語能承當 深而深黑而黑
妙用徑沙也無極 吁嗟乎古今權小人
單單直指信不得 徒聞未證無智者
是即名爲如響似啞 見也見不及
聞也聞不及 如是等機爲之集之出
蒙山知識三昧業 燒香散花 惶惶靈利
禮佛誦經惺惺靈利 因此惺惺會作觀
即漸成就三昧理 三昧三昧明
遮那法體現 圓成 好也好也三昧多
好好也三昧 三昧三昧成
頓現華藏世界海 華藏世界重重無盡
我曾聞見今乃信 行也遊也踏也看
娑婆世界水水山山 華藏界中不動尊
上無父兮下無孫 陀陀乎燦燦乎
三七斤吞吐 三身無口痕
喫盡甘辛百草頭 常在岸上在中流
中流一葉舟子大 萬邦人物載無尋
寒山拾得大冤讎 造次弗離長相隨
①「川」作「天」②「歛」作「歌」③「罷」作
「改」④「北」古側行間有小題名如下「附石室
拱禪師書」⑤「萬壽」無有⑥「安詳」無有
⑦「清」作「晴」⑧「厚」作「淳」⑨「眞」
作「直」⑩「堆釘」作「錐釘」⑪「居」無有
⑫「屋」作「室」⑬「融」作「融」⑭「道」
作「途」⑮「惶惶」作「惺惺」⑯「圓」作
「象」

極親還來鬪海裏 打破舟子散真珠
魚龍蝦蟹得此寶 深深海底皆藏收
或行或臥或衣食 承此寶德不知羞
啊唧啊唧 如是如是
還恐今人作意求 此花不逐溪流出
爭識秦人桃源遊 愁人莫向愁人說
說向愁人愁復愁 我今親提無盡筆
供養十方無盡佛

山中自樂歌

不剪須不剪髮 好箇是頭羅刹
愁愁癡癡也似石頭 愚愚魯魯也如木樛
踏盡草鞋參祖師 惡聲虛說如機發
囉囉哩哩囉囉 獨唱此曲來休歌
大元天子聖中聖 賜居岩谷消日月
無人共我山中樂 吾獨憐吾踈轉拙
寧同水石長自樂 不與世人知此樂
但願聖壽萬萬歲 萬歲長爲萬歲樂
然後可以吾無憂 岳阿澗曲甘蕭索
岳隈小庵足庇身 也任白雲相依托
君不見 太古老僧歌一曲
曲中還有無窮樂 自樂自歌何所爲
樂天知命無爲樂 胡爲自歌還自樂
吾亦不知何樂 樂中有意君知否

人雖日用難摸着 淵明中酒弄無絃
普化入市搖鈴鐸 布帛閑僧大無事
紅塵酒肆熏糟粕

古來聖賢之樂只如此

空留虛名聲韻何寂寞

知之好者尙難得 況其樂之行之作

君看太古此中樂 頭陀醉舞

狂風生萬壑 自樂不知時序遷

但看岳花開又落

白雲菴歌

逍遙山上多白雲 長伴逍遙山上月
有時清風多好事 來報他山更奇絕
白雲無心徧大虛 其如烘爐一點雪
行雨四方無彼此 是處是物皆欣悅
剎那歸來此山裏 山光着色水鳴咽
古菴依倚非霧間 連雲畏道蒼苔滑
左傾右傾住復行 誰其侍者唯榔栗
路窮菴門向東開 主賓同會無言說
山默默水潺潺 石女喧嘩木人咄
汲汲西來碧眼胡 漏洩此意埋佛日
傳至曹溪盧老手 又道本來無一物
可笑古今天下人 不惜眉毛行棒喝
我今將何爲今人 春秋多夏好時節
熱向溪邊寒向火 閑載白雲夜半結

困來閑臥白雲樓 松風蕭蕭聲浙浙
請君來此保餘年 飢有蔬兮渴有泉

雲山吟

山上白雲白 山中流水流

此間我欲住 白雲爲我開山區

①白雲話盡心中事 有時行雨難久留

又被清風便 行盡三千歷四洲

我亦隨君取清風 江山處處相追遊

追遊爲何事 堪與白鷗戲波頭

卻來共坐松下月 松聲動徹歌

此心共誰話 恒沙佛祖盡悠悠

懶臥白雲裏 青山笑我大無憂

我即笑而答 汝山不識吾來由

平生睡不足 愛此水石爲衿裯

青山爲笑我 何不早歸來吾儔

君若愛青山 藤蘿影裏大休休

我從青山語 放身大臥青山樓

有時夢有時覺 夢覺元無拘

夢裏卻尋來時路 長安酒肆騎木牛

木牛化作春風意 綻花開柳如琳球

①剪作「翦」次同。②須作「鬚」。③如作「似」。④歌作「歌」。⑤曲作「谷」。⑥俗作「袋」。⑦熏糟粕作「重糟粕」。⑧檣標作「榔栗」。⑨主賓作「賓主」。⑩「夜」作「衣」。⑪白上有「白」。⑫馭作「馭」。⑬爲作「亦」。⑭牛作「花」。

桃花紅似火 柳絮白如毳

中有李花白又白 無言引得幽言求
珍禽啼●破利那夢 睡味猶甘身不動

余禪銘

日月似電光 光陰良可惜
生死在呼吸 難以保朝夕
行住坐臥間 寸景莫虛擲
勇猛加勇猛 如我本師釋
精進復精進 心地等惺寂
深信佛祖意 須要●辦端的
心即天真佛 何勞向外覓
放下萬事看 路窮如鐵壁
妄念都滅盡 盡處還抹卻
身心如托空 寂然光達赫
本來面目誰 纔舉箭沒石
疑團百雜碎 一物蓋天碧
莫與無智說 亦莫生悅懌
須訪見宗師 呈機復請益
然後名繼祖 家風不偏僻
困來展脚眠 飢來信口喫
人問是何宗 棒喝如雨滴
太古和尚語錄上終

①破「作」中。②辦「作」辨「中」。

太古和尚語錄下

偈頌

古鼎 龍泉溫長老號

侍者 雪西編

威音那畔●劫空前 有箇一物硬如鐵
張大口默無語 跨三祇行已輟
通身放下火坑中 肚裏珍流香滿室
無心轉脚冷湫湫 倒腹傾●腸吐禪悅
衲僧於此飽●飽 瞿曇兒孫今不絕
節菴 霞●霧侍者

霞山之阿老此君 不知霜雪經霜雪
月來也從他影 風來也任蕭瑟
蕭瑟聲最親切 聽得好莫漏洩
清虛影裏須抹過 薦取中間無一物
放下着莫存知 眼裏那着黃金屑
亦不存知不知 方得見好時節
折卻德山棒 粉碎臨濟喝
到處逢人不被瞞 然後可以對風月
有風無月無好明 有月無風無好說
有好風有好月 儂家法戲無斷絕

鐵牛

癸卯春宗西堂訪余于迦智山結夏

觀其動靜 微密安詳 宛●有受道之
資 至秋告別 仍求號 以鐵牛稱之
所以然者 先解制問衆日用工夫 西
堂云 昔日以佛聲佛色爲解 自到會
中得●蒙本分示誨 如上伎倆都盡
但冷地上糸看趙州無字 如蚊子上
鐵牛相似故 用其語而爲號 因作偈
以贈之 茲於鐵牛上 痛鞭出汗 則
便與趙州相見了也 勉旃

只麼癡頑不顧後 無知豈怕獅子吼 不
眠而眠長臥天地間 大千沙界無去住
幾度春風幾度秋 一如如體無今古 劫
火洞然不燒伊 頭角依稀芳草雨 君不
見 癡癡兀兀此牛行 舉世無人拘牽去
可憐牧牛子 放卻繩頭兮 末如之何已
久 吾今勸進牧牛子 進步驀騎鞭徹髓
痛徹髓出汗血 嘉州大像來乞救 救不
得沒奈何 寒山拊掌笑呵呵 於斯須訪
見宗師 決了巴鼻●兮 閑唱太平歌

慧菴 松廣聰長老

長風吹幽松 涼月照虛碧 無遮欄沒門
戶 青寥寥白的的 中間空索索 外境

①編者名補入。②劫「作」却「也」。③賜作
「場」。④「體」作「體」。⑤「下」有「山」字。
⑥有「在」字。⑦「蒙」作「蒙」。⑧「兮」作
「一」字。

亦如如 普眼當時無覓處 白雲堆裏一
茆^① 蘆 芳草落花春日雨 鷓鴣聲送竹
蕭疎 南詢遊子竟何往 塵塵盡是此人
居 重重無盡華藏世界^② 海 都蘆只在
此菴內 箇中微妙義 本不容知解 主
中主只如斯 長年不出菴門外 洒洒然
無偽無私 落浩然自由自在 蕩盡纖毫
凡聖見 百不知百不會 啊呵呵是什
麼 菴^③ 前松柏歲寒終不改

●月潭

大空寂間圓明獨露 影落深潭之泓泓
光分萬波之浩浩 妙明明兮 能容萬像
而一無遺失 妙湛湛兮 能納百川而常
不盈溢 徹大千而輝輝有餘 漂八紘而
滔滔無汎 月映潭兮非異 潭映月兮非
一 非異非一兮即心 無異無一兮即佛
啊呵呵是何言 大月元來三十日 永夜
清霄松風颺颺 斯乃月潭無碍之神域
奚啻夜夜中秋之一色

九峯

世界中有列九山 別有天地非人間 天
三三地三三三三如九九非三 三即九
九即一 頭頭物物非三一 咄咄咄啊呵
呵 九九元來八十一 君不見 少林山

中一老胡 九年默默垂眉毛 白雪滿庭
無事境 有人久立忘其勞 又不見一
千五百雪峯公 三上投子九到洞山成
其功 公今皮下豈無血 可忍騰騰消白
日 清霜九月九 山裏聊與三三遊 何
以勸君且莫登九天 亦莫閑遊九州地
行住坐臥了真空 不動一步上九峯
北峰巍巍壓天地 只有白雲來相從
任他白雲空去來 綠蘿松月引清風
閑餘徐步別峯去 垂手何妨指兒童

癸卯秋 偶遊月南精舍 作此偈

示堂頭古樗英長老 警其日用
偶然相會清時節 共臥青山碧溪月
難得良辰可虛過 碧琅玕裏水鳴咽
碧琅玕鳴咽水 縱有千金難買取
請君虛心聽我言
春風秋月豈待公之班鬢駐

哲峯

智不及慧莫窮 撐天地出有空
獨立那邊殘照外 善財徒勞問別峯
萬古白雲飛不到 一朝紅日漏先通
幾經劫火只如此 千古巍巍振祖風

●東谷

四時之始萬化之幾 斗既轉扶桑晞天

將曉白日輝 中虛妙遠 上徹玄微可
憐今古松溪釣魚人 終日垂綸坐溪濱
但見落花隨水去 不知此地長留春

中菴壽允

日本允禪人 以其號求頌 余時年七
十六 目暗放筆久矣 其請勤勤強
下老筆云

千重碧山裏 萬丈蒼崖邊

回溪流泉細鳴咽 深林雜樹空芊綿

中有小菴若無有 朝晡但見祝君煙

花落花開鳥不到 白雲時復訪門前

誰識主人日用事 長年不夢塵間緣

寂滅境中伴寂滅 綠蘿松上清風月

息牧叟

去年牧牛坡上坐 溪邊芳草雨霏霏 今
年放牛坡上臥 緣陽陰下暑氣微 牛老
不知東西牧 放下繩頭閑唱無生歌 一
曲回首遠山夕陽紅 春盡山中處處落
花風

雪梅軒

臘雪滿空來 寒梅花正開 片片片片

① 蘆一作屋 ② 海無有 ③ 啊作呵
④ 前作外 ⑤ 月潭：警駐四百十
九字無有 ⑥ 峯下有「廣明公長老」
⑦ 巍巍作「鬼鬼」 ⑧ 東谷：間斷（六九一
頁上段十九行）「無有」

片散入梅花真不辨 倚欄終日看不足
命使畫工親筆硯 移數枝於屏風上 六
月火雲間 令人神氣爽

雪崖

雪山中有雪崖 上有白雪堆成峯 下有
青青香草嫩 名肥膩兮經三冬 叢叢葉
葉美如玉 色味異中還有同 中有白牛
白細毛如雪白 白牛之白非白白 非
白白中別有白 勸君騎此牛 一笛任情
吹 草有香水有味 優遊雪山裏 此山
中樂非樂樂 好與知音同其樂 勸君且
莫虛送青春遊 切須親近宗師兮 時時
扣問經鉗鎚 宗師與汝本分草 然後可
以隨緣任去留

古松

開天品長老求號 以古松稱之 後奉
御畫古松 月菴請讚

揮御筆移小室 萬古長空 一片涼月
品松鬱鬱兮 幽聲最親切 最親切誰解
聽 祝君香火僧心絕 僧心絕 聖君千
年萬年壽 三十六國同途轍

無說

演西堂 以自號無說二字 敬奉御筆
求讚

點畫如星列 龍蛇爭屈折
又是天中露 垂珠滴秋月
將來貯玉盤 珍玩無時節
禪師道不群 才藻多奇絕
聲名滿天下 言行雙如一
儒釋慕玄風 塵緣盡灰滅
嘿嘿待來機 安然自怡悅
就中親密意 無以可宣說

慎齋

慎之義 指何而言耶 必由君子謹篤
言行之謂歟 慎言則言滿天下而寡
尤 慎行則行滿天下而寡悔 是以君
子 慎其言行 則何獨寡心寡悔而
已 一言一行 無非天下國家萬歲之
大經大法也 今安相公 以其號慎齋
需語 太古不得已而爲詞曰

天下國家古今之日 行世之寶斯爲第
一地輪福而臻臻 天降恩而密密 日
日祥麟現門庭 時時儀鳳會飛鳴 芳草
三春雨 丹楓九月霜 虛心觀物變 無
事但平常

理菴

理也者 天下國家之大經也 聖人以
之而安天下之人物 人物亦化其德

而或歸于本然之善 此其淳風 吹徧
天下 草無不偃者也 今知申事相國
興邦 求號以理菴稱之 仍說偈證之
惟相國明鑑有何則宜動魚來

識莫測智不到 包盡乾坤貫古今 天
然先天成 四面沒門戶 崖崩澗絕夕陽
紅 花落花開發 主中主長年絕往
還 寧心寂聽松風吼 白雲莫擬問行藏
此菴本來窮理路

漁隱

古之通人達士 或隱漁 或隱樵 而
觀風待時 現於朝 發一言 則天下
歸風而自化 若雲之從龍 如水之朝
海 夫焉有一物 不蒙其利哉 若渭
渭之太公者是也 理菴賢相 稱別號
爲漁隱 意在其中焉 詞曰

長江明鏡裏 也任平生志
世上無窮事 釣竿一揮置
萬里孤舟一片月 數聲長笛白鷗飛
三皇五帝今何在 千古興亡只自知
旦待黃河清淺日 風雲會有太平時

碧雲

東齋楊公 號碧雲 字自然 今承王
命 特來訪吾於聖輪山中 以其字號
求語 其請意勤勤 太古不得已而下

筆云

世間誰似碧雲閑 長與清虛對月寒
四海爲家無一事 平生行止大無端
萬里平野 處處青山 逍遙自在
或訪僧居泉石間

東齋

萬化從茲起 元亨利貞始 一陽之德偏
天下 人物能安自然理 元元澹然 浩
浩其利 芳草落花春日雨 與君對酌如
何以

壽菴

已成空劫前 風雨轉逾堅
主中主頤似玉 祝君朝暮一爐煙
幾經岳花開又落 溪聲嗚咽洗塵緣

對松

松者 草木之君子也 愛此者 人之
君子也 內侍李搏 奉命來此小雪山
中求號 以對松稱之 仍說偈證之三
重重山水 落落雲松

於斯相對有君子 姓李名搏隴西公
幽聲帶月耳邊響 徹骨清寒破昏蒙
有時白雲來相報 時清可以乘蒼龍

明谷

霧卷三秋 雲收萬里 日懸三兮常不移

月挂右兮長照裏 恢恢晃晃焉通於古
今 杳杳冥冥然齊其終始 可以結茹於
斯 任平生之行止 百年三萬六千日
日益日兮參此理

無顯 景文

靈明一物蓋天地 內外推尋沒巴鼻
思盡意窮不奈何 知君不肯拈花示
啊呵呵是什麼 火急參詳白日 母虛棄
無範

脫落無巴鼻 縱橫絕規矩

芳草落花煙雨裏 碧雲寒竹臥茆廬
有人來問西來意 向道三三無九餘

竹菴

中無一物本來清 舉世無人鏡戶庭
鳳嘯龍吟破禪寂 一竿明月滿江城

返源

幾年流落江淮泗 今日迴舟返本源
微笑相逢賓主意 只伊怡悅斷形言
斷形言絕忌諱 澄澄湛湛無一味

自天

雖然立地行 本有衝天志
人看萬化異還同 千聖莫窮異中異

此門

面前一路指當陽 作意馳求轉杳茫
徹去無心都放下 始解如如體無妨

斑菴

靈明淨徹沒門戶 遊子徒尋馳日暮
若到別峰參德雲 依前未踏無中路

道菴

至寂堅牢打不開 白雲堆裏似依稀
今人若欲傳家業 須到維摩丈室歸

鐵門

高不仰攀近不剗 雲飛雨散鏤青苔
頓忘思議亦無得 乃信從來八字開

隱溪

雲重谷裏經塵累 日夜潺湲如有爲
莫學巢由臨流徒洗耳 兀然忘卻君臣之大義

中理

隨時動靜在其中 等利群生萬化同
撒手那邊千聖外 這般大事紹家風

伴雲

善和於上亦和下 舒卷行藏閑且雅
大布無邊細無間 青山重疊萬里平野

化元

物物全真本無一 歸源無得亦無失
摩訶般若法王尊 即此今時化身佛

了菴

境了人空鳥亦稀 落花寂寂委青苔
老僧無事對松月 卻笑白雲時往來

紹巖

◎ 卷下 第一

通身是箇鐵心肝 長伴孤松月傍寒
產得靈芝春日雨 百花堆裏倚雲端

顯慶

當陽形質靜而安 久默斯懷徹見難
劫火洞然毫末盡 宛然依舊白雲間

無厲

獅子吼無畏說 天魔拱手盡摧折
棒頭喝下散春風 紅白花開知好節

雲石

五陰浮雲間 兀兀癡頑靜且安
幾經花月好時節 心死久矣無心看

石菴

天成自然固 豈怕經風雨
來往白雲知幾日 至今不識菴中主

何說

一切諸法絕名相 溪聲山色最親切
最親切是什麼 只可自怡吾何說

小峯

高出須彌高 深於大海深
劫火洞然燒不得 青青依舊白雲陰

斯道

靈山會上曾親囑 今日依然對茆屋
若將心意擬思量 即使心頭轉煩贖

過雲

平生行止大無端 是處無求是處安
行滿天下沒蹤跡 今日依然臥碧山

即空

虛而靈空而妙 無知覺明還了了
雖於諸法絕待對 應機現無量三昧海

斷庵

路隔青山斷世緣 亦無佛祖到門前
含花百鳥絕來往 但祝明君一炷煙

無畏

劫火不燒伊 毗藍也難動
兀然無事對青山 眼高四海天魔拱

隱溪

耳莫洗穎川水 口莫食首陽蕨
世間是非都不管 日與清流掃明月

石菴

藍風吹不動 劫火洞逾堅
無爲真人住無住 白雲徒自訪門前

隱峰

百億須彌在其中 白雲圍繞幾千重
那邊殘照微茫外 卻立巍巍振古風

何住

二邊俱不住 中道亦何安
水水山山任舒卷 笑他波上白鷗閑

南谷

童子行尋千載後 寥寥寂寂但清虛
老僧無事臥雲裏 白日青山對結廬

無智

獨坐長如癡兀人 寒巖枯木遇青春

紅塵紫陌奔馳絕 一向雲山隱此身

雲山

白雲雲裏青山重 青山山中白雲多
日與雲山長作伴 安身無處不爲家

無奈

心境俱忘是何物 蘆花雪色一非一
那邊途路妙難窮 踏盡千江無影月

妙峯

崔嵬微妙色非色 雲外形容杳無極
秀光高壓四天下 大地人人尋不得

無着

恁麼行也本無求 不恁麼行亦自由
東西南北圓通路 日日騰騰任去留

無文

一物盡色聲 無形亦絕名
從茲興萬有 物化若神靈

石牛義如

五丁牽不動 六國覓無因
行盡千江月 閑眠雪嶺春

無證

了證猶光影 了悟尙微茫
蕩盡玄玄妙 徹骨是清涼

鄔山

崑崙鎮周境 峴峴臨漢畿

寄語長亭客 須當火急歸

空溪

百萬人蹤絕 三祇客路窮
落花浮碧淥 白日徹西東

石溪

一流一不流 有嘿有非嘿
鳴咽乃歸何 憶長天一色

中海

十方從此位 萬法會斯宗
百億重溟水 能藏一芥中

海雲

茫茫碧海上 片片白雲行
中有白鷗樂 與君任此生

雲澗

白日雲爲伴 清宵水作隣
無窮世外樂 共樂有誰人

空道

是空非空空 此道非道道
寂滅滅盡處 圓明常了了

一門

徧界唯一門 汝何不入來
參透趙州無 方始鑠自開

一溪

貫之千古流 淘盡二邊影

可笑晉黃公 重尋不得領

無定

二邊俱不住 三際絕因緣
若信這箇物 寶襟蓋碧天

證庵

十方無壁落 四面亦無門
佛祖行不到 閑眠臥白雲

石溪

轉石聲鳴咽 無偏廣長舌
雖然平等化 不爲聾者說

空谷

恢恢蓋天地 密密涵清虛
祖佛尋不到 可以結茆廬

連海

浩浩洪波上 舟子笛聲長
一聽情塵破 白鷗舞飛揚

此溪

不流遮邊月 注過那邊雲
千古藪深碧 落花謾紛紛

友山

直指還客路 恩高妙高峯
碎身何足報 今古絕攀蹤

寂照

本來如不動 今日轉還明

大千俱滅盡 此物鎮長靈

中寂

佛眼尚猶迷 凡情那得度
前三復後三 一一明難的

妙峯

巍巍壓大千 兀兀透中宵
遠近山皆仰 往來雲自飄

楚山

山中有美玉 作意求難覓
尋到路窮處 方知天下壁

清澗

出自青山谷 流流朝碧海
潺湲聲最切 近聽人誰解

中月

不住東西境 十分清光徹
獨露萬像中 圓明常不滅

非寶

金壁雖滿堂 元非救吾珍
生生隨役寶 參禪一念真

古林

無枝無葉樹 春風動其根
非青非白色 花發又無痕

天山

蓋盡須彌頂 衝開碧落心

八風吹不動 劫火竟難侵

平時

一揮平天下 萬國來相賀

壁上三韓功 兒童唱哩羅

忠謹

清節蓋三韓 功名垂萬代

時時敬事君 造次心不改

樂庵

山中一茆屋 夢裏千鍾祿

念佛以成功 當生極樂國

無能

此事本無生 隨緣處處明

信了如斯旨 歸家罷問裡

子庭栢禪人求頌

納僧禪十分明 千古森森栢在庭

可笑當時福城子 南遊巡問百餘城

璘禪人求頌

圓明一顆白玉 到處光燦爛

動用翻興無價珍 知君利物無間斷

寄日本石翁長老

吾以恁麼寄 師亦恁麼通

吾誠無得失 師豈有^①無功

海東山^②嶽秀 扶桑一點紅

可憐立雪子 幾乎喪家風

寄無極和尚 江南人

西來一曲沒人知 雖有伯牙無子期

獨坐寥寥向深夜 透簾殘月徹禪衣

寄朱勒圭長老

青春添白髮 白日欺紅顏

且問浮生事 能得幾時安

答金承制二首希祖

如來清淨身 舊日輪迴人

又是孔夫子 蒼皇或在陳

何者可以効 莫若求心真

慎勿從他覓 埋沒自家珍

六門長出入 元是主人翁

枉作途中客 時時遇八風

未若參此事 來遊雪山中

問從何處去 是物乃圓通

答廉政堂 與邦

非春是處是花開 也任浮雲空去來

立處如如如不變 軒轅何必上瑤臺

答李提學 邦直

煩惱所知俱是障 都忘知解不隨他

二愚永斷纖毫去 了證無餘入佛家

送達^③摩悉歸^④竺乾國

西天眞佛子 身與白雲閑

寄語山山水 須開青眼看

送日本雄禪人遊江南

日本松風爽 新羅月色多

若遇南方三伏節 爲人和唱武陵^⑤詞

送覺南參學遊方

覺爲佛 南是明

秋日非多日 人生有限生

閑遊且莫虛消日 急急參禪繼祖行

送珣禪人之江南

海東千古月 江南萬里天

清光無彼此 莫認諸方禪

送思禪和之江南

將此新羅語 閑時莫費情

南方火雲裏 說與寒松聲

送寧宏二禪師歸山

君不見 悉達多之碧山行

警汝呼吸棄人生 勸君深心參妙話

難得良晨可虛過 無量劫來無此日

丈夫心志只恁麼

送慧禪和雲遊

遊江海不動步 涉山川莫虛行 衲僧家

本分事 尋師訪道不負生 不負生 早

遇明師決擇巴鼻兮 打破無明冥 截斷

^①無在爲「更」。^②嶽作「岳」。^③摩作

「磨」(重次同)。^④竺乾作「乾竺」(重)。^⑤詞作

天下人舌頭去 然後可以安心情 歸來
到吾門下日 不妨呈似波羅密

南遊偶吟

爲法行天下 經冬復歷秋 暮雨青燈寺
涼風白鷺洲 孤身三歲客 萬里一扁舟
誰識海東僧 來作江南遊

辭石屋和尚

弟子普愚 久嚮道風 不遠千萬里
尋此霞霧山頂 果參函丈 若窮子逢
其父然 於是侍留半月 決擇心要

飽受法乳 如斯大恩 雖碎身 實難
爲報 今於辭也 豈無情義哉 謹頌德
兼發志願 作偈獻之 以表寸誠云

吾觀本師大圓鏡 亦觀弟子平等性
同是一體徧十方 廓然瑩徹了無影

無生無佛絕能所 靈通皎潔常寂照

萬像森羅現其中 吾師水月形亦露

亦有弟子空華身 淨穢苦樂皆現了

今以吾師大和尚 大圓鏡中弟子某

歸命禮弟子鏡中 本師和尚古佛老

發誠願語 異加被 世世生生亦如是

師爲華藏世界主 我爲長子助其利

或住兜率演法時 我爲天主常衛侍

或坐菩提樹下時 我爲國王行法施

如我今日本誓願 種種莊嚴悉圓備
供養十方無盡佛 大乘菩薩及一切
普與法界諸佛子 同證如來常寂理
滅除煩惱無餘垢 一切妙行皆成就
當來佛佛會會中 互爲賓主須相遇
師爲主我爲伴 師爲伴我爲主
盡未來際作佛事 度盡衆生歸去後
同遊無上大涅槃 一如今日遊霞霧
吾雖幻質分彼此 此心終不離左右

辭王師

出家何所爲 永斷世緣務 我今辭王師
且問何處去 我本山中人 宜入山中住
不愛碧山行 不厭紅塵走 但爲適性情
修德報明主 世間榮辱事 看來如沫聚
我若久留連 聲名多錯誤 不如忘是非
林壑藏毛羽 誰憐吾拙直 林泉有幽趣
聖君如護我 賜放青山老 山中何所有
蒼蒼但烟霧 於斯修道業 於國垂法雨
專心祝聖壽 朝暮香一炷

讀跋

釋迦住山相

讚也你無德 毀也你無過
割愛忘親不孝甚 六年冷坐飢寒餓咄

釋迦出山相

人言是釋迦 又道悉達陀 莫莫莫休說
夢 渠非眼中花 巍巍落落兮赤洒洒
密密恢恢兮淨裸裸 春風爛熳水悠悠
獨步乾坤誰伴我 若也山中逢子期
豈將黃葉下山下 咄

德高無上讚不及 慈深無量毀不得

經無量劫勤修微妙行 以恒河沙等恒

河沙不測 乃至如今出家入雪山 親姻

慟哭爛心肝 爛心肝痛徹骨 豈知真

慈救世間 休休休莫憐憐 非夢說夢似

夢非夢 只這牟尼佛 寂然無爲常不動

赤洒洒露裸裸的 了了沒可把 活釋

迦是何聲 夕陽沙鷗自呼名

文殊

提起吹毛利 家風妙奇絕

逍遙千聖外 月映蘆花雪

魚藍觀音

幻化空身三轉新 只宜着眼不容親

金沙灘畔春風後 狼藉深紅愁殺人

愁殺人莫滿肝 缺齒重來誰愛看 咦

①千無有也。②靈作虛也。③像作象也。
④和尚無有也。⑤異作冀也。⑥逢作遇也。
⑦無量作又重也。⑧動作痛也。⑨銀裸作裸裸也。⑩藍作藍也。

誰不識你醜多般

達*摩 玄陵請

拶破虛空儼然獨出 坐斷毗盧頂上兮
眼前無法亦無佛 無佛無法兮 天高地
平 非心非物兮 水綠山青 且將此曲
渡海來 對梁王兮彈一聲 一聲復一聲
幽澗愀兮流泉鳴 勸君側耳莫餘心
暗恐傍人作意會得聽 咄 相識滿天下
知心有幾人

航海西來十萬里 只爲將傳一事耳
對於梁王調不同 如秋滿月處處空
一葦渡江向魏時 清風護送平波中
堪恨江邊釣翁老 當時見伊不推倒
若也推倒無去來 後免神光斷臂苦
十萬里來何所爲 人人盡有一雙眉
獨攜隻履還西去 空使雲孫說是非
非不非是不是 重陽黃菊倚東籬
你不來也天下平 你還去也海河清
熊耳白雲藏不得 千古萬古傳虛名
九年冷坐默無語 多少人疑不奈何
立雪有人傳密意 春風無處不開花
碧眼師未來前 人人鼻孔撩天
攜隻履還西去 箇箇眉目雙全
恁麼去來爲甚事 冷地看來一笑緣

神頭鬼面 冒唇齒豁 咄

獨坐少林含毒氣 隻履西歸真快活

西來的的意 正好默無陳
怒且嗔何事 佛是眼前塵

乘蘆達*摩

巍巍乎沒巴鼻 蕩蕩乎無與敵 智不到
處安用問 如何至今無奈 你云不識
不識箇什麼物 梁王不肯這裏黑 這裏
黑兮 妙用恒沙也無極 黃蘗蕭蕭起清
風 平波白浪連天千古色 闔國人追喚
不廻 誰道觀音再出來 咄

對梁王道不識 好箇西來曲調

舉世人和不得 青蘆故泛清波路

布*帛

非僧非俗大閑人 青山紫陌自由身

有時橫行酒肆裏 春風滿面忘天真 嘆

紅顏慘別後 白髮始相親

藥王

藥王藥王開大悲局 不忘前誓救衆生

若未救我業病苦 何云菩薩大悲行

五祖童形

昔日栽松老道者 再來端妙換童眞

無姓童時逢道信 問去客來驚四鄰

祖師深知其法器 便付衣鉢化如春

後遇寶方蓋行 燈燈續燭至今新

十祖

無端聽經 換卻眼睛

尊重三教 不憚路程

謁彼寶海慈航老 桃紅李白柳青青

可憐直石頑確石 豈有毫毫可勞疾

米熟人食 日夜入室

親傳法衣 命苦懸絲

因茲將渡西江月 誰識當時受別離

聖漢 玄陵請

這鬼頭漢 有些神力 奇異貌稜稜 聖

凡也難測 昔日天台烟雨裏 相看面

目今不識 不識箇什麼物 半文錢也不

直 啊呵呵 汝與吾誠實人 同心祝聖

萬年春

自讀 張海院使請

海東身竺西骨 壯裏黑眼似漆

且撚一隻蓬蒿箭 橫行天下意不展

忽然撞着霞峰老 十分惡毒 遇愈露

莫將些氣賣西東 歸去來兮舊山中

不與世人爭是非 長年無事聽松風

①餘作「與」。②且作「目」。③你作「何」。

④俗作「袋」。⑤苦作「故」。⑥裁作「裁」。

⑦「日」無有。⑧看作「對」。⑨「啊」作「阿」。

燕都永寧禪寺開堂日徒弟等請
惟茲天下生此太古 如芥中藏百億刹
土咄 這村僧是什箇莽 受聖旨兮誤
揚家醜 呵佛祖兮故作業苦 *啊呵呵
從今且莫如此行 直入青山伴猿虎

玄陵勅刊百丈清規跋

佛佛祖祖 授受相傳之妙 不在乎繩墨
然人無禮義 則不得整其心行 是以從
上諸聖 莫不兼行 而垂訓於無窮者矣
今聖君矜信於斯 命使流通 豈非夙
植般若光 明 而行普賢大願行也哉
大家遇斯聖化 可不自慶而修之歟

重刊緇門警訓序

盡大地人 誰無佛性 誰無信心 然不
遇聖教 則不發無上菩提之心 長沉苦
海 頭出頭沒 虛生浪死 實可憫也 是
以佛祖聖賢 作不請友行 無緣慈 爲
說種種方便 教化調伏 令其三淨信心
成就 無上佛果菩提 佛果菩提豈異事
乎 正是當人本覺心也 大經亦云 欲
知如來大涅槃者 當須了知根本自性
若人深信此語 忽然又顛則 即知自心
中 無量妙義 百千三昧 本自具足 分

毫不謬 此是正信心也 三世聖賢出現
於世 無言語中 而起言說 正謂此耳
太古南遊求法時 幸遇斯警訓 將歸本
土 意欲廣宣流布 利國利人有年矣
今有勝士明會 發大誓願 鑲板印施
俾國人一見一聞 皆結勝因 畢竟同成
無上正覺 此斯警訓之大義歟
太古和尚語錄 下終

附錄

石屋和尚書

記七月間 長老不憚萬里崎嶇 求決已
事 來余峰頂 此時相見 老僧無一法
可說 長老無一字可聞 是真相見 若
有毫端許言之 本末皆爲見刺 此是從
上古人相見底道理 長老當自保養 轉
示將來 是隨邪見 臘月十七日 海門
洪長老來山 喜聞長老 已回大都 不
審歸鄉 去留如何 便中略此記達 萬
萬以大法爲重 是禱是禱 至正丁亥臘
月廿九日 湖州霞霧山石屋 長老納清
珙 手啓太古愚長老

上石屋和尚書

弟子高麗國重興禪寺普愚 九拜謹啓
本師霞霧山石屋大和尚座下 自八月

一日爲辭 無日不瞻企 善路行行 十
月十五日 回大都 囊維稍露 諸山碩
德 朝廷大臣 奏聞聖旨 住持永寧
禪寺 十一月廿四日 太子千秋令 晨
賜金闥拂子若香 天使令嚴諸方四衆
僅百千萬人 擊鼓圍繞 不得已陞座
首燕祝釐之香 次爲老和尚 拈出懷香
一瓣 開演宗乘 扶揚末法 此豈法乳
之大恩也哉 不敢不告 家醜一場 狼
藉卑辭 謹以寫呈 某願明春再參終
身服勤 蠶業緣所拘 不果歸鄉 一依
所教 隨分二利 不賤賣佛法 以至後
來 不斷種子 然此豈獨吾之所能正
是佛佛祖祖 本願提持也 向者遇謁和
尚 所以嗣承大事 此日奉詔開堂 亦
有其使 然豈敢以拙言 了陳鄙懷 伏
唯照詳 重復再拜 祝願本師大和尚
起居萬福萬福 鄉人有便 慈悲垂問
以慰區區

①「什」下有「憂」字。②「今」無有也。③「夙」作「宿」字。④「明」無有也。⑤「可」上有「而」字。⑥「憫」作「悲」字。⑦「無」作「天」字。⑧「當」無有也。⑨「下」補入也。⑩「聞」作「問」字。⑪「隨」作「道」字。⑫「室」作「事」字。⑬「晨」作「辰」字。⑭「擊」作「聲」字。⑮「憫」作「憫」字。⑯「來」作「生」字。

石屋和尚答書

啓復別後 老病日增 掩關自養 苟遭朝夕 戊子十月十三日 忽淨慈專人遙至長老書 誦聞 且知太古 時緣俱稔 諸山宿德 大臣宰官 奏聞聖旨 住持永寧禪苑 開堂演法 光揚宗教 此乃長老 情真契聖 行實感人 豈偶然哉 又知開堂日 辦香爲老拙拈出 且拙者退席從閑 少歇狂妄耳 焉敢妄想爲人之師 今長老乃如是 豈非多生緣契也 然而出世爲人 要以本分事 激引來蒙 慎勿以機境上 遞相狐媚 大家草裏 輟斯何圖哉 當自勉旃 果能如此 始終不異 則皇恩佛恩 一時報畢 吾復何言 路途雖千萬里之遙 由目擊耳 老倦 具答不謹 可恕可恕至正八年十一月初七日 霞峰石屋啓復

大都諸山長老告朝廷請開堂疏

道非弘人 人能弘道 是故佛佛授受 祖祖相傳 禪燈無窮 慧命不絕 今太古庵悉宗門可者 於一機上 豁明星眼 尋往南方 湖州霞霧山 謁石屋和尚 和尚一見如舊 便知其器 以本分手段

不錘成金 一印印破 太古放下重擔

決返擲機 佩印還都 若不是上根鳥

能你也 光現祖燈 重與佛日 只在皇

天臣僚 伏望大檀越 身心正直 稱揚正

法 福利皇圖者 切以少林室九年默神

光斷臂寬心 石屋堂半月談 太古放

身卸擔 古聖今聖之榜樣 先祖後祖

之規模 不犯機絲 透脫關捩 兩行書兩

家影 爲血脉之連枝 一條杖一領衣 但

法印之標信 奚一世之罕遇 實萬劫

之難逢 雪巖風及菴寒 天湖月太古色

上國皇天之德望 於斯益高 本朝人寰

之喜心 夫復何語 擁護是神部諸將

弘揚實帝王大臣 扣擊玄關 疏通密

意 所冀金輪共法輪常轉 初阜民康

聖日將佛日恒明 河清海晏 和南謹疏

開堂榜 江西袁州路清泉山延壽禪寺長老善南詢仲作

大元國大都永寧禪寺 伏值太子千秋

令晨 欽奉聖旨 高麗國重興萬壽禪

寺住持太古和尚 開演宗乘之榜 右伏

以五色雲車駕彩龍 式瞻瑞氣 一縷香

烟騰法界 大振雷音 花雨繽紛 風雲慶

會 大地拔山河之秀 一陽甦草木之萌

杖屨南詢 行役豈勞於萬里 因緣北就

闡揚方遂於平生 老石屋針芥相投

太古菴鉗鎚本分 稱師據位 豎拂降魔

水陸霑潤澤之功 人天協歡騰之勝

書同文車同軌 共榮升平 河出圖洛出

書 咸譎治化 一人有慶 萬福攸同 右

恭惟三寶洞知 龍天昭監 至正七年丁

亥十一月二十四日

高麗國師大曹溪嗣祖傳佛心印

行解妙嚴悲智圓融 贊理王化扶宗

樹教大願普濟一國 大宗師摩訶悉

多羅利雄尊者諡圓證行狀

門人維昌撰

賢劫第四尊大覺能仁五十七代孫人天

師者 曰三韓兩朝國師利雄尊者 諱

普愚 始名普虛 號太古 姓洪 洪州人

考諱延 世家揚根 以師貴 贈開府儀

同三司上柱國門下侍中判吏兵部事洪

陽公妣鄭氏 贈三韓國大夫人 夫人

①專作傳電。②苑在院電。③能作

「然電」。④具在且電。⑤假作露一電。

⑥大作燕電。⑦榜作榜電。⑧奚作

一電。⑨養作豐一電。⑩歡作昇一電。

⑪諱在朝電。⑫諱無有電。

夢日輪貫懷^① 因而有娠 以大德五年辛丑九月二十一日生 師幼而穎悟 氣骨神俊 相者謂之法王兒 年甫十三投檜巖廣智禪師 薙髮 未幾訪道於迦智下叢林 十九參萬法歸一話 衆莫知焉 性倜儻 語谷應 同梵忌之 旋棄去 倡佯自若 二十六歲 寅緣入華嚴選既中探索經義 窺其壺奧 一日嘆曰 此亦空蹄耳 古之大丈夫 其所立卓你豈幽莽爲哉 予獨不夫乎 即斬斷衆緣 苦硬清約 工夫日進 天曆三年庚午春入龍門山上院庵 禮觀音 發十二大願 竭誠滌肺 泣涕潸然 自後伶利現前 如一口劍 元統改元癸酉秋 寓城西甘露寺僧堂 慨然奮曰 氣質孱懦 大事未辦 不如死於苦行 改頭方畢 乃端坐七日 至夕假寐 有青衣二童 或攜瓶 或擎杯 細斟白湯以勸 師接飲則甘味 既而忽然有省 作頌八句 佛祖與山河 無口悉吞卻 其末句也 一^② 不得家石 回看後院跡 看者亦已^③ 了^④ 至^⑤ 陀文之^⑥ 後 傳相與山^⑦ 無^⑧ 至^⑨ 元丁丑秋 在佛脚寺 獨占一室 看圓覺經 至一切盡滅 名爲不動 所知剝落 靜也^⑩ 動也^⑪ 一^⑫ 無^⑬ 落^⑭ 無^⑮ 後忽舉地州無

字話下口不得 如嚼鐵團 薦向鐵團處^① 崖去 冬十月 蔡中菴以第北梅檀園爲諸靈蓄異 可以助道之地 請結冬師於是 到寢寐一如之境 尚猶無字上破疑不得 如大死人焉 至戊寅正月七日五更 豁然大悟 當下有頌 打破牢關後 清風吹太古 其結句也 趙州古佛老吹毛觀面提 過身無孔礙 孤電絕纖纖 翻身脫子露 打破牢關後 清風吹太古 菴相見 下數語 菴江謝曰 佛法驗矣 菴問向^② 甚處見趙州 師云波前水後^③ 中之以信曰 古謂寒泉水 一口飲即吐 却流成波上 趙州曾言 是後諮詢不已 卒然問曰 雪山牧牛事如何 師接聲答八^④ 句 拾得笑呵呵 寒山張大口 其落句也 肥氣葉葉軟 一^⑤ 嚼甘不老 要傾則便傾 要倒則便 盛夏暑氣退 要冬春倒拾得笑呵呵 寒山張大口 相與話別 長揖而去 任緣山水間 有雲山青^⑥ 春二吟 三月還楊根草堂 侍親也 嘗看千七百則公案 至巖頭密^⑦ 啓處 過不得 良久忽然捉敗 冷笑一聲云 巖頭雖善^⑧ 財不覺露^⑨ 衣^⑩ 又云 會得末後 其二十年苦心 於是乃歇 師年三十八矣 已卯春辭^⑪ 往逍遙山白雲菴 高閑疎野 自樂天常 作白雲歌一篇 有寄僧無礙^⑫ 杭海而至 宏才博辯 勘破諸方 一日與師偶話 肅然心服曰 某甲所見^⑬ 止此

耳 焉可企也 南朝有臨濟正脉不斷可往印可 某某與某爲唱^① 道師 某某與某爲本分作家 在某山 待其人久矣 其所謂作家者 蓋指臨濟直下雪巖嫡孫石屋珙等數人也 師聞而悅之 越至正元年辛巳 欲往^② 南也 時蔡侯河冲金侯文貴 欽師風槩 邀^③ 致于三角山重興寺 玄學雲臻 而寺幾陀然 師乃率顯厥衆 謀諸二公 豐其材壯其屋 襟懷帶巖 鬱爲叢林 土田增闢 百廢具興 謂師爲重新祖者是邪 是已小東而占松巖 結蘭若 扁曰太古 瀟洒邁越 發爲長歌 冷冷然雅調彌高 知音 蓋寡有時松聲 自和而已 如是者霜將五矣 丙戌春 入燕都 寓大觀寺 道譽聞于天子 冬十一月二十四日 太子令辰天子請演般若 丁亥四月 聞竺源盛禪師在南巢 往則逝矣 其門人弘我宗

① 四三有^① ② 綠在^② ③ 可下有^③ ④ 一^④ ⑤ 通水同^⑤ ⑥ 學在^⑥ ⑦ 結上有^⑦ ⑧ 師^⑧ ⑨ 項下有^⑨ ⑩ 日^⑩ ⑪ 甚下有^⑪ ⑫ 聚^⑫ ⑬ 中作^⑬ ⑭ 申^⑭ ⑮ 春作^⑮ ⑯ 山^⑯ ⑰ 閣下^⑰ ⑱ 宣德山^⑱ ⑲ 對^⑲ ⑳ 作^㉑ ㉒ 作^㉒ ㉓ 作^㉓ ㉔ 作^㉔ ㉕ 作^㉕ ㉖ 作^㉖ ㉗ 作^㉗ ㉘ 作^㉘ ㉙ 作^㉙ ㉚ 作^㉚ ㉛ 作^㉛ ㉜ 作^㉜ ㉝ 作^㉝ ㉞ 作^㉞ ㉟ 作^㉟ ㊱ 作^㊱ ㊲ 作^㊲ ㊳ 作^㊳ ㊴ 作^㊴ ㊵ 作^㊵ ㊶ 作^㊶ ㊷ 作^㊷ ㊸ 作^㊸ ㊹ 作^㊹ ㊺ 作^㊺ ㊻ 作^㊻ ㊼ 作^㊼ ㊽ 作^㊽ ㊾ 作^㊾ ㊿ 作^㊿

月東白 將盛三轉語 度師其一曰出家學道性在什麼處其一曰三千里外定一語說對面因甚不相識其一展兩手云此是第一句還我第一句請下話 師若接而晒 若晒而應一偈透三關日坐斷古佛路大開師子吼還他老南巢手脚俱不露不露也明如日不隱也黑似漆我來適西歸餘毒苦如蜜 二人齊出禮謝曰 此方納子幾千萬箇 到此三關 摠不奈何長老始與老和尚相見也 願許小留 師辭 且曰吾涉遠道 要見其人 人在何處 二人曰 先師嘗言 江湖眼目 只在石屋 時方七月 師拂衣向湖州霞霧山到天湖菴 果見所謂石屋和尚 煙霞道貌 峻峻如也 師具威儀卓然於前 屋開眼示之 師亦開眼對之 設禮而退 明日詣方丈 通所證 且獻太古菴歌 屋奇之 姑試之曰 子既經如是境界 更有祖關知否 曰何關之有 屋曰據汝所得工夫正而知見白矣 然宜一一放下 若不爾也 斯為理障 碍正知見矣 師曰放下久矣 屋云且歇去 又明日具儀而前 屋云佛佛祖祖 唯傳一心 更無別法 迺舉馬祖令僧問大梅常因緣云 纔有些子光明 以為實者 墮在光影裏 作活計矣 故從上諸祖 見此人病無 其奈何 於清平境上設關云

縛耳 若真正徹去 盡是閑家具也 且子於無人之境 奚辨得歧路 若是其明乎 師云佛祖垂示方便 具在故也 屋云良哉 非宿植正因 亦未免罹邪網矣 老僧雖在窮山 常設祖門 待你兒孫久矣 師云善知識者 浩劫難逢 誓不離左右矣 不覺拜手 屋云老僧亦要與你同甘寂寞 恐他日無去路 於法值難不如留半月 相與打話 而歸之得也 然其道話 未之得考 其存而可考者 宜具錄之 師之歸也 屋申之以問云何是日用涵養事 云何是向上巴鼻 師答瓶瀉趨而前曰 未審此外 還更有事否 屋愕然曰 老僧亦如是 三世佛祖亦如是 長老說別有道理 烏得無說 師作禮云 古有父子不傳之妙故爾耳 弟子何敢辜負和尚大恩 頓首叉手 屋呵呵大笑云 長老汝之三百六十骨節 八萬四千毛孔 今日盡打開了 老僧亦七十餘年做作家事 喫你奪了也 又曰老僧今日 既已放下三百斤 擔子 送你一擔了 且展脚睡矣 師亦留一留 壁跋所獻歌以授 乃問牛頭未見四祖時 因甚百鳥啣花 曰富貴人皆仰 曰見後因

甚百鳥啣花竟不得 曰清貧子亦疎 屋又問 空劫已前 有太古耶 無太古耶 曰空生太古中 屋微笑云 佛法東矣 遂以袈裟表信曰 衣雖今日 法自靈山 流傳至今 今附於汝 汝善護持 毋令斷絕 拈拄杖囑云 是老僧平生用不盡的 今日附你 你將這箇 善為途路 師拜受 啓云 即今不問 末後如何 屋云智過於師 千載難逢 若遇箇者 即當分付 只貴從上佛祖命脉不斷耳 師拜辭 而尚有眷眷之色 屋施從數十步 喚云 長老 我家中本無別離 莫作別離看 好若作別 不別便不是 勗哉勗哉 師唯唯而退 八月哉生而發 湖十月既望而抵燕 神遊大方名播中原 時永寧寺長老如鐵缸 功德主院使郭木的立請歸本寺 南北兩城諸刹長老等 賁疏通告 右丞相禿兒赤 宣政院使闊闊思八 奏

① 論在語。② 一下有。③ 不。④ 人。⑤ 其。⑥ 云。⑦ 耳。⑧ 其。⑨ 之。⑩ 思。⑪ 思。⑫ 思。⑬ 思。⑭ 思。⑮ 思。⑯ 思。⑰ 思。⑱ 思。⑲ 思。⑳ 思。㉑ 思。㉒ 思。㉓ 思。㉔ 思。㉕ 思。㉖ 思。㉗ 思。㉘ 思。㉙ 思。㉚ 思。㉛ 思。㉜ 思。㉝ 思。㉞ 思。㉟ 思。㊱ 思。㊲ 思。㊳ 思。㊴ 思。㊵ 思。㊶ 思。㊷ 思。㊸ 思。㊹ 思。㊺ 思。㊻ 思。㊼ 思。㊽ 思。㊾ 思。㊿ 思。

聞天子適丁太子令辰資政院使奏金剛吉奉御香大醫院使本的立宣政院同知列刺元資政院同知定住法華官人答刺海等欽奉聖旨開堂于所建之寺帝師正宮皇后二宮皇后太子皆降香幣師披二宮皇后所獻金闕大振雷音云凌爲世子加嘆久之曰小子若新政於高麗則當師吾師矣戊子春師東還錫錫重興寺夏制滿欲豁光道過迷原莊有老吏善大其名者跪泣遮留師與吏尋流到龍門山北窺有青林深秀非煙掩映乃相山結茅額之曰小雪與世邈然若將終身焉有山中自樂歌一篇壬辰春玄陵遣大護軍孫襲徵之師不應尋再遣襲強而後起玄陵邀宮中請譚玄清音流入環聰天頗有變曰願屈德於敬龍寺師應命玄陵若曰德哉迷原莊吏知師貴奉之惟謹乃革莊爲縣命賢司平于時京城士女食師法音奔走禮拜既徂一夏師知國之有機變辭退入小雪山俄日新亂作丙申二月遣門下評理韓可貴請師師臥益堅申命判典校李挺師不屏雲蹤三月初六日勅有司以

衆寶嚴師子座請開堂于奉恩寺禪教俱集玄陵奉太后率天眷以臨獻滿繡袈裟金樓泥師壇水精念珠沉香拂子及餘服用師陞座大開師子吼御手行囉先是聞于天子賜雜色段疋袈裟三百事是日領儀福田象筵之盛古所未有玄陵願金宇大藏師助震懾以所獻金爲經財不歸私貯望雲有巖叢之志上書乞歸玄陵曰寡人宿慕和尚道風願母奪寡人之志師不留則倍道矣四月二十四日封爲王師是日久旱而雨玄陵大悅曰王師雨翰林皆獻賀章師不有歸之上不數日有敕立府於廣明寺曰圓融置僚屬長官正三品以金玉器之百用俱備是時洪州登爲牧蓋旌尊德之至也然師之恬淡於我如浮雲玄陵邀請曰世俗之語恐塵法王之鑑然隨機曲應是聖者之能事姑有所問師曰惟命之從玄陵曰爲國何如師曰只這睿聖仁慈之心是萬化之本出治之原請迴光一鑑而又時之蔽數之變尤不可不察昔祖聖會三歸一垂裕後昆者賴佛法之力也是故開半千禪刹

弘揚祖道龍天祐之祖佛加之或曰本京是三陽之地禪爲一本配陽之德而九爲三陽數故以九祖之道可以裨之若夫九山衆學各作其隊規會演福明堂之地敷暢厥猷則天祥降地蝦生矣你後如其言尚矣雖然今也九山禪流各負其門以爲彼劣我優開闢滋甚近者益之以道門持矛楮作落離絲是傷和敗正噫禪是一門而人自關多門爲在其本師平等無我之道列祖格外清歡之風先王護法安邦之意也此時之蔽也而九爲老陽一爲初陽老而衰也理之常而又立都之時九山之來既久不如反其初爲新陽之爲愈也此數之變也當是時也若統爲一門九山不爲我人之山山名道存同出一佛之心水乳相和一槩齊平於是乎俾百丈大智禪師禪苑清規

① 欽三無有也。② 所獻三無有也。③ 玄上有「時」也。④ 加作「嘉」也。⑤ 跪作「號」也。⑥ 青三無有也。⑦ 身三無有也。⑧ 邀下有「入」也。⑨ 謹作「勤」也。⑩ 士女無有也。⑪ 師無有也。⑫ 挺下有「又請」也。⑬ 嚴作「嚴」也。⑭ 金三壇無有也。⑮ 囉作「親拜」也。⑯ 段作「殺」也。⑰ 母作「海母」也。⑱ 品下有「以上」也。⑲ 旌下有「海母」也。⑳ 之上有「處」也。㉑ 陽下有「之」也。㉒ 會作「令」也。㉓ 稱作「音」也。㉔ 蔽作「弊」也。

惠陶流潤 其日用威儀精嚴真淨 衆請以勤鐘魚以時重興祖風而五教各以其法弘之 以奉福萬歲聖祚延而佛日明矣 豈不暢哉 然而嘗觀王氣在此都以復古初全盛之時 難矣哉若南遷漢陽行向所陳之言 自然化孚六合 澤被萬靈矣 立陵曰 大哉言乎勅戒左右 從而行之 不幸諛諛間作師之志未滿 唯緇林鬱鬱耳 其扶宗教贊王化之名之實如是 丁酉二月師知幾如神 作偈乞骸 宸衷益懇 師抽身入小雪山 玄陵知師志 送法服印章于師所 時有古潭寂照玄明禪師 哲人也客迷原隱聖寺 看太古歌 頂戴而加嘆 參訪小雪 師方重腿 古潭熟視曰 師豈不是勞瘵也 師曰是 潭曰請放下勿慮 師曰諾 乃命侍者 過金欄禪棒來附之曰 野狐兒便打殺 師子兒則長養潭跪受披衣 拈棒鶚立 喝一喝 齊聲作打勢 師曰天然有哉 潭禮拜而退已而師疾愈 戊戌奉玄陵勅 修城郭師上書密告紅賊之記 己亥秋 師觀苞桑之象 入彌智山 預構草堂 曉諭凡民曰 可作逃難之具也 辛丑十一月

賊陷京 應前所記 玄陵駕幸安東師在嘗所結 搆土人賴以避亂 壬寅春賊敗是年秋行在在清州 遣使下錫陽山 師蒞衆 蚤夜吃吃 皆輟舊而重新 田莊復舊 魚鼓鳴焉 癸卯正月大駕還京 遣成均祭酒韓 載 移迦智寺大闡宗風 時辛屯 假僧裝 龍幸詣談賢良重足 師慨然思危 上書論屯曰國之治 眞僧得其志 國之危 邪僧逢其時 願上察之遠之 宗社幸甚 後屯冒據阿衡 發朝臣 師以遯事不言 逮丙午冬 知屯 薑毒 還印章辭位 入兜率山 雲遊至全州普光寺 寓錫 戊申夏屯流言 欲置師死地 陰謀詭計 無所不至 其言甚急 玄陵不得已從之 屯用事 錮于俗離山 師木食 怡然無怨色 一夕起定曰 死矣夫 辛屯可憐愍者 己酉三月 玄陵悔之 遣僧錄司員惠琪 請還小雪 洪武四年辛亥七月辛屯覬覦非分 玄陵誅之曰 我師豈妄語哉 命禮部尚書洪尙載 內侍李椿備禮進封國師 加法號而楊恨師之母鄉 本益和縣 陞之以郡焉 於是請住瑩原寺 師以疾辭 有旨遙領寺事者七

年 八十冬 庚子上命 始至寺居一年而還 辛酉冬 移陽山寺 入院之日 上再封國師 先君之思也 壬戌夏 師曰 歸歟 歸歟 即還小雪 衆罔測 是年池蓮枯 八松四株槁 冬十二月十七日示寂 庚子二十三日 召門人曰 明日酉時 吾當去矣 可請知郡封印 時李陽生守楊根 師口占遺奏 并與宰樞辭世狀 凡六通 翌日味爽 沐浴更衣 時至端坐 寢榻曰 人生命若水泡空 八十餘年春夢中 臨終如今放皮帛 一輪紅日下 西峰 聲盡而逝 壽八十二 臘六十九 計聞于上 上命內侍典農副正田沮降香致聘以禮 闡維于方丈之前 其夜光明燦天 舍利無算 或舉顛骨 昱如星羅 癸亥正月十二日也 田沮進百粒于內 上益敬重 命攸司 諡曰圓證 樹塔于重興寺之東峯 曰寶月昇空 以厝靈骨 門人長老者 僉曰吾師雖逝 舍利在世 烏忍草草 與其衆 勞筋骨 慘

①對「勸」一也。②「福」無有也。③而「無有」言次同。④在「上」有「不」也。⑤之名無有也。⑥「哲」作「浙」也。⑦「古」無有也。⑧「奉」作「春」也。⑨「構」下有「之草堂」也。⑩「吃吃」作「吃」也。⑪「載」作「載」也。⑫「蓋」作「蓋」也。⑬「即」無有也。

目傷心 伐石爲鍾 藏舍利者凡四所
曰陽山 曰舍那 曰青松 曰太古菴 而
又塔于小雪山云 師平時 喜營菴利
人數者幾一十所 增損地理 出自生知
慈悲警衆 發於天性 然其正令也 門
風高峻 學者難湊 惟鴻名碩德 多歸
之 其推爲上首輩者 曰幻菴和尚 今
爲國師正辯智智雄尊者 曰古樗和尚
今爲王師妙辯智圓尊者 其服應悠
久 督身後大事者 曰哲峰和尚 旣
禪傑 恐煩不書 維昌 竊伏惟 師之爲
人有如扶桑暍日 照于六合 入于蒙
谷然 曰何謂也 彼天之日 高則高矣
明則明矣 其生也入夢 其住也曰曠陽
其終也下西峯 奇歟 異哉 是何瑞也
智日之晦明 可以徵也 至若標以神光
表以舍利者 其必曰寶月昇空之驗也
歟 其謚圓證 是天與之歟 人與之歟
嗚呼誠哉 又自唯 師是一國之師 非
吾所私 而維昌 宵中慧闕 筆下談鈍
藉其不腆之文 以記巍蕩之德 實可叨
覲 然濫登高門 職在秉筆 無辭以辭
而況義之所在 讓非所容 掇其萬一爲
行狀 以備采覽焉

洪武十六年癸亥十月 日 謹狀

高麗國國師大曹溪嗣祖傳佛心印
行解妙嚴悲智圓融贊理王化扶宗
樹教大願普濟一國大宗師摩訶悉
多羅利雄尊者謚圓證塔銘 并序

推忠保節同德贊化功臣三重大
匡韓山府院君領藝文春秋館事
臣李穡奉教撰

前奉朝大夫判典校寺事進賢館
提學臣權纘奉教書 丹井家額

上之十 六年正月十日 左代言臣仲容
傳旨若曰 國師太古浮圖 汝其銘之
巨謹案 國師諱普愚 號太古 俗姓洪氏
洪州人也 考諱延 贈開府儀同三司上
柱國門下侍中判吏兵部事洪陽公 妣
鄭氏 贈三韓國大夫人 夫人夢 日輪
入懷 既而有娠 以大德五年辛丑九月
二十一日生師 師成章 穎悟絕倫 十
三投檜巖廣智禪師出家 十九參萬法
歸一話 元統癸酉 寓城西甘露寺 一
日疑團剝落 作頌八句 佛祖與山河
無口悉吞却 其結句也 後至元丁丑
師年三十七 冬寓梅檀園 參無字話

明年正月初七日五更 豁然大悟 作頌
八句 打破牢關後 清風吹太古 其結
句也 三月還揚恨草堂 侍親也 師嘗
看千七百則 至巖頭密啓處 過不得
良久 忽然捉敗 冷笑一聲云 巖頭雖
善射 不覺露濕衣 辛巳春 住漢陽三
角山重興寺 卓庵於東峯 扁曰太古
傲永嘉體 作歌一篇 至正丙戌 師年
四十六 遊燕都 聞竺源盛禪師 在南
巢 往見之 則已逝矣 至湖州霞霧山
見石屋洪禪師 具陳所得 且獻太古庵
歌 石屋深器之 問日用事 師答訖 徐
又啓曰 未審此外 還更有事否 石屋
云 老僧亦如是 三世佛祖亦如是 遂以
袈裟表信曰 老僧今日 展脚睡矣 屋
臨濟十八代孫也 留師半月 臨別 贈
以拄杖曰 善路善路 師拜受 廻至燕
都 道譽騰播 天子聞之 請開堂于永
寧寺 賜金襴袈裟沉香拂子 皇后皇太
子降香幣 王公士女奔走禮拜 戊子春
東歸 入迷源小雪山 躬耕以饗者四年

①山無有也。②歸無有也。③昇作異
也。④門作山也。⑤此上底本有碑銘三
字 編者除之。⑥丹井作并丹也。⑦六作
二也。⑧圖作居也。⑨已無有也。

漆原府院君尹桓 領三司事李仁任 判門
下崔瑩 門下侍中林堅味 ① 守門下侍中
李汝林 判三司事李汝桂 鐵坡府院君李
濟三司左使兼參知贊政事高仁烈 延興
君朴彤 開城君王福命 ② 上黨君韓蔽 門
下評 ③ 理潘益淳 政堂文學李仁敏 金海
君金師幸 密山君朴成亮 知申事廉廷秀
典工判書崔敬萬 金海府使李希桂 三韓
國大夫人李氏 比丘尼妙安 典工判書金
仁貴 碑身高七尺五寸 幅三尺五寸五分 字徑
九分 銘書篆額字徑三寸二分 在京畿道
高陽郡神道面
北漢里太古寺

右圖國師語錄 侍者所紀也 其譚辯之
迅利 義理之宏闊 有非俗士所敢擬議
因竊伏念玄陵在位 特邀師于小雪山 張
皇佛事 以爲太平之觀 今錄中所載 即
當日陞座所說也 憶與先友金仲賢 挾冊
從僧游 師一見仲賢 愛重之 余亦因之
數往謁焉 實至正丙申夏也 厥後玄陵捐
群臣 圓證下世 而吾仲賢 亦已不幸矣
自丙申至今洪武丁卯 蓋三十又二年矣
今觀此錄 不覺愾然 純忠保節 生命功臣
大匡門下 評理右文館大提學 知春秋館事
兼成均大司成鄭夢周跋

①「守」無有也。②「上」蓋言韓賊「無有也」。③「埋作」儀一曰。④「跋」底本作「序」。此跋文。宋本在卷一。蓋移置於此。